



ONALE

8

— D

7

VITT. EMANUELE

ROMA





D. R A D V L P H I

ARDENTIS PICTAVI,
DOCTORIS THEOLOGI

perantiqui Illustrissimi Aquitaniz Ducis Gu-
lielmi, Concionatoris dieriss. in Epistolas &
Euangelia Dominicalia, Homiliz, Ecclesiasticis

omnibus plurimum necessariz, & ante

annos propè quingentos ab Au-

ctore conscripæ, nunc pri-

mum in uicem

editæ.



ANTVERPIÆ,

In ædibus Petri Belleri.


M. D. LXXVI.

Cum Gratia & Priuilegio.

D. R. A. D. V. L. P. H. I.
 ARDEN'S HISTORICAL
 DOCTOR'S THEOLOGICAL
 TRANSLATIONS, &c.
 LONDON: Printed by J. DODD, in Pall-mall.
 1795.

Regia Maiestas permisit, vt
Homiliæ Radulphi Ardentij Doctō-
ris Theologi perantiqui impunè im-
primerentur, perque omnes regiones
suas liberè distaherentur, veluti pa-
tet in literis ab eadem Maiestate con-
cessis, & subsignatis,

Facuwez.



ALL RIGHTS RESERVED.
In a...
M. LXXVI.
...
...

REVERENDO PATRI
IOANNI COVVCIO, ABBATI
MORIMUNDI, AC DOCTORI

Theologo Parisiensi, Claudius Frémý

salutem & pacem per Christum

semper exoptat.



Compertum habes (Abbas prudentissime) quantus his nostris depravatis temporibus scripturientiū sit pruritus, quantaq; scribendi luxuries & affectatio, ut magis de religione nostra Christiana, eos mereri existimem, qui antiquorum Patrum libros divino spiritu afflatos, caris & vetustate consumptos, transcribunt, repurgant, emungunt, suo candori restitunt, atq; in lucem curant emittēdos, quā istos, qui philautiae spiritu rapti, non sine magna nostrorū hominū iactura, suas fuitiles, vanas, ac interdū noxias p̄nias & quæstiones (quæ lites generat) obtrudunt: quum interim nihil nisi à veteribus prius dictum, verborum tantū ampullosa libertate absq; sententiarum vlllo pondere, nobis proponat. Quocircā cum plurimos veterum libros à blattis & tincis repurgādos suscepissem, maximē autē intellexissem has doctissimi Radulphi Ardētis Homilias ante quingētos annos apud suos habitas nō paucorum, eorumq; Doctorum ac piorū hominum calculis comprobari, omnē laborem ac studium in his transcribendis, p̄zloq; committēdis adhibui. Iis etenim quo pacto iustitiæ sese assuefacere quis debeat, continetur: Docet quippē no-

EPISTOLA.

ster Ardens unicuique suum esse reddendū: ut-
 potè Deo religionē, nobis munditiā, parentibus
 honorem, domesticis providentiam, maioribus
 obedientiā, minoribus gubernationē, æ qualibus
 societatem, bonis dilectionem, malis correctio-
 nem, oppressis misericordiam, omnibus autem
 æquitatem. His denique Homiliis instruimur
 quo pacto dilectio proximi sit cōservanda. Quæ
 (ut nostri Ardentis verbis utar) Deū nobis red-
 dit propitium, proximos benevolos efficit, ini-
 micos reconciliat, diabolum superat, malū igno-
 rat, aduersa æquanimiter portat, prospera sapien-
 ter temperat, omnia communicat, & nunquam
 excidit. Quod mecum reputans, lubenti animo
 illas edendas curavi, ut populus Christianus &
 Catholicus in illa vnione, charitate, & dilectio-
 ne, quam à parentibus antiquis accepit, perma-
 neat: tum ut tanti auctoris scriptis hæ nostri se-
 culi sectæ ac dissentionis pestes, quæ indies, ma-
 gis ac magis pullulant, radicitus euellantur. De-
 creui autē me tibi antiquitatis & pietatis aman-
 tissimo, illas credere, ut harum patrociniū sus-
 cipias. Quod si egeris, quæ restant illius Arden-
 tis opera breui accipias. Seruet te Deus Opt.

Maxim. Abbatum decus, Ecclesiæ suæ
 sanctæ multo tempore incolu-

men. Vale. Parisiis

Nonis Maij.

1564.

AVCTO.

AVCTORIS VITA
EX EIVSDEM LIBRIS
EXCERPTA.



Radulphus Ardens Pictauus, viculo qui vulgò (Beau-lieu) dicitur, in agro Berchoratum, quorum Plinius meminit libro.4.cap. 19. claris parentibus & perquam nobilibus ortus: subinde à pueris libris operam dedit. In quibus (vt erat ingenij ardentis) ita profecit, vt ante tricesimum suæ ætatis annum, Doctoris Theologi assequeretur gradum. Fuit in docendo in scholis promptus, & in declamando ad populum in templis (maximè in Ecclesia cui præfuit) assiduus, vnde celebrior factus, à Guilielmo quarto Aquitanorum Duce, in Curiam (vt de se scribit in Prologono) raptus, has Homilias inter arma descripsit, dum interesset Principi à conciliis & concionibus. Scripsit sermone equidem dulci atque facundo.

Item grande opus, quod Speculum Ar-

A 3 dentis

dentis inscripsit, quatuordecim libris distin-
ctum. Habetur Berchorij in bibliotheca
Franciscanorum, nondum typis excusum.

Item epistolarum lib. 2.

Item historiam sui temporis, nep̃e Belli
Godefredi de Buillon in Sarracenos, cui
assecla Ducis Aquitania interfuit.

Scripsit pleraque alia, ut ipse de se te-
statur in suo speculo. Floruit verò circa
tempora Philippi primi Francorum

Regis, ab Anno Domini

1040. usque ad

1100.

DOMINICA

DOMINICA PRIMA

ADVENTVS.



Ora est iam nos de somno surgere, &c.

His verbis, fratres charissimi, hortatur nos Apostolus, vt ad secundum filij Dei aduentum præparemur. Duo quippè sunt eius aduentus visibiles: primus præterit, secundus venturus est. Primus fuit in hu-

Rom. 13.

*Dno Chri-
sti aduen-
tus.*

mitate, secundus erit in maiestate. Primus fuit occultus, secundus erit apertus. Primus misericordiae fuit: secundus erit iustitiae. In primo venit iudicandus: in secundo veniet iudicaturus. In primo venit vocare peccatores per misericordiam: in secundo veniet reddere unicuique quod meruit per iustitiam. Ad hunc ergo vigilanter expectandum exhortatur nos Apostolus hoc modo: Primò monet nos surgere à somno. Secundò subdit causam quare citò surgendum sit. Tertiò ostendit quomodo ab isto somno surgatur. Monens ergo nos surgere, ait: *Hora est iam nos de somno surgere.* In quo fratres, considerandum nobis est, quis sit iste somnus, & quæ sit hora surgendi. Est autem somnus, triplex: Primus est naturæ, secundus mortis, tertius peccati. De primo dicit Poëta: *Quod caret alterna requie, durable non est.* De secundo dicit Apostolus: Nolo vos ignorare, fratres, de dormientibus, vt non contristemini, sicut & ceteri qui spem non habent, vocans mortuos dormientes: quoniam Deo non pereunt corpora nostra moriendo, sed mutantur in melius: quoniam quantum facile est alicui excitare dormientem, tam facile, imò facilius est Deo excitare defunctum. Vnde ipse Dominus ait, Lazarus amicus noster dormit, sed vado vt à somno excitem illum. De tertio legitur, Surge qui dormis, & exurge à mortuis, & excitabit te Christus. Vocat dormientes & mortuos qui in peccatis mortalibus perseuerant, & conuenienter, quoniam benè dormit, qui non sentit quàm malè dormiat. Sicut enim dormiens clausis oculis, non cauet ne quid sibi mali inferatur: ita dormiens in peccatis, clausis oculis rationis, non cauet sibi à gehennâ quæ ei

*Somnus
triplex, na-
tura, mor-
tis, & pec-
cati.*

*Corpora
nostra mo-
riendo non
pereunt,
sed mutan-
tur in mel-
lius.*

HOMILIAE

paratur. Ab hoc ergo peccati somno hortatur nos Apostolus surgere, dicens: *Hora est iam nos de somno surgere.* Porro hora est, alia tempestiua, alia sera, alia infructuosa. Hora tempestiua est, ut dū viuimus, dum valemus, dū peccare possumus, peccare cesserimus: vnde Apostolus, Operemur bonum fratres, dum tempus habemus. Hora sera est hora mortis. Vnde Augustinus, Age pœnitentiā dum sanus & securus es: quia pœnitentiā egisti, cū peccare potuisti: si verò vis agere pœnitentiā cū iā peccare nō potes, peccata te dimiserunt, non tu illa. Non negatur tamen hīc fratres, quin in fine verā possit consequi misericordiam, qui veram habuerit contritionem, cū scriptū sit: Pœnitentia quantumcūq; sera, nō est infructuosa. Et quacūq; hora, peccator ingemuerit, vita viuet. Sed quoniam vix vel raro in fine datur peccatori vera contritio: Alius enim exigentibus peccatis morte prœuenitur: alius ex grauitate infirmitatis amittit memoriā, alius loquelam, alius plus dolet temporalia nimis amata relinquere, quā peccata cōmississe, hinc contingit quod rari in fine verē pœniteant. Sed & si quis verē pœniteat, transcendendum tamen ei est per purgatoriū ignē, qui excedit omnē, quæ hīc sentiri possit, asperitatem. Hora verò infructuosa est pœnitere post mortem. Pœnitebunt quidem damnari in inferno, & valde pœnitebunt, sed illa pœnitentia non erit eis ad remediū indulgentiæ, sed ad augmentum pœnæ. Pœnitentes nanq; plangent & dicent, operari dum licuit, voluntas mihi defuit. Nunc voluntas tribuitur, sed facultas adimitur. Iraque fratres, dum licet pœniteamus. Et bona operemur dum dies est, quia venit nox in qua nemo potest operari. Tunc enim tempus erit non ferendi, sed metendi.

Sequitur pars secunda, in qua ostēdit Apostolus causam quare à somno peccati citò surgere debeamus: dicens: *Nunc enim propior est nostra salus, quā cū credidimus.* id est, quā cū ad fidē vocati fuimus. Ac si dicat: citò fratres, à somno peccati surgere debemus quoniā iam instat tempus salutis nostræ. Tempus autē, fratres, nostræ salutis est, vel dies mortis vniuscuiusq;, in qua anima induitur stola incorruptionis: vel dies Iudicij, in qua corpus cum anima, stola gaudebit immortalitatis. Hæc verò dies iam propē

*Hora tempestiua.
Hora sera.*

Hora infructuosa.

Dum licet pœnitendū

est: quoniam, & si dies iudicij quibusdam videtur remotior, tamen vnique dies mortis lux instat propinquior. Et in quo puncto quis exibat de seculo, in eo est iudicandus à Domino. Vnde Salomon: Vbicunque lignum ceciderit, siue ad austriũ, siue ad aquilonem, ibi erit. Surgamus igitur fratres, surgamus de fœce peccatorum nostrorum dũ possumus, quoniã iam aderit tempus in quo non poterimus. Nemo confidat de iuuentute sua, quoniam iuxta Euangelium quosdam Deus vocat in prima vigilia, id est in pueritia: alios in secunda vigilia, id est in iuuentute: alios in tertia vigilia, id est in virili ætate, alios in quarta, id est, in senectute. Nemo dicat, Cũ senex fuero, poenitentiam agam. Nam quis dedit tibi tantum spatium vitæ? Et quotidie pueri moriuntur: & si tu viuere non potes, hæc est senectus tua. Heu quàm multos subita mors præuenit. Et reperitur in lecto gelidus, qui modò sanus erat. Ideo enim fratres Deus nos mortis nostræ terminum ignorare voluit, vt semper timeremus, semper mortem expectaremus, & ad eam suscipiendam præparemur. Conuertimini igitur fratres, conuertimini dum licet. Nam differenti- bus hæc contingunt, quod aut à morte præueniuntur, aut à cupiditate impediuntur. A morte præueniuntur, qui antequam putarent, sine testamento & sine emendatione moriuntur: à cupiditate impediuntur, qui consuetudine cupiditatum impediti, nec in senectute corriguntur. Præparemur igitur fratres ad mortem, antequam veniat: & vincamus cupiditatem, antequam in consuetudinem dure scat. Vigilemus, quoniam nescimus diem neque ho-

*Nemo enim
fidere de-
bet in sua
iuuentute.*

Mat. 27.

hoc autem fit per poenitentiam, declinando scilicet à malo, & faciendo bonum: fugiendo vitia & sequendo virtutes. Itaque fratres, secundum præceptum Apostoli, abiciamus opera tenebrarum, & induamur arma lucis. Dicitur autem peccata opera tenebrarum triplici ratione, tum quia qui malè agit, odit lucem naturaliter. Vnde & primus homo post peccatum, se sub ficu abscondit. Tum, quonià peccata mentem excitant interiorius. Vnde Dominus, qui ambulat in tenebris, nescit quò vadat: Tum quoniam ad exteriores tenebras, id est, infernales, pertrahuntur. Econtrario, bona dicuntur arma lucis: Arma, quia per ea diabolus repellimus & expugnamus. Lucis, tum quoniam bene operans, non habet necesse sese recondere. Qui, & si ob humilitatem quandoque se recondat, si in opere reperiatur non habet unde erubescat: tum quonià mentem illuminat: tum quoniam ad lucem nos ducunt sempiternam. His itaq; fratres armis lucis induamur, & sicut in die honestè ambulemus. ut in nuptiis Christi cum nuptiali veste nos exhibeamus. Quæ verò sint opera tenebrarum enumerat Apostolus, dicens: *Non in conuersionibus, & ebrietatibus, non in cubilibus, & impudiciis, nò in cõsentione & emulatio-
ne.* Est autem commessatio, superflua, frequēs & luxuriosa epulatio, nec in mēsurā, nec in tempore, nec in modo, modum obseruans. Hæc fuit causa Sodomitis ut caderent in luxuriam abominationis. Hæc fecit Israëlitas manna fastidire: & malo suo carnes postulare. Vnde scriptum est, Adhuc escæ eorum erant in ore ipsorum, & ita Dei descendit super eos. Ebrietas est mentis alienatio, ex potu intemperato proueniens. Hæc virilia Noè nudauit, hæc Lot filiabus miscuit, hæc hominem à se alienat, officio membrorum priuat, in multa crimina præcipitat. Per cubilia verò hic intelligimus somnolentiam & torporem, quæ hominem emolliunt & enervant, & in vana, prauaq; desideria præcipitant: secundum illud Sapientis: In desideriis est omnis otiosus. Nam ubi desidia, ibi vana desideria. Sanè cibis & potus & somnus sumendi sunt cum temperantia, sicut medicamenta, loco, tempore, modo & mēsurā: & sic sumpta iuuant, alias nocent. Per impudiciam quoque intelligimus hic omnem luxuriam, quæ sit præter legiti-
mum

*Peccata di-
cuntur ope-
ra tenebra-
rum tripli-
t ratione.
Ios. 12.*

*Bona di-
cuntur ar-
ma lucis.*

*Opera te-
nebrarum.*

*Commis-
sio quid.*

*Ebrietas
quid.*

Cubilia.

*Impudici-
ria.*

num complexum; vt fornicationem, adulterium, moechiam, incoestum, Sodomiticam luxuriam. Amor etiam vsus propriæ mulieris intemperatus, crimen habet. Hæc autem quæ diximus quatuor vitia corporalia, tripliciter nocent; animam damnant, corpore infirmitates generant, res paternas dilapidant. Contentio verò est impugnatio veritatis, per confidentiam clamoris. Verum, vt ait alibi Apostolus, seruum Dei non oportet ligitare Si tua nihil refert, cede contendenti. Si verò refert, cum ratione age, contentionem fuge. Æmulatio est perversitas mentis de bono alterius dolentis, & de damno gaudentis. Hæc fratres, tantò nobis fugienda est, quanto plus est opposita charitati, quæ nouit gaudere cum gaudentibus, flere cum flentibus. Est autem quædam æmulatio bona; Æmulari, scilicet bonum alterius per imitationem. Vnde Apostolus, Æmulamini carismata meliora. Postquam verò Apostolus vitia à corpore, ab ore, & à mente iussit remouenda, iubet nos virtutes prædictis vitiis contrarias induere, dicens: *Sed induimini Dominum Iesum Christum*, id est, nouitatē eius cum scilicet imitando. Itaq; fratres, dum licet, cum omni celeritate vitia abiiciamus, & eorum virtutes contrarias induamus, abstinentiam, sobrietatē, & vigilantiam, castimoniam, pacem, charitatem sectemur: vt his ornati, Christo venienti ad nuptias securi obuicemus, vt cum eo in æternum regnare valeamus, ipso largiente (cuius aduentum hodie celebramus) Domino nostro Iesu Christo, qui cum Patre & spiritu sancto viuunt & regnat Deus, Amen.

*Contentio
quid.*

Æmulatio.

DOMINICA PRIMA ADVENTVS.

In *Initium Euangelij Iesu Christi filij Dei sicut scriptum est in Esaia Propheta, & reliqua.* Sicut audistis fratres charissimi, Marcus Euangelista, Euangelium suum incipit à præcursione Ioannis & quare hoc faciat statim in exordio reddit causam, cum dixit, *Initium Euangelij Iesu Christi, &c.* Facit itaq; tria: Primò dicit præmissionem Ioannis esse initium Euangelij, Secundò idem probat prophetica auctoritate. Tertiò demonstrat quomodo Ioannes Christo viam præparauit. Inchoans ergo ait: *Initium Euangelij Iesu Christi*, subaudis, hoc est, quod scilicet Ioannes ante Christum præmissus est. In quo fratres tria consideranda sunt.

Marc. i.

Quid

*Euange-
lium quid.*

*Non suffi-
cis fides si-
ne bonis
moris.*

Ioan. 5.

*Præro-
gatiua Evan-
gelii.*

Quid sit Euangelium : Et quare dicatur Iesu Christi filij Dei, & quomodo exordium à Ioanne habuerit. Est igitur Euangelium bona annuntiatio de fide & moribus ad salutem. Ostenditur autem in hac definitione vnde dicatur Euangelium, & de quibus sit, & ad quem finem ducat. Vnde dicatur, ostenditur per nominis Etymologiam.

Euangelium enim bona annuntiatio interpretatur, ab eu, quod est bonum, & angelos, quod nuncium dicitur. De quibus sit ostenditur, cum subiungitur de fide & moribus. Est enim Euangelium de fide trini & vnius Dei, & de mysterio incarnationis filij, & de cæteris articulis fidei, quæ in Symbolo continentur. Est & de moribus, id est, de doctrina rectè viuendi. Ad quem verò finem nos ducat, declaratur cum dicitur, ad salutem. Per fidem enim veram & bonam vitam ducit nos in salutem æternam. Nō enim fratres sufficit fides sine moribus bonis, nec boni mores sine fide. Fidem enim habet diabolus, sed non habet bonos mores. Et Gentilis aliquis vel Iudæus habet bonos mores, sed non fidem : & ita vterque reprobat. Sed si quis habet fidem & bonos mores, proculdubio ad salutem tendit. Et quæ, fratres mei quæ annuntiatio potest esse melior, quā annuntiare illa per quæ perpetua salus habetur. Itaque fratres, semper Euangelium & auribus captemus, & corde teneamus, & ore pronūtiemus, & operibus impleamus. Quid enim insanius quā contempto vitæ verbo : aures fabulis scurrilibus & detractionibus aperire? Quid insanius quā contempto Euangelio, bucolica carmina, Comoedias, & cæteras vanitates legere & docere? Talibus quippè veritas dicit, Qui est ex Deo, verba Dei audit, propterea vos non auditis, quia ex Deo non estis. Et quare Euangelium dicitur Iesu Christi filij Dei? Quia & si plures sint Euangelij scriptores, tamen solius Christi est Euangelium tanquam auctoris materiæ & promulgatoris. Ex eo nanq; & de eo, & per eum, habemus Euangeliū: vnde de Paulus Euangeliū, non ab homine, neq; per hominem, sed per reuelationem Iesu Christi se accepisse gloriatur.

In quo, fratres, super omnes doctrinas Euangelij prærogatiua demonstratur quæ non solum sua honestate & utilitate sublimatur, sed etiam dignitate auctoris, materiæ, &

pro-

promulgatoris Iesu, scilicet Christi filij Dei, commendatur. Exorsus est autem Ioannes Euangelium primus prædicare, quoniam ministerium Trinitatis & incarnationis præcedētibz obuelatū, apertè prædicauit: dum & agnum tollentem mundi peccata demonstrauit: Et super ipsum baptizatum, Patrem in voce, in columba Spiritum intellexit. Pœnitentiam quoque, & cœlorum regnum, antiquis *Ioan. 1.* inauditum prædicauit. Pœnitentiam, inquit, agite, appropinquauit enim regnum cœlorum.

Sequitur pars secunda, in qua probat Euangelista testimonio Prophetæ, præcursionem Ioannis, initium esse *Præcurso*
Euangelij: iuxta id quod Dominus in Euangelio ait, Lex *Ioannis*
& Prophetæ vsq; ad Ioannem, quasi diceret, A Ioanne *initium*
incipit Euangelium. Hoc ergo est quod ait Propheta lo- *Euangelij.*
quens in persona Patris ad Filium: Ecce ego mitto angelum meum ante faciem, id est ante præsentiam siue notitiam tuam. Sanè angelus, id est nuntius, tria facit. Domini aduentum præcedit, non suam, sed Domini auctoritatem gerit, non sibi, sed Domino hospitium parat, & honorem querit. Sic Ioannes aduentum Christi tanquam præcursor præcessit, iuxta quod angelus prædixerat de eo: Ipse præcedet ante illum in spiritu & virtute Elizæ. Non suam sed Christi auctoritatem prædicauit. Non sum, inquit ego Christus, non sum sponsus, sed amicus sponsi. Non sibi sed Domino viâ & hospitium præparauit. Vnde & sequitur, *Qui præparauit viam tuam ante te.* Præparauit enim Ioannes Christo viam prædicando, baptizando, demonstrando. Non solum autem Ioannes, sed etiam quilibet prædicator, & quilibet fidelis, qui verbum vitæ peccatoribus annuntiat, angelus Dei dici potest, dum ei viâ & hospitium in cordibus hominum præparat. Vnde Malachias: Labia, inquit, Sacerdotis custodiunt scientiam, & legem requirunt de ore eius: Angelus enim Domini exercituum est. Itaq; fratres, nos qui nouimus legem Dei, aliis annuntiare nō cessemus, & ei viam ad corda hominū præparemus, non nostrum, sed eius honorem in omnibus queramus, vt officio & nomine angelorum digni esse mereamur. Ad quod nos hortatur Psalmista, dicēs. Iter facite ei qui ascendit super occasum, Dominus nomē illi. Super occasum dominus ascendit,

cendit, cum mortem resurgendo superavit? Huic iter facimus, dum verbum eius aliis annuntiamus. Nam prædicatione personante ad aurem, Dominus venit ad mentem. Unde & sequitur: *Vox clamantis in deserto*. Porro vox habet tria, præcedit verbum, significat verbum, citò transiit, verbo in corde permanente. Ita fratres, Ioannes fuit vox clamantis. Præcurrit verbum Dei, illud prædicando, & demonstrando significavit. Citò eius prædicatione & opinio transiit, verbo Dei semper permanente. Clamabat autem in deserto Iudææ, scilicet ab omni bono iam desertæ, in qua non sata virtutum, sed spinæ vitiorum crescebant, & monstra scelerum non imago Dei habitabat. Non solum autem Ioannes, sed & nos fratres, vox clamantis sumus, si in deserto huius mundi peccatores increpamus, si eos comminatione gehennæ terremus, si verbum Dei in cordibus eorum, verbo & exemplo seminamus. Quid clamabat? *Parate viam Domini, rectas facite semitas eius*. Vna est via magna, per quam multi vadunt. Semitæ sunt plures, angustæ & compendiosæ. Via igitur est Christiana religio, per quam plures ad Deum vadunt, & Deus ad plures venit. Semitæ, sunt compendiosi & arcti modi viuendi, ut vita eremitica, claustralis & reclusa. Vtraque fratres debent parari, ut quatuor habeant, directionem, æqualitatem, rectitudinem, & planiciem. Directionem finis ut ad Christum ducat, qui est finis ad iustitiam omni credenti. Nisi enim ad Christum ducat, non est via, sed inuium. Propter hoc ait Propheta: *Rectas facite semitas eius*. Æqualitatem, ut scilicet non eleuetur per montes superbiæ, nec præcipitetur per valles desperationis. Propter hoc subiungit Propheta: *Omnis vallis implebitur, & omnis mons & collis humiliabitur*, ut scilicet æqualitas inter præsumptionem, & desperationem teneatur. Rectitudinem, ut scilicet, nec ad dexteram declinent, nec ad sinistram, sed mediocriter teneant. Ita, scilicet, teneant rectitudinem iustitiæ, quod non declinent à dextris ad nimiam laxitatem, nec à sinistris ad crudelitatem. Ita teneant fortitudinem, quod non declinent ad audaciam, nec ad timiditatem. Ita teneant sapientiam, quod non declinent ad calliditatem, nec ad simplicitatem. Ita teneant temperantiam, quod non decli-

declinent ad nimpietatem, nec ad minoritatem. Ita teneant largitatem, quod non declinent ad prodigalitatem, nec ad auaritiam. Ita castigent corpus, quod non luxuriet, nec deficiat. Quid plura? Ita teneant virtutes, quod vitia euitent collateralia. Propter hoc ergo subiungit Esaias. *Et erunt praua in directis*, vt scilicet torturis ablatiis, sola rectitudo teneatur. Planitiem, vt scilicet non habeat paludes voluptatum & libidinum, nec scrupulos seculariū sollicitudinum. Quid enim fratres mei, quid sunt voluptates & libidines, nisi quædam paludes quæ animam maculant & retardant. Et quid sunt sollicitudines huius mundi, nisi quædam offendicula, quæ animam precipitant vel retardant? Propter hoc ergo ait Propheta: *Et aspera in vias planas*. Esa. 4.

Sequitur pars tertia, in qua ostendit Euangelista quomodo secundum prefatum Esaiæ testimonium, Ioannes Christo preparauerit viam, dicens: *Fuit Ioannes in deserto prædicans & baptizans baptismo pœnitentiæ in remissionem peccatorum*. Ioannes quippe more boni prædicatoris, non solum verbo, sed etiam exemplo viam Christo preparauit. Et prius in se, post in aliis. In se viam Christo preparauit, vnde sanctitatem eius exponit Euangelista: *Fuit, inquit Ioannes in deserto*. In aliis, viam Christo preparauit, vnde & plures ad eum confluxisse referuntur, cum dicitur: *Et egrediebatur ad eum omnis Iudæa regio, &c.* Præcursor igitur lucerna lucens prædicando ea quæ Christus erat prædicaturus. Christus siquidem erat prædicaturus mundo pœnitentiam, baptismum, vtramque sui naturam, mortalem doctrinam, secundum aduentum, gloriam iustorum & pœnam reproborum. Omnia hæc præcursor prænuntiavit. Pœnitentiam namque non solum prædicauit, dicens. *Facite fructus dignos pœnitentiæ*, sed etiam in se exemplo demonstrauit, in asperitate loci, vestitus, & victus. Loci, quia habitauit in deserto solitarius, qui locus est conueniens pœnitentibus. Tum ne cohabitatione secularium ad pristina peccata relabantur. Vnde & David. Ecce, inquit, elongaui fugiens, & mansi in solitudine: tum quia fecerunt se cohabitatione hominum indignos, quia malo exemplo corruerunt, iuxta quod Cain post fratricidium

prolu

profugus fuisse narratur. Vestitus, quia erat vestitus pilis Cameli, & zona pellicea circa lumbos eius. Pili enim Camelorum & cilicium signa sunt poenitentiae, tum propter asperitatem & punctiorem, tum quia signa sunt tunicarum pellicearum, quibus induti primi parentes à paradiso exclusi sunt. Zona pellicea signum est poenitentiae, tum propter duritiam & asperitatem, tum propter restrictionis luxuriae significationem. Victus, quia mel sylvestre & locustas edebat. Victus enim vilis, crudus & imparatus, decet poenitentes, qui per ingluuiem saepius peccauerunt. Si ergo fratres, Ioannes ab utero sanctificatus tanta asperitate se castigauit, quid nos miseri peccatores facere debemus? Baptismum quoque, non solum praedicauit, sed etiam pluribus dedit, non quod peccata dimitteret, sed quia ad poenitentiam homines monebat, & ad baptismum assuefaciebat. Vtramque naturam Christi praedicauit, etiam ipsum demonstrauit: Ecce inquit, agnus Dei, & qui post me venit, ante me factus est. Moraliter quoque, instruxit, dicens: Qui habet duas tunicas, det non habenti. Et qui habet escas, similiter faciat. Secundum verò aduentum praedicauit, dicens: Iam securis ad radicem arboris posita est. Iustorum etiam glorificationem, & reproborum damnationem praedicauit, dicens. *Et ventilabrum in manu eius, & purgabit aream suam. Grana ponet in horreum suum, paleas verò comburet igni inextinguibili.* Per grana fratres significantur boni, quia suae unionis conficiunt corpus Christi, id est, Ecclesiam. Et quia eis pascitur & delectatur Deus, & quia digni sunt reservatione. Per paleas exprimuntur mali, quia leues vento vanitatis & superbiae: quia aridi, sine rore gratiae: quia sunt apti soli flammæ. Vtrique tamen sicut palea & grana eodem nascuntur semine, simul crescunt, simul colliguntur & iactantur, tamen in area, id est, in iudicio, summi iudicis ventilabro discernentur, & ibunt illi in gehennam, isti in vitam æternam. Quibus merito & premio nos adunare dignetur Dominus noster. Amen.

DOMINICA II. ADVENTVS.

QUaecunque scripta sunt, ad nostram doctrinam scripta sunt, &c. In hac lectione fratres charissimi, ad tria nos hortatur Apostolus, ut, scilicet habeamus in aduersis spem, in fidei

in fidei confessione vnanimitatem, in charitate proximo-
rum susceptionem. Monet igitur nos auctoritate sacræ
scripturæ, vt in aduersis sp̃e habeamus, dicens: *Quæcunq;
scripta sunt, ad nostram doctrinam scripta sunt.* Sed dicēs:
Quomodo adulteriū Dauid, superbia Saul, effceminatio
Salomonis: & cætera mala quæ in scriptura legimus, ad
nostram pertinent doctrinam? Pertinent fratres mei, si in-
tentionem scribentis cōsideremus. Scribūtur enim in sacra
scriptura diuersa intentione quatuor: Mala, bona, suppli-
cia, & præmia. Mala scripta sunt ad cauendū, bona ad imi-
tandum, supplicia ad deterrendum, præmia ad imitandum,
ergo adulterium Dauid, & cætera peccata scripta sunt ad
cauendum, Et si fortè contigerit nos in illa cadere, non de-
speremus, sed exemplo Dauid ad remediū pœnitentiæ re-
curramus. Quomodo valēt ad nostram doctrinā quæ scri-
pta sunt? vt per patientiam, inquit, & consolationem scri-
pturarum, id est, quæ leguntur in scripturis, spem habea-
mus. Similiter potuit dicere, vt per comminationem scri-
pturarū habeamus timorem. Sicut enim scriptura sacra do-
lentibus promittit spem: ita vanè gaudentibus, timorem.
Si ergo doles in aduersis, non desperes, sed lege quantam
patientiam habuit Iob in aduersis, & quantam Dominus
exhibuit ei consolationē, & habebis spem, vt per similem
patientiam, ad similem venias consolationē. Si gaudes in
prosperis, noli præsumere, sed lege quātam prosperitatem
habuisset Salomō, & ad quantā inde prolapsus est ignomi-
niam, & habebis timorem, ne per similem prosperitatem
ad similem venias ignomiā. Sed quia ad fratres afflictos
loquebatur Apostolus, de sola patientia & spe facit men-
tionem. Sed quia sola spes non sufficit ad salutem, sequi-
tur secunda pars, in qua optat eis dari à Deo consolatore,
in fidei confessione vnanimitatem, dicēs: Deus autē solatiij
det vobis sapere. Sed quia quidam malè sapiunt, alij plus
quā oportet sapiūt, subdit: *Secundum Iesum Christum.* Sed
quia iterū quidam hæretici & schismatici dicentes se sapere
secundum Iesum Christum, scindunt fidem Christi, addit
id ipsum, id est vnum idem. Sed quia iterū quidam benè sa-
piunt, sed rudes & errantes erudire contemnunt, subdit,
in alterutrum. Non enim sufficit nobis, vt nobis benè

*Quomodo
mala perti-
nent ad no-
stram do-
ctrinam.*

*Adulteriū
Dauid.*

*In prospe-
ris nō præ-
sumendū.*

*Nō solum
nobis sa-
piendum.*

sapiamus, nisi & aliis bona benè sapiamus. Qui enim talentem sapientiae abscondit, iuxta Euangelicā parabolam reprobatur. Vnde & scriptum est: Ne retineas verbum in tempore salutis. Et iterum, qui abscondit frumenta, maledicetur in populis. Itaque fratres, qui benè sapit, aliis benè sapiat, qui scit corrigere, errantem corrigat: Qui scit bene consulere, inconsulto consulat. Nam si vides errantes & races, tot animarum reus es, quot posuisti ab errore liberare. Et ad quid est nobis vtile sapere secundum Iesum Christum, id ipsum in alterutrum? *Vt unanimes*, inquit, *vno ore honorificetis Deum, & patrem Domini nostri Iesum Christi*. Sicut fratres, non sufficit nobis vno ore confiteri Deum, nisi confiteamur ipsum & vno corde. Ita non sufficit vno corde confiteri eum, nisi confiteamur ipsum & vno ore, maximè quando fides periclitatur. Si enim sola oris confessio sufficeret, non diceret Dominus per Prophetam: Populus hic labiis me honorat, cor autem eorum longè est à me. Si rursus sola confessio cordis sufficeret, sine oris confessione, non diceret Dominus, qui me erubuerit, & meos sermones, hunc filius hominis erubescet cum venerit in maiestate sua. Tam igitur oris quam mentis necessaria est confessio. Sicut Apostolus alibi dicit, corde creditur ad iustitiam, ore autem confessio fit ad salutem: Quia verò confessio cordis & oris sine bona operatione non sufficit habenti tempus bene operandi, idè dicitur, quia fides sine operibus mortua est.

*Suscipere
quid.*

Sequitur pars tertia, in qua subdit Apostolus charitatis operationem, dicens: *Propterea, ut, scilicet perfectè honoretis Deum, suscipite invicem, sicut & Christus suscipit vos*. Suscipere est deficientem ne cadat subius capere. Monet igitur Apostolus fratres charissimi, ut fortis, per charitatem suscipiat debilem, sapiens insipientem, dives inopem, sanus infirmum, stans cadentem. Cum enim Deus posset omnes facere fortes, sapientes & diuites, noluit, sed voluit hos esse fortes, illos debiles, hos sapientes, illos insipientes, hos diuites, illos pauperes. Si enim omnes essent fortes, sapientes & diuites, alter alterius non indigeret. Rursus si omnes essent debiles, insipientes & pauperes, alter alteri non subueniret. Voluit ergo hos esse fortes,

*Quare
Deus no-
luit omnes
esse fortes,
sapientes,
& diuites.*

fortes, sapientes, vel diuites, vt animas suas saluare possent, alius per charitatem subueniendo. Voluit illos esse debiles vel insipientes, vel inopes, vt animas suas saluare possent, aduersa per patientiam tolerando. Hinc Dominus ait. 1. Pauperes semper habetis vobiscum, & cum volueritis, potestis eis benefacere. Cum igitur egestes maneat iuxta abundantes, Asunt eis aut materia bonæ operationis aut reprobationis. Quod autem sic nos inuicem suscipere debeamus, ostendit Apostolus exemplo Christi, qui in sua persona suscepit, nō solum causam nostram, sed etiam naturam nostram. Cum enim esset sapiens, imò ipsa sapientia, suscepit insipientiam nostram. Cum esset diues omnium, suscepit paupertatem nostram: hanc viam charitatis ostendit in se, vt per eam sequeremur se. Et hoc in honorem Dei, vt quemadmodum Christus in omnibus quæsiuit gloriam patris, non suam, ita & nos in omnibus Dei gloriam, non nostram quæramus. Suscepit autem infirmitatem non solum circumcisionis, id est, Iudæorum, ad quam secundū promissiones Prophetarū fuit missus: imò etiam gentium, quibus non erat promissus. Vnde vtrique Deum debent honorare & glorificare. Et Iudæi etiam de promissionis adimplerione. Et gentes de insperatæ gratiæ collatione. Quod auctoritatibus Prophetarum probat, dicens, *Sicut scriptum est: Propterea ait filius patri. Consitebor tibi in gentibus, & nomini tuo cantabo.* Et iterum, *laetamini gentes, cum plebe eius*, id est, gentiles cum Iudæis: Et laudate Dominum omnes gentes, &c. Sicut autē Christus nō solum propinquos Iudæos, sed etiam gentiles longinquos suscepit. Sic & nos fratres nō solum propinquos nobis vel genere vel amicitia suscipiamus, sed etiā longinquos & peregrinos. Non enim propter nos solos tradidit Deus nobis bona sua, sed propter pauperes. Nec fecit nos Dominos, sed dispensatores, præcipiens nobis vt de suis rebus, suis filiis indigentibus provideamus. Qui enim res Dei retinēs, sinit filios Dei ægestate perire, quid fratres mei, quid est auditurus à summo Iudice, nisi illā terribilem vocem: *Ite maledicti in ignem æternū!* Et quare? Esuriui enim, & non dedistis manducare mihi de escis meis. Sitiui, & de potu meo non dedistis mihi potum: Hospes eram, & in

hospitium meum nolistis me suscipere. Nudus eram, & de vestibus meis non cooperuistis me. Hæc igitur fratres, hæc cogitemus, hæc in corde teneamus, & de rebus nobis à Deo commendatis, ipsum in pauperibus pascamus, vestiamus, suscipiamus, ut æternam benedictionem ab eo suscipere mereamur, Amen.

DOMINICA II. ADVENTVS.

Luce 21.

ERunt signa in Sole, & Luna, & Stellis, & in terris pressura gentium, præ confusione sonitus maris & fluctuum, &c. Pius & misericors Dominus & Redemptor noster, volens electos suos in omnibus prouidos esse, de secundo aduentu suo, in hac eos præmunit lectione. Quæ rationes triplici. Ut præsciëntia eius esset eis ad certitudinē, ad vigilantiam, ad consolationem. Ad certitudinem, ut certius expectarent aduentum suum, quàm cœli & terræ permentiam: Vnde post subdit: Amen dico vobis, non præteribit generatio hæc, donec omnia fiant, cœlum & terra transient, id est mutabuntur in alium statum: verba autem mea non trāsient, quin scilicet, omnia opere compleantur. Ad vigilantiam, quoniam leuius nocent ea quæ prævidentur, quàm quæ non præuidētur. Vnde ipse ait: Vigilate quia nescitis diem neque horam, Ad consolationem, ut de certitudine aduentus sui, inter miseras huius seculi, sumerent sibi consolationē Vnde post subdit: Cū videritis hæc fieri, leuate capita vestra, quia appropinquauit redēptio vestra. Nam quàm dulcis est fratres mei, in terra miseriæ, recordatio patriæ: Primò igitur ponit Dominus signa sui aduentus prænuntia: Secundò ostendit quomodo ipse venturus est: Tertiò quid boni in bonis proueniat: Quartò, dicta per similitudinem declarat. Ait ergo: erunt signa in Sole & Luna. Sicut prius Dominus signa aduentus prænuntiavit, ut suis qui in hoc mundo lugent, essent ad consolationem: ita reprobis qui hinc consolantur, essent ad confusionem: Vnde ipse post subdit. Arescentibus hominibus præ timore & expectatione quæ superuenient vniuerso orbi. Quia enim mali omnibus elementis abusi sunt, ab omnibus punientur, ut impleatur quod scriptū est: pugnet pro eo orbis terrarum cōtra insensatos. Quia enim claritate Solis, & Lunæ, & Stellarum abutebantur, videndo

Signa ad
uētus Chri
sti, bonis
ad consol
ationem re
probis ad
confusionē

per ea quid concupiscerent, & quid mali facerent, vertetur eis Sol in tenebras, & Luna in sanguine, & Stellæ cadent de cœlo. Quia verò pace temporali per stultam securitatem abutebantur, fiet pressura gentium. Quia verò tranquillitate maris ad prædandum & rapiendum abutebantur, fiet confusio maris & fluctuum. Nam vt tradit Hieronymus, in Cathalogo 15. signorum quæ ex Hebræo translulit, prima die ascendet mare quadraginta cubitos super altiores montes quasi murus. Secunda verò tantum descendet, vt vix videri possit. Rursus, quia bonis terræ per superfluitatem abutebantur, fiet eis sicut idem Euangelista superius dicit, terræ motus & fames. Quia aëris serenitate per inanem delectationem abutebantur, fient eis terrores de cœlo, & tempestates. Quia salute corporum, vitiōse viuendo, abutebantur, fient eis pestilentia, id est, inæqualitates, & corporum passionēs. Porro istorum signorum quædam fratres, iam cernimus: Nam pressuræ gentium quotidie fiunt, terræ motus in plerisque locis vrbes diruunt. Tempestates nos quotidie territant, pestilentia vrbes hominibus euacuant. Et impletio istorum, certos nos facit de impletione cæterorum. Ecce fratres, tot inundi ruinæ, iam finem illius addesse denuntiant. Quare ergo illum diligimus? Quare cum cadente eadimus? & cum pereunte perimus? Si domus nostra ruinam minatur, fugimus, & quæ possumus de nostris saluamus. Ecce mundus cadit, vt quid ergo cum desiderio non relinquimus? Vt quid quæ possumus de eius naufragio non saluamus? Saluamus ergo fratres, saluamus dum licet nos & nostra. Nos desiderio ad cœlestia transeamus, nostra per manus inopum & afflictorum ad cœlestes thesauros transferamus. Sequitur: *Arescentibus hominibus præ timore & expectatione quæ superuenient vniuersi orbi.* Arescent quidam mali, & timebunt in illâ tē iudicio, sed frustra, cum non poterunt emendari. Nos ergo fratres, dum emendari & emundari possumus, ab amore mundi arescamus, futura timeamus, & timentes caueamus. Nam virtutes, inquit, cœlorum movebuntur. Quare? Nō, quia de se timeant, sed quia de seueritate iudicantis perhorrescent. Fratres, si Angeli timebunt, si contremiscent, vt ait Iob, columnæ

*Signa sum
ri aduentus
Christi
quotidie
fiunt.*

Iob 16.

1. Pet. 4.

cœli, quid facient peccatores? Si verò, ait Petrus, virtus saluabitur, impius & peccator ubi parebunt?

Filium ho-
minis solū.

Sequitur pars secunda, in qua ostendit Dominus quomodo ad iudicium venturus est, dicens. *Et tunc videbunt filium hominis venientem in nubibus cœli, cum potestate magna & maiestate*: Et qui videbunt? Omnes, tam boni quam mali, unde & Ioannes, Ecce venit cum nubibus cœli, & videbit eum omnis oculus. Non enim veniet occultus, humilis, mitis, ut primò, sed potius apertus, altus & terribilis, ut ipse de se testatur. Sicut salgur exit ab Oriente, & patet usque in Occidentem, sic erit aduentus filij hominis. Quem videbunt? *Filium Hominis*. Solus enim filius tunc apparebit iudicaturus, qui primò fuit iniuste iudicatus. Iuxta illud, videbunt in quem pupugerunt, Iudæi scilicet & gentiles, sed etiam & falsi Christiani, quòd sine gemitu dicere nequeo, videbunt quem contempserunt, quem abnegauerunt, quem iurauerunt, & perierauerunt, & quem dedecorauerunt. Gloriam verò diuinitatis non videbunt reprobi, quia scriptum est. Tollatur impius ne videat gloriam Dei. Videbunt autem venientem in nubibus, sicut ascendit cum nubibus ei ministrantibus, eius gloriam ab impiis occultantibus. Cum potestate magna veniet, tunc que non omnes potestates, cœlestium, terrestrium, & infernorum contremiscent. Cum potestate magna veniet, qui suo aduentu omnia concurret elementa, qui cœlum & terram concretaabit, & noua facies hominū, qui conscientias hominū propalabit, qui solo nutu, electos glorificabit, & reprobos in æternum cruciabit. Cum maiestate quoque magna veniet, ad cuius gloriam Sol obscurabitur, & condita tenebrarum illuminabuntur, omnes electi illustrabuntur, & in eius amore inflammabuntur. Hoc fratres, hoc quotidie cogitemus, hocensem, manifestemus hanc animi munditiis conscientiarum nostrarum per confessionem ad ventum, ne ibi a Domino manifestentur ad confusionem & poenitentiam. Hic nos iudicemus, ne ibi iudicemur. Hic nos accusemus, ne ibi accusemur.

Sequitur partertia, in qua ostendit Dominus quid boni tunc electis proueniet, dicens: *His autem fieri incipientibus, leuate capita vestra, & exhibete corda vestra. Quia*

re? quia appropinquauit redemptio vestra. Ac si dicat, Cùm hæc videritis, gaudeat, quia cum finitur mundus (cui amici non estis) prope est salus æterna, quam desiderabatis. Redimet autem tunc nos fratres, redemptor noster, à tribus miseriis tam in anima quàm in corpore, ab indigentia, ab afflictione, à morte. Redimet siquidem Dominus animam nostram ab indigentia sapientiæ & virtutis, dans ei totius sapientiæ & virtutis abundantiam. Redimet quoque eam ab afflictione passionum, timoris, scilicet, & tristitiæ, inuidiæ, & cæterarum, dans ei omnimodam securitatem, iucunditatem & amorem. Redimet etiam eam à morte malarum cogitationum & peccatorum, dans ei omnimodam munditiam & puritatem. Corpus quoque redimet ab indigentia ciborum, vestimentorum, cæterorumq; temporalium dans ei omnimodam sufficientiam. Redimet etiam illud ab afflictione morborum, senectutis & gravitatis, dans ei omnifariam incorruptionem & agilitatē. Redimet quoque illud à mortē, dans ei veram immortalitatē. O fratres mei pensate quàm ineffabiliter gaudebunt electi, quando veniet spes sua, desiderium suum, Deus & Dominus suus, quādo transferet eos à valle lachrymarum ad altitudinem gaudiorum, ab exilio ad patriam, à miseria ad beatitudinem. Sequitur pars quarta, in qua Dominus explanat dicta per similitudinem, *Videte, inquit, si ulneam & omnes arbores cum producunt iam ex se fructum, scitis quia prope est æstas. Ita & vos cùm videritis hæc fieri, scitote quia prope est Regnum Dei.* Comparat autē signa præcedētia aduentus Christi, arborum fructificationi, æternitatē verò ætati. Vnde patet, quia fructus mundi ruina est. Ad hoc enim pullulat, vt marcescat, ad hoc surgit, vt cadat. Æstas autem est calida, clara, fructuosa. Æterna quoque beatitudo, erit calida, calore charitatis. Clara, illuminatione veri solis. Fructuosa, mensibus æternæ retributionis. E contra, vita præsens, est quasi hyems, quia est frigida, tenebrosa & sterilis. Frigida, sine calore charitatis: Tenebrosa, ignorantia, tribulationibus & peccatis. Sterilis, quia hic non metuntur, sed seruntur semine bonæ operationis. Mali quoque, qui hic vacant somno & otio, sunt quasi piger, qui operari non valens propter singus, inendicat in æstate, nec datur ei.

*A quibus
nos redi-
met redē-
prior.*

*Vita præ-
sens quasi
hyems.*

Sic mali in futuro non metent, nisi quam in carne seminauerunt corruptionem. Boni verò, qui spe retributionis eternæ hic laborant, sunt quasi bonus agricola, qui spe messium, in hyeme per pluuias, grandines & niues seminat. Qui cum videt ficum, cæterasque arbores pullulare, gaudet, sciens quod hyems iam transiit & æstas messium venit. Nos quoque fratres, in spe cœlestium gaudiorum per lachrymas peccatorum, & patientiam tribulationum seminemus in spiritu, ut in resurrectione metamus de spiritu vitam æternam, ut mereamur adunari eis quibus dicitur: Qui seminant in lachrymis, in exultatione metent. Euntes ibant, id est, de virtute in virtutem proficiebant, & flebant, tum de recordatione peccatorum, tum de desiderio cœlestium gaudiorum, mittentes, id est, præmittentes semina sua. Venientes autem venient cum exultatione, portantes manipulos suos. Quod ipse præstare dignetur, qui vivit & regnat Deus in æternum, Amen.

DOMINICA III. ADVENTVS.

1. Cor. 4.

Sic nos existimet homo ut ministros Christi, & dispensatores ministeriorum Dei, &c. Hæc scribit fratres charissimi Apostolus ad Corinthios, in quibus non solum eos instruit, sed etiam nos. Sunt autem huius lectionis quatuor partes. In prima parte arguit Corinthios de falsa opinione sacramentorum. Putabant enim sacramenta data à sanctioribus esse sanctiora, & à minus sanctis data, esse minus sancta. Vnde & dicebant: Ego sum Pauli, ego sum Cephæ, ego Apollo, ego Christi baptismo baptizatus.

1. Cor. 1.

Putantes quod baptizatus à meliori, melius esset baptizatus. Vnde & scrutabantur curiosius vitam ministrorum. Illis sunt similes hodie quidam in Ecclesia, qui Missas à concubinariis, vel minus honestis sacerdotibus nolunt audire, vel alia Sacramenta sumere. Sed tam haec quam illi tripliciter pecebant. Tum quia, quod Dei solius est, hominibus attribuant: tum quia de meritis iudicabant, tum quia in hominibus gloriabantur, cum scriptum sit. Qui gloriatur, in Domino gloriatur. Contra hos ergo loquens Apostolus dixerat superius, neque qui plantat, neque qui rigat aliquid est, sed qui incrementum dat Deus, id est, sicut plantans & rigans non sunt aliquid, quantum ad potestatem viuificandi.

*Tripliciter
peccati qui
sacramenta
à malis
ministris
recipere
volunt.
1. Cor. 3.*

viuificandi & augmentandi arborem, sed solus Deus: Ita nec qui prædicat, nec qui baptizat, sunt aliquid, quantum ad efficaciam sacramentorum, sed solus Deus, qui intus inuisibiliter operatur. Vnde & à spiritu sancto dictum est Ioanni: super quem videris spiritum descendantem & manentem super eum, hic est qui baptizat, id est, hic & non alius habet auctoritatem baptizandi. Itaque qualiscunque sit minister, sacramenta eadem sunt, nec à meliori meliora, nec à minus bonis, minus bona dantur. Hinc ergo ait Apostolus: Sic nos existimet homo, ut ministros Sacramentorum Christi, non auctores. Nos enim tantum pueros immergimus fonte, & Deus baptizat. Nos tantum manus eleuamus, & Deus benedicit. Nos tantum verba sacra proferimus, & Deus consecrat. Nos satisfactionem imponimus, & Deus absoluit. Sumus etiam dispensatores ministeriorum Dei, discernentes scilicet, quis sit ligandus, & quis solvendus, quis baptizandus & quis non, quis ordinandus sit sacerdos, & quis diaconus. Quamuis verò merita ministro rum nihil operentur ad efficaciam sacramentorum, tamen quia plus proficit exemplo fidelis in populo, quam infidelis, hic, id est, in hac vita quaeritur ut quis inueniatur fidelis inter dispensatores. Sequitur pars secunda in qua ostendit Apost. exemplo sui, sana conscientia iudicium hominum esse paruipendendum. Quare? Quia iudiciū hominū fallitur & fallit. Fallitur, quia sæpè bonū iudicat esse malū, & malum bonum. Fallit, quia cū indignus à populo laudatur, sæpè ob hoc interius gloriatur. Et ad hoc inducitur ut plus aliis de se credat quàm sibi, eū scriptū sit. Plus aliis de te quàm tu tibi credere noli. Ait ergo Apost. *Mibi autem pro minimo est, ut à vobis iudicer, aut ab humano die.* Non tamē ait pro nihilo. Quia quamuis fama & iudiciū plebis de nobis sit vili pendendū nobis pro nobis: tamē propter profectū proximorū nō est omnino negligendū. Sicut enim munda conscientia necessaria est ante Deum, ita munda fama ante proximum. Vel parū enim vel nihil valet bona prædicatio, sine bono exemplo. Nam cuius vita despicitur, restat ut eius prædicatio contemnatur? Vnde Dominus, Sic luceant opera vestra bona coram hominibus, ut glorificet patrem vestrum qui in coelis est. Hinc etiam dicitur: Crudelis est qui

Ioan. 1.

*Sacerdotes
sunt dispen
satores mi
nisteriorū
Dei.*

3. Cor. 4.

*Iudicium
hominum
fallitur
& fallit.*

Mat. 5.

famam negligit. Itaque fama propter nos est negligenda, sed tamen propter profectum populi est quaerenda. Sed neque, inquit, ego qui melius me noui quam vos meipsum iudico, id est, me esse bonum non affirmo. Ecce fratres, ipse vas electioinis Paulus non audet affirmare se esse bonum. Quis ergo nostrum peccatorum presumere audebit se esse bonum vel religiosum? Qui autem, inquit, me iudicat, id est, opera mea, & cogitationes solus inuisibiliter discernis, Dominus est. Nihil, inquit, mihi conscius sum, id est conscientia mea non me remordet, sed non ideo iustificatus sum. Nam delicta quis intelligit. Et qui gloriatur, in Domino gloriatur se mundum habere cor. Sequitur pars tertia, in qua nos prohibet Apostolus iudicare. Tria sunt fratres mei, de quibus nec debemus nec possumus iudicare: De dubio scilicet facto, de dubia intentione, de dubio fine.

Iudicare non debemus
Dubium factum.
Dubia intentio.
Dubius finis.

Dubium factum est, quando non verè scimus an quis fecerit aliquod factum. Dubia intentio est, quando scimus esse factum, sed qua intentione factum sit, nescimus: ut quando videmus aliquem loqui cum vxore alterius: Dubius finis est, ut quando scimus esse factum, & mala intentione factum esse, sed tamen ignoramus, an sit inde aliquis damnandus, vel veniam per poenitentiam consequuturus: in quibus omnibus temerarium iudicium cauere debemus: Et si etiam hanc in peiorem partem magis declinare videamur, tamen nos in melius aestimationem nostram vertere debemus. Vnde Apostolus, tu quis es qui iudicas alienum seruum, suo Domino stat, aut cadit. Stabit autem, potens est enim Deus statuere illum. Si vides presbyterum loqui cum vxore alicuius, dic enim illi manu leuata benedicere. Sunt autem quaedam aperta & manifesta, de quibus nobis iudicare permittitur. Vnde Apostolus, sic non est inter vos qui iudicet inter fratrem & fratrem. Itaque fratres, non aliena corda, vel intentiones quae ignoramus iudicemus, sed nostras. Scriptum est enim: Nolite iudicare, & non iudicabimini. Nolite condemnare, & non condemnabimini. Et si nosmetipsos iudicarentus, non utique iudicarentur. Aut ergo, Nolite ante tempus iudicare. Ante tempus iudicat qui antequam sit dere certus iudicat. Dum autem sumus in hac vita, aliorum cogitationes opera,

Psalm. 18.

1. Corin. 1.

Rom. 14.

Rom. 14.

Mat. 7.

Luc. 6.

opera, & finis operum, occulta sunt nobis, & ideo de eis iudicare peccatum est.

Sequitur pars quarta, in qua ostendit Apostolus quando securè de nobis vel de aliis iudicare poterimus. *Nolite*, inquit, *iudicare, quoadusque veniat Dominus*. In quo fratres, innuit quod tunc Deo omnia occulta nobis reuelante iudicabimus, si scilicet fuerimus de perfectis. Quatuor enim ordines erunt in iudicio. Alij enim iudicabunt, & non iudicabuntur; vt perfecti. Alij iudicabuntur & saluabuntur, vt mediocriter boni. Alij iudicabuntur & damnabuntur vt falsi Christiani. Alij non iudicabuntur & damnabuntur, vt infideles. Vnde Ioannes: Qui non credit, inquit, iam iudicatus est. *Illuminabit autem tunc Dominus abscondita tenebrarum, & manifestabit consilia cordium*, id est, occulta facta, & etiam cogitationes occultas propalabit, tam bonorum quàm malorum. Tunc fratres, patebunt occulta adulteria, occultæ turpitudines, & ignominie, quæ sunt in tenebris & in cubilibus. Tunc etiam patebunt occulta turpium voluntatum, quamuis non venerint ad effectum. Pensate ergo fratres pensate quantus pudor, quanta turpitudine & confusio tunc tenebit reprobos, cum omnes turpitudines & abominaciones suas in conspectu tremendi iudicis, & Angelorum, & omnium sanctorum viderint reuelari. Ne igitur fratres illo tam magno & æterno pudore erubescatis, erubescite nunc, & poenitemini, & quæ dicitis in cordibus & in cubilibus vestris compungimini. Tunc etiam contra omnia bona opera sanctorum quæ pro humilitate clam faciebant, & etiam omnes eorum bonæ voluntates patebunt ad laudem & gloriam eorum. Vnde & subditur: *Et tunc laus erit unicuique electorum à Deo*. Quæ enim maior laus, maior honor & gloria poterit esse quàm quando serui vocabuntur & fient filij: quando terreni fient cœlestes, quando homines fient dii, quando benedicentur, & honorabuntur, & glorificabuntur à diuina maiestate. Nos interim fratres, turpitudines nostras, lachrymis, confessionibus, orationibus, eleemosynis tergamus. Quoniam qui hoc faciunt & si non sint de perfectis qui iudicabunt, tamen erunt beati, quoniam beati quorū remissæ sunt iniquitates & quorum

*Quatuor
ordines in
iudicio.*

Ioan. 3.

Psal. 4.

HOMILIAE

testa sunt peccata. Testa dico, ne videantur vel ad poenam vel ad pudorem. De quorum numero nos faciat Deus & Dominus noster qui in trinitate perfecta viuit & regnat Deus, Amen.

DOMINICA III. ADVENTVS.

Mat. II.

Cum audisset Ioannes in vinculis opera Christi, mittens duos ex discipulis suis ait illi, & reliq. Audistis fratres clarissimi, ex Euangelica lectione, quod Christus suo in carcerato praeursore, diuinitatis suae potentiam coepit clarius demonstrare. Disponens quippe ordinatè vniuersa, noluit antè manifestius praedicare, quàm praeursor suae praecursionis officium consummasset vt scilicet quemadmodum Ioannes cum praecurrerat nascendo, praedicando & baptizando: ita eum praecurreret & moriendo. Tendente igitur Lucifero, id est, Ioanne ad occasum, coepit verus Sol iustitiae, Christus, sui splendoris radios paulatim demonstrare, hoc est, ergo quod hic dicitur: *Cum audisset Ioannes, &c.* Sūt autem tres partes huius lectionis: Prima continet Ioannis interrogationem, secunda Christi respon- sionem, tertia Ioannis commendationem. Ostendit igitur Euangelista, quando, vnde, per quos, & quid Ioannes Dominum interrogauerit: quādo? *Cum audisset opera Christi.*

*A quo Ioan-
annes au-
diuit opera
Christi.*

Si credis à quo audisset, credendum est quod à spiritu reuelante. Et quod etiam à discipulis suis, quod frequenter ad Iesum mittebat, vt sibi tam facta, quàm dicta eius reportarent. Vnde? de carcere vbi erat in vinculis. In quo nobis fratres, imitandum proponit exēplum vt si in vinculis, si in infirmitate, si in aliquo impedimēto detenti quandoque fuerimus, familiares nostros pro nobis ad Ecclesiā mittamus, qui bona ibi dicta vel facta nobis manifestent. Per quos? per discipulos suos, qui etiam ei in vinculis assistebant, & magistrum suum in aduersis non dereliquerunt, sed vsque ad passionem & sepulturam ei diligēter ministrauerunt. Hinc discamus & nos fratres, magistris & amicis nostris in omni aduersitate constantiam exhibere fidelitatis. Sicut enim rogo aurum, cursus equum, ita aduersitas probat amicum. Vnde Sapiens: Non agnoscitur, inquit, in bonis amicus, & non absconditur in malis inimicus. Et Salomon: Deus putridus, amicus deficiens in

Eccle. 12.

Prouer. 25.

via.

via. Quid interrogauit? *Tu es, inquit, qui venturus es, an alium expectamus?* Quærit autem hoc Ioannes, non propter se, qui cum esse Redemptorem mundi prædicando, baptizando, demonstrando, testatus fuerat, sed propter discipulos, ne alium à se prædicatum æstimarent, sed certitudinem acciperent fidei, tum ex miraculis, tum ex responsione Christi. Vnde & ad hoc quærendum non prius suos discipulos misit, quàm Christus miracula facere incepit. Quam causam innuit ipse Euangelista cum ait, *Cùm autem dixisset Ioannes in vinculis opera Christi, mittens duos ex discipulis suis, &c.* Ac si diceret, idèò discipulos suos misit ad Iesum, quia cum apertè facere miracula audiuit, vt hoc aduerbium (cùm) non tam temporale quàm causale accipiat. Sequitur pars secunda, quæ Christi continet responsionem, *Euntes, inquit, renunciate Ioanni quæ audistis & vidistis.* Ac si diceret, Cessent verba, loquantur opera. Fecit enim in conspectu nūtiarum Ioannis multas virtutes. Vnde dixit: *Quæ vidistis* scilicet, per vos, *& audistis* per alios. Et quæ? *Cæci vident, claudi ambulant, leprosi mundantur, sardi audiunt, mortui resurgunt, pauperes euangelizantur, id est, visitantur. Et beatus est qui non fuerit scandalizatus in me.* Est autem hac responsio cōueniens, quamuis non videatur præcedenti satisfaciens interrogationi. Quærebatur enim vtrum redemptio mundi esset facienda per eum. Ipse verò respondet potentiam diuinitatis & patientiam humanitatis, per quas redemptio facta est. Nisi enim homo esset, pati pro mundo non posset: & nisi Deus esset, mortem superare non posset. Est ergo ac si diceret, redimere mundum iam incepit. Nam cum operer vt Deus, scandalizor & patior vt homo. Credimus autem fratres, Dominum opera, quæ hic enumerantur, tam corporaliter quàm spiritualiter egisse. Reddebat quippè cæcis illuminationem tam cordis quàm corporis: Claudis restitutionem, tam cordis quàm corporis: Leprosis mundationem, tam cordis quàm corporis: Mortuis resurrectionem, tam cordis quàm corporis: Pauperibus visitationem, tam cordis quàm corporis. Et cum tot signis attestaretur diuinitatē, rarus erat qui non scandalizaretur in eius humanitate.

Alij enim ei detrahebant, alij insidias ponebant: Et ferme omnes

omnes de eius diuinitate dubitabant. Et quid mirum fratres, si in Christo adhuc mortali multi scandalizarentur, cum in eo iam in cœlo regnante, multi, vnde dolendum est, etiam hodie scandalizentur? Nam vt taceam de infidelibus, etiam quidam solo nomine Christiani eum contemnunt, eius sanctum nomen pelerant: factis eum impugnant, verba Euangelij pro vanitate habent, nec ipsam resurrectionem futuram putant.

Sequitur pars tertia, in qua dominus Ioannē commendat: Vnde & subditur: *Illis autē abeuertibus, cepit Iesus dicere ad turbas de Ioanne.* Noluit quippè Dominus Ioannē coram discipulis suis commendare, ne eius commendatio adulationem redolere videretur. In quo fratres dat nobis exemplum, ne amicum nostrum in sua vel suorum familiarium præsentia laudemus, ne hoc gratia videamur facere assentandi, ne illi occasionem demus glorandi. Cæterum ne turbæ Ioannem nullius virtutis esse, cō quod nulla miracula faceret, æstimarent: ipse qui eum elegerat nouerat, eum commendat: Commendat eum in quatuor. In fortitudine, in seueritate, in prophetandi exceleutia, in præcursionis gratia. In fortitudine eum commendat, eum dicit: *Quid existis in desertum videre? Arundinē vento agitatam?* ac si diceret: Non sed potius virum fortem. Sane arundo nascitur in palude, quæ exterius est formosa, interius vacua & omni vento agitur. Tales sunt homines huius mundi, qui in crassitudine & voluptate nutrierunt animas suas, qui exterius sunt per hypocritism & gloriam nitidi, interius autem à virtute vacui, prosperis eleuantur, & aduersis deprimuntur: Laudibus effervunt, minis & conuitiis humiliantur: in quibus diabolus requiescit. Vnde Iob, sub umbra, inquit, dormit in secreto calami: quia videlicet mentes tenebrosas, simulatrices & fluxas diligit. Ioannes verò arundo non erat, qui in abstinentiæ duritia crescebat: exterius hispidus & neglectus: interius virtute plenus, non elatus blanditiis, nec deiectus aduersis. Discamus & nos fratres, inter varietates huius mundi, fortes & constantes esse. Non diligamus diuitias huius mundi, & sic non superbiemus de earum possessione, nec dolebitur de earum amissione. Non diligamus gloriam hu-

*Quando
Christiani
Deum con-
temnunt.*

*Christus
Ioannem
non com-
mendat eo-
rum disci-
pulis suis.*

*Iob. 40.
Quomodo
Ioannes
arundo non
erat.*

lus mundi, & sic nec laus humana nos inflabit, nec infamia incedificabit. Nō presentem vitam, sed futuram diligamus, & sic voluptas corporis nos non illaqueabit, non poena vel dolor terreat. In severitate eum commendat cum dicit, *Hominem mollibus vestitum*? Ac si diceret. Nō Lipto te est, quia minus dicit & plus significat. Ioannes quippē in nullo mollitiem sequutus est, sed durus fuit in victu, in vestitu, in facto, in verbo. Victus eius locustæ, & mel silvestre. Vestitus, pili cameli, zonaque pellicea facta, contemptus mundi, desiderium cœli. Dicta, non palpatio, sed dura correctio vitiorum. O genimina, inquit, viperarum quis docebit vos fugere à ventura ira? Iam securis ad radicem arboris posita est. Sequitur: *Ecce qui mollibus vestiuntur, in domibus Regū sunt*. Ac si diceret: Nō in deserto vt Ioannes, sed in domibus Regū inveniuntur, qui mollibus gaudent. Qui scilicet mollibus vestiuntur, molliter epulantur, molliter operantur, molliter loquuntur. Nemo igitur fratres, putet in fluxu & studio vestium non deesse peccatum. Nisi enim in hoc peccatum esset, Dominus in suo præcurssore vestium vilitatem non laudaret, nec de fluxu vestium diuitū purpurarū reprehenderet, nec Petrus mulieres à veste preciosa reuocaret. Quinque præcipuè modis, fratres, in vestibus peccamus. Primò in nimio sumptu, vt cum tanto comparamus vnā vestem nobis, quanto plures pauperes possent vestiri. Secundò in gloria, quando scilicet in speciosis, preciosisque vestibus delectamur. Tertiò in contemptu proximorum, quando scilicet considerantes vestiumstrarum pulchritudinem, & proximorum vilitatem, nos miramur, & proximos aspernamur. Quartò in superfluitate, vt quando plura mutatoria vestium habemus otiosa, quæ melius pauperes vestirent, quàm tineas pascere, cum scriptum sit: *Qui habet duas tunicas, det non habenti*, id est, qui habet vestem sufficientem, det superfluam. Quintò in modo, vt cum scilicet facinus nostras vestes, vel genus, quoniam non deberemus. Et cum hæc dicimus, non damnamus vestes, sed vitium vestibus abutentium. Scio enim sub purpura plures Deo placuisse, & contra, plures sub sacco Deo displicuisse. Sunt enim qui in purpura non effecerunt, &

Mat. 23

*Quantum
titer in ve-
stibus deo-
carnis.*

Luc. 3

sunt

sunt qui se vestitos sacco, vel dolent vel gloriantur. Magnus verò est quem saccus non deiecit, & què purpura non extollit. Talis erat David, talis Ioannes Baptista, quoniam nec ille sub purpura, nec iste sub cilicio erat arundo ventis agitata. Vos autè fratres qui imperfecti estis, vnusquisque in gradu suo mediocritatè tenete, secundū homines ordinis & gradus vestri vos induite, ne sitis niuidiores eis, ne fortè inde præ vobis eos cōtemnatis, ne sordidiores eis, ne fortè præ eis vos sordidiores doleatis. Ne hinc vel inde vos agitet ventus gloriæ vel pudoris. Sub veste mediocri saccum latenter vellite, maxime in diebus ieiuniorum, vt tantò sit magis gratum Deo, quantò magis occultum. Vgstem verò vobis non necessaria nudo præbete. Et si non vultis dare nouam, date vel veterem meliusculā, vt si quid in noua veste deliquistis, in veteri redimatis. Mollitiem quoque fratres, ciborum euitate, quoniam lautorum ciborum consuetudo luxuriā generat, corpus molliciat, cibos viliores fastidire facit, patrimonia consumit, sollicitudinē immittit. Minus est sollicitus qui minoribus est cōtēntus. Sicut enim Mars duro milite gaudet, qui fortiter sustineat calores, algores, & labores: ita Dominus duros amat milites, effœminatos contemnit & molles. Inde est quod S. Patres, sicut in vitis patrum legimus, balnea, vnguenta, huiusq; modi mollia deuitabāt, ne corporis sui duriciē emollirent. Mollia etiam fratres, opera fugite, quæ faciunt qui carni seruiunt, qui ædificant lignum, fœnū, stipulam igne concremandam. Mollia quoque verba, id est, adulationes, caute, quæ quantum fugienda sint, ostendit Propheta. Væ, inquit, eis qui sub cubito puluinar ponunt. Puluinar quoque sub cubito ponit, qui cadentem à rectitudine animam blandè per adulationem suscipit. Et Psalmista, Quoniam, inquit, laudatur peccator in desideriis animæ suæ, & iniquus benedicatur.

In Prophetiæ excellentia Ioannem commendat, cū subdit. *Sed quid existis videre? Prophetam? Etiam dico vobis, & plus quam Prophetam.* Officiū Prophetæ, fratres charissimi, est ventura Prædicare. Ioannes verò Christum non solum prædixit, vt, venit fortior me, post me: sed etiam ostendit, Ecce, inquit, agnus Dei. Nos quoque fratres,

quasi

Mediocris tenenda in habitibus.

Mollities ciborum euitanda.

Mollia opera fugienda.

Psal. 9.

quasi Prophetæ sumus, si secundum Christi aduentum ad iudicium, verbis & factis prædicamus, si impius comminamur, si electis promittimus gloriam sempiternam.

In præcurſionis quoque gratia cum commendat eum dicit, *Hic est de quo scriptum est*, per Malachiâ Prophetâ: *Ecce ego, inquit pater ad filiū, mitto Angelum meum ante faciem tuam, qui præparabit viam tuam ante te.* Verè fratres, verè hic Ioannes magnus & admirabilis est quem longè antequam cõciperetur, Prophetam, imo Dominus per Prophetam, vni genito suo nuntiū pollicetur, & præcurſorem. Nec solum Ioannes nomine Angeli & præcurſoris dignus est, sed & tam nos quàm vos fratres, Angeli, & præcurſores Christi merebimur appellari, si verbo & exemplo eum annuntiemus, si tam ad nostrâ quàm ad aliorum corda per correctionem, emendationem ei viam præparemus. Ipso largiente. qui cum patre & spiritu sancto viuit & regnat Deus, Amen.

DOMINICA III. ADVENTVS.

Gaudete in Domino semper, iterum dico gaudete, &c.

Quatuor facit Apostolus, fratres Charissimi, in hac lectione. Primò monet nos in Domino gaudere. Secundò modestos esse. Tercio sine sollicitudine orare. Quartò rogat nos custodiri in pace. Ait ergo, *Gaudete in Domino.* Si vna re fratres, omnis homo gauderet, nunquam Apostolus cum determinatione, gaudete in Domino, dixisset. Est enim gaudium triplex, malignū, vanum & bonū. Quidam enim gaudent de malo, de quibus dicitur: *Lætantur cum malè fecerint, & exultant in rebus peſsimis.* His adeò placet malū, quod etiā sine sua vilitate gaudeāt in eorum dolore. Alij verò gaudēt de vano, id est, de vana & mūdāna prosperitate, de quibus Salomon: *Risum depūtaui errorem, & gaudeo dixi, quid frustra deciperis? Illa duo gaudia fratres mei, mala sunt.* Et de ambobus intelligitur illud Salomonis: *Risus dolore miscebitur, & extrema gaudij, luctus occupat.* Et illud Euangelij, *Væ vobis qui ride-tis, quia lugebitis.* Et alibi, *Væ vobis diuitibus, qui habetis hic consolationem vestram.* Alij gaudent de bono, illi scilicet qui in Domino gaudent. Vnde Apostolus alibi. *Qui gloriatur, in Domino gloriatur.* Et hîc, *Gaudete, in-*

Philip. 4.

Gaudium
triplex.
Prouer. 2.

Eccle. 2.

Luc. 6.

1. Cor. 1.

C quit,

quit, in Domino. Sed quare duplicauit. *Iterum dico, gaude-
de.* Quia gaudium, est in spe, vel in usu rei amaræ, dile-
ctio. Hinc enim fratres, tantum in spe cœlestium gaudio-
rum gaudemus, non in re, tamen plusquam in spe gau-
demus: quoniam & si non habemus hîc rem, habemus ta-
men arram, quam Apostolus primitias spiritus vocat vir-
tutes videlicet, & dona spiritus sancti. Monet igitur Apo-
stolus, vt gaudeamus in usu virtutum, & in spe præmio-
rum. Gaudeamus in usu bonitatis, & in spe beatitudi-
nis. Gaudeamus in usu mundæ conscientiæ, & in spe bea-
tæ vitæ. Primum fratres, gaudium est magnum, sed secun-
dum est maximum. Quid enim hîc latius, quid iucun-
dus, quid delectabilius haberi potest, quàm inter munda-
dos mundè, & inter ebrios viuere sobriè, quàm omnia
mundana sub pedibus habere, non aduersis frangi, pro-
speris non emolliri, solum Deum timere, mundam con-
scientiam habere, securè viuere, mortem non timere, sed
etiam cœlestia gaudia optare, & cum certitudine expecta-
re? Per hoc quippè, fratres, diuina dulcedo, non solum
expectatur, sed & præodoratur & prægustatur. Hoc præ-
gustauerat Propheta, qui admirans & gaudens dicebat.

Psal. 33.

Quàm bonus Israël Deus, his qui recto sunt corde. Ad
quod degustandum nos etiam hortatur, dicens: Gustate
& videte, quoniam suavis est Dominus. Hoc fratres, hoc
est gaudium in Spiritu sancto. Hoc est verum gaudium,
verum sabbatum mentis. De quo etiam Salomon: Secu-
ra mens, inquit, iuge cōuiuium. Hoc fratres, gaudium non
miscbitur dolore, sed ad summum & sempiternum nos
ducat gaudium, videlicet ad gaudium sine mœrore, sine
fine, sine metu, sine defectu: Ad gaudium in visione Dei,
in quam desiderant Angeli prospicere. Quoniam autem
magna gaudia solent hominem hîc resolvere, & impro-
uidum facere, addit Apostolus. *Modestia vestra nota sit
omnibus hominibus.* Est autem fratres hæc pars secunda,
in qua monet in omnibus nos modestos esse, ac si dice-
ret, Gaudere fratres, sed modeste: psallite Domino, sed sa-
pienter. Porro modestia est virtus inter nimis & minus,
tenens mediocritatem: Hæc virtus cæterarum omniū vir-
tutū condimentū est. Impetus enim est, nō ratio, quicquid
fit

*Modestia
quid.*

*Modestia
tria facit.*

Prover. 16.

*Modestia
in omni-
bus te-
nenda.*

*Sollicitudo
impedit
orantem.*

fit sine moderantiæ freno. Sanè modestia tria, facit enim hominem suæ mentis habere dominium: reddit cum hominibus gratum: facit ei Dominum propinquum. Quod faciat hominem habere sui dominium, innuit cum adiungit, *vestra*: Quasi diceret, Modestia faciat vos vestros, iuxta quod Philosophus ait: Vis habere magnum imperium? Dabo tibi magnum imperium: Impera tibi. Vis multos regere? rege teipsum. Multos enim reges, si te ratio rexerit, hinc Salomon ait: Melior est patiens viro forti, & qui dominatur animo suo, expugnatore verbum. Quod reddat hominem hominibus gratum & famosum, ostendit cum ait: *Nota sit omnibus hominibus*, ac si dicat: Tanta sit modestia vestra, quod sui admiratione & exemplo, homines ad se attrahat. Quod faciat Dominum homini propinquum ostendit, cum subdit: *Dominus propè est*. Est quippe Dominus modestis propè. Propè similitudine, propè dilectione, propè remuneratione. Quoniam quos per modestiam sui similes spectat, diligit, & remunerat. Hæc virtus fratres, Moysen & David, Deo gratos & hominibus effecit: quorum alter legitur pro inimicis suis orasse, alter verò inimico, suum sanguinè quæretî pepercisse. Discamus & nos fratres, modestiâ in omnibus tenere, motus cordis nostri refrenare, nobismetipsis dominari, aliorum dissonantijs modarari, Deo, qui sine motu omnia facit, assimilari, ut ab eo mereamur diligi & remunerari, iuxta quod ipse promissit: Beati, inquit, mites, quoniam ipsi possidebunt terram. Sequitur pars tertia, in qua monet nos Apostolus sine sollicitudine orare, dicens: *Nihil solliciti sitis, sed in omni oratione, &c.* Et convenienter fratres, dum hortatur nos ad orandum præmisit, *Nihil solliciti sitis*. Nihil enim plus impedit orantem quàm sollicitudo. Si enim fratres, nullus ita liber est à curis secularibus: & orationi devotus, qui in oratione quandoque insultus dæmoniorum, & phâsasmata cogitationum vanarum non sentiat. Quid fratres mei, quid putatis de illis, quorum tota mens & desiderium versatur in temporalium sollicitudine? Hi nimirum si quandoque orare cœperint, statim reuolat mens ad cōsuetam, quoniâ ubi est thesaurus suus, ibi est & cor suum. Proinde fratres, purgandus est prius animus ab amore &

sollicitudine temporalium, & in Deo totus figendus, ut liberè possit ad orandum Deum vacare. Sed etsi quandoque nos orationi incumbentes, pulsauerint suggestiones dæmonū & nebule vanarum cogitationum, cauendum est summopere fratres, ne immorentur, ne foris iuxta Salomonem, muscæ morientes perdant suauitatē vnguēti, sed statim in nosmetipsos indignantes, vanas quātocius meditationes à nobis repellamus, & ad ipsum redeamus. Scriptum est enim, Descenderūt volucres cœli, & abigebat eas Abraham. Quid enim per sacrificia, nisi orationes? Et quid per volucres, nisi vanæ cogitationes designantur. Sed de uotus orator, cūm vanæ cogitationes super orationē suam descendunt, exemplo Abrahæ, eas protinus expellit.

Sed in omni oratione, inquit, & obsecratione, cum gratiarum actione, petitiones vestre innotescant apud Deum.

Oratio fratres, tantūm fit pro bonis adipiscendis: Obsecratio pro malis remouendis. Hæc, inquit, innotescāt apud Deum, id est, talia taliter & tali intentione petantur, ut digna sint quæ Deus noscat & audiat. Petamus igitur fratres à Domino non opes, non honores, non vitam in hoc sæculo longam, quæ qui petunt, non exaudiūtur, ut ait Iacobus, eò quòd indignè petant. Sed Domino docente, petamus primum regnum Dei & iustitiam eius. Petamus &

*Petendum
in fide.*

Iacob. 1.

qualiter debemus, corde scilicet & opere, & cum fiducia. Vnde Iacobus: Si quis, inquit, indiget sapientia, postulet à Domino, qui dat omni affluentem, & non impropere: postulet autē in fide nihil hæsitans, quoniā qui hæsitat, similis est fluctui maris, qui à vento mouetur & circumfertur. Petamus quoq; fratres, ea intentione qua debemus, id est, petamus omnia propter Deū, & ipsum Deum nō propter aliud, sed propter seipsum petamus & diligamus. Ipse enim eis qui non simplici intentione eū quærebant, fertur respondisse: Amen dico vobis, quæritis me, quia comedistis de panibus. Operamini non cibum qui perit, sed qui permanet in vitam æternam. Ac si diceret, non propter panem temporalem me debetis quærere, sed propter meipsum, qui sum verus panis, satians in æternum.

Ioan. 6.

Sequitur pars quarta, in qua Apostolus orat nos custodi in pace, & à pace, dicens: *Et pax Dei quæ exuperat*

om.

omnem sensum, custodiat corda vestra, & intelligentias vestras. Dicit autem pax Dei, id est, Deus, qui est pax, & Christus, qui est pax nostra, qui fecit vtraque vnum. Vel Spiritus sanctus, qui est concordia patris & filij. Hæc pax exuperat omnem sensum, non solum in se, sed & in creaturis.

Si enim pax Dei in creaturis exuperat omnem sensum, quantum magis in se exuperat omnem sensum? Quis enim sensus fratres charissimi, comprehendere potest, quomodo quatuor elementa cum sint adinuicem contraria, in vnam connectentur concordiam? Quis comprehendere potest, quomodo contrarij humores in homine, in vnam pacificentur sanitatem? Quis comprehendere potest quomodo contrarij soni in cithara in vna conueniant consonantiam? Et ut de cœlestibus creaturis loquar, quis sensus comprehendere potest quomodo superni spiritus & Sancti, cum sint in gradu & in merito dispares, & in gloria, in vnius gaudij, voluntatis, & amoris consonent vnitatem? Et si illa fratres charissimi, pax Dei in creaturis omnem sensum exuperat, quantum magis in seipsa omnem sensum & omnem intelligentiam exuperat? Quæ enim intelligentia inuestigare poterit pacem & concordiam Trinitatis, quo modo scilicet, cum sint tres in personis, in vnam vniantur essentiam, voluntatem, & maiestatem. Hæc igitur pax Dei, inquit, Apostolus, *quæ exuperat omnem sensum, custodiat corda vestra, ut scilicet bene velint: & intelligentias vestras, ut ritè intelligant.*

Oremus & nos fratres, ut pax Dei, quæ exuperat omnem sensum, custodiat corda nostra, ut pacem erga eum habeamus, ei obediendo: pacem erga nos, noxia cauenda: pacem erga proximos nostros, eos diligendo. Quam pacem nobis largiri dignetur pax nostra Deus & Dominus noster Iesus Christus, qui cum Patre & Spiritu sancto viuit & regnat Deus, Amen.

DOMINICA IIII. ADVENTVS.

Miserunt Iudæi ab Hierosolymis Sacerdotes & Leuitas ad Ioannem, ut interrogarent eum, Tu quis es? &c. Hæc lectio fratres charissimi, continet alternatim Iudæorum interrogationes, Ioannisque præcursoris responsiones. Nouerant siquidem Iudæi ex libro Danielis ad-

Ioan. 6.

uentum Christi iam instare. Videbant quoque Ioannem Baptistam ab Angelo prænuntiatum, miraculose natum, sanctissimè conuersatum, pœnitentiam prædicantem & baptizantem. Et ideo eum esse Christum suspicati sunt.

*Iudæorum
curiositas
et duritia.*

Hac igitur de causa, legis doctores ad interrogandū eum, legant. Et eum, an ipse sit Christus, interrogant. In quo patet Iudæorum curiositas simul & duritia, quoniam curiosi erant ad interrogandum, & duri ad credendum.

Sed quare interrogabant, qui credere volebant: vel qui credere nolabant, cur interrogabant? Ioannes enim eos à se remouet, & ad Christum mittit, & ei non acquiescunt. Et puto quòd si Ioannes se esse Christum diceret, non crederent, sed quod Christo dixerunt, dicturi erant, tu de teipso testimonium perhibes: testimonium tuum non est verum. Similiter enim interrogabant Christum, Si tu es Christus, dic nobis palàm. Quibus ipse dicebat: loquor vobis, & non creditis. Tales sunt hodie multi, vnde dolendum est, qui à sanctis Ecclesiæ doctoribus, curiosè multa inquirunt, sed ad acquiescendum duri sunt. Nos quoque Doctores fratres, quod sine gemitu dicere nequeo, Scribis & Pharisæis similes videmur, qui ad perferutandum scripturas curiosi sumus, ad operandum verò duri & tardi. Sed quæ nobis fratres, inde est utilitas? nisi quòd Dominus nobis comminatur, quòd seruus sciens voluntatem Domini, & non faciens, plagis vapulabit multis? Econtrariò verò fratres charissimi, responsio Ioannis magnum dat nobis fidei & humilitatis documentum: fidei, cùm in quo nobis credendum & sperandum sit, Dominum nostrum Iesum, qui solus verè baptizat, proponit. Cuius & se vocem esse commemorat & præconem. Humilitatis, cùm humiliter de se in omnibus sentit & responderet. In quo fratres, sollicitè pensare debemus, quomodo sancti, cùm tanta radiant virtutum excellentia, de sola humilitate gloriantur. Sciunt quippè quòd ædificatio virtutum sine humilitate ruina est. Sicut enim superbia est ruina omnium virtutum, ita & humilitas est earum fundamentum. Superbia primum Angelum & primum hominem, ab alto præcipitavit in imum. Humilitas quoslibet infirmos, reuocat ad cælum. Sanè tan-

*Dicit se
doctorem.*

Luc. 12.

tum bonum est humilitas, quod melior est quilibet peccator cum humilitate, quàm quilibet iustus cum arrogantia. Nam humilitas corrigit peccatorem. superbia verò damnat iustum. Hinc est quod redemptor nollet exemplo & verbo proposuit nobis viam humilitatis, per quam ad cœlum ascenderemus, qui per superbiam lapsi eramus. Discite, inquit, à me, quia mitis sum & humilis corde.

Mat. II.

A quo beata mater & virgo edocta, virginitatem ceterasque virtutes, quibus incomparabiliter præfulgebat, dissimulat, & hanc solam confitetur. Quia respexit, inquit, humilitatem ancillæ suæ. David quoque, vir secundum cor Domini, cum ab vxore despiceretur, eò quod coram arca Domini saltasset, ait: Ludam, & humilior fiam, plusquam factus sum, & ero humilis in oculis meis. Et Doctor gentium, qui vsque ad tertium cœlum raptus fuerat, Ego sum, inquit, minimus Apostolorum, qui non sum dignus vocari Apostolus. Ecce fratres vetus & nouum Testamentum percurrendo, inuenietis omnes Sanctos in virtute humilitatis suum posuisse fundamentum. Hinc est quod Ioannes iste, quo nemo, teste Domino, inter natos mulierum maior surrexit, solam & omnem in se conficitur humilitatem. Quod melius intelligetis, si quid sit humilitas, & quot eius partes cognoscatis. Est autem humilitas virtus, qua homo verissima sui cognitione, sibi ipsi vilescit. Multi quidem miseri & desperantes, sibi met vilescunt, & hoc non est ex virtute, quia non ex vera sui cognitione, sed ex aduersitate. Sed omnis homo etiam in prosperitate, si bene cognoscat se, intelligit, quod nihil, nisi malum, habet in se. Si quid autem boni habet, à Deo habet. Vnde Apostolus: Quid habes quod non accepisti? Et si accepisti, quod gloriaris quasi non acceperis? Ergo fratres nihil habemus ex nobis vnde superbiamus, sed vnde humiliemur. Sunt autem humilitatis quatuor gradus. Primus est, vt quis sibi quod non est, non attribuat. Secundus, vt quod habet non à se, sed à Deo se habere credat. Tertius est, vt quis admirando aliorum bona sua nulla vel modicum æstimet. Quartus, vt bonum quod habet non meritis suis, sed gratiæ Dei attribuat. Itaque fratres, beatus Ioānes, verissima sui cognitione sibi met vilescens,

Luc. I.

2. Reg. 6.

1. Cor. 15.

Mat. 11.

Humilitas
quid.Malum à
nobis.Bonum à
Deo.1. Cor. 4.
Humilitatis
quatuor
gradus.

*Quare Ioā-
nes negat
se prophē-
tam.*

*Mat. 9.
Nemo sibi
attribuat
quod non
habet.*

primum humilitatis gradum, se habere demonstrat: cum quod putabatur, se Christum esse negat. Maluit enim de se sibi credere quam alij. Maluit solidè subsidere in se, quam humana opinione rapi super se. Negat etiam se esse Eliam corpore, quamvis iuxta verbum Domini, Elias esset simili præcursione. Sicut enim ille futurus est præcursor iudicis, ita iste fuit Redemptoris præcursor. Negat enim se Prophetam esse, quia non venturum prædicabat, sed iam venisse ostendebat. Vel certè sicut ad bonitatem Dei, nullus est bonus, ita ad præsentiam Dei, nullus est Propheta, qui solus omnia novit antequam fiant. Ergo fratres, qua fronte audeat aliquis in hoc seculo sibi aliquid iustitiæ vel bonitatis arrogare, cum ipse filius Dei dicat, Quid me dicis bonum? Nemo bonus nisi solus Deus? Et cum Ioannes plusquam Propheta, dicat non sum Propheta? Nemo igitur fratres, bonum sibi attribuat, quod non habet: nemo melior vel sanctior quàm sit, dici velit. Nam iuxta Poëtam: *Quem falsus honor iuvat, et mendax infamia teret*? nisi mendosum & mendacem. Si ergo cum sanctus non sis, sanctus prædicaris, non inde gaudeas, sed erubescere & plange, quia non es quod diceris, & ut id valeas, labora cum omni intentione.

Postquam autem Ioannes remouit à se quod non erat, ostendit cum hilaritate quod erat. Nam inquisitus quis erat, ait: *Ego vox clamantis in deserto*. Non autem ait, *Ego sum homo*, vel *ego sum filius Zachariæ*. Nihil impedit enim quod erat ex natura, ad id quod erat ex gratia, sed ait: *Ego vox clamantis*. Vox quippè, non est, nec signat aliquid ex se, sed ex loquente. Est ergo, ac si diceret: *Ego nec sum, nec loquor aliquid ex me, sed ex Deo in me loquente*. Ego sum tantum organum loquentis in me Dei. Ego tamen sum præco verbi, proferens ea quæ dicuntur per me, sed non ex me. Ecce fratres, secunda species humilitatis, qua ostenditur, quod id quod est, non à se, sed à Deo est. In quo benè consonat illi verbo, quod prædicanit qui de se testatur. Mea, inquit, Doctrina non est mea, sed eius qui misit me patris. Unde idem ait discipulis suis: Non enim estis vos qui loquimini, sed spiritus patris vestri qui loquitur in vobis. Et per Prophetam, Annauntiabunt, inquit, ex me.

Et

*Ioan. 7.
Mat. 10.*

Et Petrus : Si quis loquatur, quali sermones Dei. Quantum ergo fratres mei insaniunt, qui putant se aliquid esse vel posse ex se : Qui dicunt labia nostra à nobis sunt, quis noster Dominus est ? Filius Dei dicit : Mea doctrina non est mea : Et tu superbe cinis, dicis doctrinā esse tuā ? Itaque fratres, si quid boni dicimus vel facimus, non nobis, sed nomini Domini demus gloriam, qui ait, sine me nihil potestis facere. Non solum autem Ioannes, sed & quilibet, siue clericus, siue laicus, qui verbum vitæ annuntiat in deserto huius mundi, vox clamantis in deserto potest dici. Itaque & nos fratres quantum possumus, verbo & exemplo clauemus cum Ioanne, dirigite viam Domini. *Quid ergo inquit, baptizati sunt nonnes Christus, neque Elias, neque Prophetæ ?* Quod ex sola inuidia eos dixisse Euangelista innuit, dicens : *Et qui misisti fuerunt, erant ex Phariseis*, qui doctrinā nesciunt quærere, sed inuidere. Sed sanctus quisque, & cum peruersa intentione requiritur, & à bonitate sua non mouetur nec mutatur. Vnde Ioannes ad verba inuidiæ, verba respondet vitæ. *Ego, inquit, baptizo in aqua*, id est, sola corpora, non animas lauo. Sed dicis, quare ergo baptizabat ? Triplici de causa. Prima vt sicut nascendo & prædicando, ita & Christum præcurret baptizando. Secunda vt populum ad baptismum assuesceret. Tertia vt populum ad poenitentiam inuitaret, *Ego, inquit, baptizo in aqua : medius autem vestrum stat quem vos nescitis* : qui subaudis baptizat in Spiritu sancto. Ecce tertia species humilitatis, qua Ioannes ministerium suum humiliat, & Christi auctoritatem commendat. Sic enim fratres mei, sic semper consueuerunt Sancti, non solum Christi, sed & aliorum sanctorum virtutes admirari, & suam imperfectionem considerare, vt sic discant alios sibi præferre & se humiliare. Hinc est quod Princeps Apostolorum Petrus, non illam tantam virtutem, qua, sola umbra sanabat infirmos, non principatum suum considerat, sed sapientiam Pauli admiratur : Sicut inquit, charissimus frater noster Paulus, secundum sapientiam à Deo sibi datam docet. Vt quid hoc ? Vt ita Pauli sibi præferat excellentiam, & se humiliet, suam attendens imperfectionem. Econtra verò superbi sua bona in corde suo semper considerant & extollunt, aliorum im-

1. Pet. 4.

Psalm. 11.

Ioan. 15.

Mat. 1.

2. Pet. 5.

Esf. 5.

Rom. 12.

1 Reg. 13.

Mala pro-
ximorum
disjuncta
da.

perfectionem semper increpant, ut ita se semper aliis præferant, & alios præ se vilipendant. De quibus Propheta, Væ vobis qui sapientes estis in oculis vestris, & coram vobismetipsis prudentes, Et Paulus: Nolite, inquit, esse prudentes apud vosmetipsos. Hinc superbienti Sauli Dominus dicit: Cum esses paruulus in oculis tuis, caput in tribubus Israël factus es. Quasi diceret: Cum te paruulum conspiceres, ego te præ cæteris magnum feci. Nunc verò, quia tu te magnum conspicias, à me paruulus æstimaris.

Nos itaque fratres si qua bona habemus, ea quodammodo in animo nostro attenuantes parua esse æstimemus: nostra verò mala in oculis nostris multiplicemus, ut scilicet semper nobis humiles simus. E contra verò mala proximorum, maximè qui nobis commissi non sunt, vel dissimulemus, vel attenuemus. Eorum autem bona semper admirantes, imitari satagamus. Ut ita semper eos nobis proponamus. Sequitur: Qui post me venit ante me factus est: Ac si diceret: Qui post me venit, nascens in humanitate, mihi præpositus est maiestate. Cuius non sum dignus solvere corrigiam calceamenti eius. Ecce species quarta humilitatis. Nihil enim meritis suis attribuit, qui ad soluendum calceamentum se indignum dicit: Sed fratres mei, si ad soluendum calceamentum Ioannes non fuit dignus, quomodo ad officium prædicandi, vel baptizandi Christum, dignus fuit? Nunquid fratres mei, vel Christus dicendus est, non dignum elegisse? vel Ioannes humilitatis causa, mentitus fuisse? Sed absit ut Christus non dignum elegerit, qui falli non potest, vel Ioannes mentitus sit, qui veritatis præco est. Quomodo ergo dignus & non dignus? Dignus erat fratres, ex Dei dignatione & electione: non dignus ex se, dignus ex gratia, non dignus ex vi propria. Erubescat igitur præsumptio & superbia nostra. Ioannes quo inter natos mulierum non surrexit maior, dicit se non dignum calceamento soluendo, & tu dicis te dignum Sacerdotio, dignum Pontificio? Ioannes lucerna ardens & lucens, idcirco se non dignum calceamentum soluere. Et tu carbo fumigans, dignum te dicis corpus Christi tractare mysterium incarnationis, quæ per calceamentum significatur, inuestigare vel prædicare. Quid ergo dicemus

cemus statres, nisi vel quantumcunq; bonum fecerimus, semper nos indignos dicamus. Nec hoc dicamus solo ore, quasi mentiendo ex humilitate, sed mente credamus, ore confiteamur. Iuxta quod ipsa veritas admonet, dicens: Cum omnia feceritis quæ præcepta sunt vobis, dicite serui inutiles sumus, quod debuimus facere nos fecimus. Quam humilitatem det nobis tenere ille qui propter nos humilis & pauper factus est, Dominus noster Iesus Christus, qui viuit & regnat, &c. Amen.

Luc. 17.

IN NATALI DOMINI, LECTIO

Esaie Prophetæ ad Missam de nocte.

Populus qui ambulat in tenebris, vidit lucem magnam, &c. Hodie dilectissimi, temporalem saluatoris nostri celebramus natiuitatem. In qua tantò maiore mentis exultatione solemnizare debemus, quantò maiorum hodie suscepimus materiam gaudiorum. Hodie quippè humani generis calamitas reducta est de seruitute ad libertatem, de miseria ad scælicitatem, de morte ad vitam, de tenebris ad lucem. Hodie siquidem omnipotens & misericors Deus, quam ab æterno præordinauerat, Patriarchis promiserat, in lege figurauerat, per Prophetas prædixerat, humano generi iam de salute desperanti, diu præstolatam & prædesideratam persoluit promissionem.

Esa. 52.

Hodie aduenit desideratis cunctis gentibus. Hodie veritas de terra orta est, & iustitia de cælo prospexit. Hodie fratres, populus qui ambulabat in tenebris, vidit lucem magnam, ut modò in prophetia legimus. Hodie cælis rorantibus desuper, & nubibus pluentibus iustitiam, aperta est terra & germinauit saluatorem. Porro huius lectionis quinque sunt partes. Primò enim ostendit Propheta, populo in tenebris ambulanti, lucem exortam fuisse, scilicet, Christum. Secundò ostendit eius dignationem. Tertio eius exaltationem. Quartò ponit sacramenta nominum eius: Quintò magnitudinem & perpetuitatem regni eius. Ait ergo Propheta: *Populus qui ambulabat in tenebris, vidit lucem magnam.* Sanè fratres charissimi, ante aduētum Christi, ob primi parentis præuaricationem, vniuersa eius posteritas in tenebris ambulabat. In quibus? In tenebris ignorantix, peccatorum & miseriæ. In tenebris ignoran-

Esa. 45.

tix;

HOMILIAE

- De it. 32.*
1. par. 190.
Psal. 50.
Rom. 5.
Psal. 13.
Psal. 32.
Iub.
4. Reg. 20.
Esa. 32.
Ambulare
est in tene-
bris errare
Iuan. 12.
Iuan. 3.
Iuan. 1.
- tiz, dum homo per esum pomi veniti, voluit esse sciens bonum & malum, & cecidit in ignorantiam. Vnde Moyses: immolauerunt daemoniis & non Deo, diis quos ignorabant. Et Dauid: errauerunt, inquit, in solitudine, viam ciuitatis habitaculi non inuenerunt. In tenebris peccatorum ambulant, quia omnes de massa prauaricatrice, per concupiscentiam, descendentes, in peccatis concepti, cum peccato nati sunt. Vnde Apostolus, regnabit, inquit, mors in mundum ab Adam vsque ad Moysen. Sed si per legem mors peccati fuit cognita, non tamen fuit ablata, sed aucta. Et Dauid, omnes, inquit, declinauerunt, simul inutiles facti sunt. Vnde & legitur, Nemo mundus à sorde, nec & infans cuius vita est vnus dies super terram. In tenebris miserie ambulabat populus, quoniam quantumcunq; iustus, miser erat in hac vita, miserior in morte, miserrimus post mortem. De qua miseria Ezechias: Ego, inquit, in dimidio dierum meorum vadami ad portas inferi. Heu fratres, heu in quantis tenebris ante aduentum Christi humanum genus ambulabat, imò errabat. Ambulate enim in tenebris, non est ambulare, sed errare: Quoniam, sicut ait Dominus, qui ambulat in tenebris, nescit quò vadat.
- Cùm autem Sol iustitiæ Christus oriens ex alto, visitauit mundum, vidit lucem magnam. Notate fratres, notate, vidit lucem magnam. Non ipse sibi accendit, non pretio emit, non mentis suis acquisiuit, sed gratis sibi oblatam vidit. Sed quomodo hanc videre potuit, qui cæcus natus erat? Nullatenus potuisset nisi illuminatus fuisset. Vt ergo lucem sibi oblatam videre posset, illuminauit eum prius Christus in mente, collirio, ex sputo & terra, id est, ex diuinitate & humanitate facto. Sic itaque fratres vidit lucem magnam. Quam? lucem veram quæ illuminat omnem hominem venientem in hunc mundum. A luce illuminatus, vidit lucem ipsam: vidit ipsum illuminatorem.
- Nec solùm charissimi, qui tunc in carne erant, viderunt hanc lucem, sed & habitantibus siue sedentibus in regione vmbrae mortis, lux orta est eis, hoc est Patriarchis & Prophetis, cæterisque sanctis, qui carne soluti præstolabantur aduentum mediatoris quasi exules, habitantes non quidem in morte, sed in ymbra, id est, in similitudine mortis,

tis, carentes visione Dei. De quibus David, exortum est, *Psal. 111.*
 inquit, in tenebris lumen rectis corde, misericors & mise-
 rator Dominus. Et alibi, Lux orta est iusto, & rectis corde *Psal. 112.*
 lætitia. Itaque fratres, lux vera Christus veniens in hunc *Psal. 113.*
 mundum, & tenebras ignorantie fugauit, veritatem præ-
 dicando, & tenebras peccatorum soluit, suo sanguine ex-
 piando, & tenebras miserie terminauit, æternam beatitu-
 dinem conferendo. Vt autem Christus mundi tenebras à
 se demonstraret illuminandas, natus Christus media nocte,
 ipsam noctem splendoribus & laudibus angelorū illustra-
 uit, & noni syderis claritate. Et ideo quam modo expla-
 namus, lectio legitur ad Missam in nocte.

Sequitur pars secūda, in qua ostenditur dignatio Chris-
 ti, cūm dicitur: *Paruulus enim natus est nobis, & filius
 datus est nobis.* Nisi enim intuens paruus fieret, non nos
 illuminaret.

Nisi enim splendorem suū inaccessibilem nube carnis
 obuclaret, infirmitas aciei nostræ eum speculari nō posset.
 Factus est igitur ex immenso paruulus. Paruulus corpo-
 re, paruulus humilitate, paruulus reputatione. Primò,
 paruulus corpore, quia modò natus de virgine, in angu-
 sto præsepio collocatus est. Paruulus humilitate, quia hu-
 miliauit semetipsum, & panperes elegit parentes, pauper-
 tatem elegit omnibus & prædicauit: Discite à me, inquit,
 quia mitis sum & humilis corde. Paruulus reputatione
 quia dici voluit filius fabri, iuxta quod ipse dixerat per
 Prophetam: Ego sum vermis & non hono, opprobriū ho-
 minum & abiectio plebis. In omnibus exemplum humilia-
 tatis nobis demonstraui, vt ostenderet per quam viam ad
 cælum ascendere possemus, qui per superbiam lapsi eramus.
 Iste igitur paruulus natus est nobis ex matre, & filius Dei
 datus est nobis à patre Non sibi quidem natus est qui nul-
 lius indigebat, sed nobis natus est, & datus, qui multū in-
 digebamus. Nobis natus est, vt suam dilectionem in nos
 commendaret, quia, vt ait Apostolus, iste prior dilexit
 nos. Nobis natus est & datus, vt nobis iter vitæ demon-
 straret, vt scilicet sequamur vestigia eius. Nobis natus &
 datus est, vt nos à morte redimeret: quoniam ipse posuit
 animam suam pro ouibus suis. Sed quid prouenit ex hac
 dilec

Mat. 23.

Psal. 22.

1. Ioan. 4.

HOMILIAE

dilectione, ex hac humilitate, ex hac patientia? Hoc quod sequitur: *Et factus est principatus super humerum eius.*

Est autem hæc pars tertia, in qua post humiliationem Christi, exaltatio Christi prædicatur. Vocatur autem hic fratres, principatus Christi, transumpto nomine consequentis ad antecedens: quoniam per crucem, quam super humerum suum tulit, omnis potestas in cælo & in terra ei data fuit: Et hoc est quod ait Apostolus: humiliavit semetipsum, factus obediens patri usque ad mortem: mortem autem crucis: Propter quod & Deus exaltavit illum, & donavit illi nomen quod est super omne nomen, &c. Hic est & illud paruum granum sinapis, quod minimū omnium seminum, iactum excrevit in magnam arborem. Hic est ille parvus lapis, qui iuxta Daniëlem, excisus de monte sine manibus, excrevit & occupavit totum orbem.

Sequitur pars quarta, in qua exprimuntur sex nomina Christi, cum subditur. *Et vocabitur nomen eius admirabilis, Consiliarius, Deus, fortis, pater futuri seculi, princeps pacis.* Admirabilis, noua inaudita miracula faciendo: Consiliarius, prædicatione, passione, ereptione, miseris consulendo. Deus, corpus suum & aliorum à mortuis suscitando. Fortis, fortem ligando, vasa eius diripiendo, & cælum eis aperiendo. Pater futuri seculi. Id est Christianorum, eos fouendo, defendendo, Patrem, pro eis interpellando. Princeps pacis, iustos coronando, & prauos damnando.

*Quando
sancti cum
omnibus
pacem ha-
bent.*

Tunc quippe sancti omnimodam pacem habebunt cum omnibus, & ab omnibus. Cum omnibus, cum Deo, cum Angelis, cum proximo, cum corpore & anima. Cum Deo, idem volendo: Cum Angelis, eis in puritate consentiendo: Cum corpore & anima, in bonum concordando: Cum proximo, cum sincerè diligendo: Ab omnibus, à diabolo, & à membris eius nihil timendo.

Sequitur pars quinta, in qua multiplicatio & perpetuitas Regni Christi demonstratur, cum subditur: *Multiplicabitur eius imperium.* Qui enim nunc solis bonis imperare videtur, & non malis: in futuro sine contradictione imperabit utrisque, hos glorificando: illos in æternum puniendo. Nunc in cælo tantum regnare videtur, & nō in inferno: in futuro apparebit eum regnare ubique. *Et regni eius*

ei non erit finis, nec temporis, nec loci, nec præmiorum, nec pœnarum. Itaque fratres, si volumus esse hæredes regni Christi, simus primò hæredes charitatis suæ humilitatis & patientiæ: per has enim virtutes veniemus ad illud præmium. Non timeamus quælibet vilia & aspera pro eo, qui tantus & talis; tot abiecta & aspera passus est pro nobis. Diligamus eum plulquam nos qui tantillus factus est propter nos. Eius sanctum nomen, eius sancta verba & exempla, toto desiderio diligamus & imitemur. Eius natalitia in gaudio celebremus: in gaudio non temporali, sed spirituali, non in ebrietate, sed in sobrietate, non in commensationibus, sed in communitatibus. Si nouis & splendidis hodie vestibus vestimur, non sit ad iactantiam, sed ad eius, cuius natale celebramus, honorem: ita fratres ut nudus, &, si non nouam, saltem vel veterem accipiat vestem. Si quoque largius, si splendidius hodie cibaria procuramus, non fiat ut inde largius sumamus, sed ut inde largius, pupillis, viduis, hospicibus, & pauperibus diuidamus. Ut participes fiant nobiscum in omnibus bonis temporalibus, qui participes futuri sunt in cœlestibus. Ipso largiente qui pro nobis hodie de virgine nasci voluit. Domino nostro Iesu Christo, qui cum Patre & Spiritu sancto viuit & regnat Deus, Amen.

IN NATALI DOMINI.

Apparuit gratia Dei & Saluatoris nostri omnibus hominibus, &c. Hodie fratres charissimi, temporalem Christi celebramus natiuitatem, in qua communiter & multipliciter nobis est gaudendum. Communis quidem est, quoniam Christus sicut communem suscepit naturam, ita communem operatus est redemptionem. Multiplex verò est, quoniam eius natiuitas multiplicem nobis operata est utilitatem. Vtrumque ostendit in prælibata lectione Apostolus, methonomica vtens locutione, hoc modo: Apparuit gratia, id est, Deus per gratiam, omnibus hominibus, erudiens nos, &c. Ostendit autem hic, quis & quantus apparuit, quomodo & quibus & ob quas utilitates nostras. Quis & quantus? Deus Dei filius. Sed quomodo inuisibilis apparere potuit, cum scriptum sit, Deum nemo vidit vnquam. Verum quippè est fratres quod Dei claritas

*Quomodo
heredes re
gni Christi
erimus.*

Rom. 19.

Th. 2.


- Ioa. 1.* claritas immensa, nec carnali, nec spiritali oculo prout est, videri potest. Re vera enim ille splendor, & illa gloria, superexcellit vniuersam contemplationem, non solum hominum, sed etiam archangelorū. Sed cum immensa Dei misericordia, humanæ tenebras cæcitaris splendore suo vellet illustrare, carnis velamine suum velaui fulgorem, ut sic infirmitas humanæ contemplationis, quoquomodo cum valeret intueri. Sanè sol temporalis, de illo æterno sole nos instruit. Si eius fulgorem inspicere contendimus, excæcamur, sed latentem sub nube melius possumus eum videre. Quomodo apparuit? gratis. Non enim ideo nobis apparuit quod ipse indigeret, vel quod nos meriti essemus, sed tantum ob gratiam suam nobis immeritis apparuit. Vnde idem Apostolus alibi: Non ex operibus inquit iustitiæ quæ fecimus nos, sed secundum suam misericordiam saluos nos fecit. Est quidem fratres magna gratia, illi, qui nec bona, nec mala nobis intulit, misereri. Sed maior est & illi, qui immeritis nobis mala intulit, misereri. Maxima verò est, & illi, qui nobis bene meritis mala intulit, pro bonis misereri. Hoc fecit Dominus. Vnde Apostolus, Non quia, inquit, nos dilexerimus eum, sed quia ipse prior dilexit nos. Et alibi: Cùm inimici essemus, reconciliati sumus sanguine ipsius. Nos ergo fratres Christum imitari satagamus, Christum imitamur, si inimicos nostros nobis per beneficia reconciliamus. Quibus apparuit? *omnibus hominibus*, subintelligendum est sese offerens. Quamuis enim Dei gratia non ab omnibus agnita sit, tamen Deus quantum in eo est, eam nobis obtulit: quemadmodum sol, quantum in eo est, omnibus lucet, nec aliquis potest se subtrahere ne luceat sibi. Itaque fratres, cùm gratia Dei se nobis omnibus offerat, non nos ei subtrahamus, sed potius ei toto desiderio occurramus. Tempore, & cæteris Dei donis nobis ad bene agendum præstitis, non abutamur, nō otiose prætereamus, non negligenter vtamur: quoniam iuxta Euangelium, abscondens talentum iustè spoliatur: Et ficulnea occupans terram succinditur. Et iuxta Hieremiam, maledictus est qui facit opus Dei negligenter. Ob quas utilitates apparuit Christus? Ob quatuor.

Prima quidem est fratres, vt exemplo & verbo quomodo viuendum, & quò festinandum nobis sit, demonstraret. Hanc ponit Apostolus cùm dicit: *Erudiens nos. vt abnegantes impietatem*, id est, infidelitatem, & *secularia desideria*, id est, omnia vitia, *vinamus subre in nos*, & *iuste in proximum, pie in Deum, expectantes securè beatam spem & aduentum Domini*. Ordo præposterus, aduentum Dei secundum, scilicet ad iudicium: Et beatam spem, id est, spem beatitudinis. Secunda verò causa vtilitas nostra est, qua Christus apparuit, vt charitatem quam erga nos habebat, nascendo, patiando, moriendo pro nobis demonstraret, iuxta quod ipse ait: Maiorem dilectionem & charitatem nemo habet, vt animam suam ponat quis pro amicis suis. Hanc causam ponit Apostolus cùm dicit: *Qui dedit semetipsum pro nobis*. Tertia causa est, vtilitas nostra, vt de prima præuaricatione satisfaceret: illa autem præuaricatio fuit superbia tanta, vt se eleuaret mente homo vsque ad æqualitatem Dei. Cùm verò contraria contrariis curentur, oportuit vt ad satisfactionem illius superbiæ aliquis homo humiliaretur, ab altitudine diuinitatis vsque ad humilitatem hominis. Hoc autem nemo potuit facere nisi esset Deus & homo. Propterea Deus factus est homo. Hanc causam innuit Apostolus, cùm dicit, oblatione, Deo ad reconciliandum scilicet hominem. Quarta causa & vtilitas nostra, quare Christus apparuit, est redemptio, & emundatio, & satisfactio generis humani. Redemptio à potestate diaboli per sanguinem Christi. Emundatio à delictis per baptismum. Satisfactio per virtutem, & opera virtutum. Hanc innuit Apostolus cùm dicit hostiam, ad deuincendum scilicet hostem, vt emundaret sibi populum acceptabilem, sectatorem bonorum operum, In prima igitur causa fratres, Christus ostendit se esse verum magistrum, verbo & exemplo nos erudiendo. In secunda ostendit se esse verum amicum semetipsum pro nobis tradendo. In tertia ostendit se esse summum Pontificem, oblatione proprii sanguinis nos Patri reconciliando, secundum illud: Et in tempore iracundiæ factus est reconciliatio. In quarta ostendit se esse redemptorem, purificatorem, & sanctificatorem nostrum, nos à potesta-

Mat. 21.
Hier. 18.

Ioan. 15.

Contraria
contrariis
curantur.



Eccle. 44.

te diaboli liberando, à vitiis purificando, & virtutibus sanctificando. Nos itaque fratres, recognoscamus Dominum nostrum Iesum Christum esse verum & summum magistrum, eius exemplum & doctrinam imitantes & sequentes. Recognoscamus eum verum & summum amicum nostrum esse, ei vicem prout possumus, reddentes, & animas nostras pro eo ponentes. Recognoscamus eum verum & summum esse Pontificem, nosmet ei puros offerentes. Recognoscamus eum verum redemptorem, purificatorem, & sanctificatorem nostrum esse, hos tanquam suos emptos, mundatos & sanctificatos ei exhibendo: ut venientem eum iudicem securi videre mereamur Dominum nostrum Iesum Christum, Qui cum Patre & Spiritu sancto vivit & regnat Deus, Amen.

IN NATALI DOMINI.

- LUC. 2.** **E**xiit, editum à Cæsare Augusto, ut describeretur vñs uersus orbis, & reliqua. In hac sancti Evangelij lectio-
ne fratres charissimi, exponit nobis Lucas manifestè cau-
sas solemnitatis hodiernæ. Exponit enim hic sex res no-
bis, videlicet quo tempore natus sit Christus, quo loco, ex
quibus, quo cultu nutritus, quibus, & per quæ iudicia sit
reuelatus. Porro quo tempore natus sit Christus ostenditur,
cùm ait: *Exiit editum, &c.* Cùm Augustus Cæsar monar-
chiam penè totius mudi in tāta pace possideret, ut vniuer-
sum mundū vna descriptione concluderet, nasci voluit fra-
tres charissimi, Christus: ut etiā ad literam tunc cōpleta vi-
Isa. 2. sa sit illa prophetia. Conflabunt gladios suos in vomeres,
& lanceas suas in falces, &c. Non leuabit gens contra gen-
tem, &c. Quantum ad literam. In tali tempore nasci voluit
Christus, ut se Principem pacis & monarchā cæli & terræ,
& suos in libro vitæ descripturum, demonstraret. Moraliter
verò fratres, sub seruitute tributi voluit Dominus nasci,
ut nobis in se voluntariæ humilitatis & mutuae subiectio-
nis præberet exemplum. Si enim ipse, cùm sit Rex Regum
& Dominus dominantium, propter nos venit in hūc mun-
dum, non dominari, sed subdi: non ministrari, sed ministra-
re: quid nos miseri serui, quid facere debemus propter eū?
Propter eum dicam, an propter nos? Sed melius dicam &
propter eum, & propter nos. Nam & propter Christum lu-
crandum,

erandum, & propter nos saluandos nos humiliare debemus. Si ergo Deus propter hominem se subdit homini, homo qua ratione subdi homini refugit? Itaque fratres, cum sponte nos humiliamus, cum seruius proximo & ministramus: Christum imitamus. Quando verò dominari hominibus, seruire & ministrari cupimus, non ipsum in hoc, sed Satanæ superbiam imitamus. Quomodo ergo fratres humilitatē & subiectionem Christi sequuntur Episcopi, Sacerdotes & Monachi, qui contendunt de dominatione, qui non solū personas, sed & Ecclesias suæ ditioni gessunt subiugare? Nos ergo fratres, securiorem & firmiorem viam Christi sequamur, humilitatē & subiectionem: Iuxta quod Apostolus ait: Si seruus es, non sit tibi curæ: sed si potes liber fieri magis vtere. Mylticē autem, Augusto Cæsare, superbo diabolo, penē iam super vniuersum mundum tyrannidem exercēte, & ad suum seruitium transferibente, natus est Christus. Hæc descriptio, inquit, prima facta est à præfide Syriæ, Cirino, id est, à primo apostata Angelos sibi super alios per superbiam dominationem vsurpante. Cirinus autē, dominans siue Dominus interpretatur: Et ibant singuli, vt profiterentur in suā ciuitatē. Ciuitas fratres, avarorum, auaritia est. Ciuias luxuriosorum, luxuria est. Ciuitas gulosorum, gulositas est. Et auari ibant & conueniebāt per consensum in vitium auaritiæ, vt si non ore, tamē opere se seruos diaboli profiterentur. Luxuriosi quoque ibant & conueniebant propter consensum, in urbem luxuriæ, vt & si non ore, tamen opere se seruos diaboli profiterentur: & similiter ceteri vitiosi. Aded autem fratres, hic diaboli seruitus ante aduentum Christianaualuerat, quod & mater Christi, & sponsus eius, id est, Synagoga & Sacerdotium, irent in Bethleem, id est, in amorem terreni, non cœlestis panis: per hoc diabolo professionem facientes. Hanc autem in qua tunc mundus erat miseriam, etiam hyems, & nox in qua Christus natus est, designat. Cum igitur in tanta seruitute esset totus mundus, natus est Christus, factus adiutor in opportunitatibus, in tribulatione. Sed & hodie fratres, quod sine gemitu dicere nequeo, multi falsi Christiani postquam à seruitute diaboli per Christum sunt emancipati, rursus peccando in dia-

*Quomodo
imitari de-
beamus
Christum.*

I. Cor. v.

*Peccatorū
ciuitates.*

P^{ro}

Ioh. 8.

Bethleem
dicitur.
domus
panis.

Psalm. 38.

boli redeunt seruitutem. Qui enim diaboli opera facit,
 quid aliud quàm diabolo facit professionem? Qui enim
 peccatum facit, seruus est peccati: Et qui facit opera dia-
 boli, seruus est diaboli. Quo autē loco Christus natus sit,
 ostenditur cū dicitur: *in ciuitate David*, quæ vocatur Beth-
 leem: Effrata nequaquā minima es in principibus Iudæ;
 ex te enim exiet dux qui regat populū meum Israel: Bene
 autem in Bethleem quæ domus dicitur panis, nascitur qui
 verus panis est, suos externa satietate refecturus. Bene
 etiam non in parentum domo, sed in via nascitur, vt in
 hoc ostenderet quia per humanitatem, quam assumpserat,
 quasi in alieno nascebatur. Alieno dico, non quantum ad
 potestatem, sed quantum ad naturā. In quo & fratres nobis
 innuitur, quod non solum ipse, sed & nos omnes homines
 eū in hunc mundum nascimur, nō in nostram patriā, sed
 in viam, peregrinationem, & exilium venimus. Vnde &
 David licet Rex diues: Aduena, inquit, ego sum & p̄res-
 grinus sicut omnes patres mei. Hinc est fratres, quod
 quando infans nascitur, flere potest, ridere non potest. Plo-
 rat & ipse Christus. Sed quod cæteri infantes plorant, ne-
 cessitatis est: quod Christus plorat, dignationis. Cæteri in-
 fantes plorant, quia patiuntur: Christus, quia compatitur.
 Si ergo fratres, Christus plorat propter nos, quare ipsi pro-
 pter nosmetipsos non ploramus? Et si infantes ex infir-
 mitate naturæ ploramus, quare adulti cū miseriam nos-
 tram intelligimus, nō magis ploramus? P̄semus ergo fra-
 tres, quanta sit miseria humana, ob cuius medicinā Chri-
 stum necesse fuerit plorare, & à tanto tantum nobis exhibi-
 tam medicinam non spernamus, sed tanta deuotione vene-
 remur, diligamus, & imitemur. Ex quibus verò Christus
 natus sit, ostenditur, cū subditur. *Eo quod essent de domo
 & familia David*. Ioseph, scilicet & Maria. Vnusquisque
 enim secundum legem de tribu sua ducebat vxorē. Natus
 est igitur Christus, fratres, ex matre nobili, sed paupere:
 virgine, sed desponsata: Quod verò de matre nobili natus
 est, est mysterij: Quod de paupere, est humilitatis. Quod
 de virgine, est munditiæ: Quod de desponsata, est sacra-
 menti. De matre nobili natus est, quæ non solum ex re-
 gia stirpe trahebat originem, sed etiam ex Sacerdotali, vn-
 de &

de & Elizabeth cognata Mariæ fuisse commemoratur. Porro ex Regia & Sacerdotali tribu nasci voluit Christus, quia est Rex Regum, & Sacerdos secundum ordinem Melchisedech erat futurus. De matre paupere, quia nec & in sua purificatione agnum offerre potuit, natus est, vt nobis voluntariæ humilitatis & paupertatis exemplum donaret. De matre semper virgine natus est, vt se munditiæ diligere, & in mundis cordibus habitare demonstraret. Desponsata verò matre nasci voluit, vt sacramentum incarnationis suæ diabolo occultaret. Mater Christi fratres charissimi, quæ in nobilitate non se extulit, sed paupertatem & humilitatem dilexit, eos redarguit, qui de nobilitate superbiunt, & humilitatem oderunt atque paupertatem. In hoc verò quod in paupertate, à naturali nobilitate degenerare paruipendunt. Rursus in hoc fratres, quod virginali castitate coniugium decorauit, dat matronis exemplum in coniugio castitatem conseruandi. Quæ si penitus etiam à licito complexu continent, profectò castitatē beatæ Virginis imitantur. Sed & si quandoque debitum viro reddunt, non sine merito castitatis, dum fidem thori seruāt intemeratam. In hoc quoq; quod beata virgo sub cōiugio virginitatem celauit, dat omnibus exemplum, castitatē, cæterasque virtutes celandi. Nam flores virtutum corā Deo, tantò plus vernant & flagrant; quantò fauoris popularis eos non exurit. Similiter & Ioseph fratres charissimi, qui ex omnibus viris mundi electus est, vt esset virginis sponsus cœlestium secretorū conscius, familiaris Angelis, nutritus Christi, viris proponitur in exēplum iustitiæ & fidei, humilitatis & castitatis, qui & ipse quoq; coniugium castitate ornauit, & castitatem sub cōiugio celauit. Quo autem cultu educatus sit Christus, ostendit, cum dicitur. *Et pannis eum inuoluit, & reclinauit in præseppe, quia non erat ei locus in diuersorio.* Fuerunt igitur indumentū Christi, panni viles, lectus, arctum præseppe, cibus, lac virginale. Lac enim de carne corrupta elicitum, cum manducasse non credo. Vnde & legimus, ipsum Regem Angelorū, sola virgo lactabat, vbere de cœlo pleno. In hoc cultu fratres charissimi, quatuor inuenimus, primò admirationem, in hoc quod ille qui lucem habitat inaccessibilem, & qui cœlum

Luc. 1.

*Exemplum
matris Christi
si in quibus
nos doceat.*

*Laudes
Ioseph.*

luce vestiuit, vilibus pannis circumamictur: quod ille qui totum mundum continet in arcto præsepio continetur: Quod ille, qui omnibus dat escam in tempore oportuno: modico lactis educatur: Quis enim his non poterit admirari? Ministerium: Quia idè Dominus voluit indui pannis, vt se vilitatem & corruptibilitatem nostram induisse demonstraret. Idè poni voluit in præsepio, vt se refectionem piorum esse significaret. Idè lacte virginali voluit pasci, vt se in pura matris Ecclesiæ doctrina delectari demonstraret. Medicinam; quia idè digbatus est Dominus pro nobis pannis vilibus inuolui, vt nos stola incorruptionis vestiret. Idè voluit pro nobis in arcto præsepio poni, vt nos in lato cœli palatio collocaret. Idè voluit lactis pro nobis egere nutrimento, vt nos angelorum pane satiaret. Exemplum; quia idè vilibus pannis propter nos circumdatus est, vt nos vilitatem pannorum propter eum non abhorreremus, sed amaremus. Idè in angusto præsepio propter nos positus est, vt nos propter eum paruo & vili tugurio contenti essemus. Idè simplici cibo pastus est, vt nos quoque simplicitate & vilitate ciborum esse disceremus contenti. Et hoc fratres mei, contra illos est, qui in preciosis & mollibus vestibus delectantur, qui in constructione palatiorum & turrium gloriantur, qui auiditate preciosorum cibarium capiuntur. Quibus Christus reuelari voluit, ostenditur, cum subditur. *Et pastores erant in regione eadem vigilantes, & custodientes vigilias noctis super gregem suum.* Quantum ad literam fratres, Christus tanquam verus pastor, tanquam humilis, tanquam pauper, pastoribus, humilibus, & pauperibus, voluit primò reuelari. Mysticè verò isti pastores gregum significat quosque pastores fidelium animarum, qui si fuerint in eadem regione, si vigilauerint super gregem suum, & custodierint vigilias noctis, profectò illis præcipuè Dominus suorum arcana Sacramentorum dignabitur reuelare. Isti sunt pastores in eadem regione in qua natus est Dominus qui in munditia & castitate, in qua natus est Christus & permansit sese, quantum possunt, regere contendunt. Vigilant super gregem suum, qui in regimine animarum sibi commissarum solliciti sunt. In quo etiam pen-

*Quid agere
debeant
pastores.*

fundum

sandum est fratres charissimi, quod dicitur, *super gregem suum*. Non enim sufficit pastoribus si sint in scientia & vita sicut populus, vnde & in opprobrium dicitur eis, & erit sicut populus, sic Sacerdos. Et sicut præminet pastor gregi, sic sapientia & vita debet eminere. Vnde & dicitur: *Super montem excelsum ascende tu qui euangelizas Sion*. Hinc est quod Sacerdos accipiebat armum separatum, quia actio pastoris non solum debet esse fortis, sed & singularis. Custodiunt vigilias noctis super gregem suum, qui populum sibi commissum in adolescentia, in virili ætate, in senectute, in decrepita ætate, informare continent. Et quos in adolescentia nequierunt, saltem vel in virili ætate, vel in senio, vel in decrepita ætate, corrigere concupiscunt. Sed quomodo, fratres, hic dicitur, vigilias noctis custodientes super gregem suum, cum in manu hominis non sit custodire vel se, vel alium, præsertim cum scriptum sit: *Nisi Dominus custodierit ciuitatem, frustra vigilat qui custodit eam*. Neque enim potest pastor tacer solus, sed socius, nec ad Dominum ire solus, sed socius. Verum utique est fratres mei quod in manu pastoris, non est gregem custodire, sed tamen ei ex necessitate officij inditum est, quoad potest, ad custodiendum vigilare. Nam si aliquis vestrum committat centum oves opilioni suo, & ille deuoratis & perditis cunctis ouibus, solus ad Dominum reuertatur, quid ei dicturus est Dominus suus? Nonne incarcerabit vel turpiter fugabit eum? Quid ergo fratres, quid dicturus est Deus illi pigro Pastori, qui nullam animarum sibi commissarum ad ipsum reducit? Nonne illum tanquam multarum animarum homicidam acrius cæteris damnabit? Utique: Nam durius iudicium his qui præsumunt, fiet. Per quæ iudicia voluit Christus reuelari ostenditur, cum dicitur: *Et ecce Angelus Domini stetit iuxta illos, & claritas eius circumfulcit illos*. Bene fratres, Angelus nuntians natiuitatem Christi stetisse legitur. Stare enim pugnantium est. Et ille natiuitatem eius nuntiabat, qui aëreas potestates debellare veniebat. Ille verò Angelus, qui eius resurrectionem nuntiavit, super lapidem reuolutum sedit, quia profectò illum nuntiabat, quia iam victor sedebat. Bene

HOMILIAE

& Angelus natiuitatis nuntius stetit iuxta pastores memoratur, quia videlicet Christum propè & propitium fieri hominibus per carnem & misericordiam denuntiabat.

Psal. 84.

Iuxta illud. Propè timentes eum salutare ipsius. Bene quoque Angelus cum luce in Christi natiuitate, quod in toto veteri testamento non legitur, apparuit: quoniam iuxta Prophetam: Tunc exortum est in tenebris lumen rectis corde, misericors & miserator Dominus. *Et timuerunt*, inquit, *timore magno*. Quia humana infirmitas conuocatur, ubi diuina sublimitas manifestatur. Sed quia digni erant consolatione, dixit eis Angelus. *Nolite timere*. Sicut enim diaboli & diabolicorum hominum est, hominem ad tremorem & desperationem commonere, ita bonorum Angelorum & hominum est, homini consolationem & spem præbere. Quare autem pastoribus non timendum, sed gaudendum esse, ostendit Angelus cum subdit: *Ecce nuntio vobis gaudium magnum, quod erit omni populo, subaudis, electorum*. Gaudium magnum & commune fratres, nuntiat Angelus pastoribus: quia quoddam gaudium est quod non est magnum sed paruum, vel potius nullum, ut gaudium quod habetur de aliqua re transitoria, de quo dicitur, *væ vobis qui ridetis*. Sed gaudium istud erat magnum, quia de salute nostra. Rursus erat commune, quia omni populo credenti erat comunicandum. Ideo enim factus est Deus homo, ut homines deos faceret, & gaudium quod habebat solus, communicaret pluribus.

Lut. 6.

Hoc fratres contra illos qui soli sibi viuere volunt, & bonum quod habent, cæteris communicare nolunt: Et ideo communi sanctorum bono, iuste priuantur. Quod autem illud gaudium sit, exponit Angelus cum subdit: *Quia natus est hodie vobis saluator, qui est Christus Dominus in ciuitate David*. Tribus nominibus, fratres, vocat angelus puerum, Saluatorem, Christum, & Dominum. Christum, quia vnctus est plenitudine omnium gratiarum, de quo omnes accepimus. Saluatorem, quia saluat & glorificat electos. Dominum, quia dānat reprobos, sed quare fratres ait, *hodie*, cum in nocte natus sit Christus? Quia eam noctem, sacramēto natiuitatis suæ splendidam Christus reddidit, & solennem, iuxta quod scriptum est. Et nox sicut dies illuminabitur, Et nox

*Tribus nominibus
vocat angelus
puerum
Iesum.*

Psal. 138.

illumina-

illuminatio mea in deliciis meis, In ciuitate Dauid. Ideò dicitur, vt ostendatur verè Christus esse, qui in Bethleem secundum Prophetas erat nasciturus. Sed quia Iudæi signa petunt, subdit Angelus: *Et hoc vobis signum, inuenietis infans in pannis inuolutum & positum in præsepio.* Ac si diceret, Ex hoc potestis probare quod dico, cum cognoueritis esse vera & absentia quæ nuntio, & futura quæ prædico, vt cum me veracem in his cognoueritis, in cæteris quoque me veracem esse non dubiteis. Signum verò angelus in humilitate & paupertate Christi posuit, vt demonstraret nobis per quæ saluaremur, & quæ imitari debemus. Cæterum, ne attestatio vnius Angeli insufficiens videretur, non duorum tantum subiungitur vel trium testimoniū, sed etiam multorum, cum dicitur: *Et facta est cum Angelo, cōcors, scilicet, in testimoniū, multitudo militiæ cœlestis laudantium Deū, & dicentium: Gloria in altissimis Deo, & in terra pax hominibus bonæ volūtatis.* Ac si diceret: Ex natiuitate Christi, Deus ab altissimis virtutibus glorificatur & benedicitur, eò quod ruina angelica ex reparatione hominis suppletur. Et pax & reconciliatio cum Deo hominibus bonæ volūtatis præbetur. Non autem ait hominibus bonæ operationis, quia bona operatio sine bona voluntate non sufficit. Bona verò voluntas sine bona operatione, si facultas deest, sufficere potest. Itaque fratres mei, si multum laborare, si multum largiri, si multum ieiunare non potestis, saltem habeatis bonam voluntatem, quæ si prompta fuerit, proculdubio pro facto reputabitur. Non enim pēsat Deus quantum quis offerat, sed ex quanto. Reliquerunt, quippe Petrus & Andreas nauem & retia, & omnia reliquisse iudicatur. Obtulit vidua minuta duo, & diuitibus multum offerentibus præfertur. Offeramus & nos fratres, quod possumus, & si non habemus facultatem, saltem offeramus bonam voluntatem, quoniam natiuitas Christi dat pacem hominibus bonæ volūtatis, quam ipse nobis largiatur, qui hodierna die pro nobis de virgine nasci dignatus est, Iesus Christus Dominus noster, qui cum Patre & Spiritu sancto viuit & regnat Deus per omnia secula seculorum. Amen.

IN NATALI DOMINI.

IN principio erat Verbum, & reliqua. Merito fratres charissimi, Ioannes Apostolus & Euangelista. Roanerges, id est,

Mat. 4.
Lucæ 21.

Ioan. 1.
Luc. 22.

Mat. 17.

Ioan. ult.

Ioan. 14.

Ezech. 1.

1. Cor. 2.

est, filius tonitruini nuncupatur: tum quia in monte cum Iacob fratre suo, & Petro audiuit vocē patris, super filium intonantem. Hic est filius meus dilectus in quo mihi complacui: tum quia de coeternitate eiusdem verbi cum patre, sic altē meruit intonare. Filius igitur tonitruī est, qui hic loquitur, & tonitruum est quod loquitur. Nam altissimē, obscurissimē, cœlitus, imō super cœlitus loquitur. Vniuersum quippē intellectum non solum humanum, sed & angelicum superexcellit quod loquitur. Vnde non immeritō in figura quatuor animalium Aquilæ volanti altiuolo videlicet, & altitudo præ cæteris volatili comparatur. Cæteri quippē Euangelistæ, qui temporalem Christi natiuitatem, & tēporalia eius gesta quæ gessit in homine, sufficienter exponunt, & de diuinitate eius pauca dixerunt, quasi animalia gressibilia cum Domino in terra ambulant: Hic autem pauca de temporalibus eius gestis edisserens, sed diuinitatis eius potentiam sublimius contemplans, cum Domino ad cœlum volat. Et talia tali congruebāt, quia namque altus erat vita, altus factus est intelligentia, altus & doctrina. Altus siquidem erat vita, quoniam virgo est electus à Domino: quoniam præ cæteris dilectus est à Domino, quoniam supra pectus Domini recumbens altius hausit: quoniam virginem matrem ei virgini commendauit, quoniam familiaris & profundius cæteris, sua secreta ei reuelauit. Igitur sicut altissimē volauit penna virtutis, sic altissimē vidit oculo contemplationis, sic altissimē intonauit verbo prædicationis. Nec duntaxat cæteros Euangelistas, verum etiam seipsum supergreditur & superuolat. Iuxta quod ab Ezechiele dictum est: Facies, inquit, Aquilæ desuper ipsorum quatuor. Cum enim aquilam, non solum tribus, sed & quatuor describat superesse, cum proculdubio non solum cæteros Euangelistas, sed & seipsum designat superuolare. Enimuerō cum loquens de æterna verbi natiuitate, Ioannes intellectum superuolet vniuersum, suum etiam intellectum superuolat, quia sancti spiritus gratia illustratus plusquam homo & videt & resonat. Huic attestatur & illud Apostoli Pauli: Nec oculus, inquit, vidit, nec auris audiuit, nec in cor hominis ascendit quæ præparat Deus diligentibus se. Nobis autem Deus reuelauit,

lauit, per spiritum suum. Acti apertè dicat, quod spiritu sancto illustrati super humanum intellectum contemplan-
 tur iam plusquam speculantur. Hic & ipse Dominus cum
 interrogasset discipulos suos, dicēs: Quem dicunt esse ho-
 mines filium homines? Et illi humanas opiniones reu-
 lissent, ait: Vos autem quem me esse dicitis? Ac si dicat,
 illa dicunt homines tantum humana sapiētes: vos autem,
 qui per gratiam sancti spiritus plusquam homines viden-
 tis; quem me esse dicitis? Sic igitur noster spiritualis aquila,
 creaturam superuolans vniuersam, primum intonat
 Christum ante tempora Deo patri consubstantialē esse.
 Secundò per eum omnia facta esse. Tertiò, per eundem
 hominis ruinam restauratam esse. Primùm igitur Christum
 ante omnia tempora: Deo patri consubstantialē esse,
 intonat, dicēs: *In principio erat Verbum*. In quibus verbis,
 & veritas insinuat, & hæretica falsitas iugulatur, & istius
 Euangelistæ superexcellētia demonstratur. Et in his quidem
 verbis veritas insinuat nobis, si tamen ipsorū trās-
 sumptio verborum, spiritu reuelante, nobis vigilanter ad-
 uertatur. In rebus quippè temporalibus per cognitionem
 rerum, venimus ad cognitionem ipsorū vocabulorum,
 In diuinis verò necesse est nos per cognitionem vocabu-
 lorum peruenire ad quantulamcunque intelligentiam rerum.
 Si enim de incognitis rebus per incognita nomina
 nobis sermo fieret, nulla nobis eruditio proueniret. Inde
 necesse fuit Theologis, cognita rerum cognitarum, ex aliis
 qua similitudinis proportionē vocabula mutuare, & sic
 per cognita vocabula, aliquantulam incognitæ rei cognitionem
 nobis intimare. Cum igitur hæc omnia filius, verbum,
 splendor, speculum, & huiusmodi, ad Theologiam
 transferantur, nemo putet ea inuentionis suæ ibi tenere
 significationem, sed causam transsumptionis sapienter
 inuestiget, nec ipsa transsumptione absolutam similitu-
 dinem vel proportionem esse existimet: quoniam comparatio
 creaturarum ad Creatorem, nulla est. Sed Theologus
 qualibus potuit indiciis, de re ineffabili nobis effatus
 est. Logos igitur Græcum, pro quo nos habemus verbum,
 triplicem gerit significationem. Significat enim rationem,
 significat & verbum corde conceptum, significat
 &

Mat 13.

Logos quid
significat.

& verbum prolatum. Porro logos siue verbum à qualibet istarum acceptionum, satis conuenienter transsumitur ad filium Dei significandum. Dicitur quippè filius Dei logos. siue ratio patris, ea proportionè, quoniam sicut ratio est ipsi homini coæua, sic & suo modo filius Dei, est Deo patri coæternus. Et sicut homo per rationem & sapientiam suam prudenter operatur, ita Deus pater per filium suum sapienter operatur vniuersa. Vnde & ei per sapientiam dicitur, omnia in sapientia fecisti. Rursus & à verbo mente concepto non incongruè transsumitur ad filium Dei designandum, quoniam sicut verbum mente conceptum ex mente oritur, & cum mente manet, sic & suo modo filius Dei ex Deo patre oritur, & cum eo manet semper. Vnde ei per Psalmistam dicitur: In æternum Domine verbum tuum permanet in cælo. Rursus & à verbo prolato, & proportionè, transsumptio fit ad filium Dei, quoniam sicut homo ex ore suo profert verbum, & per illud suam aliis manifestat voluntatem, & per mandatum verbi sui operatur sic & suo modo Deus pater, ex substantia sui genuit Deum filium, ipso filio, sic testificante: Ego sapientia ex ore patris prodij primogenita ante omnem creaturam, & per ipsum pater operatur, sicut testatur Psalmista, dicens: Verbo Domini cæli firmati sunt: Et per eundem filium pater hominibus suam manifestat voluntatem, ipso filio sic testante. Manifestaui nomen tuum hominibus. Sum quoque verbum substantiuum significat substantiam simplicem & solitariam. Diuina quoque essentia est substantia simplex & solitaria. Et substantia quidem est, quoniam res est per se existens, vtpotè quæ nullo alio indiget; cuncta verò alia ea indigent ad sui existentiam. Simplex verò est sine partibus, & sine omni formarum concretionè. Solitaria, & est sine omni formarum adiectione. Licèt enim Deus dicatur vnus, verus, sapiens, iustus & pius, tamen omnia hæc in Deo non sunt plura, sed vnum hoc. Hinc est quod hoc verbum *Sum*, magis propriè cæteris verbis de Deo prædicatur, & maxime in præsentì tempore. Vnde ipse Deus ad Moysen: Ego sum, qui sum. Sic dices filiis Israël, qui est, misit me ad vos. Ac si apertè dicat: Ego solus verè sum. Cætera quippè omnia ad comparisonem diuinæ æternitatis non sunt,

Psal. 103.

Psal. 113.

Eccle. 24.

*Psal. 32.
Ioan. 17.*

Sum significat substantiam simplicem & solitariam.

Exod. 3.

sunt, quoniam generationi & corruptioni, augmento & diminutioni, alterationi, & locorum mutationi subiecta sunt, & secundum temporum mutationem, accedunt & recedunt. Solus verò Deus verè est, quoniam æternus, quoniam immutabilis, quoniam semper præsens est. Aeternus, sine principio & fine. Immutabilis, sine omni morum varietate. Semper præsens, sine temporis accessione vel recessione. Igitur, si ad præsentiam æternitatis divinæ respiciamus, semper specialiter est, & nunquam fuit vel erit inuenimus. Cæterum quando Deum, nullum tempore deesse, & omnia transcendere tempora, significare volumus, quoniam temporales sumus, & sine temporalibus verbis loqui non possumus extra proprietatem, præterito & futuro verbo ad loquendum de Deo abutimur. Unde Ioannes: Qui erat, & qui est, & qui erat venturus. Similiter & hic dicit: *In principio erat verbum*. Vigilanter autem non ait, fuit vel fuerat, sed ait erat, fuit quippe præteritionem perfectam: fuerat, plusquam perfectam ostendit, & ideo minus Deo congruit. Erat verò, quia præteritionem nondum perfectam designat, & præsentis temporis magis coniunctum est, significantius positum est. Hoc autem verbum erat in principio siue temporis, siue creaturarum: tempus enim & creatura sunt coæva. Est ergo ac si dicat, in principio temporis non incæpit esse verbum, quoniam ante principium temporis erat verbum. Quod autem sic intellexerit Evangelista, probatur ex hoc quod per idem verbum, facta confirmat uniuersa. Si enim & tempus, & creaturæ omnes per verbum factæ sunt, patet proculdubio quoniam auctor præcessit omnia ipsa quæ fecit. Unde & in sequentibus sic orat ad patrem: Clarifica me Pater, apud te ipsum, claritate quam habui priusquam mundus fieret. Itaque quod præcessit omne tempus, æternum est. Et quod fecit omnem creaturam, creator est. Potest etiam dici, quoniam verbum erat in principio, id est, in patre. Erat igitur verbum in patre, principium in principio. Filius quippe se esse principium testatur, quando querentibus Iudæis, Tu quis es? Respondit, Principium qui & loquor vobis. Sed pater est principium sine principio. Filius verò sicut est Deus ex Deo, ita est principium de principio, nec tamen duo principia.

*Solus
verè est.*

Apoc. 11.

*Erat, præteritionem
nondum
perfectam
designat.*

Ioan. 17.

Ioan. 3.

Psal. 109.

cipia, sed vnum principium: vade ipse pater ad filium loquitur. Tecum principium, subaudis est mihi. Ceterum pater dicitur principium triplici ratione. Est enim principium filij per generationem. Est principium spiritus sancti per spirationem. Est & principium creaturarum per creationem. Filius verò duplici ratione dicitur principium. Est enim principium cum patre spiritus sancti per spirationem. Est & principium creaturarum per creationem. Spiritus verò sanctus vno tantummodo dicitur principium, quoniam est vnum principium cum patre & filio creaturarum per creationem. Sed quomodo verbum erat in principio, id est, in patre? vt simile in simili. Qualis enim pater, talis filius. Si enim de duobus valde similibus dicitur per expressam similitudinem, quoniam alter est in altero, qui videt vnum, videt & reliquum: quantum magis de Deo patre & eius filio, quorum essentia non tantum similis, sed & vna, eadem est. Vnde cum Philippus dixisset Domino: Domine, ostende nobis patrem, & sufficit nobis: audiuit ab eo, Philippe, qui videt me, videt & patrem. Non credis quia ego in patre, & pater in me est? *Et verbum, inquit, erat apud Deum.* Sanè hæc præpositio, *Apud*, non localem, sed personalem designat distinctionem. Nihil enim propriè apud se esse, vel secum esse, dicitur, nisi fortè per figuram dicatur, quod ille apud se est qui per mentis alienationem extra se non est. Itaque in principio erat verbum apud Deum, tanquam aliud, apud alium.

Ioan. 14.

Et Deus erat verbum. Deus ex parte prædicati debet intelligi: Et de filio Dei non quis, sed quid esset, hic demonstratur. *Hoc erat apud Deum.* Quoniam cum in tribus clausulis posuerat Euangelista hoc appellatiuum nomen, *Verbum*, vt æquivocationis & inuocationis excluderet calumniam, de eadem verbi persona per demonstratiuum pronomen, se demonstrat texere narrationem. Verum apud Græcos non hoc, sed hic ponitur, quoniam logos est masculini generis. Propterea ad vtrumlibet, siue ad logos, siue ad Theos referri potest, sed tamen sensus idem est. Consideremus igitur fratres, quoniam quinq; dicit hic Euangelista de verbo, videlicet quando erat, vbi erat, quid erat, apud quem erat, quid faciebat. Quando erat?

In prin-

In principio erat verbum. Vbi erat? Et verbum erat apud Deum. Quid erat? Deus erat verbum. Apud quem erat? Deus enim erat apud Deum. Quid faciebat? omnia per ipsum facta sunt. In primo demonstrat verbi cum patre coeternitatem: in secundo, personalem distinctionem: in tertio eius diunitatem: in quarto eiusdem cum patre identitatem, pariter & distinctionem, in quinto, operandi auctoritatem. Et idem quoque verbum suggillat hæreticam falsitatem. Fuerunt namque hæretici qui dicerent: Si filius Dei natus est, ergo non semper fuit. Hos in principio redarguit, dicens: *In principio erat verbum*. Fuerunt rursus hæretici, qui dicerent: idem Deus aliquando est pater, aliquando filius, aliquando spiritus sanctus. Hos quoque confutat, cum subiungit, & *verbum erat apud Deum*. Fuerunt rursus hæretici, qui & si dicerent filium Dei & semper alium à patre fuisse, tamen Deum esse negabant. Hos & suggillat, cum subditur: *Et Deus erat verbum*. Fuerunt namque hæretici, qui, & si Christum cōcedunt esse Deum, tamen non naturalem, sed adoptiuum & temporalem esse Deum contendebant. Hos nihilominus damnat cum addit: *hoc erat in principio apud Deum*. Fuerunt etiam hæretici, qui visibilia omnia à diabolo facta, sola verò facta inuisibilia à Dei verbo contenderent. Eisdem etiam verbis, excellentia huius Euangelistæ demonstratur. Alij siquidem Euangelistæ Christum in tempore natum describunt: Ioannes verò eundem in principio fuisse testatur, dicens: *In principio erat verbum*. Alij eum commemorant inter homines subito apparuisse. Ioannes verò eundem apud Deum semper fuisse declarat, dicēs: *Et verbum erat apud Deum*. Alij eum verum hominem: Ioannes verò verū esse Deum affirmat, dicens: *Et Deus erat verbum*. Alij eum hominem apud homines conuersatū temporaliter. Ioannes verò apud Deum manentem æternaliter ostendit, dicens: *Hoc erat in principio apud Deum*. Alij magnalia quæ in homine gessit, perhibent: Ioannes verò quod omnis creatura visibilis & inuisibilis per eum facta sit, ostendit, dicens: *Omnia per ipsum facta sunt*. Est autem hæc pars secunda, in qua de Dei verbo tria dicit Euangelista, scilicet per illud factum esse omne bonum & nullū malū. Et quod factum est

Hæreticorum peruersas refellitur à diuio Ioanne.

HOMILIAE

Omne bonū à Deo.

Eccle. 18.

Ioan. 4.

Psal. 12.

Quotidie operatur Christus.

Philip. 1.

1. Corin. 15.
Marc. 16.

est in tempore, in verbo semper fuisse. Porro per ipsum omne bonū factū esse dicit, cū dicit: *Omnia per ipsum facta sunt*. Sanè cū omnia dicit, nihil excipit, sed omnem creaturam comprehendit, tam visibilē, quā inuisibilē, tam subiecta formarum, quā formas subiectōrū, tam singula generum, quā genera singulorū, tam operationes generum, quā genera operationum. Operatus est enim omnia ab æterno in præsentia. Vnde & de eo legitur: Qui fecit quæ futura sunt, & in cōtinenti. *Quod factum est in ipso vita erat*. Operatus est in principio, creando omnia corpora in materia. Vnde legitur: Qui viuit in æternum, creauit omnia simul. Operatus est per sex dies, distinguendo & formando de ciementis nouas rerū species. A quarū nouitate legitur in die sabbati quieuisse, operatur & adhuc omnia gubernando & similia de similibus propagando, & nouas animas procreando. Vnde ipse dicit: Pater meus vsq; modo operatur, & ego operor. Operatur quoq; per ministerium artificum. Vnde legitur: Nisi Dominus ædificauerit domū, in vanum laborauerunt qui ædificāt eam. Operatus est & in plenitudine temporum salutē nostram. Operatus est, & adhuc operatur quotidie opera miraculorum, opera virtutum, opera misericordiæ, & opera iustitiæ. Cæterum quædam istorum operatur tantū per se, quædam per ministerium subseruientis naturæ, quædam per ministerium rationalis creaturæ, cū tamen ipse solus sit auctor vniuersorum. Quod apertè confutat illos, qui vel ex viribus, vel ex ingenio, vel ex industria sua, aliquid boni opinantur se posse, vel velle, vel operari. Vnde & Apostolus: Deus, inquit, est qui operatur in nobis & velle & perficere. Et alibi: Non, inquit, ego solus, sed gratia Dei mecum. Et Marcus: Illi autem profecti prædicauerunt ubique, Domino cooperante, & sermonem confirmante, sequentibus signis. Verū quādo audis, gratia Dei mecum, vel Domino cooperante, caue ne intelligas hanc præpositionem, *cum vel con*, ibi numerū consignificare (nō enim proprietas & improprietas in numerum surgunt) sed potius ministerium siue instrumentum habent ibi designare. Non enim nos & Dominus cooperamur, sed potius ipse cum nobis, quasi cum ministris, vel quasi cum quibusdam

in

instrumētis operatur. Et hæc omnia diximus pro eo quod scriptū sit, *omnia*. Cū verò subiungitur per ipsum, caue ne per hanc præpositionē, *per*, ministerium intelligas, sed potius intelligas auctoritatē. Nō enim pater per filiū, tanquā per ministrū operatur, præsertim cū eiusdē auctoritatis & potestatis sit filius, cuius est & pater. Sed pater dicitur operari per filiū, non filius per patrem: quoniā auctoritatē operandi, quā habet filius, habet à patre, nō pater à filio. Sic igitur demonstrato, quod omnia bona facta sunt per verbum, consequenter ostenditur, quod nulum malum factū est per ipsum, cū subditur: *Et sine ipso factum est nihil*, id est, peccatum vel vitium. Hoc est quod dicit Iacobus in epistola Canonica: Omne datum optimum, & omne donum perfectum desursum est, descendens à patre luminum: apud quem non est transmutatio, nec vicissitudinis obumbratio: Ac si apertè dicat: Ita Deus confert bona, quod non infert mala. Ita mutat homines à malō in bonū, quod nō transmutat eos de bono in malum. Ita illuminat homines luce virtutum, quod non vicissim obumbrat eos tenebris vitiorum. Quod enim legitur Deus excæcare iniquos, vel indurare. Hoc facit utique non tenebris vitiorum infundendo, sed lumen gratiæ suæ subtrahendo. Veruntamen animaduertendū est, quoniam hoc nomē malum in sacra scriptura, tripliciter accipitur. Quandoque nāque malū nūcupatur pēna, tribulatio, anxietas, vel flagellum: quæ quoniam à summo Iudice iusto iudicio immittuntur, proculdubio à Deo sunt, vnde legitur: Non est malum in ciuitate quod nō fecerit Dominus. Iuxta quod ipse per Esaiā dicit: Ego sum Deus, & non alter, formans lucem, & creans tenebras, faciens pacem, & creans malū. Quādoque verò dicitur malum, mala res, vitiosa res, vel actio mala. Quæ quidem in quantum est à Deo auctore, bona est. Quādoque etiam dicitur malum, malitia, vel iniustitia, & quodlibet peccatum: quod quoniam est priuatio iustitiæ, nihil est, & ideo à Deo non est. Quando ergo legimus quod peccatum, quod vitium, quod idolum nihil est distinctio, ne opus est. Si enim de nominis appellato sermo textitur, falsa est loquutio. Quoniam illud quod est peccatum, vel

Iacob. 1.

Deus ita
confert bo
na, quod
non infert
mala.

Quomodo
Deus dicitur
excæcare ini
quos.
Malum in
scriptura
tripliciter
accipitur.
Amos. 3.
Esa. 48.

Quomodo
peccatum
nihil est.

E

idolum,

HOMILIAE

*Nullus à
debito fine
frustratur.*

idolum, nonnihil est. Homicidium quippè actus crudelis & immanis, & idolū corpus est. Si verò de nominis qualitate sermo proponatur, proculdubio verus est sermo. Illud quippè vnde idolum nomen accipit, nihil est, quoniam conformis deitas, quam falsa hominum opinio ei attribuit, nihil proorsus est. Similiter & illud vnde homicidium cognominatur, nihil est, quoniam nō naturæ, sed potius iustitiæ, debitiq; finis priuatio est. Et cū subtilius rem inquiramus, nullus actus quantūcunq; peruersus sit, à debito fine frustratur. Et si enim praua intentio agētis, quantum in se est, actum peruerit, tamen summus Auctor opus suum ad debitum finem, id est, ad iustitiæ vel misericordiæ suæ laudem semper dirigit. Et tamen inde prauus minister iustè damnatur, quoniam actum quantūcunq; in se est, à debito fine priuauit. Quēadmodum ille qui Regem voluit prodere, damnatur: non quia prodidit, sed quia quantum in eo est, fecit. Postquam autem dixit Euāgelista per verbum facta esse vniuersa, ne cui videretur secundū rerum accessionē & mutabilitatem, accedentem quoque & mutabilē fuisse in Deo voluntatem & dispositionem, per quam subito aliquid voluisset, ostēdit ea quæ facta sunt in tempore, in & esse diuina per præsentiam & dispositionē semper fuisse mente, cū subiungit: *Quod factum est in ipso, vita erat*, hoc est quod alibi legitur, qui fecit quæ futura sunt. Hinc & Psalmista: *Populo*, inquit, qui nascetur, quē fecit Dominus. Quicquid enim Deus tēporaliter facturum erat, præuidit ab æterno, quid, quantum, quale, vbi, & quando, illud facturum erat. Si enim architectus temporalis arcam facturum, prius habet eam in mente per præuidentiam, & postea ad exemplar mentis suæ frabricat & figurat illam: Et arca quidem materialis perit: Arca verò mentalis consistit: ita quod ad exemplar eius alia & alia fieri possit: quantò magis exemplar diuinę mentis immutabiliter manet: licet res ad illud factæ, tēporaliter accedant & recedant.

Sequitur pars tertia, in qua incipit Euangelista demonstrare, hominum ruinam per verbum Dei esse reparatam. Et hoc modo: primò demonstrat, quòd Dei verbū, quod dedit cæteris rebus esse vel viuere, homini etiā cognitio-

nem

nem sui creatoris dedit. Secundò quod homo vitio suo illam amisit. Tertiò, quomodo per verbum Dei illam recuperavit. Primum igitur ostendit, quod Dei verbum, quod cæteris rebus dedit essentiam vel vitam, hominibus etiam dedit sui cognitionem, cum subditur: *Et vita erat lux hominum*. Ac si aperte dicat: Verbum quod erat per methonimiam, quibusdam rebus essentia, quibusdam etiam vita erat, hominibus essentia, & vita, & lux. Non enim insensatis rebus, non brutis animalibus, sed soli creaturæ rationali dedit Deus sui cognitionē. Porro tripliciter illuminat Deus hominem, rationis discretionē, fidei, cæterarumque gratiarum illustratione, & sui ipsius reuelatione. Primum facit hominem creans: secundum illum recreans: Tertiū illum glorificans. Primum est homini natura: Secundum gratia. Tertiū merces æterna. Vnde & legitur illū plasmasse ad imaginem & similitudinem suam. Ad imaginem, in ratione: ad similitudinem in bonitate: ut videlicet quemadmodū Deus est rationalis & bonus: sic, sed suo modo, homo esset rationalis & bonus: & ratione quidem sciret discernere verum à falso, bonū à malo, & maius bonū à minus bono: Et ita super omnia reperiret & cognosceret verū & summū bonū: Bonitate verò imitaretur & coleret ipsum. Vnde cum Psalmista quæstionem posuisset quorundam dicentium, quis ostender nobis bona? Statim quis bona nobis ostenderit, ostendit, cum subiungit: Signatū est super nos lumen vultus tui Domine. Vultus quippè Dei, filius est: Per quem Deus cognoscitur, cuius lumē dicitur gratia virtutū eius, quarum radio nos signat & insignit: & hoc super nos, id est in superiori parte rationis, in qua sola relucet imago Dei, tanquam exemplar in speculo & forma sigilli ceris impressis. Hæc enim originaliter summum sapit, amat & quærit bonum, & naturaliter ad suum semper reuolat & tendit exemplar & principium. Sicut Psalmista testatur ad ipsum loquens, tibi dixit cor meum: exquisiuit te facies mea, faciem tuam Domine requiram. Et quantò magis imago diuina in nobis à vitis purificatur, & virtutibus Deo assimilatur: tantò magis eum cognoscit, ardet, & quærit. Cæterum dum à carnali in habitatione mens

*Tripliciter
Deus illuminat
hominem.*

Gen. 1.

Psal. 41.

Psal. 131.

HOMILIÆ

1. Corin. 13.

Psal. 43.

Luc. 10.

aggravatur, nequit, vsquequaque sordes vitiorum à se declinare, nec omnes Christi virtutes æmulari, nec ipsas, quas habet, ad vnguem perfectas obtinere. Propterea non potest hic summum bonū speculari, nisi, vt ait Apostolus, per speculum & in ænignate. Ex parte enim hic cognoscimus, & ex parte prophetamus. Cū autem deposita mortalitate venerit quod perfectum est, remota omni nube videbimus eum facie ad faciem atque sicuti est. Qui verò diuinam in se imaginem negligunt purificare, patientes eam paulatim vitiis obscurari, non solum diuinam amittūt similitudinem, sed etiam ipsa in eis imago diminuitur & obnubilatur, vt Dei, cœlique ad quæ creati sunt, obliui, more pecudum ad terrā totis desideriis incuruantur, iuxta illud Psalmistæ. Homo cū in honore esset, non intellexit: cōparatus est iumentis insipientibus & similis factus est illis. Cæterū & si diuina in nobis imago per sordes vitiorū violetur, & obsuscetur, nequaquam tamen vsquequaq; suffocatur & destruitur, sed in quanto-cunq; peccatore semper viuit scintilla rationis, quæ conscientiam accusat, malum reprobatur, bonūque cōmendat. Vnde in Euāgelio Lucæ, ille qui incidit in latrones, cū legatur & spoliatus & vulneratus, nequaquā tamen dicitur interfectus, sed semiuuius derelictus. Et hoc est quod hic Euangelista subiungit: *Et lux in tenebris lucet*. Ac si apartè dicat, licet homines vitio suo tenebrosos se faciāt, & quantum in eis est, lucem diuinam à se expellant, tamen lux diuina in mente eorum, tanquam in speculo suo resultrat, quæ eos accusat & damnat. Nec solum in mente, sed etiam in elemētis, cæterisque creaturis relucet imago creatoris: quoniam perpetuitas, pulchritudo, bonitas, sapientia, creature perpetuitatem, pulchritudinem, bonitatem & sapientiam comprobant creatoris. *Et tenebræ*, inquit, *eam non comprehenderunt*: id est, non intellexerunt, non quia non potuerunt, sed quia noluerunt. Noluerunt enim intelligere, vbi bene agerent, vel certè tenebrofi homines quantiscunq; vitiis se inuoluerunt, diuinam mētis suæ imaginem penitus comprehendere, id est, extinguere nequiverunt: hæc enim eos in inferno posuit accusabit, & vermis malæ cōscientiæ semper eos cruciabit. Sequitur,

Enis

Fuit homo missus à Deo. Hic incipit Euangelista tractare de humani generis redemptione, siue reparatione: contra illos qui dicebant humanam naturam, sic in prothoplaustro deprauatam, quod irreparabilis deperiret. Agit autem hoc inodo: primò demonstrat quod humana redemptio prænuntiata sit: secundò per quem facta sit: tertio, quod non ab omnibus suscepta sit: quartò, quid boni eam suscipientibus cõtulerit: quintò, quomodo facta sit: sextò, quorum attestationibus approbata sit. Cùm autem ab exordio mundi primum à Patriarchis, deinde & à Prophetis præfigurata fuerit, tamen Euangelista breuitatis causa ea prætermittit, quæ conuenientia suis in locis occurrerint positura: & à propinquiore prænuntiatione incipit præcursoris, qui tanquam lucifer propinquum solem, & tanquam aurora propinquum diem præcucurrit. Hunc igitur talem fuisse describit, qualem præcursorem redemptoris esse conuenit, & cui meritò credendum sit. Commodat autem eum à natura, à dignitate, à nomine & ab officio. Porro à natura eum commendat, cùm dicit, *Fuit homo missus à Deo.* Hoc est rationabilis, & illustratus imagine & similitudine sui creatoris. Hoc enim nomen, homo, quandoque ponitur in plenitudine suæ significationis, vt quando dicitur: Homo est animal rationale & mortale. Quandoque verò in patre plenitudinis, & tunc aut ponitur pro superiori, vt cùm dicitur: Deus creauit hominem ad imaginem & similitudinem suam: aut pro inferiori, vt quando dicitur: Homo natus de muliere, breui viuens tempore, repletur multis miseriis. A dignitate eum commendat, cùm dicit: *Missus à Deo.* Apostolus Græcè, missus Latine dicitur. Fuit igitur maximus, qui nō solum Apostolus, sed etiā à Deo ante Apostolos missus, Apostolorum Apostolus est factus. A nomine eum commendat, cùm subdit: *Cui nomen erat Ioannes.* Enimuerò, Ioannes gratia interpretatur. Et bene à gratia nomen habebat, qui gratia refertus erat, gratiamque prædicare veniebat, lex enim & Prophetæ vsque ad Ioannem. Ab officio eum commendat, cùm subiungit: *Hic venit in testimonium, vt testimonium perhiberet de lumine.* Non enim casualiter, non incidenter, de lumine testimoniū perhibuit.

Gen. 1.

Iob. 14.

Luc. 16.

Quatuor
in prædica-
tore requi-
runtur.

sed specialiter ad hoc & principaliter missus est, ad hoc ve-
nit, ad hoc sollicitus fuit. *Vt omnes, inquit, crederent per
illum:* Quasi ille dicat, quantum in se fuit, fecit, ut omnes
crederent: Et si quis non credidit, in eo non remansit. Sanè
hæc quatuor quæ hic cōmendantur in Ioāne, in quolibet
requirenda sunt prædicatore, videlicet ut sit non brutus,
sed rationalis & ingeniosus: ut nō se ingerat, sed à Deo
sit missus, ut sit gratosus & gratus: ut veniat non opes,
non gloriam quærere, non voluptatem, non honorem,
sed testimonium perhibere de lumine. Quomodo? ope-
rando, viuendo, docendo, ut omnes, quantum in eo est,
credant per illum, nullusque in eis pereat somnolentia.
Cæterum Ioannes, & si tantis radiaret radiis titulorum,
tamen non erat ille lux, subaudi ex se lucens, sed potius
lucerna à vera luce ad hoc illuminata, ut testimonium
perhiberet de lumine: hoc est, nō erat Christus, sed Chri-
sti præcursor & præco. Per quem autem humana redem-
ptio facta sit, demonstrat, cum subdit: *Erat lux vera, quæ
illuminat omnem hominem venientem in hunc mundum.*
Sanè Christus & erat, & est lux vera, quoniā non aliundè,
sed ex se est lucens, & ex se est alios illuminans. Vera lux
est, & veritate in se lucendi, & veritate ex se alios illumi-
nandi. In se quippè lucet, & luce summæ bonitatis, & bo-
nitate summæ lucis. Alios verò illuminat, & veritate lu-
cis, & luce veritatis: vera luce fidei, spei, & charitatis, &
fide, & spe, & charitate veræ lucis. In se lucet substantia-
liter, æternaliter, inde mutabiliter. Alios illuminat spiri-
tualiter, vniuersaliter, potentialiter. Spiritualiter, quo-
niam non bruta animalia, sed solam spiritualem, rationa-
lemque creaturam, luce suæ cognitionis illustrat, vnde &
dicit, *illuminat hominem.* Vniuersaliter, quoniam ad mor-
dum Solis, quantum in eo est, vniuersos (nisi quis se sub-
trahat radiis eius) illuminat. Vnde & adiungit, *omnem.*
Potentialiter, quem & quemlibet, quantumcunque pec-
catis tenebrosum, quantum in eo constat, potenter pur-
gat & clarificat. Vnde & subiungitur? *Venientem in hunc
mundum,* id est, cadentem in noctem huius mundi tene-
bris peccatorum, ignorantie, miserieque pariter exæcati.
Quod verò lux vera, non ab omnibus suscepta sit, subse-
quenter

quenter ostendit cū subdit: *In mundo erat, & mundus eum non cognovit. In propria venit, & sui eum non receperūt.* In quibus verbis, & diuinā Christi naturā per quam in omnibus creaturis infusus & præsens est; & humanam, per quam accessit ad nos, cōprehendit. In mundo erat, & in mundum venit. In mundo erat per diuinitatem, & in mundum venit per humanitatem. Manere siquidem est diuinitatis: venire verò vel abire, humanitatis. Est ergo ac si dicatur: Licet verbū Dei esset præsens in mundo per diuinitatis essentiam: & appareret in creatura sua per facturam, gubernationem, & conseruationem: tamen mundus, id est, mundani eum non cognouerunt. Propterea per assumptam humanitatem visibilis venit, vt vel sic cognosceretur: Et cū sui, id est, homines, & specialiter Iudæi, peculiariter sui, non dico eum non cognouerunt, sed non receperunt. Quid verò boni suscipientibus se verbum Dei contulerit, ostendit cū subdit: *Quotquot autem receperunt eum, subaudi per fidē ex charitate operantē, quod postea determinat, cū subiungit, his qui credunt in nomine eius, dedit potestatem filios Dei fieri.* Sed nunquid mali hanc non habent potestatem? minimē. Licet enim habeant liberum arbitrium ex se ad malum, tamē soli boni habent arbitriū ex gratia liberatū ad bonum, vt possint esse filij Dei, & habere per adoptionem, quod vnigenitus Dei habet per naturam quinquēpartitam, scilicet filij proprietatē. Quam? Natiuitatem, amorem, imitationem, similitudinem, hæreditatem. Natiuitatem, vt videlicet ex Deo per spiritum sanctum, & aquam, in filios renascamur: Amorem, vt Deus paternē nos diligit, & nos eum filialiter diligamus: Imitationem, vt nos eum pro modulo nostro, moribus & virtutibus imitemur: Similitudinem, vt in futura glorificatione similes ei efficiamur: Hæreditatem, vt æternæ beatitudinis hæreditatem sortiamur. O mira filij Dei dignatio, mira charitas, mira communitas: Mira dignatio, quòd tantus, tantillos in fratres elegit. Mira charitas, quòd pro nostra sublimatione tantū se humiliavit. Mira communitas, quòd nos indignos seruos, regni sui coheredes constituit. Quomodo fiunt homines filij Dei?

Manere diuinitatis est, abire humanitatis.

Gala. 4.

*Quomodo
fiunt homi-
nes filii
Dei.*

Non ex sanguinibus, id est, non ex seminibus parentum, neque ex voluntate carnis, id est, mulieris, neque ex voluntate viri. Hoc est, nō voluptuosa voluntate concubitus, ex qua nascuntur filij Adæ: *Sed ex Deo nati sunt,* per baptismum eos regenerāte. *Quomodo autem redemptio facta sit, ostendit cū subdit: Et verbum caro factum est.* Sine-dochicē carnem posuit pro homine. Sed nunquid Deus omnipotens alio modo nos redimere nō potuit? Vtique. Sed modus hic magis erat conueniens, magis nos inflam-mans, magis nos informans, magis nobis Deum manife-stans, magis nos ad spem dirigens, magis erat conueniēs, quod sicut homo per inobedientiā peccauerat, ita homo per obedientiam satisfaceret. Magis nos inflammans ad Deum amandum erat, quod ipse tantū nos dilexit, & tanta passus est pro nobis. Magis nos informans ad humili-tatem, ad patiētiā, & charitatē erat, quod ipse huiusce-modi se dedit, prius exemplum & Magistrū. Magis Deum nobis manifestans erat, cū sub formā apparuit huma-na, qui incomprehensibilis erat in diuina. Magis nos ad spem dirigēs erat, quod, scilicet, nō dubitaremus nos posse filios Dei fieri, cū propter hoc filius Dei, factus sit fi-lius hominis. *Et habitauit in nobis,* per habitum, per lati-tationem, per conuersationem. Per habitum, quoniā no-stræ humanitatis habitum humanitus habuit. Vnde Apo-stolus, habitu inuentus vt homo. Per latitationem, quo-niam diuinitatem suam sub nube carnis sic velauit, quod fidelibus appareret, infidelibus lateret. Vnde Apostolus, Si Regem gloriæ cognouissent, nunquam eum crucifixis-sent. Per conuersationem, quoniam sicut Propheta prædi-xerat: Post hæc in terris visus est, & cum hominibus con-uersatus est. Quorum verò attestationibus redemptio no-stra attestata sit, consequenter ostendit, inducens primò suam, cæterorumque Apostolorū auctoritatē, cū sub-iungit: *Et vidimus gloriam eius.* Vidimus oculis carnis, vi-dimus oculis mētis. Oculis quidē carnis vidimus eius hu-manitatem: Operibus & doctrinam gloriosam, In qua vi-delicet docuit & miracula fecit. in qua transfiguratus est, in qua à mortuis resurrexit, & cœlos ascendit. Et sic per gloriosam eius humanitatē, vidimus spiritualibus oculis

intē

Phil. 2.

1. Cor. 2.

Baruch. 3.

interiorem diuinitatis eius maiestatem & gloriam. *Gloriam quoque vnigeniti à Patre.* Gloriam nō quasi ministri, sed quasi auctoris, non quasi cuiuslibet sancti, sed quasi ipsius Dei, non quasi adoptiui, sed quasi naturalis & vnigeniti filij Dei. Nō enim hoc aduerbium, *quasi*, significat hic solam similitudinem, sed magis veritatis expressionē. Vidimus etiam eum plenum gratiæ & veritatis. Plenū gratiæ, plenum veritatis. Plenum veritate gratiæ, & gratia veritatis. Plenum gratiæ, quoniā cū cæteri ad mensuram, ipse plenitudinem omnium spiritualium virtutū & donorum habuit vniuersaliter. Plenū veritatis, id est, diuinitatis, quoniam in eo complacuit omnē plenitudinem diuinitatis inhabitare corporaliter: Plenum veritate gratiæ, quoniam, gratuita promissiones patriarchis olim factæ, & figuræ Legis & Prophetarum, in eo sunt impletæ veraciter, plenum gratia veritatis, quoniam diuinitas, quæ erat eius vera natura, facta est ei homini gratia specialiter. Hanc fidē, fratres charissimi, firmiter teneamus, operibus exerceamus, Christum, qui tantum nos dilexit, toto corde diligentes, eius voluntariam humilitatem, paupertatem, subiectionem, obedientiam, patientiam, charitatem, misericordiam, quoad possumus, imitantes, quatenus filij Dei & coheredes Christi esse mereamur, ipso prestante, qui cum Patre & Spiritu sancto viuit & regnat Deus, Amen.

DOMINICA PRIMA POST

Natale Domini.

Quanto tempore hæres paruulus est, nihil differt à seruo, cū sit Dominus omnium, sed sub tutoribus & actoribus est, vsque ad præfinitum tēpus à patre. Gal. 4.

Quoniam Apostolus, fratres charissimi, debitor erat omnibus hominibus, sapientibus & insipientibus: idē de diuinis loquens, humanis & consuetis vtitur verbis, vt per cognita, incognita melius intelligere valeamus. Vnde idem alibi dicit: Humanum dico, propter infirmitatem carnis vestræ. Comparat igitur in capitulo præmisso, hæredi mundi, hæredem cœli, siue adoptiuum, siue naturalem. Nos ergo fratres, primò de hærede temporali, secundò de hærede cœli naturali: tertio de hærede cœli adopti-

Rom. 8.

E 5 uo per

HOMILIAE

uo per ordinem videamus. Scitis, fratres mei, igitur, quod
 in domo temporalis patrisfamilias sunt liberi, & sunt ser-
 ui, sed diuerso modo. Nam pater diligit filium tanquam
 hæredem, & tamen dum paruulus est, eū educat in pau-
 pertate, in subiectione, in disciplina. In paupertate, nullo
 rei potestatem ei relinquens. In subiectione, cum sub
 pedagogo constituens. In disciplina, cum magistrali viro
 gæ subdens. Et in his omnibus habet pater in filium ma-
 gnum affectum dilectionis. Quoniam pater filiū, quem
 plus diligit, corripit; filius quoque patrem diligit, & ei ex
 amore obedit. Seruum autem paterfamilias non diligit
 ad hoc ut hæredem constituat eum, sed eius vritur serui-
 tio pro sua voluntate, & hæredis vtilitate. Res tamē suas
 & hæredis, serui procurationi committit, ipsum etiā hæ-
 redem custodiendum & corrigendum ei submittit. Sic ita-
 que fratres, dum hæres est paruulus, nihil differt à seruo,
 imò & plerunque, ipsi subditur, & ab eo corripitur, cum
 tamen iure hæreditario sit Dominus omniū, sed sub tu-
 toribus & actoribus, id est, sub pædagogis & doctoribus
 est, vsque ad præfinitum tempus à patre. Cū enim fue-
 rit adultus, Dominus à patre constituitur, & seruis, qui ei
 dominati fuerant, dominatur Cœlestis quoque pater, fra-
 tres charissimi, habuit & habet filium hæredem, natura-
 lem & coomnipotentem, coæternum & consubstātialem.
 Qui in hoc, fratres, differt à temporali hærede, quoniam
 temporalis heres vix vel nunquā sibi facit cohæredes, imò
 potius gaudet, quod sit vnicus & solus hæreditatem ha-
 biturus. At filius Dei, cuius benignitas ignorat inuidiam,
 angelum & hominem sibi adoptauit in hæreditatem. Ve-
 rùm quoniam homo deceptus à diabolo, ab æterna hæ-
 reditate erat exhæredatus, placuit filio Dei, ut cohæredem
 suum per fraudem exhæredatū, per misericordiam hære-
 daret. Quia verò conueniens erat, ut qui per superbiam
 ceciderat, per humilitatem erigeretur, humiliavit se fi-
 lius Dei, & factus est in forma serui paruulus, ita ut nihil
 a seruo differret, cū esset Dominus omniū, sed sub tu-
 toribus & actoribus fuit vsq; ad præfinitum tempus à pa-
 tre. Quare hoc? ut ita nos redimeret, ut ita nobis suam in
 nos charitatē ostenderet: ut ita viam humilitatis, per
 quam

quam hæredemur, nobis demonstraret. Fuit igitur hic in mundo, in paupertate, in subiectione, in patientia. In paupertate, quia de paupercula virgine natus, pannis vilibus obuolutus, in præsepio positus, nihil in hoc mundo possedit. Vnde ipse ait: Vulpes foueas habent, & volucies cœli nidus, filius autem hominis non habet ubi caput suum reclinet. In subiectione, quoniam subditus fuit Mariæ & Ioseph seruis suis, ut Lucas testatur. Tributum Cæsari reddidit, Apostolorum pedes lauit: & ut ipse testatur, non ministrari, sed ministrare venit. Cum vellent eum constituere Regem, recessit, qui tamen ad passionem volens se obtulit. In patientia, quia esuriuit, sitiuit, contumelias, vincula, flagella, sputa, crucem sustinuit, & quod est gravius à seruis suis, pro quibus etiam orauit: Cum autem tempus definitum à patre, id est, resurrectio aduenit, data est ei omnis potestas in cœlo & in terra, etiam super seruos suos & inimicos. Vnde pater ad eum ait: Sede à dextris meis, donec ponam inimicos tuos scabellum pedum tuorum. Et alibi: Postula à me, & dabo tibi gentes hæreditatem tuam, &c. Nos etiam fratres, si adoptiui hæredes Dei esse volumus, viam naturalis hæredis, non iniquorum seruorum, sequamur. Serui quippè sunt filij ancillæ, qui non hæredes cum filiis liberæ: qui non ad hæreditatem, sed ad perditionem deputati sunt: qui sicut Israël, Isaac, ita filios liberæ persequuntur. Possessione rerum, dominatione potestatum, correctione minorum à Deo sibi in utilitate electorum commissis abutuntur, tamen in hoc velint nolint, Deo & electis eius, hæredibus suis famulantur, qui de malis eorum nouit benefacere. Nos verò fratres, si filij Dei, si hæredes Dei, & cohæredes Christi esse volumus, sequamur vestigia eius: simus tanquam hæres paruulus in hoc seculo, non timeamus, imò amplectamur paupertatem: & iuxta eundem Apostolum, victum & vestitum habentes, his contenti simus. Quoniam, ut ait Apostolus, qui volunt diuites fieri in hoc seculo, incidunt in laqueum & in temptationem diaboli. Non timeamus, sed amemus subiectionem, & iuxta Apostolum Petrum, subditi simus Dominis, non tantum bonis & modestis, sed etiam discolis. Hæc est enim

Matth. 3.

Luc. 9.

Luc. 2.

Matth. 17.

Ioan. 13.

Mat. 20.

Ioan. 6.

Mar. 14.

Psal. 109.

Psal. 2.

Gaia. 4.

Gen. 21.

1. Tim. 6.

1. Pet. 2.

HOMILIAE

Prøm. 10.

enim gratia. Habeant filij ancillæ honores & prælationes, per simoniam, per ambitionem, per fas nefasque, qui exteriores erunt hæreditatis æternæ: quoniam iuxta Salomonem, hæreditas ad quam festinatur in principio, in nouissimo benedictione carebit. Nos verò humiliemus in conspectu Domini, vt nos exaltet in tempore visitationis. Non timeamus, sed amemus disciplinam, quia vt Sapiens ait: Beatus est vir, qui corripitur à Domino. Auferant nobis res, proferant vitia, inferant supplicia filij ancillæ, quoniam cadent, cum dominati fuerint pauperum, & dominabuntur eorum iusti in matutino. Interim ergo dicamus Domino: Hic vre, hic seca, ne in æternum perdas: Quoniam beatus qui suffert tentationem, quoniam cum probatus fuerit, accipiet coronam vitæ, quam repro misit Deus diligentibus se. In his autem omnibus fratres, teneamus firmiter dilectionem Dei & proximi. Ita habemus vitia hominū odio, quod eorum naturā diligamus, pro inimicis nostris oremus, & eos obsequiis vincere satagamus, si quo modo vasa captiuitatis eripere, & Deo lucrari valeamus. Vnde etiam duplicem coronam nobis acquiramus. Hæc namque, charissimi, facientes, cum venerit tempus præfinitum à patre, accipiemus prædesideratam hæreditatem in cælo: Quia iuxta Prophetam, cum dederit dilectis suis somnum, ecce hæreditas Domini, in qua cum suis cohæredibus faciat nos gaudere Iesus Dominus noster, qui cum Patre & Spiritu sancto viuunt & regnat in æternum, Amen.

DOMINICA INFRA OCT. NAT. DOM.

Luc. 2.

Erat Ioseph pater Iesu & Maria mater eius, mirantes super his quæ dicebatur de illo, &c. Quadripartita est hæc lectio fratres charissimi. Primò enim inducuntur Ioseph & beata virgo mirantes super his quæ dicebantur de Iesu. Secundò inducitur Simeon eis benedicēs, & de puero prophetizans. Tertiò quoque inducitur Anna prophetissa, Christo ferens testimonium. Quartò verò subiungitur eorum regressus, & pueri profectus. Primò igitur Ioseph & Maria inducuntur, mirantes super his quæ dicebantur de illo. Sed fortassis fratres, mouet vos, cur Euangelista Ioseph patrem Christi appellet, cum ipse eundem non

non ex virili semine, sed ex Spiritu sancto conceptum esse superius construxerit. Sed pluribus modis patrem appellare consueuimus. Nā æquiuocè pater est carnalis, spiritalis, & longæuius, prædecessor benefactorū Quia igitur Ioseph faber, nutritius, & amator erat Iesu, & sponsus matris eius, voluit eum dici patrem suum, & hoc ad mysterium, quoniā ipse verè erat filius fabri, eius scilicet, qui fabricatus est auroram & solem. Ad exemplum, vt nullus quantuscunque, viliozem se dici erubesceret. Hoc planè cōtra illos qui patres suos decrepitos, debiles & viles erubescūt. Similes muli, qui, vt fabula narrat inquisitus quis esset pater eius, tacens vilem patrem, equum generosum auunculum suū esse professus est. Erubescere igitur superbe vermis, Deus se dici voluit filium fabri, & tu tui patris vilitatem erubescis? *Erant*, inquit, *mirātes super his quæ de illo dicebantur*. A quibus dicebantur? Ab Angelis, à Pastoribus, à Magis, à Simeone, à cæteris Prophetis, Zacharia, Elizabeth, Anna. Et quæ dicebantur de illo: quod ille tantillus puerulus ab Angelo saluator vocabatur, ab Angelico choro glorificabatur, à Pastoribus adorabatur, à Stella demonstrabatur, à Magis mysticis muneribus venerabatur, à Simeone lumen Gentium & gloria plebis Israel dicebatur. Nec tam mirabantur diuinitatis altitudinem, quàm eius dignationē. Mirabantur quippè in excello humilitatem: in maiestate dignationē: in gloria vilitatem: in cœlestibus diuitiis, paupertatem. Has sanè virtutes mirabantur, emulabantur, imitabantur. Audi quomodo mater æmulatur humilitatem filij Oblita quippè se esse virginem, & matrem Dei, & reginam cœli, ait: Ecce ancilla Domini: Et quia respexit humilitatem ancillæ suæ. Nos itaque, fratres, non miremur falsas diuitias, honores, & gloriosas huius miseri seculi, quæ amatores suos decipiūt. Nam iuxta Poëtam: Terreni nil admirari, res est, quæ penè sola potest facere & conseruare beatum. Iste quoque spernētes, admiremur, æmulemur in Christo & in matre eius humilitatem, dignationē, vilitatem, & voluntariam paupertatē, cæterasque virtutes, per quas homines, similes Deo & filij Dei efficiuntur. Sequitur pars secunda, in qua Simeon inducitur benedicens illis: Mariæ scilicet & Ioseph,

Luc. 1.

Ioseph, & prophetizans de puero, cū dicitur: *Et benedixit illis Simeon*. Puto charissimi, quod benedicens, matri hæc vel similia dicebat. Beata es incomparabiliter, quæ sine exemplo credidisti, cōcepisti, peperisti, portasti, lactasti, illū tuum filium, tuum patrem, tuum creatorē, tuum Deum. Tu quoque Ioseph beatus es, qui inter omnes huius mundi homines electus es, ut Christum nutires, foueres, baiulares lumen gentium, gloriam populorum. Sic benedictio boni filij fratres mei, redundat in parentes, nutritoresque suos, iuxta illud Salomonis: Gaudium parētum, filius sapiens. Vos itaque patres & matres familiarum, vigilate in bona nutritura, eruditione, & in formatione filiorum, ut propter bonam filiorum indolem mereamini & vos benedici. Sicut enim filius indisciplinatus, vertitur parentibus in maledictionem, sic bene disciplinatus in benedictionē. Deniq. prophetizans Simeon, ait ad Mariam matrem eius. Ecce fratres, beata virgo, licet & mater, fontem omnium scientiarum & gratiarum pareret & nutret: tamen quædam minus nouerat quæ à prophetis edocerētur. In quo profectō patet nullū quantumcunque sanctum, in via posse consequi omnium plenitudinem gratiarum. Ad reprimendam ergo mortalium superbiam, noluit Dominus aliquē habere omnem gratiam, ut sic aliter aliter indigeret, & quod in se non haberet, in altero miraretur. Sed & in hoc quod Regina cœli, à vilioribus personis non refugit edoceri, confugerat quorundam superbiam, qui à minoribus personis doceri erubescunt, cū sēpe in vili testa optimum vinum contineatur, & aureo vase, prauū. Vnde Apostolus Habemus autem thesaurum istū in vasis fictilibus. Et alibi: Si quid reuelatum fuerit minori, taceat maior. Et Philosophus.

Præf. 10.

Eccl. 11.

2. Cor. 4.

Joan. 9.

1. Cor. 1.

Dominus ait: In iudicium ego veni in mundum, ut qui non vident, videant: Et qui vident, cæci fiant. Et Apostolus. Nos prædicamus, inquit, Iesum crucifixum: Iudais

&is quidem scandalum: Gentibus autem stultitiam. Ip-
 sis verò vocatis Iudæis & Græcis, Christū Dei virtutem,
 & Dei sapientiam. Nec solum Christus, fratres, sed etiam
 quilibet rectè viuens, & rectè docens in populo, positus
 est incorrigibilibus in ruinam: resuscitatus verò in re-
 surrectionē. Vnde Apostolus, Christi bonus odor sumus.
 aliis odor vitæ in vitam, aliis odor mortis in mortem. *Et*
in signum, inquit, *cui contradicetur*, id est, in exemplum &
 doctrinam cui contradicetur ab incredulis & peruersis,
 qui Christi doctrinæ & exemplis, vel verbis, vel factis con-
 tradicent: Vnde & subdit, *Et tuam ipsius*, inquit, *animam*
pertransibit gladius, id est, dolor habitus de passione eius
 tua viscera transfodiet. Cum igitur vehemens compassio
 sit martyrium, patet, quia beata virgo à corona martyrij
 non est extranea, imò plusquam martyr dici potest, quæ
 in anima (quæ immortalis est) passa est. Hinc, fratres, dis-
 camus & nos compati passionibus, afflictionibus, ne-
 cessitatibus sanctorum, pupillorum & viduarum: quo-
 niam qui eis propter Deum compatitur, à corona eorum
 non erunt alieni, testante Domino, quoniam qui recipit
 Prophetam in nomine Prophetæ, mercedem Prophetæ
 accipiet. *Vt reuelentur*, inquit, *ex multis cordibus cogi-*
tationes eorum, id est prophetiæ, quæ erant occultæ, tan-
 quam cogitationes in corde, reuelentur in puero esse im-
 pletæ. Vel certè corda hominum per exteriora opera
 aperiantur, an sint erga Christum deuota, an non. Se-
 quitur pars tertia, in qua inducitur Anna Christo testi-
 monium ferens, vt in ore duorum vel trium testium stet
 omne verbum. Commendat autem eam Euangelista, &
 à sancta progenie, & à coniugali sanctimonia, quia scili-
 cet septem annis vixerat à virginitate cum viro suo: & à
 viduali castimonia, & ab obsequio diuino: Et quia erat
 intenta ieiuniis & obsecrationibus, vt talis demonstre-
 tur, quæ digna sit spiritu prophetiæ illustrari, & de Chri-
 sto vaticinari. imò etiam eum in carne agnoscere, & ex-
 teris prædicare. Hanc imitentur patres & matres fami-
 lias, vt sanctè cum coniugibus à virginitate conuersan-
 tur. Hanc imitantur vidui, viduæque eorum, vt obli-
 uiscentes, quæ sunt mundi, soli Deo yacent, ieiuniis &
 obse-

1. Cor. 2.

Mat. 10.

Marc. 9.

Anna pro-
phetissa
commen-
datur ab
Euange-
lista.

HOMILIAE

obsecrationibus, & bonis operibus intendant, ut à spiritu mereantur illuminari, & Christum verbo & exemplo prædicare & contemplari. Et hæc inquit, ipsa hora superueniens, quia scilicet eodem spiritu, quo Simeon adducta confitebatur Domino, & confessione fidei, & actione laudis, & verbo prædicationis. Vnde & subditur. *Et loquebatur omnibus de eo, qui expectabant redemptionem Israel.*

Mat. 7.

Cæteris autem non, quia non sunt margaritæ ante porcos proiciendæ, nec sanctum dandum est canibus. Sequitur pars quarta, cum dicitur: *Et postquam perfecerunt omnia secundum legem Moyse, reuersi sunt in ciuitatem suam Nazaret.*

Ab Ecclesia quando discedamus.

In quo fratres, proponunt nobis exemplum, ut ab Ecclesia non discedamus, donec vota & oblationes & orationes nostras, iuxta quod lex præcipit, perfecerimus. Quod contra illos est, qui antequam debita vota & oblationes persoluant Deo, antequam ministeria diuina expleantur, ab Ecclesia redeunt, morari in Ecclesia damnum temporis æstimantes. *Puer autem crescebat & confortabatur plenus sapientia, & gratia Dei erat in illo.* Fratres mei, quod Christus filius Dei crescebat, & confortabatur, carnis erat. Dignatus est quippe momera ætatum nostrarum subire, ut immutabilitatem suæ æternitatis nobis donaret. Sapientia verò plenus erat, qui etiam ipsa sapientia & est & erat. In qua nos primò creauit, & post recreare venit. Gratia verò Dei erat in illo, non ad mensuram, sed ad omnem plenitudinem. Omnem enim gratiam in potestate habuit, ad distribuendum singulis, ut Deus, & omnem gratiam, quam voluit habuit, ut homo in usu. Nos itaque ipsum fletibus exoremus, quatenus de plenitudine sapientiæ & gratiæ suæ nos daret, ut de suo ipsum credere, diligere, & venerari valeamus. Qui cum Patre & Spiritu sancto viuit & regnat Deus in æternum. Amen.

IN CIRCUNCISIONE DOMINI.

Luc. 2.

Postquam impleti sunt dies octo, ut circumcideretur puer, vocatum est nomen eius Iesus. Hodierna dies, fratres charissimi, duplici decoratur dignitate: Et quia est octaua à Christi natiuitate, & quia est consecrata ipsius Circuncisione. Tanta quippe claritas Dominicæ natiuitatis fuit, ut omnes septem dies sequentes ab ea reddantur solennes.

Insuper

Insuper & eiusdem circumcisio, nostrorum geminat materiam gaudiorum. Sunt autem fratres Charissimi, tres circumcisiones: Prima est carnalis, secunda spiritalis, tertia cœlestis. Prima est legis, secunda gratiæ, tertia gloriæ: Prima est bona suo tempore, secunda melior & in omni tempore, tertia optima, & in perpetuitate. Prima est Sacramentum sacre rei: secunda sacra res & Sacramentum: tertia res Sacramenti: Dicamus de singulis per ordinem. Erat igitur circumcisio carnis, circumcisio superflue pellis, à virili membro facta octaua die, & lapideo cultro. Videamus igitur, fratres, primò, quare de causa fuerit instituta. Secundò, quare fiebat in octaua, & in virili membro, & lapideo cultro. Tertiò, quid utilitatis conferebat. Quartò, quare tunc nomē nouum imponebatur. Quinò, quare Christus voluit circumcidi. Fuit igitur, fratres, iussa circumcisio ob tres causas, vt esset in signum magnæ fidei Abrahæ: Et vt per obedientiam homo circumcendendo mereatur, sicut per inobedientiam primus homo demeruerat: Et vt per circumcisionis characterem populus Dei à cæteris discernetur. Fiebat verò octaua die, quia corruptionis circumcisionem significabat, quæ facta est octaua die, id est, in resurrectione in Christo personaliter. Et fiet in octaua, id est, in resurrectione, in omnibus generaliter. Fiebat & in virili membro, per quod genus humanum in concupiscentia propagatur: quia erat remedium contra originale peccatum, quod per carnalem concupiscentiam traducitur. Fiebat etiam lapideo cultro, quia omnis circumcisio, siue peccati, siue corruptionis, per Christum in petra significatum facienda est. Quia non est aliud nomē datum hominibus, in quo oporteat nos saluari. Utilitatem verò conferebat tempore suo circumcisio, eandem quam nunc conferi Baptismus. Vnde Beda: Idem salutiferæ curationis remedium conferebat tempore suo Circumcisio, quod Baptismus tempore reuelatæ gratiæ conferre consuevit, excepto quod ianuam Paradisi non aperiebat, quia nondum hostia sanguinis Christi data erat. Nouum verò nomen in circumcisione dabatur, quia quando aliquis circumcidebatur, tunc primò fidelis, & de numero fidelium vocabatur, sicut nunc fit in

Quare iussu circumcisio.

Apo. 4.

Beda.

F baptismo,

*Circuncisio
spiritualis.*

baptismo. Christus etiam licet non indigeret, circumcidit
voluit, ob tres causas, ut legis Sacramenta sacra esse de-
monstraret, ut exemplum humilitatis & obedientiae nobis in se demonstraret, & ut se non soluere legem, sed ad
implere demonstraret. Vocatum etiam nunc nomen eius
Iesus, non autem impositum. Hoc enim nomen Deo pro-
vidente à Patriarchis, ut in Iosue, & Iesu magno sacerdo-
te, est figuratum, à Prophetis prae dictum, ab Angelo prae-
nuntiatum. Et cum cæteris datū sit, tantum nuncupatio-
ne, soli Christo convenit substantiū. Circuncisio verò
moralis siue spiritualis fit, quando circumcidimus à nobis
omnia vitia & omnia superflua: vitia à nobis circunci-
dimus, cum gulositatem, luxuriam, cupiditatem, avaritiam
iram, invidiam, tristitiam, accidiam, cenodoxiam, superbiam,
mendacium, cæteraque vitia amputamus. Superflua à no-
bis circumcidimus, quando refecamus à nobis superfluita-
tem curarum, diuitiarum, deliciarum, possessionum, ve-
stimentorum, laborum, viarum, solis contenti necessariis.
Hanc igitur vitiorum & superfluitatem circuncisionem,
significat etiam refectio capillorum, barbae & vnguium
& longiorum decurtatio vestimentorum. Per capillos
quippe siue per barbam, quæ de nostra carne nascuntur,
& tamen abscisa non sentiuntur: curæ necessariorum si-
gnificantur, quæ non omnino possunt refecari; sed sola
superfluitas debet circuncidi, ne scilicet visum contem-
plationis, ne auditum verbi Dei, ne fructum orationis in
nobis impedian. Vnde etiam Dominus præcipit Levitis
ut crines carnis radant. Vnguium, etiam manuum & pe-
dum superfluitas circuncidi debet, id est superfluitas ope-
rum & itinerum. Hanc etiam præcepit Dominus, quod si
Israëlita in bello cepisset virginem puellam, & vellet eam
habere uxorem, faceret ei calvitium, vngues præfecaret,
pilos auferret, & sic in eius complexus transiret. Israëlita
puella virginem capit, quando prædicator per bellum
prædicationis animam fructu sterilem, à potestate diabo-
li tollit. Hanc si velit Deo fecundare, necesse est ut non
solum infidelitate & cæteris vitiis eam spoliaret, sed etiam
à superfluitate curarum, operum, & itinerum secularium
circuncidat. Superfluitas etiam vestis longioris subcur-
tanda,

tanda, & zona restringenda est, id est, superfluitas diuitiarum & rerum secularium circūcidenda & breuianda est, ne cursum nostrum retardent. Vnde Apostolus: Omnis qui in agone contendit, ab omnibus se abstinere. Fit etiam hæc circūcisio in octaua, id est, in spe resurrectionis, tam à morte animæ, quàm à morte corporis. Fit etiam petriño cultro, id est operante Christo, iuxta illud: Beatus qui tenebit & allidet paruulos suos ad petram, id est Christum: hoc est eius amore & auxilio eos extinguet. Tunc etiā nomen nouum datur, quia ex tunc inter sanctos numero & merito nominatur, iuxta illud: Et scribam super illud nomen meū nouum. Circūcisio verò cœlestis fiet in octaua, id est, in generali resurrectione, tam in anima quàm in corpore. Ab anima quippè circūcidūtur vitia, defectus, perturbationes. Vitia, id est, peccata, malæ scilicet cogitationes, & mala opera. Defectus, vt ignorantia, obliuio, hebetudo, & huiusmodi. Perturbationes, vt timor, tristitia, & huiusmodi. A corpore circūciduntur vitia, necessitas, defectus, corruptio. Vitia vt turpitudinis: nam tūc nimietates refecbūtur, & minoritate supplebūtur. Necessitas, vt comedendi, bibēdi, vestiēdi, dormiendi. Defectus, vt morbi senectutis: Corruptio, vt mortis. Hęc omnia tunc auferentur à Christo, qui est vera petra, sanctos suos glorificante. Tunc dabitur eis nomen nouum, quod os Domini nominabit. vt scilicet tunc vocentur, non solum filij, amici, hæredesq; Dei, imò etiā dij: Iuxta illud: Ego dixi dij estis, & filij excelsi omnes. Itaque fratres charissimi, prima istarum circūcisionum, significat secundam & tertiam, nec valet sine illis. Istę verò duæ sine illa, multum valent. Prima sine secunda & tertia faciunt nunc Iudei, & ideo nō tantum non prodest eis, imò etiam nocet: & iuxta Apostolum, Circūcisio talis præputium facta est. Secundam verò faciunt nunc veri Christiani sine prima, & tertiā expectant. Nos ergo fratres charissimi, tūc verè Christi circūcisionē celebramus, cū vitia, & peccata, & superfluitates necessariorū in nobis refecamus. Circūcidamus itaq; corda & sensus nostros. Corda, ne noxia vel vana meditentur: Sensus, ne noxiis vel vanis occupentur. Circūcidamus oculos, ne videant vanitatem: Aures, ne audiant

1. Cor. 9.

Psal. 136.

Esa. 62.

Psal. 82.

Rom. 2.

Corda nostra
sua &
sensus circūci-
denda.

HOMILIAE

deteriora vel noxia verba. Odoratum, ne luxuriosos odores affeſſet. Guſtum, ne deliciis, vel lenociniis capiatur. Linguā, ne noxia vel vana verba loquatur. Sic ſic, fratres chariſſimi, facientes, per iſtam circunciftonē ſpiritualem, veniemus ad illam veram & æternam circūcifionem. Vbi erit omne bonum ſine malo, verū ſine falſo, ſatietas ſine faſtidio, regnum ſine termino, gaudium ſine mœrore, feſtum ſine interpoſitione, dies ſine nocte, vita ſine morte. Ad quam Circunciftonem perducatur nos qui hodie propter nos circūcidi voluit Deus & Dominus noſter Ieſus Chriſtus, Amen.

IN EPIPHANIA DOMINI.

Eſa. 60. Virge illuminare Hieruſalem, quia venit lumē tuū, &c.

SHęc loquitur, fratres chariſſimi Propheta, imò Dominus per Prophetam, ad primitiuam ex Iudæis Eccleſiam, vel ad vnāquamque animā. De vtraque enim poteſt hæc locutio interpretari. Primò igitur hortatur Hieruſalem, vt ſurgat & illuminetur. Secundò ſubdit cauſam, quare ſurgere & illuminari debeat. Tertiò oſtendit quę mala ſequantur eum, qui ſurgere contemnit. Quartò ponit bona quę ſequuntur ſurgentē. Exhortans igitur Propheta Hieruſalem, ſiue quālibet animam, ait: *Surge Illuminare Hieruſalem.* Sed quomodo, fratres, dicit Dominus animæ vt ſurgat & illuminetur? In manu enim Dei eſt, non in noſtra, vt vel ſurgamus, vel illuminemur. Homo enim talis eſt creatus, vt ſtare & cadere per ſe poteſt, ſurgere autem per ſe non poteſt. Et per ſe quidem cecidit, ſurgere verò per ſe non potuit: Similis Elephanti qui inflexibilis eſt, & rigidæ naturæ: & proſtratus, ſurgere non poteſt per ſe. Huic venator inſidiās, notat arborem cui ſe apodiat, cūm requieſcit, & illam latenter penè totam ſubſecat. Veniens igitur elephas ad ſolitam arborem incumbit, & cum arbore ruente ruit, & non valens ſurgere, barrit: ad cuius vocem veniunt cæteri elephantes, qui cūm eum ſurgere non poſſint, omnes ſimul barriunt, vſquequo veniat aliquis paruus elephas, qui cum ſua promuſcido, proſtratum ſubleuat Elephantem. Myſticè fratres chariſſimi, elephas iſte eſt homo, qui rigidæ naturæ eſt, talis creatus, vt magis ſit aptus ſtare quā ſurgere. Hunc malignus venator,

nator, per fraudem arboris vetito præcipitavit, qui per se nequiens surgere, longo tempore terræ adhærens, fleuit, & auxilium inuocauit. Cui per compassionem appropriauerunt Patriarchæ & Prophetæ, sed cum subleuare non potuerunt, sed simul fleuerunt, & auxilium inuocauerunt, quousque paruulus de progenie eorum natus adueniens Christus, sua prædicatione & gratia eum releuauit. Sicut igitur homo per se cecidit, sed per se surgere non potuit: Ita per se exæcatus est, sed per se illuminari non potuit. Hic est enim ille in Euangelio cæcus à natiuitate, cuius oculis Dominus lutum ex terra & saliu factum, superimposuit, & lauatum illuminauit. Ostendens quod ipse qui hominem de limo videtem creauerat: ipse de eadem materia ei oculos recreauerat. Saliua enim, quæ salsa & condita est, & à capite defluit: Sapientiam veram, quæ à patre descendit, significat: ex se & ex terra, id est ex diuinitate & humanitate, cataplasma & collirium fecit, quo homo cæcatus, per baptismum visum mentis recuperauit. Sic ergo anima, nec per se surgere, nec illuminari potest. Dicat ergo Deo: Domine quid est hoc, quod me surgere & illuminari iubes? Ex me, nec hoc, nec illud possum. Tu solus es qui hoc & cætera potes. Ergo si vis vt surgam, da mihi manum. Si vis vt illuminer, da mihi lumen.

Ioan. 9.

Sequitur igitur pars secunda, in qua ostendens Dominus quare surgere debeat, ait: *Quia venit lumen tuum.* Ac si dicat: Ecce porrigitur à me tibi manus, vt surgas: Venit lumen, vt videas, quod si recipis, facis lumen tuum, si non recipis, erit quidem semper lumen, sed non tuum, imò à te alienum. Venit tibi, quia tu per te ad eam venire non poteras. Quod verò sit hoc lumen, ostendit, subdicens: *Et gloria Domini super te orta est,* id est, Dominus gloriosus. Ortus est non tantum carnaliter ex beata virgine, imò etiam spiritualiter per fidem in mente. Et hoc, *Super te,* quia à summo cœlo egressio eius Et in superiore tui parte, id est in ratione, ortus est per fidem, secundum illud: Signatum est super nos lumen vultus tui Domine. Nisi ergo surgas & illumineris, nullam habebis excusationem, cum iam lumen tuum venerit, & iam gloria Domini super te orta sit. Hoc fratres, contra nos est, qui

Psal. 4.

in tempore gratiæ sumus, quibus Christus lumen & gloria Domini per fidem ortus est, & gratia Dei parata est, sed nosmetipsos subtrahimus. Et gratia Dei quæ nobis oblata est, à nobis contemnitur, dum à peccatorum nostrorum tenebris surgere non curamus. Vnde hoc quod Dominus ait Iudæis, nobis nunc dici potest. Si non venissem & nō loquutus eis fuisset, peccatū non haberēt. Nunc ergo excusationem non habent & peccato suo.

Ioh. 15.

Heb. 12.

Hic nos monet Apostolus Paulus: Contemplantes, inquit, ne quis desit gratiæ Dei. Non autem ait ne quibus desit, sed ne quis desit gratiæ Dei. Ostendens quod cū gratia Dei, ad modum solis, omnibus præstō sit, nobis tamen negligentia nostra se subtrahit, dum sensus nostros, dum tempus vitæ nostræ, dum res tēporales ad bene merendum nobis collatas à Deo, vel inutiliter consumimus vel etiam abutimur.

Sequitur pars tertia, in qua ostenditur quæ mala sequantur surgere contemnentem, cū subditur: *Quia ecce tenebræ operient terram, & caligo pupulos.* Quasi diceret: Surge citō & illuminare, quoniam nisi citō surrexeris, tenebris operieris. Qui opertus est tenebris, fratres mei, nō videt, nec videtur? Porro, qui vel ex ignorantia, vel ex fragilitate in peccato iacet, & si ipse mundo oculo Deum nō videat, tamē nunquā à Deo per misericordiā videtur. Ceterū qui ex contēptu & contumacia à peccato suo surgere contemnit, exigente prauitate sua, intantum exaceratur, vt nec ipse Deum videat, nec à Deo per misericordiam videatur. Sunt autem hæ tenebræ, quæ terram, id est amatores terrenorum operiunt, mentis cæcitas ex diutina consuetudine peccati nata: ob quam meritō mittitur reus in tenebras exteriores. Sed & si in amatoribus terrenorum, aliqua rationis scintillula adhuc remanserit caligo ignorantiae & infidelitatis, paulatim illam excæcabit, vt iam non solū Deum contemnant, sed etiam eum esse non credant. Notate fratres, notate, quæ dico. Primò enim homo ex ignorantia vel ex fragilitate peccat, qui si surgere & corrigi contempserit, peccata peccatis accumulando, tandem in mentis cæcitatem cadit: Deinde caligo infidelitatis eum operit, vt Deū esse iam dubitet,

bitet, & resurrectionē siue extremum iudicium futurum non credat. Hæc fratres mei, assiduè pensate, & de peccatis vestris surgere festinate, ne contemnentes, vel tenebræ peccatorum, vel caligo infidelitatis operiat.

Sequitur pars quarta in qua ostenditur, quæ bona sequantur surgentem cum subditur: *Super te autem orietur Dominus, &c.* Distinguuntur autem hic quatuor bona: Primum est quod super te orietur Dominus. Tunc dicitur Deus oriri in nobis, cum amor eius oritur in nobis. Et e contra Deus tunc moritur in nobis, cum amor eius moritur in nobis. Ergo fratres, magis ac magis Deum diligamus, ut ipse magis ac magis oriatur in nobis. Semper eum diligamus, ut semper eum viuū in nobis habeamus. Secundum est, quod gloria eius in te videbitur. Porro gloria Dei in nobis videtur, cum in his quæ Deus operatur in nobis, gloriosus demonstratur. In nullo autem Deus plus apparet potens & gloriosus; atque admirabilis quàm in hoc quod facit de iniusto iustum, de carnali spiritualem, de demoniaco diuinum, hoc est enim spoliare infernum. Et hæc gloria Dei, fratres charissimi, in nobis videtur, quando per exteriorum operum nostrorum sanctitatem, nos intus à Deo esse illuminatos demonstrat. Tertium est, *Quod ambulabunt gentes in lumine tuo, & Reges in splendore ortus tui.* Sancta enim vita iusti, est quasi lux in tenebris huius mundi. Quando ergo exēpla Sanctorum sequimur, quid aliud quàm in lumine eorum ambulamus? Et quando bonam conuersionem & conuersationem aliorum nos bene regendo imitamur, quid aliud quàm Reges in splendore ortus eorum gradientes effici-mur? Ad quam quisque fidelis sequatur viam vitæ: Vnde Dominus: Vos estis, inquit, lux mundi. Sicut enim stella præuia, duxit tres Reges hodie rectam viam vsque ad Christum, ita Sanctorum vita, quæ est in hoc mūdo, quasi stella nos Regit, & aliorū Reges facit, ut sequentes eam, ad Christum perueniamus. Et quid boni ex imitatione tui exempli proueniet, quod multi ad sequendum te & imitandum congregabuntur? Vnde sequitur, *leua in circuitu oculos tuos & vide: Omnes isti congregati, in vna fide & charitate, venerunt tibi, filii tui, per imitationem,*

*Quomodo
Deus dicitur
ori in nobis.*

*In quo
Deus maxime potens
est & gloriosus.*

Matth. 2.

de longè, id est, de remotissima vita ad te venient. Et filia tue, id est, imperfectiores, lac sugēt, id est, doctrinā suam. Quartū est quod tunc omnis Ecclesia videbit, impletum quod tibi prædixi, & afflues, subitis filiis. Et cortium mirabitur multitudinem, & dilatabitur, præ gaudio, quando conuersa fuerit ad te multitudo maris, per fidem, id est, mundi, fortitudo gentium, id est, Reges & Principes venerunt tibi. Inundatio, id est, abundantia, camelorum, id est, diuitum huius mundi, qui sunt gibbosi, peccatis & diuitiis onerati. Operiet te, muneribus, Dromedarij Madian, et Effa. Dromedarius velox interpretatur: Madian, iniquitas. Effa resolutus. Per Dromedarios ergo Madian & Effa, significatur conuersio velocium ingenio, qui ab iniquitate resoluti ad Ecclesiam reuertuntur. Et non solum ipsi, sed etiam omnes, id est omnium hominum genera, de Saba, id est, de captiuitate, venient ad fidem: Aurum & thus deferentes, id est, munditiā & orationem, & laudem Domini, id est, opera filij in quibus laudatur pater, annuntiantes & alijs prædicantes. Hæc fratres mei, non solum spiritualiter, sed etiā historialiter hodie impleta sunt. Nam tres reges in splendore ortus Domini venientes, aurum & thus Domino obtulerunt. Per aurum eum Regem, & per thus, verum Deum protestantes. Et per adiuſtam mirram mortalem signātes. Quos nos quoq;, fratres, imitantes, eum verum Regem, verum Deum, verum hominem confiteamur: & ei moraliter munditiā mentis, deuotionem orationis, mortificationem carnis nostræ offecamus, quatenus ab eo recipi, & æterna benedictione benedici mereamur, qui cum patre & spiritu sancto viuit & regnat Deus, Amen.

IN DIE EPIPHANIAE,

Maub. 8.

CUM natus esset Iesus in Bethleem Iudæ in diebus Herodis Regis, ecce Magi ab Oriēte venerunt Hierosolymam, dicentes, &c. Lectio sancti Euangelij, quam modò audistis fratres charissimi, exponit nobis historiā hodiernæ solēnitatis. Porro huius lectionis partes sunt quinque. In prima ostendit nobis aduentū Magorū in Hierusalem, cūm dicitur: Cūm natus esset Iesus, &c. Ostenditur autem hic qui, & quando, & vnde, & quò venerunt. Qui? Magi.

Non

Non autem dicti sunt hi Magi quasi malefici, sed quasi sapientes. Nam quos nos Philosophos, Chaldaei appellant Magos. Quando venerunt? *Cum natus esset Iesus in diebus Herodis Regis.* In quo & illud, fratres, nobis insinuat, quod quando Herodes, id est, diabolus, in hoc mundo regnabat, Christus natus est. Possidebat quippè fortis atratus atrium suum in pace, sed fortior eo superueniens Christus coepit paulatim vasa eius diripere. Ita ut ipsa non sit qua natus est, ad se traxerit pastores. Tertiadecima verò die, id est, hodie, ad se adduxerit tres Reges: illos, primitias Iudæorum: istos primitias Gentium, illos de propè quasi proximos Deo per culturam; istos de longinquo quasi remotos à Deo per idolatriam, illos tanquam rationales vocavit per rationalem creaturam: istos tanquam irracionales vocavit per irrationalem creaturam, id est, per stellam. Unde venerunt? *ab Oriente.* Sed quomodo fratres, Christum modò natum in tam remotis regionibus scire potuerunt? Illi qui propè erant, ignorabant: Et illi qui tam remoti erant, quomodo sciebant? Quis eis indicavit? Stella. Et stellam hoc significare quis eis significavit: Non caro & sanguis, sed pater cœlestis. Non humana ratio, sed spiritus cœlestis inspiratio. Sed quomodo de longinquo tam citò venerunt? Potuit esse, fratres, ante ortum Christi stellam per aliquot dies apparuisse eis, & eos tunc iter cepisse: Vel si in primo ortu Christi apparuit, eos Domino ducete, in cursoribus Dromedariis longum iter citò percuolasse. Quòd venerunt? *Hierosolymam:* Ut regali ciuitate regalem quærentem hæredem, Domino sic ordinante, ut iidem audirent legem stellæ consonante in Christi testimonium, ut ita in ore duorum vel trium testimonium staret omne verbum.

Sequitur pars secunda continens inquisitionem Magorum dicentium: *Vbi est qui natus est Rex Iudæorum?* Quid hoc fratres? Gentiles erant. Et quare Regibus Gentium spretis, Regem quærebant Iudæorum? Vel si Regem Iudæorum quærebant, quare Herodem, filiosque eius contemnebāt? Non hoc fratres, non hoc intuitu humanæ rationis, sed dispositione diuinitatis gestum est. Spernitur Archelaus filius Regis, & quæritur filius pauperculæ mul-

lietis. Spernitur Archelaus in Palatio, & quæritur Christus in diuersorio. Spernitur Archelaus in regio lecto, & quæritur Christus in præsepio. Spernitur Archelaus inuolutis sericis, & quæritur Christus inuolutus vilibus pannis. Personas accipere nesciunt, qui illum, qui personas non accepit, quærunt. Nos quoque fratres charissimi, si Christum, qui non accipit personas, quærimus, personas non accipiamus. Non honoremus potentem ob suam potentiam, nec contemnamus pauperem ob suam paupertatem. Scriptum quippè est: Non confundas vultum pauperis, nec honores vultum potentis. Et alibi: Usquequo iudicatis iniquitatem, & facies peccatorum sumitis, ac si dicat: In hoc iniquitatem iudicatis, quod facies peccatorum accipiendo honoratis. Nos ergo in susceptione hominum, non pensem conditionem, sed naturam: non potentiam, sed virtutem: non quantum habent, sed quantum valent. Quomodo autem sciunt Regem Iudæorum esse natum, ostendunt Magi, cum subdunt: *Vidimus enim stellam eius in Oriente, & venimus adorare eum.* Nos positi in Oriente, vidimus stellam eius, quæ nos antecedens ad eum adduxit. Stellam, inquiunt, eius, hoc est, opus eius, ministram eius, significatiuam eius. Cauete, fratres, caue te, ab eis qui mentiuntur, quod quando quisque nascitur, stella sua secum nascitur, quæ fatum eius constituitur, sua mentes in erroris sui argumētum, quod hic dicitur, *stella eius.* Sed cum hic legamus quod non puer ad stellam, sed stella ad puerum cucurrit (si dici debeat) non stella fatum pueri, sed fatum stellæ puer fuit. Sed absit à fidelium cordibus, quod esse aliquid fatum dicant. Vitam enim hominum solus qui creat, administrat. Cauete fratres, nihilominus ab eis qui vnā horam dicunt fortunatā, aliam infortunatam, vnā diem bonam, aliam malam, putantes à die vel ab hora, in qua aliquid fit, causam contrahere aduentus sui. Quod falsum esse inde probatur, quoniā eadem hora Iacob & Esau concepti & nati sunt: & tamen vnus probus, alter reprobus fuit. Multi quoque eadē hora concipiuntur, & tamen eorum alij diuites, alij pauperes, alij subriles, alij hebetes, alij boni, alij mali sunt. Multi & eadem hora vel iter, vel pugnam, vel causam incipiunt, &

tamen

Lenit. 19.
Psal. 51.

Fatū nul-
lum inter
Christia-
nos.

Gen. 28.
Rom. 9.

tamen his succedit bene, & illis malè. Contra autem eos loquitur Apostolus. Dies, inquit, obseruatis & menses, & tempora, & annos. Timeo ne fortè sine causa laborauerim in vobis. Cauete etiam ab illis fratres, qui diuinationibus, obuiationibus & auguriis intendunt, cum lex ista prohibeat, dicēs: Non auspicemini, neque auguriis intendatis. Cauete quoque ab illis qui dicūt quosdā oculis vrentibus, alios fascinare, fascinū enim nihil est. Sed quodam homine alium vidente, diabolus viso nocere solet, vt sic noceat & illi, quem reddit infamem, & illi, quē facit detractorem. Quos omnes increpat Psalmista. dicens: Filij hominū vsquequo graui corde, vt quid diligitis vanitatē & queritis mendacium. Et alibi: Beatus est, inquit, cuius est nomen Domini spes eius, & non respexit in vanitates & insanias falsas. Sequitur pars tertia, quæ perturbationem & fraudulentam Herodis inquisitionē ostēdit, cum subditur: *Audiens autē Herodes Rex, turbatus est, & omnis Hierosolyma cum illo.* Turbatus est Herodes timēs successorem: Turbati sunt sui propter eius fauorem. Turbati sunt alij propter eius rumoris nouitatem. Inquisiti autem ab Herode Magistri legis, testimoniū de loco natiuitatis Christi proferūt, vt eis fieret in testimoniū damnationis, & nobis in adiutorium fidei. Et qui per hos fratres mei, nisi prauī doctores designantur, qui dicunt, & non faciūt, & aliis profunt, & sibi obsunt, qui sunt tanquā es sonans & cimbālū tinniēs, quod alios citat & seipsum cōquassat, Qui sunt tanquā candela, quæ alios illuminat, & seipsam annihilat. Herodes verò, qui locum & tempus Christi nati diligēter inquirēs, malitiā cordis colore depingit humilitatis, quid fratres mei, qui nisi hypocritas designat, qui verba veritatis inquirunt & laudant, & tamen Christum in suis pauperibus corde, & quando possunt opere, persequi non cessant.

Sequitur pars quarta, quæ per ductionem Magorū per stellam ad Christū demonstratur, cum subditur: *Qui cum audissent Regem, abierunt. Et ecce stella, &c.* Stella fratres, ista quæ Magos præcessit, & ad Christum perduxit, quid aliud significat quàm gratiam Dei, quæ nos, vt ad Christum perueniamus, præcedit & ducit. Sicut enim isti nec

viam

Galat. 4.

Psal. 4.

Psal. 30.

1. Cor. 13.

Stella gratia
Dei signi-
ficat.

viam inciperent, nec perficerent, nisi à Deo ducti per stellam: ita nos nec bene velle, nec bonam voluntatem perficere valemus, nisi præueniente Dei gratia & subsequente. Vnde Apostolus: Non est volentis, inquit, velle, neque currentis currere, sed miserentis Dei. Porro sicut stella Magos ad Herodem declinantes deseruit, & recedentes reilluminauit: ita fratres, quando ad malum declinamus, gratia Dei non deserit nos, imò nos deserimus eam. Quando verò à malo recedimus per poenitentiam, gratia Dei, nos reilluminauit. Stella antecedeat Magos, donec veniēs, staret supra vbi erat puer: & gratia Dei antecedit nos, usquequo veniamus ad Christum, qui est finis, ad iustitiam omni credenti, ultra quam non est procedendum: quia non est aliud nomen in cælo, neque in terra, in quo oporteat nos saluari. *Videntes autem eam Magi, gauisi sunt gaudio magno.* Nos quoque, fratres, cum viderimus gratiam Dei perduxisse nos usque, ad videndum Deum Deorum in Sion, gaudebimus gaudio magno & ineffabili, & gaudium illud nemo tollet à nobis. Et intrantes domum æternæ beatitudinis, inueniemus puerum cum Maria matre eius, id est, hominem cum diuinitate contemplantes, adorantes, & benedicentes in secula.

Sequitur pars quinta, in qua adoratio & oblatio Magorum ostenditur, cum subditur. *Et procidentes adorauerunt eum: & apertis thesauris suis obtulerunt ei munera, &c.* Quatuor faciunt, procidunt, adorant, thesauros aperiunt, offerunt. In quo, quid, & quo ordine facere debeamus, ostendunt. Itaque fratres, antè maiestatem Dei procidamus, id est, nostram superbiam humiliantes, nos peccatores infirmos & indignos confiteamur. Adoremus, id est, Deum auctorem & Dominum nostrum recognoscamus. Thesauros cordis nostri per confessionem aperiamus, mala nostra nobis adscribentes. Et si quid boni vel preij habeamus in nobis, Deo attribuentes & offerentes. Porro trino dono trinum confitentes, aurum offerunt Regi, thus Deo: mirram, qua corpora defuncta coniunguntur mortalia. Nos quoque, fratres mei, eandem offerendam ei offeramus. Et eum verum Regem, verum Deum, verum hominem corde credamus, & ore confiteamur, atque operibus

Rom. 9.

Rom. 10.

Mat. 4.

Ioh. 10.

Protidere.

Adorare.

Thesauros
aperire.

ribus

ribus conprobemus. Moraliter etiam fratres, aurum ei offerimus, si ei cor nostrum mundum & purum sanctificamus. Thus ei offerimus, si puræ orationis odore, cum delectamus. Vnde Psalmist. Dirigatur, inquit, oratio mea sicut incensum in conspectu tuo. Mirram ei offerimus, quando hoc mortale corpus à luxuriæ putridine, per condimentum continentiae custodimus. Quid enim aliud est per luxuriæ faectorem corpus defluere, quam ipsum putrefcere. Hinc de quibusdam per Prophetam dicitur: Putrescunt ut iumenta in stercore. Ne ergo per luxuriam putrefcat corpus, illud mirra abstinentiae condiamus.

Psal. 140.

Isa. 1.

Sequitur pars sexta, in qua ostenditur Magos in somnis monitos, per aliam viam rediisse in regionem suam. Nos quoque fratres, horum exemplo, cognito Iesu, ad caelestem patriam, non per viam qua descendimus, sed per aliam reuertamur, à regione enim nostra superbiendo, visibilia sequendo, cibum vetitum gustando, peccata nostra excusando, discessimus: Et ad eam necesse est, ut nos humiliando, obediendo, visibilia continendo, appetitum carnis refrenando, peccata nostra accusando, redeamus. A Paradisi gaudiis per delectamenta discessimus: ad hæc per lamenta oportet ut reuocemur. Scriptum quippe est: Beati qui lugent, quoniam ipsi consolabuntur. Vae vobis qui ridetis, quia lugerebitis. Hinc Salomon ait: Risus dolore miscebitur, & extrema gaudij luctus occupat. Abluamus igitur gemitibus & lacrymis culparum nostrarum maculas, quoniam, ut ait Psalmista: Sacrificium Deo spiritus contritus, ut ita per aliam viam in nostram reuertamur regionem, ipso ducente, qui Magos de longinquo hodie ad se adduxit, Domino nostro Iesu Christo, Amen.

Mat. 5.

Luc. 6.

Prover. 14.

Psal. 30.

DOMINICA PRIMA POST

Epiphaniam Domini.

Obesecro vos per misericordiam Dei, ut exhibeatis corpora vestra hostiam viuentem, &c. In hac lectione fratres charissimi, instruit nos Apostolus quomodo viuere debeamus, docens quid debeamus nobis, quid Deo, & quid proximis. Debemus enim nobis castigationem, Deo obedientiam, proximis compassionem. Et in his tribus perfectio Christianitatis consistit. Hortans igitur nos Apostolus

Rom. 12.

Quid nobis

& Deo

debeamus.

Apostolus

*Exhibere
corpora
nostra
hostiam vi-
uentem
quid.*

Colos. 3.

Rom. 6.

Psal. 50.

Luc. 15.

Rom. 6.

Psal. 30.

Apostolus primò ad nostri castigationē, obsecrat nos per misericordiam Dei, id est, per Deum misericordem, nos adiurat: vt si eius volumus consequi misericordiā, exhibeamus corpora nostra hostiam viuentem, sanctam, Deo placentem. Hostia, fratres mei, in lege veteri sacerdoti offerebatur, post mactabatur, pelle spoliabatur, abluebatur aqua, per membra secabatur, igne cremabatur in odorem suauitatis. Quod ergo in lege fiebat carnaliter: Apostolus nos præcepit facere spiritualiter. Præcepit enim nos non corpus nostrum, sed vitia corporis nostri immolare, vt scilicet corpus nostrum moriatur peccato, & viuat Deo: iuxta quod idem Apostolus alibi dicit: Mortificate membra vestra, quæ sunt super terram, quæ sunt fornicatio, auaritia, immunditia, &c. vt iuxta eundem Apostolum, destruatur corpus peccati. Hostia igitur membra vincimus, quando membra nostra ne amplius peccent, per propositum poenitentiae ligamus. Hostiam vinctam sacerdoti offerimus, quando cum proposito cessandi à peccato, per confessionem nos sacerdoti præsentamus. Hostia mactatur, quando cultello compunctionis peccatum mortificatur. Excoriatur, quando remoto excusationis velamine, peccatum per confessionem denudatur. Aqua abluitur, quando lachrymis sordes peccatorum lauantur. Per membra secatur, quando partes peccatorum per discretionem secernuntur. Igne hostia crematur in odorem suauitatis, quando igne sancti Spiritus omne peccatum consumitur, vt inde Deus & proximus delectetur, secundum illud: Sacrificium Deo spiritus contribulatus, cor contritum & humiliatum Deus non despicies. Et illud: Gaudium est Angelis Dei super vno peccatore poenitentiam agente. Non autem sufficit, fratres, ita corpora nostra exhibere hostiam per peccatorum mortificationem, nisi exhibeamus eam viuentem. vt scilicet ita moriamur peccato, quod viuamus Deo. Secundum illud Apostoli, Quem admodum exhibuistis membra vestra seruire iniquitati ad iniquitatem, ita exhibeatis seruire iustitiae in sanctificationem. Et illud Psalmistæ: Declina à malo & fac bonum. Quia verò quidam exhibent hostiam viuentem, sed non perseuerantem, addit: sanctam, id est, perseuerantem

tem & firmam. Vnde & in lege caput cum caudo offerre-
batur. Quia rursus etiam quidam perscuerant, sed tamen
per admixtionem inanis gloriæ vel temporis displicent,
subiungit: Deo placentem, per rectam intentionem. Vnde
scriptum est: Nesciat sinistra tua, quid faciat dextera tua.

Mat. 6.

Quia rursus quidā indiscretè vel nimis attenuant, vel mi-
nus nutriunt corpus suum, ait: *Rationabile obsequium des-
sertion.* Quod est enim in se laudabile de nimietate fit cul-
pabile. Quia rursus quidā dum vident hic malos florere,
& quod filij eorum sunt sicut nouella plantationis in iu-
uentute sua, filix eorum compositæ, circumornatæ vt si-
militudo templi. Promptuaria eorum plena, eructantia ex
hoc in illud. Oues eorum fortosæ, abundantes in egressi-
bus suis. Boues eorū crassæ. Non est ruina maceriz, neque
transitus, neque clamor in plateis eorū. Et quod beatum
dixerunt populum cui hæc sunt. Econtrario vident hic bo-
nos affligi, penè mouentur pedes eorum à via recta. Iuxta
illud: Mei autem penè moti sunt pedes, penè effusi sunt
gressus mei, quia zelauī super iniquos pacem peccatorum
videns, adiungit: *Et nolite conformari huic seculo*, id est,
per emulationem imitari. Vnde David: Noli emulari in
eo qui prosperatur in via sua. Sed à deformatione quæ fuit
facta per peccati vetustatem, *reformamini in nouitate sensus
vestri*, vt sensus videlicet vestri emulentur, & imiten-
tur, non veterem sed nouum hominem.

Psal. 143.

Psal. 71.

Psal. 36.

Non imi-
tandi qui-
bus omnia
prospera.

Sequitur pars secunda, in qua ostenditur, quid Deo dei-
beamus, cum subditur: *Vt probetis quæ sit voluntas Dei*,
ac si diceret: Exhibete corpora vestra hostiam viuētem, &
reformamini in nouitate sensus vestri: *Vt ita probetis*, id
est faciendo cognoscatis, *quæ sit voluntas Dei bona & be-
neplacens & perfectæ*. Cum vna sit semper Dei voluntas
in se, tamē multa sunt eius signa in operibus: promissio-
nes, prohibitiones, mandata, consilia. Permittit enim
minora mala, prohibet maiora, præcipit bona, consulit
perfecta. Hæc signa diuinæ voluntatis considerans Psal-
mista, dicit: Magna opera Domini, exquisita in omnes
voluntates eius. Declinare à malo, est bona Dei volun-
tas. Facere bonum, est voluntas Dei bene placens. Con-
temnere omnia propter Deum, & dare pauperibus, est
volun-

Psal. 110.

volun

voluntas Dei perfecta, id est, perfectio quam Deus nobis consulit. Nos ergo, fratres, in omnibus debemus voluntatem Dei quærere, & illud quod plus ei placere cognoscimus, plus appetere. Si enim mundani homines, ut Regis mortalis mereantur habere gratiã, eius volũtatem etiam malam facere festinant. Nõne fratres mei, multò magis debemus facere voluntatem Dei semper bonam, & nobis vtilem, ut eius gratiam mereamur indeficientem?

Sequitur pars tertia in qua ostendit Apostolus quid proximis debeamus, cum dicit: *Dico enim*, id est iubeo, *per gratiã quæ data est mihi*, id est, per auctoritatem mihi datã gratis, *non sapere plusquam oportet sapere*. Plusquam oportet sapere sapit, qui superbè sapit, ut qui in cibo, vel potu, vel huiusmodi communibus, infirmis scandalũ ponit, ut qui utilitatem proximorum quærere contemnit, dicens non alienas animas, sed solam suam animã sibi commissam, ut qui præsumens de conscientia sua, malè de se opinari permittit, & in his multũ à quibusdam precatur. Propterea præcipit Apostolus sapere ad sobrietatem, ut unusquisq; nõ suam solã utilitatẽ, sed etiã proximorũ quærat. Et sicut Deus unicuiq; diuisit gratiã suã, ita eã nõ sibi sed proximis administret. Noluì enim Deus omnes gratias omnibus dare, sed singulas singulis, ut nullus superbi-ret, vel alium contēneret, & videns se egere gratis aliorum, aliam quã haberet, aliis ministraret. Sicut enim officiũ habet aliud pes, aliud manus, aliud oculus, &c. & tamen pes non se solũ portat, sed & alia membra: Et manus non sibi soli laborat, sed & aliis membris: Et oculus nõ sibi soli videt, sed & aliis membris. Ita Deus ordinauit in Ecclesia, ut alius sit pes portando alios labore suo, ut agricolæ: alius sit manus defendendo alios, ut Principes: alius sit oculus, aliis per sapientiam prouidendo & consulendo, ut sapientes. Ita fratres charissimi, unusquisque gratiam quam à Deo accepit, studeat aliis communicare, ne fortè talentum commissum abscondens, illo iustè priu-
netur & damnetur. Qui habet diuitias, inde pauperibũ subueniat. Qui habet potestatem, inde imbecilles defendat. Qui habet sapientiam, alios corrigit & instruat. Qui habet eloquentiam, viduarum & orphanorum patronum
se fa.

se faciat. Qui habet artem viuendi, inde aliis valeat, vt de gratia sibi commissa, vnusquisque Deo acquirat lucrum & sibi praeuolum. Quod ipse praestare dignetur, qui uiuit & regnat Deus in aeternum, Amen.

DOMINICA I. POST EPIPHA.

niam Domini.

Cum factus esset Iesus annorum duodecim, ascendenti-
bus illis Hierosolimam secundum consuetudinem diei
festi, consummatisque diebus cum redirent, remansit puer Ie-
sus in Hierusalem, & reliq. Huius Euangelicæ lectionis, fra-
tres charissimi, partes sunt quinque. Primo enim ostenditur
Iesus cum parentibus suis secundum consuetudinem diei
festi Hierusalem ascendisse. Praecepit quippe Dominus
in lege quod quisque, ter in anno coram eo appareret & non
vacuus. Conueniebant igitur etiam et remotis partibus,
ad tres praecipue sollemnitates: Pascha scilicet, Penteco-
sten, & Scenophegiam, quod octo diebus protelabantur:
praeterea quoque corporibus, dealbatisque vestimentis, cele-
brarent in gaudio sollemnitates cum hostiis & muneribus.
Ex hac igitur consuetudine, ascendunt beata Virgo &
Ioseph cum puero Hierusalem, dantes nobis exemplum
celebrandi sollemnitates cum deuotione. Nam si Domi-
nus noster Iesus Christus, cum non indigeret, sollemnitates
celebrauit, quid nos miseri peccatores, qui maxime indige-
mus, quid facere debemus? Cum igitur fratres mei so-
lemnitates Domini, eiusque Sanctorum adueniunt, cele-
bremus eas cum summa deuotione, loti plus mentibus,
quam corporibus: ornari plus virtutibus, quam uestibus,
ne simus vacui coram Domino. Vacuus certe coram Deo
est, non qui non habet in manu pecuniam, sed qui non
habet in animo deuotionem. Non est enim manus uacua
numere, si arca cordis est repleta bona voluntate. Sed &
in hoc quod Beata Virgo & Ioseph, puerum Iesum quo-
rannis ad sollemnitates ducant Hierusalem, praestant vo-
bis patres & matres familias exemplum, vt filios vestros
postquam intelligere ceperunt, ad Ecclesiam ducatis, &
eos Deum timere, supplicare & orare doceatis: illam enim
uiam firmitus tenemus, quam ab infantia sectari consue-
uimus. Sequitur pars secunda in qua ostenditur puer

Lut. 2.

Sollemnita-
tes cele-
branda.

Iesus in Hierusalem remansisse, & à matre & Ioseph quæ-
 situs fuisse, cum subditur: *Remansit puer Iesus in Hierusa-*
lem, & non cognouerunt parentes eius. Et quomodo fra-
 tres mei, filius Dei qui eum tanta diligentia à parentibus
 nutriebatur, potuit obliuisci? Quia mos erat Iudæorum,
 ut ad festum euntes siue redeuntes, seorsum viri, seorsum
 mulieres incederent: sed & in ipso templo atrium mulie-
 rum, ab atrio virorum prorsus erat sequestratum. Pueri
 verò teneriores cum utroque parente indifferenter ibant.
 Putabat igitur beata Virgo quod puer esset eum Ioseph,
 & Ioseph putabat quod cum matre esset, & ita ut ei pla-
 cuit, relictus est. Porro fratres, consuetudo hæc Iudæo-
 rum optima erat, & nobis imitanda. Ut cum sumus in Ec-
 clesia, à mulieribus sequestrati maneamus. Nihil enim
 plus remouet ab oratione animum nostrum, quàm inspe-
 ctio mulierum. Si enim fratres, etiam cum solitarij ora-
 mus, vana cogitatio nos infestat, quid sit cum vir aspiciet
 uxorem suam, stultus stultam, peccator peccatricem?

*In Ecclesia
 tres distin-
 ctæ man-
 siones.*

Nonne plus auget culpam, quàm impetret veniam? fiant
 itaque fratres, in Ecclesia tres distinctæ mansiones. In pri-
 ma parte, id est, in choro, oret Episcopus siue Sacerdos
 cum clericis: In secunda, Rex vel Dominus villæ, cum sub-
 ditis suis: In tertia, Domina cum mulieribus suis. Legi-
 mus enim in Ecclesiastica historia, quod cum Theodu-
 sus Imperator vellet apud Mediolanum in chorum cle-
 ricorum introire, prohibuit eum beatus Ambrosius: *Dis-*
cretio, inquit, *debet esse inter clericos & laicos.* Ego
 cum clericis meis in choro debeo psallere, tu verò cum
 laicis tuis extra orare. Veniens autem Imperator Con-
 stantinopolim, mansit extra chorum. Cui cum Episcopus
 diceret, quare solito more nō intraret in chorum, respon-
 dit: Vnum solum Episcopum in mundum inueni, qui
 quæ differentia sit inter laicos & clericos me docuit.

Sequitur pars tertia, in qua ostenditur Iesus post tri-
 duum in templo repertus, sedens in medio Doctorū, au-
 diens eos & interrogans. Porro quòd Iesus quæritur, &
 post triduum reperitur, significat quod ante legem & sub
 lege quæsitus fuit, sed tantum in tempore gratiæ repersus
 est. Quòd verò in templo in medio Doctorum sedet,

audire & interrogat, dat exemplum pueris & adolescentibus, ut Ecclesiam frequentent, Doctores audiant, & eos de doctrina animæ interrogent. Hoc etiam notandum est fratres mei, quod Redēptor noster legitur cum esset duodecennis tantum, audisse & interrogasse, nec usque in trigésimo anno publicè docuisse. Ezechieli quoque in trigésimo anno aperti sunt cœli, & vidit visiones Dei. Canones etiā prohibent, ne aliquis nisi tricenarius ad sacerdotiū accedere præsumat. Hinc itaque confunduntur qui ante præscriptam ætatem, vel ad sacerdotium, vel ad officium prædicationis audent aspirare. Sapientia Dei patris noluit ante triginta annos publicè prædicare. Et tu stultie, superbe, antequam noueris esse discipulus, cupis magister esse? Quod verò mirabantur omnes super prudentia & responsis eius, signum erat diuinæ sapientiæ, quæ quodammodo eos docebat, dum prudenter eos interrogabat.

Sequitur pars quarta, in qua Dominus ostendit, quid patri cœlesti, & quid matri carnali debeamus. Nā cum beata Virgo conquereretur: *fili quid fecisti nobis sic? Ego & pater tuus dolentes quærebat* te. Respondet: *Et quid est quod me quærebat* is? nesciebat is, quia in his quæ patris mei sunt, oportet me esse? Non autem in hoc quod eum quasi filiū quærūt viruperat, sed quis sibi verus pater sit, insinuat: in quo fratres, nos docet, præceptū Dei patris & matris Ecclesiæ, præcepto carnalis patris & matris præponere. Sicut idē alibi dicit: Qui amat patrē aut matrē plus quā me, nō est me dignus. Quando tamen præceptū terreni patris vel matris, nō obuiat præcepto Dei, debemus ei humiliter obedire. Unde Dominus Iesus, cum quasi increpando matri suæ, & Ioseph prius respondisset, mox tamen in humilitate eis pareat. Sequitur enim quod *descēdit cū illis, & venit Nazareth, et erat subditus illis*. Erubescere superbe cinis, erubescere. Deus se subdit homini, & tu homo dedignaris subdi homini. O homo: Deus se subdit tibi, causa salutis tuæ non suæ: & tu dedignaris subdi Deo, vel homini, causa salutis tuæ non suæ: hinc fratres, hinc discamus subdi Deo, subdi parentibus, & etiam cuilibet personæ propter Deū, quotiens enim alij subdi contēnimus, exēplo & præcepto Christi contraiimus, & diaboli superbiam imitamur.

Matth. 10.

Cuilibet
obediē-
dū pro-
pter Deū

Discamus præcipuè subdī parentibus, & eis nutrituræ nostræ vicissitudinem reddere? Qui enim honorat propter Deum patrem vel matrem, nō erit inhonoratus ante Deum.

Sequitur pars quinta, in qua diligentia & prudentia beatę virginis ostenditur, cum subditur: *Maria autē concepit & parit, & servabat omnia verba hæc conferens in corde suo.* Nō minus etiam castitate oris, quā corporis imitabilis, omnia, quæ de Domino, vel à Domino facta, dictave cognoscebat, siue intelligeret, sub silētio in memoria recodebat, ut quando tempus adesset, vniuersa, prout, gesta, dictave fuerant, quærentibus & scribentibus explicaret. Cuius exemplū pro modulo nostro fratres charissimi sequamur, habentes sibi circuncisa, modestamq; taciturnitatem, omniumque bonorū in cordis nostri armariolo conseruantiam. Sequitur pars sexta in qua ostenditur profectus pueri Iesu, cum subditur: *Puer autē proficiebat sapientia & ætate, & gratia apud Deū & homines.* Quod ætate secundū naturam humanitatis proficiebat, apparet. Sed quomodo fratres mei, qui ab æterno sapientia plenus erat, imò ipsa sapientia erat, sapientia & gratia proficiebat? Proficiebat quidem non sibi, sed aliis sapientia & gratia, dum eas paulatim hominibus declarabat. Vnde Deus pater glorificabatur, & homines mirabantur. Vnam fratres mei, proficiat & in nobis, vt ipsam sapientiam, & gratiam suam, nobis clemēter donet, quatenus virtutibus & bonis operibus mereamur abundare: & ipsū de bonis donis suis in æternum benedicere: ipso largiente qui cum Patre & Spiritu sancto uiuit & regnat Deus, Amen.

D O M I N I C A . S E C U N D A . P O S T

Epiphaniā Domini.

Rom. 12. **H** Abentes donationes secundum gratiam que data est nobis, differentes. etc. Omnisiciens & prouidens Dominus Deus, noluit omnes gratias alicui dare, ne superbi-
ret, sicut Angelus, qui præ largitate gratiarum, superbiuit. Nec voluit alicui nullā dare, ne sicut despectus despectaret: sicut Iudas, qui videns se propter peccatum omni gratia nudatum, desperauit. Sed voluit dare vnā vni, alteram alteri, vt quisque de habita mereri posset, de non habita humiliaretur, & habentem sibi præferret: & vt de propria gra.

gratia ministraret aliis, sicut volebat alium de sua gratis ministrare sibi: ut more membrorum humanorum sibi inuicem subscriuerent, & pro communi salute communiter laborarent. Hoc est ergo quod Apostolus ait, *Habentes donationes differentes, secundum gratiam quæ data est nobis*: id est, habentes dona diuersa secundum hoc quod Dominus unicuique nostrum gratis dedit. Et subiunxit gratias, *Sive Prophetiā habentes*, habeamus eam, *secundum rationem fidei*. Prophetiam verò vocat occultorum notitiam, & scripturarum interpretationem, quam gratiam, si quis habet, habeat eam secundum intentionem fidei, ut a fidelis veritate scripturas non distorqueat, sicut Ariani, Sabelliani, & ceteri hæretici. Hoc contra illos est, qui scripturas non exponunt, sed apponunt, qui non referunt, sed afferunt, qui voluntatem suam non explicant scripturæ, sed scripturam applicant voluntati suæ. Sed quid est fratres, quod ait *secundum rationem fidei*, cum fides in multis contra rationem, vel supra rationem habeatur. Et fides non habeat meritum, cui humana ratio præbet experimentum. Cum enim dicitur quod immortalis mortuus est. Et quod virgo concepit & peperit, contra rationem esse videtur: sed & de ratione est fratres charissimi, ut qui rationem & naturam condidit humanā, super eam sit, & ab ea capi non possit, *Sive ministerium in ministrando*, id est, qui habet gratiam ministerij, ut sacerdotij, vel diaconatus, vel cæterorum, habeat eam in usu ministrandi, ut, scilicet in ministerio non sit piger vel negligens, sed sollicitus, deuotus & grauiter ministret, quia, ut ait Hieronimus, maledictus qui facit opus Dei fraudulenter. Hoc fratres, contra illos est qui malunt præesse, quam prodesse, qui sunt solliciti ad congregandum argentum, spernentes damnum animarum, quos plus tangit perditio animæ quam animæ. *Sive qui docet in doctrina*, id est, qui habet officium docendi, doceat in doctrina, id est, ad doctrinam auditorum, & hoc contra illos est, qui docent ad gloriam vel ad lucrum, *Qui exhortatur in exhortando*, id est, qui habet gratiam exhortandi, sit sollicitus in exhortando, ne de abscondito talento damnetur. Hoc fratres, contra illos est qui gratiam habentes loquendi ad populum, ex

Scripturarum interpretatio quomodo habenda.

Hier. 48.

Mat. 6.

negligentia filiet. *Qui tribuit, tribuat in simplicitate*, id est, simpliciter propter Deum, non propter gloriam, vel mercedem temporalem, ut nesciat sinistra quid faciat dextera, id est, rei propter Deum factæ, non se admisceat, nec in principio, nec in medio, nec in fine, intentio temporalis. *Qui preest, praestit in sollicitudine*, quia maledictos Prælatum negligens, ut Heli, cuius negligentia, causa eius perditionis & sui, & filiorum. Maledictus enim Pastor dormitans, qui commissas oues sinit à lupis deuorari, & vacuus redit. *Qui misereatur, miseriatur in hilaritate*, hilarem enim datorem diligit Deus. Non enim pensat Deus quanta sit eleemosyna, sed ex quâta deuotione fiat. Parua enim eleemosyna, si late, si ciuò, si deuotè detur, vincit magnâ eleemosynam, obscure, tardè & tepidè datam. *Dilectio sine simulatione*. Simulata enim dilectio, nō est dilectio, sed deceptio. Qui enim fingit se aliquem diligere, ad hoc fingit ut eum melius possit decipere. Hoc contra illos est qui blandis salutationibus, & inuitationibus, falsis promissis & obsequiis se fingunt amicos illorum, quos in hoc mundo florere vident. Contra quos Ioannes ait: Filij, inquit, non diligamus verbo neque lingua, sed opere & veritate. *Odientes malum, adhaerentes bono*. Hoc est, omne malum naturaliter odientes, & omne bonum naturaliter diligentes. Hæc virtus dicitur benignitas: huic fratres, contraria est malignitas, quæ de malo gaudet, & de bono dolet. *Charitatē fraternitatis inuicem diligētes*. Hoc cōtra illos est, qui cum fratribus viuunt tanquam cum extraneis nulum signum dilectionis & familiaritatis eis exhibentes. Hos vocat Apostolus sine affectione, sine sordere. *Honore inuicem præuenientes*. Concedentes, scilicet, aliis priorem locum, priorem honorem, primum ordinem standi, sedendi, bibendi, & huiusmodi: secundum illud: Cum inuitatus fueris ad nuptias, recumbe in nouissimo loco: Sicut enim superbi semper amant sibi deferri, ita humiles semper amant aliis deferre. *Sollicitudine non pigri*, in spiritualibus, scilicet, studiis: in temporalibus enim negotiis sollicitudo prohibetur. Vnde Dominus. Nolite solliciti esse, dicentes, quid manducetis, aut quid bibetis? *Spiritu feruentēs*: quoniam Deus nauscat & vomit: vnde ait: Tu neque

2. Cor. 9.

1. Ioan. 3.

Luc. 14.

Matth. 6.

frigi-

frigidus neque calidus es, vtinā frigidus aut calidus esses.
 Sed quia neque frigidus, neque calidus es, incipiā te euo-
 mere de ore meo. *Domino seruientes*, non mūdo, non caro-
 nī, non diabolo. *Spe gaudentes*, etiam inter aduersa & tri-
 stitias huius mūdi. Inter aduersa spe gaudere spiritualium
 est virorum, vbi mundani homines turbātur & desperāt.
In tribulationibus patientes, id est, tribulationes æquani-
 miter patientes, & inferētibus cōpatientes. Hoc cōtra illos
 est, qui lacecessit, statim reddunt malū pro malo, maledictū
 pro maledicto. *Orationi instantes*: & si semper non orādo
 tamen semper benè operando, & benè viuēdo. Benè enim
 instat orationi, qui semper dum viuīt, facit orationē suā
 dignam exaudiri. *Necessitatibus sanctorū cōmunicantes*,
 id est, rem vestram, vel si nō habetis, compassionem. Hoc
 cōtra illos est qui quasi homines non essent, hominibus
 compati nesciunt. *Hospitalitatem sectantes*, id est, nō vos
 sectemini propter hospitalitatem dandam, imō vos sitis
 sectantes & offerentes eam, sicut Abraham & Loth legū-
 tur fecisse. *Benedicite ore persequētibus vos*. *Benedicite etiā*
corde, & nolite maledicere. Hoc cōtra illos est qui & si ore
 benedicant persecutoribus, tamen corde maledicunt.
 Gaudere etiam studeamus cum gaudentibus, subaudis in
 Deo: nam cum gaudentibus in teculo, non est gauden-
 dum. *Ecce cum flentibus*, eis videlicet compatiendo. Hoc
 facimus, cum bona & damna proximorum, nostra pro-
 pter charitatem putamus. *Id ipsum*, id est, vnum idem
sapientes inuicem, id est, non diuidentes vos per scismata
 & hæreres, sed per eandem fidem & spem & charitatem,
 idem sapientes. *Non alta sapientes de vobis*, id est, non
 superbi, vt, scilicet vos super vos superba estimatione non
 eleuetis, sed sapientes humiliter de vobis, id est, infrā vos-
 stram imperfectionem vos cohibentes, & humilibus cō-
 sentientes. Hoc idē dicit, quia superbi superbis non pos-
 sunt consentire, nec cum eis pacificē viuere. Humiles au-
 tem semper humilibus consentiunt, & cum eis pacificē
 viuunt. Has & cæteras virtutes largiatur nobis obtinere
 largitor gratiarum Deus & Dominus noster, qui in tri-
 nitate perfecta viuīt & regnat Deus per omnia secula se-
 culorum, Amen.

DOMINICA SECUNDA

post Epiphaniam.

Nuptiae factae sunt in Chana Galilee. Et erat mater
Iesu ibi, & reliq. Fratres charissimi, tempus nunc re-
dit nuptiarum, & de nuptiarum honestate loquitur Euā-
gelium. Non enim damnabiles sunt nuptiae, ut quidā hē-
retici prae dicauerūt, sed ut ait Apostolus, honorabile con-
ubiū in omnibus & thorus immaculatus. Quante enim
honestatis sit coniugiū, ostendit eius institutor, tempus,
locus, diffinitio, & bona eius, meritū personarū, & ipsius
Domini praesentia. Quis enim constituit coniugiū? Do-
minus Deus, qui nihil nisi bonū instituit. Et quādo? ante
peccatum. Bonū igitur est, & fuit, quod ante peccatū fuit.
Vbi? in Paradiso. Vbi Dominus de latere viri dormientis
sumptā costam, operatus est in mulierē, quam viro cōiun-
xit. Vnde & dixit, hoc nunc ex ossibus meis, & caro de
carne mea. Propter hoc relinquet homo patrē & matrē,
& adhærebit vxori eius, & erunt duo in carne vna. Non
formauit autem Dominus mulierē de capite viri, ne inde
super virū superbiret, nec de pedibus, ne vir eam despice-
ret, sed de latere, ut tanquā sociā diligeret. Quid est coniu-
gium? Legitima cōiunctio maris & feminae, indiuiduam
vitae consuetudinē retinens. Si igitur coniugiū legitimū
est, utiq; bonū est. Quae sunt bona coniugij? Tria: fides, scē-
licet, sacramentū, & proles. Coniuges enim debent esse fi-
deles, non solū Deo & proximo, sed etiam sibi inuicē, ut
sicut adinuicē promittūt, vnio sit animorū & corporum,
& rerum. Sacramentū est, quoniam est sacrae rei signū. Sicut
enim mulier de latere viri est formata & ei coniuncta: ita
Christus per sanguinem & aquā de latere suo fluentē, for-
mata Ecclesiā sibi sponsam coniunxit, quae sibi filios spiri-
tuales per baptismum gignit. Proles est, quia fructus con-
iugij, propter quā coniuges debent coniungi. Meritū etiā
personarū cōmendat coniugiū: quoniam nisi bonū esset,
Abraham, Isaac, & Iacob, & ceteri sancti, cōiuges nō du-
xissent. Vnde legitur quod non minoris meriti fuit cōiu-
gium Abraham tempore suo, quā coelibatus Ioannis tem-
pore suo. Praesentia etiam Christi nuptias cōmendat,
qui

Heb. 13.

Psal. 8.

Mat. 19.

Ephē. 5.

1. Cor. 6.

Quid est
cōiugiū.Bona con-
iugij.Sacramen-
tum.

Proles.

qui ut præsens Euangelium testatur, sua præsentia nuptias honoravit, & miraculo decoravit. Ostenduntur igitur fratres charissimi, in hac lectione quinque: qua intentione sint nuptiæ celebrandæ, qui sint vocandi, quid debeat despicere, quid debeat adesse, & quid mutari. Qua intentio non sint celebrandæ, ostenditur cum subditur. *Nuptiæ factæ sunt in Chana Galilee.* Chana enim est zelus, Galilæa interpretatur transmigratio. Hoc enim zelo uxorem ducere debemus, non ut cum ea maneamus in luxuria, sed ut cum ea euitemus luxuriam, & transmigremus ad castitatem. Eugiamus vitia, & transmigremus ad virtutes: spernamus terrena, & transmigremus ad cœlestia, unde Apostolus: Propter fornicationem, subaudi, euitandam, habeat unusquisque uxorem suam. Habent enim nuptiæ castitatem suam. Peccant igitur fratres mei, qui non recta intentione, sed propter libidinem, propter pulchritudinem, propter pecuniam uxorem ducunt. Qui sint vocandi ostenditur, cum subditur: *Vocatus est autem Iesus & Discipuli eius ad nuptias.* Non ergo vocandus est ad nuptias diabolus per carnem & magicam artem, non mimi & mimize inimici honestatis & pudicitie, non turpes & infames persone, sed Christus cum matre & discipulis suis. Christus vero tripliciter ad nuptias vocatur, per orationem, per mundiciam, per pauperum susceptionem. Oratione quippe debemus Christum cum matre & sanctis suis vocare, non solum ad nuptias, sed etiam ad omnia opera nostra, ut ipse actiones nostras aspirando præueniat, & adiuuando prosequatur. Unde sapiens ait: In omnibus cogita Deum, & ipse diriget gressus tuos. Male enim fit, quicquid sine Deo fit. Orandus est igitur Dominus, ut ipse custodiat introitum & exitum nostrum, ex hoc nunc & usque in seculum. Per mundiciam vocandus est Deus, quoniam per immundiciam fugit, & in corde mundo requiescit. Si igitur in sanctissime & munditia nuptias celebratis, Deus proculdubio præsens erit. Sicut ipse testatur. Vbiunque, inquit, duo vel tres congregati sunt in nomine meo, ego sum in medio eorum. Accessari igitur sponsus & sponsa ad Sacramentum nuptiarum, debent de præteritis poenitere excessibus, & peccata sua confiteri. Non enim potest no-

*Præsentia
Christi nu-
ptias com-
mendat.*

*Quo zelo
uxorem du-
cere debe-
mus.*

1. Cor. 7.

*Qui non vo-
catur ad nu-
ptias.
Christus ad
nuptias tri-
pliciter vo-
catur.*

Proner. 3.

Matth. 18.

nam vitam inchoare, qui veterem nō deponit hominem. Nec potest recipere benedictionem, qui in corde suo refertur iniquitatem. Percēpta igitur benedictione nuptiali, non statim debent sese cognoscere, sed dare honorem Sacramento, & prima nocte cum luminaribus in Ecclesia vigilare & orationi vacare. Legimus enim quod Sara filia Raguelis septem sponsis nupsit, qui mox in prima nocte volentes intemperanter ad eam accedere, à diabolo suffocabantur. Quod timens Tobias, cū nollet eam ducere, Raphaël Angelus ei dixit: Noli timere, super petulantes, & Deum non timentes, potestatem habent demonia. Tu autem cū acceperis eam, tribus diebus continebis ab ea; & per noctes vacabis orationibus. Prima nocte incensio iecore piscis, precibus vestris fugabitur demonium. Secunda nocte orabitis, vt in societate Patriarcharum admittamini. Tertia, benedictionem consequamini, vt filij ex vobis procreentur incolumes. Quarta, accipies eam in timore Dei, amore filiorum magis quàm libidine ductus, vt in filiis benedictionem consequaris. Per pauperum etiā susceptionem vocāndus est ad nuptias Christus, quoniam in pauperibus suscipitur Christus, vt ipse testatur: Qui recipit vnum de pusillis his in nomine meo, me suscipit. Vnde & in iudicio dicturus est: Quod vni ex minimis meis fecistis, mihi fecistis. Cū itaque nuptias celebrāis, facite quod veritas dicit. Cū facis conuiuium noli vocare diuites, sed voca pauperes, qui non habent vnde retribuunt, & pater cœlestis reddet tibi. Quid debet in nuptiis deficere vinum, id est, ebrietas, luxuria, rixa, tumultus, & omnis intemperantia. Vnde Salomon: Luxuriosa res est vinū, & tumultuosa ebrietas. Et Apostolus: Nolite, inquit, inebriari vino, in quo est luxuria. Et alibi: Vinum & mulieres apostatate faciunt sapientes. Quæ in nuptiis addeffe debent? Sex hydriz, id est, sex misericordiz, quas Dominus in Euāgelio enumerat. Prima est, dare cibum esurienti, secunda dare potum sitienti, tertia vestire nudum, quarta suscipere hospitem, quinta visitare infirmum, sexta redimere vel consolari captiuum. Et hæc sunt lapidæ, quia contra aduersa sortes sunt, & positæ secundum purificationem Iudæorum.

Sicut

*Tob. 9.
6. 7.*

Mat. 9.

Mat. 25.

Luc. 14.

Prov. 20.

Eph. 5.

Eccl. 31.

Sicut enim Iudæi propter quoslibet excessus se quotidie
latiabant : ita coniuges, quæ frequenter excedunt, vel in
amore coniugum, vel filiorum, vel in cura rei familiaris,
se debent quotidie per opera misericordiæ lauare. Iuxta
illud, date eleemosynam, & omnia munda sunt vobis.

Lac. II.

Sex hydras Dominus impleri iubet in nuptiis, quia sex
opera misericordiæ iubet nubentes adimplere, & per ea
quotidianos excessus lauare. Eo autem præcipiente, illæ
vsque ad summum implentur : quia eo iubente & auxi-
liante, opera sex misericordiarum, à piis coniugibus abun-
danter, & vsque in finem implentur. Quid debet in nu-
ptiis mutari? aqua in vinum. Aqua hydrarum fratres
mei, in vinum mutatur, quando operante Dei gratia, sic
sunt coniuges purificati & virtutibus perfecti, vt aquæ
misericordiarum iam non habeant timorem culpæ abi-
luendæ, sed feruorem charitatis diuinæ. De quo Prophe-
ta: Et calix meus inebrians quàm præclarus est. Benè fra-
tres mei, aqua mutatur in vinum, quando, qui prius erant
frigidi, fiunt calidi : qui erant carnales, fiunt spirituales,
qui erant seculares, fiunt religiosi. Beati sanè qui tales in
coniugio viuunt, qui propter amorem coniugum & fi-
liorum, & propter curam familiaris rei, non retardantur
ab amore Dei. Beati quidem coniuges Dei huiusmodi,
sed beatiore virgines vel viduæ, quæ temporalibus nu-
ptiis spreis, superno adhærent sponso. Beatiore re vera
qui liberiores & deuotiores : quia quantò minus hic de-
lectantur, tantò magis cœlestia querunt. Vt enim ait Apo-
stolus: Tempus breue est, & præterit figura huius mun-
di. Reliquum est, vt qui sunt nubentes, sint tanquam non
nubentes : & qui vtuntur mundo, tanquam non vtente-
res sint. Et qui gaudent, tanquam non gaudentes. Pro-
pterea omnes siue coniugati, siue vidui, siue virgines, nõ
quæ super terram, sed quæ sursum sunt, sapiamus & qua-
ramus, vbi Christus est in dextera Dei sedens, cum quo
viuit & regnat in æternum. Amen.

Psal. 118.

1. Cor. 7.

DOMINICA TERTIA

post Epiphaniam.

Nolite prudentes esse apud vosmetipsos, &c. Tripartita
est hæc lectio, fratres mei. Nā primò nos monet Apo-
stolus

Rom. II.

stulus ne simus prudentes apud nos, sed apud Deum. Se-
 cundo hortatur vos ad observandam pacem. Tertiò mo-
 net nos ne reddamus malũ pro malo, sed potius bonum
 pro malo. Monens igitur nos primò ne simus prudentes
 apud nos, ait: *Nolite prudẽtes esse apud vosmetipsos.* Sicut
 autẽ ex scripturis sacris colligimus, fratres charissimi, qui-
 dam sunt prudentes apud Deũ, & boni sunt, quidã sunt
 prudentes apud seculum, & mali sunt, quidã sunt pru-
 dentes apud seinetipsos, & superbi sunt. Prudentes apud
 Deũ sunt, qui omnia vana propter ipsum cõtemnunt. De
 quibus dicitur: Simile est Regnum cœlorũ homini nego-
 tatori quarens bonas margaritas: Inventa autem vna
 p̃ciosa margarita, dedit omnia sua, & comparavit eam.
 Prudentes autem apud seculum sunt, qui nescientes veb
 spernentes cœlestis, solum mundum diligunt, de quibus
 dicitur: Carnalis homo non sapit ea quæ sunt Dei. Et il-
 lud: Sapientia huius mundi, stultitia est apud Deum. Pru-
 dentes apud seinetipsos sunt, qui ceteros, quasi stultos
 spernentes, se solos putant sapientes. De quibus per Pro-
 phetã dicitur: *Via quĩ prudentes estis apud vosmetipsos,
 & coram vosmetipsis prudentes.* De quibus etiam hic di-
 citur: *Nolite prudentes esse apud vosmetipsos.* Et quia su-
 perbi impatientes sunt, aliorum iniurias ferre non posse
 sunt, addit: *Nulli malum pro malo reddentes.* Sed potius
 estote sapientes apud Deum. *Providentes bona, non tan-
 tum coram Deo, sed etiam coram hominibus.* Coram Deo
 & hominibus bona providet, qui ita querit amare Deũ
 quod non contemnit amare proximũ: qui ita querit pla-
 cere Deo, quod etiam querit prodesse proximo, qui ita
 providet se coram Deo bonam consciẽtiã habere, quod
 etiam providet per bonorum operum opinionem, proxi-
 mo exemplum præbere. Vnde Dominus: Sic, inquit, lu-
 ceant opera vestra bona, coram hominibus, ut glorificent
 patrem vestrum qui in cœlis est. Et alibi: Crudelis est qui
 famam negligit. Qui verò proximis prodesse contemnit,
 qui bonum exemplum eis præbere spernit, & si corã Deo
 habet bonam consciẽtiã, tamen non providet bonum
 coram hominibus. Vnde Greg. Qui humanam laudẽ cal-
 care iam sufficit, p̃ccat, si bonum quod agit,
 occultat.

Mat. 23.

Rom. 2.
1. Cor. 3.

Esai. 5.

Mat. 5.

11. tom 2

eulor

occultat. Ergo multò magis fratres mei peccat, qui & si
interius rectè viuunt, tamen coram populo de se malè opi-
nari permittunt, quàm qui coram fratribus scandalum po-
nit: cum propter vitandum scandalum, etiam quædã mi-
nora bona sint dimittenda. De huiusmodi Dominus di-
cit: Qui scandalizauerit vnum ex pusillis his qui in me cre-
dunt, expedit ei vt mola asinaria suspèdatur in collo eius,
& submergatur in profundum maris. Qui enim huius-
modi est, tot reus est animarum, quot pereunt propter
malum exemplum suum.

Mat. 18.

Sequitur pars secunda, in qua nos monet Apostolus
ad pacem dicens: Si fieri potest, quod ex vobis est, cum omni-
bus hominibus pacem habentes. Hic tria consideranda
sunt vobis, fratres mei, quæ sit pax, & inter quos esse pos-
sit, & cum quibus, & quomodo habèda sit. Est igitur pax
quietus rerum status, cunctis sibi ordinatè concordanti-
bus, vel saltem aliis ordinatè cedentibus. Pax vera alia est
perfecta, alia imperfecta. Perfecta pax erit in alia æterna
patria, vbi erit omnimoda consonantia: vbi electi ita erunt
Deo coniuncti, vt à voluntate eius dissonare non possint.
Hæc est pax Dei quæ exuperat omnem sensum. Quantum
ad illam pacem dictum est, quod pax est quietus rerum sta-
tus cunctis ad inuicem ordinatè concordantibus. Pax ve-
rò imperfecta nunc est, quod iam tanta est in mundo va-
rietas, quod vix etiam aliquis perfectus semper possit sibi
concors esse, necdum plures omnino sibi sint concordes.
Sed tunc dicimus hæc pacem efficere aliquos, quando, &
si non omnino concordant, tamen alijs alijs acquiescunt
& cedunt, & hoc ordinatè, vt scilicet minus bene volen-
tes, melius volentibus cedant.

Pax quid.
Pax du-
plex.

Philip. 4.

Quantum igitur ad hanc pacem dictum est, vel saltem
aliis ordinatè cedentibus. Pax vera inter malos esse non
potest, quia malus à seipso dissidet, & alter ab altero, cum
vitijs vitijs contraria sint. Hic est enim auarus, ille prodig-
us: hic crudelis, illè remissus: hic timidus, ille temera-
rius. Hinc dicitur, non est pax impijs, dicit Dominus. Et
in Euangelio: Omne regnum in seipsum diuisum desola-
bitur. Et cum mali ita inuicem dissident, tamen in per-
secutione bonorum conueniunt, vt Herodes & Pi-
latus

Pax inter
malos esse
non potest.
Esa. 57.
Luc. 11.
Mali in
persecutio-
ne bonorum
conueniunt.

latus

status in mortem Iesu : ut Pharisei & Saducei in persecu-
 tione Pauli. Est autem hæc pax mala, & iustus inimica. Inter
 bonos pax vera est, & quanto meliores sunt, tanto in-
 ter eos maior consonantia est. Virtutes enim à se dissi-
 dere non possunt. Hinc est quod in æterna patria, ubi erit om-
 nimoda virtutum consonantia, pax erit tranquillissima. Nunc
 verò, quia hic non sunt virtutes omnino temperatæ, hic
 nec est pax perfecta. Inter bonos autem & malos pax esse
 non potest : quia hi iusti, illi iniusti : hi pii, illi crudeles : hi
 casti, illi incoësti : hi patientes, illi impatientes. Nec potest
 esse vera concordia inter quos est tanta dissidentia. Hoc
 sentiens Apostolus ait : *Si fieri potest cum omnibus homini-
 bus pacem habentes*, quasi diceret : hic non potest fieri, quia
 & si vos haberetis pacem cum malis, illi non haberet vos
 viscum. Propter hoc subiungit : *Quod ex vobis est*. Tunc
 fratres charissimi, cum omnibus hominibus quantum ex
 nobis est, pacem habemus : quando nulli facimus, unde
 debeat esse nobis inimicus : quando omnium bona volu-
 mus & querimus : quando pro Christo eis lucrandis, à
 perfectione nostra non relaxamus. Cum quibus debemus
 habere pacem : cum Deo, cum anima nostra, cum proxi-
 mis nostris, tam amicis quam inimicis. Habeamus igitur
 pacem cum Deo ei obediendo, & eius voluntati quantum
 possumus concordando. Habeamus pacem nobiscum, ani-
 males motus & sensus spiritui subdendo : Habeamus pa-
 cem cum amicis, illos Deo amando. Habeamus pacem
 cum amicis, illos Deo reconciliando. Ad hoc enim debe-
 mus familiaritatem malorum, & amorem inimicorum
 captare, ut eos bono verbo & exemplo, & conversatione,
 possimus Deo lucrificare. Hinc præcepit Paulus fidei, ut
 habitet cum infideli, secum habitare consentienti. Et si non
 cõsentit, discedat. Melius est enim quemque solum salua-
 re animam suam, quam cum alio perire. Inde Dominus,
 Non veni, inquit, pacem mittere in terram, sed gladium.
 Veni enim separare filium à patre, &c. cum diabolo verò
 & cum vitiis, non pacem, sed bellum semper habeamus,
 diabolo resistendo, & vitia de nobis & aliis eradicando.
 Nec debemus vitiis & peccatis nostris indulgere, sed plus
 persequi in nobis quam in aliis : & inimicam carnem no-
 stram

*Cum qui-
 bus pacem
 habere de-
 bemus.*

Mat. 10.

Gram domare, vt spiritui, & si non concordet, saltem cedat. Quantum fit autem appetenda vera pax, ostendit Dominus: Beati, inquit, pacifici, quoniam filij Dei vocabuntur. Et Propheta: Et factus est in pace locus eius, id est, tranquillo animo & tranquilla congregatione: ipse enim facit solus vnanimis habitare in domo.

Mat. 12.

Psal. 77.

Sequitur pars tertia, in qua monet nos Apostolus non reddere malum pro malo, sed potius bonum pro malo, cum subdit: Non vasa inquit ipsos defendentes charissimi, id est vindicantes: repellere enim iniuriam sine alterius læsione licet. Sunt autem, fratres mei, quatuor retributiones, reddere malū pro malo, quod mediocriter malorum est. Reddere malum pro bono, quod malignissimorum est. Reddere bonum pro bono, quod mediocriter bonorum est. Reddere bonum pro malo, quod summæ bonitatis est. Quando verò Deus iudex infert pœnā pro peccato, non reddit malum pro malo, sed potius iustū pro iniusto. Monet igitur Apostolus nos, vt non reddamus malū pro malo: Sed date, inquit, locum iræ, id est vindictæ diuinæ. Qui enim nō dat locum vindictæ Dei, tripliciter peccat. Tum quia presumit quod suum non est: tum quia tēpus iudicii præuenit: tum quia de verberare, de quo melior esse deberet, deterior est. Scriptū est enim: Mibi vindictam, subaudi reseruate, & ego retribuam. Et non tantummodo non reddas malum pro malo, imò etiam reddas bonū pro malo. Et hoc est quod ait: Sed si esurierit inimicus tuus, vel corporaliter vel spiritaliter, tibi illum: Si sitit, potum da illi. Hoc enim faciens, congeres carbones ignis super caput eius: id est ardorem charitatis in mēte eius, vt cōuertatur & tibi recōsilietur. Vel si noluerit, cōgeres carbones: uter ni supplicij in caput eius. Eò enim quòd nec per beneficia mitigare noluerit, plus in inferno cruciabitur. Noli vincere à malo. A malo vincitur, qui malum pro malo reddere conatur: à malo vincitur, qui de illata iniuria deterioratur: à malo vincitur, qui malignorum prosperitati emulatur. Sed vince, inquit, in bono illum. Tunc vincis in bono malum, quando illatam iniuriam per patientiam superas: quando inimicum per beneficia tibi reconcilias: quando malos bono exemplo ad meliora inuitas.

Quatuor
retribu-
tiones.Qui nō dat
locum vim
diuine, tri-
pliciter
peccat.Quis à ma-
lo vince-
tur.

Quod

Quod nobis fratres mei, & vobis adimplere concedat, qui pro inimicis suis oravit, & animam suam posuit, Dominus noster Iesus Christus, Amen.

DOMINICA TERTIA

post Epiphaniam.

Mat. 23. **D**escendete Iesu de monte, sequuntur eum turbæ multæ, & reliquæ. Duobus capitulis distinguitur hæc lectio fratres charissimi. In primo quatuor ostenduntur. Primo ostenditur Iesum de monte descendentem, turbas multas sequutas fuisse. Secundo accessus leprosi ad Iesum. Tertio curatio eius. Quarto præcipitur ei ne cui dicat, sed Sacerdotibus se ostendat. Ait igitur: *Descendente Iesu de monte, sequuntur eum turbæ multæ.* Quid est fratres mei, quod Iesum descendentem de monte, sequuntur sunt eum turbæ multæ? nisi quia Iesum descendentem de cælo, multi populi, multæque sunt nationes sequuntur? Si enim in cælo semper maneret, nullus eum sequeretur, nullus eum cognosceret, nullus amaret. Quomodo namque tardus sequeretur incomprehensibilem? quomodo habes cognosceret invisibile? quomodo frigidus amaret incognoscibilem? Quia ergo homo ad Deum ascendere non poterat, pius & misericors Deus ad hominem descendit: descendit autem in forma hominis se exinanendo: descendit nostræ miseriæ compatiendo: descendit infirmitates nostras in se suscipiendo. Unde Propheta: *Verè linguas nostras ipse tulit.* Et Apostolus: Non habemus Pontificem qui non possit comparari infirmitatibus nostris, per omnia autem tentatum pro similitudine absque peccato. Qui enim, fratres charissimi, consuevit pati, melius se compati. Unde Dido in Poeta: *Non ignara mali miseris succurrere disco.* Quia igitur pius & misericors Dominus descendit & condescendit infirmitatibus omnium, *sequuntur eum turbæ multæ.* Quæ? Rudes, egeni, peccatores & infirmi. Quare? quia rudes erudiebat, egenos pasciebat, peccatores absoluebat, infirmos curabat. Non enim obiurgabat, non irridebat rudes, nec eis altiora secreta, ut quidam superbi magistri solent, intonabat: sed eorum compatiens simplicitati, simplicibus verbis erudiebat eos: Et discipulos perfectiores, in perfectiori doctrina in moni-

bus

Esa 53.
Heb. 4.

bus edocebat. Quem nos sequentes charissimi, discamus
 secundū capacitatem singulorū, doctrinam Dominicam
 dispensare. Vnde Apostolus: Sapientiam, inquit, loqui-
 mur inter perfectos. Vobis autem lac potum dedi, non
 escam. Prima enim (iuxta Philosophum) pars sapientiæ
 est, æstimare personam cui loquaris. Rursus non abhor-
 rebat, non subannabat egenos, sicut quidam diuites su-
 perbi solent: sed potius condescendens eis, euangeliza-
 bat & fouebat eos: de quibus ipse ait: Nolite prohibere
 paruulos venire ad me, talium est enim Regnū cœlorum.
 Nos quoque fratres eius exemplo discamus condescen-
 dere & compati pauperibus, secundum illud Sapientis:
 Fili non auertas oculos tuos à paupere, Et alibi: Congre-
 gationi pauperum affabilem te facito. Rursus non abhor-
 rebat, non exufflabat peccatores, sicut quidā superbi iusti
 solent: De quibus Salomon dicit: Est iustus qui perit in
 iustitia sua. Et sicut superbus Phariseus de Christo susci-
 pienti Magdalenam ait: Hic si esset Propheta, sciret uti-
 que, quæ & qualis est mulier, quæ tangit eum, quia pec-
 catrix est: Sed potius eis compatiens, veniam per miseri-
 cordiam donabat, ut mulieri in adulterio deprehensæ, cui
 ait: Vade & amplius noli peccare. Nos quoq; fratres non
 prætereamus, nec ad desperationem moueamus pecca-
 tores, sed sicut Samaritanus vinum oleo, & increpationi
 lenitatem admiscientes, timentes simul & sperantes ad sa-
 lutem trahamus: iuxta illud Apostoli: Si præoccupatus,
 inquit, fuerit homo in aliquo delicto, vos qui spirituales
 estis, instruite huiusmodi in spiritu lenitatis, considerans
 teipsum, ne & tu tenteris. Rursus infirmos non abhorre-
 bat, sicut quidam crudeles solent, qui infirmorum hali-
 tum, lectum, & contactum abhorrent? Sed potius eis cō-
 patiens, palpabat eos, & curabat, sicut in hac lectione
 demonstratur: Hinc discamus & nos fratres mei, com-
 pati infirmis, assiduè ministrare, ut mereamur ab ipso au-
 dire, infirmus fui, & visitastis me. Cū autem hæc com-
 passio cuilibet sit necessaria, maximè necessaria est Epi-
 scopis, Abbatibus, Prioribus, & Patribus familiâs. Nisi
 enim condescendant sibi subditis, illi non diligunt, nec
 sequuntur eos. Vide enim nonnullos Abbates & Priores,

1. Cor. 2.

1. Cor. 3.

Mat. 19.

Eccle. 4.

Eccle. 7.

Luc. 7.

Mat. 8.

Gal. 6.

Onera fra-
trum por-
tanda.

Mat. 25.

qui quamvis in se essent satis Religiosi, tamen quia infirmitati singulorū nesciebāt condescendere, sed paritatem & austeritatem suā eis indiscretē disponebāt, gregē suum dissipasse & fugasse. Nō enim sic est faciendū charissimī:
 1. Cor. 7. Non enim omnia possumus omnes, & habemus donum à Deo: alius quidem sic, alius vero sic. Propterea praelatus omnium infirmitati condescendat: fiat infirmis infirmus: gaudeat cum gaudentibus, flet cum flentibus: sit omnia omnibus, sicut Apostolus ait: Quis infirmatur & ego non infirmor? Quis scandalizatur, & ego non vror?

1. Cor. 16.

Sequitur pars secunda, in qua ostenditur accessus Leprosi ad Iesum, cū subditur: *Et ecce leprosus veniens adorabat eū, dicens: Quia enim nouerat Iesum omnium infirmitatibus condescendere, inde ausus est ad eum accedere. Accessit ad eū, sicut pede, ita humilitate & fide. Humilitate ad eum accessit, quādo eum sola voluntate omnia posse credidit, & confessus est dicens: Domine, si vis, potes me mundare. Ac si diceret: Domine sum quidē vilis & indignus quem tu tangas & sanes, sed tu non ex meritis meis, sed ex sola tua volūate & gratia, potes me mundare. Huius leprosi exemplo, nos quoq; fratres mei, qui lepra turpiū criminū respersi sumus, humiliēmus nos in conspectu Dei, & dicamus: Nos quidē indigni sumus, sed tu solus ex tua voluntate & gratia nos potes curare.*

Sequitur pars tertia, in qua curatur leprosus cū ei à Domino dicitur: *Volo, mundare.* Vbi fratres mei ineffabilia diuinæ misericordiæ viscera pēlanda sunt, qui leprosum, quem homines abhorrebant, venientem expectat, adorantem sustinet, loquētem audit, quod postulat, imō plusquā postulet, facit. Cū enim leprosus dixisset: *Domine, si vis, potes me mundare.* Dominus nō tantū voluit & mundauit sed etiam tetigit. Quamobrem? Ob humilitatis compassionem, ob legis intelligentiam, ob mysterij significationem: ob humilitatis compassionem, vt infirmos non abhorrire, sed compati eis nos doceret: ob legis intelligentiam, vt per leprā & mortui contactum in lege prohibitum, non ipsum leprosum & mortuum, sed mortalis peccati consensum, per illam significationem, fugiendum esse demonstraret. O mysterij significationem, vt malorum

lorum peccatorum lepram, indigere opere satisfactionis significaret. Veniales autem culpæ, sine operis satisfactio-
ne, sæpè dimittuntur. At lepra maioris criminis indiget
manu satisfactionis.

Sequitur pars quarta, cùm dicitur: *Vide nemini dixe-
ris, sed vade ostende te sacerdoti, & offer munus quod præ-
cepit Moyses in testimoniũ illi.* In hoc autem fratres
charissimi, quòd præcepit Dominus curato leproso, hoc
miraculum filere, instruit nos, vt in bonis quæ facimus,
non hominum, sed solius Dei laudes quæramus. In hoc
verò quod ille miraculum publicat, demonstratur, quòd
Dominus sanctorum virtutes non vult latere, sed eis inui-
tis ad vtilitatem aliorum manifestat: iuxta quod ipse ait.
Nemo accendit lucernam, & in abscondito ponit, sed super
candelabrum, vt luceat omnibus qui in domo sunt. Præ-
cipit verò eum ostendere se sacerdoti, vt nemo de sua pœ-
nitentia confidat, sed ad arbitrium sacerdotis satisfaciatur.
Et propter inobedientiam & contemptum lepram crimi-
nis reddituram timeat, nisi sacerdoti per confessionem se
ostendat. Præcipit etiam offerre munus, vt legem se non
soluere ostendat, vt mundatum à peccato Deo agere gra-
tes edoceat, vt oblationes sacerdotibus faciendas demon-
strat, vt eis in testimoniũ fiat, vel fidei si credant, vel dam-
nationis si non credant. *Cùm autem intrasset Capharnaũ,*
&c. In hoc secũdo capitulo fratres charissimi, primò con-
siderandæ sunt virtutes huius Centurionis, deinde circa
eum opera Christi. Fuit enim hic Centurio, quatuor ma-
gnis virtutibus insignis & nobis imitabilis. Habuit quip-
pè misericordiam, fidem, humilitatem & sapientiam.
Misericordiam, qua infirmitati sui serui compatitur, dum
per seniores Iudæorum, vt alius Euangelista testatur, Do-
minum rogat: & vt Dominum magis ad misericordiam
commoueat, dolorem serui miserabiliter exaggerat. In
tribus enim eum miserabilem demonstrat: quod iacet,
quòd Paralyticus, quòd malè torquetur. Sicut enim iace-
re est requis sano, ita est tormentum infirmo. Paralyti-
cus, id est officio membrorum dissolutus. Paralysis enim
dissolutio interpretatur. Et quia sic possent arida membra
esse quod ea non dolerent, ait: *Et malè torquetur.* Huius

*In bonis
quæ facit
mus Dei
laudes
querimus.*

Lucæ. II.

Pietas habenda in seruos.

Mat. 9.

exemplo fratres charissimi, discamus pietatem habere in seruos nostros, non eos spernere, non eos durè tractare, non infirmos statim expellere, sicut quidam superbi solent, sed diligamus eos tãquam homines & fratres, necessaria eis administremus, meritum reddamus, infirmis cõdescendamus: sufficiat nobis, quod Deo sufficit, si ab eis colimur & amamur. Cogitemus etiam nos & eos habere vnum Dominum Deũ. Et si cogitamus eos seruos hominum, cogitemus ne fortè nos, quod grauius est, simus serui peccatorum. Ne contemnamus quod non contempsit Iob, subire cum seruo nostro & ancilla nostra iudicium. Fidem fratres, habuit Centurio, qui Christum potentem dare solo verbo sanitatem credidit: credens etiam quod sicut ipse suis militibus imperabat, & per eos voluntatem suam implebat: ita Dominus poterat angelis imperare, & per eos, quod vellet, facere: Dicere ægritudini vt recedat, & recederet: & sanitati vt veneat, & veniret. Et quia sic credidit, à Domino meruit laudari, & quod postulauerat impetrare. Discamus & nos fratres charissimi, habere fidei feruorem, quoniam ipse Dominus ait: Omnia possible sunt credenti. Humilitatem magnam habuit, quoniam indignum se reputauit, quòd ad eũ accederet, quòd per se eum rogaret, quòd in suam domum Dominus intraret. Cũ enim Gentilis esset, non per se, sed per seniores Dominum rogauerat. Hoc exemplo discamus & nos fratres, de nobis humiliter sentire: in omnibus nos indignos iudicare, non esse dignos qui ore nostro polluto eum rogemus, sed per intercessionem Sanctorum eum ad nostri misericordiam inclinemus: Corpus & sanguinem suum, in fœdum hospitium corporis nostri reformidemus suscipere, non idè quòd in fœditate manere velimus, sed vt magis mundi & digni esse desudemus. Ecce fratres & iste Centurio & Zachæus Dominum honorauerunt, sed diuerso modo: Zachæus cum lætè suscipiendo, iste se indignum reputando. Zachæum imitatur, qui Eucharistiam frequenter & lætè suscipit. Centurionem verò imitantur, qui se indignos reputando Eucharistiam suscipere metuunt & se retrahunt: Hinc Augustinus, Cotidianas, inquit missas celebrare, nec laudo nec vitupero, id est,

id est, nec laudo indignis, nec vituperò dignis. Sapientiam magnam verò habuit, quia quem per humanitatem in vno loco videbat esse, intelligebat nulli locorum per diuinitatem deesse. Huius exemplo credamus fratres charissimi, Christum ita per humanitatem esse in cœlis, quod per diuinitatem adest omnibus locis. Cōsideremus e contrario fratres charissimi in Christo quatuor, dignationem fidei, Centurionis commendationem, Prophetiam de electione Gentium, & reprobatione Iudæorum, petitionis exauditionem. Magna dignatio Christi fuit, quando Respondit: *Ego veniam & curabo eum.* Ad seruum fratres mei, non vocatus seiturum promittit: Ad filium verò reguli rogatus ire noluit. Vt quid hoc? Nisi ut nostram peruersitatem retundat, qui diuites honoramus & pauperes contemnimus. In honore hominum diuitias, non naturam: potentiam, non Dei imaginem attendentes. Euitemus ergo fratres, personarum acceptionem: & discamus honorare in hominibus naturam, non fortunam, virtutem, non potestatem. Fidem verò Centurionis laudat Dominus, quando admirans sequentibus se dixit: *Non inueni tantam fidem in Israël.* Non autem in se miratur qui ei fidem illam dederat, sed eum in fide mirandum & imitandum demonstrat, qui sine lege & prophetia credit, cum Israel per legem & Prophetas edoctus credere nolit. *Non inueni tantam fidem in Israël,* id est, in eis quibus tunc prædicabat. Inuenerat enim prius in Patriarchis, Prophetis, & Apostolis. Prophetabat autem de electione Gentium, & de reprobatione Iudæorum, cum subiungit. *Dico autem vobis, quod multi venient ab Oriente & Occidente, & recumbent cum Abraham, Isaac, & Iacob: Filij autem Regni eiicientur in tenebras exteriores.* Ecce fratres charissimi, hæc Prophetia hodie completa est: Nam electi ex Gentibus ex toto orbe cum moriuntur, ascendunt in cœlum, & glorificantur cum Patriarchis, quorum mores & fidem sequuti sunt. Iudæi verò in quibus Deus primò regnavit, & quibus promissio Regni facta fuerat, cum moriuntur, mittuntur in tenebras exteriores, qui hic spontè incurserunt tenebras interiores: *ibi erit fletus & stridor dentium.* Per fletum oculorum & stridorem dentium, indicatur

Honoranda in hominibus natura.

corporum vera resurrectio futura. Dentes strident, qui hic de edacitate gaudebant. Oculi flent, qui illicita cupiebant. Lingua ardet, quæ detrahebat, & similiter cætera membra, secundum varietatem vitiorum incurrent varietatem poenarum. Penitlonem verò Centurionis perficit Christus, cum dicit: *Vade, & sicut credidisti, fiat tibi.* Fratres mei, magnum est meritum fidei; dum propter quod credidit Deum omnia posse, indicat eum meruisse, & promensura fidei facit ei. Vnde & subditur: *Et sanatus est puer in illa hora.* Probatur fides Domini, dum sequitur sanitas serui. In quo fratres, considerandum est quantum valeat vnicuique fides propria, cum tantum valeat athena. Imitemur ergo virtutes istius Centurionis, & misericordiam, fidem, humilitatem, per Dominum nostrum: Iesum Christum, qui cum patre & spiritu sancto vivit & regnat Deus in æternum, Amen.

DOMINICA QVARTA

post Epiphaniam.

Rom. 13.

Nemini quicquam debeat, nisi ut invicem diligatis, & reliqua. In hac lectione, fratres charissimi, tria facit Apostolus: Primò nos hortatur ad iustitiam, secundò ad dilectionem, tertio probat dilectionem esse legis impletionem. Exhortans igitur nos ad tenendam iustitiam, ait: *Nemini quicquam debeat.* Est enim iustitiæ proprium, fratres mei, nemini quicquam debere, sed vnicuique, quod suum est, reddere, ut, scilicet, reddamus sicut ipse Apostolus ait superius: Cui honor, honor: cui tributum, tributum: cui vestigal, vestigal. Hæc autem iustitia: est cõservatrix pacis, & societatis humanæ. Sicut ecõtrariò iniustitia non reddendi alicui sua, est dissipatrix pacis & cõcordiæ: vnde enim fratres mei, lis & discordia, vnde seditiones & cedes, nisi ex hoc quod unus non facit alij, quod debet. Propter hoc fratres, voluit Dominus in hoc mundo ordinari Iudices & Potestates, ut unusquisque, si nollet, cogeretur reddere alicui quod deberet. Qui autem perse iustus est, & sponte reddit vnicuique sua, Iudice non indiget, & Potestatem non timet: Vnde Apostolus: Vis non timere Potestatem? Bonum fac, & habebis laudem ex illa. Si verò peccas, times non enim sine causa gladium portat. Vos igitur fratres, ut

Iustitia proprium.

Iustitia cõservatrix pacis.

Rom. 13.

me

mercedemini ab æterno & summo Iudice laudem, spontaneam iustitiā tenere: Reddite sua unicuique. Reddite Deo quam ei debetis religionē: Ecclesie cultum, vobismetis munditiā. Maioribus reuerentiā, minoribus dignationem, æqualibus societatem, parentibus honorem, filiis disciplinam, familiaribus prouidentiam, indigentibus pietatem, amicis dilectionem, inimicis patientiam, omnibus æquitatem. Sic enim iuste apud Deum & homines viuetis, nemini quicquam debentes.

*Quo pacto
iuste viuen-
dum.*

Sequitur pars secūda, in qua hortatur nos ad dilectionem, sicut subiungit. *Nisi ut inimicem diligatis*: ac si diceret: Reddite unicuique sua, ut nulli aliquid debeatis, nisi solam dilectionem. Hoc ideo fratres mei, dicit Apostolus, quia cum cætera reddita non debeantur, dilectio semper redditur & semper debetur. Sic enim necessarium bonum est, quod in omni tempore sit necessarium eam habere, & ad omnes in omnibus. In omni tempore, quia sicut animal sine anhelitu nec dormiens, nec vigilans, viuere potest, & eo intercepta, moritur. Sic anima sine amore Dei & proximi, viuere non potest, & ea amissa moritur. Semper ergo fratres, diligere debemus, & si non semper opera dilectionis habere valemus: ad omnes quoque dilectionem habere debemus, ad Deum, ad nos, ad proximos, tam amicos quam inimicos. Et si ad aliquē dilectionem non plerumque, frustra eam ad alios obseruamus: In omnibus etiam operibus eam habere debemus, quia sicut opis sine intentione Deo placere non potest, ita nec sine dilectione. Bonum quidem est opus fratres charissimi, dare elemosynam, honorare parentes, diligere filios, frequentare Ecclesiam, credere Deum, prædicare Euangelium & tamē nullum horum sine dilectione Dei & proximi valere potest. Vnde Apostolus: Si lingua hominum loquar & Angelorum, charitatis autem non habeam, factus sum velut æsonans, aut cymbalum tinniens. Et habuero omnem fidem & omnem scientiam: & si distribuo facultates meas in cibos pauperum, & si tradidero corpus meum ita ut ardeam, nihil mihi prodest. Et contrario, fratres, vera dilectio cum modico opere, vel etiam sine opere non habenti facultatem, sufficit.

*Dilectio
necessarium
bonum.*

*Semper di-
ligendum.*

1. Cor. 13.

ad vitam æternam. Non enim pensat Deus quantum sed ex quanta dilectione tribuatur. Hinc est quod videtur resrens duo minuta, præfertur diuitibus qui magna dona contulerant.

Luc. 21.

Sequitur pars tertia, in qua probat Apostolus, quod vera dilectio est legis impletio, cum subditur: *Qui enim diligit proximum, legem impleuit*. Quod ut fratres melius intelligamus, videamus quid sit dilectio. Et quomodo dilectio Dei & proximi connexa sint, & quomodo per dilectionem Dei lex impleatur.

Charitas
quid.

Quomodo
diligendus
proximus.
Dilectio
Dei &
proximi
coniuncta.

1. Ioan. 4.

Est ergo charitas dilectio, qua diligimus Deum propter se, & proximum propter Deum. Una est ergo dilectio, sed duo mandata. Unus est enim Deus, scilicet quem diligimus, vel in seipso, vel in proximo. Qui enim in proximo aliud quam Deum, vel ob aliud quam propter Deum eum diligit, non vere eum diligit. Diligamus ergo proximum, quia bonus est vel esse potest, quia opus Dei est, quia Deus iubet eum diligi. Sicut autem dilectio Dei & proximi sic coniuncta, quod Deus non potest vere diligi sine proximo, nec proximus sine Deo. Unde Ioannes. *Qui non diligit proximum suum quem videt,*

Deum quem non videt quomodo diligit e potest? Qui vero Deum non diligit, nec se nec alium vere diligit. Cum ergo dicit Apostolus dilectionem proximi, intellige simul dilectionem Dei, cum altera sine altera vera esse non possit. Per dilectionem ergo Dei & proximi, lex impletur, id est decem mandata legis, quorum prima quatuor pertinent ad Deum, reliqua sex ad proximum. Primum est:

Exod. 20.
Deut. 5.

Audi Israel, unus est Deus tuus. Si unus est Deus, ergo mentitur insipiens qui dixit in corde suo non est Deus. Si unus est, mentitur Gentilis qui dicit plures esse. Si unus est, semper mentitur hæreticus, qui eum variabilem asserit: est enim unus solus, indivisus, immutabilis.

1. 10. 1.

Secundum est: Non facies tibi sculptile, id est nec opinionem, nec amorem, aliquid Deo præferes. Tertium est, non accipies nomen Dei tui in vanum, id est, in contemptum. Quod facit qui ad testimonium vanitatis vel falsitatis, vel fraudis, illud inducit. Quartum est: Memento sanctificari diem Sabbathi. Hoc Iudæus observavit legaliter, tunc vero nos spiritualiter observamus, cum per totum

Sabbat.

Sabbatū huius vitæ, à serui opere, id est, peccato, serui-
mur. vt in futuro ab omni labore sabbatizemus. Quintū
est: Honora patrem tuum & matrem tuam, quod de ho-
nore tam deferendi, quàm benefaciendi intelligendū est.
Sextū est: Non occides, nec voluntate, vt qui odit fra-
trem suū nō opere vt vir sanguinum: nec mala do-
ctrina, vt hæreticus: nec malo exemplo, vt prædicator ma-
le viuens: nec subtractione temporalium bonorum, vt
auarus: nec subtractione prædicationis, vt prædicator oc-
cultans talentum. Septimum est: Non mœchaberis, nec
spirito per idololatriam: nec corpore per fornicationem,
adulterium, mœchiam, incestū, Sodomiticā libidinem,
& immundiciā. Octauum est: Non furtum facies, in
quo dānantur latrocinium, rapina, vsura & dolus.

Nonum est: Non falsum testimonium dices: in quo pro-
hibetur omne mendacium, periurium, detractio, susurra-
tio, adulatio. Decimum est, Non concupisces, id est con-
cupiscentiam refrenabis: & si moueatur, non consenties,
nec adimplebis. Hæc sunt fratres charissimi, decem man-
data quæ per dilectionē adimplētur: quia qui verē Deum
diligit, omnibus mandatis eius obedit: Et qui proximum
diligit, non eum occidit, non eius uxorem mœchatus est,
non eius res furatur, non ei mentitur, nec cætera manda-
ta, quæ de proximo sunt, transgreditur. Sine verō dilectio-
ne vera, impleri non possunt. Nam siue honores patrem,
siue non occidas, siue nō mœcheris, siue quod aliud man-
datum facias, si sine charitate facis, nihil præmij mereris.
Charitas enim est latum mandatum Domini, in quo tota
lex consummatur. De quo Propheta: Omnis consumma-
tionis vidi finem, statum mandatū tuum nimis. Est autem
charitas latum mandatum, quia extenditur ab amicis vsque
ad inimicos, & quia etiam dilatat nos ad currēdum, & ad
implendum legem Dei. Cum etiam via Dei insipientibus
sit grauis & ardua, tamen quia amanti nihil est difficile, ei
sit facilis & lata iuxta illud: Viam mandatorum tuorum
cucurri, cum dilatasti cor meū. Vos itaq; fratres, si totam
legem, si totum Euangelium scire non potestis, saltem te-
neie charitatem. Qui ille tenet, & quod pater, & quod la-
tet in diuinis sermonibus, qui charitatē tenet in moribus.

*Psalm. 118.
Charitas la-
tum man-
datum.*

Psalm. 118.

*Dilectio
quid do-
ceat.*

Dilectio enim vos docebit reddere quod debetis Deo, quod proximo, quod amico, quod inimico. Et si in aliquo minus sapitis, illud charitas excusabit, & quicquid facitis, Deo placere faciet, ipso largiente, qui vivit & regnat per omnia secula seculorum.

DOMINICA III. POST EPI-

phaniam Domini.

Matth. 2.

Ascendente Iesu in naviculā, sequuntur eum discipuli eius, & reliqui. Hæc lectio fratres charissimi, iuxta litteram instruit nos de fide mediatoris Dei & hominum Iesu Christi. Ostendit eam in eo veram divinitatem & humanitatem esse. Quod enim vehiculo navis cum cæteris hominibus vehitur, & quod dormit, humanitatis est.

*Marc præ-
sens secu-
lū notas.*

Quod verò tempestatem sedet, & mari imperat, divinitas est. Iuxta verò mysticam sensum. Mare præfens seculum est, quoniam ad modum maris fœret & tumet, salsum & instabile est, fœtet per luxuriam, tumet per superbiam. Salsum est per amaritudinem, instabile est per vanitatem. Et sicut in mari maiores pisces glutuntur minores, sic in hoc seculo fortiores devorant debiliores. Navis est Ecclesia, in qua transnamus tempestates huius seculi, ac tēdimus ad portum patriæ cœlestis: in qua quisquis non est, non perveniet ad portū salutis, sed demergitur in abyssum. In hac Christum sequentes navigant & transeunt,

*Navis ec-
clesiam
signat.*

Matth. 18.

& Christus cum eis, qui ipse ait: Vbiunque duo vel tres congregati sunt in nomine meo, ego sum in medio eorum.

Matth. 18.

Et alibi: Ecce ego vobiscum sum omnibus diebus usque ad cōsummationem seculi. Mors magnus, maris, tribulatio & persecutio est huius mūdi. Ventus contrarius, malignus spiritus est. Sicut enim spiritus sanctus ducit navem Ecclesie ad portum salutis, ita malignus spiritus conatur eam precipitare in naufragium perditionis. Navicula operitur fluctibus, quando Ecclesia in persecutionibus & tempestatibus penè periclitatur. Ostenduntur ergo hinc nobis quinque. Primò ostenditur quod etiam illi qui sunt cum Christo, penè periclitantur. Secundò ostenditur quare hoc fiat. Tertiò, quomodo sit Dominus excitandus. Quartò quomodo Deus suos inerepet & liberet. Quintò quomodo liberatori sint gratiæ referendæ.

Ostendit

Ostenditur igitur quod Ecclesia in qua Christus est cum fidelibus suis, penè periclitatur, cum dicitur, quod *Nauicula operiebatur fluctibus*. Vult enim fratres mei, Christus quod sui per tribulationes transcât per quas ipse transiit. Vnde ipse ait: Qui mihi ministrat, me sequatur. Et Apostolus: Omnes qui piè volût viuere in Christo, persecutiones patiêntur. Et hoc fratres mei, contra illos est qui per molliem, & per prosperitatem huius seculi volunt tenere ad præmiû regni, cum duri & laboriosi milites, non molles & effœminati, coronantur. Secûdò verò subditur causa, quare tribulationes sanctis eueniât, cum subditur: *Ipse verò dormiebat*. Ideò Ecclesia patitur, quia Christus dormit. Sed quomodo fratres, dormit, cum de eo scriptû sit: Non dormitat, neque dormiet qui custodit Israël. Fratres, dormitio Christi, dissimulatio est auxilij. Tunc Christus in Ecclesia vigilat, cum eam liberat: tunc dicitur dormire, quando differt liberare. Vnde Propheta in tribulatione positus, ad eum clamat: Exurge, quare obdormis Domine, exurge & ne repellas in finem. Et quare fratres, Christus Ecclesiam suam differt liberare? Quia nouit tribulationem ei vtilem esse. Reddit enim tribulatio iustum emendatiorem, humiliorem, clariorem, cautiorem, fortio-
rem, terrestrium contemptorem, & celestiû desideratorem. Emendatiore reddit, quia peccatorû maculas abluit. Vnde Dominus per Prophetam: Excoquam ad purû scoriâ tuâ: Quod apparet in Maria sorore Moisi, quæ quia peccauerat murmurando in fratrem, puni-
ta, & abluta est per lepræ passionem. Humiliorem reddit, quia cum per prosperitatem superbi-
re non sinit. Sicut enim prosperitas solet esse causa elationis, ita aduersitas humilitatis. Vnde Paulus: Ne, inquit, magnitudo reuelationû extollat me, datus est mihi stimulus carnis meæ, angelus Satanæ qui me colaphizet. Clariorem reddit, quoniam quanto plus iustus impugnatur, clarior efficitur: quod apparet in Iob & in Sanctis Martyribus. Cautiore reddit, quoniâ quanto plus infestatur, vigilantior efficitur: Sicut enim prosperitas parit securitatem, securitas cõtemptum, ita aduersitas generat timorem, timor vigiliam. Vnde Petrus: Vigilate, inquit, in orationibus, quia aduersarius vester diabolus
tano

Ioan. 12.

2. Tim. 3.

2. Cor. 12.

*Dormitio
Christi, dis-
simulatio
auxilij.*
Psal. 43.

Esa. 48.

1. Cor. 12.

1. Pet. 4.

tanquā leo rugiens, circuit quārens, quem deuoret. Fortiorem reddit: quia quānto plus oppugnatur ad resistendū exercitior & dūrior efficitur. Non enim Athleta potest ad certamen magnos spiritus asferre, qui nunquā sugillatus, nunquam percussus est. Et fortior est arbor quae agitatur à ventis in monte, quā quae crescit in aprica valle. Sic fortior est qui in aduersitate nutritus est, quā qui in prosperitate. Vasa enim figuli probat fornax, & iustos tribulatio: Terrestriū contemptorē & coelestiū appetitorē reddit, quia qui nō habet in terrenis quo delectetur, facilius ad amorē coelestiū inflāmat. Hinc est quod Propheta sciens tribulationē iustis esse tam vtilē clamat: Domine, ne derelinquas me vsquequaque. Aliquo modo se derelinqui sibi vtile esse videbatur, qui ne vsquequaq; derelingeretur, rogabat. Idem: Da mihi, inquit auxiliū de tribulatione. Non ait, à tribulatione, quia nō rogat à se tribulationē auferri, sed de tribulatione auxiliū prouenire sibi. Hoc praeuidens Dominus quasi dormitat, dum eos liberare prolongat. Tertio ostēditur quomodo Dominus sit suscitandus, cū subditur. *Et accesserunt, & suscitauerunt eum dicētes: Domine, salua nos, perimus.* Nos quoq; fratres, cū tentamur & tribulamur, accedamus ad Christum, fide per dilectionē operāte, suscitemus eum clamorē precū. De sapientiis, de viribus, de diuitiis nostris, de auxilio hominū nō cōfidamus, quoniā scriptū est: Qui cōfidit in diuitiis suis, corruet. Et maledictus qui cōfidit in homine, sed de solo Deo, qui nō derelinquit sperantes in se: quoniā qui cōfidunt in Domino, sunt sicut mōs Sion. Clamemus igitur ad eum suspiriis, gemitibus, lachrymis, & precibus eum ad miserendū excitemus. Dicamus, Perimus in nobis: sed tu qui solus potes, salua nos. Si enim fratres, hęc quatuor habuerimus, fidem veram, precem mundam, diffidentia de nobis, in eo solo salutis fiduciam: ipse qui dixit, Clamabitis, & ego exaudiam vos, exaudiet. Quoniam vt ait Apostolus: Fidelis est Deus, qui non patietur vos tentari supra id quod potestis, sed faciet cum tentatione prouentum, vt possitis sustinere: & erit adiutor in oportunitatibus in tribulatione. Vnde subditur: *Quid simidi estis modicæ fidei?* Est autem hęc paraquaro

Psal. 118.

Psal. 50.

Prou. 11.

Hier. 17.

Psal. 124.

Hier. 29.

1. Cor. 10.

quarta, in qua ostēditur quomodo Deus filios suos de modicitate fidei & timore increpat, & eos liberat. Fortè fratres mei, sæpè nos maioribus & longioribus tribulationibus Deus nos probaret, vt magis mereremur, sed quia ex modicitate fidei timemus, eū quasi ante tēpus surgēre cogimus, & nos liberare. Quod benè fratres ostenditur per Petrum ambulante super aquas, qui certè iturus esset ad Iesum, nisi timeret & dubitaret. Sed quia ventū validū venientem timuit, cœpit mergi. Et ita quodammodo cœgit Dominum sibi ante tēpus extendere manū. Super aquas enim ad Iesum ambulamus, quando tribulationes & tentationes huius mundi conuenientes & calcantes, ad eum festinamus: Ad quē, si perseveraremus, cum maiori corona venturi eramus. Sed si ad validam tribulationem dubitamus & timemus, incipimus mergi, & Iesum manū auxiliij nobis ante tempus porrigere concitamus. Propter hoc fratres mei, nos Deus increpat, & de modicitate fidei & de timore ex ea proveniente. Minus enim fidei, & nimium timoris inordinati habet, qui Domino præsente timet: qui timet quòd Deus sperantes in se deserat: qui obliuiscitur, quòd non obliuiscitur misereri Deus. Quia tamen & si nos minus Deo fideles fuimus: Deus tamē semper fidelis nobis erit. Surgit qui dormire se simulat, impetrat ventis & mari, id est, malignis spiritibus & tribulationi, & sit tranquillitas magna in mente, in vita, in conversatione. Itaque fratres mei, quia diabolus & omnis tribulatio, & omnis pax in manu Dei est, non oportet nos timere diabolum vel mūdum, nisi solum Deum, quia iuxta Sapientē: Qui timet Deum, omnia timēt eum. Et qui non timet Deum, timet omnia. Quintò ostenditur quomodo Christo liberatori sint gratiæ referēdæ, cum subditur: Porro homines mirati sunt, dicētes: Quis est hic, quia ventus & mare obediunt ei? Qui liberatus non agit gratias liberatori, mereretur de cætero non liberari. Hinc Hebræi post liberationem, Deo canticum cantabant: Vt Moses post submersionem Pharaonis: Delbora post occisionem Sisaræ: Iudith post intersectionem Holofernis. Hinc dicūt Ezechiam infirmitatē incurrissē, quia de incredibili victoria Deo gratias non egerat. Nouem quoque leprosi

Mat. 14.

Super
aquis ad
Iesum am-
bulare
quid.

Exod. 15.

Iudith. 13.
Luc. 17.

à Do.

à Domino curati reprobantur, quia ad agendum gratias non redierunt. Nos ergo Christo liberatori nostro, nō simus ingrati, sed eius potentiam & benignitatem admirantes, laudātes & benedicentes dicamus, quis, quantus, quā glorioſus, quā admirabilis eſt hic, quia ſpiritus maligni & tribulationes obediunt ei. Et ita poſt naufragium carnem psalmodiarum cantantes, gratias agamus Christo liberatori noſtro, qui cum patre & ſpiritu ſancto viuit & regnat Deus, Amen.

DOMINICA IN SEPTVAGESIMA.

Nescitis quod hi qui in ſtadio currunt, omnes quidem currunt, ſed vnus accipit brauium, &c. Stadium eſt ſpaciū viæ præſentis: Brauium eſt præmiū æternæ beatitudinis. Via, fides. Chriſtus dux. Vnde ipſe ait: Qui ſequitur me, non ambulat in tenebris, ſed habebit lumē vitæ. Ipſe enim vobis reliquit exemplum, vt ſequamini veſtigia eius. Qui enim cum eo vult manere, debet ſicut ille ambulauit & ipſe ambulare. Incitamenta verò eundi hāc viam, ſunt ſpes, & amor cœleſtis brauij. Itaq; fratres chariſſimi, per ſtadium viæ præſentis omnes currimus, quia ſine intermiſſione omnes ad mortem feſtinamus. Sed tamen non omnes ad cœleſtis viæ brauium tendimus: quidam etiam non eſſe alteram vitam putant: Omnes igitur qui fidem non habent, vt Iudæus, Gentilis, & ſolo nomine Chriſtianus, qui de illa vita dubitant, extra viam ſunt. Quod ſi aliquando aliqua bona opera ex naturali pietate faciunt, non plus eis valet quā celerrimus curſus extra viam: Non enim vadunt, ſed errant. Illorum verò qui in via fidei ſunt, alij currunt velociter, alij tardè, alij retrogradè. Velociter currunt, qui abiectis omnibus impedimentis cum toto deſiderio ad cœleſtia tendunt.

Vnde & à Paulo dicitur: Omnis qui in agone contendit, ab omnibus ſe abſtinet. Et alibi: Nemo militans Deo, implicat ſe negotiis ſecularibus. Quid enim ſunt diuitiæ, honores, gloria, voluptates, & cætera ſecularia negotia, niſi quædam animæ impedimenta? Hæc impedimenta monebat abicere redemptor noſter, cum dicebat: Si vis perfectus eſſe, vade, & vende omnia quæ habes, & da pauperibus, & veni, & ſequere me. Hæc fecerunt ſancti

Apo-

1. Cor. 9.

Stadium

quid.

Brauium

quid.

Ioa. 8.

1. Pet. 2.

1. Cor. 9.

2. Tim. 2.

Mat. 19.

Apostoli & Euangelistæ, Martyres, & Eremitæ, qui omnia relinquentes & erogantes pauperibus, nudi nudum Christum sunt sequuti. Qui benè significatur per Ioseph cuius eum impudica mulier per lasciuia pallium tene-
ret, & cum turpiter agere cogere vellet, relinquēs pallium fugit. Benè quoque designantur per discipulum, qui in Christi passione tentus, reiecta syndone nudus euasit. Qui enim propter euitandam luxuriam & malitiā mūdi, omnia deserit, quāsi reiecto pallio vel syndone, nudus fugit. Isti fratres mei, quia velocius currunt, cū ad finem stadij, id est, ad mortem perueniunt, statim accipiunt, non solum brauium, sed etiam potestatem cæteros iudicandi. Sic enim promisit eis Dominus, dicens: Vos qui reliquistis omnia, & sequuti estis me, centuplum accipietis, & vitam æternam possidebitis. Et sedebitis super sedes duodecim, iudicantes duodecim tribus Israël. Tardè verò currunt illi, quos cura vxorum, filiorum, familiarū & mundanorum negotiorum, ab appetitu paternæ patriæ retardat, nec tamen eos omnino retardat. Tendunt quippè mente, prece & opere ad cœlestē brauium, sed propter curas & affectus carnales tardiusculi sunt. Ita enim quæ-
runt ea quæ sunt Dei, vt etiam necesse sit, eos quærere ea quæ sunt seculi: & vt ait Apostolus, diuisi sunt, cū amorē cœlestium, temporalibus præponunt. Quos bene fratres mei, illæ vaccæ significant, quæ de tetra Philistinorum arcam Domini ad terram Israël portauerunt. Quæ scitæ fuisse memorantur, quare vitulos domi recluserunt: Scriptum est enim: Ibant in directum vaccæ per viam quæ ducit Bersamis. Vno itinere gradiebantur, pergentes & mugientes, nec declinabāt ad dexteram, nec ad sinistram. Quid fratres mei, quid vaccæ istæ significant, nisi fideles, qui arcam mandatorum Dei semper portant? Qui quantis carnalibus affectibus reuocentur & retardentur, tamen à recto itinere Bersamis, id est, domus Solis, non declinant. Vos igitur matres & patres familiæ, si ad habitationem veri Solis tēditis, propter affectus carnales à recto itinere non declinetis. Sed sicut vaccæ pergunt & gemunt, sic & vos ita compatiamini proximis, vt tamē propter hoc à via recta nō exorbiētis. Horrō illi qui propter

Mat. 19.

Luc. 22.

1. Reg. 6.

curas & carnales affectus à via Dei aliquantulum retardantur, quādo ad metam stadij, id est ad moriē veniunt, plerunque non statim brauium accipiunt, sed de maculis, quas ex curis & affectibus carnalibus contraxerunt, in igne Purgatorio purgantur, & sic tandem brauium consequuntur. Retrogradē autem currunt, qui & si in via Dei sunt per fidem, tamen ad mundana desideria redeunt per concupiscentiam. Hi sunt qui affectus vxorum, liberorum, diuitiarum, honorum, & voluptatum, Deo præponunt, nec quæ Dei, sed quæ mundi sunt, toto desiderio requirunt, & iuxta Apostolum: Confitetur se nosse Deum, factis autem negant. Qui benè significantur per filios Israël, quos cū Dominus de seruitute Pharaonis per arālitum maris rubri eduxisset, & eos per desertum sustentans manna ad terram promissionis duceret, fastidientes manna, & terram promissionis obliuioni dantes, reuertebantur in Aegyptum corde dicētes: Reuertamur ad Aegyptum, ad ollas carniū, ad pepones & allia. Nōne id ipsum faciunt hodie illi falsi Christiani qui postquam per Christum à seruitute diaboli, & amore mundi liberati, per baptismum ei abrenuntiauerunt, & pane cœli sustentati: per religiosæ vitæ desertum ad cœlestem patriam festinare cœperunt, rursus desiderio redeunt ad amorem & seruitutem diaboli. Quid enim per ollas carniū, nisi fortis consuetudo ingluuici? Quid per pepones, nisi dulcedo secularis? Et quid per allia, quæ calēt & fœtent, nisi luxuria denotatur? Quid verò est fratres charissimi, quod ex olla carniū fumus & ex peponibus & alliis, credo, & fletus oculorum procreatur, nisi quod ingluuies, dulcedo, & luxuria secularis, suos amatores ad gehennæ fletus trahunt, & etiam hic cæcitatem mentis & tristitiā pariunt? Tunc enim, vt Dominus ait, amatores talium mittentur in tenebras exteriores, vbi erit fletus & stridor dentium: & iuxta Salomonem: Risus dolore miscbitur, & extrema gaudij luctus occupabit. Itaque fratres charissimi, post abrenuntiationē in baptismo factam, non itē redeatis ad seruitutē diaboli, & ad amorē sæculi: quia nemo mittēs manū ad aratrū, & respiciēs retro, aptus est regno Dei. Sed obliuiscētes ea quæ retro sunt, ad anteriora vos extēdē

Purgatorium.

Exod. 14.

*Ex. 16.
A. 12.*

Nūm. 1.

Falsi Christiani.

Mat. 3.

Prophet. 14.

Luc. 6.

extēdē

extendite. Militia est vitia hominis super terram, & non coronabitur, nisi qui legitimè certauerit. Ecce omnes qui deri currunt; sed vnus ille scilicet solus, qui bene curret, accipiet brauium. Sic ergo currite, vt comprehédatis. Et si illi qui ad temporale brauium sic se expediunt, vt corruptibilem coronam accipiant, quid nos fratres, quid facere debemus, qui ad incorruptam festinamus? Ergo fratres, si non curritis ita expedire, vt contemplatiui, & illi qui omnia propter Deum dereliquerunt, saltem currite cum aliis qui possident tanquam non possidentes, qui nubunt tanquam non nubentes, qui gaudent tanquam non gaudentes: qui per temporalia sciunt emere cœlestia. Quia si tardiusculi estis, orate Dominum qui exultauit vt gigas ad currendam viam, & dicite ei: Trahe me post te, curremus in odore vnguentorum tuorum. Quod ipse facere dignetur, qui cum patre & spiritu sancto viuít & regnat Deus in æternum, Amen.

Iob 7.

2. Tim. 3.

DOMINICA IN SEPTVAGESIMA.

Mat. 10.

Simile est regnū cœlorum homini patrifamilias, qui exiit primo mane cōducere operarios in vineam suam, & reliqua. In hac parabola fratres charissimi, ostendit Dominus quantam curam, quantam, vt ita dixerim, sollicitudinem, ipse habet super genus humanum. In quo confuratur illi, qui dicunt Deum res humanas non curare. Ostendit hic quippè Dominus, quod sicut aliquis paterfamilias sollicitè prouidet vineæ, ne nimis indurescat, ne inherberetur, ne amittat tempus putationis & reputationis suæ. Ita ipse est à principio, vt ita loquar, curiosus super Ecclesiam suā, ne nimis indurescat, ne vitiiis occupetur, ne amittat curam prædicationis & commonitionis. Pater igitur familias, Deus intelligitur: Vineæ, Ecclesia: Operarij, prædicatores, siue quilibet fideles, qui sua vel aliorū corda colunt, vt Deo fructificare possint. Horæ, ætates diuersæ. Mane enim est quasi pueritia: hora tertia, iuuentus: sexta, virilis ætas: nona, senectus: vndecima hora, decrepita ætas: Denarius, præmium beatitudinis. Conuentio fit ex denario diurno, quando promissio fit benè laborantibus de beatitudinis præmio. Sunt autem fratres mei, huius lectionis partes quinq;. Primum enim fit missio ope-

parlorum in vineam: secundò fit in sero remuneratio, tertio fit à primis murmuratio: quartò fit à patrefamiliàs eis responsio: quintò ponitur conclusio: Igitur missio operariorum primò fit, cùm dicitur: *Conuentione autem facta ex denario diurno, misit eos in vineam suam.* In quo fratres mei, pensandũ est quod illis qui mandò mittuntur, fit ex denario diurno. Illis verò qui mittuntur hora tertia vel sexta, vel nona, nõ promittitur denarius, sed tantũ eis dicitur: *Quod iustum fuerit, dabo vobis.* Illis autem qui vñ decima hora mittũtur, nihil promittitur, sed inceptatur, & in vineã mittuntur, cùm eis dicitur: *Vt quid statis tota die ociosi? Ite & vos in vineã meam.* Et quare hoc fratres mei? quia illi qui tota vita sua in opere Dei defudãt, iuxta humanæ rationis iudicium, integræ beatitudinis denariũ promeruisse videntur. Qui verò partẽ vitæ suæ in otio & vitio expendũt, & partem in Dei seruitio, non usquequaque integrum beatitudinis denariũ videtur promeruisse. Qui autem in fiera bene operari incipiunt, vel nihil promeruisse videntur vel parum. Et reuera fratres, si quis totam vitam suam in bono consumat, dignior est eo qui in media vita, vel in fine bene operari inchoat: si fuerint ambo in eodem gradu charitatis & laboris. Sed sæpè fratres, contingit, vt qui tardius exierunt, priores velociori cursu præueniant. Quia, sicut Hieronymus ait, subitus feruor longum vincit teporem. Priores quippè sæpè ex longo labore laescunt, & ex securitate spei tepescunt: & ex meritorum magnitudine se tardioribus præponunt. Cùm econtrà posteriores multotiens ex sera conuersione fiant velociores, & ex timore fiant feruentiores, & ex breui operatione sibi vilescant, & omnes sibi præponant: & idcò sicut Publicanus descendunt iustificati ab illis.

Luce. 18.

Sequitur pars secunda, in qua fit remuneratio, cùm subditur: *Cùm serò autẽ factũ esset, dixit Dominus vineæ suæ procuratori: Voca operarios, & redde illis mercedem suam.* incipiens à notissimis vsq; ad primos, &c. Per serò fratres charissimi, finis mundi significatur: quando scilicet finitis laboribus, Deus pater præcipit vineæ procuratori & redemptori, Domino scilicet nostro Iesu Christo, vt vocet operarios ad iudicium, & reddat illis mercedẽ suã. Quid est

est hoc quod ait: *Incipiens à nouissimis vsque ad primos.* Præsertim cum iudicium & retributio sit perficienda, non vbi post alium, sed potius, vt ait Apostolus, in ictu oculi. Prioritas & posterioritas ista, fratres, non ad tempus, sed ad præmium referenda est. Omnes enim electi in eodem tempore, sed non eadem præmij mensura remunerandi sunt. Vnde Dominus: In domo, inquit, patris mei māsiones multe sunt. Et Apostolus: Stella differt à stella in claritate. Alia est enim claritas Solis, altera claritas Lune, &c. Quamuis igitur electi singulos accipiant denarios, tamen hic accipiet clarum, ille clariorem, ille clarissimum. Redditio enim denarij, in quo imago & nomē Regis erat insculptum, nihil aliud est quàm reformatio in nobis imaginis & similitudinis Dei, quæ per peccata erant in nobis deformatæ. Sicut verò vnus denarius habet expressiorem in se imaginem & literaturam quàm alius: ita sanctior habebit in se expressiorem imaginem & similitudinem Dei quàm minus sanctus. Ergo remuneratio incipit à nouissimis vsque ad primos, quando nouissimi magis feruentēs: primus minus feruentibus à Deo in mensura retributionis præponuntur.

Ioan. 4.

1. Cor. 15.

Sequitur pars tertia, in qua primi arbitrātes quod plus essent accepturi murmurant aduersus patrem familiās dicentes: *Hi nouissimi vna hora fecerūt, & pares illos nobis fecisti, qui portauimus pondus diei & æstus.* Hæc murmuratio, fratres mei, ad statum vitæ præsentis referenda est. In cœlestem enim patriam nullus murmurās intrabit, nec intrās murmurare poterit. Sed in præsentī vitā multi sunt qui in opere Dei, longo tempore sibi videntur laborasse: qui si aliquos tardius incipientēs scirent, sibi præponi vel æquari, murmurarent, & dicerent: *Hi nouissimi vna hora fecerunt, & pares illos nobis fecisti, qui portauimus pondus diei & æstus, quasi qui in opere Dei longitudinē temporis & ardorem carnis sustinuimus.* Peccata autem quatuor modis incurrunt, tum quia iudicium Dei reprehendunt: tum quia fratres suos despiciendo nouissimos vocant, tum quia se de operibus iactant, tum quia fratres suos sibi æquari per inuidiam dolent.

Sequitur pars quarta, in qua Dominus ei qui tam per-

HOMILIAE

uerse loquitur vel meditatur, respondet per spiritum, vel per scripturam, dicens: *Amice, non facio tibi iniuriam.* Pri-
mò igitur ostendit iudiciũ suum rectũ esse, cũ subdit:
Nõme ex denario diurno cõuenisti metum? Nemo fratres,
ex his verbis putet Deum quasi ex conuentione astrictum
esse ad reddendũ promissum. Sicut enim Deus est liber ad
promittendum, ita est liber ad reddendũ, præsertim cũ
tam merita quàm præmia sint grãtia sua. Nihil enim aliud
quàm gratiã suã coronat in nobis Deus, qui si uellet in
nobis agere districtè, non iustificaretur in conspectu eius
omnis uiuens. Vnde Apostolus qui plus omnibus labora-
uit, dicit: Existimo quod non sunt condignoꝝ passionẽ hu-
lus temporis ad futuram gloriam quæ reuelabitur in no-
bis. Ergo hæc conuentio nihil aliud est, quàm voluntaria
Dei promissio. Deinde reprehendit eos Dominus de con-
temptu fratrum, & de iactantia operũ, dum eis æquat no-
uissimos, dicens: Volo autem huic, secũdum opinionem
tuam nouissimo, dare, sicut & tibi in oculis tuis magno.
An non licet mihi Domino facere misericordiam cui vo-
luero? Postea eos reprehẽdit, quia fratres sibi æquari, per
inuidiam dolent, cũ dicit: *An oculus tuus nequam est,*
quia ego bonus sum? Ecce fratres, quàm subtiliter describit
malum inuidiæ, quæ tam dolet, quàm ipsa parũ accipiat,
quàm quod alius aliquid accipiat. Nec tam desiderat se
plus accipere, quàm alios nihil accipere, & de alterius bo-
no tabescit: Hanc fratres, inuidiam omni intẽtione deu-
itate, cum qua ad cœlum nullus potest ascẽdere. Nam in-
uidus qui flet cum gaudentibus, & gaudet cum flentibus,
quàm remotus est a charitate quæ dicit: Flete cum flenti-
bus, & gaudete cum gaudentibus.

Sequitur pars quinta, in qua Dominus concludit & ad-
aprat similitudinẽ, dicens: *Sic erũt nouissimi primi, & pri-
mi nouissimi.* Non est enim fratres, hæc propositio vniuer-
salis, sed indefinita: Quoniam nec omnes nouissimi erũt
primi, nec omnes primi nouissimi: Sed quidam qui viden-
tur apud se, vel apud homines esse nouissimi, erunt apud
Deũ primi: Et quidã, qui vidẽtur apud se vel apud homi-
nes esse primi, erũt apud Deum in ordine iustorũ nouissi-
mi, vel etiam reprobati. Quare? *Quia multi sunt vocati,*
pauca

Gratiam
suã in no-
bis coro-
nat Deus.
Rom. 8.

Inuidia
malum.

pauci verò electi. Ecce fratres, omnes ad vitam vocati sumus, Ecclesie parietes replemus, solus Deus tamen nouit qui sunt eius. Alij enim per exteriorem operationē nobis videntur esse electi, sed tamē à Deo interiora conspiciente reprobantur, vt Pharisæus. Alij per exteriora mala nobis putantur esse reprobi, sed tamen per humilitatem & pœnitentiam interiorem, Deo sunt accepti, vt Publicanus. Alij benè incipiunt, sed finis eorū tepescit & deficit, vt Iudas. Alij malè incipiunt, sed in finem conuersi à Deo recipiuntur, vt Iatro: qui penè in eadem hora & pœnituit & exalauit. Nemo itaq; fratres, de operibus suis bonis præsumat. Nemo alium propter exteriora mala iudicet vel condemnet. Nemo in longanimitate bonæ vitæ confidat. Nemo serò pœnitentem despiciat. Sed qui benè vixit, timeat ne cadat, ne tepescat, ne propter præsumptionē corruat, ne propter contemptum fratris tardioris, displiceat. Qui verè huc vsque malè vixit, audiat quod hîc dicitur: *Quid hîc statis tota die otiosi?* Timeat ergo talis ne morte præueniatur, nec tamen desperet, sed de immensa misericordia confidens, festinet, ploret, satagat, vt quod amisit in tēpore, recuperet in seruire. Nemo dicat in vndecima hora, id est, in senectute incipiam laborare, & tantundem præmij recipiam, quantū primi. Nemo hoc dicat, fratres, quia nemode vespertina, necdum de præsentī hora certus est, quia nec vita, nec conuersio in manu hominis est. Hora in qua quis moritur, est senectus sua. Omnes igitur in vinea Dei laborare festinemus. Duritiam cordium timore de reccrdatione peccatorū nostrorum & consideratione gehennæ nato, quasi ligone commoueamus, sacramenta vitiorum, sarpa correctionis à nobis & ab aliis auferamus. Caueamus ne vêtus Aquilonis, flores virtutum in nobis, ne feruor persecutionis fructus iam maturos in nobis ardeat, sed semper solliciti de animabus nostris, nunquam nos dignos, nunquā nos securos æstimemus, quousque præmia percipiamus repromissa, quod nobis concedat pater & filius & spiritus sanctus, Amen.

DOMINICA IN SEXAGESIMA.

Libenter suffertis insipientes, cum sitis ipsi sapientes, &c.
Bipertita est hæc lectio fratres charissimi. Primò enim

Luc. 12.

*Iudas.
Iatro.
Non præsumendū
de bonis
operibus.
1. Cor. 10.*

2. Cor. 11.

reprehendit Corinthios, quibus hæc scribit, de hoc quod pseudoprædicatores recipiebant. Secundò se comparat & præfert illis prædicatoribus. Reprehendens ergo Corinthios de susceptuone falsorum prædicatorum, ait:

Libenter suffertis insipientes, cum sitis ipsi sapientes. Idè enim insipiens est insipiens, quia putat se esse sapientem: & idè non alienum, sed suum vult semper facere consilium.

*Primus
accessus
ad sapi-
entiam.*

Primus enim accessus est ad sapientiam, intelligetò se insipientem esse, & saniori consilio acquiescere. Porro sapientiores, insipientes sufferre & recipere hoc intuitu debent, vt eos corrigant & doceant, vt non erroribus eorum consentiant, vt faciebant Corinthij, qui falsos prædicatores, legem tenendam esse cum Euangelio, & alios errores prædicantes, suscipiebant, & eorum erroribus acquiescebant. Quorum, vnde dolendum est, sunt etiam hodie similes in Ecclesia, qui quosdam girouagos & falsos prædicatores libentius quàm proprios prædicatores recipiunt, audientes libentius adu-
lantes, quàm corripientes: loquentes placita, quàm loquentes vera. Et iuxta quod Salomon ait: Furtiuè eis aquæ dulciores sunt: sed secundum Euangelium, verè oves proprii pastoris vocem cognoscunt & sequuntur, alienum autem non sequuntur: quia non nouerunt vocem alienorum. Sunt autem fratres mei, quatuor species prædicatorum. Alij autè mala prædicant, & malè viuunt: & hæretici sunt, qui nec audiendi, nec imitandi sunt, sed prohibendi. Alij malè prædicant per ignorantiam, & in cæteris bene viuunt, & insipientes sunt. Qui & si in moribus imitandi sunt, tamen audiendi non sunt. Alij bona prædicant & bene viuunt, & veri prædicatores sunt, qui & audiendi & imitandi sunt. Alij bona prædicant & malè viuunt, qui audiendi sunt, sed non imitandi, de quibus dicitur: Quæcunque dixerint vobis, seruate & facite, secus dum verò opera eorum nolite facere. Tanta quippè est auctoritas veræ doctrinæ, quod per quemcunque peruersum, & quocunque sine prædicetur, audienda est.

*Proh. 9.
Ioan. 10.*

*Quatuor
species
prædicato-
rum.*

Mat. 23.

Philip. 1.

Vnde Apostolus: Siue per veritatem, siue per occasionem Christus prædicetur, gaudeo: & contrà, à quocunque honesto, & quocunque sine praua doctrina prædicetur,

etur, iudicium non est. Vnde Apostolus: Et si Angelus de
 coelo aliud vobis prædicauerit, anathema sit. Quos *Gal. 1.*
 autem insipientes sustinent Corinthij. exponit Apollos
 lus, cum subdit: *Sustinetis enim si quis vobis in seruitutem*
redigu. Quibus sunt etiam hodie similes, qui simplices
 à liberare virtutum, in seruitutem voluptatum & car- *In seruitu-*
 naliū illecebrarum redigunt, dicentes cuncta ad vsum *tem redige*
 hominum fuisse creata. Quibus, fratres mei, nolite con- *re quid.*
 sentire quoniam qui intemperanter sequuntur licita, ca-
 dunt in illicita: Et ille solus in illicita non cadit, qui à
 licitis cunctis se restringit. *Sustinetis*, inquit, *si quis acci-*
pit vestra, si quis deuoret cibos vestros: si quis extollitur
de sanctitate, vel nobilitate: si quis in faciem vos cedit,
quod dicitur secundum ignobilitatem. Quia namque tan-
 quam facie, ita nobilitate homo cognoscitur rectè, in fa-
 ciem cædi, est per ignobilitatem comemni. Multi quos
 que sunt hodie fratres mei, quibus & si falsi prædicato-
 res prædeant non vera, sed grata & placita, sustinent eos
 sua deuorantes, & de sanctitate se gloriantes, & cæteros
 negligentes.

Sequitur pars secunda, in qua Apostolus se compa-
 rat & præfert pseudopredicatoribus, cum subdit: subau-
 dis: *In quo quis aude?* se commendare. Et ego. Sed quos *2. Cor. 10.*
 modo fratres mei, hic seipsum commendat Apostolus,
 cum idem alibi dicat: Non enim qui seipsum commen-
 dat ille probatus est, sed quem Deus commendat. Et Sa-
 lomō: Laudet, inquit, te alienus, & non os tuum. Et *Prover. 27.*
 reuera, fratres, si quis ad iactantiam seipsum laudat, non
 venialiter peccat: Nō enim laudabilis est, qui seipsum lau-
 dat. Sed Sancti cum sua bona numerant, non ob iactan-
 tiam hoc faciunt, sed ob necessitatem. Tres enim causas *Tres causa*
 inuenimus, quibus Sancti sua bona enumerare coguntur. *quibus san-*
 Quando enim premuntur vehementi aduersitate, ad au- *cti sua bona*
 gmentum spei & solatij sua bona coguntur enumerare, *enumerare*
 vt Iob: Oculi, inquit fui cæci, & pes claudō: Si come- *coguntur.*
 di buccellam meam solus, & non comedit pupillus ex *Iob. 29.*
 ea. Quando etiam volunt Deum Iudicem ad misericor- *Esa. 38.*
 diam sui inclinare, solent bona sua enarrare, vt Ezechias:
 Memento, inquit, quomodo ambulauerim coram te in

veritate. Quando etiam sancti Prædicatores volunt persuadere ut sibi magis acquiescant quam pseudoprædicatoribus solent se commendare & illis præferre, ut Apostolus in hoc loco. Commendat autem se Apostolus in quatuor, in genere, in ministerio, in reuelationibus, in humilitate. In primo se æquat aliis: in secundo & tertio se præfert eis, in quarto se humiliat aliis & sibi. De genere se commendat, & aliis æquat, cum dicit: *Hebræi sunt & ego, &c.* Nobilitas & probitas parentum ad nihil aliud valent sequacibus, fratres mei, nisi ad æmulationem imitationis. Hinc est quod antiqui imagines & probitates parentum solent depingere ad incitamentum filiorum, & nepotum, ut eos ad patrificandum incitarēt. Si tu verò degeneras, quare parentum tuorum nobilitatem iactas: Non te iuuat, sed damnat. Non enim ex probis parentibus nasci, sed probos parentes imitari, laudabile est. Hinc est quod Dominus Iudæis incredulis in patre Abraham gloriantibus, ait: Si filij Abraham estis, opera Abraham facite. Vos ex patre diabolo estis, & desideria patris vestri vultis facere. De ministerio se aliis præfert, cum dicit: *Ministri Christi sunt & ego, & minus sapiens dicā, plus ego.* Ac si diceret, in hoc quod me aliis præfero, loquor ut minus sapiens, quoniam minus sapiens sapientium, est se aliis præferre. Vnde & postea dicit: *Factus sum incipiens, vos me cōegistis.* Non tamen in hoc quod se aliis præferebat, incipiens erat, quia nō ad iactantiam, sed ob utilitatē subditorum hoc verē & sapienter faciebat. In duobus autē probat se plus cæteris ministrum Christi esse: quia plus sequitur & imitatur eū in exteriori passionē, ut in laboribus, in afflictionibus, in periculis, & in interiori compassione, ut in sollicitudine omnium Ecclesiarum. Et quia infirmatur cum infirmo, vitur cum scandalizato. Hæc pensent Prælati Ecclesiæ, qui extolluntur & gloriātur de ministerio Christi, quia sunt Sacerdotes, Episcopi, & populorum magistri. Si sunt verē ministri Christi, imitentur eum, non in diuitiis & delitiis, non in pompa & ambitione seculari, quæ Christus semper detestatus est: Sed in eis in quibus imitatur eum Paulus, in passionē exteriori, in laboribus, in afflictionibus, in ieiuniis, in Ecclesiæ persecutionibus. Sint solliciti pro Ecclesiis,

ut non

Probitas
& nobilitas paren-
tū ad quid
valet.

Ioan. 8.

Quid mini-
stri Christi
egere de-
beant.

ut non eas expolient, sed ut eas instruant & supportent. Lugeant cum lugentibus, gaudeant cum gaudentibus, infirmetur cum infirmantibus: fiant omnia omnibus. De reuelationibus se commendat Apostolus, cum ait se raptum vsque ad tertium cœlum. Hinc discant Pastores Ecclesiæ rapi desiderio ad cœlestia, & ea per lectionem & contemplationem meditari, ut sint digni vocari viri desideriorum cum Daniële, quatenus Dominus aperiat eis secreta sapientiæ suæ, ad suam & aliorum utilitatem.

Quod verò Apostolus fatetur se nescire, an fuerit raptus in corpore & anima simul, an extra corpus anima scilicet assumpta: Hoc fratres, contra illos erroneos est, qui affirmant se in vna nocte corporaliter, multas regiones transire, manducare, & bibere, & post remeare. Cum Apostolus Spiritu sancto plenus dicat se nescire quomodo in cœlum raptus fuerit. Idem de humilitate se commendat, cum ait: *Et ne magnitudo reuelationū extollat me, datus est mihi stimulus carnis meæ, angelus satanæ qui me colaphizet, &c.* Ecce fratres mei, cum tot & tātis virtutibus sublimatus esset Apostolus, ad conseruationem humilitatis, datus est ei à Deo stimulus carnis, & angelus satanæ ad inquietandum & humiliandum eum. Et cum rogaret illum à se remoueri, dictum est ei à Domino. *Sufficit tibi gratia mea, nam virtus in infirmitate perficitur.* Magnitudo enim virtutis solet superbire, nisi temperetur ex humilitate. Quæ humilitas tanta fuit in Paulo, ut contra morem hominum secularium, bona sua vix & coactus enarraret, infirmitates verò suas gaudens aperiret. *Libenter gloriabor, inquit, in infirmitatibus meis, ut inhabitet in me virtus Christi.* Nemo igitur fratres mei, nemo nostrū infirmitates, labores & afflictiones fugiat, vel à se remoueri deposcat: quia quod caminus auro, quod lima ferro, quod gelu facto, hoc confert tribulatio iusto. Quid? Illum purgat, climat, splendiscat. Vnde Dauid: Da mihi, inquit, auxilium de tribulatione, id est, tribulationem fac mihi in auxilium prouenire. Oremus itaque fidelem animarum purificatorem, ut hic nos purget, nos purificet, ne in futuro, in furore suo arguat nos, ne in ira sua corripiat nos, sed statim exeuntes de coprolali miseria, nos in

Afflictiones non sunt fugiende. Psal. 50.

thesaurum suum recipiat Deus & Dominus noster, qui in trinitate perfecta viuit & regnat Deus, per omnia secula seculorum, Amen.

DOMINICA IN SEXAGESIMA.

Luc. 8.

Cum turba plurima conueniret, & de ciuitatibus properarent ad Iesum, dixit per similitudinem: Exiit qui seminat seminare semen suum, & reliqua. Dominus & redemptor noster, fratres charissimi, per omnia nos instruens, ut se persèpe figuratè loqui demonstraret, exposuit parabolam istam, ut in parabolis, quas per se non exponebat, significaret spiritualem intelligentiam similiter esse querendam. Est igitur (ut ipse ait) Semen verbum Dei: Ager mundus: Seminator Christus, qui de sinu patris exiit, ut semen verbum Dei hoc in mundo seminaret: Et etiam quilibet prædicator, qui secundum suum modulum de sacro cõtemplationis suæ ad erudiendum homines debet exire. Sed hominum, quibus semen verbum Dei proponitur, multe species sunt. Nam quidam sunt, qui nec & illud audire volunt, ut illi quibus Dominus ait: Qui ex Deo est, verba Dei audit, propterea vos non auditis, quia ex Deo non estis: Et Propheta, faror illius secundum similitudinem serpentis, sicut aspidis surdæ & obturantis aures suas, quæ non exaudiet vocem incantantium.

Iean. 8.

Psal. 57.

Aspis serpens est incurabilis veneni, quæ ne audiat incantationes, alteram aurem allidere terræ, reliquam obturare cauda perhibetur. Tales sunt homines quidam incurabilis malitiæ, qui aures intellectus sui obturant: Hinc amore terrenorum, hinc amore posterioris partis suæ, id est, carnis, ne verbum Dei audire velint. Illorum verò qui audiunt quatuor species sunt. Nam alij intantum audiunt verbum Dei, ut nec eius sapore vel opere delectentur, qui bene significantur per terram secus viam nulla sepe clausam, ubi semen concultatur, & ab auiibus aufertur. Corda enim talium clausa non sunt, sed omnium rationibus spirituum patent. Venit spiritus luxuriæ, non prohibetur, sed intrat: Venit spiritus auaritiæ, non prohibetur, sed intrat: Venit spiritus vanæ gloriæ, non prohibetur, sed intrat: & similiter cæteri veniunt, nec prohibentur. Quia verò corda talium frequentia malarum cogita,

*Hominum
qui verbū
Dei audiūt
quatuor
species.*

cogitationum trita & conculcata sunt, auditum verbum Dei in eis adhærere nequit, sed à spiritibus malignis, qui tanquam aues aërij & agiles sunt, à memoria remouentur. Alij verò audiunt verbum Dei, & cum desiderio percipiunt, & etiam aliquid boni agere incipiunt, sed à sollicitudinibus & voluptatibus diuitiarum occupati, desistunt. Qui benè, fratres mei, significantur per terram spinis occupatam. Per spinas quippè dicit Dominus vitias significari, quia & si videantur delectare corpus, tamen animam aculeis curarum pungunt, & peccatis cruciant, & voluptatibus aggrauant & extinguunt. Cum enim diuitiæ cum labore acquirantur, cum timore seruentur, cum cupiditate augeantur, cum dolore perdantur, quid aliud sunt labor, timor cupiditas, & dolor, nisi punctiones verè cruciantes animam. Hinc & de illis qui inter huiusmodi spinas delectantur, scriptum est. Et esse sub sentibus diuitiis computabunt. Alij quoque audiunt verbum Dei, & cum gaudio suscipiunt, & aliquid boni agere incipiunt, sed tribulationibus & persecutionibus pressi desistunt. Qui bene significantur per petram, quia altitudinem terræ & humoris, id est, fidem & charitatem profundam non habent; & ideo feruescente sole persecutionis, arescunt, & non referunt fructum. Tales erant illi, quibus Dominus per Prophetam promittit: Auferam, inquit, Iob. 30. cor lapideum à vobis; & dabo vobis concarneau. Omnes supradicti non reddunt fructum, quia agrum cordis sui non benè colunt. De quibus per Salomonem dicitur: Per agrum pigri hominis transiui, & ecce totum repleuerant vitiæ, & operuerant superficiem spinæ, & maceries lapidum destructa erat. Alij verò audientes verbum Dei, retinent corde optimo, & fructum afferunt in patientia. Qui rectè significantur per terram bonam: Quia sicut terra bona commendatū semen reddit multiplicatū: ita bonus homo auditum verbum, cogitando, operando, & docendo, sibi & alijs proficiendo, multiplicare non desistit. Afferet autem fructum in patientia: quia nisi bona terra patiarur extirpationes, arationes, frigus & calores, fructificare non potest. Ita nisi homo patienter extirpet à se spinas & tribulos vitiorum, nisi duritiam cordis aret, vome-

te pœnitentiæ & compunctionis: nisi maceriet carnis afflictiones & persecutiones patienter portet, verbum Dei in eo fructificare non potest. Seminato autem agro, cura non est remouenda: quoniam nisi circumscripiatur satum, nisi satiatur, nisi aues exterreantur, nisi temporum oportunitas à Deo postuletur: non veniet ad debitam maturitatis vbertatem. Suscepto quoque in corde verbo Dei, nisi vigili cautela cor à tentationibus custodiatur, nisi renascentia vitia diligenter exturpètur, nisi dæmones psalmodiis & orationibus abigantur, nisi assiduis vociis incepti boni incrementum & multiplicatio à Deo postuletur, non veniet ad fructus perfectionem. Reddit autem teste Evangelista alio, semen in bona terra fructum, aliud tricesimum, aliud sexagesimum, aliud centesimum. Tres enim ordines sunt in Ecclesia, Coniugati, Vidui, & Virgines.

Mar. 4.

Coniuges.

Coniugati tricesimum: Vidui sexagesimum: Virgines centesimum percipiēt fructum, si perseverauerint bene in sui ordinis puritate. Et secundū gradum meritorum, erit ordo præmiorum. Vos igitur coniuges, si gradus vestri ordinem bene seruetis, si amorem Dei vxoribus, filiis, & cæteris omnibus præponatis, si cōiuges cum freno modestie diligatis: si filios & familiam secundū Deum doceatis: si excessus vestros eleēmosynis redimatis: si in mandatis Dei

*Vidui &
Vidue.*

perseueretis, magni estis ante Deum. Vos autem vidui viduæque, si gradus vestri religionem custoditis. Si estis tantò Deo deuotiores, quantò liberiores: si mente & corpore

Virgines

sanctimoniam habetis: si ieiuniis, orationibus & eleēmosynis vacatis, maiores estis. Vos quoque virgines, viri vel foemine, si estis virgines voluntate, nō necessitate, vel timore: si toto desiderio cœlesti sponso placere desideratis, si vos virtutibus potius quàm vestibus exornatis, si ut prudentes non fatuæ virgines gloriam Dei, non mundi quæritis, maximi estis. Veruntamen, fratres mei, sicut alio quod argentum plus valet, quàm aliquod aurum, ita aliquis coniugatus, aliquam viduam vel virginem meritò potest superare. Melior quippè est coniugatus in Deo feruens, quàm viduus vel virgo tepens. Itaque, fratres mei, omnes conuersemur honestè, vnusquisque in ordine suo. Diligamus Deum toto desiderio: mundum spernamus,

carneque

carne[m] castigemus, vitia de nobis extirpemus: verba Dei deuoto corde suscipiamus. Operando & docendo illa multiplicemus, vt fructum æternitatis recipere mereamur. Quod nobis præstare dignetur qui in trinitate perfecta viuit & regnat Deus, per omnia secula seculorum. Amen.

DOMINICA IN QVINQVAGESIMA.

Excellentiorẽ viam vobis ostendo. Si linguis hominum 1. Cor. 13.
 loquar & Angelorum, charitatem autem non habeam,
 factus sum velut æs sonans aut cymbalum tinniens, &c. In
 ter omnes gratias, quas fratres mei, largitur hic nobis om
 nipotens & misericors Deus, ad præmium æternæ beati
 tudinis promerendum, obtinet principatum veræ chari
 tas, Dei videlicet amor, & proximi. Hanc cõmendat Apo
 stolus quinq; modis: Primò, quod excellentior via est: se
 cundò quod sine ea nihil cætera valent: tertio quod om
 nia vitia excludit: quartò, quod qui hanc habet, omnia
 habet: quintò, quod nunquàm excidit. Ostendit igitur
 hic quod charitas est excellentior via, cùm ait: *Excellenti
 orem viam vobis demonstro.* Est autem charitas excellen
 tior via, quia magis excellēs, magis expedita, magis pro
 pria. Magis extollens est, quia nihil plus extollit quàm
 charitas, quæ de seruis facit filios, de hostibus amicos, de
 hominibus deos. Vnde Dominus: iam non dicam vos ser
 uos, quia seruus nescit quid faciat Dominus eius. Vos au
 tem dixi amicos, quia omnia quæ audiui à patre meo, no
 ta feci vobis. Et alibi: Dedit autem eis potestatem filios
 Dei fieri, his qui credunt in nomine eius. Et Propheta:
 Ego inquit, dixi dii estis, & filij excelsi omnes. Sicut enim
 charitas via est, qua Deus venit ad hominem: ita est via
 qua homo vadit ad Deum. Quia enim non bene conue
 niunt maiestas & amor, ideo Deus amans hominem se
 cõequauit ei, vt eum secum sublimaret. Charitas est oleū
 quod in imo præmi non potest, sed superenatat. Charitas
 etiam magis expedita via est, quoniam per eam compen
 diosius & facilius ad Deum ascēdimus. Si enim magnam
 sapientiam, si magnam eloquētiā, si multas eleemosy
 nas facere, si martyrium sustinere nequis, sufficit tibi, si
 Deum & proximum verè diligis. Amor enim seipso con
 tentus est ad merendum Deum, nec tantum Deum expe
 ctat,

Ioan. 15.

Ioan. 1.
Psalm. 138.

At, sed eum iam habet, dum veraciter eum amat. Charitas etiam magis propria est Dei, suorumq; electorū: quodiam cum cetera bona possint etiam habere reprobi, charitatem soli possident electi. Hinc est enim fons proprius, cui non communicat alienus. Alieni enim sunt, quicunque audituri sunt hanc vocem: Non noui vos. Hæc est tunica nuptialis, qua induti securi recumbūt. De hac Dominus: *Mat. 7.* Hoc est, inquit, præceptum meum ut diligatis inuicem. Ac si diceret: Hoc est excellens & proprium mandatum meum, quo mei à non meis separantur. Itaque, fratres mei, ut filij & amici Dei esse mereamur, charitatem semper custodiamus.

Sequitur pars secunda, in qua Apostolus ostendit nulla quātuncunque bona sine charitate prodesse, cum subdit: *Si linguis hominum loquar & Angelorum.* Magnum quippè bonum est scæcunda & eloquens prædicatio, sed sine charitate nihil prodest prædicanti, prodest quidem auditoribus. Sed prædicator qui non ex charitate, sed propter nummum vel gloriam prædicat, est quasi æs sonans aut cymbalum tinniens, id est, alios ad Deum vocat, sed se sua voce conquassat & condemnat. Magnum bonum est prophetia de futuris, sed sine charitate nihil prodest. Nihil quippè profuit Balaam, nihil Sybillæ, nihil Caiphæ, quod futura Dei Sacramenta prædixerunt. Magnum bonum est scire mysteria & Sacramenta veteris & noui testamenti, & omnem scientiam diuinam & humanam, sed sine charitate nihil prodest. Nihil quippè Iudæ profuere Sacramenta, quæ cum ceteris Apostolis habuit communia. Nihil prodest diabolo, quod, ut ait Ezechiel, coelestia nouit mysteria. Nihil Scribis & Phariseis, falsisque Doctoribus profuit habere scientiam sanctorum literarum. Magnum bonum est habere omnium fidem ita perfectam, ut per eam transferantur montes ad literam, vel dæmones à patientibus: sed sine charitate nihil prodest. Nihil enim proderit quibusdam, qui hæc & alia bona sine charitate fecerunt. Qui in iudicio hoc se confitebuntur *Mat. 7.* fecisse: Nonne in nomine tuo prophetauimus? Nonne in nomine tuo dæmonia eiecimus? Quibus non dicitur, Non habuistis hæc dona, sed, Non noui vos: quia sine cha-

charitate nihil habuerūt. Nihil enim profunt hypocritis, qui ob vanam gloriam ea faciunt. Vnde Iacobus: Qui of- Iacob. 2.
fendit in vno, factus est omnium reus. Ergo charissimi, charitatem super omnia studeamus habere, sine qua cæ-
tera bona nil possunt valere.

Sequitur pars tertia, in qua ostendit Apostolus quod
charitas omnia vitia excludit, cum subdit: *Charitas non
emulatur*, per inuidiam, imò gaudet cum gaudētibz, &
flet cum flētibus. *Non agit perperam*, id est peruersè, imò
omnia facit bono fine. *Non est ambitiosa*, non conten-
dit de honore, sed de humilitate: *Non querit quæ suæ
sunt*, sed quæ Christi: Christi enim voluntatem & glo-
riam querit, nō suam. *Non iritatur per iram*, non cogit
malum: fortis scilicet, non solum ad non retribuendas in-
urias, sed etiā ad non curandas. *Non gaudet super iniqui-
tate*, imò deflet, sic & cætera vitia charitas excludit. Vnde
& legitur: Qui charitatem habet, non peccat: non quia
non peccet, sed quia non peccat ad mortem. Peccatum 1. Ioan. 4.
enim in seruire charitatis, est quasi gutta aque in ignem,
quæ cum non extinguit, sed inflammat. Feruidam igitur
fratres, charitatem habeamus, vt in eius seruire sordes
peccatorum nostrorum excoquantur.

Sequitur pars quarta, in qua ostendit Apostolus, quod
qui habet charitatem, omnes virtutes habet, cum dicit:
Charitas patiens est inter aduersa, scilicet benigna est ini-
micis eos etiā à quibus patitur, amans. *Congaudet ve-
ritati*, id est, bono iustitiæ. Vnde & dicitur: Beati qui
esuriunt, & sitiunt iustitiam. *Omnia credit*, quæ scilicet Mat. 9.
de futura vita in scripturis sacris leguntur. *Omnia sperat*,
quæ scilicet à Deo sunt promissa. *Quæ eisi differantur*,
Omnia sustinet. Cæteras quoque virtutes habet, qui ve-
ram charitatem habet: Quarum quasdam & si non ha-
bet in vsu, habet tamen in affectu. Quanuis enim non ha-
bet in se, habet tamen in aliis, de quibus gaudet tanquam
de se. Teneamus itaque fratres, charitatem, per quam
omnia bona habentur, per quam lex adimpletur. Vnde
Propheta: Omnis consummationis vidi finem. latum
mandatum tuum nimis. Et Dominus: In hac tota lex
pendet & Prophete.

Sequi-

HOMILIAE

*Cessabunt
prophetiae
Linguae.
Scientiae.
Fides.
Spes.*

Sequitur pars quinta, in qua ostendit Apostolus, quod Charitas nunquam excidit. Propterea nūquam cadet qui charitati adhæret. Vita enim futura nō auferet, imò perficiet charitatem. Quæ enim nunc data est ad bene merendum, tunc dabitur in præmium. Cætera verò bona, quæ nunc habent locum, tunc cessabunt: Cessabunt prophetiæ, quia non erit tunc absens vel occultum quod de Deo videbitur. Cessabunt linguæ, quia res & cogitatio aperta, manifestari significationibus non egebunt. Cessabit scientia, quia tunc nō erit specularis & umbratilis scientia, sed aperta Dei visio. Cessabit enim fides: Ea enim quæ modò inuisibilia credimus, tunc præsentialiter videbimus. Cessabit spes, quando obtinebimus quod sperabamus. Cæteris itaque cessantibus, tunc charitas augebitur & perficietur. Tunc enim ita diligemus Deū quod ab eius amore nullatenus poterimus separari vel tepescere. Pensemus ergo fratres mei, pensemus toto corde, quanta, quàm admirabilis erit beatitudo illa, vbi sancti illud, quod semper in hac peregrinatione desiderauerāt, sperauerant, exquisierant, contemplabuntur, amplexabuntur, fruuntur sine metu, sine defectu, sine inuidia. Vbi & si par non erit Sanctorum claritas, tamen par erit gaudium. Omnia enim faciet communia amor vnus, & voluntas vna. Itaque fratres mei, dilectionem Dei & proximi, quæ nobis erit præmium in patria, todo corde teneamus in via. Super omnia diligamus Deum, qui super nos est. In bono diligamus animam nostram, quæ intra nos est: Sicut nos diligamus proximum nostram, qui iuxta nos est. Cum discretionē nutriamus carnem nostram quæ infra nos est, quatinus pariter pervenire mereamur ad videndum Deum Deorum in Sion, vbi est Regnum sine termino, satietas sine fastidio sanitas sine morbo, iuventus sine senio, festum sine mœrore, gaudium sine fine, largiente Domino nostro Iesu Christo, qui cum Patre & Spiritu sancto vivit & regnat Deus, per omnia secula seculorum, Amen.

DOMINICA IN QVINQVAGESIMA.

Luc. 13.

Assumpsit Iesus duodecim Discipulos suos, & ait illis:
Ecce ascēdimus Hierosolymam, & consummabuntur omnia

omnia quæscripta sunt per Prophetas de filio hominis, &c.
 Duobus capitulis distinguitur lectio ista, fratres charissimi: Porro in primo considerandū est secundum litteram, quate Dominus passionē & resurrectionē suā prædicere voluerit, & quare duodecim Discipulis tantū & quate secreto. Quare se passurū & resurrecturū prædixit: Ob tres causas vi se Deū omniscientem demonstraret, vt se spontaneē passurum probaret, vt Discipulos suos contra mortis suę desperatione præmuniret. Quare duodecim tantū? Vt demonstraret tantum apostolicæ doctrinæ sequaces esse dignos, humanæ redemptionis agnoscere & participare Sacramentum. Quare secreto? Vt sanctum non debere dari canibus, nec margaritas porcis, demonstraret. Vnde idē ait: Vobis, inquit, datū est nosse mysteria Regni Dei, cæteris autē in parabolis. Moraliter autem fratres mei, instruit nos Dominus exemplo sui quomodo supernā Hierusalem adire debeamus. Sicut enim ipse ascendendo Hierosolimam, patiendo, moriendo, resurgendo, ascendit in cælum ad patrē: ita nos fratres charissimi, in a vitiorum vitando, tribulationes patiendo, mundo moriendo, anima & corpore resurgendo, ad cœlestem patriam ascendere oportet. Ac si diceret Dominus: Qui mihi ministrat, me sequatur. Et vbi sum ego, illic & minister meus erit. Itaque fratres totis viribus nitendum est. Nam si cum tanto sudore culmina montium ascendimus, quanto labore opus est gravitati nostræ nitēti ad cœlū? Teste enim Domino, lata & spatiosa est via, quæ ducit ad perditionem, & multi currunt per eam: Sed angusta & ardua est via, quæ ducit ad vitam, & pauci ascendunt per eam. Facilis est enim (teste Poëta) descensus auerni. Facile est quippè descendere de ingluvie ad libidinem, de libidine ad cupiditatem, de cupiditate ad auaritiam: & ita de vitio in vitium, vsque in æternam damnationem: Sed valdè laboriosum est fratres mei, ascendere ad abstinentiam: de abstinentia ad continentiam: de continentia ad mundi contemptum: & ita de virtute in virtutem, vsque ad patriam cœlestem. Hanc ascensionem fratres, non potest facere per se homo, nisi adiutus à Deo. Vnde Dominus: Nemo potest, inquit, venire ad me, nisi pater meus cœlestis

Mat. 7.
 Mar. 4.
 Luc. 8.

Ioan. 12.

Mat. 7.

Virgilius
 6. Aeneid.

Ioan. 6.

HOMILIAE

- traxerit eum. Clamemus igitur ad eum fratres, clamemus
 & dicamus ei : Trahe me post te, curremus in odore un-
 guentorum tuorum. Nam iuxta Prophetam : Beatus est vir,
 cuius est auxilium abs te, ascensiones in corde suo dispo-
 suit existens in valle lachrymarum in loco quem posuit.
 Et proculdubio fidelibus nihil de se, sed de Deo tantum
 presumptibus, benedictiones gratiarum dabit legislator
 & ita ibunt de virtute in virtutem : & tandem videbitur
 Deus Deorum in Sion. Tribulationes etiam fratres cha-
 rissimi, necesse est nos pati, dum ascendimus ad patriam.
- 2. Tim. 3.* Iuxta illud Apostoli : per multas tribulationes oportet
Luc. 23. nos intrare in regnum caelorum . Et alibi : Omnes qui
 pie volunt vivere in Christo Iesu, persecutionem patien-
 tur . Nam si in viridi ligno hoc fuit , id est in Christo, in
 arido quid fiet ? Has tribulationes oportet iustum pati.
 Necesse est illum pati, tradi, illudi, flagellari, conspui. Tra-
 di iustum oportet : & haec multitudo exemplorum te do-
 cet . A principio : Abel iustus traditus est , in manibus
Gen. 4. Cain . Ioseph iustus traditus & venditus est Hismaelitis :
Gen. 37. Iob iustus traditus est in manu diaboli : & ut magis mire-
Iob. 1. ris, ab ipso Deo . Ecce, inquit, caro eius in manu tua est :
 veruntamen animam eius serva : Dominus iustus traditus
 est gentibus per manus Iudae & Iudaeorum : & hoc illi
 non possent, nisi pater, & etiam ipse seipsum traderet : Di-
 cit enim de eo Apostolus , qui tradidit semetipsum pro
Eph. 5. nobis. Quia ergo fratres mei, non est discipulus supra ma-
 gistrum , si nos veri discipuli Christi sumus , si verè iusti
 sumus, nos quoque necesse est tradi in manus impiorum,
 diaboli scilicet, & malignorum hominum. Sed nos respi-
 ciamus ad Christum traditum, & in eo consolabimur.
 Necesse etiam est iustum illudi. Illusus est Noë iustus à fi-
Gen. 9. lio. Ioseph à fratribus dicentibus : Ecce somniator venit.
Ex. 7. Helisæus à pueris dicentibus : Ascende calve . Christus à
4. Reg. 2. militibus indutus veste coccinea, spinis coronatus, & aris-
 tine sceptratus , & dictum est ei dirisorie : Ave Rex Iu-
 daeorum. Nos fratres si ascendere ad caelum volumus, ne-
 cesse est nos illudi , vel à diabolo per phantasticas illusio-
 nes, vel à falsis fratribus, nostram simplicitatem irriden-
 tibus, & hypocritas nos vocantibus. Sed nos respiciamus
 ad

ad Christum illusum, & in eo consolabimur. Necesse est etiam iustum flagellari. Flagellatus est Iob, flagellatus est Tobias, flagellatus est Dominus, & ligatus ad columnā, in qua vsque hodie apparent vestigia sanguinis. Apostoli quoque flagellati sunt. Nos similiter, fratres, oportet flagellari, vel infirmitatibus, vel persecutionibus, vel iniuriis, vel damnis. Sed nos fratres, semper respiciamus ad Christum flagellatum, & in eo consolabimur. Necesse est etiam iustum conspuī & respui. Spretus & contemptus fuit Ioseph inter fratres: Spiritus quoq; David à suis dicentibus: Quid nobis & filio Isai? Spretus & Iob à suis inter aduersa: Spretus & Dominus, & vocatus filius fabri, & consputus, & inter iniquos proiectus. Apostoli similiter spreti & facti tanquam purgamentum & omnium peripsema. Nos quoq; fratres si iusti sumus, necesse est nos à mundanis conspuī & expui. Sed nos fratres contemnamus nos contemni, & respicientes ad Christum consputum, in eo consolabimur. Necesse est quoque iustum ad cœlos tendentem crucifigi & mori. Abel iustus ab impio fratre occisus est: Esaias ferratus est: Hieremias lapidatus est: Christus crucifixus est: Apostoli & Sancti martyres, variis tormentis passi sunt. Nos quoque fratres si ad cœlum ascendere volumus, necesse est crucifigi mundo, & si non materiali supplicio, tamen voluntario, ut scilicet mortificemus membra nostra quę sunt super terram secundū illud Apostoli: Mortui estis, & vita vestra abscondita est cum Christo in Deo. Sed etiam fratres, mors corporalis benignē à nobis expectanda & excipienda est. Necesse est etiam fratres mei, iustū resurgere de vitiis ad virtutem, de morte ad vitam, de tenebris ad lucē, ut quemadmodum Christus resurrexit à mortuis, ita & nos in nouitate vitę ambulemus. Oremus igitur fratres charissimi Dominum, ut ipse trahat nos post se, faciat ab imis ad alta consurgere: Det nobis suarum benedictiones gratiarum, ut eius passionem, resurrectionem, & ascensionem, quantum possumus, imitemur.

Sequitur: *At illi nihil bonū intellexerūt. Erat enim verbum absconditum ab eis.* Idem hodie contingit fratres charissimi: Nam cum prædicamus carnalibus hominibus,

K. 2 quod

2. Cor. 4.

Colos. 3.

Rom. 6.

HOMILIAE

quod iustos oporteat in hoc mundo tradi, illudi, flagellari, conspui, mori, & resurgere: vel non intelligunt, vel cōtemnunt. Est enim diuinum iudicium eis absconditū. Et quando vident hīc iustum pati, putant eum vel non curari, vel reprobari. *Cum autem appropinquaret Ierico, quidam cæcus sedebat secūs viam mendicans.* Hoc est secundū Capitulum, in quo Dominus postquā prędixit Discipulis suis passionem & mortem suā, illuminat cæcum. In quo fratres charissimi, ostendit se mori sponte, qui cæcos poterat illuminare. Appropinquans verò Ierico, illuminat cecū. Porro Ierico luna interpretatur, per quam defectus nostrę mortalitatis intelligitur. Dum ergo Deus ad defectus nostrę mortalitatis accedit, humanū genus propter primam pręuaricationem excæcat, vel ad Dei lucem intelligendam reddit. Fuit autem non parui meriti iste cæcus, fratres mei. Habuit enim patiētiā, fidem, orationis instantiā, petitionis electionem, impetrationem, obedientiā, gratiarum actionem. Patientiā quippē habuit, quia quamuis duplici miseria, paupertate scilicet, & cæcitate premeretur, non desperat, sed innocentiam seruans mauult mendicare, quā furari, quā rapere, quā scelerari. Et hoc contra quosdam qui flagellis Domini abutuntur: Et de quibus debuerunt fieri meliores, fiunt peiores. Et cum exigentibus meritis suis, aporiantur, vel excæcantur exterius, non corriguntur, sed excæcantur, & aporiantur interius, & fiunt vsurarij, puriuri, rapaces, & fures. De qualibus dicitur: Curauimus Babylonem, & non est sanata. Et alibi: Omnes isti æs & stannum, in medio fornacis. Dominus enim, quantum in se est, eos per flagella sanat, sed ipsi non sanantur, sed sunt tanquam æs & stannum, cum rubigne sua in medio tribulationis. Sicut autem abundans, si Eleemosynā comedat, dicitur comedere peccata populi, ita pauper viuens de eleemosyna, viuit de gratia. Fidem verò (teste Domino) cæcus habuit, quia cum, quē tam instanter vt sui miseretur, vt se illuminaret, rogauit, hoc cum posse nō dubitauit: Et hoc cōtrarios est, qui dubiē & hēsitando petūt. Vnde Iacobus: Si quis indiget sapientiā, postulet à Domino nihil hēsitans. Nam qui hēsitat, similis est fluctui maris, qui à vēto mouetur,

Luc. 12.

Ierico luna interpretatur.

Cæci patientia.

Flagellis Domini non abutendum.

Hier. 51.

Ezech. 22.

ed. 1700.

Cæci fides.

Iaco. 1.

mouetur, & circumfertur. Non autem æstimet homo talis, quod accipiat aliquid à Deo. Quantum autem vera fides ad impetrandum valeat, ostendit Dominus dicens: Si habueritis fidem quantū granum sinapis, dicetis monti huic, transfer te, & iacta te in mare, & fiet. Cū ergo fratres postulamus, cum magna fiducia fidei, quod postulandum est, postulemus. Orationis quoque instantiā habuit, quia quantō magis à turbis præeuntibus inceptabatur, ut taceret, tantō magis clamabat. Fili David miserere mei. Usquequo & tumultum turbarū vinceret, & Iesum transeuntem, ad standum & ad miserandum cōmoueret. Quem nos imitantes, fratres charissimi, clamemus totis visceribus cordis ad eum. Fili David miserere nobis.

*Matt. 17.
Luc. 17.*

Ceci orationis instantia.

Et si turbæ, & tumultus vanarum cogitationum, vel malignorum spirituum, ut frequenter cōtingit, nos orantes disturbant & impediunt, ut ab oratione cessemus, Iesus propter teporem mentis nostræ nobis transit. Sed nos fratres, turbas & phantasmata cogitationum, à nobis totis viribus repellamus: Et quantō plus nos infestant, tantō magis clamemus: Fili David miserere nobis. Et tunc profectō Chriſtus in cordibus nostris stabit, & nos per gratiam suam illuminabit. Petitionis electionē habuit, quia interrogatus à Domino quid vis, ut faciā tibi? Non petiit à Domino sicut à puris hominibus solebat panem temporalem vel argentum, vel aliquid tale: sed lucem, & puto quòd vtrumque petiit, sicut vtrumque accepit. Quem nos fratres imitantes, petamus à Deo patre luminū, non aliquid transitorium, sed lucem: nec lucem quæ loco clauditur, & tempore terminatur, sed lucem diuinæ visionis.

Petitionis ceci electio.

Impetrationē habuit, quia sicut postulauerat, & exterius & interius illuminatus fuit, quādo dictum est ei: *Respice, fides tua te saluum fecit, & confestim vidit.* Quem nos fratres imitantes, nos illuminationem æternam impetraturos confidamus, si in feruenti postulatione perseverauerimus. Obedientiam habuit, quia postquam vidit, cum sequutus est. Videt enim & sequitur qui bonum quod intelligit, operatur. Quod nos indignos prædicatores redarguit, qui per scientiam videmus, & tamen per operationem Chriſtum non sequimur. Viam aliis demonstramus

Impetratio ceci.

Obedientia ceci.

HOMILIAE

Luce. 12.

& tamen nos pergere non curamus. Moneamus igitur nosmet fratres charissimi, ad faciendum quod scimus, & quod prædicamus: quoniam seruus sciens voluntatem Domini sui, & non faciens, plagis vapulabit multis. Gratiarum quoque actionem cæcus illuminatori suo egit, & alios exemplo suo agere fecit, quoniam subiungitur: *Et sequebatur eum magnificans Deum: Et omnis plebs, ut vidit, dedit laudem Deo.* Nos quoque fratres mei, de immensis beneficiis non sumus iugrati, sed ex toto corde, verbo & opere gratias agamus, eius laudibus quantum possimus, in hoc seculo insistamus, ut in æternum eum videre & laudare mereamur. Per Dominum nostrum Iesum Christum qui cum Patre & Spiritu sancto viuit & regnat Deus, per omnia secula seculorum, Amen.

FERIA QVARTA IN capite leiunij.

Ioel. 2.

Conuertimini ad me in toto corde vestro, in ieiunio & fletu, & planctu. & scindite corda vestra, & non vestimenta vestra, &c. His verbis, fratres charissimi, olim hortabatur Dominus per Prophetam Populum suum, qui peccando recesserat à se, conuerti ad se. Porro quæ olim dixit Iudæis, nunc quoque dicit nobis. Sunt autem huius lectionis quatuor partes: Primò enim monet populum suum, qui peccando recesserat à se, conuerti ad se. Porro quæ olim dixit Iudæis, nunc quoque dicit nobis. Sunt autem huius lectionis quatuor partes. Primò enim monet populum suum peccatorum ad se conuertit. Secundò ponit causam quare debeat conuerti. Tertiò ostendit qui debeant conuerti. Quartò qua utilitate. Primò igitur fratres, monet nos Dominus ad se conuerti, cum dicit: *Conuertimini ad me.* Ecce fratres mei, quanta sunt viscera pietatis diuinæ. Rogat nos qui rogari debuit. Offensus Dominus, rogat seruum fugitiuum. Offensus sponsus, rogat redire sponsam adulterantem. Unde ipse per Ieremiam Prophetam Iudææ cum dæmonibus adulteranti clamat: Si redeccens vxor à viro, duxerit virum alterum, nunquid reuertetur ad eam ultra? Nunquid non polluta & contaminata erit mulier illa? Tu autem fornicata es cum amatoribus multis, tamen reuertere ad me

Ierem. 3.

medicit Dominus. Quotiens enim, fratres mei, anima criminaliter transgreditur, totiens legitimum sponsum dimittit, & cū diabolo mœchatur. Hanc tamē hanc, infinitæ misericordiæ Domini hortatur, vt recedat: Et iuxta Prophetam rogat, vt audiat vocem post tergū morientis. *Conuertimini inquit, ad me.* Et quasi quæremus, quonodo ad te conuertemur? Modum adiungit: *In toto corde vestro.* Quidam, sunt qui cōuertuntur ad Deum, sed non in toto corde. Non enim in toto corde ad Deum conuertitur, qui quoddam vitium propter Deum deserit, & in alio adhuc moratur. Quod fratres mei, omnino caueamus. Nam impietas est, à Deo qui summa iustitia est veniam sperare dimidiatam. Deus enim aut omnia dimittit, aut nihil. Propterea quid prodest fratres mei, sauciato omnia vulnera curasse, si vnum restat mortiferum? Quid prodest etiā omnes aditus castri obseruasse, si vnus restat pertus per quem irruat inimicus? Itaque fratres mei, omnia peccata à nobis auertamus, vt toto corde ad Deum conuertamur. Sed nec hoc sufficit, nisi perpetrata etiā peccata in nobis puniamus. Vnde & subdit, *in ieiunio, & fletu & planctu.* In duobus enim vera consistit poenitentia: in euitatione peccati, & satisfactione commissi. Poenitentia enim est perpetrata mala plangere, & plangenda non committere. Ad vtrumque hic monet nos ne committamus plangenda, cū ait: *Conuertimini in toto corde.* Et plangamus perpetrata, cū ait: *In ieiunio & fletu, & planctu, & scindite corda vestra, & nō vestimenta vestra?* Per hoc enim satisfactio de commissis peccatis nobis demonstratur, quæ consistit in tribus, in satisfactione operis, in compunctione mentis, in confessione oris. Porro ad satisfactionem operis nos hortatur cū dicit: *In ieiunio.* Et quia non sufficit sine cordis poenitudine & compunctione subsequenter ad compunctionem mentis nos hortatur cū dicit: *in fletu & planctu.* Per fletum quippe & planctum, interior compunctio Sacerdoti propalatur. Sed quinec operis satisfactio, nec mentis compunctio sufficit ne oris confessione, habenti tempus & locum, ad confessionē nos hortatur, cū subdit. *Et scindite corda vestra.* Quidā etenim sunt qui peccata sua tenent

*Quonodo
anima mori-
tatur.*

*Poenitentia
quid.*

*Satisfactio
in tribus
consistit.*

Confessio

abscoudita in corde, tanquam putredinem in vlcere. Sed scitis fratres mei, quia vlcus non sanatur, nisi puredo prius eliciatur. Vt ergo vlcera cordis nostri sanentur, puredo peccatorum per confessionem propaletur. Ad hoc fratres mei, nos hortatur exēplo sui & alius Propheta ad ieiuniū, cū ait: Genua mea infirmata sunt à ieiunio. Et alibi: Quia sicut cinerem tanquā panē manducabam. Et ad cōpunctionem, cū subdit. Et poculum meum ei fletu miscebā. Et alibi: A voce gemitus mei adhæsit os meū carni meæ. Quasi diceret: Tātus erat dolor gemitus mei, quod ossa adhæserunt meæ carni. Et quis nostrum miserimorū peccatorū facit hodie, quæ ille tam magnus & tam sanctus Rex dicit se fecisse? Idem rursus exēplo sui ad confessionem nos hortatur, cū dicit. Delictū reum cognitum tibi feci, & iniustitiam meā non abscondi: Dixi confitebor iniustitiam meam Domino, & tu remisisti impietatem peccati mei. Porro in hoc quod postquam ait: Scindite corda vestra, adiungit. Et non vestimenta vestra, morē reprehēdit Iudæorum, qui in afflictionibus induebant vestimēta sua, magis quā corda sua. Quorietiam hodie similes sunt, qui pœnitentiam magis in exterioribus volunt ostentare, quā in interioribus habere.

Sequitur pars secunda, in qua ponit causam quare debeamus conuerti. Quia benignus, inquit, & misericors est, patiens & multū misericors præstabilis super malis. Quasi diceret: Conuertimini ad Deum, quia ille facis est ad recipiēdum, quia benignus est naturaliter, & omne bonū diligens. Et misericors etiam erga peccatores, qui non si statim conuertantur, ipse tamen est patiens, eos ad pœnitentiam expectans. Qui si abutantur Dei patientia, crimina criminibus addentes, ipse tamen super peccata multa est multum misericors: Intantum vt etiam si præstabilis super malitia, id est, eius misericordia præstet, & præualeat omni malitiæ: quoniam nulla quantacūque malitia, diuinam potest vincere misericordiam. Ecce fratres mei, quid sufficit pensare viscera diuinæ misericordiæ. Ergo fratres nullus quantumcūque flagitiosus, quantumcūque facinorosus desperet, sed currat ad patrem Dauid, qui iuxta Prophetam est patens in absolutione mens struatur,

Psal. 108.

Psal. 101.

Psal. 31.

struatæ, quoniam omni conuerso Deus conuertitur? Et illi soli venia denegatur, qui ad Deum conuerti designantur. *Qui scit, inquit, si conuertatur, & ignoscat Deus. Et relinquat post se benedictionem? Sacrificium & Libamē Domino Deo nostro? Quasi nullus.* Ponitur autem hæc coniunctio, si, pro quòd non: sicut & ibi: Quibus iuravi in ira mea, si introibunt in requiem meā. Ac si dicatur: Nul-
 lus nouit quod Deus nō conuertatur, imò semper ad nos eum conuerti sperare potius debemus, quia piger ad pœnas, Princeps ad præmia, velox nec obliuiscetur misereri Deus, nec continebit in ira sua misericordias suas, sed relinquent post se, id est, cōuersis, benedictionē, sacrificium & libamen. Benedictio dicitur donū siue gratia realiter, quia propter eam donans benedicitur. Sacrificium verò fiebat olim de carnibus: Libamē de liquidis. Porro fratres mei, dum peccator perseuerat in peccato, Deo nec benedicere, nec sacrificare, nec libare potest: quia nec est speciosa laus in ore peccatoris. Et iuxta Sapiētem, victimæ impiorum abominabiles. Sed Deus conuersus dat peccatori gratiam, aperiens eius labia, prius in vita, vt iam eum benedicere possit: dat & ei sacrificium, id est, mētis deuotionem: igne Sancti spiritus concrematam, vnde Deo sacrificare & placere possit, dat quoque ei libamen, id est, lachrymosam contemplationē, qua hic cœlestia desiderare, & quodammodo prælibare possit. Oremus ergo eum, fratres mei, vt secundum infinitam suam misericordiam cōuertatur, & ignoscat Deus nobis, & relinquat nobis post se conuersis benedictionem gratiæ suæ, vnde ipsum benedicere valeamus. Et sacrificium cordis deuoti & compuncti amore suo concremati, vnde ipsum delectare possimus. Et libamen lachrymarum contemplari, vnde gloriam bonitatis suæ in hac valle lachrymarum prælibare præspirare, & prædesiderare queamus.

Sequitur pars tertia, in qua qui conuerti debeant, ostēdit: *Canite tuba in Sion, &c.* Fratres mei, plaga generalis, generali indiget medicina. Si enim vnus peccasset, singulari remedio curari potuisset. Sed sicut olim in tempore Iudæorum, ita & nunc in tempore Christianorum. Omnes declinauerunt, simul inutiles facti sunt, non est qui fa-

Zach. 13.

Quibus venia denegatur.

Isa. 2.

Psal. 94.

Benedictio quid.

Prou. 15.

Plaga generalis generali indiget medicina.

Psal. 13. 52.

HOMILIAE

Isa. 6.

Psal. 119.

Mich. 7.

Osee. 4.

Peccata

populi.

Iob. 25.

*Quomodo
Ecclesia
sanctifica-
tur.*

erat bonum, nō est vsque ad vnū. Et sicut ait Esaias: Omne caput languidum, & omne cor moerens, à planta pedis vsque ad verticē non est in eo sanitas. Ferē nullum in toto corpore Ecclesiae membrū est, quod sit sanum. Nos enim Sacerdotes, & Doctores Ecclesiae, qui deberemus esse lux mundi, quod sine gemitu nequeo dicere, potius sumus fumantes quā flammantes. Et si lumen quod in Ecclesia est, tenebrae sunt, ipsae, inquit, tenebrae quātae erunt? Quales sunt Principes terrarū & iudices? Raptores sunt, ut ait Propheta, impiis vespertinis & tributis, & exactionibus deuorāt plebem, sicut escam panis. Et qualis est populus? Omnes in sanguine insidiantur, & vir fratrem suum venatur ad mortem. Non est veritas, non est misericordia, non est scientia Dei in terra. Maledictum, mendacium, homicidium, furtum, adulterium, inundauerunt, & sanguis sanguinem tetigit. Quia ergo omnes declinauerunt, omnes hortatur Propheta ad pœnitentiam: ut cum generali edicto omnes ad Ecclesiam conuocentur, cū ait: *Canite tuba in Sion.* Quod nos fratres mei, hodie fecimus, quando cum campanis ad Ecclesiam nos vocati sumus. *Sanctificaste,* inquit, *ieiunium.* Ieiunium fratres, per se nullius meriti habetur, nisi bonis operibus sanctificetur. Monet ergo nos, ut per euitationē mali, & operationē boni, ieiunium nostrum sanctificemus. Et tunc præcipuē orationi, elemosynae, vigiliis, & cæteris bonis studiis insistamus. Deinde omnem gradum, omnem ætatem, omnem sexū præcipit conuocari: Maiores cū ait: *Conuocate cæcum:* qui quasi irrationabiles conuocantur: Minores, cū ait: *Congregate populum,* qui quasi irrationabiles & bruti congregari debent & cogi. Ætatem, cū ait: *Coadunate senes & iuvenes vbera,* quoniam nemo mūdus à sorde, nec etiam infans cuius vita est vnus diei super terram, qui & si non actualiter, tamē originaliter maculatur. Sextum cū ait: *Egredietur sponsus de cubili suo, & sponsa de thalamo suo.* Quos idē diuidit, quoniam in tempore ieiuniorū à complexibus est abstinendum. Interponit etiam sanctificare Ecclesiam. Ecclesia autem sanctificatur, quādo omne malum de ea auferitur. Sæpē enim peccatum vnus personæ in totam redundat Ecclesiam. Nec solū peccatum Principis,

epiſ, vt David: vel Sacerdotis, vt filiorum Heli: ſed priuata perſonæ, vt peccatum Achor, qui furatus eſt laminam auream de anathemate Hierico, ob cuius peccatum multi de populo ceciderunt. Hæc itaque fratres mei, formidantes, de medio Eccleſiæ propellamus ſacrilegos, & præcipuè excommunicatos & contumaces, ne ob contagium vnius ſcelerati, pereant multi. Quod contra illos eſt qui excommunicatis communicare non timent, non attendentes quoniam qui tangit immundum, immundus eſt: & qui communicat excommunicato, excommunicatus eſt. Cùm autem omnes moneat Propheta ad pœnitentiam & emendationem, præcipuè monet Sacerdotes. Quoniam ſicut ruina Sacerdotum, eſt ruina populi, ita eorum profectus, eſt profectus populi. Qui non ſolùm pro ſuis, imò pro aliorum peccatis tenentur plorare & orare, vnde & ſubdit: *Inter veſtibu- lum & altare plorabant Sacerdotes mi- niſtri Domini, & dicebant: Parce Domine, parce populo tuo, &c.* Porro tria iubet eos fratres, ſtare inter veſtibu- lum & altare, plorare, & pro populo orare. Inter veſtibu- lum & altare, id eſt, inter Deū & populū debent ſtare Sacerdotes mediij, ordine, familiaritate, & mediatione. Mediij ordine debent eſſe, vt ſicut ſunt maiores quantum ad Deum, ita ſint maiores quātum ad populū. Non enim debet eſſe Sacerdos vt populus. Mediij familiaritate, vt, ſcilicet, cum Deo & cum hominibus ſint familiares per dilectionem. Mediij meditatione, vt, ſcilicet per interceſſionem ſuam poſſint reconciliare & populum Deo, & Deum populo. Plorare etiam eos iubet, non ſolùm ſua, ſed etiam aliorum peccata. Sicut enim Sacerdotes viuunt de oblationibus & eleemoſynis fidelium, ita plorando, ieiunando, & cætera bona faciendo, debent portare peccata eorum, vt ſicut populus portat laborem pro Sacerdote in temporalibus, ita Sacerdos portat onus pro populo in ſpiritualibus. Sic plorabat Samuël Saul, cùm audiuit à Domino. Uſquequò tu luges Saul: cùm ego proiecerim eum? Orare etiam eos iubet, non ſolum pro ſuis, ſed etiam pro aliorum peccatis. Vnde tam pura & munda debet eſſe eorum oratio, vt Deum iratū poſſint placare, & populo reconciliare.

Iofua 7.

*Ruina ſacerdotum,
eſt ruina
populi.*

1. Reg. 14.

Sequitur

HOMILIAE

Sequitur pars quarta, in qua ostēditur quæ utilitas sequitur ex pœnitentia, cū subdit. *Et zelatus est Dominus populum suum, & pepercit populo suo.* Quasi diceret, quem aduersum minatus fuerat, conuersum zelatur & recipit. *Ecce ego, inquit, mittam vobis frumentum, vinū & oleum, & letabimini in eis.* Olim Iudæi carnales, qui ob carnalia seruiebant, carnalibus promissis gaudebant. Vt nos fratres, si spirituales sumus, non promittit nobis ad se conuersis temporale framentum, vinū, aut oleum, quæ etiam infidelibus largitur, sed potius promittit nobis spirituale frumentum, vinum & oleum. Per frumentū quippè quod prius ornat mensam, & cor hominis confortat, significatur prima virtutum fides, quæ mentem hominis confirmat. Per vinum, quod lætificat & inebriat mentem hominis, significatur spes cœlestium, quæ mentem nostram exhilarat, & desiderio vitæ cœlestis inebriat. Per oleum quod superfertur omnibus liquoribus, significatur charitas quæ omnibus virtutibus superfertur. Has igitur magnarum charismata virtutum promittit nobis conuersis Dominus, vt in eis, & hic inter aduersa huius seculi, & in futuro in æterna beatitudine lætemur contemplantes & benedicentes Deum in secula Amen.

FERIA QUARTA IN CAPITE

ieiuniorum.

Mat. 6.

Cum ieiunatis, nolite fieri sicut hypocritæ tristes. Quomodo fratres charissimi, nobis sit ieiunandum. Dominus in hac lectione nobis ostēdit, præcipit enim nobis quatuor, videlicet, vt habeamus rectam intentionē in ieiunio, in mente, misericordiæ compassionem, in conscientia mundiciam, in cœlo thesauri repositionem. Præcipit igitur primo nobis, vt in ieiunio habeamus rectam intentionem, non simulationem, cū ait: *Cum ieiunatis, nolite fieri sicut hypocritæ tristes*, id est, nolite ad modum hypocritarum tristitiam simulare. *Extermināt enim facies suas, vt appareant hominibus ieiunantes.* Non autem fratres charissimi, prohibet Dominus ieiunantibus tristitiā, nec pallorem vultus, nec candorem vestis, nec cætera huiusmodi, quæ sunt signa pœnitentiæ, quæ iuste coram Deo à multis habentur religiosis. Non prohibet siquidem ne habeant.

Per frumentum
fides significatur.
Per vinum
spes cœlestium.

habeantur, sed ne habere appetantur. Vnde non ait: Nolite fieri tristes, sed nolite fieri sicut hypocritæ tristes. *Qui* enim tristatur de suorum recordatione peccatorū, vel de alieno malo, vel de dilauone patriæ cœlestis, bene contristatur. Vnde Propheta: Cor cōtritum & humiliatū Deus *psal. 50.* non despiciet. Et alibi: Heu me, quia incolatus meus prolongatus est. *Qui* verò tristatur de amissione rerum temporalium, vel de aliqua re vana vel mala, malè tristatur. Hypocritæ verò vel non tristantur, sed tristitiam simulant, vel si tristantur, simulāt intentionem: quia simulant se ex bona intentione contristari: cū ipsi de dilatione vanæ gloriæ, quam desiderant, contristantur. Quod vt melius possint simulare, à naturali colore, exterminant faciē suā, & artificiose eam pallere faciunt, sed quæ eius utilitas? *Amen dico vobis, receperunt mercedem suam.* Laudem scilicet humanam, propter quam totū illud faciebant. Cū igitur fratres mei, ieiunatis, cū elemosynam datis, vel cū aliquid aliud bonum facitis, non faciatis illud ad laudem hominum, sed ad amorem Dei promerendum. Nam quæ vita miserabilior est vitæ hypocritæ, qui ob vanos hominum rumusculos & præsentem vitam perdet & futuram. Porro fratres mei, perfectis, qui gloriam hominum non appetunt, & oblatam contemnunt, non est necesse pallorum vultus, & squallorem vestis euitare, vel sua bona opera abscondere, imò & peccarent, si absconderent. Quoniam talibus dictum est. Sic luceat lux vestra coram hominibus, vt glorificent Patrem vestrum qui in cœlis est. Imperfectis verò, qui gloriam hominum nondum pernitent cōtinent, & laudem oblatam respuere nesciunt, euitandus est pallor, tristitia & squalor vestis, & bona sua occultè facienda. Vnde & iuxta literam huiusmodi inperfecto subdit Dominus, dicens: *Tu autem cū ieiunas, unge caput oleo,* quod scilicet Palæstini in solennitatibus faciebant. *Et faciem tuam lauā, ne videaris hominibus ieiunans, sed patri tuo qui videt in abscondito:* Et pater tuus qui videt in abscondito, id est in conscientia, reddet tibi. Spiritualiter verò præcipit Dominus in his verbis ieiunantem habere in mente misericordiam. Oleo namque quod supernat, omniū liquoribus, misericordia significat.

Vita hypocritæ miserabilis.

Mat. 5.

quæ superexaltat iudicium. Vnde & oleos Græcè, misericordia dicitur Latinè. Per caput verò mens significatur, quæ in toto homine principalur. Præcipit ergo Dominus ieiunantem oleo caput ungere, id est, gratia misericordiz mentem impinguare. Est enim mens arida, quæ oleo non est impinguita. Quales sunt (vnde dolendum est) hodie multi, qui miserorum dolore, miseria & anxietate non magis mouentur, quàm si non homines, sed lapides essent. Sunt enim, vt ait Apostolus, sine affectione, sine misericordia, sine fœdere. Qui sicut immiserordes sunt, ita summum iudicem sibi sentient immisericordem. Scriptum est enim: Iudicium sine misericordia fieri ei qui non facit misericordiam. Et Dominus in Euangelio: Nisi remiseritis ex corde fratribus vestris, nec pater vester cœlestis remittet vobis. Econtrario verò de piis & misericordibus Dominus dicit: Beati misericordes, quoniam ipsi consequentur misericordiam. Itaque fratres mei, excludamus à nobis omnem duritiam & inhumanitatem, & induamus viscera misericordiz. Et cum in omni tempore debeamus pinguescere oleo misericordiz, iuxta illud: Oleum à capite tuo non deficiat, tamen præcipuè in diebus ieiuniorum misericordiam debemus perseruare, quando de peccatis nostris misericordiam expectamus. Scriptum est enim: Misericordiam volo & non sacrificium. Misericordia sine ieiunio valet, ieiunium sine misericordia valere non potest. Cum igitur ieiunamus fratres mei, primò misericordiam habeamus in nos, iuxta illud: Misereri animæ tuæ placens Deo. Animæ nostræ tunc misereamur, quādo à seruitute vitiorum eam per penitentiam reuocamus, Misereamur & proximorū nostrorum in nos peccantiū, eis dimittendo. Misereamur & maiorū hominū, pro eis supplicando. Misereamur afflictorū & pauperū, eis subueniēdo, iuxta quod Esaïas dicit: Frange esurienti panem tuum, & egenos, vagosque induc in domū tuā. Cum videris nudum, operi eum, & carnē tuā ne despexeris. Præcipit quoq; Dominus ieiunantē habere munditiā in conscientia, si spiritualiter intelligamus hoc quod dicit, faciem tuam laua. Facies quippè per quā nos cognoscit Deus, conscientia est. Hanc ergo præcipit per

pœnitentiam lauari: iuxta illud: Lauamini, mundi estote, auferte mala cogitationū vestrarum, &c. Et illud Psālmistę: Amplius laua me ab iniquitate mea, & à peccato meo munda me. Porro sine munda conscientia, nec ieiunium, nec aliud bonū opus valet. Vnde Dominus per Esaiam: Nunquid hoc est ieiuniū, dicit Dominus? quasi circulum contorquere caput suum, & saccum, & cinere sternere? nōne hoc est matus ieiunium quod elegi? Dissolue colligationes impietatis, depone fasciculos deprimentes. Lauemus ergo fratres mei, maculas conscientię nostrę, singultibus, suspiriis, & lachrymis verę pœnitentię: quoniam lachrymę lauant delictum, quod pudor est ori confiteri. Non quod lachrymę sine confessione sufficiant, sed quia pudor ex crimine auget lachrymas in confitente. Faciamus fratres, quod Psālmista exemplo sui nos facere monet: Laboraui in gemitu meo, lauabo per singulas noctes lectum meum, lachrymis meis stratum meū rigabo. Pręcipit etiam Dominus ieiunantem habere in cœlo thesauri sui repositionem, cū subdit: *Nolite thesaurizare vobis in terra.* In terra thesaurizat, qui vel ad literam diuitias suas in terra, & ob terrenam intentionem abscondit, vel qui spem suam in terrenis ponit. In cœlo verò thesaurizat, qui ad literam per opera misericordię & iustitię, diuitias suas in cœlum transfert: vel mysticę qui totam spem suam in cœlestibus cōfert. Quare autem in terra nō sit thesaurizandū, ostendit cū subdit: *Vbi erugo & tinea demolitur, & fures effodiunt & furantur.* Porro erugo corrodit metalla, tinea vestes: quod ab his non tangitur, fures furantur. Per hæc ergo tria, omnis avarorum thesaurus perdendus esse significatur, aut enim relinquent diuitias suas, aut re'inquentur ab illis. Vnde scriptum est: *Qui congregauit diuitias, misit eas in sacculum pertusum.* Et alibi: *Thesaurizat & ignorat, cui congregauit ea.* Quoniam cū interierit, non sumet omnia, neque cum eo condescendit gloria eius. Mysticę verò erugo, id est, superbia, & tinea, id est, inuidia: & fures, id est, dæmones, thesauros sperantium in terrenis dissipant & perdunt. Spem verò thesaurizantium in cœlo, nec superbia, nec inuidia, nec dæmones corrum-

Esai. 1.
Psalm. 130.

Esai. 58.

Psalm. 6.

Eccl. 1.
Psalm. 38.

Erugo superbia significat, & tinea inuidia.

perre

pere possunt. Aliam enim causam, ob quam non in terra, sed in cœlo thesaurizandum est, ponit cùm subdit: *Ubi est thesaurus tuus, ibi est & cor tuum*. Ac si diceret: quoniam cor nostrum in cœlestibus, non in terrenis figere debemus, ideo thesaurum spei nostrę semper in cœlo collocare debemus, ut multa antequā moriamur per eleemosynas ad cœlū transmittamus. Nam si recolligamus quot quotidie in vñibus corporis, quot in vanis, quot in malis expendamus, ferē nulla videbuntur, quę pro salute animę nostrę fecerimus: cùm omnia pro salute eius facere deberemus. Ploremus ergo fratres, nihil vel parum nos in cœlo thesaurisasse: & quod minus fecimus facere festinemus. Cogitemus quanta quotidie pro corpore expendimus, & plura pro salute animę expendere satagamus. Illa quę pro corpore expendimus, perdita reputemus.

Illā quę pro anima expendimus, benē collata gaudeamus: quatenus tam thesaurus, quā cor nostrum sit in cœlo. Et cùm illuc in resurrectione ascenderimus, indeficientem thesaurum inueniamus: per Dominum nostrum Iesum Christum, qui cum Patre & Spiritu sancto vivit & regnat Deus in æternum, Amen.

DOMINICA I. QUADRAGESIMAE.

1. Cor. 6.

Hortamur vos ne in vacuum gratiā Dei recipiatis, &c. Duobus capitulis distinguitur hæc lectio, fratres charissimi: In primo duo facit Apostolus. Primò hortatur ne gratiam Dei vacuum in nobis habeamus: secundò ostendit quam gratiam præcipuē in vacuum non debeamus habere. Hortans igitur nos primò ne vacua sit in nobis gratia Dei, ait: Hortamur vos, ne in vacuum gratiam Dei recipiatis. Gratia fratres charissimi, dicitur, quicquid gratis datur. Nos autem nihil boni habemus, quod à Deo gratis non acceperimus. Vnde idem Apostolus ait alibi: Quid habes quod non accepisti? Itaque fratres, quicquid sumus, quicquid possumus, quicquid possidemus, Dei donum & Dei gratia est. Hortatur igitur nos Apostolus, ut quaecunque à Deo acceptam gratiam non in vacuum habeamus. Sunt autem quatuor modi quibus gratia Dei in vacuum habetur. Primus est, quando de accepta gratia aliquis Deo ingratus existit: de quo Dominus arguit no-

1. Cor. 7.

Noli quatuor quibus gratia Dei in vacuum habetur.

uam

nem leproſos, nōne, inquit, decē mundatī ſunt, & nouē
vbi ſunt? Non eſt inuentus qui rediret, & daret gloriam
Deo, niſi hic alienigena. Porro qui de accepta gratia Deo
ingratus exiſtit, meretur non ſolū non accipere gra-
tiam accipiendam, ſed etiam perdere perceptam. Hinc eſt
quod ſæpē videmus nonnullos qui cū acceperint à Deo
bonū ingeniū, vel magnā ſcientiam, qui tamen ſuq̃
perbiunt, & Deo auctori ingrati exiſtunt, accepta gratia
in eis non augmentatur, ſed potius minoratur. Quidam
verò ſunt, qui etſi in proſperis gratias agant, ſecundū
illū? Conſitebūtur tibi cū benefeceris eis, tamē in ad-
uerſis tacent, vel murmurāt, vel etiam, quod peius eſt fla-
gellis, tempore & ordinationi Dei, & ita gratiæ Dei, malē
dicunt. Sunt quippē flagella quibus nos Deus corripit,
gratia magna, & miſericordiæ ſuæ magnæ ſigna. Flāgel-
lat enim pater filium quem diligit. Sicut ecōtrariō, nō fla-
gellare delinquentē, diuinæ irē ſignum eſt, ipſo aſſertantē
per Prophetam: Iam, inquit, non irāſcar tibi, zelus meus
receſſit à te. Hoc intelligens Sapiens, de illatis flagellis
Deum benedicit, & ei gratias agit. Hinc eſt quod ſanctus
Iob, vxore ſibi imperante, vt benediceret Deo, & morerē-
tur, ait: Si bona ſuſcepimus de manu Domini, malā au-
tem quare non ſuſtineamus? Dominus dedit, Dominus
abſtulit, ſicut Domino placuit, ita factū eſt: ſit nomen
Domini benedictum. Nos itaq̃ fratres chariſſimi, huius
exemplo, tam in proſperis quā in aduerſis, Deo gratias
agamus. In aduerſis enim lætari & Deum benedicere tan-
tū eſt bonorum, cū in proſperis benedicere, poſſit eſſe
etiam malorum. Porro parum placet Deo vox confesſio-
nis, quā format exultatiō proſperitatis. Sed in die man-
dauit Dominus miſericordiam ſuam, & nocte canticū
eius, vt ſcilicet in proſperis eleemoſynam faciamus, & in
aduerſis Deo pſallamus. Secundus modus eſt, quando
quis acceptam gratiam inutiliter abſcondit, de quo dam-
natur iuxta Euangelicā parabolā, piger ille ſeruus,
qui acceptum abſcondit in terra talentū. Quod enim
ibi talentū, hic graria nuncupatur. Damnatur igitur
fratres, quicunque acceptam gratiā à Deo, ſiue ſapientiā,
ſiue diuitias, ſiue poteſtatē, ſiue miniſterium, ſiue quālibet

Luc. 17.

Pſal. 42.

Flagella, ſi-
gna miſeri-
cordiæ
Dei.Heb. 12.
Ezech. 16.

Iob. 1.

Eccl. 2.

Pſal. 14.

Mat. 25.

libet aliam rem, non vitur & distribuit, ad profectum animarum. In quo & illud pensandum est, quoniam talentum quod pigro aufertur, alij qui perceptis benè egerat, confertur. Quod quotidi fratres charissimi, videmus, quoniam gratia pigro aufertur, & ei qui in cæteris probus fuerat, confertur. Itaque fratres, gratiam à Deo acceptam non inutiliter abscondamus, sed eam alijs communicemus, vt inde & nobis & alijs proficiamus. Scriptum est enim: Qui abscondit frumenta, maledicetur in populis. Et alibi: Non retineas verbum in tempore salutis.

Proner. 11.

Eccle. 4.

Eccle. 30.

Et alibi: Thesaurus absconditus & sapientia abscondita, quæ utilitas in vtrisque. Sapientia enim nobilis possessio, distributa suscipit incrementum, & avarum dedignata possessorem, nisi publicetur, elabatur. Tertius modus est, quando aliquis accepta gratia abutitur: vt ille qui scientia, vel diuitiis, vel potestate, vel qualibet alia re, malè vitur, inde persequendo Deum & proximum, vnde Deo

Qui Dei gratia abutitur.

Osee. 2. 13.

& proximo debuit seruire. Vnde Dominus per Oseam arguit Israëlitas, quod aurum, quod argentum, frumentum & vinum, lanam & linum, à Deo sibi præstita, Baal Deo suo offerebant. Quod etiam hodie faciunt qui sapientiam, vel eloquentiam, vt abundantiam, vel cætera bona sibi à Deo collata, contra Deum in vsu criminum & diaboli seruitio expendunt. Nos ergo fratres, Deo de donis suis seruiamus, & ad eum, à quo solo habemus, omnia referamus, qui solus est Alpha & ω, omnium scilicet bonorum initium & finis. Quartus modus est, quando aliquis acceptam gratiam perseueranter nō custodit. Nullum enim bonum, quod perseuerantia caret, Deo placere valet. Vnde in lege præcipitur, vt caput animalis cum cauda in sacrificijs offeratur. Quoniam ille benè sacrificat, qui benè incipit & benè consummat. Hinc etiam Dominus per Ioannem dicit: Esto fidelis vsque ad mortem, & dabo tibi coronam vitæ. Ac si diceret, alias non dabo. Hinc per Ezechielem dicitur: Si aduersus fuerit iustus, & fecerit iniquitatem, in iniquitate sua morietur: & omnes iustitiæ eius quas fecerat, non recordabuntur. Vos ergo fratres mei, qui per peccata à Deo auersi estis, per penitentiam citò conuertimini. Vos verò qui in bono proposito estis.

Apoc. 1.

cap. 12.

Gratis custodienda.

Apoc. 2.

Ezech. 3.

perseuerate, de bono in melius in finem vsque perseuerantes. Secundò ostendit Apostolus quam gratiam nos hortetur nō in vacuū habere, cum subdit: *Aut enim Dominus*, scilicet per Esaiam Prophetā, de tempore gratiæ: *Tempore accepto exaudiui te, & in die salutis adiuui te*, gratiam, scilicet cooperantem conferendo. Quod Apostolus exponēs, subdit: *Ecce nunc tempus acceptabile, ecce nūc dies salutis*, scilicet promerendæ. Ergo fratres mei, gratia quam hortatur nos Apostolus, non in vacuum recipere, est gratia operās, qua Deus operatur primò in nobis sine nobis, cordis contritionem dando & peccata dimittendo. Est gratia cooperans, qua Deus post operatur in nobis & cum nobis, dans nobis facultatem vt faciamus bonum. Ipsum etiam tempus gratiæ, in quo Deus non solū gratias, sed etiam propriū sanguinē dedit in redemptionem generis humani, gratia potest appellari, in quo Deus plus quā in cæteris temporibus propitius est peccatori, gratias impium iustificando, & gratias adiutrices conferendo. Itaq; fratres mei, qui primam gratiam, id est, peccatorum remissionem iam perceperit, ingratus vel inutilis existendo, caueat ne in vacuum eam perceperit, qui verò neutram adhuc in peccato perdurans accepit, timeat ne tempus acceptabile, & diem salutis transeat otiose, sed potius tempore accepto clamet, vt Deus exaudiat eum, & trahat eum de lacu miseriæ & de luto fæcis. Clamet, inquā, dum licet, & pœniteat dum tempus habet. Quoniam pœnitentia in hac vita tantū valere potest, & salus promereri potest. In alia vita verò non erit tempus seminandi, sed metendi: non promerendi, sed accipiendi. Propterea fratres charissimi, omni vigilantia caueamus, ne tempus nobis præstitum ad salutē promerendam, in vacuum expendamus. Sed heu fratres, quod sine gemitu dicere nequeo, spatium temporis datum ad pœnitentiam negligimus, & quando deberemus fieri peccata, ea augemus. Magnā temporis partē transimus dormiendo, magnam otio vacando, magnam malè agendo. Ecce fratres, præterit dies hesternā nō amplius reditura, & præsens hora iam non erit. Omne tempus more fluij iremeabiliter transit. Itaque fratres, illud modicum temporis, quod nobis à

*Gratia
operans.
Gratia
cooperās.*

*Clamandū
et pœnitendū
dum dum
licet.*

*Spatium
temporis
datum ad
pœnitentiam
nō negligendum.*

HOMILIAE

Tempus
perditū
quando.

Deo datur, non inutiliter transcamus. Perdimus enim omne tempus illud, in quo de Deo, & de anima nostra non cogitamus. Videamus igitur ne diem, ne horam amittamus. Sed sicut solebant antiqui Patres in sero omnem diurnum laborem, & in manè nocturnam cogitationem, vel delectationem ad memoriam reuocemus. Et si quid mali contraximus, pœnitentia tergamus: si quid boni magis augeamus, & tempus in quo nihil boni fecimus, nos amisisse ploremus: & in tempore quod superest nobis, amissi damnum temporis recôpensare satagamus. Cùm autem vniuersum tempus obseruandum sit nobis, maximè Quadragesimale tempus obseruare debemus.

Joël. t.

Quomodo
sanctifica-
tur ieiun-
ium.

Hoc enim quasi decima totius anni Deo consecrandum est, ut in hoc emendemus quod in cæteris tēporibus transgressi sumus. Celebrate itaque fratres mei, inchoata ieiunia, nōn qualicunq; modo, sed sicut ait Propheta Isai: Sanctificate ieiunium. Sanctificatur enim ieiunium per pœnitentiam, per eleēmosynam, & per orationē. Sic maceretur corpus per ieiuniū, abstinentiam, quod humilietur & purificetur anima per pœnitentiam, Dei misericordia imploretur per eleēmosynam, mala repellantur & bona impetrantur per orationē. Considerate ieiuniū vestrum, quia propter vos ieiunauit Dominus noster Iesus Christus, qui cum Patre & Spiritu sancto uiuit & regnat Deus, per omnia secula seculorum, Amen.

DOMINICA I. QVADRAGESIMAE.

e. Cor. 6.

Nemini dantes ullam offensionem, vt non vituperetur ministerium nostrum, sed in omnibus exhibeamus nos sicut Dei ministros, &c. In hoc secundo capitulo fratres charissimi, hortatur nos Apostolus, vt irreprehensibiles tanquam Dei ministros nos exhibeamus. Cum autē ministri Dei vniuersaliter possint dici, quicūque gratiam à Deo sibi datam rectē administrant, tamen ad ministros sanctę Ecclesię specialiter refertur. Nos ergo fratres mei, qui sumus ministri altaris, & dispensatores verbi Dei, monet Apostolus, vt in omnibus exhibeamus nosmetipsos, sicut Dei ministros. Sicut enim iuxta Salomonem, malus Princeps impios habet ministros: ita contrariō conueniens est, vt sanctus Dominus sanctos habeat ministros.

Ministri
vniuersa-
liter, qui.
Pron. 29.

Levit. 19.
80.

fros.

fros. Vnde ipse ait: Sancti estote, quoniam ego sanctus
 sum. Multum enim Deū exacerbatur minister sceleris. Pecca-
 tori autem dicit Deus. Quare tu enarras iustitias meas,
 & assumis testamentum meum per os tuū. Enumerat igitur
 Apostolus sex, in quibus præcipue nos tanquam Dei
 ministros debemus exhibere. In cuitatione offensionis,
 in patientia afflictionis, in operibus bonis, in virtutibus,
 in verbo rectæ prædicationis, in iusto vsu prosperitatis &
 aduersitatis. Primum igitur monet ut exhibeamus nos sicut
 Dei ministros in cuitatione offensionis, cum dicit: *Nemi-*
nudantes ullam offensionem, ut non vituperetur ministeriū
nostrum: Videlicet, ut nec per inobedientiā, nec per negli-
 gentiam offendamus Deum, nec læsione, nec malo ver-
 bo, nec malo exemplo proximum. Porro cum omnes de-
 beant cauere, ne Deū per inobedientiā offendant, præ-
 cipue nos ministri Christi, qui etiam pro aliorum offensis
 intercedere debemus. Nam si aliquis de populo offendit,
 orabit pro eo Sacerdos. Si autē Sacerdos offenderit, quis
 orabit pro eo. Et si incantator percussus à serpente fuerit,
 quis medebitur ei? Cauemus etiam fratres, ne per negli-
 gentiam Deum offendamus, quoniam iuxta Hieremiam,
 maledictus, qui opus Dei negligenter agit. Corripiebat
 quidem Heli filios suos, sed quia tepidē & negligenter
 hoc fecit, quod perditionem cum eis incurrit. Hoc con-
 tra quosdam nostrum est fratres, qui in diuino officio, in
 prædicatione & correctione, in oratione, & lectione, &
 in cæteris tepidi & negligentes sumus, cum iuxta Ioan-
 nem, Christus tepidos euomat. Et iuxta Sapientem: *Homo*
disolutus in operibus suis, sit super opera sua dissi-
pantis. Læsione quoque, proximum nos ministri Christi
 offendere non debemus, quin potius lædentes prohibere
 debemus & arcere. Nam percussorem Episcopum esse
 Apostolus prohibet, & ille cum condemnat, qui dorsum
 suum exposuit ad flagella, & maledictus non remale-
 dixit. Cauere etiam nos ministri Christi debemus, ne di-
 cto proximum offendamus, ut, scilicet non simus maledi-
 ci, nec iuratores, nec detractores, nec scurræ, nec turpilo-
 qui, sed magis sermo noster sale sapientiæ conditus sit, ut
 præstet gratiam audientibus. Cauemus etiam ne malo

Psal. 40.
In quibus
Dei mini-
stri se de-
bent exhi-
bere.

Eccle. 12.

Iere. 48.

2. Reg. 3.

Apo. 3.

Mores mi-
nistrorum
Ecclesie
quales esse
debent.

HOMILIAE

exemplo alios errare faciamus. Offensionē quoque suo exemplo aliis ponit, qui vel malè vel indiscretè agit. Propterea minister Christi caueat, ne penitus mala faciat, nec etiam bona indiscretè. Quod facit qui vel per cibum, vel per aliquod mediocre bonum scandalum ponit. Vnde

Rom. 14. Apostolus: Si cibo fratrem tuum offendis, iam non secundum charitatem ambulas. Propter offensionem enim fratrum, non solum mala, sed etiam bona omnia illa, si ne quibus haberi potest salus, euitanda sunt. Secundò præcipit, vt exhibeamus nos sicut Dei ministros, in patientia. Quæ in quibus necessaria sit, subiungit: *In tribulationibus*, scilicet persecutionum. Iuxta illud: Fili, accedens ad seruitutem Dei, præpara animam tuam ad temptationem. Et hoc contra illos est, qui volunt esse Episcopi, Sacerdotes & ministri Christi, vt hic pacem & tranquillitatem habeant, cum Dominus mittens discipulos suos ad prædicandum, eis dixerit: Ecce ego mitto vos sicut agnos inter lupos. *In necessitatibus*, subaudi famis, frigoris & paupertatis. Et hoc contra illos, qui Episcopi, Sacerdotes, & ministri Christi volunt fieri, vt hic abundant diuitiis & deliciis: cum econtra Magister noster, qui hic fuit pauper, non habens vbi caput reclinaret, dicat:

Eccle. 2.

Mat. 19.
Episcopi,
Sacerdotes

Qui mihi ministrat, me sequatur. Sed quomodo fratres, diuitiis oneratus discipulus nudum & expeditum Magistrum potest sequi? *In angustiis*, scilicet, periculorum. Et hoc cōtra illos est qui prælati & ministri Ecclesiarum, ad hoc volunt fieri, vt sint securi. Qui enim plurium est custos, plus vnde timeat, habet. Persona quippè priuata de se sola timet. At pastor, & si de se securus est, tamen eum de ouibus semper timere necesse est, qui totiens periclitatur, quotiens aliqua ouium suarum periclitatur. *In plagis*, scilicet verberū, *in carceribus*, scilicet vinculorum. *In seditionibus*, populorum, scilicet contra se commotionibus. Et hoc contra illos, qui idèò volunt fieri primates & doctores Ecclesiarum, vt sine iuriā, sine contumeliā, sine inquietatione viuānt. Verūm si veri discipuli Christi sunt, iniurias & contumelias patientur: Cum ipse Magister dicat: Non est discipulus super magistrum. Si me persequuti sunt, & vos persequentur. Et alibi: Amen dico

Qui plurium
est custos,
plus habet
vnde timeat.
Pastoris est
de ouibus
timere.

Luc. 6.

Qui me persequuti sunt, & vos persequentur. Et alibi: Amen dico

vobis, quia plorabitis & flebitis vos, mundus autem gaudebit. Qui autem in seculo nescit pati vel plorare, probat seipsum discipulum Christi non esse. Tertiò præcipit vt exhibeamus nos sicut Dei ministros, in bonis operibus. In quibus? *In laboribus.* Et hoc contra illos est, qui magistri Ecclesiarum ad hoc volunt esse, vt otiosi & desidiosi fiant. Cùm ipse, qui hoc dicit Apostolus, propriis manibus laborauerit, & alios laborare fecerit, & dixerit: Qui non laborat, non manducet. Et Psalmista: Labores manuum tuarum quia manducabis. Beatus es & benè tibi erit. Et Hieronymus: Semper, inquit, aliquid operis age, vt diabolus inueniat te occupatum. Otiositas enim inimica est animæ. Et hoc contra illos Ecclesiarum magistros, qui relictis laboribus necessariis, venationibus, aleis, ludis & cæteris vanitatibus intendunt. In vigiliis debent esse ministri Christi, vigiles semper esse, non solum in orationibus, sed etiã in regimine subditorum. Et hoc contra illos, qui vix etiã orto Sole ad Ecclesiam surgere volunt, qui in cura salamentorum & voluptatum plus vigilant, quàm in custodia animarum. *In ieiuniis,* ieiunare debet minister Christi, & vt desideria carnis mortificet in se, & vt alios exemplo sui doceat ieiunare. Nam Sacerdos præpinguis & rubeus, quæ fronte aliis abstinence & carnis macerationem audebit prædicare? Quartò præcepit, vt exhibeamus nos sicut Dei ministros, in virtutibus. In quibus? *In castitate.* Cùm castitas omnem deceat personam, præcipue decet Sacerdotem. Vnde & in lege quando Sacerdotes ministrabant in templo, separare iuebantur, & ab vxoribus, & à vino. Ipsi etiam gentiles, non nisi cautos constituebant Sacerdotes. Quorum si aliquis vel aliqua de fornicatione concuinceretur, viuens interficiebatur. Qualis ergo debet esse Sacerdos Euangelicus, qui assidue tenetur nō animal, non incensum, sed Dei filiū immolare? Hæc quo animo, qua audacia Sacerdos concubinarius, corde & corpore pollutus, audet contingere virginis filium mūdatorum animarum? *Et scientia,* diuinæ ū, scilicet, & mundanarum rerum, quæ si cum charitate habeatur, vtique virtus est. Et hoc contra illos qui dicunt parvam scientiam sufficere

Ican. 16.

Magistri
Ecclesiarum
desidiosi.

2. Thes. 3.

Psal. 127.

Hierony.

Minister
Christi
ieiunare
debet.Castitas
deceat
omnem
personam.Sacerdos
Euangelicus.

*Sacerdos
debet scire
utrunque
testamen-
tum.*

sacerdoti. Quem enim plus est necesse sapere, quàm iudi-
cem animarum? Debet igitur utrūque scire testamentum, ut
utroque cornu ventilet inimicos crucis Christi. Et sit sem-
per paratus reddere rationē de illa fide & spe, quæ in no-
bis est. Et sit similis parti familiæ, qui profert de thesauro
suo noua & vetera. *In longanimitate*, patientiæ scilicet &
spei, ut nulla grauedine, vel longitudine aduersitatum à vir-
tute patientiæ & spei faveat. Et hoc contra illos, qui quo-
libet damno etiā temporali mouentur & muliebriter plo-
rant: cum ministrum Christi, tanta deceat fortitudo, ut om-
nia temporalia ridens amittat. *In suauitate*, scilicet ut mi-
nister Christi non execretur, non irrideat peccatores, sed
potius suauitate verbi, & exempli & veniæ, illos alat & al-
liciat. Et hoc contra illos, qui arroganter intonant & exe-
crantur in populum sibi commissum, calamum conquassatum
conterentes, & lignum fumigans extinguentes. *In spiritu
sancto*. Ac si diceret: Non solum habeat minister Christi
hanc vel illam virtutem, sed etiā ipsum fontem gratiarum, Spi-
ritum sanctum: *In charitate non ficta*, ut scilicet non diliga-
mus verbo, neque lingua, sed opere & veritate. Ficta est cha-
ritas cum quis diligit in prosperis, & deficit in aduersis. Hoc
contra illos qui blandis verbis, liberalibus promissis, & fi-
ctis obsequiis diuites venerantur, quam non habent in-
terius, exterius dilectionem simulantes. Quinto præcipit ut
exhibeamus nosmetipsos sicut Dei ministros in verbo ve-
ritatis, secundum illud Esa. Clama ne cesses, quasi tuba ex-
alta vocem tuam, & annuntia populo meo scelera eorum,
& domui Iacob peccata eorum. Et alibi: Vix mihi quia
tacui. Et Apostolus: Prædica, inquit, verbum Dei, inquit oportu-
nè, importunè. Debet autem verbum prædicator prædi-
care non suum, sed veritatis, quia scriptum est: Annuuntia-
bis eis ex me. Et Petrus: Si quis loquitur, inquit, quasi
sermone Dei. *In virtute Dei*, subaudi verbo veritatis
proficiente: Quia nisi sit intus qui doceat, in vanum lin-
gua laborat doctoris. Quia nec qui plantat, nec qui rigat,
aliquid est, sed qui incrementum dat Deus. Et hoc contra
illos est, qui sunt stulti & superbi: & qui se tantum in ver-
bis suis, & in virtute sua, & in sapientia sua, non ut profi-
ciant, sed ut gloriosi appareant.

1. Ioan. 3.

*Charitas
ficta.*

Esa. 38.

Esa. 6.

1. Tim. 4.

Ezech. 3.

1. Pet. 4.

1. Cor. 3.

Sextò præcipit, *ut exhibeamus nos sicut Dei ministros,* in recto usu prosperitatis & aduersitatis. Quod fiet, si muniti fuerimus, *per arma iustitiæ à dextris & à sinistris:* Vt, videlicet iustitia armemur, contra prospera, & contra aduersa, ut illa valeamus iustè moderari, & ista æquanimiter pati. Exponensque dexteræ partes & sinistræ subiungit: *Per gloriam & ignobilitatem,* subaudis exhibeamus nos sicut Dei ministros, ut scilicet nec per vanam gloriam nobilitatis vel virtutis extollamur, nec per ignobilitatem huius vel illius deiiciamur. Quod certè contra illos est, qui nobilitatem parentum suorum iactitant, vel ignobilitatem illorum erubescunt: *Per infamiam & bonam famam,* Vt videlicet infamiam, bonorum operum splendore superemus. Vel si ora detractorum, nec per bona opera obstrui possunt, æquanimiter feramus, scientes quia Christus dictus fuit seductor, vorax, potator vini, & amator meretricum, ut Mariæ Magdalene, & Publicanorum, ut Matthæi. Bonam verò famam & operibus probemus, & per eam non nostram, sed Dei gloriam queramus, & perfectum proximum. Iuxta illud: Sic luceant opera vestra bona coram hominibus, ut glorificent patrem vestrum qui in cælis est. Quod verò dixerat per infamiam & bonam famam, exponens subdit. *Ut seductores & veraces.* A quibusdam enim habemur ut seductores, & tamen habemur ab aliis & sumus veraces. Sicut qui ignoti & reprobati habemur à quibusdam, & tamen sumus cogniti Deo: *Quasi morientes,* id est digni morte dicimur à quibusdam. *Et ecce viuimus,* & hic vita virtutū, & in futuro vita æterna, ut castigati, propter peccata nostra dicimur à quibusdam, & tamen non sumus mortificati. Notandum verò est fratres mei, quod ait Apostolus: *Ut seductores, sicut qui ignoti; quasi morientes:* Et econtrario dixit, sine, ut sine, sicut sine, quasi veraces, noti viuimus: quoniam sanctorum debet esse in prædicatore sanctitas, quod non possit aliquis malè dicere de eo, nisi mentièdo. *Quasi tristes,* subaudi sumus inter miseras huius seculi: & tamè in spe vitæ cælestis sumus gaudentes. Sicut egentes, rebus scilicet temporalibus; tamen multos diuitiis cælestibus locupletantes. *Tanquam nihil habentes, & omnia possidentes.*

Partes dextera & sinistra.

Mat. 23.

Mat. 9.

*Sacerdos
debet scire
vtrunque
testamen-
tum.*

sacerdoti. Quem enim plus est necesse sapere, quàm iudi-
cem animarum? Debet igitur vtrūque scire testamentum, vt
vtrouque cornu ventilet inimicos crucis Christi. Et sit sem-
per paratus reddere rationē de illa fide & spe, quæ in no-
bis est. Et sit similis paterfamilias, qui profert de thesauro
suo noua & vetera. *In longanimitate*, patientiæ scilicet &
spei, vt nulla grauedine, vel longitudine aduersitatum à vir-
tute patientiæ & spei fassat. Et hoc contra illos, qui quo-
libet damno etiā temporali mouentur & muliebriter plo-
rant: cum ministrum Christi, tanta deceat fortitudo, vt om-
nia temporalia ridens amittat. *In suauitate*, scilicet vt mi-
nister Christi non excretur, non irrideat peccatores, sed
potius suauitate verbi, & exempli & veniæ, illos alac & al-
liciat. Et hoc contra illos, qui arroganter intonant & ex-
crantur in populū sibi commissum, calamum conquassatum
conterentes, & lignum fumigans extinguentes. *In spiritu
sancto*. Ac si diceret: Non solum habeat minister Christi
hanc vel illam virtutē, sed etiā ipsum fontē gratiarum, Spi-
ritum sanctum: *In charitate non ficta*, vt scilicet non diliga-
mus verbo, neq; lingua; sed opere & veritate. Ficta est cha-
ritas cū quis diligit in prosperis, & deficit in aduersis. Hoc
contra illos qui blandis verbis, liberalibus promissis, & si-
dis obsequiis diuites venerantur, quam non habent in-
terius, exterius dilectionē simulantes. Quinto præcipit vt
exhibeamus nosmetipsos sicut Dei ministros in verbo ve-
ritatis, secundū illud Esa. Clama ne cesses, quasi tuba ex-
alta vocem tuam, & annuntia populo meo scelera eorum,
& domui Iacob peccata eorum. Et alibi: Vix mihi quia
tacui. Et Apostolus: Prædica, inquit, verbum Dei, in omni oportu-
nitate, importunè. Debet autem verbum prædicator prædi-
care non suum, sed veritatis, quia scriptum est: *Ansuntia-
bis eis ex me*. Et Petrus: Si quis loquitur, inquit, quasi
sermōnes Dei. *In virtute Dei*, subaudi verbo veritatis
proficiente: Quia nisi sit intus qui doceat, in vanum lin-
gua laborat doctoris. Quia nec qui plantat, nec qui rigat,
aliquid est, sed qui incrementum dat. Deus. Et hoc contra
illos est, qui sunt stulti & superbi: & qui sestant in ver-
bis suis, & in virtute sua, & in sapientia sua, non vt profi-
ciant, sed vt gloriosi appareant.

1. Ioh. 3.

*Charitas
ficta.*

Esa. 58.

Esa. 6.

1. Tim. 4.

Exech. 3.

1. Pet. 4.

1. Cor. 3.

Sextò præcipit, *ut exhibeamus nos sicut Dei ministros,* in recto usu prosperitatis & aduersitatis. Quod fiet, si muniti fuerimus, *per arma iustitiæ à dextris & à sinistris:* Ut, videlicet iustitiâ armemur, contra prospera, & contra aduersa, ut illa valeamus iustè moderari, & ista æquanimiter pati. Exponensque dexteræ partes & sinistræ subiungit: *Per gloriam & ignobilitatem,* subaudis exhibeamus nos sicut Dei ministros, ut scilicet nec per vanam gloriam nobilitatis vel virtutis extollamur, nec per ignobilitatem huius vel illius deiciamur. Quod cerè contra illos est, qui nobilitatem parentum suorum iactitant, vel ignobilitatem illorum erubescunt: *Per infamiam & bonâ famam,* Ut videlicet infamiam, bonorum operum splendore superemus. Vel si ora detractorum, nec per bona opera obstrui possunt, æquanimiter feramus, scientes quia Christus dictus fuit seductor, vorax, potator vini, & amator meretricum, ut Mariæ Magdalene, & Publicanorum, ut Matthæi. Bonam verò famam & operibus probemus, & per eam non nostram, sed Dei gloriam queramus, & pro festum proximorum. Iuxta illud: Sic luceant opera vestra bona coram hominibus, ut glorificent patrem vestrum qui in cælis est. Quod verò dixerat per infamiam & bonam famam, exponens subdit, *Ut seductores & veraces.* A quibusdam enim habemur ut seductores, & tamen habemur ab aliis & sumus veraces. Sicut qui ignoti & reprobati habemur à quibusdam, & tamen sumus cogniti Deo: *Quasi morientes,* id est digni morte dicimur à quibusdam. Et ecce viuimus, & hic vita virtutū, & in futuro vita æterna, ut castigati, propter peccata nostra dicimur à quibusdam, & tamen non sumus mortificati. Notandum verò est fratres mei, quod ait Apostolus: *Ut seductores, sicut qui ignoti; quasi morientes:* Et econtrario dixit, sine, ut sine, sicut sine, quasi veraces, noti viuimus: quoniam tanta debet esse in prædicatore sanctitas, quod non possit aliquis malè dicere de eo, nisi mentièdo. *Quasi tristes,* subaudi sumus inter miseras huius seculi; & tamen in spe vitæ cœlestis sumus gaudentes. Sicut egentes, rebus scilicet temporalibus; tamen multos diuitiis cœlestibus locupletantes. *Tanquam nihil habentes, & omnia possidentes.*

Partes dexterae & sinistrae.

Mat. 23.

Mat. 9.

*Tempora-
lia nō verē
sunt.*

Psal. 75.

dentēs. Pensandum quoque est hīc fratres mei, quoniam sicut tristes, sicut egentes, tanquam nihil possidentes dicie Apostolus: Et absolute dicie gaudētes, locuplentētes, omnia possidentes. Ostendens quod omnia temporalia non verē sunt, sed quasi in somnio apparent. Sicut enim loquitur qui in somno aliquid vidit, quasi equitabā, quasi curarebam, & huiusmodi. Spirituality verō & celestia bona, verē sunt, quoniam sempiterna. Diuitiis quippē fratres mei, & gloriæ & honores huius mundi, ita citō euanescent, quod post mortem, nec etiam fuisse videantur. Unde Psalmista: Dormierunt, inquit somnum suum, & nihil inuenerunt viri diuitiarum in manibus suis. Contra verō tristitia, egestas, & ignobilitas, quas patiuntur Sancti in hoc seculo, sic citō transibūt, ut post quasi somnum fuisse videantur. In futuro verō dabitur e contrario diuitibus pro vanis diuitiis vera & æterna paupertas: pro vana lætitia, vera & æterna tristitia: pro vanis honoribus, vera & æterna ignominia. Sanctis verō dabitur, pro vana huius seculi tristitia, vera & æterna lætitia: pro vana egestate, vera & æterna diuitiis: pro vana ignobilitate, verus & æternus honor. Quibus nos adiungat Deus & Dominus noster, qui in trinitate perfectus vivit & regnat Deus, Amen.

DOMINICA PRIMA

Mat. 4.

Quadragesimæ.
D*Vetus est Iesus in desertum à spiritu, ut tentaretur à diabolo. Et cū ieiunasset quadraginta diebus & quadraginta noctibus, postea esuruit. Quoniam quadragesimalis Christi ieiunium hodie fratres charissimi inchoamus, conuenienter euangelica lectio historiam huius ieiunii continēs hodie recitatur. In qua lectione hic primum nobis quærendū videtur, quare Christus Deus & Dominus noster, qui in sua sanctissima carne nullam penitus sensit rebellionē, ieiunare voluit & tentari. Ieiunare igitur & tentari voluit ob tres causas: ob ministeriū, ob triūphum, ob exemplum. Ob ministeriū, quoniam voluit demonstrare se & suum ieiuniū per legē & Prophetas fuisse præfiguratū. Ieiunauit quippē Legislator Moyses quadraginta diebus: ieiunauit quoque & Elias eximius Prophetarum.*

Quare Christus ieiunare & tentari voluit.

phetarum totidem diebus. Ieiunauit etiam & Christus legis & Prophetarum Dominus, totidem diebus. In quibus & præmia ieiunantium pariter fratres attendamus. Ieiunauit Moyses quadraginta diebus, & loquutus est cum Deo, & accepit legem. Ieiunat quoque & Helias, & cum Deo loquitur, & flammeo rapitur curru. Ieiunat etiam Christus, & accedentes Angeli, ei ministrant. Sed cum Moyses & Helias homines utique puri, post quadraginta dierum ieiuniū, non leguntur esurisse. quare Christus verus Deus voluit esurire? Triplici de causa, vt, scilicet se verum hominem demonstraret: vt sua esurie voluntaria, nostram necessariam redimeret, vt esuriendo, tentandi occasio nem diabolo præberet. Ob triumphum quoque voluit Dominus ieiunare & tentari, vt, scilicet nobis de carne, de diabolo, & de mundo triumpharet. Vicerat quippè diabolus primum hominem parentem nostrum, tentando eum de tribus, de gula, de cupiditate, de vana gloria. De gula eum tentauit & vicit, quando eum ambire scientiam boni & mali persuasit. De vana gloria siue superbia eum tentauit & vicit, quando vt ambiret, vt Deus esset, ei persuasit. In his tribus fratres charissimi, tota mundi malitia continetur, à quibus nos dehortatur Ioannes, dicens: Nolite diligere mundum, nec ea quæ in mundo sunt: quoniam quicquid in mundo est, est concupiscentia carnis, aut oculorum, aut superbia vitæ, quæ non est ex Deo patre. His tribus victus homo, fuit subiectus omni malitiæ carnis, mundi, & diaboli. Ieiunare igitur & tentari voluit Christus, vt nobis triumpharet de diabolo, carne simul & mundo. Diabolus quidem in iisdem tribus tentauerat & vicerat Adam. Tentauit & Christum, sed ab eo deuietus est. De gula quippè tentauit eum, cum dixit: Si filius Dei es, dic vt lapides isti panes fiant. Sed in tentatione sua Christus eum succumbit, cum ei dicit: Non in solo pane viuit homo, sed in omni verbo quod procedit de ore Dei. Ac si diceret: In tēdando, de solo pane corporali mentionem facis, cū homini magis sit necessarius spiritualis. De cupiditate tētauit Christū, cū ei dixit: Hæc omnia tibi dabo, si cadens adoraueris me. Sed in ipsa tētatione à Christo superatur, cū ei dicitur: Scriptum est, Dominum

Post ieiunium Moyses accepit legem.

Quare Christus esuriit.

1. Ioan. 2.

Deum

HOMILIAE

Nulla creatura eo cultu in quo Deus adoranda est. Deum tuum adorabis, & illi soli seruias. Ac si diceret: Nulla creatura eo cultu quo Deus adoranda est. De vana gloria siue de superbia tentauit eum, cum dixit ei: Si filius Dei es, mitte te deorsum. Scriptum est enim: quia angelis suis Deus mandauit de te, ut custodiant te in omnibus viis tuis. In manibus portabunt te, ne unquam offendas ad lapidem pedem tuum. Sed in ipsa sua tentatione à Christo superatus, cum ei dicitur: Non tentabis Dominum Deum tuum. Ac si diceret: Non est Deus tentandus, cum de ratione habemus quid faciamus. Porro cum diabolus hac præcipue intentione Christum tentaret, ut tentando an filius Dei esset, (quod maximè scire cupiebat) exploraret, Dominus ita eius tentationes respondendo superat, ut eum semper dubium relinquat. Non enim ait, me adorabis, vel me non tentabis, sed tantum in tertja persona testimonia legis induxit. Sic igitur diabolus victus & confusus fugit. Et ecce Angeli accedentes ad Christum ministrabant ei. Quod victorie signum est simul & deitatis. Ob exemplum etiam ieiunare & tentare voluit Christus, ut, videlicet, exemplo suo quomodo ieiunare, & quomodo tentationibus resistere debemus, demonstraret. Nec in faciendis solum instruxit nos, sed & in ordine faciendorum. Primò quippè baptizatur in spiritu, & mox à spiritu ducitur in desertum. Ieiunat, esurit, tentatur, superat, & ministratur ei. Nos quoque fratres charissimi, sequentes exemplum saluatoris nostri, si purè ieiunare volumus, prius in spiritu baptizemur. Sed quoniam nos post baptismum lapsi, iterum rebaptizari non possumus, saltem vel per poenitentiam, quæ est in Ecclesia, lauachrum, emundemur: iuxta illud Esaiæ: Lauamini, mundi estote, auferte malum cogitationum vestrarum ab oculis meis: Quiescite agere peruerse, & discite benefacere. Poenitentia enim præcedere debet ieiunium, sine qua, nec ieiunium, nec aliquod bonum placere potest. Ut ergo Deo nostrum possit placere ieiunium, mox in principio quadragesimæ, festinemus ad lauachrum poenitentiae. Mundati verò per poenitentiae spiritum, non per nos, sed in seipso duce spiritu ducamur in desertum, id est in vitam religionis. Quæ bene fratres dicitur desertum, quia à multis deseritur, & à paucis colitur, tum quia

non habet luxus & luxurias voluptatū, sed sequitur asperitatem virtutum, tendens sursum per arduam viam & angustam. In hoc igitur, fratres charissimi, deserto, ieiunemus quadraginta diebus, id est per totā hanc vitam presentem, quæ per quatuor tempora protelatur. Ieiunium autem est tam spirituale quàm corporale. Spirituale ieiunium est ieiunare à peccato. Corporale ieiunium, est abstinere à cibo. Porro spirituale ieiuniū sine corporali semper valet: Corporale verò sine spirituali, nunquam valet. Vnde Dominus per Esaiam: Quod est, inquit, ieiunium quod elegi? nunquid tanquam circulum contorquere caput suum, & saccum & cinerem sternere? Nōne hoc est ieiunium quod elegi, dicit Dominus? Dissolve colligationes impietatis, pone fasculos deprimentes. Ieiunemus igitur, fratres, dupliciter, & à peccato in mente, & à cibo in corpore. Verum, fratres, nobis qui per multa illicita offendimus, non sufficit, nisi etiam à quibusdam licitis abstinemus. Itaque ut per abstermentiam à licitis expiemus, ea quæ commisimus in illicitis omnibus, sed etiam à licitis quibusdam ieiunemus, ut cū liceat nobis edere pisces, bibere vinum, molliter indui & iacere, abstermentiamus. Et quod ita facere debeamus, ostēdit Dominus, qui ieiunantes Israëlitas, non solum de illicitis, sed etiam de quibusdam licitis reprehendit, per Esaiam dicens: In diebus ieiuniorum vestrorum inveniuntur voluntates vestræ. Ecce ad lites & contentiones ieiunatis, & percutitis pugno impiē, & omnes debitores vestros repetitis. Ecce arguit eos de hoc quod debitores suos repetebant: non quod hoc non sit licitū, sed quia qui vult bene ieiunare, debet etiam à licito, & à quibusdam aliis abstinere. Debemus etiam fratres mei, secundum Ioēlem, sanctificare ieiuniū, quod utique sit per opera pietatis & misericordiæ. Eleēmosyna verò sine ieiunio valet: ieiuniū verò sine eleēmosyna non valet. Vnde Dominus per Prophetā: Cū ieiunatis, nunquid mihi ieiunatis? Et cū manducauistis & bibistis, nōne vobismet mādūcauistis & bibistis? Sibi & nō Deo ieiunāt, & sibi & non Deo manducat & bibit. qui quod ieiunando sibi subtrahit, non pauperibus erogāt, sed sibi percipiendum referuat. Nos ergo fratres mei, cū ieiunamus,

Duplex ieiunium.

Esa. 58.

Sanctificandū ieiunium. Zach. 7.

*Quomodo
ieiunandū.*

mus, Deo non nobis ieiunemus. Quæ nobis subtrahimus, pauperibus tribuamus: ad mensam nostram Christum in pauperibus recipiamus, nudos vestiamus, infirmos visitemus, captiuos redimamus, sicut Dominus monet per Isaiam: Dimitte, inquit, eos qui confracti sunt liberos, & omne onus disrumpe. Frange esurienti panem tuum, & egenos, vagosque induc in domum tuam. Cum videtis nudum, operi eum, & carnem tuam ne despexeris.

*Esuriendū
ad exem-
plum Do-
mini.*

Esurire quoque ad exemplum Domini debemus fratres charissimi, & corporaliter & spiritualiter. Corporaliter esurire debemus, ut videlicet non præueniamus esuriem, nec in fastidium vertamus, nec ultra modum extendamus.

Esuriem, fratres mei, præuenire non debemus, quod faciunt qui comedunt antequam esuriant, qui horam canonicam comedendi non expectant. De quo vitio reprobat Esau: qui modicum esuriei ferre non valens, ob modicum lenticulæ suam vendidit primogenituram. Nos verò fratres, esuriem viriliter portemus, nec nisi in nona vel post nonam panem manducemus. Rursus nec esuriem in fastidium vertamus, quod faciunt qui viles cibos fugientes, delitiosis & exquisitis cibis, vel si hos non inuenerint, vilioribus accuratè & delitiose paratis, gulæ plus satisfaciunt quàm naturæ. Ob primum vitium reprobantur Israëlites,

Israélite.

qui fastidientes manna, carnes malo suo postulauerunt. Ob secundum verò vitium, damnantur filij Heli, qui communes carnes sacrificij fastidientes, accuratè sibi deorsum procurabant. At nos fratres, semper ita esuriamus, ut viles cibos non fastidiamus, sed cibos viles & viliter paratos, quasi dilitias comedamus.

Filij Heli.

Rursus nec esuriem nostram ultra modū protendamus: quod faciunt illi qui duos vel tres dies sine cibo manentes, tandem nimium esurientes nimiam rapiunt refectiōnem: in vtraque nimietate peccantes pariter. Quod nos charissimi, deuitantes quotidie parum comedamus: quia melius est quotidie parum, quàm rarò nimium manducare. Ita igitur comedamus, ut semper esuriamus: & ita semper esuriamus, quod quotidie parum comedamus.

Quod utique ieiunium tantò est sanctius, quantò habet magis temperantiæ, & vanæ gloriæ minus. Spirituali-

ter etiam esurire debemus, illa utique fame, quam Dominus promissit se missurum in terram: famē scilicet non panis, non vini, sed famem verbi Dei: de qua Dominus in Euangelio. Beati, inquit, qui esuriunt & sitiunt iustitiam, quoniam ipsi saturabuntur. Itaque fratres mei, esuriamus verbum Dei lectioni, orationi, & sacre scripturæ meditationi auidē insistentes: esuriamus & sitiamus iustitiam, & hinc eam auidē sectantes, & ad eius futuram in alia vita perfectionem toto desiderio festinantes. Tentari etiam exemplo Christi nos oportet, fratres charissimi, à diabolo, qui bene incipientibus invidet & obstitit. Contra quem Sapiens nos hortatur: fili, inquit, accedens ad servitutem Dei, præpara animam tuam ad tentationem. Quippè quandiu diabolo non resistis, obstitere non curat: sed cum resistere incipis, statim obstitit. Quandiu enim filij Israël fuerunt in Ægypto sub Pharaone, non leguntur tentati fuisse: sed ex quo inceperunt iter per mare rubrum, tentantur de gula, cum quærunt carnes in deserto: in terra promissionis: de luxuria, cum fornicantur cum Madianitis: de idololatria, cum fabricant vitulū: de gloria, cum petunt Sacerdotium & principatum. Hæc omnia fratres mei, in figura contingebant illis. Nos quoque fratres mei, dum diabolo seruimus, nos non tentat, sed cum incipimus ab eo discedere, & per baptismum poenitentiae, & ieiunium deserti ad æternam patriam tendere, statim nos tentat. Sed nos sequentes Christum, qui non per potentiā, sed per humilē responsionem eum devicit: per humilitatem ei resistamus. Si nos suadet comedere, vel ante tempus, vel delitiose, vel intemperanter, ei respondeamus. Non in solo pane vivit homo, sed in omni verbo quod procedit de ore Dei. Si suadet ut sibi, vel pecuniæ, vel luxuriæ seruamus, respondeamus: Scriptum est: Dominum Deum tuū adorabis, & illi soli servies. Si tentat nos de gloria, ut in apertum nos præcipitet periculum, cum habeamus de ratione quid sit faciendum, respondeamus: Non tentabis Dominum Deum tuum. Si tentat nos de luxuria, respondeamus, scriptum est: Adulteros & fornicatores iudicabit Deus. Si de mendacio, respondeamus: Perdes omnes qui loquentur mendacium.

Mat. 5.

Eccl. 1.

Quando
diabolus
non tentat.

Mat. 4.

Heb. 13.

Psal. 5.

1. Ioan. 2.

Si de

Si de odio: respondeamus, scriptum est: Qui odit fratrem suum, homicida est: Et ad similes tentationes, similia inducamus de scripturis testimonia. Si sic fratres, si sic fecerimus, Deo auxiliante vincemus & fugabimus diabolum, & aderunt nobis tanquam victoribus angeli & administratorij spiritus, conciuēs & coadiutores nostri, quibus gaudium est in cœlis coram Domino super vno peccatore repœnitentiam agente, quàm nos purè agere concedat qui pro nobis ieiunauit Iesus Christus Dominus noster qui cū Patre & Spiritu sancto viuit & regnat Deus. Amē.

DOMINICA II. QUADRAGESIMAE.

Philip. 3. **F**ratres rogamus vos & obsecramus in Domino Iesu, *Thef. 4.* vt quemadmodum accipistis à nobis qualiter vos oporteat ambulare & placere Deo, sic & ambuletis vt abundetis magis, &c. In prima huius lectionis parte, fratres charissimi, rogat nos Apostolus, & obsecrat in Domino Iesu id est, per Dominum Iesum adiurat. De quo? non vt mundani homines de salute sua, sed de nostra. In quo ostendit se vt verum magistrum, & verum patrem paterno affectu de nostra salute sollicitum esse. Quem nos quoque charissimi fratres, filiali affectu debemus audire & imitari. Non autem sufficit vero Patri semel filium admonere, sed paterna sollicitudine, eadem ei reiterat sæpè. Sicut ipse alibi dicit: Eadem fratres, repetere vobis, mihi quidā non pigrum, vobis autē necessarium. Hinc est ergo quod admonitionem, quam prius fecerat, repetit cū subdit: *Philip. 3.* Vt quemadmodū accepistis à nobis qualiter oporteat vos ambulare & placere, id est ambulando placere Deo, sic & ambuletis, vt abundetis magis. Comparat autem hic Apostolus vitam ambulationi. Qui enim rectè ambulat, tria facit: proponit sibi metam ad quam festinet, viam intrat, mouet se addendo passum passui, leugam leugæ, dietam dietæ, quousque ad propriam metam perueniat. Sic fratres mei, sic quicumque vult rectè viuere, metam sibi statuat Deum, viam intret, id est fidem teneat. Proficiendo addat bonum opus bono operi: bonum studium, bono studio: bonam dietam, bonæ dietæ: vt sic ad Deum valeat peruenire. Non enim sufficit fides sine operibus habentē locum & tempus, sicut nec via sine progressu. Quia, vt ait

ait Iacobus, fides sine operibus mortua est: & item, dicis quia credis, & dæmones credunt & contremiscunt. Sed nec sufficiunt opera sine fide, sicut nec celerrimus cursus extra viam. Itaque fratres mei, si rectè vultis ire, proponite vobis in omnibus finem Deum. Qui enim vadit & nescit quò, nò ambulat; sed errat. Tenete fidei viam, quia sine fide impossibile est quisquam placere Deo. Proficite etiam in operibus, sine quibus non est promouere, sed remanere. Quæ autem sit recta ambulatio & placita Deo exponit cum subdit: *Hæc est autem voluntas Dei sanctificatio vestra.* In quibus verò consistat sanctificatio, ostendit cum subdit: *ut abstineatis à fornicatione, ut sciat vnusquisque possidere vas suum in sanctificatione & honore, &c.* Consistit autem sanctificatio in duobus in euitatione passionum desiderij per munditiam, & in euitatione offensionis proximi, per innocentiam. Porro spirituales fornicatione ostendit euitandam cum ait: *ut abstineatis à fornicatione.* Dicitur autem idololatria rectè fornicatio, quia sicut per temporalem fornicationem sponsa à sponso separatur, ita per idololatriam anima à spirituali sponso Deo seiungitur. Ideoque fratres semper firma fide Deo adhaereamus, cum nullorum malorum, sed bonorum auctorem credamus. Credamus nos omnia bona quæ habemus ab eo accipere: sola verò mala à nobis esse. Credamus eum quoque remuneratorem omnium bonorum, ultorem verò malorum. Credamus & cetera quæ fides tradidit Catholica. Passiones quoque desiderij monet per munditiā excludendas, cum subdit: *ut sciat vnusquisque possidere vas suum in sanctificatione & honore, non in passionibus desiderij, sicut Gētes quæ ignorant Deum.* Vocat autem cor siue corpus nostrum vas: eò quòd in ministeriū Dei creatum est. De quo alibi idem Apostolus: Nōne licet figulo facere de eadem massa aliud quiddam vas in honorem, aliud verò in contumeliā. Et quiddam fratres mei, Deus omnia corda & corpora nostra, quantum in ipso est, fecit in honorem. Ille verò corpus & cor suum, vas contumeliosum facit, qui per turpitudinem & sceleratam vitiorum, se turpem & immundum reddit. Monet ergo nos Apostolus, ut sciat vnusquisque possidere vas suum: in sanctificatione, id est, emunda

*Fides nō
sufficit sine
operibus.*

Heb. II.

*Sanctifica-
tio in duob.
consistit.
Idololatria.*

Rom. 9.

*Corda &
corpora non
sua facta in
honorem.*

*Passiones
desiderii.*

tione: vt scilicet omnis turpis cogitatio à mēte, & omnia turpis actio à corpore tollatur. Sciat etiam possidere vas suū in honore: vt scilicet cor corpusq; nostrū virtutibus ornetur, vt ita habitatore Spiritu sancto honoretur. *Notz in passionibus*, inquit, *desiderij*. Passiones desiderij vocat omnes turpes voluntates, quibus gentes Deum ignorantes inuoluūtur ignari Dei & vitæ æternæ, more ferino ad omnes carnis voluptates tanquā ad magna bona absque freno currunt. Sed si sunt passionēs, quomodo sunt desiderij, vel si sunt desiderij, quomodo sunt passionēs. Passiones quidem fratres mei, quantū ad spiritū sunt, qui per eas patitur, excæcatur & à Deo separatur. Desiderij verò sunt, quantū ad carnem, quæ in eis temporaliter delectatur.

Psal. 139.

Contra hoc orat Psalmista: Non tradas, inquit, me à desiderio meo peccatori, A desiderio suo peccatori traditur, qui per impletionem desiderati peccati diabolo mancipatur. Hinc etiam per eundem Prophetam Dominus dicit: Et dimisi eos secundum desideria cordis eorum: ibunt in adinventionibus suis. Hoc fratres mei, est signum magnæ iræ Dei, quando peccatoris desiderium non impedit, sed eum in desiderata peccata cadere permittit. Itaque fratres hæc mala desideria fugiamus, & munditiā mentis, (quæ sola videbit Deum) omni vigilātia custodiamus: vt vas cordis & corporis nostri possideamus, & non ab eis possideamur, sed eorum prauos motus reuindamus, vt inhabitatore Deo, honorari mereamur. Offensionem quoque proximi euitandam nobis, monet Apostolus, cū subdit: *Ne quis supergrediatur, vel circumtueniat in negotio fratrem suum*, id est, nec per violentiam, nec per fraudem, nec apertè, nec occultè ei noceat. Hoc præcipuè negotiatores & mercatores confutat, & omnes qui faciunt lucrum sibi cum damno proximi, cum lex dicat naturalis: Non facias alij quod tibi non vis fieri. Qui habent apud se pondus & pōdus, mensuram & mensuram, vlnam & vlnam. Cū dicat Salomō: pondus & pondus, statera & statera, vtrumq; est abominatio apud Deū: Qui iurāt vt fallant, iuxta quod idem Salomon dicit: Malum malum est, dicit omnis Emptor, cū autem recesserit, tunc gloriabitur.

Psal. 8.

*Signum
iræ Dei.*

*Negotia-
tores &
mercato-
res.*

Prov. 20.

Confutat etiam nihilominus illos, qui

qui in iudicio opprimunt pauperem prece vel pretio, iura subuertentes, vt iungant domum ad domum, viniam ad viniam, agrum ad agrum. Quod fratres mei, omni modo cauete, quoniam vt subiungit Apostolus: Deus vindex est talium. Puniet videlicet qui prædicta operantur, vel temporaliter ad purgationem, vel æternaliter ad dñationem. Nos ergo fratres, dum licet peccata nostra lachrymis abstergamus, fide & obedientia Deo adhæreamus, vas nostrum per munditiam sanctificemus, & innocentiam proximis exhibeamus: quoniã, vt subiungit Apostolus: *Non vocauit nos Deus in immunditiam, sed in sanctificationem & honorem, vt simus sancti, sicut & ipse sanctus est*: Misericordes, sicut ipse misericors est. Iusti sicut ipse iustus est: Et in futuro gloriosi, sicut & ipse gloriosus est: dii, sicut ipse Deus est. Quam sanctificationem, & quæ honorem det nobis qui inhonorari voluit propter nos Dominus noster Iesus Christus, qui cum Patre & Spiritu sancto viuunt & regnat Deus. Amen.

DOMINICA II. QVADRAGESIMAE.

Egressus Iesus secessit in partes Tyri & Sidonis: & ecce mulier Chanaanæ de finibus illis egressa, rogabat eum dicens, & reliqua. In hac sancti Euangelij lectione fratres charissimi, primò quæ ad literã, secundò quæ ad allegoriã, tertio quæ ad tropologiam pertinent, videamus. Primò igitur iuxta literam commendantur nobis magnæ virtutes istius mulieris. Cuius eò magis admiranda est deuotio, quia cum esset gentilis & expertus legis & Prophetarum, tamen sanctarum, quæ in eis continentur, non fuit expertus virtutum, habuit quippè fidem, feruorem & humilitatem, fidem habuit, quando Christum vt Deum adorauit, & eum absentem filiam sola voluntate sanare posse credidit. Feruorem mentis habuit, quæ tam deuotè non minus mente quã voce clamauit, quod Apostolos ad interpellandum pro se cõmouerit. Perseuerantiã habuit, quando primo & secundo quasi sprete, tamẽ à precibus non destitit, donec petatum impetrauit. Humilitatem habuit, quæ non solum canibus, sed etiam catulis sese cõparauit, & se indignam iudicans pane, micas cadentes postulauit: Et quia talis tantaque fuit, idcò à Domino in fide laudari, & in

*In iudicio
pauperes
non oppri-
mendi.*

Mat. 15

Mulier Chananæ.

Feruor.

*Perseuerantia.
Humilitas.*

*Mulier
Chananea
quid signi-
ficat.*

postulato meruit exaudire. Mysticè verò mulier ista colles-
tam de gentibus significat Ecclesiā, quæ de errore idola-
triæ & sorde vitiorum egressa, rogat Dominū pro qua
libet suæ congregationis persona à diabolo dementata.

Qui enim laborat ingluvie, vel luxuria, vel avaritia, vel
ira, vel invidia, cæterisve vitiis, à diabolo vexatur: Et tan-
tò peius, quantò scienter & spōtanè ei famulatur. Quod
si sancta Ecclesia pro huiusmodi persona Dominum cum
firma fide, cum magna deuotione, cum perseuerantia, &
humilitate rogauerit, per intercessionem Apostolorum,
aliorumque sanctorū exaudiet Dominus, & personā pro
qua rogatus fuerat, à potestate diaboli liberabit. Propte-
rea fratres charissimi, quādo videmus in Ecclesia personā
diabolicæ seruituti mancipatam, nō cessemus à precibus,
sed clamemus corde, clamemus voce, clamemus commu-
niter, clamemus singulariter, clamemus perseueranter.

Jacob. 5. Sed si teste Iacobo multum valet deprecatio iusti assidua,
multò magis plus valebit multorum assidua deprecatio
iustorum. Nec simus fratres de numero illorum, qui ma-
lis Christianis, & falsis fratribus, non solum non compa-
tiuntur, sed etiam execrantur. Et non solum eorum con-
uersionem non rogant, sed etiam timent, & quasi pecca-
tores nunquam fuerint, peccatores inuenire veniam no-
lunt. Et quare hoc? Quoniam viscera charitatis non ha-
bent: non attendentes quoniam iudicium sine misericor-
dia fiet ei qui non fecit misericordiam. Nos ergo fratres,
viscera charitatis & misericordix semper habeamus, præ-
cipuè peccatores, ad emendationem precibus & admo-
nitionibus reuocare satagamus. Si enim fratres mei, ma-
gis compatiendum est misero, magis compatiendum est

Mat. 9. iniquo, quàm egeno. Et si Deus non venit vocare ius-
tos sed peccatores, nos exemplo eius peccatores ad con-
uersionem vocemus. Scientes quoniam qui conuerti se-

Jacob. 5. cerit peccatorem ab errore viæ suæ, saluabit animam eius
à morte, & operit multitudinem peccatorum, non so-
lùm alienorum, sed etiam propriorum. Tropologicè
etiā hæc mulier docet nos, quid vnaquæque persona
pro filia sua, id est anima sua, à diabolo malè vexata Do-
minum rogatura facere debeat, quid petere, & quomo-
do, &

do, & per quos impetrare valeat. Rogatura enim hæc mulier pro filia sua à dæmonio vexata, exiit de finibus suis, & ad Deum accessit. Exeamus primò de veteri & mala conuersatione nostra per pœnitentiam, & mente accedamus ad Dominum, deseramus mente vitia & peccata nostra, & fide, spe, & amore sequamur Dominum. Hinc ipse dixit ad Abraham: Egredere de terra & de cognatione tua, & de domo patris tui, & c. id est: Egredere de amore terrenorum, & de cogitatione carnalium vitiorum, & de potestate diaboli, & bonis spiritualibus te ditabo. Et Psalmista: Audi filia & vide, & inclina aurem tuam, & obliuiscere populum tuum & domum patris tui. Qui enim adhuc mente in peccato habitat, in vanum laborat. Vnde dicitur: Cùm leuaueritis ad me manus vestras, non exaudiam vos: Manus enim vestræ sanguine plenæ sunt. Petit autem mulier non aurum, non argentum, non honores, sed tantùm filia suæ salutem. Petamus & nos fratres à Domino non transitoria, sed æterna: Non terrenam substantiam, sed tantum animæ nostræ salutem. Sic enim Dominus in Euangelio iubet: Nolite, inquit, solliciti esse dicentes, quid manducabimus, aut quid bibemus? sed primùm quærite regnum Dei & iustitiam eius, & hæc omnia adiicientur vobis. Qui enim vana postulabat & vanè, vanus est. Vanè autem idèò dico, quoniam cùm Ecclesia rogat pro fructibus terræ, & pro cæteris temporalibus bonis, quoniam non vana intentione, sed in Deo & ad Deū hoc postulat, non idèò vana est. Sed qui vana, & vana intentione postulat, ille utique vanus est.

Qui autem mortem vel damnum vel vltionem inimici sui petit, malus est. De qualibus Iacobus ait: Petitis enim & non accipitis, eò quòd malè petatis. Ostendit quoque hæc mulier quomodo petendum sit, quæ cum fide, cum desiderio, cum perseuerantia, cum humilitate postulauit. Petamus & nos fratres cum firma fide, ut bonū æternum quod poscimus, Deum potentem dare credamus, & nos consequuturos cum certa spe præstolemur. Qui enim in aliquo istorum dubitat, vel de se desperat, vel non bene credit, vel non bene sperat, & idèò non consequetur quod rogat. Vnde Iacobus: Si quis, inquit, indi-

Gen. 12.

Psal. 44.

Esa. 1.

*Æterna
non transi-
toria pe-
tenda.*

Mat. 6.

Iaco. 4.

*Petendum
cum bona
fide.*

Iaco. 1.

HOMILIAE

get sapientia, postulet à Deo qui dat omnibus affluenter, & non impropere. Postulet autem in fide nihil hæsitan, nam qui hæsitat similis est fluctui maris, qui à vento circumfertur. Non ergo æstimet ille se accepturum aliquid à Deo. Petamus & cum desiderio fratres mei, clamantes plus corde quàm voce. Sicut Moyses & Susanna tacentes clamabant, non oremus solis labiis, sicut illi quos accusat Dominus dicens: Populus hic labiis me honorat, cor autem eorum longè est à me. Non oremus tepidè, quoniam tepidos vanæ cogitationes infestant. Et iuxta Salomonem, muscæ morientes perdūt suavitatem vnguenti. Et si nos infestauerint vanarum phantasmata cogitationum, nos magno feruore, eas à nobis repellamus, sicut scriptum est: Quoniam descenderūt volucres cœli super sacrificia, & abigebat eas Abraham.

Mat. 15.

Eccle. 10.

Gen. 15.

Mat. 6.

Non oremus multiloquio sicut hypocritæ, sed sicut Dominus ait: Cùm oraueris intra in cubiculum tuum, & clauso ostio, ora patrem tuum. Ad literam fratres, secretum sacramque locum eligere debemus ad orandum. Sed & mysticè intra secretum cordis nostri nos debemus concludere, tam intentione quàm cogitatione, ne ad exteriora peruagemur, & ostium sensualitatis nostræ obserere debemus, ne vanæ cogitationes & diabolicæ tentationes, quæ maximè orantes infestare solent, ab orationis contemplatione nos valeant perturbare. Petamus & cum perseverantia: Nam & si Deus postulata differt, nō tamen aufert, Deus enim non spernit preces pauperum, sed ideo differt ut plus rogemus, & plus rogantes, plus mereamur. Vnde ipse in Euangelio iubet nos perseveranter postulare. Petite, inquit, & accipietis: quærite & inuenietis. Quærite operando, pulsate perseverando. Omnis enim qui petit perseveranter, accipit: & qui quærit, inuenit: & pulsanti aperietur. Petamus & cū humilitate fratres charissimi, reputantes nos immundos canes, & ad vomitum sordium nostrarum sæpè reuersos: pane filiorum, Apostolorum scilicet & Martyrum, & aliorum sanctorum gratia indignos: Sed flagitemus aliquantulas largitatis sue minutias nobis immeritis impertiri. Per quorum verò intercessionem à Domino mereamur audiri, demonstratur nobis in muliere ista, quæ

Petendum
cum humi-
litate.

per

per intercessionem Apostolorum à Domino postulatam
 impetrauit, dicentium: *Dimitte illā, quia clamat post nos.*
 Clamemus & nos fratres mei post Dominū & post Apo-
 stolos, ceterosq; sanctos: Clamemus suspiriis, clamemus
 & lachrymis: quatenus deuotione cordis eorū viscera cō-
 moueamus, vt pro nobis sancti apud Deum intercedant.
 Quod vtique fratres fiet, si Deū in sanctis suis honora-
 uerimus: si eorum altaria donis & luminaribus illustraue-
 rimus, si solemnitates eorū deuotē celebrauerimus, si eo-
 rum memorias in letaniis & orationibus frequentaueri-
 mus, vt tandem nostra deuotione promoti clamēt & ipsi
 pro nobis: Domine dimitte illos, quia clamant post nos.
 Dimitte illos exaudiendo, quia precibus pulsant nos. At
 illorum proculdubio interuentione propitiabitur Domi-
 nus, animā nostram liberans à dæmonio: Et hic vt tenta-
 tiones eius superemus, & in futuro nē amplius ab eo ten-
 tari valeamus. Ipso præstāte qui in trinitate perfecta uiuit
 & regnat Deus, per omnia secula seculorum. Amen.

DOMINICA TERTIA

Quadragesimæ.

Estote imitatores Dei sicut filij charissimi, & ambulate Eph. 5.
 in dilectione sicut & Christus dilexit nos, & tradidit
 semetipsum pro nobis, oblationem & hostiam Deo in odo-
 rem suauitatis, &c. Bipertita est lectio ista fratres charissia-
 m: Primò enim nobis præcipit Apostolus, vt dominū imi-
 temur. Secundò ostēdit, in quibus cū imitari debemus. Præ-
 cipiēs igitur primò nos imitari Dominū ait: *Estote imita-
 tores Dei.* Sed quia quidā peruerse voluerūt imitari Deū,
 attribuendo sibi diuinitatem, auctoritatem, & ea quæ so-
 lus Dei sunt: vt Iuppiter, Simō, & Coldsroë. Et adhuc quia
 idem faciunt, qui putant se aliquid boni vel posse vel ha-
 bere ex se, idē adiungit Apostolus, *sicut filij charissimi.*
 filius quippè charissimus imitatur bonū patrem, non vt
 usurpet eius dominium & auctoritatē, sed vt respondeat
 ei in moribus, vt, scilicet diligat patrem suum, sicut diligi-
 tur ab eo, vt sit prudēs, honestus, iustus, & morib⁹ orna-
 tus sicut pater. *Quis fratres charissimi.* quis potuit, me-
 lius imitari Deū patrē in æqualitate, & potentia, & aucto-
 ritate, quā sius vnicus & cōsubstantialis filius, Dominus

Phil. 2.

noſter Ieſus Chriſtus? Tamē ille, vt ait Apoſtolus, nō re-
pinam arbitratus eſt eſſe ſe æqualē Deo. Non enim dixit
ſe eſſe à ſe, ſed à patre: Nō dixit ſe veniſſe à ſe, ſed à patre.
Non dixit ſe quærere gloriam ſuam, ſed gloriam patri.
Non dixit ſuam doctrinam eſſe ſuam, ſed patris: Quia pa-
ter, inquit, maior me eſt. Ergo tu ſuperbe puluiſ, quomo-
do audeſ vel potētiam, vel dōminium, vel auctoritatem
tibi arrogare? Quomodo poteſ ſentire aliquid boni ex
te habere? Quomodo præſumis non Dei, ſed tuam glo-
riam vel voluntatē quærere? Hanc igitur chariſſimi per-
uerſam imitationē & idololatriā fugiamus, & Deū bonā
imitatione imitemur. Imitemur eum virtutibus & mori-
bus. Virtutibus quippē, non auctoritate ſibi ſimilē creauit
hominē; ſed homo peccando ſe malē à Deo diſſimilauit,
& ſe malē ei ſimilauit. Sed & nos fratres peruerſam eue-
temus imitationem, & ad bonam redeamus imitationem.

Deū in tri-
bus imitan-
dum,

Sequitur pars ſecūda, in qua oſtendit Apoſtolus in
quibus Deum imitari debeamus, cū ſubdit: *Et ambula-
te in dilectione, ſicut & Chriſtus dilexit nos, &c.* Porro in
tribus præcepit Deū imitari. Videlicet vt faciamus pro eo
quod ipſe fecit pro nobis: vt ea quæ ipſe odio habet, odi-
habeamus. Vt ea quæ ipſe diligit, diligamus. Primò igitur
nos hortatur Apoſtolus, vt faciamus pro Chriſto quæ
ipſe fecit pro nobis, cū dixit: *Et ambulate in dilectione, ſi-
cut & Chriſtus dilexit nos.* In dilectione ambulat, qui di-
ligit, & opera dilectionis facit. Hortatur ergo nos vt quæ
admodum Chriſtus dilexit nos, & hoc opere probans tri-
didit ſemetipſum pro nobis, ita & nos eum diligamus, &
tradamus noſmetipſos pro eo. *Tradidit, inquit, ſeipſum
pro nobis oblationem & hoſtiam Deo.* Oblationem, quan-
do obtulit ſe ad obediendum patri pro nobis. Hoſtiam,
quando ſe ad patiendū, & hoc in odorem ſuauitatis, quo-
niā in hoc ſacrificio pluſquam in cæteris delectatus eſt
pater. Vnde & de eodem dixit: In quo mihi benē com-
placui. Nos quoque fratres offeramus noſmetipſos patri
pro ipſo, ad obediendum & compatiendum pro ipſo.

Mat. 27.

Gal. 5.

Et ſi dēſt perſequutor qui nos pro ipſo mactet, nos ta-
men mactemus in nobis carnales concupiſcentias & cru-
cifigamus membra noſtra cum vitiis & concupiſcentiis.

scilicet manus crucifigantur, ne extendantur vltra ad
 gendum malè. Pedes crucifigantur, ne de cætero malè
 mbulent. Crucifigamus corpus nostrum, ne de cætero
 malè delectetur, & similiter cætera membra. Secundò mo-
 et nos Apostolus, vt ea quæ Deus odio habet, odio etiã
 abeamus, cùm subdit: *Fornicatio autẽ & omnis immun-*
ditia, aut auaritia, nec nominetur in vobis, sicut decet san-
ctos. Fornicatio fratres, dicitur, omnis complexus ma-
 is & fœminæ præter legitimum matrimonium, compre-
 hendens simplicem fornicationẽ, adulteriũ & mœchiam.
 Immunditiã verò vocat Apostolus omnem incoestum.
 Sodomiticum, & bestialem coitum. Auaritiã verò vo-
 cat omnem inordinatam concupiscentiam acquirendi vel
 retinendi vltra modum: quæ vt postea subiungit, *est idolo-*
trũ seruitus, quia quod quis plus diligit, & plus colit Deus
 eius est. Ergo qui plus diligit nummum quàm Deum,
 nummum sibi constituit Deum. Qui plus colit ventrem
 quàm Deum, ventrem sibi constituit Deum. Qui plus co-
 lit meretricem quàm Deum, meretricem sibi cõstituit do-
 minam. Hæc autem fratres mei, ita euitare debetis, vt nec
 nominentur in vobis, necdum in vobis sint, sicut decet
 sanctos. Sic sanctè, sic castè, sic iustè viuere debetis, vt nu-
 llus audeat aliquam infamiam fingere de vobis: Et non
 solum hæc maiora crimina vitentur à nobis, sed etiam hæc
 minora: *Turpitudine, stultiloquium, & scurrilitas, quæ ad*
rem non pertinent. Turpitudinem etiam loquendi fratres,
 caueamus, quia non possumus turpiloquium amare, &
 ipsam turpitudinem horrere. Paulatim enim per turpilo-
 quia pudor excutitur, & econtrariò transit sermo in effe-
 ctum, si honesta loquamur. Stultiloquium verò dicitur,
 quicquid nec oportuno tempore, nec oportuno loco, nec
 iusta causa dicitur. Scurrilitas dicitur, quicquid cum qua-
 dam vrbantate profertur, causa mouendi risum. Porro
 hæc & similia fratres, caueere debemus, quoniam si (teste
 Domino) de omni verbo otioso reddituri sumus ratio-
 nem, quid ergo erit de scurrilitate? quid de detractione?
 quid de adulatione? quid de mendacio? quid de periurio?
 Perdes, inquit Propheta, omnes qui loquuntur mendaciũ.
 Et, Os quod mentitur, occidit animam. Quæ ergo loquuntur

Immun-
*ditia.**Fornica-*
*tio quid.**Auaritia.**Turpitude**Stultilo-*
*quium.**Scurrilitas.**Mat. 12.**Psal. 5.**Sap. 1.*

HOMILIAE

tio debet esse in nobis ? Gratiarum, inquit, actio, benedictio, oratio, & cætera bona verba . Sunt ne supradicta cæmenda ? Vtique: Quia vt de cæteris minoribus taceam.

Hoc scitote, quia omnis fornicator, aut immundus aut auarus, quod est idolorum seruitus, non habet hereditatē in regno Christi & Dei. Nemo vos seducat inanibus verbis, dicens: vel hæc esse venialia, vel impios non esse iudicandos.

Propter hoc enim venit ira, excæcationis, scilicet & reprobationis, in filios diffidētiæ, id est, perfidiae. Sed vos fratres. Nolite fieri per imitationem, vel per cōsensum participes eorū. Eratis enim aliquādo tenebræ, id est, tenebrosi vitii scilicet sicut prædixi: nunc autem lux in Domino, id est, nūc estis illuminati in Domino . Tertio monet Apostolus, ve

Mala opera dicuntur opera tenebrarum.

Ioan. 1.

Bona opera dicuntur opera lucis.

*ea quæ Deus diligit, diligamus & faciamus, cum subdit: Vt filii lucis ambulate. Quia filij Dei estis qui est lux, opera lucis facite. Mala opera, dicuntur opera tenebrarum, tum quia ad æternas tenebras ducunt, tum quia mentem excæcant, tum quia faciens ea vult latere: iuxta illud: Qui malè agit, odit lucem . Econtrariò verò bona opera dicuntur opera lucis, tum quia æternam lucem ducunt, tum quoniam hominem intus illuminant, tum quia diligunt lucem . Porro in quibus opera lucis consistant, ostendit cum subdit: *Fructus autem lucis est in omni bonitate, iustitia & veritate .* Bonitas est in mente, iustitia in opere, veritas in ore. In his ergo tribus, tota perfectio sanctitatis comprehenditur . Hoc est quod Psalmista dicit: Domine, quis habitabit in tabernaculo tuo, aut quis requiescet in monte sancto tuo? *Qui ingreditur sine macula, & operatur iustitiam: Qui loquitur veritatem in corde suo, &c.* Itaque fratres mei, cum omni desiderio studeamus imitari verum Deum & Patrem nostrū Iesum Christum, Diligamus eum, sicut ipse dilexit nos, odeo habeamus turpitudines & vitia, quæ ipse odit. Amemus bonitatem, iustitiam, & veritatem, quas ipse amat . Satagemus eius vias & exēpla sequi, vt eo duce & adiutore ad ipsum peruenire mereamur, qui cum Patre & Spiritu sancto viuat & regnat Deus in æternum, Amen.*

Psal. 14.

DOMINICA TERTIA IN
Quadragesima.

Erast.

Erat Iesus eiiciens demonium, & illud erat mutū, &c. *Lxx.ii.*
 Hæc lectio fratres charissimi, tantò nobis avidius est
 audienda, quantò magis necessariam animabus nostris
 continet medicinam. Nos ergo fratres, primò quæ ad his-
 toriam, secundò quæ ad moralitatem, tertio quæ ad al-
 legoriam pertinent, inquiramus. Consideranda sunt igitur
 iuxta historiam quatuor, primò namque Dominus dæ-
 moniacum curat: secundò detractores confutat: tertio
 quid contemptoribus contingat, ostendit, quartò mulie-
 rem se laudantem corrigit. Primò igitur Dominus cõpa-
 lens dæmoniacò, expellit ab eo demonium, quod ab ef-
 fectu dicebatur mutum, quia hominē mutum efficiebat.
 Porro istæ dæmoniacus, non solum mutus, sed etiam (te-
 ste Euangelista alio) surdus erat. Tria ergo miracula in
 uno homine à Domino facta sunt. Surdus audit, mutus
 loquitur, possessus à dæmone liberatur, & diuinā in Chri-
 sto potentiam admirantur turbæ. Secundò detractores
 confutat & erudit. Detrahebant quippè ei, & illi qui dice-
 bant: *In Beelzebub Principe dæmoniorum eiicit dæmonia.*
 Quoniā quæ Dei erant, diabolo ascribebant, & illi qui ten-
 tes signum de cœlo quærebant. Quoniā hæc quæ Do-
 minus operabatur parua vel nulla esse putātes, cū impo-
 tentē dare signū de cœlo dicebāt. In quo fratres mei, pen-
 sandū est, quanta sit malitia detractorū, qui cū semper
 sint suspiciosi, & ad omnia mala creduli, tamen ad bona
 priorū semper sunt increduli: semper ea negantes. Vel si
 negare nō possunt, parua vel nulla esse dicētes, vel finē vel
 modū facti peruertentes. Sed qui, quod solius spiritus san-
 cti est, diabolo adscribit, teste alio Euāgelista, in spiritū san-
 ctum peccat, vel vix, vel nunquā inde veniā consequutus
 est. Propterea fratres, omni sollicitudine, vitii inuidie
 & detractionis studeamus euitare. Porro cū Dominus
 ordium inspector, malas detrahentium cogitationes in-
 pexisset, eost amen secundū misericordiā suam cōfutare
 & erudire nō dedignatus est. Confutat autē eos cū pro-
 bat illud quod dicebant falsum esse, & eos illud per inui-
 diā dixisse. Porro illud quod dicebant, probat esse falsum,
 cū dicit: *Omne regnum in seipsum diuisum, desolabitur,*
& domus supra domū cadet. Et si satanas in se diuisus est,
quo-

*Tria mira-
cula in vno
homine.*

*Malitia det-
ractorum.*

HOMILIAE

*Regnum
Satanæ.*

quomodo stabit regnum eius, quia dicitis me in Beelzebub Principe dæmoniorum eiicere dæmonia? Vocat autem hic Dominus regnum satanæ malitiam, qua omnes maligni spiritus ita obdurati & coniuurati sunt, ut nihil nisi malum facere velint, vel possint. Quod si satanas satanam eiicit, aliquid boni facit, cum satanam de obsessio eiicere utique bonum sit. Quod si vnus satanas malum, & alter bonum facit, cōcordia & cōiuratio, quam habebant in malo, non stabit, quod utique falsum est. Probat autē illud quod dixerant illos per inuidiam dixisse, cum subdit: *Et si ego in Beelzebub Principe dæmoniorū eiicio dæmonia, filii vestri in quo eiiciunt?* Ac si diceret: Si eiectio dæmoniorū a filiis vestris exorcitis factā, Deo & non diabolo adscribitis, cur eandē rem à me factā diabolo, & nō Deo adscribitis? Quia de me non simpliciter, sed per inuidiam loquimini, ideo, inquit, *ipsi iudices vestri erūt.* Quia, scilicet, illi sciūt tam me quā se non in Beelzebub, sed in spiritu sancto eiicere dæmonia. Idē ipsi vestri mendacij iudices erunt. Postquam verō Dominus inuidorum calumniam confutauit, mox ut benignus Dominus eos erudit, cum subdit: *Quod si ego spiritu Deo eiicio dæmonia, quod utiq; verum est, profectō peruenit in vos regnum Dei.* illud, videlicet regnum de quo per Esaiam dicitur: Multiplicabitur eius imperium, & regni eius nō erit finis. Ac si diceret Dominus, Quia si iam dæmones eiicere ab hominibus incēpi, iam in ipsis incipio regnare hominibus, diabolo vsurpatū regnum auferens & mihi restituens. De quo vos participes esse possetis, si crederetis. Quomodo autē diabolo regnū diu possessum auferet, exponit, cum subdit: *Cū fortis armatus custodit atriu suū, in pace sunt omnia quæ possidet. Sed si fortior eo superueniēs vicerit eū, vniuersa arma eius aufert,* id est, omnes versutias eius euacuat, in quibus cōfidebat. *Et spolia eius distribuet,* id est, captiuos liberans, alios faciet Apostolos, alios Euāgelistas, alios Pastores & Doctores, &c. *Qui nō est, inquit, meū, cōtra me est,* id est, qui nō cōsentit mecū fide & amore, nō est de regno meo, sed de regno aduersarij. *Et qui non colligit mecum, dispergit,* id est, qui non amat mecum concordiam, amat cum diabolo dissensionem & dispersionem. Tertiō demon-

Esai. 9.

*Ephe. 4.
Qui non
amat cum
Deo con-
cordiam,
amat cum
diabolo
dissensio-
nes.*

strat

rat Dominus quid negligentibus cōtingat, cū subdit:
*im immūdius spiritus exierit ab homine, ambulat per loca
 rida & inaquosa, quærens requiem, & nō inuenit. In cor-
 ribus aridis & inaquosis non potest, fratres mei, requie-
 scere diabolus, quia tantū corda mollia, voluptuosa, &
 luxa diligit. Proinde rigorem iustitiæ & asperitatem reli-
 gionis, & virtutum arduitatē sequamur, ut diabolus in
 nobis requiem inuenire non possit. Reuertar, inquit, in
 domum meam vnde exiui. Et veniens inuenit domū vacan-
 tem, scilicet à bono, scopis mundatam & ornatam. Meta-
 phoricè loquitur, quia inuenit sibi domum mundā & pa-
 ratam: Et assumit alios septem spiritus secum nequiores, et
 ingressi habitant ibi, & sunt nouissima hominis illius peio-
 ra prioribus. Sic erit, inquit, & generationi huic pessimæ.*

Diabolus quippè propter legem à Domino datam expul-
 sus, primò à Iudeis transiit ad Gentes, sed postea illis Chri-
 sto credentibus, cū iam locum requiei non inueniret in
 eis, rediit ad Iudæos & inuenit in eis domum vacantē ab
 omni bono, scopis mundatam, id est, legalibus purgatio-
 nibus quasi mundatam, & simulatis virtutibus quasi or-
 natam. Et assumit septē alios spiritus nequiores se, & in-
 gressi habitant ibi: Et sunt nouissima populi illius peiora
 prioribus. Peiores enim sunt Iudæi in Synagogis suis blasphe-
 mantes, quàm ante legē Deū ignorantes. Quartò Do-
 minus se laudantem corrigit mulierem, non quin verū &
 vera intētiōe dixerit. Beatus quippè, imò beatissimus est
 venter, qui Dominum portauit, & vbera quæ eum lacta-
 uerunt: sed causam corrigit per aduerbiū correctiuū, imò.
 Non enim inde mater eius beata est, quia eum corporali-
 ter portauit & lactauit: sed sicut Elizabeth ait: Beata quæ
 credidit, quoniam perficientur ea quæ dicta sunt ei à Do-
 mino Et sicut Dominus subiungit: Beata es Maria, & cæ-
 teri omnes beati, qui audiunt verbum Dei, & custodiunt
 illud. Moraliter autē fratres mei, in quatuor instruit nos
 Dominus. Primò quippè compatiens & curās dæmonia,
 cū docet nos exemplo sui itidē agere. Debemus quippè
 fratres mei, hominibus malignis diabolica fraude irreti-
 tis, & charitate multum compati, & eos in quātum possi-
 mus, exhortationibus, minis, & promissis, & orationibus
 à dia-

Lm. n.

HOMILIAE

à diabolica seruitute liberare, & Domino lucrificare, & a
auris cordis prius surda, ad intelligendum Dei verbum:
Et os prius mutum ad benedicendum Deum aperiantur:
Quæ maior enim probitas potest esse in Christiano, quàm
Christi triumphum imitari. Christus virtute propria alli-
gavit fortem armatum, infernum fregit, vasa captiuitatis
eduxit & reduxit. Nos quoque fratres mei, eo auxiliante,
quantum valemus, infernum frangamus, catenas diabo-
li confringamus, fratres nostros captiuos ab ipsius faucibus
eripientes, ad Christum cum victoria reuertamur tot
coronas recepturi, quot per nos sunt à diabolo liberati.
Deinde ostendens Dominus satanam ad sibi ablatas per-
sonas semper velle redire, incutit illis timorē, & magnam
vigilandi necessitatem. Illos enim quos diabolus tentan-
do vicit, & victor diu tenuit, multum dolet amittere.
Inde est quod totis fraudibus & tentationibus ad illos ar-
matur impugnandos. Vos verò fratres, qui fraudibus
diaboli diu captiui fuistis, sed nunc per misericordiam
Dei à faucibus diaboli erepti estis, vigilate, & contra eius
tentationes viriliter vos armate. Iuxta quod Sapiens mos-
net. Fili, accedens ad seruitutē Dei, prepara animam tuam
ad tentationem. Si enim (quod absit) aliquem reoccupare
valuerit, cum maiori tyrannide in eum sæuiet quàm
prius, vt sint nouissima miseri hominis illius peiora prio-
ribus. Respondens quoque Dominus detractoribus suis,
qui illum in Beelzebub eiicere dæmonia mentiebantur,
instruit nos exemplo sui, quomodo nos habere erga de-
tractores nostros & quid eis respondere debeamus. Do-
minus quippè patienter eorum detractōnes sustinēs, mul-
ta vitia quæ in se habebant, eis impropere noluit, sed
tantum illud quod de se dixerant, falsum esse ostendit. Et
quod mirabilius est, verbum salutis eis prædicauit. Nos
quoque fratres mei, inuidorum nostrorum detractōni-
bus nō commouemur, nec eis malum pro malo, nec ma-
ledictum pro maledicto reddamus, sed cum omni patien-
tia, obiectam nobis contumeliā falsam esse ostendētes,
etiam illos iustruere & lucrari Deo satagamus. Respon-
dens etiā Dominus mulieri se laudanti, quomodo erga
laudatores & adulatores nostros nos habere, & quid eis
respon-

Bele. 2.

*Quomodo
habere nos
oporteat
erga detractores.*

respondere debeamus demonstravit. Non enim laudantem se mulierem laudavit, ut quidam solent, nec ad laudes mulieris interius lætatus est, ut quidam solent: nec ei tacendo concessit, ut quidam solent, sed eius verba quasi vera non essent, correxit. Quidam enim ita gloriosi sunt, ut laudantem se statim laudent, reddentes adulationem pro adulatione? Alij verò, quāvis dicāt se laude indignos, tamen ad laudem interius lætantur. Alij autem etsi peccatus nihil respondeant, tamen laudationi tacendo consentiunt. Nos ergo fratres, exemplo Christi, laudes humanas fugiamus, laudatoribus nostris vicem reddere, vel ulterius ad laudes lætari, vel eis tacendo consentire caueamus, sed laudantis verba si vera non sint, omninò negemus. Si verò vera sint, quasi corrigamus dicētes, non lauaueris hominem in vita sua, & huiusmodi: sed ad Deum laudandum, ex quo omne bonum est, eum incitemus.

Euitemus fratres, summopere blandum adulatorum venenum, quod quantò est dulcius, tantò peius. DetraCTOR quippè dum vitia nostra subtilius inquit, nobis quodammodo proficit: dum vitia nostra nobis ad memoriam educit. Sed adulator sub specie dilectionis nos fallit, ut plus ei credamus de nobis quàm nobis. Vnde Esaias: Popule meus qui beatum te dicunt, ipsi te decipiunt. Mysticè verò facit Dominus in multis quotidie, quod nunc ad litteram in vno dæmoniaco legitur fecisse. Videamus igitur in quibus fiat, & per quem, & quæ mundi-
Quomodo detractor nobis proficit.
Esai.

fiæ, quæ medicina, & quanta vigilantia & fortitudine eis opus sit. Multi quippè sunt hodie, qui propter turpitudinem criminum à dæmone possidentur. Hic à spiritu luxurij, ille à spiritu avaritiæ, alter à spiritu superbiæ. Imò quod vitiis quisque irretitur, quasi à tot dæmoniis possidetur: qui cum scienter dæmonibus seruiant, peiores sunt quàm dementes: qui quod faciunt, faciunt nescientes.

regnāt itaque fortis armatus, id est, diabolus arma neuitiæ suæ super eos exercens, in pace, id est, sine contradictione eos possidens: exsurdās eos, ne audiant verbum Dei, & mutos faciens, ne Deum benedicant. Cum ita er-
 o teneantur à diabolo captiui, sua virtute se à iugo eius equeunt excutere. Quod bene contra illos est, qui quod
 in iu-

HOMILIAE

*Neque vi-
ta, neque
penitentia
est in manu
hominis.*

*Penitere
quid.*

*duo in pe-
nitentia.*

*Penitentia
actio fit
corde, ore,
& opere.*

*Psal. 50.
Tria for-
mant contri-
tionem, pu-
dor, timor
& dolor.
Confessio
quid.
Esa. 41.
Psal. 31.*

*Confessio
debet esse
vera.*

in iuuentute sua nolunt, in senectute promittunt se poenituros: Miseri non attendentes, quod neq; vita, neq; poenitentia hominis in manu eius, sed in manu Dei sunt: qui quandoque superbis peccatoribus iusto iudicio subtrahit tempus poenitentiae. Nullus ergo putet se per se, iugum diaboli à se excutere, sed de sola Dei misericordia praesumat, qui superueniens vincit diabolum, & excludit omnia arma eius, id est, omnes versutias euacuat, vasa eius distribuens, id est, animas & corpora, sensus & membra eorum liberans ad bene cogitandum, loquendum, operandum. Et qua medicina hoc facit? poenitentia. Et quid est poenitere? praeterita mala plangere, & plangenda non committere. Nam, ut ait Gregorius, qui ita peccata deplorat, ut alia committat, poenitentiam agere, aut ignorat, aut dissimulat. Non enim profunt lamenta, si replicantur peccata. Et Isidorus: Irrisor est, inquit, & non poenitens, qui agit quod poenitet, nec videtur Deum poscere subditus, sed subsannare superbus. Sunt igitur in poenitentia duo, plangere facta, & non facere plangenda, id est, actio poenitentiae & perseverantiae: alterum sine altero non prodest. Nil enim prodest flere, si peccetur. Et parum prodest non peccare, si non fleatur. Actio autem poenitentiae fit corde, ore & opere. Corde per contritionem, ore per confessionem, opere per satisfactionem. Contritio putredinem maturat intus. Confessio aperit vulnus. Satisfactio extrahit virus. Contritio est dolor cordis, ex recordatione peccati, & timore iudicii proveniens. De hac dicitur: Cor contritum & humiliatum Deus ne despicias. Tria formant contritionem, pudor, timor & dolor. Pudor dum cogitat se turpiter egisse. Timor dum cogitat poenam sibi paratam esse. Dolor dum cernit se reum, & dignum esse supplicij. Confessio ergo est lachrymabilis peccatorum enarratio. De hac dicitur: Dic tu iniquitates, ut iustificeris. Et illud: Dixi confitebor iniustitiam meam Domino, & tu remisisti impietatem peccati mei. Haec autem debet fieri cum lachrymis: quia nisi gemat, nisi fleat, nisi suspiret peccator, cum se peccasse fatetur, peccatum suum praedicat, non confitetur. Confessio autem debet esse vera & aperta, integra, non diminuta, non diuisa. Vera, ut ea quae fecit, dicat, ea quae non fecit, taceat, Qui enim

enim ob humilitatem dicit se peccatum fecisse quod non fecit, nisi ante reus non erat, tunc esse incipit. Aperta, ut sicut turpiter egit, turpiter referat: nec ornatu verborum suam turpitudinem tegat, quod est peccatum suum mino-
rare. Integra, ut omnes circumstantias peccatorum expo-
nat, scilicet locum, tempus, personam, modum peccandi, numerum, tentationem & contemptum. Idem enim genus peccati est grauius in loco vel tempore sacro, quam in alio. In persona sapienti, quam idiota, coniugata quam vacante, ordinata quam laica. Item grauius est, si pluries egit, quam si semel, si minorem tentationem susti-
nuit, quam si magnam, si plus cōtempnit, quam si minus. Non diminuta, ut scilicet vnum peccatum cōfitens, aliud taceas. Iniquitas enim est, a Deo, qui summa iustitia est, veniam sperare dimidiatā. Quid enim prodest tibi de plu-
ribus mortiferis vulneribus vnum solum curasse? Non di-
uisa, ut scilicet nō diuidas peccata tua, hæc vni Sacerdoti, illa alij reuelanda. Hoc enim est ad hypocrisim tendere, & peccata non curare, sed augere. Satisfactio verò est iniun-
cti operis condigna executio. De hac dicit Ioannes Baptis-
ta: Facite dignos fructus pœnitentiæ, ut scilicet secundum quantitatem culpæ, sit quantitas pœnæ. Hæc tria debet habere, ut scilicet faciat quod sibi iniunctum est, & quan-
tum, & qualiter. Hæc fratres, est medicina, qua fortem ar-
matum Christus fortior de cordibus nostris expellit, & de vasis diaboli, vasa Spiritus sancti facit. Sed tunc opus est vi-
gilantia & fortitudine. Cum enim diabolus videt se eie-
ctum, plus sæuit, plus nobis insidiatur, & ut acrior ad lo-
cum suum redeat, machinatur. Primum igitur est, cum pec-
cata nostra flere, ieiunare, & bene agere cœperimus: nos
per ora malorum deridet, hypocrisis nos vocat. Quibus
fratres mei, sunt isti similes, nisi Phariseis, qui dicebant
de Domino: In principe dæmoniorum eiecit dæmonia? Illi
adscribebant, quod erat Spiritus sancti, diabolo. Isti
quoque dum eos, quos Spiritus sanctus per pœnitentiam
purgat, derident, & vocant hypocrisis, & vanæ laudis
amatores, quid aliud quam quod Spiritus sancti est, spiri-
tui hypocrisis & vanæ gloriæ attribuunt. Dum igitur tam
hi quam illi, quod Spiritus sancti est, spiritui maligno attri-
buunt,

*Aperta.**Integra.**Non di-
minuta.**Nō diuisa.*

*Satisfactio
quid.
Mat. 3.
Satisfactio
tria debet
agere.*

HOMILIAE

buunt, proculdubio peccant in Spiritum sanctum. Et si fratres, ea quae plus se habet ad malum, debemus in bonum interpretari, quid erit de eis, qui etiam ea quae se habet ad bonum, in malum interpretantur? Cauete fratres, igitur, caute hoc peccatum, quoniam pergrande est: sed cum videritis peccatorem ad Deum conuertentem, orate pro eo, ut Deus dei perseverantiam bonam. Vos quoque, poenitentes nolite propter derisores erubescere, & vestrum propositum relinquere, quia, ut ait Salomon, est confusio adducens peccatum, & est confusio adducens honorem & gloriam. Malum igitur non bonum erubescite. Cum autem hoc modo non potest diabolus vincere poenitentem, tentat eum per adulatores, dicens: Beatus venter qui te portauit, & vbera quae suxisti. Quasi diceret: vir sanctus es & victor diaboli, & amicus Dei: Vt ita eum ad elationem & inanem gloriam inuitet. Sed nos fratres, ut detractores, ita & adultores fortiter contemnamus, & plus nobis quam aliis de nobis credamus, & semper de peccatis nostris timeamus: Nam delicta quis intelligit? Sed & si quaedam peccata nostra non intelligimus, quomodo scimus ea nobis esse dimissa?

Eccle. 4.

Psal. 13.

Eccle. 9.

*Tripliciter
peccata
dicuntur
redire.*

Propterea dicit Sapiens: De propiciato peccato noli esse sine metu. Vbi enim fratres, metus non est, est stulta securitas. Vbi est stulta securitas, est contemptus. Vbi est contemptus, est periculum & ruina. Si enim inuenerit vos diabolus negligentes & a bono vacantes, reintrat in vobis diabolus cum aliis septem spiritibus nequioribus. Quoniam redeunt peccata septuplicata, & estis septuplo peiores quam primo. Tripliciter autem dicuntur peccata redire: vel quando ad vomitum redimus, vel quando spernentes ipsam poenitentiam torpescimus. Vel quando in recordatione praeteriti peccati delectamur. Habeamus igitur fratres, semper peccata nostra ante oculos nostros, & de eis semper timentes, gementes, & plorantes & operibus misericordiae ea resimantes, quod praestet nobis Deus qui in trinitate perfecta vivit & regnat. Amen.

DOMINICA QUARTA

Quadragesimae.

Gal. 4.

Scriptum est: quoniam Abraham duos filios habuit, unum videlicet Ismael, de ancilla, Agar: Et unum, scilicet,

scilicet Isaac, de libera scilicet Sara. Sed qui de ancilla secundum carnem natus est, id est secundum consuetudinem carnis, secundum quem iuencula ex se ne concipere potest, & parere. Qui autem de libera, per promissionem Dei natus est, non secundum carnis consuetudinem: quia anus & sterilis & de vetulo concipere & parere non solet. Cum autem creuissent ambo & luderent, Ismaël prior natus, Isaac quasi persequabatur. Quod intelligens Sara, ait Abraham: Eiece ancillam & filium eius: non enim hæres erit filius ancillæ cum filio liberæ. Eiecit ergo Abraham ancillam cum filio, dans super scapulam suam ollam aquæ. Filium verò liberæ hæredem constituit. Huius historię fratres charissimi, Apostolus exponit nobis mysterium, & in hoc innuit nobis cæteras veteris testamenti historias mysticè intelligendas. Nos verò fratres, intelligentiæ simplicium subseruiētes, quod Apostolus breuius & obscurius, nos latius & planius, Deo largiente, vobis exponemus. Abraham igitur fratres, Deus intelligitur, qui est pater multarum Gentium, imò omnium. Sic duos filios habuit, quoniam duos populos creauit de eadē massa. Vnum quidem per oculiam iustitiam creauit in contumeliam, alterum per solam misericordiam suam in honorem. Vnum in reprobationem, alterum in electionem. Sunt autem hīc nobis fratres, consideranda quatuor. Primò quæ sit ancilla & quæ liberæ, de quibus isti duo populi nati sunt. Secundò quomodo ancilla foecunda fuisse, & prius peperisse: Liberæ verò prius sterilis, postremò peperisse dicatur. Tertiò quomodo filius ancillæ, filium liberæ persequitur. Quartò quomodo ancilla cum filio, & cum olla aquæ eiiciatur, & filius liberæ hæres constituitur. Est igitur fratres mei, ancilla de qua populus reprobationis natus est, caro. Quæ idcirco ancilla dicitur, quia peccato, diabolo mancipatur, & æternæ miseræ. Qui enim facit peccatum, seruus est peccati. De hac ancilla, id est carne, populus reprobationis nascitur, secundum carnem, id est secundum carnalem concupiscentiam. Et qualis est natus, talis permanet: Solum carnem sapiens, secundum carnem viuens, in carne seminans, vnde & meret corruptionem. Manifesta autem, inquit Apostolus,

Per Abraham Deus intelligitur.

Per ancillam carna significatur.

Gal. 3.

*Per liberā
gratia cœ-
lestis deno-
tatur.
Ioa. 1. 8.*

Ioa. 1.

*Filii libe-
ra, qui*

*Carnalis
generatio.*

*Spiritualis
regenera-
tio.*

1. Cor. 15.

Esa. 54.

sunt opera carnis: quæ sunt fornicatio, immunditia, luxuria, idolorum seruitus, &c. Libera verò, de qua populus electionis natus est, est gratia cœlestis. Quæ ideo dicitur libera, quia liberat hominē à seruitute peccati, diaboli & damnationis æternæ. Si filius, inquit, vos liberauerit, verè liberi eritis. De hac autem libera, id est gratia, nascitur homo, non secundum carnē, sed secundum repromissionem, id est, Dei electionē. Quæ utiq; natiuitas fit in baptismo, in quo qui natus erat ex carne filius iræ, renascitur ex gratia per spiritū filius misericordiæ. Dedit enim eis Dominus, (iuxta Euāgelium) potestatem filios Dei fieri, his qui credunt in nomine eius, nō ex sanguinibus, neq; ex voluntate carnis, neq; ex voluntate viri, sed ex Deo nati sunt, id est, renati. Ille ergo populus natus est ex carne secundum carnem. Ille natus est ex gratia secundū electionē. Ille est filius ancillæ, id est carnalis seruitutis. Ille est filius liberæ, id est spiritualis libertatis. Ille est filius diaboli. Ille filius Dei. Ille filius veteris testamenti, vbi pro timore & pro temporalibus seruit. Ille est filius noui testamēti, vbi pro amore & pro æternis seruit, sed Deo seruire, est regnare. Nos ergo fratres mei, filij liberæ, filij electionis, & filij Dei sumus, si tamen in gratia baptismi perseueramus: Si diabolus & eius opera, quibus abrenuntiavimus, omnino detestamur, si Deum & eius præcepta tota dilectione diligimus & sequimur. Quod si pactum baptismi fregimus, & ad diaboli seruitutē reuersi sumus: quid erit de nobis miseris, nisi quantotius per pœnitentiam & lachrymas reconciliari dum licet, queramus.

Secundò fratres, considerandum est, quomodo ancilla prius fœcunda fuisse & peperisse, libera verò prius sterilis, postremò dicatur peperisse. Porro carnalis generatio prius in mundo multipliciter abundauit, quando ignari Dei & vitæ spiritualis, tantum propagauoni & successioni carnis intendebant. Spiritualis verò regeneratio diu ignota, sterilis permansit: Et hæc tantum tempore gratiæ abundanter fructificauit. Non enim, ut ait Apostolus, est primum quod est spirituale, sed prius quod est animale, & postea quod est spirituale. Vnde Esaias: Lactare sterilis quæ nō parit, id est, quæ primò vel nullos,

vel

vel paucos pariebas. Erumpe & clama quæ non parturis, quia multi filij liberæ, magis, subaudi, electi à Deo: quàm filij eius, id est, carnalis generationis: quæ habet virum, id est, corruptorem diabolum. Nos ergo fratres mei, potius spiritualem quàm carnalem successione quæramus. Melius est enim relinquere vnum solum bonum filium, quàm multos malos: Et melius est mori sine filiis, quàm relinquere malum filium. Qui ergo filios habent, in correctione & in instructione eorum vigilant, quoniam sicut gaudium est parentum filius sapiens, ita confusio & maledictio est parentum filius stultus. Qui verò filiis carent, non dolcant, sed Christum hæredem constituent, pauperes & pupillos in filios adoptent. Exemplo & verbo filios spirituales gignant: vt iure de eis dici possit: Lætare sterilis, quæ non paris, erumpe & clama quæ nõ parturis, quoniam filij liberæ multi quàm eius quæ habet virum. Aded enim fratres, excrevit hodie malitia filiorum carnalium, quorum alter est scortator, alter aleator, alter fur, alter raptor, alter quærit & desiderat mortem parentum: quod hodie verè dici possit: Beati steriles quæ non genuerunt, & vbera quæ non lactauerunt. Tertio verò fratres, considerandum est, quomodo, vt ait Apostolus, filij ancillæ persequuntur filios liberæ. Persequuntur quippè filij carnis filios spiritus: filij mundi, filios cæli. Quomodo? Tripliciter: malo exemplo, subdola suggestione, aperta persecutione. Malo exemplo, dum florent & prosperantur in via suâ malâ, quoniam eorum filij sunt sicut nouellæ plantationis in iuuentute sua. Filiorum compositæ, circumornatæ vt similitudo templi. Promptuaria eorum plena, eructantia, ex hoc in illud, Oves eorum fætosæ, abundantes in egressibus suis: Boes eorum crassæ. Non est ruina maceræ, neque transitus, neque clamor in plateis eorum. Sed contra hæc nos armat David, dicens: Noli emulari in malignantibus, neque zelaueris facientes iniquitatem: quoniam tanquam scœnum velociter arescent. Subdola suggestione, cùm dicitur: Semper fuit mundus, ita semper orientur homines, & morientur. Quis est reuersus ab inferis, qui nuntiet aliam vitam esse? Stultum est igitur præsentia gaudia per-

*Spiritualis
successio
quærenda.*

*Prouer. 10.
C. 15.*

*Malitia fi-
liorum car-
naliū.*

*Filii carnis
persequun-
tur filios
spiritus.
Psal. 142.
Iniquorum
prosperi-
tas.*

Psal. 36.

HOMILIAE

dere, propter quædam sortè nunquam futura. Ita fratres, vult decipere filius ancillæ filium liberæ. Ita insidiatur, vè rapiat pauperum: rapit autem pauperè dum attrahit eum subdola suggestione. Contra hæc nos armat Apostolus, Cor. 13. Corrumpunt enim, ait, bonos mores, colloquia praua: ideo nolite omni spiritui credere. Fides enim nostra, testimoniis Patriarcharum & Prophetarum fundatur: Natiuitate, passione, resurrectione & ascensione Christi completur: Apostolorum testimoniis fulcitur, sanguine Martyrū roboratur, qui miraculis probant se melius viuere post mortem. Aperta persecutione persequuntur, dum filios liberæ spoliant, suis laceſcunt conuitiis, affligunt iniuriis, exiliis, tormentis, morte: iuxta illud: Sancti ludibria & verbera experti, insuper & vincula & carceres. Lapidati sunt, secti sunt, tentati sunt, in occisione gladij mortui sunt. Contra hos nos Dominus armat, dicens: Nolite timere eos qui occidunt corpus, animam autem non possunt occidere: Sed potius eum timete, qui animam & corpus potest perdere in gehennam. Et alibi: Beati qui persecutionem patiuntur propter iustitiam, quoniam ipsorum est regnum cælorum. Quatò quoque fratres, considerandum est, quomodo ancilla & filius eius eum olla aquæ ciicitur, & filius liberæ hæres constituitur: filij quippè ancillæ quia tantum terrenam hæreditatem desiderant & amplectuntur, diuino iudicio à cælesti sunt hæreditate seiuncti. Et nihil eis cõfertur, nisi amphora aquæ super scapulam. Aqua fratres mei, mūdana felicitas est. Aqua enim est labilis, potabilis, nabilis. Mundana quoque felicitas est labilis, quia citò transit, nec redit. Potabilis est, id est, apta ad vtendum, si modeste sumatur: si superflue, inflat hominem, & occidit. Nabilis est, quia cum iusto regimine potest aliquis per eam transire ad portam salutis. Aliàs in superabundantia eius submergitur & perit. Hanc autem mundanam felicitatem accipit filius ancillæ super se, quia ei seruit, nō illa sibi. In alia verò vita prorsus à cælesti sequestrabitur hæreditate, nihil accipiens, nisi æternam dānationem, quoniam in hac vita recepit bona sua. Populus verò electus, qui est filius liberæ, constituitur hæres patris, & nunc electione, & in futuro confirmatione.

Nunc

1. Cor. 13.

Quomodo
fides nostra
fundatur.

Heb. 11.

Mat. 10.

Matth. 5.

Aqua mū-
danam felici-
tatem
notat.

Nunc spiritualium bonorum, & in futuro cœlestiū præmiorum. Nos itaque fratres mei, Christi sanguine liberati, iam non sumus filij ancillæ, sed liberæ: si tamen non secundum carnem, sed secundum spiritum viuimus: Si Deum, non mundum diligimus, si cœlestia, non terrena desideramus, si seruitutem vitiorum fugiētes, libertatem virtutum sectamur. Accipiemusque in futuro æternā hæreditatem, incorruptibilem & incōtaminatam, conseruatam in cœlis, vt simus hæredes quidē Dei, cohæredes autem Christi: Quoniam ad dexteram nobis positus dicitur: Venite benedicti patris mei, percipite regnum quod vobis paratum est ab origine mundi. Quam hæreditatem largiatur nobis, & promereri & consequi Iesus Christus Dominus noster. Qui cum patre & spiritu sancto viuit & regnat Deus, Amen.

Mat. 19.

DOMINICA QVARTA

Quadragesimæ.

Alii Iesus trās mare Galilææ, quod est Tyberiadis: & sequebatur eum multitudo magna, quia videbant faciem suam quæ faciebat, & reliqua. In hac sancti Euangelij lectione, quam modò fratres charissimi audiuius, primò quæ ad literam, secundò quod ad tropologiam, tertio quod ad mysticum sensum pertinet, videamus. Quantum igitur ad literam pertinet, fratres mei, Dominus & Redemptor noster Iesus Christus, ostendit in hac lectione se veram humanitatem, & veram habere diuinitatem. Humanitatem quippè & pietatem veram se habere ostendit, quando infirmis & esurientibus compatiitur & condescendit. Diuinitatem verò se habere veram demonstrat, quando infirmos solo nutu sanat, & quando de quinque panibus, & daobus piscibus quinque milia hominum, sublati etiam duodecim cophinis fragmentorum, saturat. Nōne fratres mei, si de quinque panibus quinque milia hominum nihilo remanente sacrasset, magnum & diuinum esset miraculum? Nunc verò quam mirabilius & Deo dignius miraculum apparet, cum & de quinque panibus quinque milia hominum satientur: & præterea decuplò plus sustollitur, quàm appositum est.

Ioan. 6.

Humanitas.

Diuinitas.

Quasi non idem miraculum Dominus quotidie faciat,

HOMILIAE

qui pauca seminis grana in terram iactat, centuplicat: sed nullus miratur, quod quotidie videt. Raritas verò rei, maiorem præstat admirationem. Cæterum quod hic legitur Dominus Philippum tenuisse, non est contrarium ei quod à Jacobo dicitur: Deus neminem tenet. Tripliciter quippè tentatio fit. Aliter enim Deus tentat, aliter diabolus, aliter homo. Deus quippè tentat, vt probeat, quemadmodum tenuit Abraham, vt eius fidem probaret: Et hic Philippum, vt eius infirmitatem demonstraret. Diabolus verò tentat, vt decipiat: quo genere tentationis Deus neminem tenet. Homo verò tentat, vt discat quod ignorat. Iuxta verò tropologiam, quando Christus hoc facit, quid Christiani facere debeant, ostendit. Octo igitur hic nobis imitanda proponuntur: Maris transfractio, in monte ascensio, miseratio humanæ tentationis, abiectio, quibus & quam elemosynā faciamus, quomodo & quo fine, quomodo elemosyna multiplicetur, & quanta gloria inde Deum sequatur. Itaq; fratres mei, cum Dominus abiit trans mare Galilææ, nos monet tempestuosum huius mundi mare desiderio transire, & ad coelestē patriam suspirare. Est enim hic mundus iustus, qui futuram vitam desiderant, exilium: mare tempestuosum vallis lachrymarum. Vnde & illud desiderant citò transire, & aliam viam aduenire. Inde Psalmista: Heu mihi, Domine, quia incolatus meus prolongatus est. Nam quemadmodum desiderat ceruus ad fontes aquarum, ita desiderat anima mea ad te Deus. Nam idē alibi dicit: Qui seminant in lachrymis, in exultatione metent. Euntes ibant & flebant, mittentes semina sua: Venientes autē venient cum exultatione portantes manipulos suos. At mundani homines, qui habēt hic patriam suam, & ducunt hic in bonis dies suos, nunquam vellent vitam præsentem transire: tamen velint, nolint, transeunt, & ad mortem rapiuntur, qui tamen mēte transeuntibus adhærent: velut qui rapitur à torrente adheret spinis & asperis. Itaq; fratres, desiderio ad coelestem vitam transeamus, illuc per opera misericordiæ quæcumq; possumus transmittamus. Illic sit thesaurus noster & cor nostrum. Illuc proximos nostros bono exemplo & exhortatione, promissis & amore, nobiscū trahamus: vt quemadmodum

*Jacob. 1.
Tentatio
fit triplici-
ter.*

*Psal. 119.
Psal. 41.*

Psal. 123.

admodum Dominum ita & nos sequatur multitudo magna, quod ubique fiet, si viderint nos facere signa super his qui infirmantur. Porro super infirmos signa facimus, si vel infirmos, corpore, beneficiis visitamus, vel infirmos mente confortamus, vel infirmos peccato corripiamus, vel furiosos odiis vel iniuriis contra nos patienter sustinemus, vel si omnes huius mundi infirmos orationibus nostris apud Deum curamus. Cùm verò Dominus in montem ascendit, & ibi sedet cum Discipulis suis, monet nos ut de virtute in virtutem usque ad altitudinem virtutis & contemplationis ascendamus: Et ibi inter miseriam huius mundi, sessionem & requiem cum Domino & sanctis eius, quârum possumus habemus, talibus quippe proximum est Pascha dies festus Iudeorum. Quoniam tales qui per contemplationem cum Domino & sanctis eius requiescunt, amore, spe, & merito iam proximi sunt die festo verè confitentium angelorum. Cùm autem Dominus sedens in monte, inferioribus turbis esurientibus condescendit & miseretur, instruit nos, ut ita per contemplationem in cœlestibus quiescamus, quod turbis inferioribus per compassionem condescendamus. Iuxta quod ipse Dominus dicit: Estote misericordes, sicut & pater vester cœlestis misericors est. Induamus fratres misericordiae viscera & compassionis, & quando videmus aliquem pati, ei compatiamur. Quando videmus aliquem dolere, condoleamus. Quando videmus aliquem egere, ei prout possumus, subueniamus. Nam beati misericordes, quoniam misericordiam consequentur. Et contra: Iudicium sine misericordia fiet ei, qui non fecerit misericordiam. Cùm verò Dominus Discipulos adhuc rudes, de humana tentatione tentando redarguit, nos docet ut humanam tentationem quantum possumus, superemus. Humanam quippe tentationem passi sunt discipuli, quando de panis sufficientia dubitantes, alter dicebat: *ducuntorū denariorum panes non sufficient eis, ut unusquisque modicum quid accipiat.* Et alter dicebat: *Est puer unus hic, qui habet quinque panes ordeaceos, & duos pisces. Sed hæc quid sinit inter tantos?* Hanc tentationem fratres patimur & nos, cū videntes multitudinem pauperum, causamur nos modi-

*Quomodo
super infirmos
signa
facimus.*

*De virtute
in virtutē
ascendendū.*

Mat. 25.

cum annonæ habere in horreo, modicum panis in arca.
 Et dicimus: Ite viâ vestram: Non sufficeret quod habeo
 mihi & vobis. Humanâ etiam tentationem patimur, cum
 videntes carum tempus, & sata deficere dicimus: Quid
 manducabimus quid bibemus, aut quo opesiemur? Hæc
 proculdubio fratres mei, humana tentatio est, quæ de fi-
 dei nascitur imperfectione. Vnde Dominus nobis dicere
 potest: Quid timidi estis modicæ fidei? Si enim firmam
 fidem & charitatē in Deo haberemus, nihil profectò no-
 bis deesse crederemus: Domino suis providēte, qui etiam
 infidelibus non desistit providere. Legimus enim Domi-
 num seruos suos sine cibo per multos dies sustentasse. Les-
 gimus enim sanctū Nicolaum sexaginta homines de tri-
 bus panibus refecisse: Idemque legimus de pluribus aliis.
 Vidi fratres multos charitativos quotidie abundanter
 donare, & Deum eis abundanter ministrare, ut quasi cer-
 rare viderentur iustus erogando, & Dominus submini-
 strando. Quibus autem præcipue sit dandum, Dominus
 ostendit, quando multitudinem, quæ eum sequebatur,
 pavit. Nam Dei iussa sequentibus esse dandum ostendit.
 Alibi tamen Dominus dicit: Omni petenti te, tribue: Cui
 contrarium videtur illud dictum Sapientis: Benefac iusto,
 & non dederis impio: Et illud: Cui des, videris. Non est
 verò contrarium fratres. Omni enim indigenti, si possu-
 mus, benefacere debemus, non quidem impietatem eius,
 sed naturam sustentantes. Si tamen non omnibus dare
 possumus, fidelibus, pauperibus, & iustioribus, donare
 debemus, iuxta illud Apostoli: facientes bonum ad om-
 nes, maximè autem ad domesticos fidei: Quid, quibus do-
 nandum sit, Dominus ostendit: Donans infirmis sanitatē,
 esurientibus panem, ignavis doctrinam, captivis li-
 bertatē. Cum enim, Dominus inquit, omni petenti te, tri-
 bue, non ait tribue quod petit, sed quod tu potes, & cuius
 illum egere vides. Pauperi da sustentamentum corporis.
 Diuiti da verbum Dei, sustentamentum animæ. Incon-
 sulto, da consilium. Laboranti, si aliud non potes, da ora-
 tionis auxilium. Munus siquidem magnum est, verbum
 consilij, verbum correctionis, & verbum orationis. Nam
 quantò pretiosior est anima quàm corpus, tantò pretio-
 sius

*Humana
tentatio.*

Matth. 8.

*Quibus
dandum.*

*Luc. 6.
Eccle. 12.*

*Omni indi-
genti bene-
faciendum.
Galat. 6.*

*Quid &
quibus do-
nandum.*

sius beneficium animæ factum quàm corpori. Quomodo verò & quo sine eleemosyna danda sit. Dominus ostendit, qui primum gratias egit, & post distribuit. Nos ergo dantes, Deo, ex quo omni bonum est, semper gratias referamus, & propter eum distribuamus. Iuxta quod Apostolus ait: Quid habes, quod non accepisti? Et alibi: Qui tribuit in simplicitate. Si enim fratres rem bene consideremus, eleemosyna nostra non est meritum nostrum, sed Dei gratia. Ipsam quippè rem, quam damus, non ex nobis, sed ex Deo habemus: nec ipsam bonam voluntatem habere, nec manum ad dandum extendere ex nobis, sed ex Deo valemus: Non enim volentis est velle, nec currentis currere, sed miserentis Dei. Quid ergo ex nobis? Sicut ergo totam eleemosynam à Deo habemus, ita totam ad eum dirigamus. Non demus ut tædio carentis caremus, quoniam qui hoc facit, meritum suum & rem perdit. Non demus ob vanam gloriā, quoniam qui hoc facit, mercedem suam hic recipit. Non dat eleemosynam sinistra, id est temporalis intentio: Non dextera simul & sinistra, id est, eleemosynæ datæ propter Deum non se admisceat vana gloria, sed sola dextera, nesciente sinistra. Quantum verò eleemosyna multiplicetur, ostenditur in hoc quod de quinque panibus, quinque milia hominum satiatur, & duodecim cophini sustolluntur. Porro duobus modis multiplicatur in nobis eleemosyna, & spiritualiter & eternaliter. Spiritualiter, ut cum verbum vitæ aliis prædicamus, non diminuitur, sed potius & in nobis & in illis augetur. Velut si ex vno luminari, plura succederis luminaria. Sed, & si rem transitoriam damus, quāvis transeat in accipiente, tamē in nobis multiplicatur, dum inde à Deo in nobis fides, spes, & charitas, cæteræque virtutes adaugentur. Eternaliter verò multiplicatur, cum pro terreno cœleste, pro transitorio æternū, pro corruptibili incorruptibile præmium accipietur, ut illud impleatur: Vos qui sequuti estis me, cētuplum accipietis hic, & in futuro vitam æternam. Valet igitur eleemosyna, & pro quo fit, & cui fit. Et si illis non valet, illi qui benè eam facit, nō valere non potest. Quæ fratres mei, potest esse maior multiplicatio, quàm cum vidua propter duo minuta, alius propter

*Quomodo
& quo sine
eleemo-
syna dāda.*

1. Cor. 4.

Rom. 12.

Rom. 9.

*Duobus
modis elee-
mosyna
multipli-
catur.*

Matth. 19.

Luc. 21.

Mat. 10.

2 Cor. 8.

Fsal. 144.

Luc. 17.

Mat. 25.

Fide &
amore

Christus

sequendus.

præt calicem aquæ frigidæ, alius pro sola bona voluntate accipiet regnum cœlorum? Quanta gloria de eleemosyna, deinde sequatur, ostenditur cùm subdit: *Turbæ autem videntes quod fecerāt signum, dicebant quia hic est verè Propheta, qui venturus est in mundum.* Porro de eleemosyna semper benedicendus est Deus: & pater misericordiarum, & Deus totius consolationis, qui aperit manum suam, & implet omne animal benedictione. Nos autem fratres, qui nō auctores eleemosynæ, sed ministri tantum sumus, nobiscum gr̃atias reddi nēc velimus nec patiamur, sed dicamus, serui inutiles sumus: quod debuimus facere, fecimus; nō nostra, sed aliena dispensamus. Et tamen hoc facientes, non erimus sine gloria ante Deū, qui suis facta, reputat sibi facta esse, reputans & dicens: Venite benedicti patris mei, percipite regnū quod vobis paratum est ab origine mundi: Esurivi enim & dedistis mihi manducare: Sitivi enim & dedistis mihi potū, &c. Iuxta verò mysticum sensum, Iesus abiit trans mare Galilææ, quando tribulationes huius mundi, patiendo, & resurgendo transmigravit. Sequuta est autem fide & amore illum multitudo magna, videntes signa quæ vel per se vel per discipulos faciebat: super his qui mente vel corpore infirmabantur. Ascendit autem Iesus in montem, id est in æternæ glorificationis altitudinem: Et ibi sedebat, & quiescebat, & regnabat, & discipuli mente, & si non dum corpore, cum eo: *Erat autem proximū Pascha, dies festus Iudeorum.* Pascha trāsitus interpretatur. Ergo erat proximum Pascha dies festus Iudeorum: quia iam radiante Euangelio, instabat transitus & cessatio veterarum cœremoniarum. Cùm subleuasset ergo Iesus oculos misericordie suæ, & vidisset quia maxima multitudo, credendo, venit ad eum, dixit inspirādo, ad Philippum, id est, ad quem libet prædicatorem. Philippus enim os lampadis interpretatur. *Vnde ememus panes ut māducent hi?* id est, vnde comparabimus nobis sapientiam & doctrinā verbi, vnde reficiatur populus Dei? Hoc autem dicebat tentans eum: Ipse enim sciebat quid esset facturus. Hæc tentatio fratres mei, Deo permittente frequenter nos tentat, cùm videntes multitudinem fidelium in Ecclesiam confluxisse, dubi-

tamus

tamus apud nos & querimus, de quo libro comparabo
 hodie sermonē, unde reficiam populū Dei & Immemores
 quid promissit suis Dominus, & quid per nos sit facturus.
 Ipse enim ait: Aperi os tuū & ego adimplebo. Et in Evan- *Psal. 8.*
 gelio: Cūm steteritis ante Reges & Præsides, nolite cogi- *Mar. 13.*
 tare quomodo aut quid loquamini: dabitur enim vobis
 in illa hora quid loquamini. Huius ergo fratres, domini-
 cæ promissionis semper memores, & de Dei gratia, non
 de nostro ingenio præsumentes, audacter verbum Dei lo- *Psal. 67.*
 quamur ad populum, quoniam Dominus dabit verbum
 Euangelizantibus virtute multa, Memini certè me quan-
 doque melius locutum ad populum, quando loquebar
 ex improviso, quàm quando loquebar ex præmeditato,
 Domino sic faciente. Videamur sufficientes cogitare: alio
 quid ex nobis quasi ex nobis. *Ducentorum*, inquit, *dena-*
riorum panes non sufficiunt eis. Id est ducentorum prædi-
 catorum doctrinæ ad erudiendum populum fidelium qui
 Deum sequuntur, non sufficiunt, ut unusquisque modicum
 quid accipiat. *Est puer vnus hic, qui habet quinque panes*
ordeaceos, & duos pisces. Hic puer est Moyſes famulus
 Dei, qui habet quinque libros legis: Qui benè per ordea-
 ceos panes significantur. Ordeum enim tenacissima palea
 tegitur, & iumentorum cibus est. Lex quoque tenacissi-
 mis inuolucris figurarum, & verborum occultatur, & ci-
 bus simplicium & animalium hominum est, ad literam
 intellecta. Si verò intelligitur subtilius, habet duos pisces
 secum, id est moralem & mysticum sensum, quorū dulce
 dine legis ariditas impinguatur. Accepit ergo quinque pa-
 nes Iesus, benedixit & fregit. Quia quinque libros Moysi
 in se impletos, & sanctos esse ostendit: eos fregit, & dedit
 cum duobus piscibus discipulis, ut apponeret turbis, quia
 intellectum legis eis aperuit, ut cū morali & mystico sen-
 su eam turbis prædicarent. In hoc fratres mei, quod disci-
 puli non apponunt alium panem turbis, nisi à Christo sic
 traditus, nec illum panem illi frangunt, sed Christus eis
 frangit, confunduntur illi qui aliam scripturam prædicant
 quàm diuinam, vel qui ipsam scripturam non à Deo sibi
 frangi & aperiri expectant, sed ipsi per se eam sibi frange-
 re præsumunt, apponentes potius quàm exponentes, cum
 præci-

Exech. 3. præcipiat Dominus Prophetæ: Annuntiabis, inquit, eis ex me. Saturantur autem ex quinq; panibus cum duobus piscibus, id est ex quinq; libris Moyli cum mystico & moralis intellectu. Quinq; milia hominum, id est simplices, tantum res quinque sensibus corporis subiectas prius sapientes. Ex fragmentis verò & crustis, quæ comedentibus superfuert, implentur cophini duodecim, quia subtiliores & fortiores sententiæ, quas simplices capere non possunt, Apostolicis & perfectioribus viris ruminandæ referuntur. Iuxta quod Apostolus ait Corinthiis: Lac potum dedi vobis, non escam. Sapientiam enim loquimur inter perfectos. Et hoc contra illos qui simplicioribus altiora loquuntur, non erudientes eos, sed potius conturbantes. Porro homines cernentes doctrinam diuinam in omnibus exuberare, & quantò à pluribus percipitur, tantò magis abundare, laudant & benedicunt Dominum, qui hic pane spiritali quotidie recreat suos, eo vaticinio eos sustentans, quousq; perueniant ad terram promissionis, ad quam perducatur nos omnipotens & misericors Deus, qui in trinitate perfecta viuit & regnat Deus. Amen.

DOMINICA QUINTA

Quadragesimæ.

Reb. 2. **C**hristus assistens Pontifex futurorum bonorum, per amplius & perfectius tabernaculum non manufactum, id est, non huius creationis, &c. In hac lectione fratres mei, ostendit Apostolus Pontificium Christi fuisse præfiguratum in Pontificio legis. Et illud quidè imperfectum esse tanquam figuram & vmbra: Istud verò perfectum esse, tanquam rem & veritatem. Illud transire, istud manere. Consideranda sunt igitur fratres mei, quatuor de Pontifice legali. Qualis esse, quo in loco stare, quorum esse minister, quid agere secundum legem debeat. Debat autem legalis Pontifex esse sine macula, integer & sanus. Sine macula, ne scilicet esset cum paruo, vel grandi, vel toto naso, nè esset gibbus, nec lippus, nec albuginè habens in oculo, nec impetiginè in corpore, nec iugem scabiem. Integer, nec esset cæcus, nec mancus, nec sine genitalibus; & huiusmodi. Sanus, ne esset claudus, nec fracto pede, nec manu, nec leprosus, nec ponderosus. Erant autè hæc

in le-

in legali Pontifice per figuram : In Christo verò sunt per
 veritatem. Christus quippè fuit agnus sine macula, quo-
 niam vt ait Petrus, peccatum non fecit, nec inuentus est
 dolus in ore eius. Et ipse etiam, speciosus forma præ fi-
 liis hominum. Fuit autem integer, omnem habens in se
 virtutum perfectionem. Fuit enim, vt Ioannes dicit, ple-
 nus gratiæ & veritatis. Fuit etiam sanus & perfectus in
 omni sapientia & scientia. Quoniam in Christo sunt om-
 nes thesauri sapientiæ & scientiæ Dei absconditi. Quo in
 loco stabat legalis Pontifex? In medio, id est, inter homi-
 nem & Deum: hominibus antestitabat: Vnde & antistes
 dicebatur, & Deo assistebat: Vnde Episcopus, id est, super
 intendens dicebatur. Vnde Apostolus: Omnis namque
 Pontifex ex hominibus assumptus, pro hominibus consti-
 tuitur in his quæ sunt apud Deū. Debebat autem medius
 esse extremorū, participatione, affectione, & ordine. Ex-
 tremorū participatione, qui scilicet esset homo cū homi-
 nibus natura, & Deus cū Deo gratia. Medius affectione,
 vt scilicet esset peccatoribus proximus per compassionē,
 & Deo proximus propter familiaritatē. Medius ordine, vt
 scilicet per eum haberent accessum homines ad Deum, &
 Deus ad homines, Christus quoque medius & verus fuit
 Pōtifex assistēs Deo, & antestitēs hominibus. Fuit enim
 medius inter Deū & hominē natura, quia naturalis ho-
 mo cum hominibus, & naturalis Deus cum Deo. Medius
 affectione, quia per pietatem fuit compatiēs hominibus.
 Vnde Apostolus: Non habemus Pontificem qui non pos-
 sit compati infirmitatibus nostris, & per amorem vnus
 cū Deo Patre. Medius ordine, quia per eū habemus acces-
 sum ad Deū Patrē: Et Deus Pater nobis reconciliatur per
 eum, & nos illi. Hinc est quod hic vocatur à Paulo noui
 Testamenti mediator. Quorum erat minister legalis Pō-
 tifex: temporalium & carnaliū Sacramentorum, & eorū
 solum erat minister, non adiutor. Christus verò est Ponti-
 fex futurorum bonorum illorum, videlicet spiritualium
 & coelestium bonorum, quæ per legales figuras futura
 significabantur: Et illorum est Christus non tantum mi-
 nister, imò & auctor & largitor: Ipse enim baptizat, ipse
 peccata abluit, ipse virtutes tribuit, ipse præmia reddit.

1. Pet. 1.

Psalm. 44.

Ioan. 1.

Colos. 2.

Heb. 5.

Heb. 4.

Heb. 2.

Quid

HOMILIAE

Quid agebat legalis Pontifex? Semel in anno, in septimo mense, scilicet in festo propitiationis, sacrificabat, & cum sanguine, indutus Pontificalibus, intrabat in Sancta sanctorum: & sanguine pacifico aspergebantur interiora, ut propitiaretur Deus populo suo. Sic quoque Pontifex Pontificum. Dominus Iesus Christus, semel in tempore, semetipsum pro salute mundi sacrificauit. Et resurgens indutus stola immortalitatis, non tantum in coelum, sed etiam in coelum coelorum introiuit tabernaculum. s. per amplius capacitate, & perfectius perpetuitate: ubi sedens ad dextram Patris, aspergit sanguine suo interiora & exteriora: id est, reconciliat per passionem suam coelestia terrenis, & terrena coelestibus, Deum homini, & hominem Deo. Assignat itaque Apostolus distantiam in quinque rebus, inter legalem Pontificem & Euangelicum Pontificem Christum, & in omnibus, demonstrat Christi excellentiam. Illi enim intrabat tabernaculum manufactum, & hic non manufactum. Ille semel in anno, hic semel in tempore. Ille moriebatur, & alter succedebat: iste permanet Sacerdos in aeternum secundum ordinem Melchisedech. Vnde idem Apostolus: Plures facti sunt Sacerdotes secundum legem eo quod morte prohiberentur permanere. Iesus autem eo quod maneat in aeternum, semperiternum habet Sacerdotium. Ille cum alieno sanguine intrabat: iste cum proprio. Ille intercedebat pro suis & aliorum peccatis: iste cum sit immunis a peccato, tantum pro alienis. Vnde idem Apostolus: Talis enim decebat ut esset nobis Pontifex, sanctus, innocens, impollutus, segregatus a peccatoribus, & excelsior coelis factus. Qui non haberet necessitatem quod die: quemadmodum Sacerdotes prius, pro delictis suis hostias offerre: deinde pro populo. Si enim, inquit, Apostolus, Sanguis hircorum aut vitulorum, vel emus vitulae, inquinatos contactu mortui sanctificat, secundum legalem obseruationem, ad emundationem carnis: quanto magis sanguis Christi emundabit conscientias nostras, ab operibus mortuis, ad seruendum Deo uiuenti? Re vera fratres sanguis pecudum non emundabat ad litteram, quia nec carnem, nec sanguinem, nec animam Christi, per quem omnis emundatio fit, praefigurabat.

*Differentia
legalis Pon-
tificis, &
Christi
Euangelici.
Heb. 7.*

Ibidem.

Sanguis

Sanguis itaque Christi, fratres charissimi, nos emundabit ab omnibus peccatis, si tamen in eum verè credimus, si in eum speramus verè, si eius vestigia sequitur: Quoniam ut ait Petrus: Christus passus est pro nobis vobis relinquēs exemplum, ut sequamini vestigia eius. Humiliauit quippè se pro nobis, ne nos pro eo humiliari timeremus. Factus est pro nobis pauper, ne nos pauperes pro eo fieri timeremus. Mortuus est pro nobis, ne nos mori pro eo timeremus. Resurrexit pro nobis, ut nos per eum resurgeremus. Ascendit in cœlū, ut nos per eum in cœlum ascēderemus. Itaque fratres si volumus exaltari cū eo, cum eo humiliemur. Si volumus ditari cum eo, cum eo & pro eo pauperes simus. Si volumus resurgere cū eo, cum eo & pro eo moriamur, & si non carne, saltem mente. Crucifigamur & moriantur in nobis carnales concupiscentiæ, vitia & peccata. Surgant & crescant in nobis virtutes spirituales, boni mores, & bona opera: Ut sic purè passionem & resurrectionem Christi & celebrare & imitari valeamus, ipso præstante, qui passus est pro nobis Domino nostro Iesu Christo, qui cum Patre & Spiritu sancto viuit & regnat Deus, per omnia secula seculorum. Amen.

DOMINICA V. QVADRAGESIMAE.

Dixit Iesus turbis Iudeorum & Principibus Sacerdotum. Quis ex vobis arguet me de peccato? &c. Dominus ac redemptor noster, fratres charissimi, sicut non venit sibi, sed nobis: ita quod pugnavit & quod vicit, pugnavit & vicit nō sibi, sed nobis. Quemadmodum enim diabolus consueverat hominem expugnare & vincere, ita Christus voluit se ab eo expugnari & eum vincere. Consueverat enim diabolus hominem duobus modis expugnare. Primò, subdola tentatione: secundò aperta persecutione. Si non superabat eum in primo, aggrediebatur eum secundo pugnandi modo. Cū igitur diabolus primò aggressus esset Dominū subdola suggestionē, ut eum vel in gula, vel in vana gloria, vel in superbia deciperet, & ab eo superatus esset, post aggressus est aperta persecutione eum impugnare, ut quem non vicerāt blanda, vincerent dura. Et quoniam persecutio, quæ infertur à pro-pinquis & familiaribus, solet hominem plus perturbare,

*Quemodo
sanguis
Christi nos
emundat ab
omnibus
peccatis.
1. Pet. 2.
Christus
exemplum
nostrum.*

Ican. 8c.

*Duobus
modis dia-
bolus ho-
minem ex-
pugnat.*

Psal. 37.

Psal. 34.

Quatuor
retributio-
nes.

Psal. 22.

Psal. 37.

persecutus est eum per Iudæos contribulos & consan-
guineos suos, & etiam per discipulū collateralem & do-
mesticum suū. Vnde idē per Prophetā. Amici mei & pro-
ximi mei aduersum me appropinquauerunt & steterunt.
Et alibi: Si inimicus meus maledixisset mihi, sustinuissem
utique. Et si is qui oderat me, super me magna loquutus
fuisset, abscondissem me forsitan ab eo. Tu verò homo
vnanimis, dux meus & notus meus qui simul mecū dul-
ces capiebas cibos. Et alibi, homo pacis meę, in quo spera-
bam, qui edebat panes meos, magnificauit super me sup-
plantationē. Illi ergo à diabolo instigati, persecuti sunt
Christum retributione qua nulla est prior. At Christus re-
spondit eis retributione, qua nulla est melior. Quatuor
quippe sunt retributiones: Reddere bonum pro malo:
Reddere bonū pro bono. Reddere malū pro malo: Red-
dere malum pro bono. Prima igitur est valde bonorum:
Dux mediæ mediocriter bonorum, & mediocriter ma-
lorum. Quarta valde malorū. Prima Christi est, suorum-
que membrorum: vltima diaboli, suorumque membro-
rum. Cū itaque Christus Iudæos diligeret, eisque ve-
ram doctrinam, & vitam æternam offerret, illi contra
ei reddebant odium pro dilectione, maledictum pro be-
nedictio, mortem pro vita. Vnde ipse per Prophetam, pos-
suerunt, inquit, aduersum me mala pro bonis, & odium
pro dilectione mea. Et alibi: Qui retribuunt mala pro
bonis, detrahebant mihi. Et quare? quoniam sequebar
bonitatem. Itaque cū sic persecuerentur Christum Iu-
dæi, ipse per omnia exhibuit eis misericordiam & mans-
uetudinem: vt illi nullam haberent suę infidelitatis ex-
cusationem: Et nos exemplo eius instrueremur, quomo-
do inimicos nostros tolerare deberemus. Sunt igitur fra-
tres mei, quatuor considerata in hac lectione. Primò,
quomodo Dominus inimicis suis offerat reconciliationē
& pacem. Secundò, quomodo conuitiantium cōtumeliis
respondeat. Tertiò, quomodo inuidi verba veritatis de-
pauent. Quartò, quomodo persequentium iniuriis Chris-
tus cedat. Primò igitur Dominus offert inimicis suis re-
conciliationem, & pacem cū dicit: *Quis ex vobis arguet
me de peccato?* Ac si diceret: *Popule meus quid feci tibi?*

aut in quo molestus fui tibi? Responde mihi, & si quid habes prope me, loquere. Qui quærit, fratres mei, in quo læserit, satisfactionem & reconciliationem quærit: Si *veritatem dico, quare non creditis mihi?* Quasi diceret: Si nihil mali sed plurimū boni vobis facio, quare non me diligitis? Si nihil falsi, sed semper veritatem vobis & pro vobis dico, quare non creditis mihi? In quo nos instruit, ut eis qui nobis invident, nos odiunt, & persequuntur, pacem & reconciliationem habeamus, quærentes ab eis in quo eos læserimus. Quod si in aliquo, eis cum humilitate satisfaciamus. Si verò in nullo, eis amorem & obsequium offeramus, & nos eorum bonū & velle & quærere ostendamus. Qui si audierint nos, lucrati erimus fratres nostros. Res proculdubio magni meriti apud Deum. Ne simus fratres de numero illorum, qui turpe putant se inimicis suis humiliare, & eorum pacem quærere: iniurias sibi illatas grandificantes, & quas intulerunt, parificantes. Præsertim cum Rex Regum & Dominus dominantium, pacem impiorum servorum quæsierit, & eis se humiliaverit. Qui cum pacis bona contemnerent, dixit eis: *Qui ex Deo est, verba Dei audit: propterea vos non auditis, quia ex Deo nō estis.* Nos quoq; fratres, inimicis nostris nostrā pacem & satisfactionem respicientibus & expuentibus, dicere possumus. Qui ex Deo est, verba pacis audit: Qui verò verbum pacis audire non vult, ex Deo nō est. Nam ubi pax, ibi Deus. Et ipso testante: Beati pacifici, quoniam filij Dei vocabūtur. Quia igitur qui ex Deo est, verba Dei audit, interroget fratres mei unusquisq; semetipsum, si verba Dei ore cordis audit, id est, si retinet, facit, & perseuerat, & in eo pro certo cognoscit, si ex Deo sit. Sequitur pars secunda, in qua Christus Iudæorum contumeliis benignè respōdet. Iudæi quippè de oblata pace & correctione peiores effecti, contumeliā responderunt. Nōne, inquit, *benedicimus nos, quia Samaritanus es tu & demonium habes?* Heu quā peruerse loquuti sunt: Sic fratres mei, sic faciunt semper mali, bonis pro benedicto reddūt maledictū, pro correctione contumeliā. Sed audiamus quā mansuetē eis Dominus respondet: Ego, inquit, *demonium non habeo.* Duo quippè ei obiecta fuerant:

Cum inimicis nostris reconciliationem quærenda.

Quid dicam dum inimicis pacem recumbentibus. Id est, q.

HOMILIAE

Samaritanas custos interpretatur.

Psal. 120. Vitium nō exprobrandum.

Alterum negat se dæmonium habere, alterum tacendo concedit, videlicet se esse Samaritanum. Samaritanus nāque custos interpretatur. Dominus autē custos electorū suorum est: qui non dormitabit, neque dormiet. Cū autem eis veraciter respondere posset, non ego, sed vos habetis dæmonium, noluit, ne contumeliam pro contumelia reddere videretur. In quo fratres mei, exēplo suo nos docuit, ne prouocati ab aliquo contumelioso, tunc ei vitium suum exprobrems. Quoniam qui alij ob irā & vindictam crimen suum obiicit, & si sit verum, tamen illud non verē, id est, simplici intentione dicit: & idēd verus nō potest dici, sed potius falsus. Qui autem vult alium de vitio suo corrigere, scorsum & bono zelo eum debet redarguere. Porro Dominus se non habere dæmonium probat, ex eo quod subdit: *Sed honorifico patrē meum*, ei quicquid facio attribuendo, & eius gloriam in omnibus quærendo. Diaboli verō & suorum membrorum est, semper suam, & non Dei gloriam quærere, & sibi diuinam auctoritatem arrogare. Qui ergo Dei gloriā in omnibus quærit, se non habere dæmonium, nec eius esse membrum, ostendit. *Et vos*, inquit, *inhonorastis me*, in quo ostenditis vos potius dæmonium habere. *Ego autem non quæro gloriam meam, est qui quærat & iudicet*, id est, adiudicet. Iustum enim Dei iudiciū est, vt qui nō suam, sed Dei gloriam quærit, à Deo glorificetur. Et econtrario, qui suam non Dei gloriam quærit, ante Deū inglorius semper sit. Hic discamus fratres mei, semper Dei, non nostram gloriam in omnibus quærere, & Deus quæret & adiudicabit nobis gloriam suam sempiternam. Non solū autē Dominus non reddit contumeliosis contumeliam, sed etiam offert eis doctrinam. Nos instruens vt ob nullam contumeliam à tranquillitate mentis nostræ commoueamur, sed charitatem & mansuetudinem seruantes incōcussam, etiam nobis contumelias inferentibus correctionem & doctrinam offeramus. Ait igitur: *Amen amen dico vobis, si quis sermonem meum seruauerit, mortem non videbit in æternum*. Sed sicut boni de accepta contumelia fiunt meliores: ita ecōtrario mali, de accepta doctrina, fiunt peiores. Vnde & subditur: *Responderunt ergo ei Iudæi, nime*

cogno-

In omnibus non nostram, sed Dei gloriam quærenda.

Charitas & mansuetudo seruanda.

cognouimus quia demonium habes. Est autem hæc pars
 tertia, in qua Iudæi malitiosi, bona Domini verba sinistro
 deprauant intellectu, cum subdunt: *Abrahâ & Propheta
 mortui sunt, & tu dicis, quia si quis sermonem meum
 seruauerit, mortem non videbit in æternum*. Sic fratres mei
 sic consueuerunt malitiosi iustorum dicta deprauare, &
 quod bene, & bona intentione dictum est, in deteriorem
 partem interpretari, vel malè exponendo, vel quædã ver-
 ba mutando. Cum enim Dominus dixisset: *Si quis sermo-
 nem meum seruauerit, mortem non videbit in æternum*, de
 morte spirituali vel æterna hoc intellexit. Sunt enim tres
 species mortis: mors corporalis, quæ fit per separationem
 animæ & corporis: Mors spiritualis, quæ fit per peccatũ,
 quod quidem separat animam à Deo. Mors æterna: pœ-
 na, scilicet æterna, quæ cruciabit animam simul & corpus:
 quæ idèò mors dicitur, quoniam melius esset mori quoti-
 die, quàm illam pœnã æternam tolerare. Cum ergo Do-
 minus loqueretur de morte spirituali vel æterna, ipsi de-
 prauantes, de morte corporali interpretati sunt. *Non quid,*
*inquiunt, tu, cuius scilicet sermo facit homines immor-
 tales, maior est patre nostro Abraham, qui mortuus est, &
 Prophetæ, qui mortui sunt?* subaudis, quorum sermo, nec
 eos, nec alios facit immortales. Ac si diceret non, inuidia
 fratres mei, excæcabat Iudæos, quæ semper homines ex-
 cæcat, ne rectum possint de persona, cui inuidet, ferre iu-
 dicium. Quamuis enim audierant & viderant Dominum
 miracula fecisse, quæ non Abrahã, nec aliquis Prophetarũ
 fecerit, vt cæco nato oculos creasse, mortuum quatuor die-
 bus suscitasse. Ventis & mari imperasse, & super undas
 ambulasse: Tamen ei Abrahã & Prophetas proponebãt;
 ob nihil aliud, nisi quia ei inuidebant, ideo qui cum pa-
 uore & de paupercula matre natũ, & per ætates eum ex-
 creuisset, viderant. Quorũ hodie sunt similes, qui coque-
 uos & contemporaneos suos quātumcunque bonos de-
 spiciunt, & eos antiquioribus non posse æquari conten-
 dunt, cum summus auctor in omni tempore æqua bona
 possit operari. *Quem te, inquiunt facis?* Ille seipsum ma-
 gnũ facit, qui virtutem quam non habet, sibi falso attri-
 buit, sicut faciunt hypocritæ. Propterea nō sedit Dominus

*Mali dicta
 iustorum
 deprauant.*

*Tres spe-
 cies mortis
 corporalis,
 spiritualis,
 æterna.*

*Ioan. 9.
 Ioan. 11.
 Mat. 6.
 Mar. 6.*

In omni-
bus gloria
Dei qua-
renda.

Falsi Chri-
stiani.

Exod. 3.

se non semet glorificare, & tamē verā glorificationem à patre habere, cū respōdet. Si ego, inquit, glorifico meipsum gloria mea nihil est. Est pater qui glorificat me, &c. Seipsum glorificat, fratres mei, qui gloriam suam quærit non Dei: Cuius profectò gloria nihil est, Christus autem seipsum non glorificauit, quia nō suam, sed patris gloriam in omnibus quæsiuit: & idē ab ipso glorificari meruit, Vnde & subdit: Est pater qui glorificat me. Discamus, & nos fratres in omnibus bonis quæ sentimus, dicimus, vel facimus, nō nostram, sed Dei gloriam quærere, vt ab ipso glorificari mereamur. Quem vos, inquit, dicitis, quia Deus vester est, sed non cognouistis eum. Deum patrem non cognouerunt, quia cum habere filium nō crediderunt. Qui enim filium ignorat, & patrem Deum etiam ignorat, qui reprobis operibus se eum ignorare demonstrat. Quales, vnde dolendum est, sunt hodie multi falsi Christiani, qui dicunt de Deo, quia Deus noster est: & tamen eum non cognouerunt, dum se voluntatē Dei ignorare prauis operibus ostendunt. Quia verò Domino dicēti, quod si quis sermonem meum seruauerit, mortem nō videbit in æternum, opposuerant Iudæi Abraham mortuum esse: Ostendit Dominus Abraham non esse mortuum, sed potius in fide aduentus sui viuere & gaudere, cū dicit, Abraham pater vester exultauit, id est, exultādo expectauit vt videret diem meum, id est, aduentū meum. Vidit, id est, quem venturum credidit venisse agnouit, & gauisus est. Sed Iudæi carnales carnali visu dictū esse intelligētes, respondēt: Quinquaginta annos nondum habes, & Abraham vidisti? Respondit eis Iesus, Amen amen dico vobis, priusquam Abraham fieret, ego sum. Iudæi intelligebant Christum purum hominem, & his verbis ostendit eius diuinitatem. Vnde cū de Abraham dixisset (fieret) de se ait: sum. Quoniam Abraham vt creatura factus est: Christus verò ab æterno à patre non factus, sed natus est. Cuius essentia incommutabilis, conuenienter exprimitur per verbū substantiuum præsentis temporis. Vnde ipse ait ad Moysen, Ego sum qui sum. Sed Iudæi more suo malum pro bono reddentes, tulerūt lapides vt iacerent in eū. Sequitur pars quarta cū subditur, Iesus autē abscondit se, & exiit de templo.

templo. In quo ostenditur quomodo Dominus persecutorum cesserit iniuriis. Sed cū solo eos nutu perdere posset, quare fugere & latere elegit? Triplici de causa. Prima vt per timorem mortis se verā habere humanitatem demonstraret, qui tamen timor in eo voluntatis fuit non necessitatis. Secūda, vt quod discipulis dixerat verbo. Si persequuti vos fuerint in vna ciuitate, fugite in aliam, ostenderet exemplo. Necessariū quippē fuit predicatoribus, quandoq; fugere & latere, ne mox ablati predicatoribus, Euāgelium silentio premeretur. Tertia vt nobis daret exemplum, quod si quandoque persecutoribus nostris in contentione possemus præualere, tamē prouocantibus ex humilitate crederemus & lateremus, vt in hoc tā prouocantium, quā nostræ saluti consuleremus. Apud Christianos enim, non qui fortiter percutit, sed qui fortiter cedit, fortis est, fortior enim est teste Salomone, qui vincit iram, quā qui vincit ciuitatem. Ipse autem Christus qui nunc fugit & latuit, quando ei placuit, se crucifigendum persecutoribus obtulit: nec solum fortiter eos passus est, sed etiam pro eis misericorditer deprecatus est, dicens: Pater dimitte illis, quia nesciunt quid faciunt. Imitemur itaque Christum redemptorē nostrum, pacem pro odio inimicis nostris offerendo: Bonum pro malo, & benedictum pro maledicto reddendo, iniuriis etiam imbecillorum cedendo, quando opus fuerit, mortem fortiter sustinendo: pro persecutoribus nostris intercedendo, vt participes Christi resurrectionis & gloriæ fieri mereamur, ipso præstāte, qui cum Patre & Spiritu sancto viuūt & regnat Deus, Per omnia secula seculorum, Amen.

Mat. 10.

Fortis apud
Christianos
quis dicatur.

Luc. 22.

DOMINICA IN RAMIS

Palmarum.

Hoc enim sentite in vobis, qualis & in Christo Iesu: Qui cū in forma Dei esset, nō rapinam arbitratus est esse se æqualem Deo, &c. Exhortatur nos Apostolus in hac lectione fratres charissimi, vt semitam, quam secutus est Christus, sequatur Christianus, Christus sequutus est humilitatem, obediētiam & patientiam: Et propter hoc exaltatus est, & datum est ei nomē quod est super omne nomen. Sicut primus homo sequutus est superbiam, inobedi-

Philip. 2.

HOMILIAE

dientiam, & impatientiam, ita propter hoc præcipitatus est. Quia ergo per hæc tria vitia, facta est ruina humani generis, necesse erat ut per tres virtutes, prædictis vitiis contrarias repararetur. Fuit autem in primo homine superbia quadrifaria: Prima, quia æquare se voluit suo superiori, quando per rapinam arbitratus est se esse æqualem Deo, quæ propriè est arrogantia. Secunda, quia voluit se extollere super suum æqualem, angelum, scilicet, quod propriè est superbia. Tertia, quod secundum legem suam, non Dei, voluit vivere quod propriè est præsumptio. Quarta, quod peccatum suum conatus est defendere, quod propriè est contumacia. In quibus nos quoque fratres mei, veterem Adam imitatur, cum vel superioribus nostris nos æquare contendimus: vel cum æqualibus nostris nos semper extollimus: vel cum non Dei, sed nostram voluntatem facere volumus: vel cum peccata nostra defendimus vel excusamus. Porro ad hanc quadrifariam superbiam delendam descendens Christus, exhibuit in se quadrifariam humilitatem: Primam quoniam sicut in hac lectione ostenditur, non per rapinam arbitratus est se esse æqualem Deo. Quod enim habuit per naturam, non præsumpsit per rapinam. Secundam, quoniam semetipsum exinaniuit formam serui accipiens, non solum suis cœqualibus patre, scilicet & spiritu sancto, sed suis inferioribus angelis, scilicet minoratus: Iuxta quod de eo per Prophetam ad patrem dicitur. Minuisti eum paulominus ab angelis. Subditus etiã fuit hominibus: ut Mariæ & Ioseph: Reddens etiã tributum Cæsari, & lavans pedes servorum suorum. Tertiam, quoniam in omnibus voluntatem patris quaesivit facere, non suam. Vnde, descendi, inquit, de cœlo, non ut faciam voluntatem meam, sed voluntatem eius qui misit me. Quartam, quoniam cum sua non haberet peccata, portauit aliena. Vnde Petrus: Peccata, inquit nostra ipse pertulit super lignum. Vnde idem ait: Deus Deus meus, ut quid dereliquisti me? longè à salute mea verba delictorum meorum, nostra delicta dicens sua. Nos ergo fratres mei, non veterem hominem Adam, sed Christum novum hominem imitemur. Humiliemus nos non solum nostris maioribus, sed etiam cœqualibus &

mino-

*Superbia
in Adamo
quadrifa-
ria.*

*Quomodo
veterem
Adam imi-
tamur.*

Heb. 1.

Psal. 8.

Mar. 12.

Ioan. 13.

Ioan. 6.

1. Pet. 2.

Mar. 14.

minoribus. Non nostram, sed Dei voluntatē facere, queramus, non solum peccatorum nostrorū onus sed etiam alienorum onera portare satisfaciendo & orando curamus. Fuit etiam in Aam inobedientia, quia creatori suo noluit obedire in bonum suum. Et diabolo inimico suo obediuit in malum suum. Econtrario Christus, vt hīc dicitur, fuit factus obediens patri vsque ad mortem, & hoc in redemptionem generis humani, non suam, & non obediuit diabolo in sui præcipationem. Adam noluit obedire Deo in leuissimis: Et Christus obediuit patri in durissimis. Adam noluit obedire Deo nec minis & præmiis, Christus obediuit patri spontanea voluntate ductus.

Inobedientia Adæ.

Adam noluit obedire Deo, vt viueret abstinendo à ligno: Christus obediuit patri, vt moreretur suspensus in ligno. Adam quia inobediens fuit, amisit dominium quod habebat in omni munda creatura: Christus quia obediens fuit, data est ei omnis potestas in cælo & in terra. Fugiamus itaque fratres, inobedientiā vereris hominis, ne excludamur ab hæreditate patrie cœlestis: sed imitemur obedientiam noui hominis Christi, vt cum comitemur glorificari. Adeo enim est necessaria obedientia, quo nullum bonum sine ea potest prodesse, & nullum malū cum obedientia potest obesse. Cū enim bonum sit comedere pomum, tamen per inobedientiam malum fuit. Et tantum malum quod non solum auctorem Adam, sed etiam vniuersam eius posteritatē, à Paradiso proseripsit. Cū bonum quoque sit sacrificare Deo, & per pietatē parcere victis, tamen quia contra obediētiam hoc Saul fecit, in hoc grauiter peccauit. Vnde ei & à Samuēle dictum est, Magis valet obedientia quā victimæ. Econtrariò cū malum sit vicinorum bona furari vel rapere, tamen Israëlitarū spoliantes Aegyptios, quia per obedientiam hoc fecerūt, non peccauerunt, sed potius meruerunt. Item cū ducere fornicariam, & gignere filios fornicationis, graue delictū sit, tamen Propheta ad mandatum Dei hoc faciens, non peccauit, sed potius promeruit. Quāntū etiam bonū sit obedientia, ostendunt multa sanctorū miracula. Maurus quipè ad mandatū patris Benedicti, currens ad eripiendū, puerum Placidum de aqua, super aquas legitur ambulasse.

Obedientia necessaria.
Gen. 3.

1. Reg. 16.

Osee. 1.

*S. Maurus
super aquas
ambulauit.*

Alter quoq; ad mandatum Abbatis in clibanū ardentem profiliens, incōbustus legitur exiisse. Amemus igitur fratres, in omnibus obedientiā, Deo in omnibus obediētes, maioribus nostris etiam in omnibus (quæ contra Deum non sunt) obsequentes. Sciētes quoniam quod per se videtur inutile & otiosum, si tamen per obedientiā fiat, fiet utile & meritoriū. Fuit quoque in Adam impatiētia, quoniam mitissimū iugū Dei noluit pati, vt viuens mortem euitaret. Ecōtrariō in Christo fuit maxima patiētia, quoniam durum patris mandatum portauit, vt moriēs, mortuos ad vitam reuocaret. Adam quoque non potuit pati pro se mitissima: Christus verò passus est pro aliis durissima. Adam non potuit pati vt abstineret à ligno: Christus sustinuit vt moreretur in ligno. Quæ mors est magis crudelissima, probrosa, & longa. Vnde & patientia eius fuit maior, & abieclior, & longanimior. Crudelis enim mors est non citò, sed lentè occidi. Probrosa mors, inter iniquos reputari. Longa mors est, cum longa vexatione dissolui. Passi sunt autem cum eo iniqui, sed dissimiliter.

Sinister enim latro patitur pro peccato suo, nec corrigitur, sed magis impropèrat, & magis deterioratur. Dexter quoque latro patitur pro peccato suo & corrigitur, pro se orat, & saluatur. Christus verò patitur non pro suis, sed alienis peccatis, orat pro inimicis, & virtus eius magis ac magis glorificatur. Per hos tres significantur tria genera patientium. Per sinistrum quippè latronē significatur illi qui pro peccatis suis flagellati non emendantur, sed murmurant, & magis reprobantur. Per dextrū verò latronem significantur illi, qui pro peccatis suis flagellati emendantur, gratias agunt, & saluantur. Per Christū verò significantur innocentes, qui flagella non merita patienter sustinentes, gratias agētes, & pro inimicis suis orantes, magis ac magis clarescunt. Quoniam ergo Christus sic fuit humilis, sic obediens, & sic patiens, exaltatus est ad dexterā patris, & datum est ei nomen, quod est super omne nomen, vt, scilicet sit vnus Deus cum patre & spiritu sancto. Et hoc ei idcirco dicitur datum, quoniam quod erat ei natura secundum quod Deus, ei factum est gratia secundum quod homo. *Vt in nomine Iesu omne genu,* id est, omnis

*Tria genera
patientium
significatur.*

potestas flectatur: Cælestis, terrena & infernalis. *Et omnis lingua, id est, omne genus sermonū, confiteatur, quia Dominus Iesus Christus in gloria est Dei patris.* Itaque fratres charissimi, si cupimus peruenire ad Dei gloriā sequamur eius viam. Humiliemur, obediamus, patiamur. Qui enim est superbus, inobediens, & impatiens, non incedit viam Christi, sed viā diaboli, & ideo cum eo præcipitabitur & damnabitur. Quotiensque plus quærimus exaltari in hoc seculo, quā humiliari, plus præcipere, quā obedire: plus prosperari in mundanis voluptatibus, quā correptiones pati: non sapimus ea quæ sunt Dei, sed quæ sunt diaboli. Humiliemus igitur nosmetipsos, non solum maioribus, sed etiam æqualibus & minoribus. Qbediamus Deo & maioribus nostris, non timore, non mercenario, sed amore. Patiamur flagella & tribulationes æquo animo, & si non ita innocenter, vt Christus, tamen vt dexter latro, pro peccatis nostris mala nobis inferri dicamus, gratias agentes, & pro persecutoribus exorantes, quatenus ipsæ passionibus sint nobis purgatoriæ & viles, vt cum ipso latrone Paradisum intrare mereamur. Per Dominum nostrum Iesum Christum, Amen.

DOMINICA IN RAMIS PALMARVM.

Cum appropinquasset Iesus Ierosolymus, & venisset Bethphage ad montem Oliueti, misit duos de discipulis suis, &c. In hac sancti Euangelij lectione, fratres charissimi, primò ea quæ ad historiā, secundò quæ ad mysticum sensum pertinent, sunt consideranda. Sunt autem iuxta historiam quinque attendenda. Primò quare Dominus cum antè latuisset, imminente sua passione, voluit apertè ipsi loco, quo passurus erat, appropinquare. Quod ideo fecit, vt demonstraret se quando oportuit spontaneam subire passionem. Quando igitur latuit, dedit imperfectis exemplum latendi. Quando morti occurrit, dedit perfectis exemplum, morti occurrendi. Quando latuit, fecit quod erat carnis: quando morti occurrit, fecit quod erat spiritus. Iuxta quod ipse ait: Spiritus quidem promptus est, caro autem infirma. Similiter quando ait: Tristis est anima mea usque ad mortem: dixit quod erat humanitas eius. Quando vero dixit: Nemo tollit animam meā à me, sed

*Quomodo
ad Dei gloriā
perueniendum.*

Mat. 26.

Mat. 25.

Joan. 10.

sed ego pono cā dixit quod erat diuinitatis. Itaque fratres mei. Christus carnis & spiritus, hominis & Dei, veram in se exprimebat naturam. Veruntamē voluniatem spiritus, voluntati carnis, voluntatem diuinam humanæ præferebat. Vnde cū secundū humanitatē dixisset: Transeat à me calix iste: mox diuinam voluntatem ei proponendam esse demonstrat, cū subdit: Non tamen quod ego volo, sed quod tu. Nos quoque fratres, quotiens ex infirmitate carnis aliquid volumus, mox nos reprehendamus, exemplo Christi nostram voluntatem diuinæ voluntati subdamus, dicentes: Veruntamē Domine, non nostra volūtas,

quare Dominus solitus est mittere duos discipulos.

sed tua fiat. Secundò considerandum est, quare Dominus duos discipulos solitus erat mittere ad prædicandum, vel ad quærendum hospitium, vel ad adducendū asinam, vel ad aliquid aliud agendum. Ob duplicem causam vtiq̃, quoniam in duobus ostenditur veritatis testimonium, & charitatis exemplum. Veritatis testimonium, quoniam in ore duorum vel trium testium fiat omne verbum, Charitatis exemplum, quoniam non minus quā inter duos, amor charitatis demonstratur. Vnde hoc, inquit, mando vobis, vt diligatis inuicem. Duo ergo mittuntur, vt consono verbo & exemplo, veritatē prædicent & charitatem. Nos ergo fratres, quando in veritate & charitate ad inuicem consonamus: nos esse discipulos Christi demonstramus. Quando verò (quod absit) à veritate & charitate discordamus, non Christi, sed magis diaboli nos discipulos esse demonstramus. Tertiò verò considerandum est, quomodo Deus ostendit se veram habere diuinitatem, in eo quod futura tanquam præsentia narrat, & quod corda hominum se præscire demonstrat. Scire enim futura tanquam præsentia, & præscire hominū corda solius diuinitatis est. Porro futura tanquam præsentia se scire demonstrat, cū ait: Inuenietis asinam alligatum & pullum cum ea. Corda hominum se præscire demonstrat, cū subdit: Et si quis aliquid vobis dixerit, dicite quia Dominus his opus habet, & confestim dimittet eos. Nec solū quippè nouit corda hominum, sed etiam ea quò vult, inclināt. Nam de eo scriptum est: Qui mutat corda Regum. Oremus ergo cum fratres, vt ipse corda nostra in melius commutet, & ad sequendam

In veritate & charitate concordandū.

quendam suam voluntatem inclinet. Quartò considerandum est, cùm Dominus semper ire pedes soleret, quare hac vice vehiculum quæsiuit, quod ideò fecit, quia appropinquauerat tempus quo ipse erat exaltandus. Vnde ipse imminente passione, ait: Pater clarifica nomen tuum: Venit hora vt clarificetur filius tuus. Et Pater: Clarificaui, inquit, & iterum clarificabo. Appropinquâte quippè passione, maiora cœpit agere, & apertius, altiusq; prædicare, acrius Iudæos reprehendere, plures secum ducere. Imminente quippè passione, quadriduanum resuscitauit, diuinitatem suam apertè prædicauit, super asinam sedens Hierusalem venit, & à populo cum honore susceptus est: Et laudes populi quem antè tacere præcipiebat, modò nō refutauit, sed potius dixit: Si hi tacuerint, lapides clamabunt. Sed fratres mei, exaltatio Christi, quoniam humilitatem habuit, fundamētum stabit in æternum. Quæsiuit enim gloriam non suam, sed patris. Ascendit non super equum superbiz, sed super asinam humilitatis. Susceptus fuit cum laudibus, nō ab adulatoribus, sed à simplicibus, qui nesciunt adulari. In quo confunduntur illi, qui antequam sciant humiliari, exaltari volunt, cùm scriptum sit: Gloriam præcedit humilitas. Cōfunduntur & illi, qui gloriam suam, non Dei quærunt qui super equos faleratos ventose incedunt, qui laudem ab adulatoribus volunt.

Ioh. 17.

Ioh. 12.

Mat. 21.

Prov. 15.

Veteris & noue legis consonantia.

Zach. 9.

Psalm. 8.

Quintò consideranda est fratres mei veteris & noue legis consonantia, pariter & adimpletio. Assumptio enim agni Pascalis in decima luna, & immolatio in quartadecima, iuxta quod scriptum est: Decima die mensis huius tollat vnusquisq; agnū, & seruabitur vsq; ad quartadecimam diem, & tunc immolabitur ad vespērū, in ipso adimpleta est. Christus enim die decima, id est, hodie venit Hierusalem, & quartadecima die ad vesp̄erum captus, ad vīctimā ductus est. Prophetia Zachariæ, hæc scilicet: Noli timere filia Sion, quia Rex tuus venit mansuetus tibi, sedens super pullum asinæ, in ipso adimpleta est. Laus etiā pueroꝝ, iuxta quod scriptum est: Ex ore infantium & lactentium perfecisti laudē: in Christo adimpleta est. Ipsa etiam laus de Psalmo sumpta est. Vbi enim nos dicimus: O Domine, saluū me fac: Hebræus habet, Osanna, bene prospere.

HOMILIAE

Pfal. 117.

*Per asinam
significaba-
tur plebs
Iudeorum.
Per pullū
populus
Gentium.*

*Per Noë,
Daniel, &
Iob triages-
ima homi-
num signi-
ficantur.*

rate, benedictus qui venturus est in nomine Domini. Con-
densitates palmarū & ramorum, de quibus in Psalmo di-
citur: Constituite diem solennem in condensis, hodie in
Christo adimpleræ sunt. Mysticè verò fratres mei, Domi-
nus ad montem Oliueti, id est, ad altitudinem misericor-
diæ venit, quando per carnem ad redimendū Hierusalem
appropinquauit. Inde misit duplicem prædicatorum or-
dinem, vnum ad adducendum per fidem plebem Iudæo-
rum: alterum ad adducendum populū Gentium. Asinus,
est animal mansuetū, brutum, laboriosum, & vtilitati de-
ditum. Et Deus querit mansuetos, seculo stultos, laborio-
sos, & vtilitati proximorū deditos. Per asinam igitur, quæ
subiugalis & mater erat, significatur plebs Iudæorū, quæ
sub iugo legis erat, & populi Gētiū per fidē mater erat.
Per pullum verò liberum & lasciuiū, exprimitur populus
Gentium, qui sine lege erat, & ad peccandum dissolutus
erat. Super ambos ponūt Apostoli vestimēta sua, quando
eos doctrinis Euangelicis onerant & honorant, vt in eis
Dominus sedeat, & eos rogendo in cœlestē Hierusalem
ducat. Vestimenta sua sternunt in via actiui, qui de rebus
temporalibus se exuentes, eas in obsequium Christi suo-
rum membrorumq; expendunt. Ramos de arboribus ce-
dunt, & in via sternunt prædicatores, qui de libris senten-
tiarū moralīū flosculos excerpunt, & eos in via membro-
rum Christi prætendunt. Osanna in excelsis clamant con-
templatiui, qui diuinis laudibus & orationibus instant.
Nec solū quidem specialiter, sed & generaliter turbæ,
quæ præcedebāt, & sequebātur, clamabant Osanna: quo-
niam omnes & qui præcesserunt, & qui sequuntur aduen-
tum Christi, in fide & cōfessione saluantur Dominicæ in-
carnationis. Et non solū cōtemplatiui, sed etiam actiui
& doctores frequēter diuinis laudibus & orationibus in-
tendere debent. Significantur autem hæc tria hominum
genera, per Noë, Daniel, & Iob: quos solos Propheta di-
cit liberandos. Per Noë, quippè rectores, per Daniel con-
templatiui & casti: per Iob actiui & vxorati significantur.
Itaque fratres, illi soli qui istorum vitam tenuerunt, salua-
buntur. Qui ergo rector est, seipsum & alios benè regat,
verbo & exemplo eos instruat, flores moralium sententia-
rum

rum ad eos pascendos proponat. *Qui* verò contemplatiuus est, diuinæ laudi & orationi inficitur, nec ducat vitam otij & pigritiæ, sed quantò a seculo est liberior, tantò diuinis sit intentior: Odolet & prægustet, in via dulcedinem & suauitatem, quæ est in patria. *Qui* verò actiuius & vxoratus est, ita agat exteriora, quod non obliuiscatur interiora: sic transeat per seculum, quod non obliuiscatur Deum: Velles & temporalia bona expendat in vsu pauperum & membrorum Christi. Sit hospitator peregrinorum, vestitor nudorum, redemptor captiuorum, visita tor infirmorum, sustentator pauperum, defensor viduarum & pupillorum: vxorem & liberos habeat benè disciplinatos, familiam immaculatam: in vsu secularium sciat quærere & lucrari Christum. Sic sic fratres mei, viuentes, cum Christo in coelestem Hierusalem intrate, & cum eo in æternum viuere poterimus. Ipso præstante qui cum Patre & Spiritu sancto viuit & regnat Deus in æternum, Amen.

IN COENA DOMINI.

Conuenientibus vobis in vnũ, iam non est Dominicam cœnam manducare, &c. Hanc lectionem fratres charissimi, tantò propensius audire debemus, quantò magis necessarium in ea salutis nostræ continetur Sacramentum. Sunt autem huius lectionis quatuor partes. In prima reprehendit Apostolus Corinthios de abusione Sacramenti altaris. In secunda tradit formam illius Sacramenti. In tertia demonstrat quomodo ad illud accedere debeamus. In quarta ostendit quid indignè accedentes mereantur. Ostendit igitur Apostolus primò abusionem Corinthiorum in hoc Sacramento, cum dicit: *Conuenientibus vobis in vnũ, iam nõ est Dominicã cœnã manducare.* Peccabant quippè Corinthij, vel in hoc quòd pransi ad hoc Sacramentum accedebant, vel quia potius corporalem quàm spiritualem satietatem in hoc Sacramẽto quærebant: vel quia offerentes oblationes suas, nihil offerentibus non communicabant. Peccabant enim Corinthij in hoc, quod ad Eucharistiam pransi accedebant. Ad nullum enim Sacramentum, & multò minus ad Eucharistia Sacramentum, quod maius est cæteris & dignius,

1. Cor. 11.

acce,

accedere debemus pransi, sed potius ieiuni & sobrii, nisi fortè necessitas cogat infirmitatis. Quod enim Dominus inter prandendum istud Sacramentum tradidit, hoc idè fecit, vt de figuratiuo ad verum Pascha transiret: & per illud, istud significatū fuisse demonstraret. Peccabant enim in hoc, quod hoc Sacramento non spirituales, sed corporales quærebant satietatem. Quamuis enim in hoc Sacramento remaneat sapor panis & vini, tamen spiritualis cibus est, nō corporalis. Nec spiritualis, sed carnalis homo est, qui in hoc Sacramento carnalem suam quærit satietatem. Peccabant, quoque & in hoc quod oblationes suas nihil offerentibus non communicabant. Quoniam qui minus Deo obtulit, in eo ius proprium amisit: Et Ecclesiae Sacramenta nō diuinitus sunt tantum, sed potius omnium communia. Et hoc contra illos est, qui in hoc quod dederunt Ecclesiae aliquod priuilegium, præ cæteris volunt habere. Vnde & hoc Sacramentum specialiter vocatur Sacramentum communionis. Debent enim omnes fideles in hoc Sacramento habere communionem Sacramenti, fidei, & charitatis. Nihil enim prodest fictis Christianis habere communionem Sacramenti cum fidelibus, cum non habeat in eis communionem fidei. Rursus nihil prodest malis Christianis habere communionem Sacramenti & fidei cum bonis, quum non habent cum eis communionem charitatis. Hæc enim communio, per hoc Sacramentum significatur. Sicut enim plures granum uniuntur in confectioe vnus panis, ita plures Christiani colliguntur in vnione Ecclesiae per fidem & charitatē. Vnde Apostolus: Multi enim vnus panis sumus in Christo. Nihil enim aliud est corpori & sanguini Christi communicare, quàm de vnione Christi & Ecclesie esse. Vnde Dominus: Qui manducat, inquit, carnem meam, & bibit sanguinem meum, in me manet, & ego in eo. Sed, vt ait Apostolus: *Conuenientibus vobis in vnum, solo corpore, non charitate, non est Dominicæ coenam manducare: Vnusquisque enim coenam, id est, oblationem suam, quæ debuit omnibus communicari, præsumit, id est, ante tempus sumit ad manducandum sibi soli: Et alius quidem esurit, alius autē ebrius est. Isti fratres mei, sunt hodie similes quidam clau-*

*Eucharistia sacra-
mentum
communio-
nis.*

1. Cor. 10.

Ioan. 6.

claustrales, qui eum se & sua Deo obtulerint in holocaustum, tamē cōmunia rursus sibi appropriantes, quisq; suā cœnam, & sua uestimenta præsūmit habere. Et alius quidem esurit, alius autem ebrius est, alius duplicibus tegitur, alius friget. Sed profectō sic conuenientibus vobis in vnum, non est Dominicam cœnam manducare.

claustrales.

Nos quoq; fratres, quod sine gemitu diceret nequeo, istis similes videmur, qui cū conueniamus cum pauperibus, in vnam Ecclesiam, & in vnam fidem, & eadem Sacramenta participemus, tamen vnusquisque nostrum qui res temporales largius possidemus, suam deliciosam cœnam præsūmit ad manducandum, & sua mutatoria ad uestiendum, pauperibus fame & frigore pereuntibus. Sed profectō sic conuenientibus in vnum, non est Dominicam cœnam manducare. Ergo fratres mei, vt Dominicam cœnam dignē manducare valeamus, communicemus eis ciuaria nostra, qui nobiscum communicant eadem Sacramenta. Communicemus eis nostra uestimenta, qui nobiscum sūt communicaturi sempiterna. *Ninquit domos non habetis ad manducandum & bibendum?* hoc idē dicit, non quod illi qui in domibus suis delitias epulantur, excusabiles sūt, si sūt duri & incommunicabiles contra pauperes, sed quoniam non ita cruciant pauperes absentes delitiæ, sicut præsentes. Visæ enim delitiæ plurimum cruciant egentes, dum eis incutiunt inuidiam, cupiditatem, & pudorem. Hinc est quod Lazarus egenus ad visas diuitis purpurati delitias, multum tentatus, & idē probatus est. Sed & ipse diues minus excusabilis est, quod ad quotidie visam pauperis indigentiam, nulla humanitate motus est. *Aut Ecclesiam, inquit, contemnit.*

Ecclesiam quippē Dei contemnit, qui pauperes Dei, (qui vtique de Ecclesia Dei sūt) per delitias suas scandalizare præsūmit. Ecclesiā enī Dei cōtemnit, qui cū habeat domū in qua māducet, in Ecclesia manducat escas corporales: Ecclesia quippē nō corporalis, sed spiritualis refectio, nis locus est. *Et cōfunditis, id est, erubescere facitis, eos qui nō habent.* Ac si diceret: Si ita inhumani estis, quod escas vestras non habētibus cōmunicare non vultis, saltē a conspectu pauperū remouiscas vscimini, ne præsentibus pu-

*Quomodo
Dominicā
cœnā man-
ducare de-
bemus.*

*Ecclesiam
contemnere
quid.*

dorem, & tentationē incutiatis. Si enim in conspectu patrum nihil eis impertientes māducatis, peccatis dupliciter.

Sequitur pars secūda, in qua formā huius Sacramenti Apostolus tradit, dicens: *Ego enim accepi à Domino, quod & tradidi vobis*: Ac si diceret: Eo ipso formam traditi Sacramenti debetis honestius obseruare, quod non ab homine, sed ab ipso Deo tradita est. *Quoniam Dominus noster Iesus Christus in qua nocte tradebatur, &c.* Hoc Sacramentum Dominus tradidit vltimū & imminente passione, vt demonstraret illud carius & memorabilius esse recolendum in memoriam mortis suae. In nocte verò illud tradidit, vt ostenderet illud inter miseras & ignorantias mundanae vitae, fidelibus sustentationem fore. *Accepit, inquit, panem & gratias agens benedixit, fregit, ac dixit: Hoc est corpus meum quod pro vobis tradetur: Hoc facite in meam commemorationē. Similiter & calicem postquam coenauit dicens: Hic calix nouum testamētum est, id est, noui testamenti firmator, in meo sanguine: Hoc facite quotiescunque bibetis in meam commemorationem.* Iuxta litteram, fratres mei, hæc est forma verborum, quam dum Sacerdos profert, Sacerdos inuisibilis visibilem panē vertit in corpus suum. Porro cū præcepit Dominus hæc in sui memoriam fieri, loquitur secūdum morem amici amico suo dicentis, qui ei in memoriam mutuae dilectionis ali- quod memoriale dereliquit: Sic Dominus cū dilexisset

Ioan. 13.

suos qui erant in mundo, in finem dilexit eos, tradens eis in commemorationē suae dilectionis tale quid, quod non solum eis ad memoriam, sed etiam ad cōfortationem eis esset & solamen. Et ad solamen quidem eis est, quod dum sancti in hac valle lachrymarū ad Deū suspirāt, quodammodo consolantur, dum cum in Sacramēto quasi visibiliter Deū suscipiunt. Ad cōformationē verò est, quoniam eo tanquā viatico inter labores huius seculi cōfortantur, & ne deficiant spiritualiter reficiuntur. Vnde Dominus:

Ioan. 6.

Caro, inquit, mea verè est cibus, & sanguis meus verè est potus. Ad memoriam etiam eis est, quoniā Sacramentum hoc, non solum Christi reducit in memoriā, sed etiam expressiuè nobis eius repræsentat passionē. Vnde Apostolus subiungit: *Quotiescunque enim comedetis panem hunc, &*

cali-

calicem bibetis, mortem Domini annuntiabitis, id est repræsentabitis. Quando enim Sacerdos eleuat hostiã, & ei immittit crucis signũ, eleuationẽ Christi in cruce repræsentat. Depositiõ verò vini vel panis in calicẽ, Christi repræsentat sepulturã. Inuolutio verò corporalium circa calicem, sudarij circa corpus repræsentat obuolutiõem. Mysticẽ verò Dominus panem accepit, quando in sua persona naturam humanam assumpsit. Gratiã egit, quãdo de assumpta humanitate obediendo Deo Patri gratias egit. Benedixit, quãdo corpus suũ omni gratia & benedictione repleuit. Fregit, quando illud passioni exponens, animam à corpore separauit. Dedit discipulis suis corpus suum, non solum in viaticum Sacramenti, sed etiam in pretium redemptionis in via, id daturus in præmium retributionis in patria. Hoc facite in meam commemorationem, vt sicut ego me ipsum do & pono pro vobis, ita etiam vosmetipsos date pro me, & pro fratribus vestris. Morali ter autẽ quãdo Dominus hoc egit, quid agere debeamus, demonstrauit. Accepit, inquit, panem, & gratias egit. De monstrans vt quãdo panem vel alium cibum accipimus, Deo largitori gratias agamus: sicut magna etiam ita modica lætẽ, & cum gratiarũ actione percipientes, vt sciamus cum Apostolo & abundare & penuriam pati. Benedixit etiam panem, instruẽs nos vt quando panem, vel vinum, vel alios cibos sumimus, eos prius benedicamus: quod Sacerdotis officium est, si præsens fuerit. Sin autem, Diaconi vel Subdiaconi: Qui si non affuerint, paterfamilias, vel etiam eo absente, materfamilias, coenam suam benedicere debet. Fregit etiam Dominus & dedit discipulis suis, docens nos, vt panem nostrum esurientibus frãgamus, non solum corporalem, sed etiam spirituale. Iuxta quod scriptum est, Frange esurienti panẽ tuum, & egenos, vagosq; induc in domũ tuam. Non simus de illis, de quibus dicitur: Paruuli petierunt panẽ, & non erat qui frangeret eis. Hoc est, inquit, corpus meum quod pro vobis tradetur: hoc facite in meam cõmemorationem. In hoc instruit nos, vt nos quoq; exempli eius memores non solum nostra, sed etiam corpus nostrum proximis nostris tradamus.

Sequitur pars tertia, in qua ostenditur quomodo ad

Philip. 4.

Esa 58.

Treno. 4.

HOMILIAE

sacramentum altaris accedendum sit, cum subditur: *Itaque quicumque manducauerit panem, & biberit calicem Domini indignè, reus erit corporis & sanguinis Domini.* Id est non ad meritum, sed ad reatum sumet. Probet autem se ipsi homo, & sic de pane illo edat, & de calice bibat. Probet autè, id est diiudicet, examinet, & emendet tantam vitam suam, omnes cogitationes, omnia delicta & facta sua ad iudicium vocans, ut quod viderit in se vitiosum, abiiciat. Quod viderit sibi deesse, acquirat: quod incultum, excolat: quod purum, magis purificet. Non solum autè criminalia, sed etià omnia venialia pro posse euitet. A quibusdam etiam mediis & imperfectis bonis absteineat: ut à complexu etiam legitimæ uxoris: à causarum etiam iustarum negotiis, à iusta etiam repetitione debitorum. Ad perfectam autem & maximam bonam pro possessu se extendat: ut ad diligendum inimicum, ad remittendum iniurias sibi illatas, & benefaciendum persecutoribus. Taliter autem purgatus & purificatus, poterit ad Sacramentum corporis & sanguinis Domini dignus accedere:

*Probare
se quid.*

Indignè manducare & bibere. Sequitur pars quarta, in qua ostenditur quid indignè accedens ad Sacramentum altaris, mereatur, cum subditur: *Qui enim manducat & bibit indignè, iudicium sibi manducat & bibit.* Indignè manducat & bibit, qui vel incredulus vel immundus, vel interdictus, vel incompunctus, accedit. Et talis iudicium sibi manducat & bibit, id est quia talis manducat & bibit, poenam sibi acquirit. Quod enim in se optimum, indignè accedenti sit malum. Non diiudicans corpus Domini, id est, non discernens à communibus cibis. Ideo enim iudicium sibi sumit, quoniam sicut ad corporales cibos, sine deuotione & reuerentia ad Dominicum corpus accedit. Et quoniam multi indignè accedentes, iudicium, id est, poenam sibi acquirunt: *Ideo inter vos sicut multi infirmi, aliqua breui ægitudine, illi scilicet qui minus in hoc peccant: Et multi imbecilles, diutino languore, illi scilicet qui magis in hoc peccant: dormiunt etià morte corporali multi, illi scilicet qui multum in hoc peccant, de quibus intelligendum est, quoniam si dignè (de hoc quod indignè corpus Domini sumpserunt) poenituerint, sit eis ipsa mors poena Purgatoria peccati.* *Quod si nos.*

si nosmetipſos, inquit, diiudicemus, non utique iudicamur. Nosmetipſos fratres mei, tunc iudicamus, quando nosmetipſo de peccatis noſtris accuſamus, damnamus & punimus. Accuſet igitur peccata noſtra intus conſcientia noſtra: memoria noſtra cōtra nos teſtimoniū perhibeat: ratio noſtra nos reos & ſuppliciiſ dignos pronuntiet. Timor vehemens gehennæ tanquam grauis tortor nos intus puniat, & de cōpunctione animæ lachrymas tanquam ſanguinem emittat. Si enim fratres mei, taliter nosmetipſos diiudicemus, nō utiq; à Deo iudicemur, id eſt puniremur, vel pœna æterna, vel etiā pœna temporali, quæ pro contemptu pœnitentæ nobis infligitur ſæpè. Cū enim nos excuſamus, Deus nos accuſat, cū nosmetipſos iudicamus, Deus nos absoluit & iuſtificat. Et cū nos iuſtificamus, Deus nos iudicat. Eſt autem melius in hoc ſeculo iudicari nos à Deo, quàm in futuro. Vnde & ſubdit: Cū iudicamur autem, id eſt cū flagellamur hīc, à Domino corripimur, ut non cum hoc mundo peruerſo in æternū damnemur. Itaque fratres mei, flagella Dei tanquam pij patris hīc benignè ſuſtineamus, & ei de flagelliſ noſtris gratias agamus. Qui idcō nos punit, breuiter in hac vitā, ne nos puniat æternaliter in futura, cui laus ſit per omnia ſecula ſeculorum, Amen.

IN COENA DOMINI.

Ante diem feſtum Paſchæ, ſciens Ieſus quia venit hora eius, ut tranſeat ex hoc mundo ad patrem: Cū dilexiſſet ſuos qui erant in mundo, in finē dilexit eos. Huius Euangelicæ lectionis fratres chariſſimi, tres ſunt partes. In prima demonſtratur Dominum, imminente ſua paſſione, maius ſignum dilectionis ſuæ oſtendiſſe. In ſecunda oſtenditur in quo. In tertia quare hoc fecerit, demonſtratur. Ait igitur Euangeliſta: Ante diem feſtum Paſchæ, illius, ſcilicet in quo crucifigendus erat. Sciens Ieſus quia venit eius hora: hora, ſcilicet, nō neceſſitatis, ſed voluntatis ſuæ, ut tranſeat ex hoc mundo ad patrem. In quibus verbis oſtenditur, vnde feſtum Paſchæ, Paſcha dicatur. Paſcha enim nomen Hebræum eſt, & à tranſitu dicitur. In hoc quippè feſto filij Iſrael per immolationem agni tranſierunt de Ægypto ad terram promiſſionis. Chriſtus

Iudicari à Domino.

Ioan. 13.

Paſcha

*Quomodo
Pascha ce-
lebrare de-
bemus.*

Luc. 12.

*Patientia
exemplū.*

quoque per sanguinem suum de hoc mundo transiit ad
cælum. Nos quoque fratres mei, si verè Pascha celebra-
re volumus, ab Aegypto ad terram promissionis, à mun-
do ad cælum, à vitiis ad virtutes, desiderio transire debe-
mus. Et ut lex dicit, carnes agni comedere festinanter:
ut scilicet festinemus tanquam peregrini, de exilio huius
mundi transire ad patriam cœlestem. *Cum dilexisset*, in-
quit, *suos, qui erant in mundo, in finem dilexit eos*: In fi-
nem eis maioris exhibuit signum dilectionis. Recessurus
enim ab eis, ut sui memoriam arctius mentibus eorum in-
figeret, eis maiorem ostendit teneritudinem amoris, my-
steria corporis & sanguinis sui eis tradendo, & hoc facere
in sui commemorationem præcipiendo, eorum pedes la-
uando, eos consolando, ut quando dixit: Non relinquam
vos orphanos, vadam & veniam ad vos. Spiritum san-
ctum eis missurum promittendo, & huiusmodi. Nos quo-
que fratres, Domini & magistri nostri exemplum sequen-
tes, recessuri ab eis cum quibus habuimus longam con-
versationem, in fine debemus eis ostendere maiorem di-
lectionem, quatenus veræ dilectionis exemplum relin-
quamus, & eorum mentibus dilectionem & memoriam
nostri arctius infigamus. Sequitur pars secunda, in qua
ostenditur in quo maiorem Dominus suis ostenderit di-
lectionem, cum subditur: *Et coena facta, cum diabolus in-
misisset in cor, ut traderet eum Iudas Simon Scariothes etc.*
Miræ patientiæ exemplum nobis, fratres charissimi, Do-
minus dereliquit, in hoc quòd tam patienter proditorem
suum sustinuit, non excludens eum à consortio suo, non
à mensa, non ab osculo. Nos quoque fratres, sequentes Ma-
gistrum nostrum, inimicis nostris Patientiam exhibea-
mus, communicantes eis nostram dilectionem, rem tem-
poralem & pietatem, ut sic eius animam ad amorem in-
flectere valeamus. Hoc contra illos est qui nequeunt pa-
ti hominum naturam, ne dum malitiam. Nam ut taceam
de inimicis, si coniunx, vel amicus vel socius, vel familia-
ris aliquantulum iracundus, vel habes, vel tardus fuerit,
statim eos obiurgant vel irrident, vel cõtumelias inferunt.
Sed qui talis est, ipse per impatientiam sibi testis est quod
ipse reprobabilis est, Non ita faciendum est fratres.

Nam

Nam si Christus mundus & sanctus patienter sustinuit suum proditorem, tu peccator nō sustinebis peccatorem? Si Christus sustinuit inimicum, tu non sustinebis amicum? Itaque familiarium & proximorum nostrorum vitia patienter sustineamus, palam dissimulemus, secretò corrigamus. Quod autē ait, *Cū diabolus in cor misisset*, non ita intelligendum est, fratres charissimi, quod diabolus putetur immittere vel creare cogitationes in cordibus hominum. Diabolus enim non est auctor cogitationum, sed suggestor, suadere potest, non violenter immittere. In potestate autem hominis est, consentire, vel non consentire. Vnde Dominus ad Cain: In potestate tua erit appetitus tuus, & tu dominaberis illius. Hoc contra illos, qui quando aliquod scelus perpetraverint, dicunt diabolum hoc se facere fecisse, & culpam diabolo adscribūt, dum se excusare cupiunt. In quo magis se incusant & peccatum augment. Nam & diabolo sponte consenserunt, & cum eo iuste sunt puniendi. Sciens, inquit, quod omnia dedit ei Pater in manus suas, cœlestia, terrestria, & inferna, bonos & malos: illos ad saluandum, hos ad iudicandum: illos ad eligendum, hos ad reprobandum. Et quia potens & Dominus omnium, humiliavit se ad pedes servorum: iuxta illud, *Quantò maior es, humilia te in omnibus*, & coram Deo inuenies gratiam. Et illud: Qui maior est, fiat sicut minor, & qui præcessor est, sicut ministrator. Et quia, inquit, à Deo venit, & ad Deum vadit. Sic ideo bonum exemplum ad Deum eundi suis relinquere voluit. *Surgit à cœna, & ponit sua vestimenta, & cū accipisset linteam, præcinxit se*. Postquam distribuit cibaria vitæ, ut Dominus, dat exemplū humilitatis, factus ut minister. Sic fiat & spiritualis quisque magister. Postquā sederit docens & corrigēs ut magister, surgat & accingatur ad ministrandū ut humilis minister. Hoc contra quosdam sanctæ Ecclesiæ Prælatos, qui semper volunt sedere & dominari: surgere autem ad ministrandū & humiliari refugunt. Ponit igitur vestimenta sua, præcinxit se linteo, mitxit aquam in peluim. Officium expediti & deuoti vernaculi exhibet Dominus, dans exemplum ut qui ministrat, expeditè & deuotè ministret. Quia quāto aliquis est prom-

Diabolus non est auctor cogitationū, sed suggestor.

*Eccle. 3.
Mar. 10.*

Contra quosdam Prælatos Ecclesiæ.

Hier. 48.

prior & deuotior in ministerio, tantò maior est in merito Quoniam maledictus qui facit opus Dei negligenter. Mysticè verò in hoc quod Dominus ipse ministrat aquã, lauat pedes discipulorum & abstergit, demonstrat quod ipse solus est potens ministrare hominibus lauachrũ compunctionis & lachrymarum, ipse solus potens est munda- re & extergere sordes nostrorum affectuum. Nemo enim mundus est, qui ab eo lotus non est. Vnde & postea re- spondit Petro: Et si, inquit, non lauero te, nõ habebis par- tem mecum. Venit ergo primò ad Simonẽ Petrũ, osten- dens priores partes dandas priori. Et nullũ in hoc seculo sic esse perfectum, quin non habeat aliquid lauandum. Videns autem Petrus diuinam maiestatem ad lauandum pedes suos inclinari, non est mirum si miratur & refugit. Sed cùm audit, quod si non ab eo lauetur, alienus erit ab eo, consentit. Nos quoque fratres, si maior persona se hu- militet ad seruiendum nobis, per humilitatem refugiamus. Quod si per charitatem insisterit, consentiamus, ne prohi- bendo eam, diuinum implere mandatum culpabiles inue- niamur. Porro audiens Petrus se propter pedum lauatio- nem cum Domino partem habiturum, vt maiorem pos- sit cum eo habere partẽ, optat se totum ab eo lauandum, dicens: Domine non tantũ pedes, sed & manus & caput: id est, mentem & operationem. Sed Dominus qui nouit hominem, melius quàm homo seipsum, dicit eum nõ in- digere, nisi vt pedes lauet, dicens: Qui lotus est, non indi- get nisi vt pedes lauet, id est, qui lotus est à criminalibus; non indiget, nisi vt lauetur à venialibus; sine quibus vita præsens non ducitur. Per pedes quippè affectiones, qui- bus ad opus agendum vadimus, significatur. Affectiones verò nostræ, quia non possunt tangere terreni, dum su- mus in hoc mũdo, inde aliquid pulueris, id est, sordis ve- nialis contrahunt quod quotidie per confessionem, ora- tionem, & eleemosynam, & cetera bona necesse est mun- dari. Inde præcepit Dominus, vt puluerem pedum excu- tiant Apostoli in testimonium illis qui eis credere nolue- rūt. Quia si quid venialis maculæ in sollicitudine & præ- dicatione, quam ad conuertendum eos habuerunt, con- traxerunt, ab eis excutietur in eos, quorũ causa contracta sunt.

Nullus in
hoc seculo
perfectus.

Per pedes
affectio-
nes signifi-
cantur.

Mat. 10.

sunt. Et vos, inquit, mundi estis, sed non omnes. In numero tangit eum indefinite qui immundus erat, vt notatus erubescat & conuertatur: In quo doctoribus sanctæ Ecclesiæ exemplum dedit, vt eum, cuius crimen occultum est, non publicè arguant, sed in communi sine nomine tangant, vt intelligens se notari, timeat & conuertatur.

Crimen occultum non publicè arguendum.

Sequitur pars tertia, in qua causa facti demonstratur, cum subditur: *Postquam autem lauis omnium pedes, accepit vestimenta sua, & cum recubisset, iterum dicit eis: &c.* Postquam summus magister causa ostendendæ humilitatis, se à dignitate cathedræ inclinavit, iterum ad officium cathedræ redit. Quem imitantes magistri sanctæ Ecclesiæ, cum causa humilitatis & exempli, se subditis suis inclinaverint, iterum ad altitudinem & officiū cathedræ redeant, vt videlicet ex humilitate sibi comparant subditorum amorem & imitationem, & ex dignitate cathedræ, reuerentiam & timorem. Si enim semper inclinentur, à subditis quidem amantur, sed non timentur, Si verò semper sublimentur, timentur quidem, sed non amantur. Cum prælatus simul debeat timeri & amari: Scitis, inquit, quid fecerim vobis, id est, qua causa hoc fecerim vobis. Vos vocatis me magister & Domine, & benedicitis. Sum etenim. Ipse enim solus est magister, qui non exterius, sed interius docet, qui nisi intus doceat, in vanum lingua docentis laborat extra, vnde, ne vocemini, inquit magistri: quia magister vester vnus est Christus. Ipse etiam solus vniuersaliter & semper est Dominus: Vnde & dicitur: Vnus Dominus, vna fides, vnum baptisma. Cæteri verò non Domini, sed diminutiui, Domini dicendi sunt: Si ergo ego laui pedes vestros, Dominus & magister, tantò magis & vos debitis alter alterius lauare pedes. Argumentum est à maiori: Si enim Dominus lauit pedes serui, quāto magis seruus debet lauare pedes conserui. Etsi magister lauit pedes discipuli, quāto magis discipulus debet lauare pedes condiscipuli. Si Deus qui non indiget propter hominem voluit humiliari, quāto magis homo qui indiget propter se debet humiliari. Exemplum, inquit, dedi vobis, vt quem admodum feci vobis, ita & vos faciatis. Exemplum humilitatis, exemplum amoris, exemplum emundationis dedit.

Christus solus magister, qui exterius et interius docet.

Argumentum à maiori.

Ioa. 13.

Vestigia
Christi se-
quenda.

Primo exemplum amoris, ut in exemplo magistri, discant discipuli sese inuicem diligere. Vnde, Mandatum, inquit, nouum do vobis, ut diligatis inuicē, sicut ego dilexi vos. Exemplum humilitatis, ut in exemplo magistri discant discipuli alterutrum humiliari. Exemplum emundationis, ut exemplo magistri discant discipuli sese alterutrum, per confessionem, orationem, & pietatem à peccatis emundare, & alter alterius onera portare. Itaque, fratres mei, veri & summi magistri vestigia sequētes, humiliemur ad inuicem, lauantes pedes pauperum & subditorum nostrorum. Sed & hoc parum est, nisi & eos diligamus. Sunt enim quidam qui humiliantur, & lauant pedes pauperum, non ex amore, sed etiam ex quadā coactione, nec sincere isti imitantur exemplum Christi, qui ex vera dilectione pedes pauperum lauit. Itaque nos fratres, ex vero amore pedes pauperum tanquam fratrum nostrorum lauemus. Nec hoc sufficit, nisi & eorum emundationem & salutem in anima queramus: Ut, videlicet postquam lauerimus pauperes, calciauerimus, & satiauerimus corporaliter, satiemus eos spiritualiter, frangentes eis panem diuini verbi, panem correctionis, eruditionis & exhortationis, orantes ut & ipsi lauent nos orationibus suis apud Deum, quatenus pure Pascha celebrare mereamur. Largiente qui Pascha nostrum immolatus est Christo Domino nostro. Qui cum Patre & Spiritu sancto viuit & regnat Deus in æternum, Amen.

IN PARASCEVE.

Exod. 12.

Dixit Dominus ad Moysen & Aaron in terra Egypti. Mensis iste vobis principium mensium, &c. In hac lectione fratres charissimi, Dominus tradidit olim Iudeis historialiter, qualiter figuratum Pascha deberent celebrare: nobis verò si spiritualiter sapimus, tradidit in eadem lectione, quomodo spirituale Pascha debeamus celebrare. Nos quoque fratres, Pascha sanguinis animalium, animalibus Iudeis relinquentes, in his inquiramus, qualiter spiritualiter Pascha celebrare valeamus. Hęc itaque lectio mysticè intellecta, tradit nobis sex, videlicet vbi, à quibus, & quando Pascha debeat celebrari: Et qualis debeat esse Paschalis agnus: Et quid cōferat immollatio eius, & quomodo

modo erat comedendus . Vbi debet Pascha celebrari? In terra *Aegypti* . In *Aegypto* quippè de celebratione Paschæ primum mandatum fuit à Domino datum , sicut hic legimus, & primū Pascha fuit celebratū . In *Aegypto* igitur, id est, in tenebris & mœrore huius mundi mandatum à Deo de celebrando Pascha, id est, transitu huius mundi accepimus : Quatenus exemplo *Israëliitarum* de *Aegypto* ad terram promissionis , de vitiis ad virtutes, de exilio ad supernam patriam, desiderio trāseamus: A quibus debet Pascha celebrari, ab *Israëlitis*, id est à viris desiderantibus videre Deum. Ab *Hebræis*, id est, transeuntibus à vitiis ad virtutes, ab exilio huius mundi ad cœlestem patriam . Hi enim soli fratres mei, verè Pascha celebrant, quibus odio est mundus, qui conqueruntur, & dicunt cum Propheta: Heu mihi quia incolatus meus prolongatus est, qui trāsiliunt desiderio, vt videant Deum Deorum in Sion. Vnde & Dominus Iesus se à Galilæis in Galilæa, promittit videndum, id est, à transmigrantibus in transmigrātionem. Qui verò mundum complectūtur amore: qui semper hic vellent vivere, qui de terrena contendunt hæreditate, nequaquam dignè possunt celebrare Pascha spirituale. Quādo debet Pascha celebrari? In quartadecima luna primi mensis. In primo enim mense, id est, in lunatione Aprilis, quæ in Martio aliquando secundum nos incipit , creauit Deus mundum, & in eodem recreauit eum. Eodem igitur tempore, imò eodem mēse & eodem die, & eadē forte hora, qua creauit Deus hominē, recreauit eundem. In quartadecima luna probabile est hominem esse creatum: Cū enim quarta die creata sit Luna in plenilunio, sexta die potuit esse talis, qualis solet esse quartadecima . Hinc & Paschalis agnus decima die de grege sumptus est: quartadecima die ad vesperū immolabatur. Christus quoque die decimā Hierusalem veniens ad passionē, quartadecima die agnum comedens eadem nocte traditus est, & ad passionē ductus. Mysticè verò quartadecima luna immolabatur agnus ad vesperum, quoniam significabat Christus, qui decalogū, & quatuor in se complens Euāgelia, in vespere mundi immolatus est. Pulchrè etiam in tēpore quo cuncta reuiscunt, & renouantur, & agnus legalis,

*Aquilus
debet Pas-
cha cele-
brari.*

Psalm.

*Mundani
spirituale
Pascha nō
celebrant.*

& verus agnus Christus, immolatus est: quoniam per passionem Christi mundus à vetustate exiit, & in virtutibus virefcit & renouatur. Nos quoque fratres, in vernali tempore, & in quartadecima luna pascha debemus celebrare: quoniam nisi deposita vetustate, innouari & virtutibus virere ceperimus, & nisi doctrinam decalogi & quatuor Euangeliorum tenuerimus, spirituale Pascha celebrare non valemus. Qualis debeat esse agnus paschalis, sine macula, masculus anniculus, id est, perfectus in munditia, & in virtute & tempore. Quis est hic agnus, nisi agnus Dei, qui abstulit peccata mundi? Qui fuit sine macula, quia peccatum non fecit, nec inuentus est dolus in ore eius: Qui fuit & masculus, id est, virilis & virtuosus, virtute & sapientia perfectus, utpote qui debellauit aëreas potestates, & alligauit fortem armatum, & distribuit spolia eius. Fuit etiam agnus anniculus, id est, perfectus tempore & corpore, quoniam in perfecta ætate passus est, in qua etiam nos teste Apostolo, resurgemus: donec, inquit, occurramus ei in virum perfectum, in mensuram ætatis plenitudinis Christi. Quid conferebat agni paschalis immolatio? ab angelo percutiente liberationem, hostium carnalium submersionem in via confortationem. Sic quoque fratres mei, Christi immolatio liberat nos à diabolo, extinguit in nobis vitia carnalia, est nobis viaticum & confortatio, huius exilij via. Sicut enim Hebræi per sanguinem agni linitum super vtrumque post, & insuper liminari, liberantur ab angelo percutiente: ita fratres mei, per Christi crucem. Christi sanguine linitam, muniti à dextris & à sinistris & in fronte, liberamur à diabolo insidiante. Sicut verò Hebræi post immolationem & per immolationem agni, submersis hostibus carnalibus sunt saluati: ita & nos per passionem & comestionem corporis Christi, extinctis in nobis vitiis, saluamur: Sicut enim Hebræi carnibus agni refecti & confortati: exierunt Ægyptum, & arripuerunt viam ad terram promissionis, ita & nos corporis Christi viatico refecti & confortati, mente mundum eximus, & viam virtutum arripimus ad terram æternæ hereditatis. Quomodo erat comedendus agnus paschalis? Non crudus, non coctus aqua, sed tantum assatus igni

Ioh. 1.

1. Pet. 2.

Ephe. 4.

Quomodo
comedendus
erat
agnus pas-
chalis.

Caro cruda, cadauer solum sine calore est: Cocta in aqua dissoluitur, assata verò constringitur, vt ossa carni, & caro ossibus hæreat. Crudum ergo agnum comedit, qui Christum purum hominem credit. Coctum & dissolutum aqua comedit, qui eum in duas personas dissoluit. Tostum verò & coherentem comedit, qui in vna Christi persona diuinitatem & humanitatem coherentes credit. Comedendus est igitur etiam totus, id est caput cum pedibus & intestinis: quia qui corpus Christi suscipit, credere debet se non solum hominem, sed etiam Deum suscipere. Intestina etiam, id est quædam occulta nobis, quæ de Christo & homine prædicantur, & si non intelligimus, debemus tamen ea credendo suscipere. *Non remanebit*, inquit, *ex eo quicquam vsque inane*, id est quicquid est necessarium, vobis de Christo in via credere, credetis. Nec remanebit aliquid quod credendum est, quod dicatis vos non credere vsque manere, id est, vsque in resurrectionem, quoniã tunc non erit tempus credendi, sed videndi. *Si quid residuum fuerit*, id est, si quid est de Christo, quod quomodo verum sit, non intelligitis, *igni comburentis*, id est diuinæ potentie adscribetis. *Os eius non confringetis*, id est virtutem diuinitatis eius propter passionem carnis, fractam vel minoratam esse non credetis. *Comedetis etiam agnum cum azymis panibus & lactucis agrestibus*. Azymus panis fermento caret: lactucæ agrestes habent amaritudinem. Comeditis igitur agnum cum azymis panibus, id est cum sinceritate innocentie & veritatis: Et cum lactucis agrestibus, id est cum amaritudine & compunctione cordis, vt videlicet non nisi cum poenitentia & lachrymarum compunctione, ad agni carnes præsumamus accedere. Sic *antes comedetis illum*, *Renes vestros accingetis*, id est luxuriam refrænabitis, non solum illicitam, sed etiam licitam. Quoniam fratres charissimi, cum tanta puritate ad carnes agni accedere debemus, vt non solum ab omnibus illicitis, sed etiam à quibusdam licitis abstinere debemus. *Calciamenta in pedibus habebitis*, id est, non adhærebunt affectus vestri terrenis, sed cœlestia desiderabunt. Qui enim fratres, per auaritiam & cupiditatem adhæret terrenis, non est dignus accedere ad carnes agni, Baculo re-

Christi corpus.

Lactucæ agrestes. Comedere agnum cum azymis panibus. Renes accingere.

Calciamenta in pedibus habere

HOMILIAE

mentes in manibus, id est, rectitudinem in operibus, ut scilicet omnem vitam & omnia opera vestra ad rectum finem dirigatis. *Et comedetis festinantes*, de vitiis ad virtutes, de mundo ad aeternam patriam properantes, ad similitudinem Israelitarum, qui cum festinatione exeundi ab Aegypto, & eundi in terram promissionis, agnū comederunt. Nos itaque fratres mei, non pigre, non negligenter, non tepide, sed cum timore & deuotione ad tantum accedamus Sacramentum: Quoniam qui indignè sumit, iudicium sibi manducat & bibit. Accedamus igitur ad carnes agni cum firma fide, credentes cum in persona Deum verum, & verum hominem. Credentes etiā quælibet, non particulariter, sed Christum sumere integrum & totum. In quo si quid intelligere non valemus, nec discutere, Deo reseruemus. Accedamus etiam ad carnes agni sine fermento odij & malæ voluntatis. Accedamus cum puritate mentis & deuotione compunctionis, cum virtute castitatis, cum contemptu seculi, cum rectitudine operis, cum festinatione ad terram promissionis. Scientes quia incolæ hic sumus & peregrini, sicut omnes patres nostri. Et quia non habemus hic manentem ciuitatem, sed futuram inquirimus. Ad quam Christus sit nobis ductor, viaticum, & via, qui cum Patre & Spiritu sancto viuit & regnat in æternum. Amen.

IN VIGILIA PASCHAE.

Collos. 3. **S**i cōsurrexistis cū Christo, quæ sursum sunt sapite, &c.
Tripartita est hæc lectio fratres mei. Primò enim ostendit Apostolus quæ sapere & quæ non sapere debeamus. Ostendens igitur primò quæ sapere vel quæ non sapere debeamus, ait: *Si cōsurrexistis cum Christo, quæ sursum sunt sapite.* Non est fratres mei, idem sapere quod scire. Scire etenim est intellectu rem capere. Sapere verò est, non solo intellectu, sed etiam sapore & experientia rem cognoscere. Scire quidē debemus tam mala quàm bona. Aliiter enim nesciremus inter illa discernere. Sapere verò debemus sola bona. Præcipit igitur nobis Apostolus ut sapiamus sola bona, non mala: cœlestia non terrena. Cœlestia sapit, qui terrena contemnens sola cœlestia odoratur & concupiscit. Terrena verò sapit, in cœlestem ignorans dulcedinem.

*Scire.
Sapere.*

ordinem, sola terrena diligit & querit. Porro fratres mei, talis fuit creatus homo, vt desideraret & quæreretur naturaliter cœlestia. Dedit enim Deus homini rationem, quam naturaliter cœlestia desiderat. Quoniam namque anima nostra ad imaginem & similitudinē Dei formata est, tendit naturaliter ad imaginem ad quam creata est. Vnde Propheta: Tibi dixit cor meum, exquisiuit te facies mea, faciem tuam Domine requiram. In corpore quoque talem creauit Deus hominem, vt ipso situ corporis ei demonstraret quo tendere deberet. Creauit quippè cum creatum ad cœlum, secundum illud:

Psal. 16.

Pronaque cum spectent animalia cœtera terram,

Os homini sublime dedit, cœlumque videre iussit.

Gulielmus

1. Metam.

Cæterum cum talis creatus esset homo, merito præuariationis suæ excæcatus, & brutus factus est, vt more bestiali inclinatus solā terrā sapiat & querat, & in eā moriendo dissoluatur: Iuxta illud: Homo cū in honore esset non intellexit, cōparatus est iumentis insipientibus, & similis factus est illis: sicut vitis ita morte. Hinc est quod Poëtæ describunt homines mutari in pecudes. Homo enim qui diuinæ originis oblitus, soli gulæ deditus est: quid aliud quàm in porcū mutatus est? Qui verò totus explendæ libidini deditus est, quid aliud quàm in foetidum hircū mutatus est? Similiter & in cæteras pecudes secundum similitudinem morum homines demutari dicuntur. Qui autem crudelitati & sanguini deditus est, quid aliud quàm in lupum mutatus est? Itaque fratres mei, propter primam præuariationem, duplicem mortem incurrimus, alteram animæ peccatis excæcatæ, alteram corporis in terram suam reuertentis. At non oblitus misereri Deus pro nobis est homo factus, mortuus est & resurrexit, & ascendens in cœlum sedet ad dextram patris. Mortuus quippè est sola morte corporis, vt utrâque mortem nostram, animæ scilicet & corporis, in nobis destrueret. Resurrexit sola corporis resurrectione, vt nos & in anima & corpore faceret resurgere: Ascendit in cœlum, vt nos quoque in cœlum faceret ascendere. Itaque fratres mei, si consurrexistis in anima & à peccatis cum Christo, id est, per Christum resurgentem in corpore à mortuis: non redcaus

Psal. 48.

Mors duplex.

redeatis rursum ad peccata, nec sapiatis amplius terrena, sed potius quæ sursum sunt, sapite, ubi Christus est in dextra Dei sedens. Ac si diceret: vos qui Christi membra estis, tendite desiderio sursum ubi præcellit caput vestrū. Et ex hoc quod in parte iam resurrexistis, confidite quia post Christum ascendetis.

- Sequitur pars secunda, in qua ostenditur cui mori & cui vivere debeamus, cum subditur: *Mortui enim estis, & vita vestra abscondita est cum Christo in Deo.* Ac si diceret: Non debetis de cætero quæ super terrā sunt, sed quæ sursum sunt, sapere, quoniā mortui estis mūdo, & vivi Deo.
- Rom. 6.* Vnde ipse alibi dicit: Si mortui sumus peccato, quo modo adhuc iterū vivemus in illo? Debemus igitur fratres mei esse mortui mundo, mortui carni, mortui etiam propriæ volūtati. Mortui mundo, ut non diuitias, non honores, non potentias, non glorias, non desideria mundi, sed cæli quæramus. Mundo se mortuum esse ostendit Apostolus cum dicit: Mihi autem absit gloriari his in cruce Domini nostri Iesu Christi, per quem mihi mundus crucifixus est, & ego mundo. Mundus fratres mei, mihi crucifixus est, si me non trahit suis blandimentis. Ego verò mundo crucifixus sum, si illum non amplector desideria.
- Gal. 6.* Mortui carni esse debemus, ut non gulasitās, nō ebrietas, non luxuria, non voluptas, non desideria carnis quærantur à nobis, sed spiritus. Vnde Apostolus: *Mortificate membra vestra quæ sunt super terram: Quæ sunt fornicatio, luxuria, avaritia, commestationes, ebrietates, &c.* Et alibi:
- Colos. 3.* Qui autem, inquit, Christi sunt, carnē suam crucifixerunt cum vitiis & concupiscentiis. Mortui etiam propriæ voluntati esse debemus, ut non nostram, sed dei voluntatem facere quæramus. Ad quod exemplo sui nos inuitat Dominus dicens: Non enim veni ut faciam volūtatem meā, sed voluntatem Patris mei qui misit me. Quis enim melius debuit facere voluntatem suam, quā filius Dei, qui vnam semper cum patre habet voluntatem? attamen non suam, sed Dei voluntatem se quærere dicit, ut nos instrueret non nostram, sed Dei semper & quærere & facere voluntatem. Itaque fratres mei, non nostram, sed Dei voluntatem semper quæramus & in quantum possumus faciamus.

ciamus, & ei dicamus: Non mea Domine voluntas, sed tua fiat. Si ergo prædicto modo mortui fuerimus, erit proculdubio vita nostra abscondita cum Christo in Deo. Vt cum Apostolo dicamus: Vivo ego iam non ego, viuunt autem in me Christus, vita utique tam spirituali quàm æterna. Et vita quidem fratres mei, spirituali viuimus, quando morte peccatorum à nobis eliminata, in fide, & spe, & charitate viuimus: In iustitia, misericordia, & castitate cæterisque virtutibus floremus & fructificamus.

Quæ vita nunc est abscondita cum Christo in Deo, quoniam & si nunc videmur mundanis hominibus abiecti & viles, opprobrium hominum & abiectio plebis: Et si videamur quotidie esurire, egere, & pati: Estimati tanquam oves occisionis: tamen fide, spe, & in occulto apud Deum viuimus, ut possimus dicere cum Apostolo: Vt castigati & non mortificati, tanquam morientes, & ecce viuimus,

2. Cor. 6.

Vita verò spirituali viuimus, quando hoc mortale corpus induet immortalitatem & beatitudinem. Quæ vita nunc est abscondita cum Christo in Deo. Quoniam & si corpus nostrum, mori, putrescere, incinerari nunc videatur, & mundanis hominibus inde resurrecturum desperetur, tamen in abscondito apud Deum, cui omnia viuunt, corpora nostra non pereunt, sed in melius renouanda cum Christo reseruantur. Sequitur pars tertia, in qua ostenditur quòd benefacientes præmium consequuturi sumus, cum subditur: *Cum autem Christus apparuerit vita vestra, tunc & vos apparebitis cum ipso in gloria.* Quasi diceret: Sicut vita vestra nunc cum Christo abscondita est, ita cum Christo ad iudicium veniente reuelabitur. Dicitur autem Christus vita nostra metonymicè, quoniam ipse est causa, largitor, & auctor vitæ nostræ, & corporalis, & spiritualis, & æternæ. Quod quidem nunc aliis falsum, aliis dubium, & aliis videtur occultum, sed in iudicio Christo apparente, omnibus erit manifestum, tam bonis quàm malis. Mali enim teste scriptura, tunc dicturi sunt: Quos aliquando habuimus in derisum sunt isti, & in similitudinē improperij. Nos insensati, vitam illorum estimabamus insaniam, & ecce quomodo nunc reputantur inter filios Dei, & inter sanctos fors illorum est. Tunc quippè Christus qui

Christus
vita nostra
stra.

Sap. 5.

Luc. 17.

primò venit occultus, veniet apertus. Vnde ipse dixit: sicut fulgur exit ab oriente & paret vsque in occidentem, ita erit finis hominis aduentus: Et qui primò apparuit humilis, tunc apparebit super omnem alitudinem sublimis. Et qui prius apparuit despectus, tunc apparebit super omnem gloriam gloriosus: Et qui primum apparuit pauper pauperum, tunc apparebit Rex regum & Dominus dominantium. Et qui primò fuit iudicatus & passus, tunc iudicabit damnans iniustos, & glorificans iustos. Nos quoque fratres mei si humiliauerimus nos cum Christo in via, sublimabimur cum ipso in patria. Si fuerimus despecti cum Christo in via, glorificabimur cum ipso in patria. Si fuerimus pauperes & subiecti cum Christo in via, ditabimur & Domini dominabimur cum ipso in patria. Si diiudicabimur, & patiemur cum Christo in via, iudicabimur & letabimur cum ipso in patria. Itaque fratres mei, non sapiamus terrena, non incuruemur ad amorem eorum more pecudum, quæ sine freno, toto impetu, ad implendam corporis feruntur voluntatem, sed potius simus erecti ad cælum, sicut corpore ita mente: toto desiderio amemus & quæramus cœlestia, mortui mundo, viui Deo: quatenus cum Christus apparuerit vita nostra, tunc & nos apparebimus cum ipso in gloria. Ipso præstante qui viuit & regnat cum Patre & Spiritu sancto per omnia secula seculorum. Amen.

1. Cor. 5.

IN DIE SANCTO PASCHAE.

*Celebratio
dominicae
crucis &
resurre-
ctionis.*

Expurgate vetus fermentum, ut sitis noua conspersio sicut estis azymi, &c. Hodie fratres charissimi, Dominicam celebramus resurrectionem. Propterea debemus ipsi, quam colimus, congruere solennitati. Illis enim solis prodest solennitates celebrare, qui eis mente & operibus se satagunt configurare. Celebratio igitur dominicae crucis & resurrectionis tunc proderit nobis, si vitia in nobis crucifixerimus, si à vitiis ad virtutes, à vetustate ad nouitatem surrexerimus. Ad hoc igitur nos hortatur Apostolus fratres mei, in prælibata lectione hoc modo. Primò nos præcipit exuere vetustatem. Secundò induere nouitatem. Tertiò subdit causam quare hoc facere debeamus. Quartò nos hortatur epulari. Quintò oscen-

tò ostendit qualiter ad hoc epulum accedere debeamus.

Monet igitur primò nos fratres mei, exuere vetustatē, id est veteris Adæ similitudinem, scilicet peccatū. Peccatum autem vocatur vetustas triplici ratione. Vetustas enim facit hominem curuum & imbecillē: Sic & peccatum animam facit curuam ad terrena, & imbecillē ad bene agendum. Vetustas hebetat sensus hominis; sic & peccatum virtutes mentis. Vetustas trahit hominem ad mortem, sic & peccatum animam. Ait ergo Apostolus: *Expurgate Vetus fermentum*, tangens consuetudinem Iudæorum, qui in Pascha fermentum abiciebant, & azyma comedebant: tum ob recordationem, quod cum post immolationem agni, exirent Patres eorum de Ægypto, qui cum tanta festinatione exierunt, vt non liceret eis parare panes, sed farinas ferentes, inde azymis panes in foco faciebant tum ob mysterium eos euitandi peccati fermentum; qui purè Pascha volunt celebrare. Porro fermentum & maximè vetus reddit panem acidum, leuem, minus vegetatiuum, & magis cauernosum. Sic fratres mei, peccatum fatit animam hominis acidam, vt Deus nolit eam vnire sibi & incorporare, facit eam leuem, vt diabolus possit eam circumferre, facit eam minus solidam & validam ad resistendum diabolo, facit cauernosam, vt diabolus in ea sibi latibulum inueniat. Itaq; fratres mei, expurgate vetus fermentum peccati, id est, per pœnitentiam, correctionem, & emendationem, peccatum aufert non solum à mente, sed etiam à domo & à communione Ecclesiæ. Non enim perfectè expurgat vetus fermentum, qui & si à se quantum potest abiicit, tamen à domo suauel à cōmunionē non abiicit. A se fortè Heli abiiciebat fermentū sed à domo ista non abiicit & idēd eum ea periit. A se fortè Corinthij (ad quos hic loquitur Apostolus) abiiciebāt fermentum, sed à communione sua non abiiciebant, dum corruptorem noueræ suæ, quam Apostolus excommunicauerat, non euitabant: Cū de huiusmodi Ioannes dicat, nec aue ei dixeritis. Qui enim, inquit dicit ei aue, communicat operibus eius. Et Apostolus in eadem Epistola: Si quis, inquit, nominatur fornicator, aut auarus, cum huiusmodi nec cibū sumere, nec cōmunicare debes.

*Peccatum
vocatur
vetustas
triplici
ratione.*

*Expurga-
re Vetus
fermentum
quid.*

*Ioan. 2:
1. Cor. 5.*

HOMILIAE

Eccle. 13.

Hoc contra quosdam est, fratres mei, qui cum excommunicatis participare, conuesci, & colloqui non verentur: cum scriptum sit. Qui tangit picem, inquinabitur ab ea, & qui terigerit mortuum, immundus erit. Eadem ratione, qui cum excommunicato communicat, excommunicatus est. Secundò monet nos Apostolus habere nouitatē, cum subdit: *ut sitis noua conspersio*, id est, noua pasta, pura scilicet à veteri fermento, & ab omni immunditia. Loquitur enim hic metaphoricè, assimilans puritatem Ecclesiæ, puritati pastæ. Qui enim vult facere puram pastam, primò purgat & emundat grana tritici, postea molit, & in farinam redigit, deinde aspersione aquæ conglutinat & coniungit. Simili modo ad hoc ut cõmunio Ecclesiæ pura sit, & Deo accepta, primùm oportet ut singulæ personæ in se sint puræ & mundæ. Sed quædam personæ, licet in se puræ videantur, tamen ad modum granorum sunt grossæ & duræ, quoniam nulla societate vel compassione aliis sociantur, subiectæ sibi & coniunctæ: sibi soli viuentes, ad se omnia referentes, contrarij illis quos notauimus suprà.

Rom. 1.

Illi enim etiam excommunicatis societate iunguntur. Isti nec etiam bonis consociari vel consœderari volunt. Vtrūque vitium est, & omnibus consœderari, & nulli. Illi sunt in malis feruidi, hi sunt etiam in bonis tepidi. Hos vocat Apostolus sine affectione, sine amicitia, sine sœdere. Hæ ergo personæ ad similitudinem granorum per recordationem peccatorum, & cõsummationem suppliciorum sunt terendæ, & in humilitatem redigendæ. Et ne

Psal. 1.

fortè arida humilitas eat, tãquam puluis quẽ proiicit ventus à facie terræ, idèd rore charitatis sunt conglutinandæ, & in nouam consersionem coniugandæ, ne vel odio, vel inuidia, vel cupiditate terrena, à mutua vel à Christi charitate valeant separari. Itaque, fratres charissimi, purgemus & emundemus vnusquisque seipsum, & mola humilitatis & contritionis conuertamur, & glutino charitatis & compassionis ad inuicẽ vniamur, ut charitatis & vnionis nostræ puritate, Deus pascatur & delectetur, & nos ecòuerso charitate & vnione diuina pascamur & delectemur. Sicut enim charitate nostra pascitur, & delectatur Deus, ita nos diuina charitate pascimur & delectamur.

Tertiò

Tertiò Apostolus subdit causam, quare noui esse debeamus, cum dicit: *Etenim pascha nostrum immolatus est Christus*. Quasi dicat: Estote noui, quoniam ad nouum prandium estis vocati, ne fortè veniens qui vos ad suas nuptias vocauit, dicat cuiuslibet vestrum: quomodo huc intrasti, non habens vestem nuptialem? Et iratus mittat vos in tenebras exteriores, vbi erit fletus & stridor dentium. Itaque fratres mei, simus noui, vt ad nouas noui agni epulas noui accedamus: Quoniam non vt Iudæi carnem & sanguinem brutorum animalium hodie epulaturi sumus, sed ipsum Deum & Dominum nostrum Iesum Christum, qui nostrum Pascha immolatus est, epulum scilicet nouum, sufficiens & pingue. Et nouum quidem est, quoniam & in se purum est à peccati vetustate, & nos si dignè illud suscipimus, efficit nouos sui nouitate. Sufficiens verò est, quoniam pro multis figuratiuis, & insufficientibus, & frequentibus hostiis legalibus, vna & vera semel oblata hostia, Christus immolatus est. Quamuis enim super multa altaria quotidie offeratur, immoletur, & frangatur in Sacramento, tamen non nisi semel immolatus est vna sola vera hostia Christus: quoniam Christus resurgens ex mortuis iam non moritur. Et cum multæ essent hostiæ Iudæorum insufficientes vt sacrificium pro peccato pacifica votiua, hostia, victima. Christus est sufficiens sacrificium omnibus & pro omnibus, & pro peccatis propitiandis, & inter Deum & hominem pro pace reconcilianda, & pro votis hominum perficiendis, & pro hostibus vincendis. Pingue verò est, quoniam omni gratia, charitate & misericordia saginatus est Dominus noster Iesus Christus. Hic est enim ille vitulus saginatus, quem Pater in reditu filij de regione dissimilitudinis reuertentis præcipit immolari. Ad hoc igitur nouum, largum, & saginatum epulum inuitati: Fratres charissimi, sollicitè pensemus agere illud quod Sapiens ait: Ad mensam magnam sedisti, attende quoniam similia oportet te præparare. Ad mensam quippè Christi inuitati fratres charissimi, similia ei præparemus, sic eum diligamus sicut ipse dilexit nos: Sic propter eum nos humiliemus, sicut ipse humiliavit se propter nos. Sic propter eum simus parati

Mat. 2.

Luc. 13.

Rom. 6.

Eccl. 31.

rati mori, sicut ipse mortuus est pro nobis.

Quartò monet nos Apostolus ad epulandum cum subdit. Itaque epulemur. Monemus & nos fratres charissimi vos, ut omnes pariter epulemur epulū animabus nostris necessarium. Scriptum est enim: Nisi manducaveritis carnem filij hominis, & biberitis eius sanguinem, non habetis vitam in vobis. Vnde statutū est, ut pueris mox baptizatis, saltem in specie vini, tradatur, ne sine necessario discedant Sacramento. Et quid si discedant. Nunquid damnabuntur? Non fratres mei, quoniam in fide & si non sua, tamen patrinorum saluabuntur. Duo quippè sunt modi manducandi corpus Christi: Vnus Sacramentalis, alius spiritualis. Sacramentaliter accipit corpus Christi etiam malus, sed quia indignè iudicium sibi manducat & bibit. Spiritualiter verò accipit corpus bonus, qui & si non Sacramentaliter quandoque accipit, tamen fide & charitate in corpore Christi est.

Vnde Dominus exponens quid sit cum manducare spiritualiter, ait: Qui manducat carnem meam, & bibit meum sanguinem, in me manet, & ego in eo. Et Augustinus: quid paras dentem & ventrem, crede, & manducaſti. Veruntamen fratres mei omnibus Christianis, locum & tempus habentibus etiam Sacramentaliter communicandum est. Vnde & in primitiua Ecclesia, vniuersi Christiani, singulis Dominicis diebus solebant communicare. Sed quia quidam negligenter accedebant, postea pro Eucharistia panem benedictum statuerunt dari: Et saltem ter in anno: in Natali, in Pascha, in Pentecosten communicari. Sed nunc fratres, adedò excreuit iniquitas, quod vix semel in anno quidam dignè valeant communicari: Sed & sunt quidam, qui quotidie communicare gaudent, alij qui reformidant: Et utrique bene faciunt, si contemptum cauent, & ut dignè communicare valeant, laborant. Nam uterque & Zachæus & Centurio Christum honorauerunt, & Zachæus lætè suscipiendo, & Centurio se indignum reputando. De illis verò qui quotidianas celebrant Missas, ait Augustinus, quotidianas Missas celebrare, nec laudo, nec vitupero, id est, nec laudo in negligentibus,

nec

Ioan. 6.

Duo modi
manducan-
dis corpus
Christi.

1. Cor. II.

In primiti-
ua Ecclesia
Christiani
singulis do-
minicis co-
municabāt.

August.

nec vitupero in diligentibus.

Quintò docet Apostolus, qualiter ad mensam altaris accedere debeamus. Magnum quippè hospitem, imò Deum & Dominum nostrum I E S U M C H R I S T V M, fratres charissimi, hodie suscepturi, hospitium purum & honestum ei præparemus. Et cerè si principem vel aliquam personam secularem suscepturi in hospitio nostro essemus, ipsum hospitium nostrum ab omni sorde purgaremus, & ornamentis decoraremus, ut intrantem personam nulla turpitudine offenderet, sed potius mundities & honestas domus lætificaret. Si ergo hoc facimus pro Principe temporali, quid facere debemus pro Rege regum & Domino dominantium? Præcipit enim Apostolus, ut suscipiamus D E V M nostrum, non in fermento veteri, neque in fermento malitiæ & nequitie. Ac si dicat: Omnem sordem à vobis tollite, tollite à confessione vestrorum peccatorum vetus fermentum excusationis: nec scilicet more veteris Adæ, peccata vestra excusetis: Nec declinetis cor vestrum in verba malitiæ ad excusandas excusationis in peccatis. Sed potius vosmet accusate, indignos clamate, plorate & satisfacite. Tollite quoque à mente fermentum malitiæ, odii scilicet, invidiæ, & malæ voluntatis. Tollite quoque ab opere fermentum nequitie, id est, iniustitiæ, ne scilicet faciatis aliis quod vobis fieri non vultis. Præcipit subsequenter ut epulemur carnes agni in azymis sinceritatis & veritatis. Ac si dicat: Non sufficit vobis sordes expurgare à vobis, nisi etiam virtutibus hospitium, quo Dominum estis suscepturi ornetis. Quibus? azymis sinceritatis & veritatis: Ut videlicet sinceritas sit in vita, veritas in loquela. Sinceritas fratres mei, erit in vita nostra, si sincerè sapiamus, si sincerè diligimus, si sincerè vivimus. Veritas verò erit in loquela, si verè peccata nostra confiteamur: Si veritatem cum proximo loquitur, si Dominum consona voce laudamus. Si sic fratres mei vixerimus, ad carnes veri agni purè accedere poterimus, ut per charitatem D E I & proximis uniamur, operante Domino nostro Iesu

*Qualiter ad
mensam al-
taris acce-
dere debeamus.*

Psalm. 140.

*Sinceritas
in vita, ve-
ritas in lo-
quela.*

HOMILIAE

Christo, qui cum Patre & Spiritu sancto viuit & regnat
in æternum, Amen.

IN DIE SANCTO

Paschæ.

Mar. 16.

Maria Magdalene, & Maria Iacobi & Salome,
emerunt aromata, ut venientes vngerēt Iesum, &c.
Quoniam ad paschales nuptias nos vocat fratres mei, in
stitutio solēnitatis hodiernæ, debemus hanc diem spiri-
tualibus gaudiis & Euangelicis eruditionibus occupare:
Et quia quod vnusquisque plus diligit, libentius audit:
si Deum & redemptorem nostrum præ cunctis diligitis,
Euangelicam historiam de eius resurrectione libentius
audietis. Nos ergo fratres charissimi, vobis Euangelicam
lectionem percurrimus: Primò quæ ad historiam, secun-
dò quæ ad tropologiam pertinent explanantes. Et iuxta
quidem historiam, quatuor nobis sunt considerata.
Primò quantum istæ sanctæ mulieres fuerūt in Christum
deuotæ, secundò quomodo postulantes fuerint exaudi-
tæ: Tertiò quomodo ab angelo consolatæ sint, & de re-
surrectione Christi eruditæ: Quartò quomodo primæ
ad Euangelizandum dominicam resurrectionē sint mis-
sæ. Fuit igitur fratres charissimi, istarum mulierum mira
deuotio. Fuerunt quippè erga Christum feruidæ, auda-
ces, & officiosissæ. Feruidæ; quia quem viuentem ar-
denter amauerant, vsque ad mortem flendo prosequutæ
sunt, nec post mortem obliuisci potuerunt. Audaces,
quia cùm Apostoli & columnæ Ecclesiæ fugerent, nega-
rent, & laterent, has mulieres, nec damna, nec terror mor-
tis, nec gladius potuit deterrere, quin cruci assisterent,
& ad monumentum cursitaret. Officiocissimæ, quoniam
viuenti ministrauerunt cum gaudio de substantijs suis:
Morienti assisterunt cum gemitibus & lamentis. Ad se-
pulchrum cucurrerunt cum suspirijs, & vnguentis. Sed
ad hæc quid nos fœminei viri dicere possumus, qui erga
Christum redemptorem nostrum tepidi, timidi, & negli-
gentes sumus? Illæ mulieres, Christum in carne mortali
viuentem, morientem, & sepultum, ardēter amauerunt:
Et nos viri illum nunc regnantem in æternū, & suis glo-
rificantē, vel minimè, vel tepidè amamus? illæ mulieres,
nec

Mulierum
mira deno-
tio.

nec terrore mortis, nec gladio potuerunt prohiberi, quin adstarēt mortuo & sepulto: Et nos miseri viri, timore vel cupiditate separamur à Christo in æternum viuente & regnante? Illæ mulieres, viuente Christo, in carne mortali ministrauerunt de substantiis suis: mortuo de lachrymis & vnguentis suis: Nos illi iam regnanti in æternum ministrare & de suis cibis in suis pauperibus satiare contemnimus? Excutiamus ergo fratres mei, teporem, timiditatem, & negligentiam nostram. Et exemplo istarum mulierū, in amore Dei ferueamus, audaces & officiosi in Dei seruitio esse discamus. In hoc autem quod dicitur, quod *valdè mane vna Sabbatorum veniunt mulieres ad monumentum* *orte iam Sole:* feruor pariter, audacia, & officiositas mulierum demonstratur, quæ etiam nocte venire cum aromatibus ad monumentum cœperunt: Sed Sole, id est, aurora ex vicinitate Solis iam orta, ad monumentum peruenierunt. In quo etiam innuitur, quod Sole diei oriente, Sol iustæ Christus resurrexit. In cuius etiam memoria, matutinas laudes celebrat Ecclesia. Generalem quoque resurrectionem in matutino tempore credimus esse celebrandam. Iuxta quod David inquit: Et dominabuntur eorum iusti in matutino. Quando igitur secundum Matthæum, terræmotus factus est magnus, antequam Angelus reuolueret lapidem ab ostio monumenti, Christus resurrexisset, & multa corpora sanctorum qui dormierant, secum suscitasse credendus est. Nec mirum, si Christus, qui clauso virginis utero moriturus exierat, immortalis factus clauso sepulchro exierit. Cùm generaliter omnia iustorum resurgentium corpora sint subtilitate donanda: Vt nullo muro, nulla soliditate, à sua agilitate retineri valeant aut cohiberi.

Matutinae laudes.

Psal. 48.

Sequitur pars secunda, in qua ostenditur quomodo mulieres petentes, exaudiantur. Petunt quippè mulieres quodammodo cum insinuatione, cùm dicūt: *Quis reuoluet nobis lapidem ab ostio monumenti?* Sunt enim duo genera petitionum. Quædam enim à Deo sunt in se digna, vt directè & apertè valeāt postulari, vt virtutes & regnum cælorum. Alia verò sunt de quibus an nobis expediant, ignoramus. Et idcò non directè, sed cum conditione vel

Duo genera petitionum.

Matth. 26.

Luc. 2.

Matt. 28.

Duplici de
causa An-
gelus de-
scendit.

insinuatione postulanda sunt. Cum conditione postulat Dominus à se transire calicem passionis, cum dicit: Pater si fieri potest transeat à me calix iste: Veruntamen nō mea voluntas, sed tua fiat. Cum insinuatione postulat beata Virgo vinum in nuptiis dari, cum dicit: Vinū nō habent. Similiter cum insinuatione postulant sapientiam Lazarus dari sorores eius, cum dicunt, Domine, ecce quem amas, infirmatur. Non enim aperire rogant eum sanari, quippe nescientes an hoc expediret, sed tantum dolorem, desideriumque suum ostendunt. Qui enim suā necessitatē ostēdit, scire petit. Est ergo ac si dicerent: nostram necessitatē vides, sed tu Domine, qui omnia nosti, fac quod sis expedire nobis. Hoc modo petunt & hae mulieres, cum dicunt, *Quis reuoluet nobis lapidem ab ostio monumenti?* Et erat quippe, subdit Euangelista, magnus valde. Et quem foeminarum debilitas non posset amouere. Et quia magna erat earum deuotio, & petitio pia, exaudiri merentur. Et respicientes, viderunt reuolutum lapidem. Postulatum ergo eis conceditur, non tamen ea intentione qua postulabatur. Illae enim postulabāt lapidem amoueri, vt mortuum vngerent. Lapis verò ideò remotus est, vt vacuum videntes monumentum, Christū resurrexisse intelligant. Per quem autem iste lapis remotus sit, Matthaeus exponit: Quia Angelus Domini descendit de caelo, & accedens reuoluit lapidem. Porro duplici de causa Angelus descendit, & vt lapidem reuolueret, & vt Dominicæ resurrectionis nuntius & testis esset. Vnde & Ioānes describit duos Angelos Mariæ Magdalene apparuisse, sedentes vnum ad caput, & alterum ad pedes: Vt videlicet in ore duorum vel trium restium stet omne verbum. Ecce quid mereatur, & feruor & deuotio mentis. Quia enim adeo istę sanctę mulieres fuerunt in Christo feruidę & deuotę, & Angelum videre, & ab eo iuari, & consolari, & erudire meruerunt. Hinc discamus & nos fratres mei, feruidi esse in Christo & deuoti, vt similiter à Deo per Angelos consolari, iuari, & erudiri mereamur. Odit quippe & nauscat Deus tepidos & pigros, & arcana dulcedinis suę atque suauitatis, eis non curat reuelare, sed, qui sicut Daniel, sunt desideriorum viri, à Deo merentur illuminari.

Sequitur

Sequitur pars tertia, in qua sanctæ mulieres Angelum vident & ab eo cōsolantur pariter & erudiūtur, cū subditur: *Et introeuntes in monumentū, id est, in domūculam in qua erat monumentum, viderunt iuuenem sedentem in dextris coopertum stola candida, & obstupuerunt, &c.*

*Mulieres
cōsolantur
ab Angelo.*

Porro fratres mei, Angelus qui sic apparebat, in seipso demonstrabat, & qualis erat ille quem venerat nuntiare, & quales fideles futuri sint in resurrectione Apparuit enim non puer, nō senex, sed iuuenis: Quoniam resurrectio in ætate perfecta, & in Christo iam erat celebrata, & in nobis erat celebranda. Vnde Apostolus: Donec, inquit, occurramus ei in virum perfectum, in mensuram ætatis, plenitudinis Christi, Apparuit & sedens, quoniam quietem resurrectionis nuntiabat, per quā iam regnabat Christus, & nos quoque regnaturi sumus. Sedebat autem, iuxta Matthæum, super lapidem monumenti, quoniam illum prædicabat, qui pondus mortis & in se iam superauerat, & in nobis in resurrectione superaturus erat. Vnde idem per Oseam prædixit: O mors, ero mors tua: Apparuit

Ephē. 4.

etiam in dextris, quoniam illum nuntiabat, qui iam in dextera æternæ beatitudinis sedebat: Et nos in iudicio ad dexteram suam collocaturus erat. Apparuit quoque coopertus stola candida, quia illum prædicabat, qui iam stola immortalitatis erat vestitus, & in fine suos erat vestiturus.

Osee 13.

Apparuit in stola candida, non quod ciues æternæ patriæ indigeant vestiri, sed ut splendorem & suæ & nostræ festivitatis demonstraret in candore. Christi quippè resurrectio & nos ad æternitatem reduxit, & angelicam ruinam restaurauit, & utrisque simul solennia gaudia in æternum cumulauit. Erat enim, ut ait Matthæus, aspectus eius sicut fulgur, vestimenta autem eius sicut nix. In fulgure enim vultus terruit custodes, & in candore consolatus est mulieres. In quo & illud demonstratur, quoniam ille, quem nuntiabat, erat futurus in iudicio terribilis reprobis: & blandus iustis. Consolātur autem mulieres ab Angelo, cū eis dicitur: *Nolite expauescere: Quasi dicat: Pauca qui ecce estis non amāt: Vos verò quid timetis, quæ cōciues vestros videtis? Instruuntur quoque cū eis dicitur: Iesum queritis Nazarenum crucifixū, surrexit nō est hic.*

*Quare in
stola can-
dida appa-
ruit An-
gelus.
Mat. vlt.*

Quia

Quia namque multi nuncupatiue dicti sunt Iesus, determinatur per locum, cum additur: *Nazarenum*. Et per causam, cum subditur, *crucifixion*. *Surrexit, non est hic*. Radix amara crucis euauit, flos cum fluctibus erupit: Quoniam qui in morte iacuit, in gloria resurrexit. *Ecce locus ubi posuerunt eum*. Ostenditur locus mortis vacuus mortalibus, ut inde habeamus in nobis spem, & agamus Deo gratiarum actionem.

Sequitur pars quarta, in qua mulieres mittuntur ad euangelizandum Christi resurrectionem, cum subditur: *Sedite, dicite discipulis & Petro, quia praecedet vos in Galileam*. Sicut per mulierem mors viro propinata est, ita nunc per eandem opprobrium primae matris istae sanctae mulieres delcuere. Sunt autem istae mulieres prae caeteris privilegiatae, quia ad euangelizandum ipsis. Euangelistis Christi resurrectionem primitus sunt missae. Cum autem dicat Apostolus, mulieri docere in Ecclesia non permitto: istae etiam ipsos doctores docuerunt: unde & Apostolae Apostolorum nuncupari possunt. *Dicite, inquit, discipulis eius & Petro*. Petrus vocatur ex nomine, ne desperet ex negatione. Nisi enim eum Angelus exprimeret, inter discipulos venire non auderet. Ex magna autem dispensatione Dominus Principem Apostolorum se negare permisit, ut scilicet & ipse in sua culpa disceret, quomodo aliis misereri & copati deberet: & in lapsu Principis Apostolorum timerent quantumcunque sanctiores, & in eius sperarent restitutione quantumcunque peccatores. *Praecedet vos, inquit, in Galileam*. Cum in pluribus locis aliis Dominus apparuerit, prius discipulis, quare Dominus de sola Galilea loquens, & per se, & per Angelos, dixit se discipulos suos in Galileam praecessurum. Tum, quia ibi generalius & manifestius omnibus discipulis suis apparuit: tum quia Galilea interpretatur transmigratio facta. Christus autem iam a passione ad resurrectionem, a morte ad vitam, a poena ad gloriam transmigrauerat. Sed Apostoli, caeterique fideles ipsum sequentes, eum glorificatum videbunt, qui nunc a vitiis ad virtutes, a terrenis ad coelestia transmigrant. Nos itaque fratres, nunc a vitiis ad virtutes, a terrenis ad coelestia transcamus, ut ipsum in gloria

1. Tim. 2.

Petrus
Princeps
Apostolorum.

ria sua glorificatum, glorificati & ipsi cōtemplari mereamur. Moraliter autem per has tres sanctas mulieres fratres charissimi, instruimur, qui, quando, cum quibus, & qualiter ad calicem corporis & sanguinis Domini accedere debeamus. Per calicem quippè sepulchrum, lapis superior per pateram: per corporalia, syndon, & sudarium, quibus Christus inuolutus est, exprimentur. Qui ergo ad sepulchrum calicis Domini accedere debeant, istæ mulieres ostendunt, quæ ad monumentum tres venerunt.

*Calix.
Corporalia.*

Solummodo enim illi qui trinitatē fide & moribus profitentur, ad calicem corporis & sanguinis Domini accedere digni sunt, ut scilicet illum quem suscipiūt, vnū Deum ante secula cum Patre & Spiritu sancto, & in tempore pro nobis hominem factum esse credāt atque passum. Quando etiam ad calicem Domini accedere debeamus, hæ mulieres nobis ostendunt, quæ ad monumentum Domini, orto Sole, peruenerunt. Nos quoque fratres, non nisi expulsis à cordē nostrorum vitiorum tenebris per pœnitentiam, & Sole virtutum in nobis radiante per iustitiam, ad calicem Domini accedere debemus. Qui enim adhuc manens in tenebris vitiorum, scilicet odij, vel inuidiæ, ad calicem Domini accedit, ad iudiciū suū accedit. Cum quibus verò ad calicem Domini accedere debeamus, hæ mulieres nobis ostendunt, quæ ad sepulchrum Domini, non nisi cum vnguentis & aromatibus accesserunt. Nos quoque fratres mei, ad calicem corporis & sanguinis Domini, non nisi cum suauitate bonorū operū, & flagrantia virtutū, quib⁹ Deū & proximū delectemur, accedamus. Qui enim ad tantū Sacramentū tepidè & sine cōpunctione, sine suspiriis, sine odore orationis & deuotionis accedit, indignè accedit. Qualiter quoq; ad calicē Domini accedere debeamus, hæ mulieres nobis ostendunt, quæ venerūt ad monumentum cum humilitate, nihil de se præsumendo. sed propriæ infirmitatis consciæ, diuinum auxilium inuocando & dicendō: Quis reuoluet nobis lapidem ab ostio monumenti. Nos quoque fratres mei, ad calicem Domini accedamus cum humilitate, nihil de nostra iustitia præsumentes, sed nostræ infirmitatis conscij, diuinum auxiliū inuocantes & dicētes: Quis reuoluet nobis lapidem

*Cū quibus
ad calicem
Domini
accedere
debeamus.*

*Qualiter
ad calicem
Domini
accedendū.*

ab

ab ostio monumenti: id est: Quis nobis dabit facultatem accedendi purè ad corpus Christi? Quasi diceret, non virtus propria, sed opitulatio diuina. Si sic fratres, si sic agimus, remouetur lapis, id est, difficultas, & dabitur nobis facultas purè ad illud accedendi. Vel certè, quis reuoluet nobis lapidem ab ostio monumenti? id est, quis aperiet nobis intelligentiam tanti Sacramenti? Et si piis precibus instamus, mittet Dominus nuntium, videlicet Spiritum sanctum, vel certè aliquem Angelum, vel aliquem Sanctum, sicut in vitis Patrum legimus, qui aperiet nobis intelligentiam tanti Sacramenti. Et dicet nobis: Quid quæritis uiuentem cum mortuis? Surrexit, non est hic, id est, cur inter mortales cibos illum cœlestem panem quæritis? Non est cibus corporis, nec descendit, cò quòd corporales cibi descendunt, sed ita pascit animam cuiusque fidelis in terra, quod integer permanet in cœlo. Itaque fratres mei cum quotidie Christus imoletur, frangatur, teratur, tamen impassibilis permanet in seipso. Vnde Apostolus: Christus resurgens ex mortuis iam non moritur, mors illi ultra non dominabitur. Quamdiu ergo Sacramentum corporis & sanguinis Iesu Christi vides, tractas, labiis sentis, dentibus teris, scito quia Christus tecum est corporaliter. Deinde non quæras eum nisi in cœlo, nec credas esse tecum corporaliter, sed tantum spiritualiter. Vnde Augustinus: Quid paras dentem & ventrè, crede & manducaisti. Quoniam autem dum sumus in hac vita, nemo perfectè valet videre, qualiter Christus cum à singulis totus sumatur, tamen ad dexteram Patris, indiuisibilis, & impassibilis persistat, rectè monemur ab Angelo, ut ipsi & nos & alios moneamus, quatenus corde, & opere, prece & vita tendamus in Galilæam, id est, in æternum patriam. Vbi & Christi arcana plenius, & ipsum facie ad faciem videbimus. Ipso præstante qui cum Patre & Spiritu sancto uiuit & regnat Deus. Amen.

FERIA SECUNDA

Paschæ.

Luc. 24.

EXeuntes duo ex discipulis Iesu, ibant ipsa die in Castellum quod erat in spatio sexaginta stadiorum ab Hierusalem, nomine Emmaus, & reliq. Sex capitulis distinguitur hæc

Rom. 6.
Christus
corporalis
ter in Sa-
cramento
Euchari-
stie.
August.

hæc lectio fratres charissimi. Primò enim ostēditur, quod ipsa die resurrectionis Christi, exeuntes duo ex discipulis eius, ibant in Emmaus. Exierunt autem hi duo de collegio Apostolorum, non per apostasiam, vt illi de quibus dicit Ioannes: Ex nobis exierunt, sed non ex nobis erant. Nec per curiositatem, vt Dina, quæ exiit videre mulieres illius regionis, & oppressa fuit. Sed exierunt in ministeriū more apum, quæ de communi cœnobio aluearij exeunt, vt in communem mellis vtilitatem, electo flore redeāt onerata. Quod verò recta & honesta causa exierint, hinc apparet quod non singuli, sed bini exeunt, quod non aliena verba à doctrina collegij sui inter se conferunt: quod communem colligij sui trinitatem in mente ferunt, quod Dominum sibi apparere merentur, quod cum legem & Prophetas exponentem libenter audiunt, quod cum ad hospitium cogunt, quod in fractione panis eum agnoscunt, quod cum sibi apparuisse, sine mora, collegio suo referre redeunt. Imitamini istos vos claustrales, vt scilicet non exeatis de collegio vestro, per apostasiam, vel per curiositatem, sed tantum propter necessariam causam. Et tunc non singuli, sed bini ad minus exeatis: scientes quod iuxta Prophetā: Væ soli, quia si ceciderit, quis subleuabit eum? Et non vana, sed tantum professioni vestræ conuenientia verba proferatis, cum vtili tristitia & grauitate ambuletis. Lectionem sacræ scripturæ semper audire gaudeatis: hospitalitatem & charitatem diligatis, non vanos rumores, sed more apum vtilia exempla ad cœnobia vestra referatis. *In castellum, inquit, quod erat in spatio stadiorū. lx. à Hierusalem nomine Emmaus.* Stadium est octaua pars miliarij. Sexaginta ergo stadia, septem milia passuum & quingenti sunt. Quod iter bene congruit eis, qui certi de morte & sepultura Iesu, incerti de resurrectione eius ambulabant. Sextum quippè & septimum miliarium compleuerunt, qui Iesum in sexta Sabbati mortem tulisse, & in Sabbato in sepulchro quieuisse sciebant. Octauum verò tantum dimidium perrexerunt, quoniam Iesum octaua die resurrexisse nondum perfectè credebant.

Eccle. 4.

Stadium
quid.

Sequitur pars secunda, in qua Dominus discipulis de se loquētibz, se in specie peregrini demonstrauit, cū dicitur:

Et ipsi

Et ipsi loquebantur ad inuicem de his omnibus quae acciderant. Proprium est fratres mei, amantium de re amata frequenter facere verbum. Nam ubi est thesaurus tuus, ibi

Mat. 6.

est & cor tuum. Et quod intus abundat, exterius exire festinat. Hinc est quod discipuli Dominum, quē toto corde viuētem dilexerant, & quem mortuum obliuisci non poterant, in ore semper habebant. Et Dominus qui dilis

Mat. 13.

gentibus se abesse non potest, quique dixit, Vbi sunt duo vel tres cōgregati in nomine meo, ego sum in medio eorum. Se diligentibus & de se sermonem facientibus, suam exhibet praesentiam. Nam subditur: Et factum est dum fabularentur in via, & secum quererent: Et ecce Iesus appropinquans ibat cum illis. Diligamus ergo fratres mei, Dominum Iesum, & de eo semper meditari, semper colloqui gaudeamus: Quoniam se diligentes, & de se meditari & colloqui gaudentes, sua praesentia non priuabit, sed proculdubio erit nobis comes indiuiduus in via huius mundi,

Mat. 28.

sicut ipse promisit, dicens: Ecce ego vobiscum sum omnibus diebus vsque ad consummationē saeculi. Quoniam vero discipuli, & si eum diligebant, tamen de eius resurrectione & diuinitate dubitabant, ideō & si eis apparuit, tamen eis speciem quam agnoscerent, non ostendit: sed quod intus habebant, hoc eis exterius exhibuit. Et quia de se dubitabant, se dubium esse demonstrauit eis. Nam sequitur: Oculi autem eorum tenebantur, ne eum agnoscerent. Itaque fratres mei, à cordibus nostris omnem dubietatē, excludamus, & Christi diuinitatem & humanitatem, passionē & resurrectionē, certa fide credamus, vt cum non in peregrino habitu, sed sicuti est, facie ad faciem videre mereamur.

Sequitur pars tertia, in qua dominus interrogat discipulos, & eos dubitantes increpat & informat, cum subditur: Et ait ad illos: Qui sunt hi sermones quos confertis ad inuicem ambulantes, & estis tristes? Sciens Dominus fratres charissimi, sic discipulos suos interrogat, vt ex dubia eorum responsione eos increpet, & interroget, & corrigat. Ambulantes, inquit, & estis tristes? Hoc est, quod ait

Psal. 125.

Psalmista: Euntes ibant & flebant mittentes semina sua. Sic quippē fratres mei, sic debemus facere in peregrinatione huius mundi, ambulare & flere, & semina mittere.

Quo

Quòd ambulare? Ad æternam patriam. Quare flere?
 Ob peccatorum nostrorum recordationem, & ob cœle-
 stis patriæ dilationem. Quæ semina mittere? Semina
 fratres mei, diuinorum verborum ad inuicem prædicare,
 & semina bonorum operum præmittere debemus, vnde
 cum exultatione, centuplicatos manipulos metere valemus.
*Et respondens vnus cui nomen Cleophas, dixit ei: Tu
 solus peregrinus es in Hierusalem, & nō cognouisti ea quæ
 facta sunt in illa in his diebus?* Ac si diceret: Res de qua
 loquimur, nota est omnibus qui sunt in Hierusalem, tam
 ciuibus, quàm peregrinis, & manifesta: Et quomodo tu
 solus peregrinus es in Hierusalem, qui hæc ignoras? De
 Iesu Nazareno, qui fuit vir Prophetæ, potens in opere &
 sermone coram Deo & omni populo. Non tanquam Deum
 vel Dei filium, sed tanquam purum hominem Iesum cor-
 ram Deo & populo, in quatuor commendabilem osten-
 dit: quia scilicet fuit mente virilis, intelligentia spiritualis
 potens in opere, efficax in sermone. Quæ quatuor in Ec-
 clesiastico Pastore requirenda sunt. Primùm enim requi-
 ritur virtus mentis, quæ etiam non sufficit, nisi adiū intel-
 ligentia spiritualis. Sed nec hæc duo sufficiunt, nisi sul-
 geat in opere, & alios capiat prædicatione. Quomodo,
 inquit, tradiderunt eum summi Sacerdotes & Principes no-
 stri in damnationem mortis, & crucifixerunt eum. Nos au-
 tem sperabamus quod ipse esset redempturus. Ecce per præ-
 teritum imperfectum sp̃e suam præteritā & imperfectam
 ostendit. Iamq; penè ex toto se excidissè à fide & spe osten-
 dit. A fide, cum ait: *Vir Prophetæ*: spe, cum subdit: *Nos au-
 tem sperabamus*. Et quædam mulieres ex nostris terruerūt
 nos quæ fuerunt ante lucem ad monumentum: Et non in-
 uento corpore eius redierunt, dicentes, se etiam visionē An-
 gelorum vidisse, qui dicunt eum viuere. Stulta loquutio,
 dum se ostēdit magis terri ex ablatione corporis, quàm
 gaudere ex annunciatione resurrectionis. Ait ad illos, eos
 increpans: *O stulti & tardi corde ad credendum in omnibus
 quæ loquuti sunt Prophetæ?* Stulti, id est, hebetes ad spi-
 ritualiter intelligendum, tardi ad credendum intellectis.
 Deinde subdit, instruens eos, tum per rationem, tum per
 legis & Prophetarum auctoritatē. Per rationem, cum sub-

*Quæ requi-
 runtur in
 Ecclesia-
 stico pa-
 store.*

HOMILIAE

iungit: *Nōne sic oportuit pati Christū, & resurgere à mortuis, & intrare in gloriam suam?* Oportuit quippè fratres charissimi, vt quemadmodum per vnum hominem intrauerat damnatio: ita & per vnum hominem fieret redemptio. Oportuit etiam vt quemadmodum homo ceciderat per superbiam, ita repararetur per humilitatem. Oportuit quoque vt quemadmodum per priuū hominis inobedientiam in esu ligni, humanū genus ceciderat in miseriam: ita per noui hominis obedientiam, in morte ligni releuaretur in gloriam. Per legis & Prophetarum auctoritatem eos instruit, cū subdit: *Et incipiens à Mose & omnibus Prophetis, interpretabatur eis scripturas, quæ de ipso erāt.* Moses enim de ipso prædixit: Prophetam suscitabit vobis Deus ex fratribus vestris, illam tanquā me audietis. Prophetæ verò plura apertiora de Christo scripserunt. In quo fratres mei, nostra pigritia confunditur, qui iam legem & Prophetias in Christo adimpletas scientes, nec ad ipsam sacram scripturam spiritualiter intelligendam, nec ad opere complendam, inuigilare curamus.

Duplex fictio bona & mala.

Eccle. 7.

Sequitur pars quarta, in qua Dominum se longius iturum fingentem, discipuli ad hospitium vocant. Non miserrimi fratres mei, quod Dominus se longius iturum finxit, quoniam non omnis fictio habet in se malitiam duplicitatis. Est enim quædam fictio mala, & est quædam fictio bona. Et quædam fictio ad decipiendum, qua inimicus se fingit amicum, vt magis decipiat. Est quædam fictio ad erudiendum siue probandum, qua magister se fingit iratum discipulis, vt eos timere & magis proficere faciat. Vnde Sapiens: Si filix, inquit, tibi fuerint, noli hilarem vultum ostendere ad illas. Nos itaque fratres mei, fictionem deceptoriam tanquam crimen fugiamus, & fictionem proficientem appetamus. Nam Dominus se fingit longius iturum, vt probaret charitatem discipulorum. Sed quoniam illi cum quibus ipsa charitas gradiebatur alieni à charitate esse non poterant, Dominum ad hospitium vocant, imò cogunt. Ex quo intelligendum est, quoniam hospites ad hospitium non solum vocandi, sed etiam cogendi sunt. Antiqui quippè patres, etiam hospitibus occurrebant, & eos per vicos & plateas quærebant,

bant, & inuentos cum gaudio suscipiebant. Præterdunt igitur discipuli Domino causam, quare cum eis debeat hospitari, cum subdit: *Mane, inquit, nobiscū, quoniam aduersperascit, & inclinata est iam dies.* In quo arguuntur illi qui hospitibus dicunt altiore die horam adhuc restare, ut sic eos non ad remanendum, sed potius ad progrediendum longius inuitent. Sed nos fratres mei, superuenientem hospitē sine fictione inuitemus, rogemus, cogamus, oportunitatē temporis & loci non præterdamus, læti suscipiamus, lætiores eis ministremus. Quanti autem meriti sit hospitalitas, hinc apparet, quoniam Abraham & Lot, quia homines suscipere soliti erant, Angelos, imò ipsum Deum suscipere meruerunt. Quidā quoq; paterfamilias studēs hospitalitati, dum quadam die peregrinum susceperet, & ei aquas ad abluendas manus ipsi porrigere vellet, repente non comparuit, sed in visione noctis ei dixit: Cæteris diebus me in membris meis suscepisti, me serō in mea suscepisti persona. Sic etiam Dominus in iudicio electis dicturus est: Hospes eram, & collegistis me. Secūtemini igitur fratres mei, hospitalitatem. Et, ut ait Apostolus, sine murmuratione. Inuitatus igitur Dominus & charitate coactus à suis, concessit. *Et intrauit cum illis.* Dulcissimū quippè est amico cum amicis epulari: & cum inuidis & odiosis epulari amarū est. Nos ergo fratres, cū bonis & amicis nostris epulari gaudeamus: Epulari verò cum malis & inimicis nostris, nisi fortè causa eos Deo lucrandi, fugiamus.

Sequitur pars quinta, in qua discipuli agnoscunt Dominū in fractione panis, cum subditur: *Et factū est dum recubaret cum eis, accepit panem, benedixit, fregit, & porrigebat illis.* Et aperti sunt oculi eorum, & cognouerunt eum. Dum more solito Dominus panē benedicit & frangit, cognoscitur: multò felicius illorum oculis apertis ad cognoscendum naturæ suæ in Christo glorificationem, quam primorum parentum ad cognoscendum concupiscentiæ suæ confusionem. Et quare Dominus non in sacre scripturæ expositione, sed in panis fractione cognoscitur? Quia bonus pastor plus cognoscitur operando, quàm prædicando, plus in charitate, quàm in sermone, plus se

Hospitalitas.

Mat. 25.

Quare Dominus in panis fractione cognoscitur.

& sua pro fratribus tradēdo, quā solo sermone eis prae-
dicando. Maioris enim efficaciz sunt in subiectis exem-
pla, quā verba. Propterea fratres mei, si ad benē loquen-
dum, magis tamen studeamus ad benē agendum. *Et ipse,*
inquit, euauit ab oculis eorum. Sed quare Dominus, fra-
tres charissimi, discipulis suis fecit tam breue gaudium, vt
mox agnitus, mox euanesceret? Vt eos propter gaudium
& suam tarditatem nondum dignos longa sui visione de-
monstraret, vt eos propriam tarditatem accusare faceret,
vt eis agilitatem & libertatem naturæ gloriocatæ demon-
straret: vt in eis maius sui desiderium accenderet. Vnde
& subditur eos dixisse: *Nōne cor nostrum ardens erat in*
nobis de Iesu, dum loqueretur nobis in via, & aperiret no-
bis scripturas? Ardens quidem erat cor eorum de Iesu:
dum cum exponentem, scripturas audirent: sed ardentius
fuit, dum agnitus ab oculis eorum euauit. Nos quoque
fratres mei, cū audimus Christum in scripturis loquen-
tem, ardentes sæpè sumus. Sed si per contemplationem,
vel per aliquam reuelationem eius dulcedinem apertius
gustamus, quātō magis ardentiores efficiamur? Sed quan-
do ipse remota nube dabit sē nobis facie ad faciem in æter-
num videri, quātō magis, fratres, tunc erimus arden-
tissimi in amore eius.

Sequitur pars sexta, in qua se Dominum vidisse recur-
runt cum discipulis nuntiāre. O vera charitas, verāq; fra-
ternitas, quam nec cœna appositā, nec nox instans potuit
retardare, quin gaudium suum recurrent mox cōfratri-
bus suis communicare. Sic fratres mei, sic debet facere ve-
ra charitas, vt gaudium prosperitatis suæ quantocius se-
stinet amico nuntiāre, vt pariter gaudeant qui sese pariter
amant. Itaque surgentes eadem hora, reuersi sunt in Hieru-
salem, & inuenerunt congregatos vndecim, & eos qui
cum ipsis erant, dicentes, quia surrexit Dominus verē, &
apparuit Simoni. Et ipsi narrabant quæ gesta erant in via:
Et quomodo cognouerunt eum in fractione panis. Hinc
& inde manifesta Christi resurrectio nouorum cumulat
materiam gaudiorum: & communiter gaudent, qui com-
munem gaudendi causam habent. Sic erit, fratres mei, in
illa generali beatorum resurrectione: Communis causa,
com-

communia gaudia generabit. Et communem quidem dico causam, vnam in omnibus charitatem, quæ faciet propria singulorum bona, per charitatem omnibus communia. Dum quisque amabit gloriā tantū in proximo, quantum in semetipso. Ad illa ergo fratres charissimi, festinamus gaudia; vbi erit gloria sine inuidia, gaudium sine tristitia, abūdantia sine defectu, securitas sine metu, vita sine morte, beatitudo sine fine. Ad quam perducatur nos omnipotens & misericors Dominus, Amen.

DOMINICA PRIMA

post Pascha.

O Mne quod natum est ex Deo, vincit mundum, &c. Quoniam fratres mei, quibusdā graue videtur vincere malitiam mundi, ostendit Apostolus in hac lectione. Primò, quis sit victor mūdi. Secūdò, per quē vincat eum. Tertiò, probat testimoniis eum tantum & talem esse qui mundum possit vincere. Ostendens ergo primò quis sit victor mūdi, ait: *Omne quod natū est ex Deo, vincit mundum.* Sunt autem fratres mei, tres natiuitates, prima diuina, secunda carnalis, tertia spiritalis. Secundū primam, natus est ab æterno ineffabiliter, ex Deo patre Dei filius: secundū secundam, nascitur quotidie carnaliter de homine homo. Secundum tertiam, quotidie per aquam & Spiritum sanctum, homo seruus peccati renascitur, vt sit adoptiuus Dei filius. De prima dicit Pater ad Filium: Ante Luciferum genui te. De secunda dicit David: In peccatis cōcepit me mater mea. De tertia dicitur: Quot quot autem receperunt eum, scilicet Christum, dedit eis potestatem filios Dei fieri: his qui credunt in nomine eius. Qui non ex sanguinibus, neque ex voluntate carnis, sed ex Deo nati sunt. Itaque fratres mei, carnalis generatio, quia fit per carnalem concupiscentiam, non vincit mundi concupiscentiam, sed ei confœderatur. Sola diuina natiuitas, & spiritalis natiuitas, quia fortiores sunt mundo, vincunt mundum. Vnde Dominus ait: In mundo pressuram habebitis, sed confidite, quia ego vici mundum. Sed filius Dei naturalis, per se, & viribus suis vincit mundum, filius verò Dei adoptiuus non per se, sed per filium naturalem vincit mundum. Vnde filius Dei

Ioan. 1.

Tres natiuitates.

Psal. 109.

Psal. 50.

Ioan. 1.

Carnalis generatio.

Ioan. 16.

HOMILIAE

Ioa. 15.

naturalis, filius adoptiuus dixit: Sine me nihil potestis facere. Quomodo, fratres mei, Vincentius & Laurentius, ceterique Martyres, qui utique erant caro fragilis, possent tot tentamenta & tormenta mundi vincere, nisi Deus eos armasset, & per eos vicisset? Nullo modo. Nemo igitur fortis confidat de Viribus propriis: nam si hoc facit, vincitur. Ipse primus pastor Petrus, dum de se praesumit negando, corruit. Ostendens igitur Apostolus quod Christus solus vincit mundum, subdit: *Et haec est victoria quae vincit mundum, fides nostra.* Id est, Christus quem credimus. Et non solum ipse, sed etiam illi qui ei adhæret vera fide, vincit mundum. Vnde & subdit: *Et quis est qui vincit mundum, nisi qui credit, fide per charitatem operante, quia Christus Iesus est filius Dei, Secundo, per quem Christus vincat mundum, ostendit Aposto-*

Gal. 5.

Tribus modis Christus vincit mundum.

lus subdens: *Hic est qui venit, subaudis, vincere mundum per aquam & sanguinem passionis.* Tribus modis, fratres charissimi, Christus vincit mundum: patiando, conuertendo & damnando. In primo quippe aduentu vincit mundum, persecutiones, contumelias, & flagella malorum, æquanimiter ea tolerando. Et etiam vincit malitiam quorundam, per charitatem eos conuertendo & sanctificando. Vtrumque verò, id est, patientiam & charitatem in passione ostendit. In secundo verò aduentu vincit mundum per iustitiam, malos scilicet damnando, & electos coronando. Nos ergo fratres mei, si filij Dei esse volumus, oportet ut vnigeniti filij eius vestigia sequamur. Vincamus igitur exemplo Christi mundum, id est, malitiam mundanorum, eos æquanimiter tolerando. Nam qui deficit in tribulationibus & persecutionibus: qui murmurat, qui ultionem querit: iam non vincit, sed victus est, secundum illud: *Noli vinci à malo, sed vince in bonum.* Vincamus etiam malitiam mundanorum, eos ad Dominum conuertendo, bono verbo & exemplo: pro malo, bonum: pro maledicto, benedictum eis red-dendo, & pro eis orando. Iuxta illud Apostoli: *Si esurierit inimicus tuus, ciba illum. Si sitit, potum da illi: hoc enim faciens congeres carbones super caput eius.* Si hoc modo fratres mei, vicerimus mundum in hoc seculo, proculdubio

Rom. 12.

Quomodo malitia mundanorum vincenda.

biò in futuro vincemus dominando & iudicando malos, qui hìc à malitia sua conuerti noluerūt. Scriptū est enim: Et dominabuntur eorum iusti in matutino, id est, in resurrectione. Vnde & Dominus promissit discipulis suis: Cūm sederis, inquit, filius hominis in maiestate sua, sedebitis & vos super sedes duodecim, iudicantes duodecim tribus Israël. Tertio verò probat Apostolus, quod Christus talis & tantus est, qui per se mundum vincere possit, subdēs: *Spiritus est enim qui testificatur quoniam Christus est Veritas*, id est, verus Deus, & verus homo. Spiritus quippè sanctus, qui in specie columbæ venit super eum, & qui ab ipso missus est super Apostolos, testificatur quoniā Christus est veritas, id est, verus Deus: & spiritus humanus, quem emisit in passione, testificatur, quoniam Christus est veritas, id est, verus homo. Nisi enim verus homo esset, verum spiritum & veram carnem nō haberet. Et non tantūm spiritus hoc testificatur, imò etiā tres idem testificanti-
cantur. *Quoniam tres sunt qui testimonium dant in celo: Pater, Verbum, & Spiritus sanctus.* Hi enim tres testificantur in Iordane, & in monte Thabor, quia Christus est verus Deus. *Et hi tres vnum sunt*, non tantū in testimonio, sed etiā in essentia. *Et tres sunt qui testimoniū dāt in terra, quod Christus sit verus homo. Spiritus, aqua, & sanguis.* Videlicet spiritus humanus, & aqua, & sanguis qui fluxerunt de latere Christi. *Et hi tres vnū sunt*, subaudis in testimonio, & ideo credendum testimonio eorum. *Si testimonium*, inquit, *hominum accipimus*, secundū quod scriptum est in legē, vt in ore duorū vel trium stet omne verbum: testimoniū Dei quod maius est, accipere debemus. Ac si diceret Si testimonium hominū, qui vtique mentiri possunt, recipimus: multò magis testimoniū Dei, qui mē-
tiri non potest, recipere debemus. Quia igitur Christus verus est Deus, tantus est qui bene potuit vincere mundum. Et quia verus est homo, talis est qui potuit pro eo redimendo, pati. Nos quoque fratres, si filij Dei per gratiam sumus, & si humanitatem nostram puram & mundam seruamus, in Christo mundum vincere poterimus. *Qui credit*, inquit, *in filium Dei, habet testimonium Dei in se*, id est, rem testificatam, Christū videlicet & eius fidem.

Psal. 48.

Mat. 19.

Eccle. 9.

Mat. 19.

non viderunt & crediderunt. Primò igitur dicit Euāge-
lista, Dominum Discipulis apparuisse ianuis clausis. Vnde
de oritur quæstio multiplex, primò quomodo verū cor-
pus fuit quòd ianuis clausis intrauerit. Vel si idèd fuit il-
lud corpus subtile quod ianuis clausis intrauerit, quomo-
do corporalibus oculis videri vel manibus tractari potue-
rit, vel quomodo potuerit loqui, cùm ad grossiora & hu-
midiora conueniat membra. Quomodo etiam corpus
glorificatum, cùm sit splendidius sole, humani oculi po-
tuerunt sustinere. Quomodo & manducauerit, quomo-
do & verum corpus facit, quod nunc apparere, nūc eas
nescere potuerit. Ad horum solutionem fratres mei, intel-
ligendum est, quod in resurrectione corpus septem donis
decorabitur. Primum erit subtilitas. Adeò enim tunc sub-
tile erit corpus, quod obstantia corpora possit penetrare,
nec vinculis, nec claustris prohiberi queat. Vnde & corpus
Christi glorificatum, potuit clauso sepulchro exire, clau-
sisque ianuis intrare. Secundum erit velocitas, nam tantę
velocitatis erit corpus glorificatū, quod in momento de
cælo ad terras, de terris ad cælum, ab orienti in occasum
vel econuerso ire possit, hinc est quod Dominus apparēs
duobus in Emaus, mox apparuit Petro in Hierusalē, cū
loca sexaginta stadiis distent. Tertium erit incorruptibili-
tas. Tunc enim corpora non poterunt corrūpi, nec mor-
te, nec senio, nec morbo, nec gladio, nec fame, nec siti, nec
aliquo incommodo. Vnde Ioannes: absterget Deus om-
nem lachrymam ab oculis sanctorum, &c. Vnde Chris-
tus, inquit, resurgens ex mortuis iam nō moritur. Quar-
tum erit fortitudo. Tunc enim tantę fortitudinis erit cor-
pus glorificatum, quod montes etiā possit euertere, quod
nunc angelos posse credimus. Vnde & lapidem ab ostio
monumenti, qui valde magnus erat, quasi plumam An-
gelus vnus euerit. Quintū erit pulchritudo. Tantę enim
pulchritudinis, tantęq; glorię tūc erit corpus, vt fulgeat
sicut sol. Vnde & Dominus fulgebunt, inquit, iusti sicut
sol in domo patris mei. Et si gloriā, quam Dominus ad
horam ostendit in monte, mortales oculi sustinere non
potuerunt quomodo gloriā eius glorificati ferre pos-
sent. Sextum erit voluptas. Tunc enim omnes corporei

Quæstio

In resurre-
ctione cor-
pus sep-
tem donis
decora-
bitur.

Luc. 24.

1^a Pet. 31.
Rom. 8.

Sap. 3.

sensus, veris & æternis voluptatibus delectabuntur. Visus delectabitur in splendore æternæ charitatis. Auditus in suavi melodia hymnorum cœlestium. Gustus in dulcedine cœlestium bonorum & æternorum. Oloratus in suauitate omnium aromatum & odoramentorū. Tactus ineffabili suauitate & mollicie. Septimum erit Libertas, Adeo enim corpus glorificatum erit liberum, vt ea quæ nobis contraria videntur, ipse possit ostendere. Vt cū sit subtile in sui natura, se corpulentum & palpabile possit ostendere, & cū voluerit euanescere: Vt cū gloriosum & fulgens sit in sui natura, se sub obscurum & visibile possit ostendere. Cū nullius cibi aut vestis indigeat, possit manducare & esse vestitum. Quod & de angelis legimus. Quia ergo Dominus volebat probare mortalibus carnem suam verè à mortuis resurrexisse, talem si exhibebat, qualis ab eis, videri, palpari, audiri, loqui, & comedere posset. Verè ergo ab eis videbatur, verè palpabatur, verè loquebatur, verè audiebatur, verè comedebat. Cibus tamen ille non descendebat eò quò nostri descendunt, sed in ipsa consumebatur masticatione.

Sequitur pars secunda, in qua ostenditur quid Dominus in hac apparitione contulerit discipulis suis. Primum quidem quoniam mœsti erant, contulit eis consolationem, eis annuntiando, cū dixit, pax vobis. Est enim ac si diceret: Non doleatis, sed potius gaudere, quoniam per passionem meam, pax inter Deum & hominem est reformata. Deinde quoniam missurus erat discipulos ad hanc prædicandum, & daturus erat eis potestatem ligandi, atque soluendi, confirmat eos: Primò in fide resurrectionis. Secundo aperit eis sensum iuxta Lucam, vt intelligerent scripturas. Tertio præcipit eos cum Deo & cum proximo pacem & charitatem habere. Quarto eos mittit ad prædicandum. Quinto eis confert Spiritum sanctum: Et sic ad vltimum dat eis ligandi atque soluendi potestatem. Et primò quidem conuenienter, quos ad officium prædicationis & sacerdotij missurus erat, in fide confirmat. Quoniam primò in se debet esse firmus, qui est alios confirmaturus. Confirmat autem eos in fide cum eis manus & latus demonstrat: Et cū (iuxta Lucam) cum eis manduca-

Osten,

Ostendens illam eandem carnem, quæ cōfixa fuit, resurrexisse, quæ rediuiua & tractari potest & epulari. Secūdo vero conuenienter aperuit discipulis sensum, vt intelligerent scripturas. Quoniam qui alios docturus est, non solum fidem debet habere, sed & eam testimoniis scripturarum debet in aliis confirmare, vt videlicet iuxta quod Petrus ait: sit paratus de ea fide & spe, quæ in nobis est, reddere rationem. Et hoc fratres mei, contra illos est qui ad officium prædicationis & Sacerdotij accedunt, cū sint ignari scripturarū. Tertiò quoque cōgruè præcipit discipulis habere per charitatem, cum Deo & proximo pacem. Quoniam qui mediator inter Deum & peccatores cōstituitur, oportet primò vt ipse & cum Deo & cum homine per charitatem, pacificus & familiaris habeatur. Nā quomodo duos aduersos reconciliare potest, qui ab utroque per odiū vel per ignorantia diuisus est? hoc contra illos est, qui cū sint Deo ignoti per reprobam vitā, pro peccatoribus præsumunt facere reconciliationis legationem. Quartò etiā Discipuli opportunè ad prædicandum mittuntur, quoniam qui in fide sunt firmi, & in scripturis eruditi, & cum Deo & cum homine per charitatem pacifici, conuenienter ad prædicandum possunt mitti. Non autem ipsi per se officium prædicationis assumunt, sed potius à Domino mittuntur. Quoniā nemo se debet ingerere. Et nemo (teste Paulo) debet sibi assumere honorem: sed qui vocatus est à Domino vt Aaron. Et hoc contra illos, qui per ambitionem & simoniam, officium prædicationis præsumunt vsurpare sibi. Quintò quoque conuenienter missis ad prædicandū datur Spiritus sanctus, qui suggerat eis omnia quæ ipsi loquenturi sunt, quique det eis & sermonum affluentiam, & persuasionis efficaciam: Frustrā enim prædicatores loquuntur, nisi in verbo Dei & in spiritu oris eius, rete prædicationis laxetur. Et hoc contra illos est, qui ex suo, non ex Dei spiritu, prædicare conantur, non profectū auditorum, sed suam potius scientiam ostentare quæritantes. Sextò etiam cōuenienter datur eis potestas ligandi atque soluendi, vt videlicet quos à spiritu intus illuminatos intellexerint, absoluant. Et quos à Deo excæcatos, ligent. Ecce fratres mei, ad quantā dignitas

1. Pet. 2.

Heb. 5.

dignitatem Dominus discipulos suos, & eorum sequaces, in hoc seculo sublimavit, ut eos patres & pastores, imò etiam Deus hominum constitueret, & eis vice sua, potestatem relaxandi vel impurandi peccata conferret.

Confessio

Quod utique ideo fecit divina misericordia, ut peccatores non desperaret, cum iuxta se consilium & medelam peccatorum suorum inuenirent: Et ut homines hominibus se humiliando, & peccata sua confitendo, per humilitatem sibi Deum placarent, quem per superbiam offenderant.

Et ut homines hominibus, peccatores peccatoribus compaterentur, pro inuicem orando, & alter alterius onera portando. Cæterum summo opere attendant Sacerdotes, qui, quos, qualiter, & quo animo, & in qua auctoritate absolvere debeant vel ligare. Qui debent absolvere vel ligare? Qui per Spiritum sanctum à peccatis suis absoluti & illuminati sunt. Nam quomodo dignè ligatus, poterit ligatos absolvere vel ligare, vel immundus immundos mundare vel damnare? Hinc Dominus accusatoribus mulieris adulteræ dixit: Qui sine peccato est vestrum, primus lapidem in eam mittat: Hinc etiam scriptum est: Medice cura te ipsum. Quos debent absolvere vel ligare? Populos sibi subiectos, non alienos. Hinc in lege prohibitum est,

Mat. 23.

ne quis mittat falcem in messem alienam, & fratres, non infideles. Vnde Apostolus: Quid mihi de illis qui foris sunt, iudicare? Et si fuerit quis, id est, priuata persona: Principem enim, & qui secum habet sociam multitudinē nō excommunicare, sed potius ferre debemus, ne fortè eradicantes zizania, eradicemus simul & triticū. Qualiter debent absolvere vel ligare, non præcipitanter, sed morose, discretè, & iustè. Morose quippè proferenda est sententia excommunicationis, & à Sacerdote, & per se, & per alios. Tertiò commonendus est peccator, & prius omnia remedia sunt tentanda, antequam ad sententiā excommunicationis veniatur. Et hoc contra illos est, qui præcipitanter mox excommunicant peccatores, non attendentes, quoniam quòd nimis citò fit malè fit. Discretè enim proferenda est sententia, vel absolutionis, vel excommunicationis. Non enim aliquem debet excommunicare Sacerdos propter veniale peccatum, nec propter ignotum vitium,

1. Cor. 5.

tium, vt si quis fuerit irascus vel garrulus, nec propter occultum, sed propter crimen manifestum. De cæteris quipè pè vitiiis monere potest, non excommunicare. Vnde Paulus: Si quis, inquit, fratres, nominatur inter vos fornicator, aut avarus, cum huiusmodi nec cibū sumite. Nominatur autem cū diuulgatur. Rursus nec ligatum absolueri debet, nisi peccatum abiuret peccator, & nisi satisfaciatur: & nisi gemitibus, suspiriis, & vultu pœnitentis ostendat interiorem contritionem cordis. Iustè quoque sententia absolutionis vel excommunicationis proferenda est: vt videlicet non ob odium, vel gratiam, sed tantū ob meriti iustitiam proferatur. Hoc cōtra illos est, qui in absoluendo, vel ligando, affectum animi proprii pensant, non meritum subiecti. Propter odium absoluendum ligantes, vel propter gratiam ligandum absoluentes: alio iudicio amicum, alio inimicum iudicantes. Sed professio eorum sententia ante summum iudicem reprobanda est: quoniam, vt ait Salomon, pondus & pondus, mensura & mensura vtrumque abominabile est apud Deum. Subiectis tamen sententia pastoris iusta vel iniusta timenda est, ne propter contemptum, culpa, quæ non erat, fiat. Quo animo pastor Ecclesiasticus soluere debet vel ligare? Læta mente soluere debet, & tristi ligare. Propterea non nisi vix & in magna necessitate & dolenti animo debet excommunicare. Quemadmodū aliquod membrum de corporis nostri integritate non nisi cū fuerit aridum & cæteris membris nocium: Ettunc vix, & cum dolore magno solemus amputare. Hoc contra illos est, qui facile & alacriter, & citò, fratres suos peccatores solent excommunicare. Cæterū cū membrū ab Ecclesiastica vnione abscindunt sine animi proprii dolore, ostendunt se Ecclesie membris non compaginari vnione charitatis. In qua auctoritate soluere debent Sacerdotes, in diuina, an sua? Potestas quippè peccata relaxandi solius Dei est. Ministerium verò quod impropriè etiam potestas vocatur, vicariis suis concessit, qui modo suo ligant vel absolunt, id est ligatos vel absolutos esse ostendunt. Prius enim Deus interius peccatorem per compunctionem absoluit. Sacerdos verò exterius, sententiam proferendo, cum esse abso-

Ephe. 4.

Prov. 20.

Non ex-
communi-
candū nisi
in neces-
sitate.

In qua au-
thoritate
absoluere
debent sa-
cerdotes.

abso-

absolutū ostēdit. Quod benè significatur per Lazarū, qui prius in tumulo à Domino suscitatur, & post, ministerio discipulorum, à vitiis quibus ligatus fuerat, absolvitur.

Sequitur pars tertia, in qua Dominus dubitantem discipulū in fide confirmat, cū subdit: *Thomas vnus ex duodecim, &c.* Si queritis, fratres charissimi, quare Dominus electum discipulum in fide voluerit dubitare: magna utiq; dispensatione. Minus quippè Maria Magdalene nobis profuit, quàm Thomas, qui diu dubitauit. Ille etenim vulnerum cicatrices tetigit, & de pectore nostro vulnus dubietatis amputauit. Dubitauit ille, ne nos dubitaremus. Tangendo confirmatus est ille, vt nos in eo confirmaremur. Confirmat autē eum in fide resurrectionis suae Dominus, cū subiungit: *Infer digitum tuum huc, &c.* Ob quatuor quippè causas Dominus in corpore suo glorificato retinuit signa cicatricum. Vt carnem crucifixam verè resurrexisse ostenderet, vt eas patri præsentiens pro nobis semper interpellaret, vt mali in iudicio videant in quē transfixerunt, vel quem contempserunt: vt iusti eas cernentes Domino suo pro se mistas, plus in amore eius semper inardescant. Hac etiam de causa, nunc imago crucifixi in Ecclesia depingitur: vt scilicet cernentes redemptorē nostrum pro nostra salute sponte sustinuisse pauperiem, infirmitatem, improperia, sputa, flagella, mortem, magis ac magis in corde nostro ad eum diligēdum inflammemur. Quid enim non debemus facere pro eo qui tam dignus tam indigna sustinuit, pro nobis tam indignis?

*Ad quid
nobis con-
ferat du-
bitatio
Thomae.*

*Quare
imago cru-
cifixi de-
pingitur.*

Sequitur pars quarta, in qua contenti Discipulo dicitur: *Quia vidisti me Thomas, credidisti: beati qui non viderunt & crediderunt.* Quia vidisti me, inquit, credidisti. Quid vidit? Quid credidit? Cū fides sit de his quae non videntur: aliud vidit, & aliud credidit. Vidit cicatrices in carne, & credidit ipsum per potentiam Deitatis verè resurrexisse. Vidit visibilem humanitatē, & credidit latentem diuinitatem. *Beati, inquit, qui me non viderunt & crediderunt.* Quid sibi vult fratres mei, ista verborum oppositio? Nunquid nos qui non vidimus & credimus soli sumus beati? Et Apostoli qui viderunt & crediderunt, non sunt beati? Vel illi sunt beati, sed nos beatiore illis? Nō.

Sed

Sed his verbis ostenditur quoniam maioris meriti est fides, quæ sine sensus experientia credit, quàm ea quæ per experientiam credit. Et quidem maioris meriti esset fides nostra, quàm fides Apostolorum: si tanta, si tam seruens esset & efficax. Sed eorum fides quantò certior, tantò feruentior. Beatissimi fuerunt igitur Apostoli, quibus dictum est: Beati oculi qui vident quæ vos videtis. Sed nos quoque fratres mei, qui nō vidimus in carne Dominum, sumus beati, si verè eum credimus, si eum verè diligimus, si mandata eius adimpleremus. Iuxta tropologiam verò ostenditur nobis, primò quid exemplo Apostolorum facere debeamus; deinde quid emolumentū inde consequuturi sumus. Congregabantur autem discipuli omnes serò domi simul, & clausis ianuis propter metum Iudeorum, & de Domino loquebantur, & eum suspirabant. Nos quoque fratres mei, postquam per diuturnam actionem ad negotia exteriora exierimus, serò per contemplationē ad nosmetipsos redeamus, & intra nosmetipsos nos colligamus: vt quid corrigendum sit in nobis, quid nutriendum, quid euellendum, quid plantandum perquiramus. Non simus sicut quidam, qui sola querunt exteriora, seipsos ignorantes & negligentes. Simus & simul per vnionem charitatis, vt diligamus Deum plus quàm nos: & proximos nostros sicut nos. Sicut & de ipsis Apostolis dicitur: quia multitudinis credentium, erat cor vnum, & anima vna. Nec erāt diuisi per auaritiæ proprietatem, quoniā nullus aliquid suū dicebat, de his quæ possidebantur: sed erant illis omnia communia. Debet etiam fores cordis nostri esse clausæ propter insidias dæmonum? ne scilicet possint ad interiora nostra per malam suggestionem penetrare. Et ideò debemus, iuxta præceptum Salomonis, omni custodia cor nostrum custodire. Et iuxta Petri mandatum: Sobrii estote & vigilate, scilicet in orationibus: quia aduersarius vester diabolus tanquàm leo rugiens circuit, querens quē deuoret. Si sic fratres mei, si sic fuerimus collecti in nobis per contemplationem simul & charitatem, foribus clausis per custodiam, loquentes crebrò de Iesu & eum desiderantes, proculdubio intrabit in nos, & erit nobiscū sicut ipse promisit, dicens:

Vbi.

Mat. 23

Act. 4

Prov. 4

1 Pet. 5

- Mat. 18.* Vbiunque duo vel tres fuerint congregati in nomine meo, illic sum in medio eorum. Et quid conferet nobis pacem suae consolationis. Et excludens à nobis omnem dubietatem, confirmabit nos in fide, aperiet nobis sensum ad intelligentiam scripturae. Dabit & nobis pacem geminam charitatis: mittet & nos ad lucrandum animas fratrum nostrorum. Inspirans nobis Spiritum sanctum suum ad suggerendum nobis omnia bona, faciet & nos quasi Deos, dum vel hic vice sua ligamus vel absoluiamus peccatores: vel in futuro iudicabimus pertinaces. Sed si quis durior & tardior in fide fuerit, non desperet, sed pia mente certificari roget, & Dominus apertioribus signis & documentis eum in fide sua certificabit. Qui vndequaque electos suos congregans, & in regnum suum introducens, epulabitur cum eis in laetitia sempiterna. Vnde ipse ait: Et ego dispono vobis quemadmodum disposuit Pater meus regnum, ut edatis & bibatis super mensam meam in regno meo. Quod ipse praestare dignetur, qui vivit & regnat Deus per omnia secula seculorum. Amen.
- Luc. 12.*

DOMINICA SECVNDA

post Pascha.

- 1. Pet. 1.* **C**hristus passus est pro nobis, vobis relinques exemplum, ut sequamini vestigia eius, &c. In hac lectione fratres charissimi, sex nobis proponuntur considerata: Quis passus sit, & pro quibus, & quanta, & in quo, & quomodo, & qua nostra utilitate. Quis passus est? Deus impassibilis, incomprehensibilis, immortalis. Res mira fratres, & à retro actis seculis inaudita: quod impassibilis, passus est, quod incomprehensibilis, comprehensus est: quod immortalis, mortuus est. Et haec, & si contraria videantur, tamen verè de eadem persona secundum aliam & aliam naturam praedicatur: Non enim in Christo sunt duae personae Deus & homo, sed vna eadem natura constans ex duobus. Tanta autem in Christo vnio est diuinitatis & humanitatis sine confusione, ut quicquid de verbo dicimus, dicamus & de illo homine: Et quicquid cum illo homine dicimus, dicamus & de verbo. Inde est fratres mei, quod audacter Deum mortuum, & hominem illū mundi creatorem praedicamus. Non enim praedicit veritati dicto-
- rum

tum inconsequens iunctura dictionum. Pro quibus est passus? pro hominibus, pro seruis, pro peccatoribus. Passus est itaque Deus pro hominibus, Dominus pro seruis, Sanctus pro peccatoribus. Ecce fratres mira & inaudita compassio: mira & inaudita dignatio. Erubescant igitur Domini temporales, inhumani & crudeles in seruos suos: qui seruorum & pauperum nolunt misereri excessibus, nec compati infirmitatibus: imò & delinquentes inhumanè affligunt, & ægrotantes, frigore & inedia perire sinunt, plus dolentes de infirmitate iumenti sui, quàm serui sui. Quid est hoc? Deus compassus est tibi misero homini & peccatori, & tu non compateris homo homini, seruus conseruo. Qui nullius indiget, tibi indigenti est misertus. Et tu qui indiges, indigenti non misereris. Quanta passus est? defectus & iniurias. Defectus autem passus est, & rei, vt paupertatem & penuriam corporis, vt famem, sitim, lassitudinem. Defectus etiã mentis, vt tristitiam & dolorè. Iniurias etiã passus est, tam à suis, quàm ab extraneis: Exactiones in re, conuitia in verbo, afflictiones in corpore: exactiones, quia exactus tributum reddidit Cæsari: vestimenta eius partiti sunt milites, & super vestem eius miserunt sortem. Conuitia etiã ei intulerunt, vocantes eum filium fabri; voracem & potatorem vini, amatorem meretricum & Publicanorum: Vocantes etiã eum seductorem, & improperantes ei: Alios saluos fecit, seipsum saluum facere non potest. Afflictiones etiã in corpore passus est, vt alapas, sputa, vincula, flagella, mortem. Fratres mei, si Deus sustinuit tot & tanta indigna pro nobis indignis, quid nos debemus facere pro eo, imò pro nobis? Deus diues omniũ factus est pro te pauper: Et tu pro salute tua refugis esse pauper: Deus pro te passus est famem, sitim, lassitudinem & tristitiã, & huiusmodi: Et tu pro tua salute hæc refugis pati? Deus & Dominus omnium sustinuit propter te subiectionem, & reddidit tributum Cæsari: Et tu pro tua salute refugis subiectionem, & tributum dare Principibus terrarum? Deus propter te sustinuit conuitia, & irrisiones à seruis: Et tu ab æqualibus, hæc tibi dici non potes pati? Deus passus est propter te flagella & mortem. Et tu pro redemptione animæ tuæ

*Mat. 26.**Ioh. 19.**Mat. 11.**Mat. 27.*

non potes pati, quæ tamē velis nolis, passurus es tādē d.
 Frates, omnia vilia & aspera sustinuit Deus pro nobis,
 præter peccatum. Econtrariō nos miseri subiectionem
 peccati & diaboli patienter sustinemus: subiectionem
 verō hominum, paupertatem & afflictionem, (quæ me-
 dicina sunt animarum) pati noluimus. Vt quid hæc? nisi
 quia non lege Dei, sed lege nostra viuere volumus & nos-
 tram, non Dei viam sequimur. In quo passus est? super
 lignum. Disposuerat namq; Deus ab æterno Christum in
 ligno passurum: tum quia hoc genus mortis erat vilius,
 tum quia cōuenientius. Vilus quippè erat, quia in ligno
 suspendebantur latrones & rei. Hæc ergo nōs pati voluit,
 qui pro nobis pati villiora voluit. Cōuenientius verō erat,
 quoniam per lignum diabolus Adam tentauerat & vice-
 rat. Conuenientius ergo erat vt qui per lignum hominem
 vicerat, per lignū ab homine vinceretur. Conueniēs erat,
 vt homo qui peccauerat per ligni dulcedinem, sanaretur
 per ligni amaritudinem. Quod autem triumphaturus
 esset Dominus de diabolo, prædictum erat à Psalmista:
Psal. 95. Dicite, inquit, in gentibus, quia Dominus regnavit à li-
 gno. Quomodo passus est? spontè & innocenter. Spontè,
Joan. 10. quoniam tradidit iudicanti se iniuste. Vnde idem ait: Nec
 ego tollit à me animam meam, sed ego pono eam, & iter-
 sum sumo eam. Innocenter, quoniam peccatum non fecit,
 nec inuentus est dolus in ore eius: patienter, quoniam cū
 malediceretur, non maledicebat: cū pateretur, nō com-
 minabatur. Imō Petram redarguit, & aurē quam amputa-
 uerat, sanauit. Nos quoque fratres, Magistri nostri vesti-
1. Pet. 2. gta sequentes, patiemur spontè amara & tristia huius mū-
 di. Quoniam sicut infirmus non peruenit ad sanitatem,
 nisi tristia patiēdo & amara gustando: Ita nos infirmi
 peccatis nisi dura & amara patiēdo, ad veram salutem
 peruenire non valemus. Patiamur quātum possumus in-
 nocenter ad exemplum Domini nostri: vt pœnæ tempo-
 rales non sint nobis pœna culpæ, sed meritum coronæ.
Innocenter
patiendū. Sed si quandoq; pro peccatis nostris flagellamur, in ipsis
 flagellis, more dextrationis nos meritos confitentes, pu-
 ziores reddamur, non more sinistri latronis in iniquitate
 nostra induremur, & de correptionibus peiores efficiamur.

mur. Patiamur & patienter, non remurmurantes, non iudicium Dei accusantes, sed Deo gratias agentes, qui filium quem plus diligit, corripit. Scientes quia poenæ, aut peccata purgant, aut mercedem augmentant. Qua utilitate nostra passus est? quadruplici. Primò, ut peccata nostra portaret: secundum quod prædixerat de eo Esaias: Verè languores nostros ipse tulit, & peccata nostra ipse portauit. Secundò, ut charitatem quam habebat in nos sic nobis ostenderet, & nos ad amandum eum arctius inuigaret. Vnde ipse ait: Maiorem charitatem ac dilectionem nemo habet, ut animam suam ponat quis pro amicis suis. Tertiò, ut exemplum quod sequeremur nobis relinqueret. Vnde ipse ait: Qui mihi ministrat, me sequatur: Et ubi sum ego, illic & minister meus erit. Quartò, ut nos ab errore ad viam veritatis, à tenebris ad lucem, à cultu diaboli, ad cultum creatoris nostri, nos reuocaret. Eramus enim antè fratres mei, quasi oves errantes sine pastore, eramus cæci, sine vera luce, eramus seruientes diabolo, ignoto verò creatore. Sed nunc fratres mei, gaudeamus, & redemptori nostro gratias agamus: quoniam nunc sumus conuersi ad Pastorem & Episcopum animarum nostrarum, quem toto corde diligere & totis viribus sequi tribuat nobis omnipotens Pater æternus. Qui cum eodem Filio & Spiritu sancto viuit & regnat Deus per omnia secula seculorum. Amen.

*Patienter
patiendū.
Heb. 12.*

Esa. 53.

• DOMINICA SECUNDA

post Pascha.

Dixit Iesus discipulis suis: Ego sum pastor bonus, bonus pastor animam suam dat pro ouibus suis, &c.

Ioan. 10.

Dominus ac redemptor noster fratres charissimi, quoniam mitis est & humilis corde, vilibus se comparat personis.

Non enim ait: Ego sum bonus Rex, bonus imperator, sed ego sum bonus Pastor. Porro in lectione, quæ hanc præcedit, loquutus fuerat Dominus de fure: hinc consequenter loquitur de mercenario, & de bono pastore. Tres igitur sunt, fur, mercenarius, & Pastor, sicut nomib⁹, ita introitu, intentione, opere, & merito differētes. Fur quippè est hereticus, qui de vñione fidei & Ecclesiæ oues Christi furatur, & in partem diaboli trahit & occidit. Qui bene dicitur

Fur hereticus.

HOMILIAE

Ioan. 7.

Hereticus

dicitur

latro.

Intentio

heretici

præesse &

nocere.

Ibidem.

Furatur

& mactat

hereticus.

Mercena-

rius quis.

Quales ho-

die Præla-

ti Eccle-

siarum.

Vnde dici-

tur merces-

arius.

fur, quoniam furtum, id est, obscurū diligit : Iuxta illud, Qui malè agit, odit lucem. Dicitur enim latro à latendo, quoniā sedet in insidiis occultis, vt interficiat innocētē. Non enim coram sanctis doctoribus, sed clam & furtim simplicibus & idiotis audet suam hæresim prædicare. Sed nec per ostium, teste Domino intrat in ouile ouium, sed ascendit aliundè, quoniā non per humilitatē ostij, i. Christi, sed per superbiam & inanem gloriā, numero fidelium se ingerit, & nomen sibi assumit. Intentio quoque illius est, non prodesse, sed potius præesse & nocere. Vnde Dominus: fur, inquit, nō venit, nisi vt furetur, & mactet, & perdat. Furatur quippè: dum ab vnione Ecclesiæ animas separat. Mactat quippè, dum veneno perfidæ hæresis eas occidit: perdit penitus, dum malo exemplo eas penitus destruit. Opus verò illius est veritatem scripturarū malè interpretando deprauare, veritati falsum admiscere: Calamo legis caput, id est, diuinitatem Christi impugnare: per hypocrisim malitiam suam palliare, & ita decipere: de rebus illorū, quos decipit, viuere, & illos mala doctrina & malo exemplo perdere. Meritum verò illius pessimū est, quoniam non solum animæ suæ est reus, sed omnium illarum quas malo exemplo & doctrina perdit animarum: Et quot animas perdit, tot damnationes sustinebit. Mercenarius verò est omnis ille, qui in Ecclesia Dei quærit præsidere, nō ad honorē Dei, nec ad salutem animarum, sed tantūm ad temporālē mercedem: Quales sunt hodie (vnde dolendum est magis) serè omnes Prælati Ecclesiarum, non manducantes vt Euangelizent, sed potius Euangelizantes vt manducent: Et quod peius est manducantes, & non Euangelizātes. Oblationes fidelium & peccata populi comedentes, & tamen eos nō corrigentes, nec erudientes. Quæritur Ecclesia non vbi abundet deuotio fidelium, sed vbi abundet amplitudo reddituum. Plus amatur multitudo iniquorum munera offerentium, quàm Ecclesia pauperum fidelium nihil offerentium, vnde mercenarius dicatur, patens est, quoniam à mercede temporali, propter quam prædicat, & qua deficiente ipse cessat. Et quoniam oues non diligit, sed emolumētum quod ab eis percipit, pastor non est, quoniam non oues, sed pascere quærit,

quærit. Vnde Dominus ait: *Mercenarius & qui non est pastor, cuius non sunt oves propriæ.* Non enim per amorem eas sibi facit proprias, sed per contemptum à se alienas. Introitus quoque mercenarij in Ecclesiâ, non est per Christum ostium, sed potius per ambitionem, simoniam, & inanem gloriâ. Qui licet quandoque sine munere etiâ vocatus introeat: quia tamen, non quæ Iesu Christi, sed quæ sua sunt, quærit: non per Christum ostium, sed per ambitionem intrat: intentio etiam mercenarij, quoniam vana & mala est, quicquid facit, quicquid prædicat, quicquid offert, Deo inacceptum est. Vnde Dominus per Malachiam Prophetam eis loquitur, dicens: *Quis est in vobis qui claudat ostia, & incendat altare meum gratuito? Non est mihi voluntas in vobis, dicit Dominus, munus de manu vestra non suscipiam.* Opus autem mercenarij est, honorem & lucrû temporale quærere, sese pascere, verbo solo prædicare, malo exëmplo corrumpere, curam ouium negligere, veniente lupo fugere. Amant, inquit, primos accubitus in cœnis, & primas cathedras in synagogis, & salutationes in foro, & vocari ab hominibus Rabbi. Et iterum per Prophetam: *Væ pastoribus, inquit Israel, qui pascebant semetipsos: Nonne greges pascuntur à pastoribus? Lac comedebatis, lanis operiebamini, gregem autem meum non pascebatis. Quod crassum erat, occidistis, & quod infirmum non consolidastis: quod ægrotum non sanastis: quod fractum non alligastis, quod abiectum non reduxistis: quod perierat non quæristis, sed cum austeritate imperabatis, & cum potentia. Et dispersæ sunt oves meæ, eo quod non esset pastor, & factæ sunt in desolationem bestiarum agri. Ac si diceret. Cum de orationibus & peccatis populi vos pasceretis, tamen officium pastoris non fecistis: fractum diuersis tribulationibus Sacerdotali ope non consolidastis erroneum ad vitam salutis non reuocastis: desperatione perditum, pastoralis sollicitudine non requisistis. In hoc quoque de quo sermonem facimus Evangelio, Dominus de mercenario dicit: *Vidit luptem veni- tem & dimittit oves, & fugit.* Lupus siquidem est diabolus, vel membra eius, qui ouibus Christi insidiatur. Si diabolus oves Christi tentat, abstrahit, & dilaniat, ipse fugit,*

*Introitus
mercenarii
in Ecclesia.
Intentio
mercenarii*

Mal. 1.

*Opus mer-
cenarii.
Mat. 23.
Luc. 20.
Ezech. 34.
In pastores
qui negle-
cto grege
Christi
quæ sua
sunt, qua-
runt.*

*Lupus
quis.*

HOMILIAE

dum super eas vigilare refugit. Si malus homo bonos opprimit: si pupillum & viduam spoliat: si Ecclesiam inquietat mercenarius, incurrere timens damnum fugit, dū rigoris sententiā cōtra malos exercere refugit. Et quare fugit? quid mercenarius est, & non pertinet ad eum de ouibus, id est mercedem, non oues diligebat. Hinc Dominus per Prophetam: Non ascendistis ex aduerso, nec posuistis vos murum pro domo Israël. Ex aduerso ascendit, & se murum pro domo Israël opponit, qui fortiter se contra persecutores etigens, sese in defensionem pro Ecclesia opponit. Meritū verò mercenarij est, pro bono (si quod fortē egit) merces temporalis: pro malo verò quod egit, male viuendo, & oues malo exemplo corrumpendo, damnatio spiritualis. Nam quid meretur pastor, qui per negligētiā suā commissas oues sinens laniari, ad Dominum solus redit? Hinc Propheta: Propter eā pastores audite verbum Domini: Ecce ego ipse super pastores requiram gregem meum, oues meas de manu eorum, & cessare faciam eos, ut ultra non pascant gregem meum, nec pascant amplius pastores semetipsos. Quoniam in hac vita omni praelatione priuati, & omni miseriae subiecti, non pascunt se, ut solebant, vana gloria, & oblationibus fidelium, sed pascentur potius à vermibus, qui non moriuntur, & ab igne qui non exstinguitur. Pastor verò est, qui nō ob temporalem mercedem, sed ob solam Dei & proximi charitatem oues dominicas pascit, non quæ sua sunt querēs, sed quæ Iesu Christi. Porro vnus & summus pastor est, qui per anthonomasiā de se ait: Ego sum pastor bonus. Dicitur autem rectē pastor, quoniam ipse pascit oues suas bono exemplo, bona doctrina, & sanguine suo. Ipse etiam cum Patre est ostium & ostiarius, id est, potestas, per quā ipse aut vicarius eius, ad regendas oues ingreditur. Vnde ipse dicit: Qui intrat per ostium, ipse est pastor ouium, huic ostiarius aperit. Intentio autem summi pastoris est, non præesse ouibus, sed prodesse: Non enim venit ministrari, sed ministrare, non venit hic regnare, sed pati: non venit pasci, sed pascere. Officiū verò illius est proprias oues agnoscere, & eas nominatim vocare, eas ducere & præcedere, pascere & custodire. Lupo venienti se opponere, & pro

Ezech. 12.

*Meritum
merce-
uarii.*

Ezech. 34.

*Pastor
quis.*

*Christus
rectē pa-
stor dici.
147.*

pro ouibus suis animam suam ponere, & oues curare & congregare. Proprias enim oues agnoscit, & per prædestinationis electionem, & per bonæ vitæ approbationem. Eas nominatim vocat dum singulos per singulas virtutes sibi notas ad se citat: Vt Abel per innocentiam, Iob per patientiam, Moysen per mansuetudinem, David per humilitatem. Oves ducit, educendo, conducendo, perdurendo. Educit de lacu miseriæ, conducit per viam iustitiæ, perducit ad pascua vitæ. Præcedit oues bono exemplo sui, viam demonstrando. Pascit corporaliter & spiritualiter, & tandem æternaliter. Custodit ab insidiis diaboli, à contagione peccati, à fovea inferni: & non est qui possit eruere de manu eius. Lupo venienti se opponit, eius insidias aperiendo, eius potestatem refrænando, eius crinatum euacuando, oues ab eo protegendo. Pro ouibu animam ponit, quoniam eas à potestate diaboli sanguine proprio redimit. Oves quoque curat, & quas vbicunque proprias agnoscit, à lupo in temporocaliginis dispersis adducit, & recolligit, vt fiat vnum ouile & vnus pastor. Vnde ipse per Prophetam: Ecce ego, inquit, requiramus oues meas: Quod abiectum fuerat, reducam: quod prius erat, requiram: quod fractum erat, alligabo: & quod infirmum, consolidabo: & quod pingue & forte, custodiam. Hoc facit magnus & summus pastor. At nos minimi pfectores vicarij eius, qui etiam pastore indigemus, quantum ipse dederit, vestigia eius sequamur. Nō sumus mercenarij, sed Pastores: non nos, sed oues dominicas pascere querentes: intremus in ouile ouium non aliundè, sicut fr & mercenarius, id est, non per ambitionem, non per simoniam, non per aliquam vanam & malam intentionem, sed per ostiū, quod est Christus: eius, scilicet gloriam ouium suarum profectum querentes. Intendamus magis prodesse quàm præesse, Christi non nostram, gloriā querere. Imitemur & studium summi pastoris: propriis oues agnoscamus, intus per confessionem, exterius per vitæ & morum considerationem. Oves nominatim ocemus vnāquamque secundum propriā virtutem & operandum citantes. Oves educamus de lacu peccatorum. Conducamus per iustitiā bonorum ope-

Iob. 10.

Ezech. 34.

HOMILIAE

*Corporali-
ter & spiri-
tualiter
oues pas-
cenda.*

rum perducamus quantum in nobis est, ad pascua æter-
norum gaudiorum : Oues præcedamus exemplo bono-
rum operum. Pascamus eas spiritualiter, & etiam eas quæ
indigent corporaliter, vt tandem pascamur cum eis æter-
naliter. Custodiamus eas, quantum possumus orando &
prædicando, ab insidiis diaboli, à contagione peccati, à
pœnis inferni, Lupo venienti, id est, diabolo vò malo
homini, in oues scire volenti, nos opponamus, diabo-
lum abiurationibus fugantes, malum hominem træticia
pastorali cohibentes. Pro ouibus si opus fuerit, nō solum
rem exteriorem, sed & animam nostrā ponamus. In hoc
enim præcipuè bonus pastor à fure & mercenariis discer-
nitur. Oues quoque dispersas requiramus, & de potestate
diaboli, quas possumus eripientes, in Christi ouile cōgre-
gemus, abiectas per errorem reducentes, quæ prierant
peccando requirentes : Fractas, per pœnitentiam iligam-
tes : infirmas consolationibus & exhortationibus consoli-
dantes, pingues & fortes vt perseuerent, custodietes.

Quod si hoc fecerimus, meritum proculdubio nostrū erit
magnum, quoniam nō soli, sed cum multiplicatione gres-
gis ad Dominum reuertemur, tot coronas quot nimas
ad eum duxerimus, recepturi, & sicut scriptum est, anguā
stellæ firmamenti fulgebunt qui erudierint multos. Ecce
fratres charissimi, audistis officium nostrum & petulum
nostrum. Audite è contrario officium vestrum & ericu-
lum vestrum. Porro officiū bonarū ouium est magnum
& summum pastorem agnoscere per fidem, eum digere,
& pro eo animam ponere per charitatem, eum audire &
sequi per obedientiam, fieri cum illo sub aliis vnus ouile
per dilectionem, & Sacramentorum communionem. Mi-
norem etiam pastorem debent bonæ oues agnosce, &
diligere, audire, & sequi atque pascere : Et si qua via ha-
bent, tegete, & sub eo vnum ouile cum aliis fieri. Pastorē
debent oues agnoscere, id est, bonam vitam & morē eius
notare & approbare. Debēt etiam eum diligere tanquam
spiritualem patrem & animæ suæ custodem, & eo co-
orare. Qui enim pastorem suum non diligit, eum audire
& sequi contemnit. Debent etiam bonæ oues Pastorem
suum per obedientiam audire, & per imitationem sequi.

Luc. 2

Porro

Dan. 12.

*Officiū
bonarum
ouium.*

Porro cum sint tres, mercenarius, fur, & pastor: fur, quia malè prædicat & malè viuit, non est audiendus nec sequendus. Mercenarius verò, quia benè prædicat & malè viuit, audiendus nec sequendus. Vnde Dominus: Quæcunque dixerint vobis, sequate & facite: secundum verò opera eorum nolite facere: dicunt enim & non faciunt. Pastor verò, quia bene prædicat & bene viuit, audiendus est & sequendus. Vnde Dominus: Vocem pastoris oves audiunt & sequuntur, alienum autem non audiunt, nec sequuntur, quia non nouerunt vocem alienorum. Debent etiam oves pastorem suum pascere, id est, stipendia temporalia ei ministrare, vt videlicet in cura pastoralis tantò sit vigilantior, quãtò est ab exterioribus curis liberior. Vnde Apostolus: Quis pascit gregem, & de lacte eius non comedit? Et alibi: Si vobis, inquit, spiritualia seminauimus, est magnum si vestra temporalia metamus? Debent etiam oves pastorem suum non iudicare, sed potius, si qua sunt, eius vitia tegere & dissimulare: reminiscens quoniam Cham, qui pudenda patris irrisit, maledicitur: Sem & Iaphet, qui obtexerunt, benedicuntur. Debent etiam oves sub vno pastore vnum ouile fieri, per fidem & charitatem, & Sacramentorum vnionem: quoniam oves solinagas & erroneas diabolus rapit. Oremus ergo & nos fratres mei, vt Pastor postorũ, Dominus noster Iesus Christus det nobis officium boni pastoris adimplere, in vobis studium bonarum ouium facere, quatenus vtrique ad pascuã æternæ viriditatis peruenire mereamur. Qui cum Patre & Spiritu sancto viuit & regnat Deus in æternum. Amen.

DOMINICA III. POST PASCHA.

Obesecro vos tanquã aduenas & peregrinos abstinere vos à carnalibus desideriis, quæ militant aduersus animam, &c. Tria facit Apostolus in hac lectione, fratres charissimi. Primò monet nos Apostolus, vt in nobis abstinenter viuamus. Secundò, vt inter Gentes bene conuerseremur. Tertiò, vt subiecti & humiles simus. Primùm, obtinemus vitia fugiendo. Secundùm, virtutes consequendo. Tertiùm, superbiam quæ ex eis nasci solet, euitando. Primò igitur hortatur nos abstinenter & mundè

*Oves debent
suum pasto-
rem pas-
cere.*

1. Cor. 9.

Ibidem.

1. Tim. 5.

1. Pet. 2.

viuere, cum ait: *Obsecro vos tanquam aduenas & peregrinos abstinere vos à carnalibus desideriis quæ militat aduersus animam.* In quibus ostendit fratres mei, à quibus abstinere debeamus; & quare & qualiter: à quibus? à carnalibus desideriis, id est, à gulositate, à vinolentia, à luxuria, à voluptate, à cupiditate, à vana gloria, & à cæteris vitiis, quibus carnales delectantur, & quibus delectando carnales efficiuntur. De quibus ait Paulus: *Qui seminat in carne, de carne metet corruptionem.* Quare ab his abstinendū est? quia militat aduersus animam. Hoc est quod Paulus ait: *Caro concupiscit aduersus spiritū.* Qui enim à vitiis & concupiscentiis carnis possidetur, spiritualibus virtutibus euacuatur: quoniam gulositas extinguit abstinentiam, vinolentia sobrietatem, luxuria castitatem, voluptas severitatem, cupiditas mundi contemptum, & cætera vitia, cæteras virtutes extinguunt. Et vitia quidē dicuntur carnalia, quia ex carne oriuntur, & in eis caro delectatur, & per ea homo carnalis efficitur. Virtutes verò dicuntur spirituales, quoniam ex studiis spiritus oriuntur, & in eis spiritus delectatur, & per eas homo spiritualis efficitur. Qualiter à desideriis carnalibus abstinere vos obsecro. *Tanquam aduenas & peregrinos.* Omnes peregrini sunt aduenæ, sed non omnes aduenæ sunt peregrini. Sūt enim quidā aduenæ, id est, aliundē venientes, qui exilium pro patria colunt & diligunt, qui & inquilini vocantur. Peregrini verò dicuntur à peragrandō & trāseundo semper de loco ad locum. Nos quoque fratres mei, aduenæ sumus in exilio huius mundi, tum quia creati fuimus in primo parēte nostro, ut essemus ciues cœli, à quo per primā peccationem electi sumus in hoc exilium; tum quia maior pars nostri anima, natione cœlestis non terrena est. Aduenæ verò sumus, & non peregrini, si cœlestis patriæ, ad quam creati sumus, obliui, mundum pro cœlo diligimus & colimus: exiliū pro patria, miseriam pro beata vita. Quales multi nostrum, vnde magis dolendū est, sunt hodie, fratres mei, qui beatam vitam non esse credentes, terrenis inhaerent, pro terrenis litigant, pugnant, occidunt, vel erigunt turres, & sumptuosa construunt ædificia, ac si semper victuri essent. O miser homo, quotidie transis de

Gal. 6.

Gal. 5.

Vitia dicuntur carnalia.
Virtutes spirituales.

puc-

pueritia ad iuuentutem, de iuuentute ad senectutē, de senectute ad mortem. & te possessorē mundi arbitraris & ciuem? Cur homines quotidie morientes, cur tumuli & ossa mortuorū, quæ quotidie cernis, non mouent & mōnent te? vt intelligas te in hoc mundo aduenam & peregrinum esse? Crede ergo oculis tuis, & demonstra te in hoc mundo aduenam & peregrinum esse, & dic cū Propheta: Aduena ego sum & peregrinus, sicut omnes patres mei. Plora & suspira, & dic inter miseras huius exilij: Heu me, quia incolatus meus prolongatus est. Quatuor facit fratres mei, peregrinus: ad finē viæ quotidie festinat: meliorem sequitur viam: nullis retinetur blandimentis: non solum à superfluis, sed etiam à quibusdā necessarijs se abstinet. Nos quoque fratres, tanquam veri peregrini ad finem huius exilij, ad æternam patriam festinemus. Meliorem enim viam sequamur, rectiorem, planiorē, mundiorē. Rectiorem, nec ad dexteram vanæ gloriæ, nec ad sinistram infamiæ declinantes: planiorē, montes elationis, & valles desperationis fugientes. Mundiorē, palus des luxuriæ & voluptatis euitantes. Nullis quoque retineamur blandimentis. Sicut peregrinum non retinent florida prata, non liquida flumina, non amœna loca: ita nec nos fratres, retineat pulchritudo huius seculi, non fluxus diuitiarū, nec aliqua voluptas, aut honor secularis. Non solum ab omnibus superfluis, sed etiam à quibusdā necessarijs more peregrini abstinemus, euitantes superfluitatem curarum, possessionum & diuitiarū: Omnis enim qui in agone contendit, ab omnibus se abstinet: victum quoque & vestitū habentes; his contenti sumus. Et etiam ipsa necessaria quantum possumus, circūcidamus more peregrini, & restringamus.

Psal. 38.

Psal. 119.

1. Cor. 9.

1. Tim. 6.

Rom. 12.

Sequitur pars secunda, in qua monet Apostolus, vt bene inter Gentes conuersemur, dicens: *Conuersationem inter Gentes habentes bonam*. Hoc est quod dicit Paulus, Prouidentes bona, non tantum coram Deo, sed etiam coram omnibus hominibus. Tria sunt fratres mei, quæ formant bonam conuersationē, innocenter viuere, nulli scandalū ponere, sed cunctis vtilia & grata querere. Et si enim aliquis est bonus in se, si tamen verbo & exemplo alios

HOMILIAE

alios scandalizat non benè conuersatur. Rursum, & si nulum offendit, sed tamen prodesse aliis contemnit, non bene inter gentes conuersatur. Rursus & si neminem offendit, & aliis prodesse quærit, si tamen hoc gratè & amabiliter facere nescit, non benè inter Gentes conuersatur. Qui igitur innocenter in se viuit, nullum offendit, sed cunctis vtilia & grata quærit, bonam inter Gentes habet conuersationem & gratam. Quid boni confert bona conuersatio? Infamiam extinguit, ora detractorum obstruit, homines glorificare Deum facit, bono exemplo malos conuertit. Propter hanc ergo multiplicem vtilitatem, appetenda est conuersatio bona. Vnde & subdit: *Ut in eo quod detractent de vobis tanquam de malefactoribus ex bonis operibus vos considerantes, glorificent Deum in die visitationis.* Itaque fratres mei, cum omni studio appetamus benè inter gentes conuersari.

Sequitur pars tertia, in qua monet omnes Apostolus ad subiectionis humilitatem, & primò liberos, cum subdit: *Subiecti estote.* Ac si diceret, & si gentie vel gratia liberi estis, tamen non superbiatis, vel de prælatione contendatis, sicut faciunt amatores huius mundi, sed potius subditi estote. Et quoniam subiectio sine merito, est vitiosa, nisi fiat quomodo debet, & cui debet, & quare debet, addit, *omni humane creature propter Deum.* Facienda est ergo subiectio non coactè, sed spontè. Coacta enim subiectio misera est. Rursus etsi fiat spontè, sed non cui debet, vitiosa est: Servire enim diabolo, vitiosum est. Propterea addit, *omni humane creature,* id est, omni homini, videlicet non tantum maioribus, sed etiam æqualibus & minoribus. Hic sequens Dominus Apostolicus, vocat se seruum seruorum Dei. Iuxta illud: *Quantò maior es, humilia te in omnibus.* Rursus subiectio, & si fiat quomodo debet, & cui debet, sed non quare debet, bona non est.

Qui enim alieno se subdit indebitè, vt propter temporalem intentionem, propter ambitionem & cupiditatem, subiectio talis bona non est. Propterea adiungit Apostolus, *propter Deum.* Propter eum quippè solum nos ad inuicem humiliare, & inuicem nos subdere debemus, qui quod præcipit ipse facit, vt alter alteri ministraremus, & alter

Bona conuersatio quid conferat.

*Papa seruus seruorum Dei.
Eccles. 3.*

alter alterius pedes lauaremus. Siue Regi quasi præcellentiori, siue Ducibus quasi à Deo missis, ad vindictam malefactorum, laudem verò bonorum. Hoc est quod Paulus ait; Non est potestas nisi à Deo, & qui potestati resistit, Dei ordinationi resistit. Vis non timere potestatem? bonum fac, & habebis laudem ex ea. Si autem peccas, time, quia non sine causa gladiū portat. Ad hoc enim fratres mei, Deus ordinauit potestates in hoc seculo; vt bonos custodiant, malos coercerent. Qui etsi quandoq; sua potestate abutuntur punientes iustos, iustificantes malos: tamen Deus hoc facit prouenire, ad vindictam malorum, laudem verò bonorum. Quia sic est voluntas Dei, vt beneficientes obmutescere faciat in imprudentium hominum ignorantiam: qui quæ ignorant, spernunt: & quæ sibi displicent, damnant. Quasi liberi, in mente, subditi scilicet esto re hominibus, et non quasi velamen habentes malitiæ libertatem, sed generis vel gratiæ. Hic tangit quosdam fratres mei, quibus libertas est occasio magis peccandi: qui quantum sunt in corpore liberiore, tantum sunt ad peccandum laxiores. Et quia liberi sunt generis, fiunt serui peccati & diaboli. Sed sicut serui Dei qui nullam seruitutem abhorrent, nisi seruitutem peccati: & nullam libertatem plus appetunt, quam libertatem mentis: Omnes honorate, iuxta illud: Honore inuicem præuenientes. Fratritatem diligite, & affectu & effectū. Deum timeate cum amore, & amate cum timore. Regem honorificate. Iuxta illud: Cui honorem, honorem: cui vestigal, vestigal: cui tributū, tributum. Ad extremum monet seruos, vt sicut conditione, ita voluntate subdantur dominis temporalibus. In omni timore, id est, non solum seruili, sed etiam filiali, vt scilicet timeant & diligant eos. Nec solum, inquit, bonis et modestis, sed etiam discolis, id est, asperis & immoderatis subiecti estote. Hæc enim est gratia, vt scilicet modestia & patientia seruorum mitiget & temperet intemperantiam dominorum. Humilitatem voluntariæ subiectionis fratres mei, toto corde amplectemur, quoniam hæc vincit crudeles æquanimiter patiēdo: hæc vincit superbos se humiliando: hæc vincit iracundos, mansuetudinem exhibendo: hæc vincit contumeliosos, nihil respondendo. Hæc vincit inuidos, gloriam fugiendo:

Rom. 13.

Quare potestates ordinatae.

Libertas sepe est occasio peccati.

Ioc. 12.

Rom. 13.

HOMILIAE

do: hæc vincit cupidos, modico cōtenta existēdo: hæc meretur gloriā hominū omnibus se subdendo: hæc meretur imitationē Christi, nō ministrari, sed ministrare appetēdo: hæc meretur à Deo exaltari, se semper humiliādo. Quam virtutē det nobis omnipotēs Dominus mente & corpore consequi. Per Dominū nostrum Iesum Christū, Amen.

DOMNICA III. POST PASCHA.

Joan. 6.

Dixit Iesus discipulis suis: *Modicum & non videbitis me, & iterum modicum, & videbitis me: quia vado ad patrem.* Iturus ad passionem Dominus & Redemptor noster, ea quæ discipulis suis euentura erant eis prædixit. Quare? Triplici ratione: Vt se Deum omniū futurorum præscium demonstraret: Vt discipulos contra aduersa præmuniret: Vt in aduersis eos sperare consolationem prædoceret. Sunt autem quatuor partes huius lectionis. Primò enim prædicit Dominus discipulis suis recessum & reditum suum. Secundò ponitur mutua interrogatio discipulorum illud non intelligentium. Tertiò ostendit Dominus quid vel in recessu, vel in reditu suo, discipulis euenturum erat. Quartò per similitudinem illud explānat. Iturus igitur Dominus ad passionem, primò eos præmunit de recessu suo, cū dicit: *Modicum & non videbitis me.* Sed ne de absentia eius desperarent, spondet eis, quod post modicum eum viderent, cū subdit: *Et iterum modicum & videbitis me.* Et ne iterum corporali tantum præsentia eius adhererent, dicit post modicū se ascensurum ad Patrem, vt eum scilicet ad cælum sequi desiderarent. Similiter facit, fratres charissimi, quotidie Dominus electis suis, post aduersitatem dāns eis consolationem, & post consolationem, aduersitatem. Si enim semper eis daret aduersitatem in hoc mundo, desperarent: & si semper daret eis præsentem prosperitatem, ei adhærerent, & futuram non desiderarent. Itaque benignus & misericors Dominus electis suis in hoc mundo nunc faciem auertit, nunc ostendit. Quasi enim faciem auertit, dum quasi eos deserens, sinit persecutionibus tribulari. Faciem suam ostendit, dum eos in bono proficere facit. Sed vtrunque fratres mei, facit Dominus magna & vtili dispensatione. Eos sinis turbari, ne de se præsumant: eos facit

facit prosperari, ne deficiant. Propterea fratres, in aduersis positi, semper à Deo meliora speremus. In prosperis verò semper timeamus: in aduersis in Deo speremus. Quoniam iuxta Salomone, quis sperauit in Domino & confusus est? In prosperis verum timeamus, quoniam beatus est vir qui semper est pavidus. Et beata est ciuitas quæ in pace bellum timet. Sequitur pars secunda; in qua discipuli ad inuicem quærant. *Quid est hoc quod dicit: Modicum & non videbitis me, &c. Nescimus, inquiunt, quid loquitur.* Sed cum illa Domini verba difficilia nō sint, sed potius plana ad intelligendū, quid est hoc quod discipuli dicunt, Nescimus quid loquitur? Nisi quia eum quem Christū Dei filiū esse credebant, per passionē à se recessurum, & per resurrectionem rediturum ad se non credebant. Propterea quod Dominus sæpè dixerat se passurum & resurrecturum, ad literam adimplendum esse non credebant. Sed per illa verba aliquod aliud mysterium significari æstimabant? Hinc est quod dicunt: *Nescimus quid loquitur*, id est, nescimus ex quo sensu hæc verba ab eo proferantur. Rudes quippè erant & adhuc carnales, & nequaquam putabāt filium Dei dicere, quod ad tantam iniuriarū abiectionem deueniret, quod tam viliter pateretur & moreretur. Vnde & à Petro ei dictum est: Absit hoc à te Domine, non erit tibi hoc. Sed Dominus reprehendens hanc vanam eius æstimationem, ait: Vade retrò satanas, non sapis ea quæ Dei sunt. Quoniam enim in hac sententia diuinæ voluntati Petrus erat aduersarius, satanas vocatur. Et vt relinqueret quæ malè sapiebat, & diuinam sequeretur sententiam inuitatur Petri & discipulorum Christi adhuc rudium: sunt etiam hodie quidam similes, qui putant viros iustos & Dei ministros nequaquam, quod hinc paupertatem, abiectionem, & afflictionem patiantur, vel quod ab iniquis, contumeliis, iniuriis, tormentis, & morte puniantur: æstimantes eos qui talia agunt, vel patiuntur, hinc à Deo esse reprobatos: & e contrario putantes eos qui hinc prosperantur, esse beatos & Deo amicos. Sed talia æstimāti dicendum est: vade retrò satanas, non sapis ea quæ sunt Dei, qui vtiq; in multa tribulatione, tanquam aurum in fornace hic electos

Eccl. 3.

Prov. 28.

Mat. 16.

Quare Petrus
falsus
vocatur
satanas.

Tribulatio
ne electi
probat.

Lucas

suos intendit probare, ut eos magis puriores in thesauro suo valeat collocare.

Sequitur pars tertia, in qua Dominus ea quæ prædixerat, per consequentia corû, quæ inde discipulis erant euentura, confirmat, dicens: *Amen, amen, dico vobis, quia plorabitis & flebitis vos, mundus autem gaudebit.* Ex eo enim quod Christum mortuum & in sepulchro positum, modo tempore non viderunt, & discipuli plorauerunt, & mundant homines, quorum vitam arguebant, gausi sunt. Ex eo verò quod post resurrectionem eum viderunt, tristitia discipulorum conuersa est in gaudium, & gaudium mundanorum hominû, conuersum est in tristitiam & metum. Nec solum illos, fratres mei, sed etiam quoscunq; fideles, est necesse in hac valle lachrymarum tristari, plorare & flere. Quæ de causa? duplici: tum propter grauem peccatorum conscientiam, tum propter cœlestis patriæ dilationem. Cum enim recordamur quæ & quanta peccata perpetravimus, & quanta peccata illis peccatis in inferno præparetur, necesse est nos plorare, quoniam lachrymæ lauant delictum, quod est pudor ore confiteri. Rursus, cum meditamur inter miseras huius exilij, quanta beatitudo sit in cœlo præparata iustis, necesse nos est flere, iuxta illud: Super flumina Babylonis illic sedimus & fleuimus, dum recordaremur tui Sion. Propterea hunc ergo geminum fletum geminauit, dicens: *Plorabitis & flebitis vos.* Hunc ergo geminum fletum omnes nos, fratres mei, appetere & amare debemus, ut dicamus cum Psalmista: Quemadmodum desiderat ceruus ad fontes aquarum, ita desiderat anima mea ad te Deus. Situuit anima mea ad Deum fontem viuum, quando veniam & apparebo ante faciem Dei: Fuerunt mihi lachrymæ meæ panes die ac nocte. Quod si nostrum cor durû & aridum fuerit, oremus continuè ad Dominum, ut ipse per misericordiam suam largiatur nobis istarum geminarû gratiam lachrymarum: Qui, etsi quandoq; differat, non tamè semper auferet à nobis misericordiam suam, sed nobis lachrymarum gratiam conferet desideratâ. Quod benè significatur per Axam filiam Caleph, quæ sedens super asinam, & ad sponsum suum pergens, plorauit suspirans, & dicens: Da mihi benedictionē patere

Austras

Plorandum
duplice
causa.

Psal. 136.

Psal. 42.

Iosue. 19.
Iudic.

Australem & aridam terram mihi dedisti: da mihi, queso irriguum superius, & irriguum inferius. Et concessit ei pater. Anima quoque nostra dum coelestem sponsum mente petit, sedens super asinam, id est bestialis motus carnis compescens & regens, suspiret, & clamet ad patrem coelestem, & dicat: Da mihi Domine, benedictionem tuam: Nam mentem siccam & duram dedisti mihi: da mihi queso irriguum superius, & irriguum inferius. Ut videlicet tum pro peccatis meis, tum pro desiderio patriæ coelestis plorem. Et benignus Dominus quandoque nostram audiet petitionem. Has itaque fratres mei, lachrymas sanctas appetamus: quoniam hæc proculdubio conuertentur in gaudium: cum gaudebimus de peccatorum nostrorum integra remissione, & de coelestis patriæ consequutione. Iuxta illud: Beati qui lugent, quoniam ipsi consolabuntur. Sicut e contrariò mundanorum gaudium hominum qui sic prosperantur in vita sua, ducunt in bonis dies suos, & lætantur cum malefecerint: vertetur in lachrymas sempiternas. Iuxta illud: Væ qui rideis, quoniam plorabitis.

Mat. 5.

Luc. 6.

Luc. 6.

Sequitur pars quarta, in qua Dominus dicta per similitudinem demonstrat, dicens: *Mulier cum parit, tristitiam habet, quia venit hora eius. Cum autem peperit filium, iam non meminit pressuræ propter gaudium, quia natus est homo in mundum.* Hoc est quod per aliam similitudinem Psalmista dicit: Qui seminant in lachrymis, in exultatione metent: Euntes ibant & flebant mittentes semina sua: Venientes autem venient cum exultatione portantes manipulos suos. Porro convenienter comparat Dominus animam iusti mulieri prægnanti. Nam sicut mulier ex complexu viti concipit intus puerum, ita anima per gratiam Sancti spiritus, concipit in mente per fidem, spem & charitatem, mercedem fructus æterni. Conuenienter quoque comparat laborem & dolorem iusti in hac vita, mulieris parturitioni. Nam sicut mulier spe filij nascituri dolorem sustinet patienter: ita iustus laborem & anxietatem temporalem spe æternæ hæreditatis sustinet patienter. Conuenienter etiam comparat susceptionem æterni præmij, susceptioni nati filij: quoniam sicut non nisi per parturitionem suscipitur proles expectata, ita non nisi per patientiam laboris

psal. 126.

T

tempo-

temporalis, merces desiderata. Quod contra illos est, qui per temporalem prosperitatem ad eternam patriam se putant posse peruenire. Sicut autem gaudium de puero nato facit obliuisci dolorem parturitionis, ita gaudium eternae beatitudinis facit obliuisci laborem temporalis tribulationis: ut in comparatione gaudij eterni, labor temporalis, qui praecessit, nullus videatur: iuxta illud Apostoli:

Rem. 8. Existimo enim quod non sunt condignae passionis huius temporis ad futuram gloriam, quae reuelabitur in nobis. Econtrario tanta erit magnitudo poenae gehennalis in reprobis, quod faciet eos obliuisci gaudium aeternae prosperitatis. Ut scilicet in comparatione aeternae poenae prosperitas temporalis tanquam fumus fuisse videatur, vel somnus. Deinde Dominus adaptans similitudinem praemissam, subiungit: *Et vos quidem nunc tristitiam habetis, subaudis de meo recessu: Iterum autem videbo vos, post resurrectionem, & gaudebit cor vestrum, & gaudium vestrum nemo tollet a vobis.* Nos quoque fratres mei, dum in hoc seculo tentamur & affligimur, quasi Domino nos derelinquente, tristitiam habemus: sed si aduersa aequanimiter tolerauerimus, & in tribus gratias Deo egerimus, iterum post generalem resurrectionem videbit nos, & a nobis videbitur facie ad faciem Dominus: & gaudebit cor nostrum, & gaudium nostrum nemo tollet a nobis. Quod nobis praestare dignetur, qui in trinitate perfecta viuit & regnat Deus. Amen.

DOMINICA QVARTA

post Pascha.

Jacob. 1. **O**mnē datū optimum, & omne donum perfectum desit sibi est, descendens à Patre luminum, &c. Quatuor facit fratres mei, in hac lectione Apostolus: Primum enim dicit omne bonū à Deo esse. Secundū ostendit nullū malum à Deo esse. Tertiū ostendit quod bona dat Deus gratis. Quartū monet nos ut sectemur bona, & fugiamus mala. Ostendens igitur primū omne bonū à Deo esse ait: *Omne datū optimum, &c.* Sunt autem fratres mei quatuor species bonorum. Nam bonorum, alia sunt temporalia, alia naturalia, alia spiritualia, alia coelestia. Temporalia bona sunt, quae à nobis exterius possidentur, ut res

&c

& possessiones, diuitiæ, potestates, & honores. Et hæc quidem in natura sua bona sunt, quoniã à bono creatore creata sunt. Iuxta illud: Vidit Deus cuncta quæ fecerat, & erant valde bona. Hæc autem bene vrentibus eis, materia sunt bene agendi, & malè vrentibus eis, occasio malè agendi. Hæc enim tantum valent bona temporalia iniquo, quod gladius furibundo. Naturalia verò bona sunt, quæ Deus confert à creatione vnicuique, vt bona animæ & bona corporis. Bona animæ, vt ratio, memoria, & prouidentia. Bona corporis, vt forma, fortitudo, velocitas, & huiusmodi, quæ similiter cum in sua natura bona sint, tamen malè vrentibus illis sunt mala, sicut bene vrentibus sunt bona. Spiritualia verò bona sunt, vt fides, spes, charitas, sapientia, iustitia, fortitudo, temperantia, & cæteræ virtutes, cæteraque Spiritus sancti dona, quæ gratuita dona, siue gratiæ dicuntur per excellentiam: quoniam gratos homines & bonos efficiunt, & à malis nec haberi nec usurpari possunt. Cælestia verò bona sunt, immortalitas, impassibilitas, & cætera bona, quæ in resurrectione electis conferentur. De quibus dicitur: Quoniam nec oculus vidit, nec auris audiuit, nec in cor hominis ascendit, quæ præparauit Deus diligentibus se. Sunt igitur istorum quatuor genera bonorum: duo prima, tam bonorum quam malorum communia: reliqua verò duo tantum bonorum sunt, & ideo magis appetenda. Est enim tantum temporale datum bonum, sed naturale est melius, Spirituale verò est optimum, Cæleste verò donum est perfectum donum. Et tamẽ omne datum, siue bonum, siue melius, siue optimum, & etiam omne donum perfectum desursum est. Itaq; fratres mei, nemo se decipiat, nemo bonum quod habet, sibi attribuat, nemo suis viribus, nemo suæ industriae, nemo suo labori, bonum quod habet sibi adscribat, sed summo & æterno Patri, à quo omne bonum descendit, gratias agat. Temporale verò bonum & naturale, quia communia sunt, etiam malorum, parua reputet. Spirituale verò & cæleste bonum, nisi toto acquirere desudet, & desideriis, precibus & suspiriis, ea à cælesti Patre postulet, qui est Pater luminum omnium: siue lucis temporalis, quam in principio ad illuminandum mundum creauit:

Gen. 1.

Naturalia.

Spiritualia.

Cælestia.

1. Cor. 2.

Omne bonum desursum.

HOMILIAE

siue spiritualis, qua intus peccatores illuminat: siue æternæ, quam in empirico cœlo Angelis & electis suis præparauit. Et temporalem quidem lucem dat ad solatium, spiritualem ad meritum: æternam verò in præmium. Proinde fratres mei, nos qui temporalem lucem videmus, ita ea utamur, ut per eam ad æternam veniamus. Qui verò temporalem lucem non videtis, non graue feratis, si ea luce careatis, quam periuri & infideles, serpentes & bufones habent. Spiritualem verò lucem omnes habere studeamus, per quam ad æternam, in qua Deus videbitur, peruenire mereamur.

*Mala à
Deo non
sunt.*

Sequitur pars secunda, in qua ostenditur quod mala ex Deo non sunt, cum subditur: *Apud quem non est transmutatio, nec vicissitudinis obumbratio.* Ideo fratres mei, nō est transmutatio, quoniam nulla mutatione variatur. Neq; enim per generationē vel corruptionē mutatur, qui principio caret & fine. Neq; per augmentū vel diminutionem, qui maior vel minor esse nō potest. Neq; per alterationem vel loci mutationē, qui inuariabilis & immensus est. Vnde & ad eum per quendam sapientem dictum est: Mundum mouens, non moueris; locum tenens, nō teneris: tempus mutans, non mutaris: vaga firmans, non vagaris. Sed ita creaturas ipse immutabilis mutat, nō tamen eas transmutat: quoniam trans naturalem bonitatem eas per vitium non deprauat, quod apertius exponitur, cum subditur: *Nec vicissitudinis obumbratio*, id est, nec tenebrę vicissim obumbrātes. Ut enim Ioannes ait: Deus lux est, & tenebrę in eo non sunt vllę. Illuminat enim, non obumbrat. Cæterum, tenebrę alię sunt noctis, alię sunt aduersitatis, alię æternę damnationis, alię peccati. Porro diem vicissim Deus obumbrat per mortem, vnde ei dicitur: *Æternę rerum conditor, noctē, diemq; qui regis, & temporum das tempora, ut alleues fastidium.* Prosperitatem quoque vicissim obumbrat Deus per aduersitatem. Vnde & idem de se testatur, *Formans lucem & creans tenebras, faciens pacem, & creans malum.* Vitam etiam reproborum obumbrat Deus per tenebras æternę damnationis, quoniam ipse in fine mittet eos in tenebras exteriores. Mentem quoque hominum nunquam vicissim obum-

*1. Ioan. 1.
Tenebra-
rum diuer-
sitas.*

Esa 45.

obumbrat Deus per tenebras interiores, id est, vitiorum. Ita quippè immittit mentibus claritatem virtutum, quod nunquam immittit tenebras vitiorum. Quod si legitur Pharaonem & cæteros malos indurasse, vel excæcasse, hæc utique fecit, non immutando malitiam, sed subtrahendo gratiam. Itaque fratres mei, bona semper dicamus nos habere à Deo, non ex nobis. Et mala dicamus semper nos habere, non à Deo, sed ex nobis. Nec nos excusantes Deū accusemus more veteris Adæ, dicentes: Non possum Dei grauiæ præcepta adimplere, non possum vitio resistere, quoniam infirmus & impotens naturaliter sum. Hoc enim est ac si dicamus, hoc non mihi, sed Deo adscribendum est, qui me talem creauit. Proh nephas, adscribimus iusto iniquitatem & pio crudelitatem, & discipuli ignorantie accusamus Dominum, ut videatur nescire quod fecit, & nescire quod iussit. Et quasi oblitus fragilitatis humanæ, cuius auctor ipse est, homini imposuerit mandata quæ ferre non potest. Sed fratres mei, nemo magis nouit vires nostras, quàm ille qui eas nobis dedit. Nec enim aliquid impossibile imperauit, qui iustus est. Nec damnaturus est hominem, pro eo quod non potuit vitare, qui pius est.

*Quomodo
malis indu-
rat Deus,
Exod. 4.*

Sequitur pars tertia, in qua ostenditur quod Deus dat gratis nobis sua bona, cum subditur: *Voluntarie genuit nos verbo veritatis, ut simus aliquod initiū creaturæ eius.* Quod de vna gratia dicit, de cæteris omnibus intelligendum relinquit. Prima siquidem & maior gratia, quam Deus hic confert nobis, est, quod nos generatos per concupiscentiam carnis, filios iræ, regenerat per grauiam baptismi in filios adoptionis & misericordiæ: quod de filiis damnationis facit filios electionis: quod de filiis diaboli, facit filios Dei. Et ita quidem nos regenerat verbo, id est, per verbum veritatis. Non ait per baptismū solum, quoniam & in baptismo verbum mundat. Nam si subtrahas verbum, quid est aqua baptisterij, nisi aqua? Regenerauit igitur nos in filios suos Deus per verbum veritatis, id est, per filium suum, siue per verbum fidei, quod ipse filius nobis prædicauit. Hoc est quod Ioannes ait: Quotquot autem receperunt eum, dedit eis potestatem filios Dei fieri,

*Nihil impos-
sibile
imperantis
Deus.*

*Verbum
mundat in
baptismo.*

Ioan. 1.

HOMILIAE

his qui credunt in nomine eius. Fecit autem hoc nō meritis nostris, quæ nulla erant, sed volūtariē, id est, sola sua gratuita voluntate. Vnde Ioannes : In hoc apparuit charitas Dei, non quasi nos dilexerimus eum, sed quia ipse prior dilexit nos. Si enim quæretur quare Deus nos elegit in filios suos : Vera & absoluta est responsio, quia sic voluit : quōd inde maximē patet, quoniam necessitate nō fuit coactus, qui cogi non potest, nec sua utilitate tractus, qui bonorum nostrorum non eget : nec meritis nostris astrictus, quæ nulla præcesserāt. Sed si aliqua merita subsequi vidētur, sua proculdubiō gratia sunt : quoniam ipse operatur in nobis & velle & perficere. Agamus igitur fratres mei, Deo gratias, qui ob solam suam gratuitā voluntatem, nos à numero reproborum segregans, in filios suos elegit, beneficiis suis cumulauit, nobis æternā beatitudinem præparauit, si tamē in gratia baptismi perseuerauerimus, si eius mandatis obsequuti fuerimus. Porro ad quid nos volūtariē genuit verbo veritatis ? *Vt scimus initium aliquod creaturæ eius, vt videlicet in illā dignitatem & principalitatem creaturarū repararemur, in qua creati fuimus.* Homo enim initium creaturarum est, non tempore, sed causa & dignitate. Tempore enim non est homo initium creaturarum, quoniam non homo ante cæteras creaturas, sed potius cæteræ creaturæ ante hominem creatæ sunt. Causa verò est homo initium creaturarum, quoniam creaturæ propter hominem, nō homo propter creaturas creatus est. Dignitate etiā est homo initium creaturarū, quoniā cæteris creaturis dominij & rationis prærogatiua antecellit. Vendicemus igitur fratres mei, diuina nobis opitulante gratia, prærogatiuam & dominium quod habuimus à principio in creaturis. Non subdamus nos per auaritiam rebus temporalibus, sed potius eis dominemur. Non admiremur eis, sed potius contemnamus eas in obsequium Dei, & in nostram, proximique necessitatem expendamus.

Sequitur pars quarta, in qua monet nos Apostolus sequi bona & vitare mala, cū subdit : *Sit autem omnis homo velox ad audiendum, subaudis verbū Dei.* Ad audiens dū enim vaniloquia, scurrilitates, adulationes, detractio-

nes,

Joan. 4.

Rom. 9.

Quomodo
homo est
initium crea-
turarum.

nes, & blasphemias, non aures aperire, sed potius obturare debemus, ne per eas venenosa verba introeuntia animam valeant suffocare. Vnde Sapiens: Sepi aures tuas spinis, ne audeat lingua nequam. *Tardus*, inquit, *ad loquendum, & tardus ad irā*. Quoniam Apostolus simplicioribus loquebatur, monet eos veloces sint ad audiendum verbum Dei, & tardi ad loquendum: quoniam veritas tutius auditur quam prædicetur. Hoc contra illos qui antequam nouerint esse discipuli, sunt magistri. Et quod non didicerunt, docere præsumunt. Sed omnis homo fratres mei, magis auribus quā lingua debet uti, & cum loquitur, cū præconsideratione loquatur. Iuxta illud Sapientis: Cum vis aliquid alieno dicere, prius dic tibi. Cæterum, istā tarditatem ita moderemur, ut nec loquamur ante tempus, nec essemus in tempore. Nam sicut vitiosa est festinatio nimia loquendi, ita & nimia tarditas. Scriptū est enim: *Verum mihi quia tacui*. Non enim murum & ostium quod nunc clauditur, hunc aperitur, orat Propheta ori suo apponi, dicens: *Pone Domine, custodiā ori meo, & ostium circumstantie labiis meis*. Non autem eo modo intelligi debet, quod licitur, tardus ad iram, quo intelligitur tardus ad loquendum. Non enim sicut aliquando bonum est irasci, sed præcipitur nobis, ut si semper iram vitare non possumus, satem quantum possumus euitemus ipsam, iræque motum surgentem statim refrenemus & retardemus: quoniam mora & tarditas remedium iræ est, & ita cum retardatur, mitigatur. *Ira*, inquit, *viri, iniustitiam Dei non operatio*. Litoptes est, minus dicens, & plus significans. Cum enim mens viri ira perturbatur, iniustitiam operatur. Propterea fratres, discite irā vitare, & mites, mansuetique, esse: quoniam quāto magis eritis mansueti & tranquillī, tantō citius magis Deo similes & propinqui, in quem nullus motus cadit. Ut autem iram & iniustitiam vitare valeatis, radices earum à vobis abicite, omnem immunditiam & abundantiam malitiæ: ut videlicet non sitis immundi in vos corde, nec malitiosi in proximos. Et ita cū mansuetudine obedientiæ *suscipe verbum infinitum*, id est seminatū in vobis. Ordo fratres mei, congruus est, quoniam nisi prius euellantur à nobis spinæ & tribuli immunditiæ

Eccle. 22.

Potius auribus quā lingua viuendum.

Esa. 6.
Esa. 140.

Mora & tarditas remedium iræ.

Psal. 14.

& malitiarum, ceterorumque vitiorum, non poterit in nobis germinare verbum. Scriptum est enim: Declina à malo, & fac bonum. Itaque fratres mei, spinas, scilicet, vitiorum à cordibus vestris prius euellite, ut ita prædicatum Dei verbum in nobis valeat fideliter adherere, per iugem memoriam in vobis radices figere, per crebram meditationem in vobis exercere, per bonam voluntatem florescere, per bona opera fructificare, per perseverantiam animas vestras saluare, operante in vobis Dei verbo, qui cum Patre & Spiritu sancto vivit & regnat Deus, per omnia secula seculorum. Amen.

DOMINICA IIII. POST PASCHA.

Ioan. 14.

Vado ad eum qui misit me, & nemo ex vobis interrogat me, quod vidis. Iturus Dominus & Redemptor noster, fratres charissimi, per passionem ad patrem: discipulis suis suum prædixit recessum, ne si subito & ex improviso recederet, eos ultra modum mœstificaret. Prædicit igitur eis sicut in hac lectione audiimus, quatuor: quod ad patrem iret, quod hoc eis expediret, quod consolaretur eis mitteret, & quod bona eis ipse consolator conficeret. Primo igitur prædicit se iturum ad Patrem, cum subdit: *Vado ad eum qui misit me.* Quid est Domine, quod dicis? Tu semper es cum Patre, & Pater semper tecum: quomodo ad eum ire potes, cum quo semper unum & idem es? Nonne cum hoc dicis in terra, tu es cum Patre in cælo, & Pater tecum in terra? Fratres mei, quomodo filius Dei descendit à Patre in terram, & ita à mundo ascendit ad Patrem? Descendit humiliatus: ascendit glorificatus: descendit per humilitatem incarnationis, ascendit per sublimationem glorificationis. Descendit quippe per humiliationem, per dissimilitudinem, per loci obscuritatem. Per dissimilitudinem, quia de creatore factus est creatura, & de impassibili passibilis. Per loci obscuritatem, quia (ni in cælo magis esse cernitur, per loci puritatem, apparuit incarnatus in mundo, in quo Deus minus esse videtur per loci obscuritatem. Ascendit quoque per glorificationis exaltationem. Iuxta illud: Gloria & honore coronati eum. Ascendit & per dissimilitudinis accessionem, quia de passibili factus est impassibilis à mortali immortalis.

Psal. 8.

Ascensio

*Quomodo
Christus
descendit
in terram et
ascendit ad
cælum.*

Ascendit & per loci puritatem : quia secundum carnem ascendit ad illum locum ubi diuinitas clarius apparet per elementi puritatem. *Et nemo ex vobis interrogat me, quò vadis.* Cum enim videbitis me ascendentem in cœlum, non erit opus vobis interrogare quò vadā, videntes quod ad cœlum ascendam. Qui enim interrogat, dubitat. Sed quamuis sciatis me ad patrem ire, ad quem utique ire gloria & gaudium est, tamen inde tristitia implebit cor vestrum. Si enim fratres charissimi, in recessu alicuius amici & familiaris nostri non possumus non tristari, quomodo discipuli in recessu summi magistri Dei & Domini nostri, tam sibi dilecti, poterunt non contristari? Propterea necessarium erat eis, ut hæc eis dicerentur, & ut cōsolatio citò ad futura eis promitteretur. Porro fratres mei, omnis Christi actio, Christiani est eruditio. Sicut enim Christus est filius Dei per naturā, ita Christianus est filius Dei per gratiam. Sicut ergo est generatus à patre ineffabiliter, ita Christianus est regeneratus per baptismum à Deo patre inuisibiliter. Sicut Christus est missus in mundum, ut patris impleret dispensationem, ita Christianus est missus à Deo patre in mundum, ut eius impleat voluntatem. Si ergo ad exemplum Christi Christianus nec loquitur, nec operatur ex se, sed ex Deo, patris querit gloriā: consummato sic bene termino huius vitæ, potest & etiam dicere eum Christo: Vado ad eum qui me misit, & nemo de huiusmodi transiru iusti debet dubitare vel interrogare quò vadis? ut quidam seculares minus credentes solent dicere: Quis scit quò vadunt animæ morientium? Sed fidelis non interrogat, nec dubitat, sed scit absque dubietate animam iusti ad requiem sibi à Deo præparatam ire. Quod quamuis ita verum sit, tamen fidelis iusti obitum sine tristitia nō potest aspicere, quoniam pium est gaudere Martino, & pium est flere Martinum.

Sequitur pars secunda, in qua Dominus ostēdit ascensum suum ad patrem discipulis expedire, cum subiungit, *Sed ego veritatem dico vobis, expedit vobis ut ego vadam,* & quare expediat subiungit: *Si enim nō abiero paracletus non veniet ad vos.* Quid est Domine quod dicis? Nōne secū erat & est spiritus paracletus inseparabiliter? Nōne

*Omnis
Christi
actio.
Christiani
est eruditio.*

etiam cum in terra discipulis dedisti? Propterea quomodo non potest venire paracletus, qui essentialiter ubique est? Venire fratres mei Spiritum sanctum in nos, nihil aliud est, quàm donum & gratiam eius venire in nos. Et gratiam quidem Spiritus sancti iam dederat Dominus discipulis in terra, sed non ita plenariè sicut in die Pentecostes. Sed quare fratres mei, nisi Dominus Iesus ad patrem iret. Spiritus sanctus ad discipulos non plenariè veniret? Quia quamdiu discipuli Dominum carnaliter videbant, non altius mentem suam ad contemplationem Deitatis erigebant. Propterea auferenda erat eis species corporalis, & in cœlum ipsis cernentibus subuoluenda, ut mente Dominum sequerentur ad cœlum, & illuc semper desiderio suspirarent, quo Dominum ascendisse conspexissent. Sed etiam hodie fratres mei, nisi subtrahatur nobis ad tempus consolatio temporalis prosperitatis, non erigitur desiderium nostrum ad gaudia æternæ consolationis.

Cont. 8.

Propterea orat sponsa in Cantico amoris dicens, fuge dilecte mi, & assimulare capre, hinnuloque cetrorum, super montes aromatum. Capra hinnulusque cetrorum, cum fortè ab homine videntur, quàm citò fugientes, se subito subtrahunt humanis aspectibus. Est ergo, ac si dicat sponsa: Si ita Domine Iesu Christe est necessarius mihi temporalis & corporalis recessus tuus, fuge per corporalem recessum super montes cōtemplationum & virtutum, ut illuc te sequatur desiderium nostrum. Oremus & nos fratres mei, Domine Iesu Christe, si scis nobis expedire, subtrahatur à nobis consolatio temporalis prosperitatis, ut magis ac magis erigatur desiderium nostrum ad gaudia perpetuæ consolationis.

Quare spiritus sanctus vocatur consolator.
Psal. 93.

Sequitur pars tertia, in qua promittit Dominus se misurum discipulis spiritum sanctum, cum subdit: Si autem abiero, mittam eum ad vos. Ac si diceret: Non tristemini de recessu meo corporali, quoniam nō relinquam vos orphanos, non relinquam vos desolatos, sed mittam vobis cōsolatorem. Vocatur autem consolator spiritus sanctus, quoniam eius est inspirare mentibus consolationem, dolentibus remedium, inconsultis consilium, insipientibus sapientiam, tristibus iucunditatem. Vnde Propheta: Secundum

clūdum multitudinem dolorum meorum in corde meo, consolationes tuæ lætificauerunt animam meā. Et idem de eodem: Qui sanat contritos corde, & alligat contritiones eorum. Quia ergo tanta & tā utilis consolatio nō potuit dari Apōstolis, nisi Dominus ab eis corporaliter recederet orandum fuit eis, vt ipse ab eis ad tempus corporaliter absenteretur; quatenus Spiritus sancti superexcellens consolatio eis inuisibiliter præberetur. Orandū quoque est & nobis fratres charissimi, quantumuis temporalis prosperitatis cōsolatio nobis ad tēpus subtrahatur, vt Spiritus sancti consolatio nobis inuisibiliter præbeat.

Psal. 146.

Sequitur pars quarta, in qua ostenduntur quatuor cōmoda, quæ Spiritus sanctus erat discipulis collaturus: correctio, scilicet, doctrina, prophetia, & virtus. Quod correctionem esset eis daturus, ostenditur, cū dicitur: *Cū autem venierit ille, arguet mundum de peccato, de iustitia, & de iudicio.* Arguit enim Spiritus sanctus mūdanos homines, vel per ora prædicatorum, vel per interiorem inspirationem. Per ora prædicatorum, sicut per Ioannē clamat Genimina viperaū quis docebit vōs fugere à ventura ira? Agite dignos fructus pœnitentiæ. Per interiorem inspirationem, vt quando sine prædicatore interiorē inspirat compunctionē. Vnde David ad Dominū: Commouisti, inquit, terram, id est terrenam mentem: Vt à securitate sua mora timeret, & cōturbasti eam, vt à se diffideret. Sed quia Domine, diabolicum est, non tuum, ad desperationē impellere, sana per gratiam, contritiones eius, quia cōmora est. Arguit autem Spiritus sanctus mundum de tribus: de peccato infidelitatis, quod exponens subdit: *Quia non crediderunt in me*, cū me, scilicet, carne præsentē viderēt. Arguet & de iustitia, de iustitia, scilicet, fidei. Iustitia autem fidei est, credere quod non vides, quod ipse exponens subdit: *Quia ad patrem vado, & iam non videbitis me.* Quasi diceret: Arguet eos, quia nec in me præsentem in carne, nec in me ad dexteram patris sedentem, credere noluerūt. Arguet & de iudicio, id est, de damnatione, quia inquit, Princeps huius mundi iam iudicatus est. Quasi diceret: Incutiet eis timorem, ne damnantur, sicut diabolus damnatus est. Quod sit collaturus doctrinam, ostendit.

Mat. 2.

Psal. 10.

Spiritus
sanctus arguit mundum de
tribus.

ostendit cum dicit: Quoniam adhuc, inquit, multa habeo vobis dicere, quae non potestis portare modo. Cum autem venerit ille spiritus veritatis, docebit vos omnem veritatem: subaudi necessariam. In quo Dominus tradit doctoribus formam æstimandi personam cui loquuntur ut videlicet simplicioribus simpliciora, & perfectis perfectiora dogmatizent. Hoc contra quosdam est, qui simplicibus quibus subtiliora & obscuriora prædicant, vel plana, verbis obscurioribus obnubilant, volentes magis quantum sciant, aliis ostentare, quam prodesse: Cum doctor doctorum Dominus Iesus Christus, in quo sunt omnes thesauri sapientiae & scientiae absconditi, simplicia & simplici sermone simplices docuerit, seruans locum Spiritui sancto, qui in die Pentecostes rudes subito fecit sapientes. Et cum doctor gentium dicat: Ego non potui loqui vobis tanquam spiritalibus, sed tanquam carnalibus: tanquam paruulis in Christo lac potum dedi vobis, non escam. Cum autem inquit, venerit ille spiritus, &c. Sicut Spiritus sanctus vocatur spiritus consilij, & spiritus consolationis: ita dicitur spiritus veritatis. Ex quare? Subdit: Quia docebit vos omnem veritatem: subaudi, vobis necessariam. Et hoc ad differentiationem malignorum spirituum, qui dicuntur spiritus erroris & falsitatis, quoniam docent omnem errorem & falsitatem. Qui etsi nonnunquam dicant aliqua vera, tamen illa dicunt ad decipiendum. Vnde miror illorum dementiam, qui diabolum consulere & illi credere non verentur, nec timent. Insanissimum quippe est inimicum salutis suae, de salute sua consulere. Ut autem ostendatur eadem esse operatio filij & spiritus sancti, non alia docebit spiritus sanctus, nisi ea quae filius habebat docere, si discipuli portare potuissent. Non enim, inquit, loquetur a semetipso, sed sicut est à patre & filio: ita scit & loquitur à patre & filio, audire quippe spiritus sancti à patre & filio, nihil aliud est quam scire à patre & filio. Quod autem collaturus sit spiritus sanctus prophetiam, ostendit, cum subdit: Quae ventura sunt, annuntiabit vobis. Quod impletum est in Ioanne Euangelista, qui per spiritum sanctum Apocalypseo librum, scilicet propheticum, scripsit. Et in Agabo Propheta, & filiabus Philippi, qui in spiritu futura præ-

2. Cor. 1.

Maligni
sunt spiri-
tus erro-
ris & fal-
sitate.

predixerunt. Quod verò collaturus sit gratiam virtutum ostendit, cum subdit: *Ille me clarificabit*. Clarificabit quippe me, cum discipulos meos faciet in nomine meo virtutibus & signis choruscare. Clarificabit me, cum claritatem meam faciet per vniuersum mundum innotescere. Itaque fratres mei, oremus illum paracletum, illum spiritum consilij, spiritum consolationis, & doctorem veritatis, ut arguat intus nos de peccato: commoueat intus temeritatem mentis nostræ, faciat peccata nostra nobis displicere: arguat nos & statuatur contra faciem nostram, ut turpitudinem nostram erubescerent, nos accusemus, peccataque nostra ploremus, ut ipse per misericordiam suam sanet nos, qui sanat contritos corde, & alligat contritiones eorum. Cui est honor & gloria per omnia secula seculorum. Amen.

DOMINICA QVINTA

post Pascha.

Estote factores verbi, & non auditores tantum, fallentes vosmetipsos, &c. In hac lectione fratres charissimi, hortatur nos Apostolus Iacobus, ut non tantum audiamus verbum Dei, sed etiam faciamus. Ostendens primò cui sit similis ille, qui tantum est auditor verbi Dei. Secundò quid boni consequatur ille qui eius est factor. Tertiò ostendit quæ sit falsa religio. Quartò quæ sit vera. Ostendit igitur primò de auditore verbi Dei, & non factore, quid pariat, quoniam, scilicet à seipso fallitur. Frustratur enim hic opinio illius, quia est falsa: & in futuro spes eius, quia erit vana, quoniam nihil proderit ei in futuro verbum Dei audiuisse quod noluit facere. Et hoc ostendit per similitudinem, dicens: *Quia si quis est auditor verbi & non factor, hic comparabitur viro consideranti vultum suum in speculo*. Considerauit enim se & abiit, & statim oblitus est qualis fuerit. Sicut enim illi nihil profuit vultum suum vidisse in speculo, qui statim oblitus est, ita nihil prodest verbum Dei audiuisse ei qui noluit facere: imò etiam nocet. Vnde Dominus ait de Iudeis: Si non venissem, & locutus eis non fuisset, peccatum non haberent: subaudi tantum quantum habuerunt: quia audierunt, & non fecerunt. Et alibi: Seruus sciens voluntatem Domini sui, & non faciens, plagis vapulabit multis. Et Apostolus Petrus:

Melius

Iacob. 1.

Ioh. 15.

Luc. 12.

2. Pet. 2.

Melius est viam veritatis non agnoscere, quam post agnitionem eius retrò abire. Nemo igitur fratres, vestrum se fallat, putans se misericordiam inuenire, ideo quod frequenter audit Missam, & legem Dei, & prædicationem. Qui enim audit & nō obedit, seipsum plus obligat & fallit. Sed & propterea nemo dicat ut quidā solent: Non audiam verbum Dei, quoniam si audirem & nō obedirem,

1. Cor. 14.

Psal. 35.

magis reus fierem. Nemo fratres, hoc dicat, quoniā ignorans ignorabitur. Et iterum: Verba oris eius iniquitas & dolus: Noluit intelligere ut bene ageret. Ignorantia quippè, quæ nascitur ex contemptu, neminem excusat, sed potius accusat: præsertim in re quam necessarium fuit

*Verbū Dei
audiendum
& facien-
dum.*

scire. Sicut igitur reus est qui verbum Dei audit, & non obedit, ita reus est, ut qui obediret, audire noluit. Comparat autem Apostolus satis conuenienter sacram scripturam speculo. Quoniā sicut mulieres sponso suo placere cupientes, aspiciunt vultum suum in speculo, ut fæda corrigant, & pulchra plus ornent, ita animæ fideles Christo placere cupientes, aspiciunt se in sacra scriptura, ut ea quæ in se turpia sunt, emundent, & pulchra plus ornent. Consideremus igitur fratres, vultum, id est cognitionē natiuitatis nostræ in speculo huius scripturæ Iob:

Iob 14.

Homo natus de muliere, breui viuens tempore, repletur multis miseriis. Et possumus considerare hic qualis sit homo, quia, scilicet per conceptionem reus, per breuitatem vitæ semper formidolosus, per miseras culpæ & peccatæ calamitosus.

Sequitur pars secunda, in qua ostenditur quid boni consequatur factor verbi, cum subditur: *Qui autem perspexerit in lege libertatis, & permanserit in ea, factus factor operis, non auditor obliuiosus, hic beatus in factō suo erit.* Le-

*Lex liber-
tatis Evan-
gelium.*

gem libertatis vocat hic Apostolus Euangelium, quoniam liberat nos à seruitute veteris legis, à seruitute peccati, & à seruitute diaboli. In qua qui perspexerit intelligendo, & permanserit in ea assidue meditando, factus factor operis obediendo, non auditor obliuiosus, hic beatus in factō suo erit. Sunt autem fratres mei, quidam qui in lege perspiciunt bene eam intelligentes, sed non permanent in ea, nisi quandiu in ea lucra perspiciunt temporalia, ut sunt

quidam

quidam prædicatores & Sacerdotes. Sunt & quidam qui in ea assidue permanent, meditando, legendo, & inquirendo, ut quidam studiosi magistri, sed non ad hoc ut eam faciant, sed ut sapientes appareant: Sed nec isti, nec illi sunt beati, sed solus factor legis erit beatus.

Sequitur pars tertia, in qua ostenditur quæ religio sit falsa, cum subditur: *Si quis autem putat se religiosum esse non refrenans linguam suam, sed seducens cor suum, huius vana est religio.* In vno exemplo ostendit quod vniuersaliter intelligitur. Vniuersaliter quippe illa religio est falsa: quæ cum cætera vitia caueat, vnum cauere negligit. Sicut enim non est aliquis sanus, nisi omnia morborum genera euitauerit: ita nullus verè religiosus erit, nisi omnia vitiorum genera saltem criminalia euitet. Sunt enim, ut hic legitur, quidam, qui cum Ecclesiam frequentent, ieiunent, orent, contineant, elemosynas tribuant, cæteris cuiusmodi vitiiis, linguam solam non refrenant, sed seducunt cor suum: quia quantò se putant religiosiores & à peccato liberiores, tantò sunt in lingua effreniores, aliorum peccata iudicantes, detrahentes, maledicentes, vaniloquio dediti & multiloquio. Sed horum vana est religio: quia ut ait Salomon: Mors & vita in manibus linguæ. Et idem Iacobus: Sicut modicus ignis magnam incendit sylvam: ita & lingua cum modicum sit membrum, totam contaminat vitam. Similiter sunt alij in Ecclesia, qui cum corpus edomuerint, luxuriam euitauerint, linguam refrenauerint, & cætera vitia fugerint, tamen avaritiam non cauēt, dicentes se providere vel filiis vel filiabus, vel familiæ, vel pauperibus, & ita cor suum seducunt, cum scriptum sit: Omnis avarus, quod est idolorum seruitus, non habet partem in regno Christi & Dei. Itaque fratres mei, omni custodia custodite cor vestrum. Quid enim valet cæteras portas urbis obserasse, si per vnā hostis intrauerit? Itaque fratres mei, nihil valet cætera vitia euitasse, si vnum adhuc remansit.

Sequitur pars quarta, in qua ostenditur quæ sit vera religio, cum subditur: *Religio sancta & immaculata apud Deum & patrem hæc est, visitare, &c.* Quasi diceret: hic est verè religiosus, quia apud Deum Patrem, & propter Deum,

Religio.

Omnia vitia cauenda.

*Pro. 18.
Iacob. 3.*

Religio
quid.

Religio in
tribus con-
sistit.

Eccle. 2.

Observatio
mandato-
rum Dei
in duobus
consistit.

Deum patrem, est sanctus & immaculatus. Et in quo sit sanctus, ostendit cum subdit: *Visitare pupillos in tribulationibus eorum*. In quo verò sit immaculatus ostendit, cum subdit: *Et immaculatū se custodire ab hoc seculo*. Religio fratres mei, est cultus Deo debitus. Dicitur autem religio à religādo, quia scilicet nos religat & cōfœderat vni Deo. Consistit autem in tribus, vt hic innuit Iacobus, in timore Dei, in puritate sui, in dilectione proximi. In timore Dei non seruili, sed filiali, vt scilicet sit timor cum amore, & amor cum timore. Deus enim timendus est, quia est Deus: & amandus, quia est Pater. In timore igitur & amore Dei, & in obseruantia mandatorum eius consistit vera Religio. Vnde Salomon: *Time Deū & mandata eius obserua*: hoc est omnis homo. Obseruantia verò mandatorum Dei, consistit in duobus: in puritate sui, vt scilicet se custodiat homo immaculatum à vitiis huius seculi, & in dilectione proximi, vt scilicet visitet pupillos, viduas, & egētes in tribulationibus eorum. Itaq; fratres, timeamus pariter & diligamus Deum, ex timore cauentes eū offendere, & ex amore ei obedire studentes. Custodiamus propter amorem eius nos immaculatos à vitiis huius seculi, ab ingluuie, à luxuria, à cupiditate, ab avaritia, ab inuidia, ab ira, à superbia & à cæteris vitiis, & his contrarias virtutes amplectamur, abstinentiam, continentiam, mundi contemptum, munificentiam, māsuetudinem, amorem, humilitatem, cæterasque virtutes. Visitemus etiam egentes in tribulationibus suis, pascendo esurientes, potando sitientes, hospitādō peregrinos, vestiēdo nudos, visitando infirmos & incarceratos, redimendo captiuos, sepeliendo mortuos, errantes corrigendo, inconsultis consulendo, & cætera opera pietatis exercendo: hæc enim fratres, hæc est sancta immaculata religio, cuius & meritum & præmium det nobis omnipotens Dominus. Amen.

DOMINICA QUINTA

post Pascha.

Leu. 4.

Dixit Iesus discipulis suis: *Amen amen dico vobis: Si quid petieritis Patrem in nomine meo, dabit vobis.* &c. Quadripartita est lectio ista fratres mei. Primum enim instruit Dominus discipulos suos ad petendum: Secundò prædicat

prædicit eis quando rectè scient petere. Tertiò ostendit tunc patrem ad audiendâ eos fore propitiû : quartò subiungitur discipulorum responsio. Primò enim instruens discipulos suos ad petèdum, ait : *Amen amen dico vobis : Si quid petieritis Patrem in nomine meo, dabit vobis.* His verbis instituit nos Dominus fratres mei, vt si volumus petatum dari nobis, petamus quid, & à Patre, & in nomine Iesu Christi. Et si ista tria concurrerint, confirmat per duplicationem affirmatiui aduerbij, *Amen*, quia dabit nobis. Ille petit quid, id est, aliquid : qui petit illam vnâ petitionem, quam Psalmista postulat, dicēs : Vnam petij à Domino, hanc requiram, vt inhabitem in domo Domini omnibus diebus vitæ meæ. Et de qua Dominus alibi, primùm quærit regnum Dei & iustitiam eius. Illud enim in comparatione temporalium bonorum, verè est quid, quia est perpetuum, immutabile, & sufficiens. Quicquid verò temporale est, non est verè quid, quia est variabile, labile, & insufficiens : Vnde illorum nullum satiat habentes, De quibus Salomon : Vanitas vanitatum, & omnia vanitas. Non enim verè est, quod modò est, modò non est. Qui ergo tale petit, quicquam non petit. Vnde & hic Dominus subiūgit : *Vsque modò non petistis quicquid in nomine meo.* Multa siquidem petierant discipuli à Domino. Petierant Iacobus & Ioannes vt sederent, alter ad dexteram, & alter ad sinistram eius in regno suo. Petierant, vt ignis de cælo combureret Samaritanos. Petierat beata virgo vinum in nuptiis. Petierant discipuli salutem filiarum Chananæ : & tamen dicit eis Dominus : *Vsque modò non petistis quicquam.* Quia enim temporalia quærebant, quicquam non petebant. Sed quid petere debeant, ostendit cum subdit : *Petite & accipietis, vt gaudium vestrum sit plenum.* Et accipietis, subaudis, si à Patre, & in nomine Iesu petatis. In hac vita fratres mei, non potest esse plenum gaudium, sed particulare, insufficiens, & breue. Particulare, quoniam si in aliquo succedit, huic homini non succedit. Insufficiens, quoniam in quo ei succedit, id eodem optat melius adhuc succedere sibi. Breue, quoniam vt ait Salomon : Risus dolore miscebitur, & extrema gaudij luctus occupat. Cæterum e contrario in

Psal. 136.

Mat. 6.

Eccle. 1.

Mat. 20.

Ioan. 2.

Pron. 14.

Luc. 9.

HOMILIAE

futura vita erit plenum gaudium, quoniam erit vniuersale, sufficiens & æternum. Vniuersale, quoniam in omnibus bene succedet: sufficiens, quoniam nemo melius sibi succedere volet. Aeternum, quoniam nullus mœror ei succedet. Itaque fratres mei, edocti à Domino, non petamus mala à Domino, ut quidam faciunt, petentes damnum proximi, vel mortem inimici. Nec petamus à Domino vana, ut quidam faciunt, petentes diuitias, glorias, honores, voluptates, & gaudia mundana, sed potius petamus immutabile bonum, petamus ut gaudium nostrum sit plenum. Sed & si quando temporalia bona petimus, propter regnum cœlorum & ad regnum cœlorum ea petamus.

Quæ à Domino petenda, & non.

Bona temporalia quo sine petenda.

Jacob. 4.

2. Cor. 12.

Mat. 26.

Non nego enim fratres mei, à Domino petenda esse temporalia, præsertim cum Ecclesia quotidie oret pro pace, pro sanitate, pro fertilitate: sed ista cum finis rectitudine, & cum conditionis discretionem petenda sunt. Qui enim ea propter se, non propter regnum cœlorum consequendum petit, malè petit, nec exaudiri meretur. Vnde Iacobus, petitis & non accipitis, eò quòd malè petatis, ut in concupiscentiis vestris insinuat. Rursus, qui sine conditionis discretionem petit temporalia, stultè petit, nec exaudiri meretur. Indiscrètè petit Paulus à se tolli angelum satanæ, qui utique sibi necessarius erat ad cōseruationem humilitatis: vnde nec exauditur, sed ei dicitur. Virtus in infirmitate perficitur. Vnde idem de se ibidem dicit: Ne magnitudo reuelationum extollat me, datus est mihi stimulus carnis, angelus satanæ qui me colaphiset. Proinde fratres mei, regnum Dei propter se & principaliter petamus: Temporalia verò non propter se, sed propter illud, & cum conditionis discretionem: ut videlicet det nobis ea, si placet, & si scit ea nobis expedire. Qui nouit melius nobis quæ expediant nobis. Quem modum petendi ipse nobis exemplo sui demonstrauit, qui cum conditione calicem passionis à se transferri rogauit, dicens: Pater si possibile est, transeat à me calix iste. Cœlestium verò & spiritualium bonorū tanta est dignitas, quòd ea absolutè & sine conditione postulamus. A quo petere debemus? A Deo Patre. Porro, cum Pater, & Filius, & Spiritus sanctus, sint vnus auctor & donator, tamen omnes

omnes ferè orationes dirigit Ecclesia ad Patrem, pau-
cas ad Filium, pauciores ad Spiritum sanctum. Sed præ-
cipiente mediatore nostro Iesu Christo, à Patre omnia bo-
na petamus, quoniam ipse est principium filij & spiritus
sancti, omniumque bonorum. Vnde & in oratione do-
minica ad Deum patrem dirigimus sermonem, vocantes
eum patrem, quoniam more patris pius est super nostras
petitiones iustas, si per obedientiâ & sanctitatē digni eius
filij extiterimus: alias tâquam degeneres & indignos mi-
nimè nos audit. Scriptum est enim. Qui obturat aurem
suam ne audiat legem, oratio eius execrabilis est. Et Esa-
ias: Cùm leuaueritis ad me manus vestras, auertâ faciem
meam à vobis, & cùm multiplicaueritis orationes, non
exaudiam vos. Manus enim vestræ sanguine plenæ sunt.
In quo petere debemus? in nomine, id est, in fide Iesu
Christi. Quod utique facimus, si veri Christiani, Christi
verâ fidē & doctrinam tenemus. In Christo enim, & per
Christum mediatorem nostrū, qui est auctor & actor no-
stræ redemptionis, per quem habemus accessum, & qui
pro nobis interpellat apud patrem, salutem à patre obti-
nebimus. Vnde & omnes ferè orationes, per Dominum
nostrum Iesum Christum concluduntur. Quoniam non
est aliud nomen in cælo, nec in terra, in quo oporteat nos
saluari. Quia ergo Iudæi & pagani, falsique Christiani, in
fide Christi non petunt, æternam salutem obtinere non
possunt. Itaque fratres mei, si petieritis quid, & à patre, in
nomine Iesu Christi, illud proculdubio pater dabit vo-
bis. Non ait illis, pro quibus petetis? Nam praua vita re-
probiorum multotiens obstat, ne Dominus orationes pro
eis factis exaudiat. Vnde Dominus per Prophetam: Et
tu fili hominis non assumes laudem & orationem pro po-
pulo isto, quoniam non exaudiam te. Et alibi: Si steterint
Moyse & Samuël coram me, non est anima mea ad po-
pulum istum. Ac si diceret: nec etiam eos qui in impetra-
tione orationis probantur viguisse, audiam pro istis, sed
& si fratres mei, non dabitur pro quibus reprobis postu-
laucritis: tamen dabitur vobis, quoniam vos de opere
pietatis, sine mercede non eritis. Iuxta illud Psalmistæ:
Et oratio mea in sinu meo conuertetur. Et illud euāgelij:

Prover. 28.

Esa. 1.

Christus
auctor &
actor no-
stræ redē-
ptionis.

Act. 4.

Hier. 9.

Hier. 15.

Psalm. 141.

Inc. 10.

Et si fuerit ibi filius pacis, requiescet super eū pax vestra. Sin autem ad vos reuertetur. Illud quoque notandum est, quoniam nō ait, mox dabit vobis: Quoniam & si Dominus differt, tamē non aufert petitiones vestras, sed pro- rogat, vt vos magis rogetis, & magis mereamini: Qui ta- men post longam instantiam proculdubio dabit vobis: quoniam vult vt pater, & potest vt Deus. Quoniam verò prædicta Euāgelij verba Apostolis adhuc simplicibus pla- na & aperta videbantur, & ideò aliquando aliquid poten- tibus & non consequentibus, nō vera esse videantur osten- dit Dominus ea subtilius quàm sonarent, perscrutanda, cū subdit: *hoc in prouerbiis loquutus sum vobis*. Prouer- bium quippè est sermo brevis & planus, subtilius quàm sonet intelligendus.

Prouer-
bium.

Sequitur pars secunda, in qua prædicit Dominus disci- pulis, quando rectè scient petere, cū subdit: *Venit hora cū iam non in prouerbiis loquar vobis, sed palàm de patre annuntiabo vobis*. Hæc hora fratres, fuit post ascensionē & Spiritus sancti missionem, quando illa verba quæ disci- pulis prius minus intelligentibus, fuerant prouerbia fa- cta, sunt ad intelligendum plana & aperta quando & per Spiritum sanctum de arcanis Dei patris, filius eos altius instruxit: de qua hora & subdit: *In illo die, in nomine meo petetis*. Tunc enim tantum æternam salutem, vel ad eam petierunt. Utinam fratres mei, & vos & nos, Dominus per Spiritum sanctū suum intus inuisibiliter erudire digne- tur, vt verba sacræ scripturæ, quæ nobis sunt quasi obscu- ra prouerbia, fiant vobis lucida & aperta, quatenus de Dei gloria & dulcedine altius valeamus intelligere, & per contemplationem degustare: vt omnibus spretis tem- poralibus, eam solum desideremus & flagitemus, dicen- tes cū Psalmista: Quid enim mihi est in cœlo, & à te quid volui super terram? Nemo fratres, de ingenio suo, nemo de studio suo, vt quidam faciunt, scripturas intelligere præsumat: Quoniam nisi clavis David, quæ aperit & ne- mo claudit, claudit & nemo aperit, nobis aperiat, clausus erit nobis sanctorum liber scripturarum: Et clausa erit no- bis contemplatio diuinæ dulcedinis, de qua ait Psalmista: Quàm magna multitudo dulcedinis tuæ Domine, quàm abscon-

Psal. 72.

Apo. 3.

Psal. 30.

abscondisti timentibus te. Hoc est quod Dominus ait: Abscondisti hæc a sapientibus & prudentibus, & reuelasti ea paruulis. Potest etiam fratres, & hæc hora intelligi vita futura, quando non iam exterius per prouerbia loquitur Dominus, sed rebus ipsi nobis loquentibus, palam de patre annuntiabit nobis. Iuxta quod Paulus ait, videmus nunc per speculum & in ænigmate, tunc autem facie ad faciem. Nunc cognosco ex parte, tunc cognoscam sicut & cognitus sum. *In illo, inquit, die in nomine meo petetis.* Rutilante quippè æterni diei sole animabus sanctorum, non iam temporalia, sed solam stolam immortalitatis, & sibi iam alteram habentibus, & fidelibus adhuc in terra laborantibus, vtrunque nouerint postulare.

MAR. II.

LUC. 10.

1. COR. 13.

Sequitur pars tertia, in qua ostendit Dominus patrem fore prouidum ad audiendum discipulos, quando penerint in nomine suo, dicens: *Et non dico, quia rogabo patrē pro vobis, ipse pater amat vos.* Ac si dicat: Tunc quando petetis patrem in nomine meo, dico quia non rogabo tunc patrem pro vobis, tanquam durum ad audiendum vos: Ipse enim pater amat vos, sicut & ego, & propitius erit ad audiendum vos. Patet igitur fratres mei, per contrarium, quoniam qui diuitias, vel honores, vel aliquid temporale petit à patre, non petit illa à patre in nomine Iesu, id est, ad salutem æternam, sed potius ad explendam voluntatem suam: proculdubio in tali petitione durum & difficilem inueniet patrem. Sed si fortè dederit ei requia sita, dabit ea in ira sua. Sed quid est cum subiungit: *Ipse pater amat vos, quia vos me amastis, & quod quia à Deo exiui, creditis.* Nunquid discipuli prius tempore vel causa amauerunt Dominum, & ideo pater amat eos? Non fratres mei, imò teste Ioanne: Ipse prior nos dilexit. Quia ergo pater discipulos amauit, discipuli Deū amauerunt & crediderunt. Causalis enim coniunctio significat ibi, non causam essendi, sed causam intelligendi. Quod enim discipuli amauerunt & crediderunt Deū, non fuit Deo causa, ut eos diligeret, sed hominibus fuit causa, quia intellexerunt quod Deus eos amabat. Non enim Deum potuerunt amare, nisi Deus eos amasset, & eis amorem suum inspirasset. *Exiui, inquit, à patre, & veni in mundum.*

1. IOAN. 4.

HOMILIAE

dum: & iterum relinquo mundum, & vado ad patrem. Ac si dicat: Non sufficit vobis credidisse quod exiui à patre per æternam natiuitatem, nisi & credatis me venisse in mundum per temporalem natiuitatem, & me iterum relinquare mundum per corporalem recessum, & ascendere ad Patrem per corporalem ascensionis glorificationem. Hos enim cum cæteris articulis fidei, fides catholica existit, vt credamus.

Sequitur pars quarta, in qua discipuli respondent ad hoc quod Dominus se in prouerbiis loquutum esse dixerat: & venturam horam, in qua non in prouerbiis, sed palam eis loqueretur: *Ecce, inquit, palam loqueris, & prouerbum nullum dicis.* Quoniam namque discipuli exteriorem verborum Domini planitiem intelligebant, putabant ipsa verba plana esse, & nullius subtilitatis profunditatem continere. Quorum etiam hodie sunt similes, qui solam scripturæ sacræ superficiem attendentes, nulla putant ibi arcanorū mysteria contineri. Sed scriptura sacra ita est temperata, quod in ea potest & paruulus ambulare, & gygas natat. In ea per exteriorem historiam vel moralitatem pascuntur rudes, & per interiorem allegoriā exercentur sapiētes. *Nunc scimus, inquit, quia scis omnia, & non opus est tibi vt quis te interroget: In hoc credimus, quia à Deo existi.* Quia nāque Dominus eos de suis omnibus dubitationibus non solum instruebat, sed etiam interrogantes, quas facturi erant, respondēdo præueniebat, & ad occultas cogitationes respondebat, sic eum omnia scire, & à Deo consentitur venisse. Ad occultas quippè cogitationes & dubitationes respondere, diuinum est non humanum. Vnde & ad eum per Sapientē dicitur: Tu solus nosti corda filiorum hominū. Quia ergo fratres mei, vbicunque lateamus, ante oculos diuinæ maiestatis sumus: qui opera dicta, cogitationes, & voluptates quantumcunque occultas, speculatur, propterea magna indita est nobis necessitas honestè conuersandi. Quoniam si erubescimus aliquid turpè dicere, vel facere, ante oculos Regis, vel Principis terreni, quanto magis ante oculos Dei omnipotentis aliquid turpè facere vel dicere debemus erubescere? Abstergamus igitur fratres mei, fletibus po-

tentia,

nitentia, nostrorū sordes peccatorum: corrigamus vitam
nostram, & emundemus conscientia nostram. Beati enim
mundo corde, quoniam ipsi soli Deum videbūt. Oremus
igitur ipsum quatenus ipse qui solus potest, emundet cor
nostrum, ut ipsum in corde suo videre mereamur per om
nia secula seculorum, Amen.

IN LAETANIA MAIORI.

Confitemini alterutrū peccata vestra, & orate pro inui
cem ut saluemini, &c. Ad tria bona fratres mei, nos
hortatur Apostolus in hac lectione, ad mutuam, videli
cet confessionem, ad mutuam orationem, & ad mutuam
correctionem. Sunt autem hæc tria bona, magna coram
Deo, & valde nobis necessaria. Confessio quippe necessa
ria est nobismetipsis: oratio & correctio nobis & aliis.
Per mutuam enim confessionem nosmetipsos munda
mus, & per mutuam orationem nos coadiuuamus. Per
mutuam correctionem, alter alterum Deo lucrificamus.
Porro ad confessionem nos monet cum dicit: *Confitemi
ni alterutrū peccata vestra*. Videte fratres mei, quid sit
confessio, & unde dicatur, quantum sit necessaria, cui fieri
debeat, & quando, & quomodo. Est autem confessio, fle
bilis priorum peccatorum enarratio. Hæc autem flebi
lis esse debet, quoniam qui ad instantiam, vel ad delecta
tionem peccata sua refert, non curat ea, sed auget. Et hoc
fratres mei, contra illos est, qui peccata sua, non cum ha
bitu flebili, sed potius cum risibili peccata renarrant, Sed
illi profecto peccata sua non confitentur, sed potius præ
dicant. Dicitur autem confessio quasi communis confessio:
ut, scilicet corde, ore, opere, confiteamur nos peccasse:
corde poeniteamus, ore nos accusemus, opere satisfaciam
us. Est autem confessio, adeo nobis necessaria, quod
per eam peccata nostra dimittantur, & sine ea non di
mittantur. Quod per confessionem peccata dimittan
tur, apparet in David, qui cum accusaretur à Nathan
Propheta de adulterio cum Bersabee, & occisione viri
eius, per paradigma diuitis centum oves habentis, & vi
cino pauperi vnicam ouiculam rapientis, peccatum suum
coram omnibus non erubuit confiteri, dicens: Peccaui
coram Domino: & ait mox ei Dominus per Prophetam,

Mat 3.

Iacob. 5.

Confessio
necessaria.
Mutua
oratio.

Confessio
quid.

Corde, ore,
& opere
confitendū.

2. Reg. 12.

HOMILIAE

Transtulit Dominus à te peccatum tuum . Ecce fratres
quis sufficiat pensare viscera diuinæ misericordiæ , qui
ad solam confessionem peccata & tam graua destruit.

Psalm. 31.

Isa. 43.

*Cui debet
fieri con-
fessio.*

Hinc ipse Dauid dicit, dixi confitebor aduersum me inius-
titiam meam Domino, & tu remisisti impietatem pecca-
ti mei. Quod verò sine confessione habenti tempus & lo-
cum peccata non dimittantur, ostendit Propheta cum di-
cit, dic tu prius iniquitates tuas, vt iustificeris. Et Philoso-
phus: Si operam, inquit, medicantis expectas, oportet vt
vulnus detegas. Cui fieri debet confessio? Confessio cri-
minalium debet fieri Sacerdoti, & nominatim, qui solus
habet potestatem ligandi atque soluendi, sicut & lepræ
iudicium solis Sacerdotibus in lege erat commissum.

Confessio verò venialium, alterutrum & cuiuslibet, etiam
minori, potest fieri: quoniam propter venialia non sepa-
ratur homo à Deo, nisi vltia modum per incuriam exco-
dat, sicut nec per scabiem vel per impetiginem, aliquis in
lege separabatur à castris. Fit autem hæc confessio, non
quod possit à peccatis absolvere, sed quia propter propriam
humiliationem, & peccatorum nostrorum accusatio-
nem, & fratris orationem, mundamur à peccatis. Vnde
& non dicimus: Ego dimitto tibi peccata tua: sed dicimus
orando: Misereatur tui omnipotens Deus, &c. Quā-
do debet fieri confessio hæc? Omni tempore, quo nos
peccasse cognoscimus: Siue enim domi, siue in agro, si-
ue in via peccauero: Debeo statim dicere fratri qui mecum
est: peccaui, ora pro me. Qui si non aderit, debeo confi-
teri Deo, dicēs: Domine peccaui, miserere mei. Præcipue
fratres in prima diei hora, debemus confessionem facere
de his quæ in nocte delinquimus, & in completorio de
his quæ in die peccauius. Et maximè fratres, quando
accedere volumus ad Missam, vel ad aliud Sacramen-
tum celebrandum, vel suscipiendum, per confessionem
nos mundare debemus. Quæ confessio benè significatur
per labium æneum in lege, quod posuit Moyses ad in-
troitum tabernaculi, in quo sacrificaturi manus emunda-
rent. Quomodo confiteri debemus? Cum cordis com-
punctione, cum vultus humilitate, cum pectoris tussio-
ne, cum corporis supplicatione, cum vocis flebilitate.

*Quomodo
debemus
confiteri.*

Ad

Ad mutuam verò orationē nos hortatur Apostolus cū subdit: *Et orate pro inuicem, vt saluemini. Multum enim valet deprecatio iusti assidua.* Est autem oratio prius mētis affectus ad Deum, qui quādoque pigritate animo excitatur per vocem. Oratio igitur non est vox, sed potius mentis affectus, quā, scilicet, affectamus aliquid obtinere à Deo. Et hæc debet esse pia, quoniam quæ ad pietatem pertinent, debemus per orationē postulare. Quando enim animus noster in oratione pigrescit, debemus illum per vocem excitare, vt sonus oris intrans per aures, excitet pigritiā mentis. Oratio igitur quæ fit solo corde, & si non labiis, Deo accepta est. Vnde & Susanna tacens dicitur clamasse, propter vehementem mentis iniectionem, & à Deo audita fuisse. Oratio verò quæ solis labiis fit, nō est ante Deum acceptabilis. Vnde & ipse dicit: Populus hic labiis me honorat, cor autem eorum longè est à me. Ostendit autem hic Apostolus pro quibus sit orandum, & quid, & oratio cuius, & qualis valeat, & quantum. Pro quibus est orandum? pro inuicem, id est, pro fratribus. Pro hæreticis enim & infidelibus, & in Spiritum sanctum peccantibus, non ita tenemur orare. Vnde & Ioānes: Est, inquit, peccatum ad mortē, pro eo non dico vt quis oret, Pro quibus si oramus, eorum non salutem, sed conuersionem petimus, & cum conditione videlicet subiungendo: sicut & vis, & scis Domine, ita eis facias. Quid est orandum? *Vt saluemini.* Non ait, vt honoremini, vel glorietur, vel delectentur in hoc seculo. De huiusmodi enim postulantiis, Iacobus ait: Petitis enim & non accipitis, cō quod indignè petatis, vt in concupiscentiis vestris insinuat. Sed petamus vt in Euangelio præcipit Dominus. Primum querite regnum Dei & iustitiam eius, & hæc omnia adiciētur vobis. Cuius valeat oratio ostēdit, cū subdit: *Iusti.* Nam oculi Domini super iustos & aures eius ad preces eorum. Vultus autem Domini super facientes mala. Qualis oratio valeat, ostendit, cū dicit, *deprecatio assidua*, id est, quæ intentionem habet & instantiam. Nam laxa & lassa oratio impetrare nō solet. Quāto tam verò valeat, ostendit, cū dicit: *multum valet.* Oratio quippè nobis à Deo impetrat veniam peccatorum,

Quid est oratio.

Gen. 11.

Mat. 15.

Esa. 29.

1. Ioan. 5.

Iaco. 4.

Matth. 6.

Psal. 37.

collationem gratiarum, auersionem aduersitatum, consolationem prosperitatum. Oratio diabolum fugat, iram Dei placat, nostram viam dirigit, & ad regnum Dei perducit. Oratio valet & à quo fit, & pro quò fit. Et si illi pro quo fit non valet, illi tamen à quo piè fit, valere potest. Scriptum est enim: Et oratio mea in sinu meo conuertetur. Porro quantum oratio valeat, ostendit exemplo Eliæ, & est argumentum à minori. Nam si vnus homo sicut & nos passibilis, minas vnus mulierculæ fugiēs, famem sustinens, & mortem timens, vna oratione plurius auerit, & iterum eam terris dedit, quid facient plurium iustorum orationes etiam assiduæ? Ad correctionem verò & conuersionem fratrum peccantium nos hortatur, cum dicit: Si quis autem ex vobis errauerit, & conuertit quis eum, scilicet, verbo & exemplo, vel oratione, sine debet, quoniam qui conuerti fecerit peccatorem ab errore vite sue, seruabit animam eius à morte. Ostendit autem quàm utilis sit conuersio fratrum, & conuerso, conuertenti.

Psal. 14.

3. Reg. 17.

Quantum est utilis conuerso, qui saluat animam eius à morte. Sicut enim preciosior est anima quàm corpus: ita maior est eleemosyna quæ saluat animam nunquam moriturā, quàm quæ saluat corpus necessariò moriturum. Quantum verò sit utilis ipsi conuertenti, ostendit cum subdit: Et operit multitudinem peccatorum: subaudi propriorum. Scriptum est enim: Sicut aqua extinguit ignem, ita eleemosyna extinguit peccatum. Nec solum conuersio fratris, operit peccata conuertentis: sed & ei acquirit coronā. Quot enim quis saluat animas, tot habebit coronas. Inde scriptum est: Quoniam sicut stellæ firmamenti fulgebūt, qui multos erudierint. Quæ enim fratres charissimi, quæ eleemosyna, quæ victoria potest esse maior, quàm ad similitudinem nostri Redemptoris frangere & seras inferni, eripere vasa captiuitatis, eruere reos de faucibus diaboli, & Christo lucrati? Itaque fratres mei, mortem iam nobis instātem, & districtum Dei iudicium semper ante oculos nostros habeamus, & peccata criminalia quasi mortem fugiamus. Venialia verò & quotidiana peccata quotidie mutuis cōfessionibus curemus, orationibus ad inuicē nos adiuuemus, alter alterius onera portemus.

Ezele. 3.

Mat. 12.

errans

errantes luctari Deo satagamus, vt si nō possumus, cū tot triumphis cum quot Petrus & Paulus, saltē cum vno vel duobus, vel cum quot possumus, ad magnam diem iudicii & æternæ remunerationis perueniamus, largiente Domino nostro Iesu Christo, qui cum Patre & Spiritu sancto viuut & regnat Deus in æternum, Amen.

IN LAETANIA MAIORE.

Quis vestrum habebit amicum, & ibit ad eum media nocte, & dicet illi: Amice commoda mihi tres panes, quoniam amicus meus venit de via ad me, & non habeo quod ponam ante illum. Lectio ista, fratres charissimi, per duas parabolas bipertita est. Quoniam enim Deus & Dominus noster, nos orantes multotiens non statim audit, sed differt: vt magis & magis orantes, magis & magis mereamur. Ideo per primā parabolam hortatur nos, ne ab oratione fatigemur, vel de impetratione desperemus, sed potius oportune, orationi instemus, promittens quoniam importune petētes, opportunē proculdubio à Deo exaudientur. Sumit ergo istam parabolam de homine qui ad amicum suum in necessitate recurrit: Quem licet excusantem & se non posse subuenire dicentē, tamen etsi non amicitia, saltē importunitate eum flectit sibi subuenire. Quantum ergo ad literam pertinet, duo in hac parabola sunt nobis cōsideranda, videlicet negligentia, quā habemus in nos, & bona voluntas, quam Deus habet erga nos. Et negligentiam quidem habemus in nos, quoniam in petitione & acquisitione æternæ salutis negligentes sumus: in petitione verò & acquisitione temporalium feruentes sumus. Nam si ingruat nobis aliqua necessitas temporalis, solliciti sumus, dormire non possumus, & de media nocte surgentes discurremus, amicos & vicinos fatigamus, fletibus & suspiriis, precibus & promissis pulsare non cessamus, donec quod nobis deerat accipiamus. Cū verò ingruat nobis assidue maxima omnium necessitatum euitatio, videlicet mortis æternæ. Et ad hanc euitandam negligentes sumus, dormimus, non surgimus ante lucem, vt Deum & eius Sanctos, precibus & promissione emundationis pulsemus, quatenus dimissis peccatis nostris, mortem æternam euitare possimus. Quod si

Luc. 11.

*Diligentia
in rebus tē
poralibus.*

pro.

HOMILIAE

promiserit Rex nobis vel Princeps secularis se daturū nobis diuitias vel honores huius mundi, quanto desiderio eum sequimur, & quanta diligentia ei famulamur? Ad iussu eius lustramus mundum, transfretamus æquora: visitamus barbaras nationes, non retinemur frigore, non æstu, non periculis, non gladiis. Et hoc totum ut consequamur, quas fortē nunquam consequuturi sumus falsas & breues huius mundi diuitias & honores. Nunc autem cū promittit omnipotens & verax Deus beatū & æternum regnum, negligimus ei obedire, & famulari contemnimus, nec etiam per ipsa prospera eum sequi volumus. Ut quid hoc fratres? nisi quia radicem nostram in amorē mundi figimus, & Deo promittenti regnum cœlorum, vel non credimus, vel contemnimus. Tamē Deus pater more pij patris, bonam volūtatem habet erga nos, negligentes excitat, promissis inuitat, petere imperat.

Et certē fratres, qui præcipit petere, cupit dare. *Petite, inquit, & accipietis: querite, & inuenietis: pulsate, & aperietur vobis.* In quibus verbis fratres mei, nobis ostendit quomodo postulandum sit, ut mereamur audiri. Non enim si sola voce petamus, audiri meremur. Ipse enim alibi dicit: Non enim omnis qui dicit mihi, Domine, Domine, intrabit in regnum cœlorum, sed qui facit voluntatem Patris mei, ipse intrabit in regnum cœlorum. Si ergo volumus intrare, petamus corde, queramus opere, pulsemus perseveratione. Petamus deuotē orando, queramus benē operando, pulsemus instanter perseverando. Et ne dubitemus fratres, de impetratione, quoniam, teste Veritate, qui prædicto modo petit, accipit, & qui querit, inuenit, & pulsanti aperietur. Iuxta mysticum verō sensum, amicus noster, ad quē in nocte necessitatis recurrere debemus, Deus pater est, qui, ut ait Apostolus, propter nimiam charitatem suam qua dilexit nos, misit filium suum in similitudinem carnis peccati. Amicus verō ille, qui de via venit ad nos, est animus noster, qui totiē a nobis recedit, quotiens suæ & nostræ salutis oblitus, ad terrena concupiscendum exit. Tunc verō de via ad nos venit, quādo de strepitu terrenarum cupiditatum ad meditando de nostra, suæque salute redit. Redit autem famelicus,

Negligentia nostra in rebus celestibus qualis.

Mat. 7.

Eph. 2.

licus, quoniam in terrenis cupiditatibus nulla satietas inuenitur. Nec nos, quid ante eum ponamus, habemus, quia diuina gratia, quæ cibus animi est, in manu hominis non est. Fame igitur amici cogente, non est morandum, ut faciant qui salutem animæ suæ procrastinant: sed de media nocte peccati & ignorantie quàm citò surgendum, & ad amicum vnicum nostrum, scilicet Deum Patrem, quàm citò festinando, tres panes sunt ab eo postulandi, id est, fides trinitatis, vel triplex sacræ scripturæ intellectus, scilicet historicus, moralis, & mysticus: quibus animi nostri esuries valeat satiari. Sicut enim iustus ex fide viuit, ita & de omni verbo quod procedit de ore Dei. Ille de intus respondens se excusat, dum clausa exauditionis ianua auxiliū ferre dissimulat. Et ex hoc videtur, quia ostiū prædicationis, clausum est: & pueri, id est, sancti prædicatores à carnea veste iam exuti, cum Deo sunt in cubili æternæ requiei. Et ex his nō videtur possibile quod Deus surgat, vel per se, vel per ministros suos ad erudiendum nos. Quod hodie fratres, euenisse videtur, dum prædicationis ostium non minus in prædicatoribus quàm in audientibus videtur iam clausum esse, vtrisque pariter deficientibus. Attamen nos fratres, si perseuerauerimus precibus, suspiriis, & fletibus pulsantes, dico vobis quoniam cum suo amore, cum nostro clamore flexus, nobis panem ministrabit spiritualem.

*In terrenis
nulla satietas.*

Rom. 1.

Sequitur alia parabola, in qua ostendit Dominus, quoniam non nisi bona dat Deus Pater, & ea dat non propter meritum vel importunitatem nostram compulsus, sed statim propter affectum paternalem. Ostendit autem hoc, sumpto à minori argumento: quoniam si patres carnales cum non sint ex se boni, sed potius mali, nouerunt filiis suis petentibus non mala, sed potius bona temporalia largiri, nō merito vel improbitate filiorum tracti, sed paternæ pietate: multò magis cælestis pater, cum naturaliter sit bonus, dabit filiis suis petentibus bona spiritualia & æterna, ductus sola, quam habet naturaliter, pietate. Iuxta litteram, fratres mei, pŕescemus in hac parabola, quàm sit terrena & animalis pietas parētum carnalium in filios suos, & quàm sit vera charitas cœlestis Patris in filios suos.

Cat.

*Carnalis
patris flau-
diem in fi-
liorum imi-
tatione.*

Carnalis quippè pater plus intendit nutrire corpus filij sui, quàm animam : sollicitus multum ne filius suus esuriat, ne frigeat, ne à serpente feriat, ne aliquo casu moriatur, thesaurum ei congregat : quocunque modo eum ditare festinat & hæreditare : instruit eum in calliditate acquirendi diuitias & conseruandi. Cæterum si videat eum mendacem, si periurum, si fallacem, si cupidum & avarum, si rapacem & violentum, cõtemnit, imò potius gaudet, vocans eum sapientem & probum. Sed quid inde cõtigit ? postquam malus filius à malo patre instructus excreuerit, paternam vincit malitiam. Et primum in ipsum parentem exsurgit, eius vitam odit, eum exhæredat, & sine percussione se eum nosse dissimulat. O miser pater, cur filium suum per hoc accusas ? Hoc facit quod tu eum docueras. Si eum pium inuenire volebas, quare eum pium esse non docueras ? Si eum iustum inuenire volebas, quare eum iustum esse non docueras ? hoc quod tradidisti ei, reddit tibi. Tales erant Israëlitarum, quos vocat Ioannes genimina viperarum, id est, venenosos venenosorum filios. Et Dominus per Ezechielum : Ego sum Deus zelotes vindicans peccata parentum in filios, paternæ scilicet malitiæ discipulos. Sicut enim puniuntur parentes propter prauam instructionem filiorum, ita puniuntur filij propter malam imitationem parentum. Cœlestis verò pater vera dilectione diligit filios suos, non solum in hoc quod ab æterno eos elegit, & quod eos sanguine filij sui redemit, & quod eis æternum regnum preparauit, sed etiam in quotidiana correctione & eruditione. Odit enim eos in malo, & diligit eos in bono & ad bonum, in quo vera consistit dilectio. Qui enim parit virgæ, odit filium suum.

LUC. 3.

*Propter. 19.
Cœlestis
pater.*

Et pater filium quem plus diligit, corripit. Sic ergo cœlestis pater filios suos reuocat à malo, prohibitionibus, minis & flagellis. Trahit verò eos ad bonum, mandatis, promissis, & beneficio gratiarum suarum. Itaque patres & matres familiæ, cœlestem Patrem imitamini, filios, nepotes, & etiam quoslibet amicos vestros, diligite in bono & non in malo. Diligite eos plus in anima quàm in corpore, plus ad Deum quàm ad mundum. Optate & acquisite eis plus spirituales diuitias quàm corporales, plus cœlestes

testes quàm terrenas. Ab vbere instruite eos in Dei timore, in fide, in spe, in charitate, in pietate, in patientia, & humilitate, cæterisque virtutibus & bonis moribus: Attendentes quoniã gloria patris, est filius sapiens: Et opprobriũ parentum, est filius insipiens. Et sicut filius bonus est parentum suorum benedictio: ita filius malus est parentum suorum maledictio. Sicut enim bonũ filiorũ, est parẽtum qui eos docuerunt: ita malum filiorum est parentum, qui eos corrigere neglexerũt. Et ad hoc habemus exemplum, reprobationem videlicet Heli, filiorumque suorũ. Iuxta verò mysticum sensum, per panem significatur charitas, qua anima reficitur: & e contrario per lapidẽ, duritia mentis in malo indurata, figuratur: per piscẽ verò, qui in absconditis aquarum viuit, fides quę de absconditis & inuisibilibus est, exprimitur. Sicut e contrariò per præsentem serpentem venenum infidelitatis vel hæresis significatur. Per ouum quoque, in quo est spes foetus, spes exprimitur: sicut e contrariò per scorpionem, qui cauda, id est, sine corporis percutit, finalis desperatio denotatur. Si quis ergo fratres mei, à cœlesti patre postulauerit fidem, spem & charitatem, nunquid benignus & misericors pater dabit ei vitia harum virtutum contraria? videlicet infidelitatem, desperationem, & mentis duritiam? nequaquam. Quoniam apud eum non est transmutatio, nec vicissitudinis obumbratio. Quin potius si aliquis per ignorantiã ab eo sibi noxia postularet, ipse qui nouit melius nobis, quid expediat nobis, eum non exaudiret. Vnde nec Paulum rogantẽ pro stimulo carnis amouendo, quod vtiq; ei noxiũ faciebat fore, noluit exaudire. In quo fratres, nobis præbet exemplũ, vt in bonis, nõ in malis nostros exaudiamus amicos. Qui enim aliquãdo in malo exaudit, sed ei esse inimicũ ostendit. Hinc est fratres, quod pius & misericors Dominus, nos in multis malis desiderijs, indiscertis petitionibus nostris, nos non exaudit: in quo se verum patrem & verum amicum esse nobis ostendit. Ipsum ergo super omnia & prę omnibus diligamus: Ipsum totis viscibus amplectamur: pro eo omnem turpitudinem & omnem vitium vitemus: mundum fugientẽ fugiamus, & omnia transitoria, antequã ab eis relinquamur, relinquamus.

Præf. 10.

Iacob. 1.

2. Cor. 11.

Ad

HOMILIAE

Ad æterna bona toto desiderio festinamus, vt Deum Patrem verum in decore suo videre mereamur. Amen.

IN VIGILIA ASCENSIONIS

Domini.

Ephes. 4.

Vnicuique nostrum data est gratia secundum mensuram donationis Christi, &c. Hanc lectionem, fratres charissimi, sollicitè debemus perscrutari, quoniā doctrina in ea

Quicquid boni habemus, à Deo gratis habemus.

continetur, sine qua non potest esse salus. Agit enim hic Apostolus de gratia Dei, per quam solam, vt ait ipse Apostolus, sumus id quod sumus. Inter articulos quippè fidei nostræ, etiam hoc necessariū cōtinetur, vt credamus quod quicquid boni habemus, à Deo gratis habemus. Quis vero gloriatur se aliquod bonum habere à se, vel ex meritis suis, gloriam non habebit apud Deum. Habet igitur hæc lectio quinque partes. Primò enim dicit Apostolus vnicuique gratiam datam esse à Christo. Secundò hoc probat auctoritate scripturæ. Tertiò ipsas gratias enumerat. Quartò ad quem usum datæ sint, demonstrat. Quintò quem finem habeant, manifestat. Ait igitur primò Apostolus: *Vnicuique nostrum data est gratia secundum mensuram donationis Christi.* Tria dicit: quod vnicuique nostrum data est gratia, & quod secundum mensuram, & quod à Christo. Licet autem per hoc quod ait Apostolus: *Vnicuique nostrum*, intelligat solos ministros esse, tamē vniuersaliter verum est vnicuique homini gratiā à Christo datam esse. Cū enim gratia dicatur quicquid gratis datur, quicquid habet homo siue bonum naturæ, siue bonum fortunæ (vt dici solet) siue bonum gratiæ: quia à Deo datum est gratis, gratia Dei dici potest. Quia tamen bona naturæ & bona fortunæ tam bonorū quàm malorū sunt cōmunia, antonomasticè virtutes & vsus earū, quoniā propria sunt bonorū tantum, gratiæ solent appellari. Noluit enim Dominus aliquam suam creaturā penitus ab aliqua participatione bonitatis suæ esse exortem, ne indecora & suo auctore indigna esse videretur, sed quamlibet creaturam suam aliqua sua gratia priuilegiauit. Quare triplici ratione: vt haberet quælibet creatura aliquid in se, in quo diuinæ bonitatis largitatem in se demonstraret: vt haberet vnde Deo largitori gratias referret: vt haberet materiam per quam

Quid dicatur gratia.

apud

apud Deum promereri posset. Itaque fratres mei, vnusquisque de gratia sibi data se dignum exhibeat: de ea Deo auctori gratias reddat: per eā fratribus suis subministrando, maiora promereri latagat. Qui habet sapiētiā, cūdes instruat. Qui habet potestatem, Ecclesiam, pupillos, & viduas defendat. Qui habet diuitias, inde inopibus suffragetur. Qui habet gratiam familiaritatis apud Principem: pro pauperibus apud eum loquatur. Qui habet eloquentiam, inde inconsultis patrocinetur. Qui nouit aliquam artem, inde indigentibus opuletur. Caveat vnusquisque ne commissum sibi à Deo talentum occultando, eò ipso, cæterisque bonis mereatur spoliari. Est autem vnicuique nostrum gratia data, secundum mensuram. Noluit quippe Dominus omnes gratias alicui dare. Quare? triplici ratione. Ne aliqua creatura se quandoque creatori suo æquaret, ne se nullus indigere putaret, ne cæteras creaturas cōtemneret. Sed voluit potius, vnumquemque nostrum alterius gratiæ indigere: vt vident, quisque se illius gratiæ indigere, qui frater suus perfulget, eum sibi præferret, eiusque auxilium postularet. Et in hoc ipso disceret de gratia sibi data, indigentibus ministrare, quemadmodum volebas, cæteros de gratis suis ministrare sibi. Itaque fratres mei, vnusquisque multum deesse nobis putemus: gratias fratrum postrotum admiremur, vt ita nobis vilescamus, & fratres nostros nobis præponamus. Et sicut eos de gratiis suis nobis ministrare volumus: ita & de gratia nobis data eis ministremus. Vt per hoc etiam gratias quas non habemus, promereri valeamus: sit autem hæc gratiarum distributio à Christo simul cū Patre & Spiritu scto. Qui sicut sunt vnus auctor, ita & vnus largitor, à Christo tamē dicuntur distribui gratiæ, eò quòd ipse est caput omnium fidelium: cuius capitis membra sunt omnes fideles. In Christo autem tanquā in capite continetur omnium plenitudo gratiarum, Ipse enim omnes gratias habet, non tantū in potestate ad distribuendū, vt Deus, sed etiā in vsu, vt homo, habet gratias omnes quas eū habere decet. Et de plenitudine eius (teste Ioāne) qui non habet spiritum ad mensuram, accepimus omnes ad mensuram. Quod bene significatur in unctione Aaron, super caput

*Quare
Deus vni
omnes grā
tias nostris
dare.*

*Christus
caput om
nium fi
delium.*

Ioan. 1.

HOMILIAE

cuius cū plenitudo vnctionis à Mole effunderetur, distilla-
lauit per barbā & per cetera membra, vsque in extremam
drum vestimenti eius. Sic fratres mei, de plenitudine gra-
tiarum, quibus Christus à Patre inuisibiliter vnctus est, di-
stillat prius & abundantius in barbā, id est, in viriles &
perfectiores, deinde in ceteros, etiam vsque ad extremos.
Vnde fratres mei suspiriis & gemitibus cū oremus, quate-
nus de sua plenitudine gratiarū, & si non tantū quantum
super Apostolos ceterosq; Sanctos, vel aliquantulū irro-
ret super nos, tanquam vltima Ecclesiae suae membra.

Sequitur pars secunda, in qua gratias donari à Christo
probat per auctoritatē Prophete, cū dicit: *Propter quod
dicit: Ascendens in altum, captiuam duxit captiuitatem,
dedit dona hominibus.* Consistit autem in hoc vis proba-
tionis, quoniam tale est negotium, quod nec à puro ho-
mine, nec à puro Deo potuit ministrari. Captiuos quip-
pè eripere de inferno, & in altum ducere, & dona Spiri-
tus sancti hominibus dare; homo non potuit nisi Deus
esset. Descendit ergo prius assumendo in se hominem,
& hoc est quod Apostolus exponens, subdit: *Quòd ascen-
dit, quid est nisi quia descendit primum in inferiores partes
terræ?* Ac si diceret, quomodo posset ascendere, nisi pri-
mò descendisset? descendit autem non tantum in inferas,
sed etiam in inferiores partes terræ, id est, ad inferna, ea
confringens, & captiuitatem captiuam educens. Populus
enim sanctorum, qui in inferno detinebatur, non tantum
captiuitas, imò etiam captiuata captiuitas erat. In hoc
quippe quod à patria Paradisi, ad quam obtinendam crea-
ta fuerat, per diabolicam fraudem ad huius mundi mise-
riam expulsa exulabat, captiuitas erat. Rursus & in hoc,
quod miseria huius uitæ, ad maiorem inferni miseriam
captiuata fuerat, non tantum captiuitas, imò etiam ca-
ptiuata captiuitas erat. Hanc ergo captiuam captiuita-
tem, more triumphatoris, duxit secum Dominus in al-
tum. Sicut enim aliquis praeliaturus contra hostem, se
prius armat, deinde cautè hostem aggreditur & per ma-
gnū laborem eum superat: postea eum ligans, eius mu-
nitionem dissipat, & captiuos educit, & cum signis victo-
riæ ad sedem suam rediens, donaria satellitibus suis distri-
buit.

buit: ita fecit & Dominus. Prius enim præliaturus cum diabolo, se humilitate armavit. Per occultam sapientiam cum aggressus est, per patientiam superavit, per fortitudinem eum alligavit, & infernum frangens, suos qui ibi captivi tenebantur, eduxit, & cum triumpho in cælum ascendens, dona Spiritus sancti suis dedit. Non quod hac sola vice ea dederit, qui utiq; à principio semper suis gratiam suam largitus est: sed quod occultum erat, donorum celestium se largitorem esse visibiliter demonstraret. Representat autem hanc Christi victoriam sancta Ecclesia per processiones, quas in his diebus facere consuevit. Procedit quippe in processione tanquam victor crucifixus in carne, cruce: cum armis videlicet cum quibus triumphavit. Cum quo aqua benedicta procedit, id est, gratia qua suos irrorat & munit. Procedunt autem vexilla suæ victoriæ signa. Procedit & draco tanquam victus ante victorem: qui solo capite vigens est, vacuus in parte posteriori, quoniam ad primam peccati partem, id est cogitationem suggerere valet. Ad consuetudinem verò, vel ad perficiendum peccatum, servos Christi cogere non potest. Et certe hostis infernus est, qui nisi sibi consentientem laedere non valet. Subsequitur autem populus fidelium in processione crucifixum, tanquam liberati liberatorem, expectantes ab eo suarum dona gratiarum. Subsequamur ergo cum fratres mei, subsequamur eum non solo pede, sed vera fide, & firma dilectione, & operum & mandatorum eius executione: quoniam sic cum sequentibus non deerit, sed proculdubio largietur, & hic stipendia gratiarum suarum, & in futuro beatitudinem præmiorum. Ne autem videretur alicui, quod quibusdam hæreticis visum est, duas in Christo esse personas, ostendit Apostolus, quoniam una & eadem persona est & ille qui descendit, & ascendit ut homo: & ille qui dona Spiritus sancti dedit, ut Deus, subiungens: *Qui descendit ipse est, & qui ascendit super omnes cælos, ut adimpleret omnia*, de eo per Prophetas prædicta. Et idem ipse est qui dedit quosdam Apostolos, alios Prophetas, &c. Est autem hæc pars tertia, in qua Apostolus enumerat quasdam gratias administrationum, quas Deus contulit ministris Ecclesiæ suæ, per quas in hoc seculo eam regerent & erudirer.

Processiones.

Draco.

Apostoli. Inter quos principales sunt Apostoli, quos Dominus nos-
Propheta. ter Iesus Christus misit à latere suo, vt fidem salutis igna-
 ris annuntiarent. Alij sunt Prophetæ, quj per Spiritum
Euange- sanctum ventura prædixerunt, vt Agabus & filij Philap-
listæ pi. Alij sunt Euangelistæ, qui videlicet Euangelij scribendi
Pastores. priuilegium habuerunt. Alij sunt Pastores & Doctores;
& Docto- qui videlicet sanctam Ecclesiam regunt & docent. Bene
res. autem fratres mei, Apostolus nō ait tantum Pastores, sed
 etiam adiunxit Doctores. Apertè demonstrans quoniam
 Prælati sanctæ Ecclesiæ, non tantum Pastores, sed etiam
 Doctores debent esse: vt videlicet quos pascunt exemplo,
 doceant verbo. Quod manifestè contra illos est, qui in
 Ecclesia magisterium assumunt, cum ipsi in sacra scriptu-
 ra cæci sint. Nam iuxta ipsam Veritatem, si cæcus cæcum
 duxerit, nonne ambo in foueam cadunt? Hæ autem Ec-
 clesiæ admirationes, si cum interiori gratia charitatis, cæ-
 terarumque virtutum habeantur, proculdubio magni me-
 riti sunt: alias non iuuant habentes, sed potius nocent.
 Quid enim Iudæ profuit Apostolatus? Quid Balaam &
 Caiphæ prophetiæ? Quid hæreticis profuit Euangelium
 scripsisse? Quid prauis magistris docuisse? Proinde fra-
 tres, nos qui in Ecclesia suscepimus administrationē, ore-
 mus nobis à Deo largiri gratiam interiorem, per quam
 dignè valeamus exterius administrare.

Mat. 15.
Quando ins-
uit Eccle-
sia admi-
nistratio-
nes.

Aposto-
litus.
Prophetia.
Sapientia.

Opus mini-
sterij ad
quid pro-
dest.

Sequitur pars quarta, in qua ostenditur ad quem vsum
 Dominus prædictas gratias hominibus dedit, cum sub-
 dicitur: *Ad consummationem sanctorum in opus ministerij.*
 Ad quem vsum gratias illas dedit, in opus ministerij? Ad
 hoc quippe dedit homini Apostolatū, vt ipse annun-
 tiaret. Ad hoc dedit Prophetiam homini, vt ille futura præ-
 diceret. Ad hoc dedit sapientiam homini, vt ille doceat.
 Quod apertè damnat illos qui in commissæ administra-
 tione desides sunt. Locum Pastoris tenent, & non pa-
 scunt: stipendia prædicatoris accipiunt, & non prædicant:
 volunt vocari Doctores, & non docent. Qui meritò se-
 culari æternæ damnationis succidendi sunt, quia terram
 occupant, & fructum non faciunt. Et opus ministerij ad
 quid prodest? Ad consummationem Sanctorum, & ad
 ædificationem corporis Christi. Vt videlicet per ministe-

rium Doctorum, & electi singuli, in quibus oportet, proficientur, & totum corpus Christi, id est, Ecclesia, in membris ædificatur, ne vel aliquibus membris Ecclesiæ aliquid desit: vel ipsi Ecclesiæ, desit aliquid membrum. Desicientibus enim Doctoribus in Ecclesia, frustrantur electi doctrina: & impletur illud Propheticum, Paruli perierunt panem, & non erat qui frangeret eis. Et Ecclesia ipsa suis membris mutilata est, non habens linguam ad erudiendum, nec oculos ad viam videndam. Dicitur autem Ecclesia corpus Christi, quoniam Christus caput Ecclesiæ est quadam similitudine dictus. Cum enim caput & membra vnius sint nature, tamen caput præsidet, excubat, & regit omnia corporis membra à secretario cerebri sui, ubi est sedes sensuum, sapientiæ, & vigoris: diffundens per medullas beneficia vegetationis & sensus, ad inferiora membra sibi nervis & venis compaginata. Membra verò corporis totius, suo capiti parent & famulantur: capiti pariter & sibi inuicem colligata, sese coadiuvantia & subministrantia sibi. Sic fratres mei, sic Christus, vellet caput nostrum, factus homo, vnius nature nobiscum, præsidet, excubat, & regit omnia membra Ecclesiæ. Et de thesauris sapientiæ & virtutis gratiarumque suarum, infundit in inferiora membra sua sibi fide & dilectione compaginata. Quæ membra Ecclesiæ? id est, omnes quotquot sumus fideles, debemus capiti nostro Christo obedire & famulari, & ei per charitatem compaginari. Aliàs amittimus beneficia gratiæ suæ, & arefacti tanquam nociva membra amputamur à corporis Christi unitate.

Debemus quoque fratres mei, ad inuicem, tãquam vnius corporis membra, per charitatis vinculum colligari, & nos ad inuicem coadiuvare, & alter alteri subministrare. Nunquid enim oculus sibi soli videt? imò & cæteris membris. Nunquid pes se solum portat? imò & cætera membra. Nunquid manus se solam defendit, vel sibi soli necessaria attrahit? Imò & cæteris membris. Similiter vnusquisque fidelis de gratia sibi à Deo data, non sibi soli, sed cæteris Ecclesiæ membris subministret. Sapiens, qui est quasi oculus Ecclesiæ, non sibi soli, imò etiam cæteris fidelibus sapiat & prævideat. Prædicator, qui est lin-

*Doctores
necessarii
in Ecclesia.
Ihren. 4.*

*Sapiens.
Prædicator
107.*

Plebs.

Princeps.

qua Ecclesiae, non se solum, imò etiam ceteros erudiat. Plebs verò inferior, quæ est quasi pes Ecclesiae, non se solum, sed etiam totum corpus Ecclesiae, suis sustentet laboribus. Princeps verò, qui est quasi manus Ecclesiae, non se solum, sed etiam totam Ecclesiam defendat.

Sequitur pars quinta, in qua ostenditur quem finem prædictæ administrationes habere debeant, cum subditur: *Donec ei occurramus omnes in unitatem fidei, & agnitionem filij Dei.* Porro duplex finis hic notatur, & intentionis & cessationis. Ministri quippè sanctæ Ecclesiae hac intentione prædictas administrationes debent administrare, non ut hic ditentur, non ut hic glorientur, non ut hic gulæ & ventri satisfaciant, sed ut cum plebibus suis sibi subiectis irreprehensibiliter possint occurrere Christo ad iudicium suum venienti. Tunc quoque fratres mei, omnis talis administratio cessabit. Tunc enim Sancti non indigebunt corrigi, nec instrui, nec regi ab homine, quos præsentia diuinæ maiestatis illustrabit. Certemus ergo fratres, certemus omni sollicitudine, ut simul Christo venienti irreprehensibiles possimus occurrere, & hoc in unitate fidei & agnitione filij Dei. Duo quippè ponuntur hic, in quibus vera beatitudo animarum cõsummabitur: vnio videlicet mentium & agnitio diuinæ Maiestatis.

Porro tunc non erit fides, quæ umbratilis est, sed potius plenaria omnium scientia. Sed ideò dixit Apostolus, *in unitate fidei*, quoniam illi soli qui hic quantum possunt, fidei verè obseruant unitatem, ad illam plenariam peruenient mentium vnionem. Vbi Sancti cum Deo, & à Deo, in charitate vnientur, ut non nisi vnum & idem penitus velle queant. Vnde & si qua erunt singulorum propria, per charitatem erunt communia. Agnitio verò diuinæ Maiestatis & splendoris, in electis vitæ beatitudinem consummabit. Iuxta quod Dominus ait: Hæc est autem vita æterna, ut cognoscant te Deum verum, & quæ misisti Iesum Christum. Quanta fratres, quanta putatis dulcedo, quanta beatitudo erit, videre illam maiestatem, illum splendorem, in quem desiderant Angeli sancti conspicerere, cuius visio & præsentia, omnem ignorantiam, miseriam, labem, & infirmitatem expellet. Sicut enim ferrum ex propinquitate ignis

ignis ita inflammatur & ignescit, vt non iam ferrum, sed totum videatur ignis: ita spiritus Beati, ex præsentiā diuini splendoris & caloris inflammabuntur, vt non iam creaturæ, sed totæ diuinæ videantur, & hoc fiet in animabus. In corporibus verò occurreremus in virum perfectum, in mensurā ætatis plenitudinis Christi. Tunc enim perfecti erimus in membris, & in decore, & tam in virtutibus quàm virtutibus & in ætate. Vnde & subdit: *In mensura, non quidem stature corporis, sed plenitudinis ætatis Christi.* In plena enim ætate in qua Christus erat, quando passus est, resurrectori sumus. Ad illius igitur resurrectionis ineffabilem beatitudinem fratres, toto desiderio tendamus, spe illius vitam præsentem fastidiamus, spe illius omnia transitoria contemniamus, spe illius omnia dura & aduersa cōplectamur, vitia fugiamus, & bona facere contendamus, dissolui & esse cum Christo cupiamus, vt tandem læti in gloria sua eum videre mereamur; Ipso præstāte qui cū Patre & Spiritu sancto viuit & regnat Deus in secula seculorum, Amen.

IN VIGILIA ASCENSIONIS.

Spleuatis Iesus oculis in cælū dixit: *Pater clarifica filiū tuum, &c.* Dominus & redemptor noster, fratres Ioan. ix. charissimi instante iam sua passione, sudit ad Patrē hanc, quam modò audiuiſtis, orationem. Cæterum cūm filius sit eiſdem auctoritatis & potentie cum Patre, & ea que petebat æquē daturus eſſet, ſicut & Pater, quare poſtulauit à Patre: cūm poſtulare videatur eſſe minoris, impotentisq; perſonæ? Triplici ratione, videlicet vt humiliatatem & humanitatem pro nobis aſſumptam, in qua minor eſt Patre, verē in ſe exprimeret. Vt in hoc ſicut & in cæteris, ſemper Deo patri deferret. Vt nobis exemplum & formā orandi demonſtraret. Nos quoque fratres, Dei & Domini noſtri ſemper ſequentes exemplū, humilitatem, vilitatemq; noſtrā ſemper profiteamur. Nihil nobis, ſed Deo patri omnia attribuamus, fratribus noſtris ſemper deferre ſtudeamus, deuotioni, orationi, que Chriſtianorū inexpugnabile munimentū eſt, nos aſſueſciamus. Sūt autē huius lectionis dux partes. In prima orat Dominus pro ſui clarificatione, In ſecūda pro ſuorū conſeruatione.

HOMILIAE

Mat. 17.

Oraturus igitur Dominus, primò oculos suos ad cœlum subleuat: deinde Patrem inuocat, se etiam filium nominat, & sic demum rogat. Quod ille fratres mei, verius facere potuit, qui oculos cordis sui semper ad cœlum erexit, & verè Deum patrem habuit, & verè se filium exhibuit. Vnde & ei à Patre dictum est: Tu es filius meus dilectus in quo mihi bene complacui. Nos tamen pro modulo nostro eum sequentes, oraturi prius subleuemus ad cœlum oculos cordis, & desiderij nostri, spei, & intèntionis nostræ. Nam qui oculos suos statuerunt declinare in terram, idè non merentur exaudiri. Inuocemus & Deum Patrem, credètes eum pium & paternalem affectum gerere super nos: quod nos primò creauit, postea per sanguinè filij rēcreeauit: quod nos gratis in filios adoptionis generauit, quod nobis cœlestè regnum præparauit, quod super filiorum petitiones exaudiendas pius tanquam Pater sit. Qui enim hæc non credunt, non merentur exaudiri. Exhibeamus quoq; nos quantum possumus, dignos Dei Patris filios. Exhibeamus, inquam, per dilectionem, obedientiam, & imitationem. Qui enim per contemptum & inobedientiam, prauos quæ mores degenerant, à Deo non merentur audiri. Si ergo fratres, oculos intèntionis nostræ ad cœlum leuauerimus, si in Deum Patrem firmiter crediderimus, si nos dignos eius filios pro posse nostro exhibuerimus: tunc securè eum rogare poterimus. Porro rogans Dominus primò exponit petitionem suam, secundò finem, tertio modum, quartò vtilitatem, quintò meritum. Et petitionem quidem suam exponit, cum dicit: *Clarifica filiū tuum*. Verū cum filius Dei in deitate, qua Patri semper est equalis, nec maior, nec sanctior, nec gloriosior esse possit, in ea non petiit glorificari, sed potius vel in humanitate, vel in operum claritate, vel in credentium fide, vel in iudicij potestate. Et quoniam ipse à desiderio labiorum suorum fraudari non potuit, in his quatuor à patre clarificatus fuit. In humanitate quippè clarificauit Pater filium, quando eum resuscitauit: & in carne glorificata eum ad dexteram suā collocauit: In operibus verò eum glorificauit, quando vel ante, vel post resurrectionem, miraculis & virtutibus eum verum esse filium Dei demonstrauit. Vnde ipse

per

Filius à patre in quatuor clarificatur. In humanitate. In operibus.

per vocem de cœlo factam dixit : Et clarificauit, & iterum
 clarificabo. In fidem etiam credentium eum clarificauit:
 quando credentes in eum sanctitate & opere claros fecit.
 Vnde & ipse filius, in sequētib; dicit: Et clarificatus sum
 in eis, videlicet in discipulis. In iudicij verò potestate, eum
 amplius clarificabit, quando ostendet eum iudicem om-
 nium, iudicem saluantem suos, & damnantem reprobos.
 Finem verò petitionis suæ exponit, cū dicit: *Vt filius
 tuus clarificet te*. Significat autē hæc coniunctio, vt, non
 solum consequutionem, sed etiam causam finalem & con-
 sequutionem quidem significat, quomodo cū Pater &
 filius tanquam relatiua sint simul natura & cognitione,
 cognito & clarificato filio, consequens est vt & pater co-
 gnoscatur & clarificetur. Rursus cū pater & filius sint
 substantialiter similes, & in vno simul cognoscatur reli-
 quum, consequens est vt cognito & clarificato filio, cogno-
 scatur & clarificetur etiam pater. Causam verò finalem
 significat, quoniam hoc sine postulat filius clarificari à pa-
 tre, vt in hoc clarificetur pater. Ac si dicat: Pater clarifica
 me ad laudem & honorē nominis tui: In quo fratres mei,
 dat nobis exemplum, vt quicquid volumus & petimus,
 non ad nostram, sed ad laudem & honorem Dei velimus
 & petamus, dicentes cum Psalmista: Non nobis Domine
 non nobis, sed nomini tuo da gloriā. Clarificauit autem
 filius patrē tribus modis: eius nomen hominibus prædi-
 cando, in eius nomine signa & miracula faciendo, ei om-
 nia attribuendo, & ad eum omnia referendo. Quem &
 nos imitantes fratres charissimi, clarificemus quantū pos-
 sumus, nomen Dei, eius gloriam semper prædicando in
 eius nomine bona pro posse nostro faciendo, omnia bo-
 na nostra ei attribuendo, & ad eum referendo. Modum
 quoque clarificationis exponit, cū subdit: *Sicut dedisti
 ei potestatem omnis carnis, vt omne quod dedisti ei, det eis
 vitam æternam*, subaudi, ita esse verum omnibus manife-
 sta. Quod quidē in parte iam impletum est. Manifestum
 enim iam est fidelibus Christum habere à patre potestatem
 omnis carnis, & fidelibus, qui ab hoc seculo migrauerūt,
 iam dedit vitam æternam. In fine verò vniuersaliter om-
 nibus erit manifestum, quādo Iudex apparebit omnium,

Psal. 112.

Filius pa-
 tris clarifi-
 catur tri-
 bus modis.

dans suis vitam æternam, & reprobis pœnam, & tunc plerique pater in filio, & filius clarificatus erit in patre. Potestatem verò dicit Christus sibi à patre esse datam. quoniam quæ erat ei, in quantum est Deus, natura, factum est ei in quantum est homo, gratia. Utilitatem exposcit, cum subiungit: *Hæc est autem vita æterna, ut cognoscant te solum Deum verum, & quem misisti Iesum Christum.* Utilitatem dico non suam, sed nostram. Ipse enim non nostra, ut alius indiget, cui dicit Psalmista: Deus meus es tu, quoniam bonorum meorum non eges. Non enim à nobis credi vel cognosci voluit propter se, sed propter nos. Ipse quippe cum summè beatus esset, non indigebat à miseris cognosci, vel ad miseros accedere. Sed nos cum miseri essemus, indigebamus summè beatum agnoscere, & ad eum accedere, aliàs non poteramus vitam æternam habere. *Quoniam hæc est, inquit, vita æterna, ut cognoscant te solum Deum verum, & quem misisti Iesum Christum.* Porro cognitio patris & filij cum sancto spiritu, duplex est. Prima est in via, altera in patria. Prima est enigmatica, altera aperta. Vtraque tamen suo modo potest vocari vita æterna, quoniam ad vitam æternam ducit. Cognitio verò speciei dicitur vita æterna, quoniam vitam æternam confert. Cognitio quippe & visio diuinæ maiestatis & gloriæ, omnem expellet ab electis miseriam, & omnem eis confert beatitudinem. Visio serenæ & lætæ æris reddit hominem lætum: Quid ergo mirum, si diuinæ maiestatis incomparabilis iucunditas videntem iucundum efficiat? Visio solaris luminis & caloris, homines illuminat & calefacit. Et quid mirum si diuini splendoris & charitatis immensitas, præsentem illuminet & inflammaret? Præsentia fragrantium aromatum quæque, proxima suauiter aromatisat: Quid mirum si diuinæ suauitatis & fragrantie ineffabilitas præsentem aromatiset & delectet? Musicorum instrumentorum melodia, homines delectat audientes: Quid mirum si diuinæ consonantiæ harmonia ineffabilis præsentem alliciat & delectet? Mellis & nectaris dulcedo gustantes delectat: quid mirum si diuinæ bonitatis dulcedo admirabilis, gustantes pascit & delectet? Gustate & videte, inquit Psalmista, quoniam suaui-

Psal. 79.

*Cognitio
patris &
filij cū spi-
ritu sancto
duplex.*

Psal. 111.

suaui-

suavis est Dominus. Et si temporalia ista vilia & transitoria fratres charissimi, sic afficiunt, pascunt, & delectant: quàm incomparabiliter illa diuina iucunditas, ille splendor, illa suauitas, illa dulcedo suos afficiet, pascet & delectabit in æternum? Et quidem comparatio terrenorum ad æternitatem nulla est, sed nos ut possumus magnalia Dei potius balbutimus quàm eloquamur. Quoniam nec oculus vidit, nec auris audiuit, nec in cor hominis ascendit, quæ præparauit Deus diligentibus se. Meritum exponit, cum subdit: *Ego te clarificaui super terram: opus consummaui, quod dedisti mihi ut faciam*. Christus quippè solus verè meruit & mereri potuit. Ad hoc quippè quod aliqua propriè mereri dicatur, duo concurrant, videlicet ut sit auctor operis sui, & ut præ se habeat maiorem, apud quem mereatur. Nisi enim sit auctor operis sui, mereri non potest, quia nemo pro alieno debet opere coronari, nec damnari. Et nisi habeat præ se maiorem, mereri non potest: quoniam nemo meretur si non est à quo præmium præstoletur. Hæc ergo ratione homo vel angelus mereri non potest, quoniam & si habeat præ se maiorem: tamen operis sui auctor esse non potest, quoniam omnium bonorum, quæ ipse fecit, non est auctor, sed tantum minister, quoniam Deus est qui operatur in nobis & velle & perficere. Sed nec Deus pater vel spiritus sanctus mereri potest, quoniam & si sit auctor operis sui, tamen maiorem apud quem mereatur, non habet. Christus quoque solus est, qui in quantum Deus est, auctor operis sui esse potest. Et in quantum homo est, maiorem apud quem mereatur, habet. Christus ergo solus meruit & mereri potuit. Dicuntur autem Sancti mereri, quoniam & si non per se bona operantur, tamen Deo cooperantur. Et ideo cum solum suam opus coronet Deus in nobis, dicuntur tamen pro meritis coronari: diuinam gratiam non nisi propriè merita nostra vocantes. Cum apertè clamet Apostolus, quoniam non ex operibus iustitiæ, quæ facimus nos, sed secundum suam misericordiam saluos nos fecit. Et exponens ergo redemptor noster meritum suum: ait: *Ego te clarificaui super terram*. Non ait in terra, quoniã in illis qui per contemptum mûdi

2fa. 44.
1. Cor. 2.

Rom. 9.

Quomodo
sancti di-
cuntur me-
reri.

Tit. 3.

non

HOMILIAE

non in terra, sed super terram sunt, maximè Deus clarificatur, dum clarificat eos. Sed & ipsa opera, per quæ Deus clarificatur, non terrena, sed potius super terram sunt.

Opus iniunctum consummaui, sed non ex me, quoniam tu ipse es, qui illud mihi iniunxisti: ut illud facerem, mihi dedisti. In quo confunditur illorū superbiis, qui opus suū ex libero arbitrio, & ex propriis viribus se duxisse ad effectum opinantur. Filius Dei dicit sibi datum esse à patre, ut faceret quod fecit: & tu vermis insolens dicis te ex te fecisse quod fecisti. *Et nunc, inquit, clarifica me tu pater apud te met ipsum;* Ac si aperte dicat: feci quod iniunxisti: reddo premiū quod merui. *Clarifica me apud te met ipsum;* me scilicet per resurrectionem glorificando, & ad dexterā tuam collocando. *Claritate, inquit, quam habui antequā mundus fieret, apud te:* id est, claritatem, quam semper habui & habeo apud te, me habere hominibus declarā. *Manifestaui nomen tuum,* nomen scilicet paternitatis tuæ.

Nam nomē diuinitatis aliquibus notum fuerat, sed quod haberet filium sibi consubstantialē, notum non erat: *Quibus? hominibus quos dedisti mihi de mundo,* id est, illis quos de massa præuariationis segregatis, per fidem mihi coniunxisti. *Tui, inquit, erant electione, & mihi, eos dedisti,* vocatione. Cū filius possideat omnia eadē auctoritate cum patre, tamen in omnibus deferens patri, dicit patrem dedisse sibi tanquam homini, vel etiam tanquam filio. Quoniam quemadmodum per natiuitatem Deus ex Deo, ita est habens ex habente.

Sequitur pars secunda, in qua filius interpellat patrem pro suorum conseruatione. Primò eorum meritum ostendeb, postea per eis orando. Porro meritū eorum ostendit cū subdit: *Et sermonem meum seruauerunt.* In quo demonstrat nobis fratres mei, quod si volumus cum interpellare pro nobis apud patrem, eius sermonem obseruemus: quoniam qui filij sermonem aspernantur, frustrā eum apud patrem intercessorem præstolantur: quoniam sermo filij ex patre est. Vnde & subdit: *Et non cognouerunt quia omnia quæ dedisti mihi, sunt abs te.* In quo etiam illud intelligi datur, quoniam sicut mandata non obseruantur, nisi prius cognoscantur: ita nec perfectè possunt cognosci.

cognosci, nisi prius obseruentur. Obseruando quippè Euangelium, meremur vt ad interiorè eius intelligètiā penetremus, & vt illud non ab homine, sed à Deo esse cognoscamus. Vnde Propheta: *A mandatis tuis intellexi*, *Psalm. 118.* Inde est quod qui negligunt Euangelium, illud non intelligunt: Et propter simplicitatem Euangelici sermonis illud non esse à Deo, sed à simplicibus hominibus inuentū putant. Cæterū, ne discipuli blandirentur sibi, putantes se vel obseruationem, vel cognitionem diuini sermonis à se habuisse, addit: *Quia verba quæ dedisti mihi, dedi eis*, non solum in aure corporis, sed etiam in aure mentis. Sed etiam in hoc quod dicit non sua, sed patris verba eis dedisse: confundit illorum præsumptionem, qui non de diuina doctrinā, sed de suo sensu præsumūt populis annuntiare: Cū dicat Dominus Propheta: *Et tu annuntiabis eis ex me. Et ipsi, inquit, acceperunt.* Ac si dicat, & si omnino eis gratis datum est, tamē in hoc quod gratanter acceperunt & retinuerunt, meruerunt. *Et cognouerunt, inquit, quia à te exiui:* vel per æternam natiuitatem, vel per incarnationem. Et ne videretur iam percepisse illam apertam cognitionem, quæ erit in futuro, exponens, dicit: *Et crediderunt verè quia tu me misisti;* id est incarnari constitūisti. Postea orans pro discipulis suis ait: *ego pro eis rogo*, non pro mundo, videlicet pro cōseruatione eorum. Et non tantū pro eis (vt post exponit) sed etiā pro eis qui credituri sunt per verbum eorum in me. In qua ratione fratres mei, etiam pro nobis orauit; si fidem & doctrinam Apostolorum sectamur. *Non pro mundo, inquit, rogo,* id est pro amatoribus mundi. Quid est Domine Iesu, quod dicis? Nōne tu pro peruersis hominibus & pro inimicis nostris tu nos orare præcepisti? Nōne tu pro peruersis hominibus & amatoribus mūdi, id est pro illis qui te crucifixerunt, ne amitterent locum & gentem, orasti dicens: *Pater dimitte illis, quia nesciunt quid faciunt?* Vtique. *LUC. 23.* Sed pro illis quos in præsentia sua ab amore mundi ad amorē Dei nouerat conuertendos, rogauit. Sed nos fratres, pro quibuscumque peruersis rogamus, quia cū conuertere omnes possint, tamē qui sunt cōuertendi, vel qui non, ignoramus. *Sed pro eis, inquit, quos dedisti mihi, id est,*
quos

quos ab amore mundi segregans, meos per fidem & charitatem fecisti. Et tuum est Pater mi, exaudire me pro eis orantem, *quia tui sunt*, non solum possessione, quemadmodum dicitur: Quia Domini est terra & plenitudo eius, nec solum ministerio, quemadmodum dicitur: quia tribus Levi Domini est, sed etiam tui propriæ æternæ prædestinatione, electione, & dilectione. Et ne viderentur illi iam non esse patris, idè quia dati à Patre ipsi Filio subdit: *Et mea omnia tua sunt, & tua mea sunt*. Nec mirum, si in dominatione & possessione vnum sint, qui voluntate maiestate & substantia vnum sunt. In quo nobis demonstratur carnales quoque fratres, patres & filios, sicut sanguine, ita amore & possessione vnum esse debere Patremque abundantem, Filio mendicantem: vel filium abundantem, patre mendicante pariter condemnari. *Et clarificatus sum*, inquit, *in eis*, id est in eis quos dedisti mihi, quos fide & operibus atque vita clarificaui, clarificatus sum. Clarifica quoque & nos, quæsumus Domine Iesu Christe, ut & tu in nobis sanctificeris. Sanctifica, inquam nos, ut & tu in nobis sanctificeris. Clarifica opus tuum: ut in eo clarus artifex appareas. Sanctifica seruos tuos, ut in eis clarus Dominus appareas. *Et iam*, inquit, *ego non sum in mundo*. Quare? quoniã per passionem, resurrectionem, & ascensionem ad te venio. *Et hi*, inquit, *in mundo sunt*, id est in mundanis tribulationibus sunt diutius permansuri, quia ad Euangelium prædicandum necessarii sunt. Et idè pro eorum conseruatione ego te rogo. Roga quoque Patrem Domine Iesu Christe, pro nobis, qui adhuc in hoc nostro mundo sumus, qui hic à malignis spiritibus infestamur, à propriis concupiscentiis superamur, à mundanis tribulationibus quassamur: iamque periclitantes clamamus ad te, qui iam in hoc mundo nõ es, qui iam ad dexteram Patris coæqualis resides, qui spiritus, carnem, tempestatesque in manu habes, te adiutorẽ semper inuocamus, ad te sint semper oculi nostri ne pereamus: spiritibus impera, carnem signa, tempestates seda, ad te nos guberna, ut semper te videre & benedicere mereamur vnum Deum cum Patre & Spiritu sancto per omnia secula seculorum.

Amen.

IN ASCENSIONE DOMINI.

Primum quidem sermonem feci de omnibus (à Theophile) quæ cepit Iesus facere & docere, usque in diem qua præcipiens Apostolis per Spiritum sanctum, quos elegit, assumptus est; &c. Evangelicam & Apostolicam historiam fratres charissimi, scripsit Lucas Evangelista, rogatus Theophili viri religiosi. Vade transiens de vna ad alteram primò transitu vitur, in quo dicta dicentis continuat; secundò, prædicta breuiter epitogat; tertio, ab Ascensione Domini Apostolus historiam inchoat. Vtens igitur Primitus transitu ait: *Primum quidem sermonem feci de omnibus, à Theophile.* Vocat autem primum sermonem Evangelium. Primum: & quantū ad ordinem scribendi, & quantū ad dignitatem. Præcellit quippè Euangeliū dignitate suæ materiæ, omnibus scripturis tam veteribus quàm nouis. Sermo autem dicitur à sero seris, Euangelium autem dicitur sermo, quoniam seritur in cordibus fidelium. Vnde & iuxta Evangelicam parabolam Verbum Dei semen bonum dicitur: quod eū cadit in bonam terram, facit fructum, aliud quidem tricesimum, aliud sexagesimū, aliud centesimū. Vtinam fratres charissimi, Christus seminet hodie semē Euangelij sui in corda vestra per os nostrum, & faciat illud fructificare in vobis fructum centuplum, qui solus potest. Quoniam neque qui plantat, neque qui rigat aliquid est: sed qui incrementum dat Deus. De qua verò materiā fecit sermonem, ostendit eū subdit: *De omnibus quæ cepit Iesus facere & docere.* De operibus enim & doctrina Christi totū Euangelium contextū est. Omnis enim Christi operatio & eruditio, animæ Christianæ estibus & informatio. Quando enim Christus tacebat, instruebat operando. Et quando non operabatur, instruebat & docebat. Ordo quoque congruus est. Primò enim cepit facere, & postea docere. Et quod prius ostenderat exemplo, post ostendebat verbo. Dans exemplum discipulis & prædicatoribus suis, eundem ordinem obseruandi. In quo mea, & mei similitum cōfunditur præsumptio, qui multa vobis prædico, quæ tamen non facio. Sed vtinam fratres, per vestras orationes ipsa cōfusio generet in me pudorem, pudor correctionem, correctio emendationem,

ad. 2.

1. Cor. 3.

Facere &
docere.

Joan. vii.

tionem, ut quod prius non feci, saltem postquam prædicauerim, facere incipiam. Et quid est fratres quod ait Euāgelista. Quare fecit sermonem de omnibus quæ cœpit legere facere & docere. Et quis hoc possit, præsertim cum dicat Ioannes Euangelista, quod si opera Christi per singula scribantur, non arbitror mundum capere qui scribendi sunt libros. Sed puto fratres, quia cum ait omnibus, non ad singula generum, sed ad genera singulorum referendum est. Et si enim nō de omnibus omnia saltem de omnibus aliqua scribere potuit. Scripsit quippe de operibus, de prædicationibus, de itineribus, de passionibus Christi, & de cæteris quæ necessaria erant humanæ salutis. In quo terminauerit primum sermonem, ostendit, cum dicit: *Uscue in diem qua præcipiens Apostolis.* Et quid præcipiens? Quod Apostoli post eius ascensionem facere deberent. Quod verò ait: *per Spiritum sanctum:* ad utrumque, siue Apostolorum electionem, siue ad eius ascensionem referri potest. Vtraque enim per Spiritum sanctum impleta est. Sequitur pars secunda, in qua Lucas prædicta recapitulat, dicens: *Quibus & præbuit seipsum diuinum.* Qui sunt illi? Illi soli quos elegit. Nam alii non fuerunt digni, quibus Dominus se rediuuum exhiberet: Præbuit autem seipsum rediuuum diuina potestate, quam cum Patre & Spiritu sancto habet communem. Iuxta quod ipse prædixerat: Potestatem habeo ponendi animam meam, & iterum sumendi eam: Qua potestate omnes defunctos exhibebit rediuuos, post passionem suam propriam, & omnibus aliis dissimilem. Ipse enim solus nostra peccata, non sua tulit super lignum. Per dies quadraginta apparēs eis. Quare fratres charissimi. Christus non statim post resurrectionem, sed post multos dies ascendere voluit in cœlum? Ut per frequentem apparitionem, fidem resurrectionis in Apostolis confirmaret. Et quare post quadraginta dies? Ut discipulos, quos per quadraginta horas mortuus mœlificauerat, per totidem dies rediuius lætificaret, iuxta quod eis promiserat, quod tristitia eorū verteretur in gaudium. Simul etiam, ut per Sacramentum quadragenarii, qui ex decē per quatuor multiplicatus perficitur, impletionem decalogi per Euāgelium in eis se perfecturum signi-

Joan. 10.

1. Pet. 3.

Joan. 10.

*Argumen-
tum quid.*

significaret, Apparuit autem in multis argumentis. Argumentum est ratio rei dubiæ faciens fidem. In multis verò argumentis apparuit, quoniā multis probationibus fidem suæ resurrectionis in eis cōfirmavit. In hoc videlicet quod se obtulit ad videndum, ad audiendum, ad conrectandū: quod iuit & rediit inter eos, quod loquutus est, quod comedit & bibit. Vnde Ioannes & audacter & aperitè loquitur. Quod fuit, inquit, ab initio: quod vidimus & audi- uimus, & manus nostræ conrectauerunt. Et quæ fratres, mei, quæ resurrectionis ambiguitas post tanta probatio- num argumenta in cordibus discipulorum potuit rema- nere? Ad hoc etiam facit quod subditur: *Et loquens de re- gno Dei*. Sicut enim semper ante passionem suam de re- gno Dei loqui consueuerat: ita & post semper de eodem loquebatur. Vnde & in similibus verbis, similiq̃ bene- dictione & fractione panis à duobus discipulis in Emaus agnitus est. In quo omnibus, & præcipuè illis qui in Ecce- sia locum eius tenent, exemplum relinquit, vt nunquam de vanis, nunquam de otiosis, nociuisq; sermonibus, sed semper de regno Dei, & de hīs quæ ad illud spectant, lo- quantur.

1. Ioan. 1.

Luc. 24.

Sequitur pars tertia, in qua historiam dominicæ Ascen- sionis largius prosequitur, subdens: *Et conuescens præcep- tit eis, &c.* Pensemus fratres quantæ dulcedinis fuit hoc hodiernum & extremum conuiuium. Fuit quippè conui- uium charitatis, conuiuium gaudij, conuiuium eruditio- nis. Sicut enim aliquis paterfamiliās peregrè profecturus, extremum conuiuium suis amicis & familiaribus conuo- catis, cum eis carius celebrat, & quomodo res suas ordina- re debeant, eis mandat. Ita summus Dominus dulcius & tenerius extremum conuiuiū cum suis celebrauit, & quid agere deberēt eis præcepit. Vnde & subditur: *Præcepit eis ab Hierosolymis ne discederēt, nec à loco, nec à significato discederēt, scilicet à communitate & communione, ne di- scederent à visione & desiderio pacis: sed expectarent pro- missionem Patris*: Quæ utique promissio & mea est: quia eam audistis, inquit, *per os meum*. In quo monemur & nos fratres ne à communione Ecclesiæ recedamus & pa- cis, si Spiritus sancti gratiā in nos aduenire desideramus.

*A cōmu-
nitione Ec-
clesiæ non
receden-
dum.*

HOMILIAE

In diuifis enim & in inquietis cordibus non poteft habi-
tare Spiritus fanctus. Quas autem gratias per Spiritū san-
ctum erant accepturi, fequenter oftendit, emundatio-
nis fcilicet virtutem, & teftificandi audaciam. Et de emun-
datione oftēdit, cūm fubdit: *Quia Ioānes baptizauit aqua,*
subaudis fola. Vos autem non poft multos hos dies bapti-
zabimini Spiritu fancto, peccata fcilicet ueftra à vobis
emundante, & ignorantiam ueftrā illumināte. Quia verd
quidā Iudæi audierant eum loqui de regno Dei, & de im-
pletionē promiffionis Patris: Interrogant eum, fi in tem-
pore hoc reftitutus efferet regnum Iſraël, temporale. ſ. &
mundanum, quod adhuc expectāt Iudæi venturum: non
memores, quia Dominus reſpōderat Pilato, regnū ſuum
non eſſe de hoc mūdo. Quorum ſimplicitatem Dominus
Ioan. 18. redarguit dicens: *Non eſt ueſtrum noſſe tempora, &c.* ſci-
licet ventura: *vel mōmenta*, id eſt, venturas rerum muta-
tiones: *Quæ pater poſuit in ſua poteſtate*. In quo illos ma-
niſeſtē damnat, qui tempora, & euentus futuros per au-
guria, & ſortilegia, atq; diuinationes inquirūt. Hoc enim
facinus eſt magnum, & tam in veteri quā in nouo teſta-
mento prohibitū. Et qui hoc faciunt, duplex damnum in-
currūt, & hīc deceptionē, & in futuro damnationē. Dein-
de ſecundam gratiam, quam Spiritus fanctus erat eis col-
laturus oftendit cūm ſubdit: *Sed accipietis virtutem Spi-*
ritus fancti, ad duplicem ſcilicet uſum, ad ueſtri ſanctifica-
tionem & ad ſignorum, miraculorumque oſtenſionem.
Tertiam quoque gratiam ſubiungit cūm dicit: *Et eritis*
mibi teſtes, bene viuendo, audacter nomen meum prædi-
cando, mirabiliter operando, fortiter pro me moriendo.
In omni Iudæa & Samaria, & uſque ad extremum terræ.
Quaſi diceret: Salutem quam operatus ſum in medio ter-
ræ, prædicabitis primò domeſticis, deinde vicinis, poſtea
remotis & extremis. Vtinā fratres mei, & in nos ſpiritus
fanctus deſcendens, dat nobis & peccatorum emundatio-
nem, & virtutum ſanctificationem, & prædicandi fortitu-
dinem & audaciam: vt abiecta terrena cupiditate & for-
titudine, verbum Dei coram Regibus & tyrannis & ini-
quis conſtantes prædicemus. *Et cūm hoc dixiſſet*, ſubau-
di, & reduxiſſet eos in montem Oliueti. Ob hoc quippè
fra tres,

*Quare fit
processio
in die As-
cenſionis.*

fratres, hodie solennis procellio rectè fit ad memoriã illius processiois, quam hodie redemptior noster in mō- tem Oliueti fecit: Qui discipulis suis chara pacis oscula reliquens, & eis benedicens: *videntibus illis eleuatus est*, vt visam eius ascensionem testificari possent. Sed à quo eleuatus est? Nunquid fratres mei Dominus tanquã impotens, auxilio indigebat alieno, quo eleuaretur, sicut Enoch, qui legitur translatus: Et sicut Helias, qui legitur curru transportatus? minimè. Illi enim tanquam puri homines, nec etiã per cœlum ac: cum in paradysum terrenam, per se transire poterant, sed redemptor noster tanquam verus Deus, se in cœlum empiricum, sua eleuauit potentia. Eleuatus est igitur ipse homo, à se Deo. *Et nubes suscepit eum ab oculis eorum*. Porro hæc nubes tulit ei non adiutoriũ, sed ministerium. Elementa quippè suo creatori famulantur. Marmor montis vnde Dominus ascendit, seruat vsque hodie vestigia pedum eius tanquam ceræ impressa. Quod vt pauimentum, ferrum non sinit sibi apponi, sed repellit. Nubes, id est, aer condensatus, tanquam baiulus eum suscepit. Cœli cœlorum tanquã Dominum eum susceperunt. Rationalia animalia, id est, Angeli & homines, visam sui Domini ascensionem testificantur, pariter & admirantur: Vnde & subditur. *Cumque intuerentur in cœlum euntem illum*, &c. Quæ causa fratres mei extitit, quod discipuli tam attentè Dominum contemplantur ascendentem? Multiplex: Amor, tristitia, gaudium, admiratio, desiderium, spes. Amor, quia quantum possumus amata concupiscimus. Sicut enim amici amicum, transietantem, quamdiu possunt, de specula prospiciunt: & quando amicum videre non possunt, prospiciunt nauem. Ita discipuli amantissimum Dominum ascendentem contemplati sunt, quamdiu potuerunt. Et quando ipsum iam non poterant contemplari, contemplantur nubem: Et quando nec iam nubem poterant contemplari, contemplantur viam. Tristitia, quoniam de eius corporali recessu, quem adeò diligebant, non poterant non contristari. Gaudium, quoniam de glorificatione & exaltatione eius, quem adeò diligebant, ineffabiliter gaudebant. Admiratio, quoniam supra modum

admirabantur humanā naturam primò sic humillimam, modò super omnes cœlos sic sublimatā. Desideriū, quoniam desiderabant eū toto affectu subsequi, & si corpore in terra retinebantur, tamen cum mente in cœlum sequebantur, & cum eo in cœlo simul habitabāt, Spes, quoniā sperabant quo suum & summum caput præascenderat, se inferiora membra consensuros. Et dum hæc fiunt: *Ecce duo viri*, id est, angeli in specie virorum. Duo, ut in ore duorum vel trium testium staret omne verbum. *Assisterunt*, ut se comministros ostenderent. *Iuxta illos*, ut videlicet homines per ascensionem Christi iam sibi adæquatos & appropriatos, demonstrarent. Unde & de cætero se ab hominibus nō permittunt adorari, *qui & dixerūt: Viri Galilæi, quid statis aspicientes in cœlum?* quasi stupidi & per excessum in cœlum rapti? viri autem vocantur, quoniam virtutibus viriles erant. Galilæi dicuntur, quoniam spe & desiderio ad cœlum transmigrabant. Stantes verò erant. Quoniam ad sequendum Dominum suū mente iam parati erant: *Quid statis aspicientes in cœlum?* Hæc interrogatio non est inquirentis vel increpātis, sed potius erudientis, hoc est quod sequitur. *Hic Iesus qui assumptus est à vobis in cœlum.* Quasi dicat, non expectetis nūc eum redditurum vel nunquam. Veniet eum non in præsentiarum, sed in fine ad iudicium. *Veniet autem sic, quemadmodum vidistis eum euntem in cœlum*, id est, ita apertè, ita gloriôsè, ita cum nubibus, ita cum ministerio angelorum, ita vobis dulcis & lætus. Quem ut nos quoque cum ipsis læti & securi videre mereamur: simus interim sicut & ipsi viri spiritualibus virtutibus, simus Galilæi, spe & desiderio ad cœlestia transmigrantes, simus stantes & parati ad eum sequendum. Simus quoque aspicientes in cœlum plus oculis mentis quàm corporis, terrena omnia despicientes, omnem sordem euitantes, mente tota iam cum Christo in cœlestibus habitātes. Appropriemus quātum possumus mente ad eum, vita & desiderio atq; operibus: Ut tandem læti ad eum contendamus ipso duce, qui hodierna die ascendens in cœlum, sedet ad dexteram Patris, cum eo & Spiritu sancto viuens & regnans in æternum. Amen.

Viri Galilæi.

IN ASCENSIONE DOMINI.

Mar. 16.

Nouisimè recumbentibus vndecim discipulis, apparuit illis Iesus. Historiam Dominicæ Ascensionis, fratres charissimi, quæ die celebrata est hodierna, exponit in prælibata lectione Marcus Euangelista. Distinguitur autem lectio illa capitulis sex. Primò Dominus apparet discipulis suis: Secundò eos increpat: Tertiò eos instruit: Quartò opem promittit: Quintò in cælum ascendit: Sextò, ostenduntur discipuli Domino paruisse, ipso cooperante. Describit igitur primùm Euangelista Dominum apparuisse, cum dicit: *Novissimè recumbentibus, &c.* Porro novissimè, id est, quadraginta dierum, novissimo die, id est hodierno, Dominus apparuit vndecim discipulis suis recumbentibus cum beata virgine, cæterisque simul cum eis conuersantibus. Nec solum eis apparuit, sed etiam teste alio Euangelista, cum eis manducat. Sed quare fratres mei, Dominus mox in cælum ascensurus, cum non indigeret, manducauit? Ob tres causas. Vt per comestionem veritatem carnis suæ, quam in cælo sublimaturus erat, demonstraret. Vt mox recessurus dilectis suis desideratam suæ præsentis copiam, in extremo largius exhiberet, ut charitatis dulcedinisque suæ memoriam in suorum pectoribus per extremi familiaritatem conuiuii arctius infingeret. Pensamus ergo fratres, quantæ pietatis, quantæque dulcedinis fuerit istud extremum cõuiuium hodiernum. Quemadmodum namque aliquis paterfamilias peregrè profecturus, suisque vale facturum, suos amicos & familiares conuocat: cum eis extremum cõuiuium celebrat, eis maiorem in fine dilectionem demonstrat, eum de rebus suis ordinat. Ita facit hodie Dominus & redemptor noster in cælum ascensurus cum chara matre, charisque discipulis suis extremum conuiuium celebravit, eis maiorem in fine dilectionem exhibuit. Quid post ascensionem suâ agere deberent, præcepit, ut sequentiâ demonstrant.

Luc. 14.
Quare Christus in cælum ascensurus manducauit.

Sequitur pars secunda, cum subditur: *Exprobrauit illis incredulitatem illorum & duritiam cordis: Quia his qui viderant eum resurrexisse à mortuis, non crediderant.* Exprobrare est vitium alicui impropere. Porro impropere

Exprobrare quid

quidam palam alicui, quem non diligunt, vitium suum, causa odij & diffamationis, quod non bonum, imò maximum malum est. Ceterum qui Domini vult exemplum sequi, exprobrat peccatori vitium suum familiariter, sola charitatis, correctionisque causa. Exprobratio namque palam facta, quoniam non ex fonte charitatis, sed odij videtur manare, peccatorem non emendare solet, sed potius prouocare. Sed exprobratio seorsum facta, quia de bono zelo procedere videtur, peccatorem nobis amicat & emendat. Sanè non omnis qui aliquid non credit, incredulus est: sed ille verò nomine incredulus dici potest, qui non credit quod credere debet, præsertim cum sufficiens testimonium habeat, cui iure fidem debeat adhibere.

Quales fuere quidam discipulorum, qui Dominum verè resurrexisse non credebant, licet alij discipuli, qui Dominum iam rediuium viderant, tractauerant, & cum eo manducauerant & biberant, eis Dominicè resurrectionis sufficiens testimonium ferrent. Tales quoque sunt vsque hodie miseri Iudæi, qui nec propter suorum Prophetarum, nec propter Apostolorum & Euangelistarum, nec propter signorum, miraculorumque testimonia, Dominicam credere volunt resurrectionem. Nascitur autem talis incredulitas ex cordis duritia, quod nulli credere vult nisi sibi, putans omnes præter se aut deceptos aut falsos esse.

Sed fratres mei, sicut stulta credulitas est cuilibet credere: ita praua incredulitas est nulli credere. Vnde Ioannes,

Nolite, inquit, omni spiritui credere, sed probate spiritus an ex Deo sint, quasi diceret: Postquàm probaueritis quòd spiritus ex Deo sint, eis fidem adhibete. Sed fratres mei,

quare Dominus electos discipulos suos permisit de sua resurrectione tamdiu dubitare? Non hæc frustra, sed pro-

vida & utili nobis hæc permisit dispensatione. Plus nobis quippè profuerunt illi qui tardè & vix crediderunt, quàm illi qui statim crediderunt. Creduli nempe facile credunt,

etiam rei nondum probatæ. Increduli verò e contra, rei multis modis probatæ vix credere volunt. Quis ergo non credat, quod etiam increduli non credere non potuerunt? Quis non credat quod Thomas incredulus, visu proprio, & attestatu manus diligenter credere com-

pulsus

Incredulitas nascitur ex cordis duritia.

1. Ioan. 4.

Quare do-

minus ele-

ctos disci-

pulos per-

misit de

sua resur-

rectione

dubitare.

Creduli.

Increduli.

pulsus est? Quis non credat, quod Paulus incredulus & fidei persecutor, à Domino sibi loquente prostratus, excatus, & post ab eodem reilluminatus credere coactus est? Credamus ergo fratres, absque dubitatione, quod etiam increduli crediderunt, & agamus Deo gratias, qui idè discipulos suos dubitare voluit, ne nos dubitaremus: idè eos ad tempus incredulos esse voluit, ne nos increduli essemus.

Sequitur pars tertia, in qua Dominus discipulos suos, quid post ascensionem suam agere debeant, instruit, dicens: *Ite in urbem vniuersam, & prædicate Euangelium omni creaturæ, &c.* Discipuli prius à Domino electi & edocti, post ad prædicandum missi sunt. In quo confunduntur illi, qui antequam doceantur, docere & prædicare præsumunt, antequam sint discipuli, fiunt magistri.

Confunduntur quoque & illi, qui nec vocati, nec missi, sua auctoritate magistrare & prædicare præsumunt, non attendentes quod ait Apostolus: Quomodo prædicabunt, nisi mittantur? *Ite, inquit, in orbem vniuersum.*

Rom. 10.

Ecce fratres, quàm magnus ager, quàm paucis colonis traditur ad colendum. Et reuera Dominus alibi dicit: *Mensis quidem multa, operarij autem pauci.* Propterea prohibetur eis, ne aliquid ferant in via, & ne aliquem saluenti vt videlicet expedite & sine cunctatione proficiscantur, & iniunctæ prædicationis officium festinanter prosequantur. Sed & in hoc nobis sequacibus prædicatoribus proponitur exemplum, ne nos oneribus seculariù negotiorum oneremus: ne fabulationibus & vaniloquiis tempus consumamus, sed expedite & festinanter officio prædicationis insistamus. *Prædicate, inquit, Euangelium, non aliam doctrinam.* In quo confunduntur illi, qui omiſſa Evangelica doctrina, ex se & aliena noua præsumunt populis prædicare: cùm dicat Dominus per Prophetam: *Annuntiabis eis ex me.* *Omni creaturæ*, id est, homini, propter què omnis creatura facta est, in quo omnis creatura per naturarum participationem contenta est. Habet enim esse cum lapidibus, viuere cum arboribus, sentire cum pedibus, discernere cum Angelis. Itaque fratres, quoniam propter excellentià omnis creatura vocatur: Dominum

Luc. 10.

Ephe. 2.

Psal. 48.

quod ex natura super creaturas habemus moribus vendicemus, dominemur rebus temporalibus per rectū vsum, rectamque dispensationem: non subdamus nos turpiter illis, vt quidam faciunt, per cupiditatem & avaritiam: de cuiusmodi scriptum est: Homo cū in honore esset, non intellexit, comparatus est iumentis insipientibus & similis factus est illis. Quam autem acquiescentes prædicationi vtilitatem consequantur, ostenditur cū subiungitur: *Qui crediderit & baptizatus fuerit, saluus erit.* At dicit aliquis: Ego credo & baptizatus sum, ergo saluus ero.

Eule. 34.

Iacob. 2.

Tit. 1.

Verum frater, dicis: si tenes pactum quod in baptismo pepigisti. In baptismo quippè promissisti te abrenuntiaturum diabolo, pompis, & operibus eius. Si autem ad opera diaboli relapsus es, pactum fregisti, & fides & baptismus tibi inutilis factus est. Scriptum est enim: Qui baptizatur à mortuo, & iterum tangit illum, quid prodest ei lauatio eius? Fides quoq; reſte Iacobo, sine operibus mortua est. Paulus etiam de credentibus & opera fidei non facientibus, ait: Conſitentur verbis se noſſe Deum, factis autē negant. Itaque fratres mei, si verè creditis, & pactum baptismi inuiolatū tenetis, proculdubio salui eritis. Si autē baptismi, fideique pactum rupistis, festinate fratres, festinate per lachrymas poenitentiae illud quamocius renouare, quoniam diuina misericordia, nec etiam illis salutem denegabit, qui post lapsum per veram poenitentiam resurgunt.

Quid verò non acquiescentes prædicationi conſequatur, ostenditur, cū subditur: *Qui verò non crediderit, condemnabitur.* Non autem ait, qui non crediderit, nec baptizatus fuerit. Quoniam sine fide, nec baptismus, nec opera profunt. Tria ergo fratres mei, sunt ad habendum, nobis adultis necessaria, fides, baptismus, & opera. Quorum vnum sine reliquis nihil potest valere nobis.

43.3.

Sequitur pars quarta, in qua Dominus promittit prædicationem discipulorum se per signa confirmaturum, dicens: *Signa autem eos qui crediderint, hæc sequentur: In nomine meo demonia eiicient, ab obsessis scilicet corporibus. Linguis loquentur nouis, id est, variis, & inauditis: de quibus in actibus Apostolorum legimus: Nonne omnes isti qui loquuntur Galilæi sunt? Et quomodo nobis audi-*

audiuimus vnusquisque linguam suā in qua nati sumus? Parthi & Medi, &c. *Serpentes tollent.* Sicut legimus de beato Hilario, quod eo viso serpentes in fugam conuersi sunt, non tolerantes eius aspectum. *Et si mortiferum quid biberint, non eis nocebit.* Sicut legimus de B. Ioanne Euangelista, qui venenum quo alij extincti erant, bibit: & non solum illæsus mansit, sed etiam extinctos suscitauit. *Super ægros manus imponent, & bene habebunt.* Sicut legimus de B. Petro, qui non solū tactu, sed etiam vmbra sua infirmos sanauit. Sed nunquid fratres mei, nos qui nūc hæc signa nō facimus fideles non sumus? aut si fideles sumus, quare hæc signa non facimus? Quoniam signa & prodigia propter incredulos data sunt, vt per ea ad fidem adducerentur. Teste Doctore gentium, quoniam linguæ datæ sunt in signum non fidelibus, sed infidelibus. Quoniā igitur in primitiua Ecclesia necessaria erant miracula, operabatur Dominus multa miracula, etiam per quosdam solo nomine Christianos, Quibus in fine dicētibz: Nōne in nomine tuo dæmonia eiecimus, multasque virtutes fecimus? dicturus est Dominus, nescio vos. Nunc verò quoniam fides per vniuersum mundum excreuit, quoniam signa inter fideles non sunt necessaria, multi sunt, qui corā Deo interioribus coruscant virtutibus, & tamen exterius miracula non operantur. Plantas quippè nouellas irrigamus, eisquē adultis cessamus. Sic nouellā Ecclesiā miracula nutrierūt, ea confirmata cessauerunt. Ceterū fratres, licet exteriora signa nunc non operemur, tamen opitulāte Deo, spirituales virtutes, quæ hīc nō tantā habēt gloriam, & idē maioris sunt meriti, possumus operari. In nomine quippè Christi spiritualiter dæmonia eiecimus, si orationibus, correctionibus, atq; exhortationibus, peccatorē à dominio diaboli & peccati liberamus, & Deo lucrificamus. Linguis loquimur nouis, si vetustate mendacij, detractionis, adulationis, vaniloquij, cæterorūq; vitiorū exuta, nouis & puris laudibz, Deū laudamus, & sanctis, nouisq; sermonibz impios corripimus & docemus. Serpētes tollimus, si quantū possumus, malitiā serpentinā à cordibz malitiosorū, increpationibus, minis, & promissis, eliminamus: vel certē ne noceāt alijs, repulsamus. Mortiferū bibimus,

*D. Hilarius.
D. Iohannes.*

In primitiua ecclesia necessaria erant miracula.

HOMILIAE

& nobis non nocet, cum audientes detractionem & malitiam, nequaquam acquiescimus, sed potius repellimus & increpamus. Super ægros manus imponimus, & bene habent, cum nobis super infirmos animos & dolentes, manum consilij & auxilij adhibentibus, conualescunt & confortantur. Huiusmodi virtutes, fratres charissimi, æmulemur, & habere cupiamus, quæ sanctitatem efficiunt potius quam exteriora miracula, quæ sanctitatem non efficiunt, sed tantum ostendunt. Ioannes quippe Baptista, quo maior, teste Domino, de muliere non surrexit, testantibus Iudeis, nullum signum fecit, qui tamen nulla virtute caruit.

Sequitur pars quinta, cum subiungitur: *Et Dominus quidem Iesus postquam loquutus est eis: subaudis, & eos eduxit in montem Oliueti, eisque osculum pacis & benedictionem dedit. Assumptus est in cælum, non auxilio alieno (vt Enoch & Elias) sed ipse homo à se Deo assumptus est. Nec in cælo tantum aëreo, vt Enoch & Elias, sed potius in cælum, imò super cælos, super Cherubin & Seraphin, superque omnem creaturam. Vnde Propheta: Psal. lite, inquit, Domino qui ascendit super cælos cælorum ad Orientem. Super enim cælos cælorum Dominus ascendit, qui omnem altitudinem sibi subiecit. Ad Orientem vero ascendit, qui ad illam æternam & inaccessibilem lucem, de qua omne lumen oritur, hodie corporaliter venit. Et sedet, inquit, à dextris Dei. Sedere fratres mei, quiescentis, regnantis, & iudicantis est. Bene ergo Redemptor noster post passionem, ascensionemque suam sedere describitur: quoniam post laborem requiescit, post prælium regnat: postquam iudicatus est, iudicat. In quo fratres, nobis exemplum proponitur, quoniam si hic ad imitationem Redemptoris nostri laboramus & patimur, cum eo requiescimus, si ad imitationem eius contra diabolum pugnamus, cum eo regnabimus: si ad imitationem eius hic iudicamur, cum eo iudicabimus. Vnde ipse ait: Qui mihi ministrat, me sequatur, & ubi sum ego, illic & minister meus erit. Simus ergo fratres, participes laboris, si volumus esse participes honoris. Simus consortes poenæ, si volumus esse consortes gloriæ. Sed quare fratres, Stephanus post ascensionem videt filium hominis stantem à Dextris Dei? Quoniam*

Mat. 23.

Psalm. 67.

Ioan. 13.

Act. 7.

q̄iam Stephanus erat in certamine pro nomine eius, & ideo videt eum stantem tanquā paratum sibi adiutorem. Nos quoq; fratres mei, si pro eius nomine certauerimus quamuis ipse iam regnans sedeat: sentiemus tamen eum stantem, id est paratum nobis ferre opem. Rursus quare describitur Dominus noster Iesus Christus sedere à dextris Dei, cū Deus pater nec dextram habeat, nec sinistram? Sed nomine dextræ, æternæ beatitudinis gloria figuratur. Vnde Dominus dicit se oues in iudicio ad dextrā constituturum. Itaque Redemptor noster à dextris Dei dicitur sedere, quoniam regnat in patris gloria & maiestate. Per sessionem quoque dextræ, æqualitatem solemus intelligere. Illum enim quem ad dextram nostram sedere facimus, quasi honore nobis adæquamus. Christus ergo rectè dicitur ad dextram Patris sedere, quoniam cum eo regnat in gloria & maiestatis æqualitate. Vt ergo nos hortatur Psalmista: Psallamus Domino qui ascendit super cœlos cœlorum ad Orientem. Psallamus, inquam, Domino, non mundo, non vanitati seculari, quorum gaudium vertetur in mœrorem: sed Domino, qui sicut nō sibi, sed nobis natus & passus est, ita & nobis resurrexit, & nobis super cœlos ascendit. Gaudeamus fratres, quoniam natura nostra, cui dictum erat. Terra es, & in terram reuerteris: hodie super omnem cœlorum altitudinem est exaltata, & ad dexteram Dei patris collocata. Gaudeamus, inquam, quoniam qui in cœlo Iudex sedet, naturæ particeps, nosterq̄ aduocatus est. Gaudeamus quoniam Angeli, iam nō vt olim, nos homines aspernātur, sed potius venerantur, quorum naturæ super se sublimatæ, famulantur. Gaudeamus quoniam aditum regni cœlestis Christus nobis refferauit: quem si verè dilexerimus, proculdubiō quō ipse se nos præcessit, perueniemus.

Sequitur pars sexta, in qua discipuli describuntur Domino paruissē, cū subiungitur: *Illi autem profecti prædicauerunt vbiq̄.* Quoniā vt prædictū erat de eis: In omnē terrā exiuit sonus eorū, & in fines orbis terrę verba eorū. Sed nunquid fratres, hoc ex se potuerunt? Audi sequētia: *Domino cooperante, & sermonem confirmante, sequentibus signis.* Dominus quippē, qui discipulis ire & prædicare iussit,

Mat. 19.

Psalm. 67.

Gen. 3.

Psalm. 18.

HOMILIAE

Ioa. 7.

Psal. 12.

Rom. 6.

iussit, ipse eis & velle & facere dedit. Ipse eis prædicatibus verbum ministravit, ipse prædicationem eorū, virtutibus & miraculis confirmavit. Ipse animos auditorum præparavit, & ad credendum inclinavit. Iuxta quod ipse dixerat eis: Sine me nihil potestis facere. Quod planè contra illos est, qui quod acutè sapiunt, quod persuasibiliter perorant, quod fortiter agunt, naturali ingenio & eloquentiæ, viribusque propriis potius quàm Deo ascribunt, quasi dicerent: Linguam nostram magnificabimus, labia nostra à nobis sunt, quis noster Dominus est? Cùm è contrario clamet Paulus: Non est volentis velle, neque currētis currere, sed misericentis Dei. Ipse quippè primò bonam voluntatem operatur in nobis sine nobis: postea bonum opus cooperatur nobiscum, quod per misericordiam suam remunerabit in nobis, ac si ex nobis solis processisset. Vtinam fratres mei, ipse qui misit me hodie ad prædicandum vobis, cooperetur mecum, dans sermonem rectum & beneficiantem in os meum. Dans & vobis cor docile ad intelligendum: Confirmetque sermonem meum, ut quod prædicaui vobis, & in me confirmetur moribus & factis, & in vobis signis compunctionis & emendationis, quatenus ad illa gaudia sempiterna cōscendere mereamur, quo ascendit hodierna die Dominus noster Iesus Christus, qui cum Patre & Spiritu sancto vivit & regnat per omnia seculorum secula, Amen.

DOMINICA I. POST ASCENS.

1. Pet. 4.

Estote prudentes, & vigilate in orationibus, &c. Hac in lectione fratres charissimi, intendit Apostolus Petrus nos instruere in moribus. Hortatur quippè nos ad quinque, ad prudentiam, ad orationem, ad charitatem, ad opera misericordiæ, ad referendum semper ad Dominum quodcunque facimus bonum. Hortans igitur primò nos ad prudentiam, ait: *Estote prudentes.* Prudentia enim omnium virtutum dux & præuia est. Sicut nāque aliquis sine luce errat & non pergit, ita sine sapientia quilibet errare, nec rectè pergere potest. Vnde & in lege præcipitur, ut nulum sacrificium sine sale sapientiæ offeratur. Est autè prudentia virtus, vnamquamque rem verissima æstimatione pensans. Huius tres sunt partes. Prima nō solū inter bonū

*Prudentia
quid.
Tres pruden-
tia
partes.*

&

& malum, sed etiam inter bonum & melius, & inter maius & peius, sapienter discernit. Secunda discretè sapienter eligit. Tertia electum sapienter acquirit. Prima itaque pars prudentiæ docet nos fratres charissimi, quid sit modicum bonum, & quid maius, & quid optimū; & quid modicum malum & quid peius, & pessimum. Porro modicum bonum sunt diuitiæ, honores, potentia & quæcūque à nobis temporaliter possidentur. Et bonū quidem sunt, quoniam à Deo, qui non nisi bona facit, creata & data sunt. Modicum verò sunt, quoniam etiam à malis habentur, & malè eis vrentibus, malæ fiunt. Maius verò bonum sunt, virtutes & Spiritus sancti dona, quoniam non nisi à bonis habentur, & per ea ad summum bonum itur. Optimum bonum est æterna beatitudo, quæ Deus est. Econtrariò verò modicum malum sunt, miseriæ indigentia, afflictiones, & quæ temporales. Et malum quidem dicuntur, id est, potius pro malis infliguntur. Modicum verò malum sunt, quoniam etiam bonis hinc infliguntur: quibus bene vrentibus bonæ fiunt. Peius verò malum, sunt vitia & peccata, quæ habentes malos efficiunt, & eos ad pessimum, summumque malum pertrahunt. Pessimum, summumque malum, est æterna damnatio. Itaque fratres mei summum bonum & æternam beatitudinem quæ Deus est, super omnibus & præ omnibus appetere debemus: & post, virtutes & dona Spiritus sancti, quæ ad illud nos ducunt, magis appetendæ sunt. Econtrariò verò etiam damnationem præ omnibus euitare debemus: & post magis vitia & peccata fugienda sunt, quæ ad illam nos trahunt. Modicum verò bonum, modicumque malum, id est, temporales abundantias, vel penurias, prosperitates, vel aduersitates, quia bene vrentibus, bonæ fiunt: & malè vrentibus, malæ fiunt, nec multum appetere, nec multum fugere debemus, sed magis in voluntate Dei ponere: ut tribuat nobis quod magis nouit nobis expedire. Quoniam sunt qui non nisi per prospera saluantur. Et sunt qui non nisi per aduersa saluantur. Ita nos instruit prima pars prudentiæ. Cui contraria est illa stultitia, quæ malum à bono nō discernit, sed potius vel malum pro bono sumit, vel bonum pro malo, in illam incidens maledictionem: Væ eis qui

dicunt malum bonum, & bonum malum: Vel minus bonum pro maiore bono, vel minus malum, habet pro maiore malo. Qua stultia, vnde magis dolendum est, laborant hodie plures, plus paupertates & afflictiones mundanas, quam vitia & peccata, vel æternam damnationem fugientes, plusq; diuitias, honores, & gloriolas mundanas, quam virtutes, quamq; æternam beatitudinem appetentes. Itaq; pro bonis temporalibus, spiritualia & æterna bona cõtemnunt: Vocantes illum sapientem, qui temporalia bona quacunq; arte, quacunq; fraude, quacunq; abominatione, nouit aggregare. Sed profecto talis sapientia, stultitia est apud Deum. Vnde Dominus: Peidam, inquit, sapientiam sapientum: & prudentiam prudentium repro-
babo. Quomodo? Quoniam relinquent alienis diuitias suas, & sepulchra eorum domus illorum in æternum. Secunda verò pars prudentiæ est, postquam sapienter discreuerit, sapienter eligere. Nihil enim prodest sapienter inter bonum & malum, & minus, maiusq; bonũ discernere, nisi eligas quod magis eligendum est. Quod planè contra nos est Magistros & Pastores plebiũ: qui cum bene inter bonum & malũ, interq; minora & maiora bona vel mala discernamus, & alios quid eligere debeant, doceamus, ipsi tamen scienter deterius eligimus, festinantes plus ditari quam iustificari, plus honorari apud seculum, quam apud Deum. Sed quid talibus continget? descendent in infernum viuentes, id est, scientes. Quia scilicet maiori bono spreto, deterius sibi elegerunt. Tertia pars prudentiæ est, electum bonum sapienter acquirere. Electum autem bonum sapienter acquirit, qui quam expeditius, quam facilius potest, ad illud habendum tẽdit. Quod fratres mei, contra quosdam nostiũ est, qui quum tendere ad summum bonum elegerimus, non tamẽ expeditè ad illud tendimus, sed curis secularium negotiorum & cupiditatum nos retardamus: Non attendentes quomodo qui in agone contendit, ab omnibus se abstinere. Vnde & cum Mose à Ietro, id est, à quolibet seculari reprehendimur, quod diuinis rebus contemptis stulto labore secularium consumamur. Vnde fratres mei, acquiescamus consilio gentiliũ, & eligamus aliquos procuratores, qui pro nobis por-

Isa. 44.

1. Cor. 1.

Psa. 48.

1. Cor. 9.

tent

tent onus curarum secularium, vt nos liberius intendamus in his quæ sunt ad Deum. Secundò nos hortatur ad orationem, cum subdit: *Et vigilate in orationibus*. Quod enim per prudentiam sequi vel vitare elegimus, hoc præcipuè per orationem impetramus. Per orationem quippè, & insultus dæmonū vel vitiorum & fugamus, & virtutes, donaque Spiritus sancti, æternamque beatitudinem impetramus. Cæterum, quoniam dæmones, qui nunquam dormiunt, sed semper sunt vigiles in insidiando, nos quantum possimus, semper simus vigiles in orando: iuxta quod Apostolus alibi monet: *Vigilate*, inquit, *in orationibus*, quia aduersarius vester diabolus tanquam

3. Pet. 4.

leo rugiens, circuit quærens quem deuoret. Quoniam verò per orationem præcipuè diabolus expugnatur: hinc est quòd orantem quantum valet impedire conatur. Immittit igitur quantum valet, oranti pignitiam, somnolentiam, alienas, vanasque cogitationes. At nos contra, vt monet Apostolus: *Vigilemus*, & immisiones eius malas, quantum possimus, repellamus. Iuxta quod legitur de Abraham: *Descenderunt volucres cœli super sacrificia, & abigebat eas Abraham*. Tunc autem fratres mei, bene vigilamus in orationibus, si non solum corpore, sed etiam mente & operibus vigilamus. Qui verò solo corpore in oratione vigilat, & opere vel mēte in peccato dormit, talis profectò nō vigilare, sed potius dormire in oratione dicendus est. Plus enim perueniunt ad aures Domini, mentes quàm voces, opera quàm verba. Itaque fratres ante oculos nostros ponamus duos, vnum videlicet iniquum, qui solo corpore vigilans orat: & alium iustum, qui ex cōsuetudine orandi etiā dormiēs orat. Dico fratres, quomodo ille vigilās dormit in oratione, & iste dormiēs vigilat in oratione, qui, etsi dormiat corpore, tamen bona vita, bonumque propositū orant pro eo. Vidi fratres Sacerdotem quēdam morientē qui cum ad id deuenisset, vt nihil in hoc seculo intelligeret: tamen ex longa, quam viuens consueuerat consuetudine, etiā moriens diuinas laudes non cessabat frequentare. Assuefaciamus itaque fratres mei, nos ad orandum, non sola voce, sed etiam mente & opere. Surgamus cum

Gen. 22.

Mentes ponimus quàm voces requisita in oratione.

Psal. 134.

ad

HOMILIAE

ad confitendum Domino. Septies quoque ei laudem dicamus, in matutinis laudibus, in prima, in tertia, in sexta, in nona, in vespere, in completorio: imò quicquid facimus, siue eximus domum, siue redimus, siue sedemus, siue surgimus, siue quicquid aliud facimus, semper oratione nos armemus: vt ex longa consuetudine, etiā dormientes vel morientes, non possimus non orare. Si enim non est sine peccato quod iniquus ex consuetudine etiā dormiens iurat, non est sine merito, quod iustus etiā dormiens orat. Tertiò nos hortatur Apostolus ad charitatem, cū subdit: *Ante omnia, fratres mei, mutuam in vobismetipsis charitatem continuam habentes.* Bonum quippè quod per sapientiam eligimus, & per orationē postulauimus, per charitatem possidemus. Qui enim Dei charitatem habet, profectò iam Deū habet. Quia Deus charitas est, in se essentialiter, & in nobis causaliter. Charitas quippè est dilectio, qua diligimus Deū propter se, & nos & proximum propter Deum. Et Deum quidem fratres, propter se debemus diligere triplici de causa. Quoniam naturaliter in se est bonus, & diligendus, quoniam prior nos diligendo, meruit diligì: quoniam vtilissimū est eum diligere. Proximum verò debemus diligere, non propter se, sed propter Deū, quia scilicet est opus Dei, quia Deus iussit illum à nobis diligì, qui est bonus, vel vt sit bonus. In bono enim & non in malo, vel nos vel proximum diligere debemus. In malo quippè vel se vel proximum diligere, non est diligere, sed odisse. Magnam ergo discretionē in dilectione mali proximi debemus habere: vt videlicet eius diligamus itā naturam, quod non diligamus eius iniquitatem. Et ita odio habeamus eius iniquitatem, quod non odio habeamus eius naturam. Nam æqualiter peccat, vel qui propter naturam diligit proximi iniquitatem, vel qui propter iniquitatem odit naturam. Hanc autem charitatem debemus habere continuam. Nam sicut corpus sine spiritu nequit viuere, ita nec anima sine Dei & proximi dilectione. Veram dilectionem nulla aduersitas, nec etiā mors ipsa interrumpit. Quoniam fortis vt mors, imò plusquam mors dilectio. Et in alia vita non excidet, sed perficietur. Hanc etiā charitatem debe-

*Semper
orandū.*

*Charitas
quid.
Triplici de
causa Deus
diligendus.*

Capit. 8.

debemus in nobismetipsis, id est, in intimis cordibus habere radicam, ut scilicet non diligamus verbo, neque lingua, ut quidam faciunt, sed opere & veritate. Debemus quoque eam habere ante omnia, quoniam ea habita, omnia habentur, & ea non habita, nulla habentur. Nulla enim valent sine ea, & per eam valent omnia. Hæc est oleum, quod premi non potest, sed omnibus superfertur liquoribus. Si ergo fratres mei, omnes virtutes, vel omnes scientias habere non possumus, saltem charitatem habeamus, ut per eam in aliis omnes virtutes & scientias habitori simus. Quare autem charitatem habere debeamus, ostendit, cum subdit: *Quia charitas operit multitudinem peccatorum, &c.* Futurorum, ne fiant: & factorum, ne videantur ad pœnam. Per hoc quippè fratres maximè peccata nobis dimittuntur, quod nos aliis dimittimus, quod nos miseris compatimur, quod nos aliorum onera portamus per misericordiam. Quartò, ad opera misericordiæ nos hortatur, cum subdit: *Hospitales invicem, sine murmuratione.* Habita quippè charitas non potest otiosa esse, sed se ostendit per opera misericordiæ. Inter opera misericordiæ fratres, hospitalitas præcipua est. Loth enim & Abraham, & plures, tam in veteri quàm in nouo testamento: Patres, quoniam homines hospitio suscipiebant Angelos, imò ipsum Deum suscipere meruerunt. Hæc est vna de sex operibus misericordiæ, quam Dominus in iudicio memoraturus est: *Hospes eram, & suscepistis me.* Hanc præcipit Apostolus fieri sine murmuratione. Qui enim hoc vel aliud opus misericordiæ, cum murmuratione oris, vel cum rancore mentis facit, & rem & meritum perdit. Hoc contra illos qui cum hospes venit, submurmurant, tristantur, vultum obnubilant, causantur sibi desse domus amplitudinem, lectorum & operimentorum sufficientiam: dicunt magnam adhuc dici partem superesse, ut ita eos abire cogant. Quid dicam ecòtrariò de illis, qui hospites ad hospitium inuitant, ut eos expilant? Fures sunt & latrones. Itaque fratres mei, ob solum Deum hospitalitati studeamus. Hospites læti suscipiamus, imò etiam more antiquorum eos quæramus & cogamus: læti eis hoc quod possumus.

1. Ioan. 3.

Hospitalitas.

Mat. 23.

exhibeamus : plus enim deuotio quàm magnitudo obsequij placet Deo . Deinde ad cætera charitatis opera nos hortatur, cùm subdit: *Vnusquisque gratiam sicut accepit, illam administrando.* Ad hoc Deus singulis singulas confert gratias, vt vnusquisque gratiam suam, non sibi soli, sed cæteris non habentibus, administret. Itaque qui habet sapientiam, eam doceat insipientes: qui habet diuitias: eis sustentet indigētes: qui habet potestatem, ea defendat impotentes: ne lucem sub modio celantes, & talentum occultantes, spolientur eis & reprobentur. *Sicut boni,* inquit, *dispensatores, multiformis gratie Dei.* Bonus dispensator est, non qui bona Domini sui sibi soli retineat, sed qui ea secundum Domini voluntatem erogat. Nos autem fratres, non Domini, sed dispensatores sumus rerum à Domino Deo nobis commendatarum. Si ergo res Domini non distribuamus, vt ipse præcepit, filiis suis indigētibus, iure conuincimur esse fures rei dominicæ, & pauperum eius homicidæ. Hoc timeant, hæc meditentur diuites qui pauperibus inopia pereuntibus, diuitias suas nolunt erogare. Tot enim rei sunt animarum, quor à fame, cùm possent, contempserunt liberare. Quintò nos hortatur ad opus Dei dignè tractandum, cùm subdit: *Si quis loquitur quasi sermones Dei,* id est, si quis loquitur sermones Dei, loquatur eos quasi sermones Dei. Quod facit prædicator, cùm sermonē & Deo attribuit, & ad Deum refert, & dignè profert, Deo sermonem attribuit, qui si quid boni loquitur, non sibi, vt quidam faciunt, sed Deo ascribit. Ad Deum sermonem refert, qui nō ad lucrum, vel ad gloriam temporalem (vt quidam faciūt) sed ad Dei gloriam & proximorum dirigit utilitatem. Dignè sermonem Dei profert qui non illum malo exemplo destruit, qui non illum negligenter, non pigrè, vt quidam faciunt, dicit: Sed potius verbum Dei cum bono exemplo, cum magna deuotione prædicat & strenuitate: *Si quis,* inquit, *ministrat, subaudiis minister, tanquam ex virtute quam administrat Deus.* Quod tunc faciemus, cùm si quid bene ministramus. Deo totum attribuimus, & ad Deum referimus, & quantum valemus deuotè, sapienter, strenueque ministramus. *Vt in omnibus,* inquit, *honorificetur Deus.* Cùm enim

Luc. 11.
Matth. 25.

Sermones
Dei loqui
debent præ
dicatores.

enim

enim nos bonos prædicatores, bonos ministros, bonos dei filios nos exhibemus, Deus in nobis honoratur & sanctificatur: nõ quod ipse sanctior sit ex nobis, sed quia nos sanctiores sumus ex eo: & hoc per Iesum Christũ Dominum nostrum, cui est honor & gloria, cũ Patre & Spiritu sancto per omnia secula seculorum. Amen.

DOMINICA PRIMA

post Ascensionem.

Cum venerit Paracletus, quem ego mittam vobis à Patre, Spiritum veritatis, qui à Patre procedit, ille testimonium perhibebit de me. Ioan. 15.
 Recessurus fratres charissimi, Dominus & Redemptor noster per passionẽ à discipulis suis, & in cœlum ascensurus, ne se derelictos & desolatos dolerent, promittit eis se missurum consolatorem, videlicet Spiritum sanctum. Prædicat igitur eis in hac lectione quatuor. Primò, quod mittit eis Spiritum sanctum. Secundò quid Spiritus sanctus in eis sit operaturus. Tertiò, persecutiones eis venturas demonstrat. Quartò, quare hæc prædicat, ostendit. Prædicat ergo eis primò se missurum Spiritum sanctum, cùm ait: *Cum venerit paracletus, quem ego mittam vobis à Patre, Spiritum veritatis, qui à Patre procedit.* Sed nullus vestrum fratres charissimi, cùm audit vel aduentum, vel missionem, vel descensionem Spiritus sancti, localem intelligat Spiritus sancti motionem. Spiritus enim sanctus cùm sit vnum cũ Patre & Filio in substantia, & sicut substantialiter omnia complet, ita nec accedere, nec recedere localiter potest. Sed tunc Spiritus sanctus ad nos venire vel descendere dicitur: cùm in nos donum & gratia eius mittitur, secundùm tropum qui methonomia dicitur, quando videlicet quod est doni, ascribitur auctori. Secundùm hoc dicit Ioannes, quod septem sunt Spiritus sancti missi in omnem terram: quoniam scilicet sunt septem dona eius, quæ fidelibus per orbem distribuuntur. Sed hic considerandum est fratres charissimi, quoniam non propter quælibet dona sua dicitur Spiritus sanctus mitti. Si enim det alicui scientiam vel potentiam, vel huiusmodi, quæ etiam à malis habentur, non idèò dicitur Spiritus sanctus in eum mitti. Sed propterea sola dona, quæ hominem sanctificant, ut est charitas, continentia,

HOMILIAE

miserericordia, & cæterę virtutes, dicitur mitti. Vnde fratres mei, desideremus & laboremus obtinere, non ea dona quę etiam mali habent, sed illa quę soli habent boni: & per quę Spiritum sanctum merentur habere possessorem, quem ego, inquit, mittam vobis à Patre. Idem de eodem spiritu alibi dicit: *Quē mitter Patre in nomine meo.*

Ioan. 14.

*Duplex
processio
Spiritus
sancti.*

*Multis no-
minibus
vocatur
Spiritus
sanctus.*

*Spiritus
sanctus tri-
pliciter te-
stimonium
perhibet
de Christo.*

Ex quo profectò patet, quoniã Spiritus sanctus mittitur à Patre, mittitur & à filio. Sed quod filius mittit Spiritum sanctum, non à se, sed à Patre habet. Vnde & adiūgit: *Quem ego mittā vobis à Patre.* De quo & adhuc subiūgit: *Qui à Patre procedit*, æternaliter scilicet & ineffabiliter. Vnde fratres, duplex processio Spiritus sancti intelligitur. Vna, qua Spiritus sanctus procedit æternaliter à Patre & filio, vè tertia in trinitate persona, & vna cū eis substantia, qua quotidie æquē à Patre & filio procedit tēporaliter ad sanctificandum creaturam. Vocatur autem idem Spiritus sanctus multis nominibus. Dicitur autē Spiritus sanctus, quoniã sanctificat creaturas. Vocatur Paracletus, quoniam consolatur desolatos, medetur infirmis, consulit inconsultis, remittit reis. Vocatur quippè Spiritus veritatis, quoniam non fallit sicut diabolus, sed promissa veraciter reddir, & homines veraces facit. Veraces in peccatorum confessione, in veritatis prolatione, veraces in operis intentione. Vocatur etiam amor, concordia, benignitas: tum quoniam est connexio Patris, & Filij, tum quia in cordibus hominum amorem, concordiam, & benignitatem spirat & nutrit. Vnde fratres, propensioribus desideriis cum assidue flagitare debemus, quatenus ille desiderabilis Spiritus sanctus, nos à sordibus nostris sanctificet, veraces efficiat, amabiles, cōcordes, & benignos reddat. Secūdo, quid Spiritus sanctus in discipulos operatus sit, ostendit cū subiungit: *Ille testimonium perhibebit de me.* Tripliciter fratres, perhibet Spiritus sanctus testimonium de Christo, quod ipse sit filius Dei per miraculorum & virtutum operationem: per interiorē in cordibus hominum inspirationem, per prædicationis testificationem. Aliis quippè persuasit credere Spiritus sanctus in Christum per miracula & virtutes: aliis per interiorē inspirationem, aliis per exteriorē prædicationem. Testimonium quippè Spiritus

Spiritus sanctus Christo perhibet methonomicè, dum homines ei testimonium facit perhibere. Vnde & subdit: *Et vos testimonium perhibebitis*, ac si diceret: Vos etiam qui nunc estis timidi, me derelicto, fugientes, ad vnius ancillæ vocem me negantes, propter metum Iudæorum latitantes, ne vel vnam ob linguam Iudæorum me confiteri audentes, Spiritu sancto, spiritu, videlicet fortitudinis vos interius roborante, omni genti, & omni lingua de me testimonium perhibebitis. Et quomodo? quatuor modis, me filium Dei prædicando, in me rectè viuendo, quoniam sanctitas ministrorum, sanctitati attestatur magistris: in nomine meo virtutes & miracula faciendo, quoniam virtus nominis attestatur auctori, propter nomen meum patienti, quoniam bene attestatur rei, qui propter eam non recusat mori. Utinam fratres mei, descendat & in nos Spiritus sanctus, dans nobis audaciam & virtutem Christo testimonium perhibendi. Quod enim sine lachrymis dicere non possum, nos magistri Ecclesiæ sumus hodie timidiore, quàm rudes discipuli Christi in initio nascentis Ecclesiæ. Dum enim propter timorem alicuius persone secularis, vel negamus, vel silemus veritatem. Christum, qui veritas est, negamus. Dum raptore pauperem rapien-
te, nostrum ei auxilium subtrahimus, quasi Christo relicto, fugimus. Dum potente pupillum vel viduam cruciante, nihil ei obloquimur, quasi Christo in cruce pendente, tacemus. Dum persecutoribus Ecclesiæ, per rigorem iustitiæ nos non opponimus, quasi propter metum Iudæorum, latitamus. Quia, inquit, ab initio mecum estis. Ac si dicat cum de re visa & audita, bene possit homo testimonium perhibere, vos bene testimonium de me potestis ferre, quia ab initio mecum estis, quia conuictu familiari, in veritate circa me edocti. Vnde Apostoli loco Iudæ, non neophitum elegerunt, sed in doctrina Christi diutius informatum, vnde Petrus: Oportet, inquit ex his qui sunt omni tempore nobiscum, ex quo intrauit & exiuit Dominus noster Iesus Christus, testè resurrectionis nobiscum fieri vnum ex istis. Hoc contra illos qui rudem & neophitum eligunt in magistrum, & contra illos quoque, qui doctrinam, in cuius schola nutriti non fuerunt, docere præsumunt & prædicare.

*In Præla-
 tos Eccle-
 sia.*

Al. 1.

HOMILIAE

*Ob publica
crimina
excommu-
nicandum.*

*Consola-
tionis ex-
emplum.*

Tertiò prædicit eis tres venturas persecutiones, videlicet eiectionem, interfectionem, & infamiam. Eiectionem cum ait: *Sed hæc, inquit, loquutus sum vobis, id est, prædixi vobis, ut non ideo scandalizemini, quod absque Synagogis facient vos.* Sicut enim hodie propter publica scelera aliquos excommunicamus, & ab Ecclesiæ communione eiicimus: ita Iudæi discipulos Christi, tanquam scelerosos, propter Christum à Synagogis excludebant. Interfectionem & infamiam, cum subiūgit. *Et venit hora, ut omnis qui interfuit vos, arbitretur se obsequium præstare Deo.* Ac si diceret, adeò malè opinabūtur de vobis, quoniā putabunt vos adeò esse Deo odiosos, quod in hoc quod interficiet vos, arbitrabuntur officium se Deo præstare, & in hoc se ei placere. *Et hoc, inquit, facient, quia non nouerunt patrem neque me:* quia non nouerūt Deū esse meum patrem, nec me nouerunt esse eius filiū. Ac si diceret, non grauet vos, si eiiciamini à Synagogis eorum qui Deū non nouerunt. Ne grauet vos, si interficiamini propter Deum ab ignorantibus Deum. Ne grauet vos, si contrarij Deo arbitremini ab his qui Deum nescierūt. A cōsortio enim malorum excludi, Deo cōiungi est: propter Deum interfici, viuere est, propter Deum falsam infamiam pati, laus est. Hinc fratres, exemplum consolationis sumamus, si quando mali consortium nostrum odiunt vel aspernantur, si nos ad mortem persequūtur: si de nobis bene viuētibus detrahunt ad mala opinantur. Hæc enim propter Christum patienter pati, est Christo testimoniū ferre: & ita Christi Martyrē esse. Quartò causam subdit, quare hæc eis prædixerat: *Hæc loquutus sum, inquit, vobis, ut cum venerit hora, eorum reminiscamini, quia ego dixi vobis.* Et quæ inde utilitas? Multiplex. Ut me in omnibus veracem intelligatis: ut consolationem à me prædictam certè expectetis: ut fortiter contra aduersa vos armetis: ut ipsa aduersa fortiter sustineatis: ut in ipsis aduersis in spe consolationis exultetis. Quid hæc prædicta fuisse Apostolis profuerit patuit quando ibant Apostoli gaudentes à conspectu concilij, quoniam digni habiti sunt pro nomine Iesu contumeliam pati. Nos itaque fratres mei, suspirijs & lachrymis, Redemptorem nostrū Iesum Christū flagi-

cimus,

temus, quatenus dei nobis Spiritum sanctum, qui inspirat nobis de peccatis poenitentiam : in prosperis temperantiam : in aduersis fortitudinem : in mœstis consolationem, inspiret nobis contemptum terrenorum & morem cœlestium. Qui cum Patre & Spiritu sancto uiuit & regnat per infinita seculorum secula. Amen.

IN DIE SANCTO PENTECOSTES.

Dum complerentur dies Pentecostes, erant omnes discipuli pariter in eodem loco, &c. Hodie fratres charissimi, aduentum Spiritus sancti in discipulos celebramus, quem quoniam prælibata lectio sufficienter explanat, conuenienter hodie in Ecclesia recitatur. Ostenduntur itaque septem in hac lectione, id est, quando, in quos, ubi, quibus signis, & quomodo Spiritus sanctus descenderit, quid in eis contulerit, & quanta admiratio inde subsequuta sit. Primum igitur nobis ostenditur, quando Spiritus sanctus in discipulos venit, cum dicitur: *Cum complerentur dies Pentecostes*. Porro Spiritus sanctus bis legitur Apostolis datus. Primò ipso resurrectionis die, quando Dominus insufflauit Apostolis dicens: Accipite Spiritum sanctum. Secundò die Pentecostes, die scilicet hodierna. In die resurrectionis eis datus est ad peccatorum remissionem, ut scilicet cum resurgente resurgerent, & ipsi à peccatis, in quibus vel fugiendo, vel negando, vel diffidendo, vel dubitando ceciderant. Quinquagesima verò die datus est eis idem Spiritus sanctus ad corroborationem, & ad confirmationem, ut uidelicet de cætero, in fide firmi, nulli cederent persecutioni, sed potius coram omni potestate veritatem constanter prædicarent. Vnde & in prima sancti spiritus donatione, tantum Spiritum sanctum accepisse, in hac verò etiam Spiritu sancto leguntur fuisse repleti. Similiter fratres, etiam hodie bis donatur Spiritus sanctus fidelibus : primò in baptismo vel in poenitentia, ad peccatorum remissionem. Secundò in confirmatione, ad cõfirmationem & roborationem. Quod bene significatur per hoc quod discipuli prius in die dominicæ resurrectionis Spiritum sanctum accepisse, & post quinquagesima die Spiritu sancto memorantur repleti fuisse: Quoniam nisi prius per Spiritum sanctum à peccatis nostris

Act. 2.

*Spiritus
sanctus
bis Aposto-
lis datus.
Ioan. 20.*

*Fidelibus
hodie bis
spiritus
sanctus
datur.*

HOMILIAE

resurrexerimus, & vt in quadragesimam poenitentiae, & in decalogi adimpletionem laborauerimus: Spiritu sancto repleti non valemus. Nos ergo fratres mei, qui in tumultu peccatorum iacemus, oremus illum benignissimum Spiritum, vt nos à peccatis nostris resurgere faciat. Vos verò qui iam per spiritum sanctum à peccatis resurrexistis, & in quadragesima satisfactionis: & decalogo legis defudaui-
 stis, orate & vos illū sanctissimū Spiritū, vt vos gratiarum suarum augmento repleat, & in virtute confirmet. Secun-
 dō in quos Spiritus sanctus descenderit, ostenditur, cū di-
 citur: *Erant omnes discipuli*, subaudiis expectantes, & Spi-
 ritum sanctum suscipere praeparati, iuxta quod Dominus
 eis praeceperat, vt à Hierosolymis ne discederent, sed expe-
 ctarent promissionem Patris. Expectabant autem & prae-
 parabant se ad suscipiendum Spiritum sanctum, orando
 & ieiunando. Quod orando, ostendit in actibus Aposto-
 lorum, dicēs: *Erant*, inquit, perseuerātes in oratione cum
 mulieribus, & Maria matre Iesu. Quod ieiunando: hinc
 cognoscimus quod Dominus Iudaeis quærentibus, quare
 discipuli sui non ieiunarent respōderat, dicens: Non pos-
 sunt filij sponsi lugere, quamdiu cum eis est spōsus. Ve-
 nient autem dies, quādo auferetur ab eis sponsus, & tunc
 ieiunabunt. Quicquid autem de ieiunio ciborum, certo
 certius est, quia ab omni vitio & peccato, ab omni mala
 & vana cogitatione, ab omni malo & vano verbo, quan-
 tum potuerunt, ieiunauerunt, vt Spiritum puritatis, ipsi
 purificati, purē suscipere mererentur. Nos quoque fratres
 mei, si Spiritum sanctum suscipere desideramus, opere pre-
 tium est, vt discipuli Christi simus, & in oratione & ieiunio
 perseueremus. Discipuli Christi sumus, si in humilitate,
 si in quiete, si in timore & amore disciplinam & doctrinam
 eius amplexamur. Nam super tales proculdubio re-
 quiescit Spiritus sanctus. Vnde ipse per Prophetam: Super
 quem requiescam, nisi super humilem & quietum, & tre-
 mentem verba mea? Oportet quoque vt perseueremus
 in oratione, non de solis labiis, sed de puro corde. Nam,
 vt Sapiens ait: Spiritus sanctus disciplinæ effugiet fictum,
 & auferet se à cogitationibus quæ sunt sine intellectu.
 Oportet etiam vt ieiunemus, non à solis cibis, sed etiam à
 mala

Mat. 1.

Ibidem.

Mat. 9.

Mat. 2.

Luc. 5.

Mat. 1.

mala & vana cogitatione, loquutione, & operatione.

Scriptum est enim, in maleuolam animam non introibit Sapientia, & non habitabit in corpore subdito peccatis.

Ibidem.

Tertiò ostenditur vbi erant discipuli, cum spiritus sanctus super eos venit, cum subditur: *Pariter in eodem loco.* Minus dicit & plus significat. Erât quippè in eodem loco, in eodem corde & amore: in eadem rerum communione.

In eodem siquidem loco erant, quia in eadem vrbe Ierusalem: in eodem monte Sion: in eodem coenaculo sacre scripturæ, spiritualisque refectionis. In eodẽ quoque corde & amore erât, quoniam de eis scriptum est: multitudinis credetium erat cor vnum & anima vna. In eadem etiam rerum communione erât, quoniam nõ dicebat alius quis aliquid proprium eorum quæ possidebant, sed erant eis omnia communia. Porro eorum vniuolam cohabitationem; & communionem admiratur in spiritu Propheta dicens: Ecce quàm bonum & quàm iucundum habitare fratres in vnum. Et alibi: Deus in loco sancto suo: Deus qui inhabitare facit vnus moris in domo, id est, vnanimis. Nullus enim locus magis sanctus, nec magis Deo propitius est, quàm sanctorum consonantia & vnanimitas animorum: quàm ipse solus per gratiam suam in sanctis congregationibus operatur.

Psalm. 133.

Psalm. 67.

Vbi quippè pax & concordia: ibi charitas proculdubid est & Deus. Vbi verò discordia, lis & odium est: ibi profectò malignus spiritus est. Itaque fratres charissimi, si Spiritum sanctum in nos aduenire desideramus, tollamus de medio nostri, lites, discordias, inuidias, & odia. Et sicut pariter convenimus in eadẽ Ecclesia, sicut eisdẽ Sacramentis participamus, sicut est nobis vna fides, vnum baptisma, vnus Deus & Dominus: ita sit in nobis vna voluntas, vna charitas, & vna rerum communitas. Communicet nobiscum pauperes corporalia bona, sicut communicant spiritualia. Communiceant terrena nobiscum, sicut communicaturi sunt æterna. Cæterum quid dicam de quibusdã claustralibus, qui cum in eodem refectorio comedât, in eodẽ dormitorio quiescant, in eodem choro excubent, in eadem rerum cõmunionẽ viuant, in eodem ordine militent, tamen per inuidiam & odium à se inuicem discordant. Quid etiam de

Vbi pax, ibi charitas

Vbi discordia, ibi spiritus malignus.

Coniuges.

coniugibus, quibus cum sit vna mensa, vnus lectus, vna etiam secundum Apostolum, caro: tamē intestinū odium gerunt atque discordiam. Certē quicunque tales sunt, non spiritum sanctum, vnde magis dolendum est, sed san-
 tanam recipiunt habitatorem. Quatō, demonstratur quibus signis Spiritus sanctus aduentum suum in discipulos demonstrauerit, cum subiungitur. *Et factus est repente de cœlo sonus, &c.* Porro duobus signis aduentus Spiritus sancti demonstratus est: Vnum fuit sonus de cœlo repente factus, tanquam aduenientis spiritus vehementis, qui repleuit totam domum vbi erant discipuli sedentes. Sane sonus iste conuenienter significauit aduentum spiritus sancti. Sonus quippē inuisibilis est, & inuisibiliter totus simul ad aures fertur singulorum, & vsque ad corda penetrat, & ea ad intelligendum excitat. Sic Spiritus sanctus inuisibilis est in sui natura, & inuisibiliter totus simul ad singulos fideles fertur, & vsque ad intima cordium penetrat, eaque ad intelligendum excitat. Qui sonus conuenienter venit de cœlo, quoniam Spiritus sanctus mittitur à summo Patre. Iuxta illud: Omne datum optimum & oratione donum perfectum deforsum est, descendens à Patre Iminum. Conuenienter quoque dicitur factus repente & tanquam aduenientis spiritus vehementis: quoniam Spiritus sanctus operatus est in discipulos, & subito & velociter, ita vt non paulatim, sed subito & cōtō eos de rudibus efficeret sapientes, de tepidis feruentes, de timidis audaces: vt vnusquisque eorum dicere posset cum Psalmista: Nunc cœpi, hæc mutatio dexteræ excelsi. Potest autem hoc aduerbium, *tanquam*, ibi notare vel veritatis expressionem, quoniam sonus ille fuit significatiuus verē spiritus sancti aduenientis & vehementis, id est, à mente vehementis, & ab effectibus carnalibus alienantis. Vel potest solam notare similitudinem, quoniam sonus ille fuit tanquam spiritus, id est venti vehementis. Hoc nomen enim spiritus, & ad spiritum, & ad ventum, & ad cantum æquiuocum est, sicut apud Hebræos Ruha: & apud Græcos pneuma. Alterum verō signum fuit ignis, per linguas dispersitus, qui supra singulos eorum resedit. Vnde & subditur: *Et apparuerūt illis dispersitæ linguæ tanquā ignis: seditque*

Iacob. 1.

Psa. 76.

seditque supra singulos earum. Porro conuenienter Spiritus sanctus per ignem significatur. Spiritus enim sanctus amor est. Vnde & Ioannes, Deus charitas est. Dominus quoque spiritum sanctum ignem vocat, dicens: Ignē veni mittere in terram, & quid volo nisi ut ardeat? Sicut enim sunt septem dona spiritus sancti, sic & septem sunt proprietates ignis. Ignis quippè dura emollit, frigida calefacit, tenebrosa illuminat, mollia corroborat, impura examinat, sursum fertur, distributus multiplicatur. Sic & spiritus sanctus dura corda emollit, per spiritum timoris: frigida calefacit, per spiritum pietatis: tenebrosa illuminat, per spiritum scientiæ: mollia corroborat, per spiritum fortitudinis: impura examinat, per spiritum consilij: sursum rapit, per spiritum intellectus: distributus locupletat, per spiritum sapientiæ. Sapientia enim nobilis possessio: distributa suscipit incrementum & avarum dedignatur possessorem; nisi publicetur, elabitur. In igne igitur spiritus sanctus super discipulos venit: quomodo præfatas ignis proprietates in eis efficit. Qui in Christum in specie columbæ venerat, quia peccatores per columbinam simplicitatem colligere descenderat. In linguis verò super eos venit, quomodo eos in omnibus linguis eloquentes fecit. Vt, videlicet per ceptam à spiritu sancto sapientiā omnibus linguis, omnibus loqui & scirent & auderent. Vt, nam fratres, & in nos infimos prædicatores, spiritus sanctus descendere dignetur, inspiretque sapientiam, eloquentiam & fortitudinem nobis, quatenus verbum Dei intelligamus, & intellectum ea saltē lingua, quam nouimus, eloqui constanter audiamus. Quintò demonstratur, quomodo spiritus sanctus in discipulos descendisse dicatur, cum subiungitur: *Et repleti sunt omnes spiritu sancto*, id est, gratia spiritus sancti. Non enim aliter spiritus sanctus descendere, venire, vel dari dicitur, nisi quia eius gratia datur secundum tropum loquendi, quo quod doni est, attribuitur donanti. Nemo igitur in his, quæ vel audita, vel visa ibi sunt, spiritus sancti putet apparuisse substantiam, quoniam substantia patris & filij & spiritus sancti inuisibilis, sicut omnia complet: ita nec accedere nec recedere localiter potest. Dicuntur autem nunc demum discipuli
Spiri-

r. Ioan. 4.
Luc. 12.

Septē proprietates
ignis.

Spiritu sancto repleti esse: quoniam & si ante Spiritum sanctum habuisse dicantur, tamen quia meticulosi fugiebant, latebant & silebant. Spiritu sancto quasi semipleni erant. Nunc verò quoniam Spiritus sancti conceptam virtutem iam cohibere intus & silere non poterant, sed more dolij multo nouo pleni eructabāt & supereffundebāt, rectè Spiritu sancto repleti dicuntur. Vnde & à Iudæis postea ebrij esse dicti sunt. Sextò, quid discipuli Spiritus sanctus contulerit: ostenditur, cùm dicitur: *Et cœperūt loqui variis linguis, prout Spiritus sanctus dabat eloqui illis*. O quàm fratres charissimi velox magister est Spiritus sanctus. Non est adhibita interpretatio ad intelligendū, non consuetudo ad vsum, non tempus ad studium, Sed mirabiliter & inaudito more, Spiritu sancto operante, repenti timidi fiunt audaces: rudes, sapientes: elingues, omnilingues: timidi repenti fiunt audaces: quomodo qui modò loqui non audebant, nunc cœperūt publicè loqui: rudes, repenti fiant sapientes, quomodo qui modò (teste Domino) sine intellectu erant, nunc mysteria scripturarum & magnalia Dei intelligebāt & eloquebantur. Elingues, repenti fecit omnilingues, quomodo qui modò vna lingua Hæbræorum perfectè loqui nesciebant, nunc omni lingua perfectè loquebantur. Et horum omnium nihil ex viribus, nihil ex ingenio, nihil ex doctrina sua faciebāt, sed quid & quantum, & quomodo Spiritus sanctus dabat eloqui illis, iuxta quod Dominus noster promiserat illis: Dū steteritis ante Reges & Præsides, nolite cogitare quomodo aut quid loquamini: dabitur enim vobis in illa hora quid loquamini. Pulchrè autè sicut in constructione Babel: Turre, scilicet confusionis, vna lingua in plures propter superbiam diuisa est, ita nunc in construenda Ecclesia, domo, scilicet Dei, plures lingue propter humilitatem vniuntur. Superbis quippè Deus resistit, & humilibus dat gratiā Nos igitur fratres, nihil de virib⁹, nihil de ingenio, nihil de arbitrio, vel merito nostro: præsumamus, sed potius de gratia Dei, qui mysteria sua abscondit: à sapientibus & prudentibus, & reuelat ea paruulis, atque linguas infantium facit disertas. Septimò demonstratur quanta admiratio subsequuta sit magnalia Spiritus sancti, cùm sub-

Matth. 10.
Mar. 13.

Iac. 4.

Mat. 11.
Luc. 10.
Sap. 10.

sub.

subditur: Erant autem in Hierusalem habitantes viri religiosi ex omni natione quæ sub cælo est. Et ideo omnium linguarum ignari. Facta autem voce, linguarum scilicet variarum auditione, cōuenit multitudo, tanquam ad rem mirabilē & inauditam, & mente cōfusa est in ista re cuius causam & modum non poterant inuestigare, quoniam audiebat vnusquisque, diuersarū linguarum. Lingua sua illos loquentes. Stupebant autem omnes, & mirabantur dicētes: Nōne ecce omnes isti qui loquuntur, tantum lingua & natione, Galilei sunt? Quomodo nos audiuius, ab eis, vnusquisque linguā nostrā in qua nati sumus? Parthi, & Medi, & Elamitæ, &c. audiuius eos loquentes, nostris linguis, magnalia Dei. Quare fratres mei dedit Dominus discipulis suis loqui variis linguis? ob tres causas: ad expedimentum prædicationis: vt scilicet ad cuiuscunq; lingue populū venirent, nō indigerent interprete, sed statim possent prædicare: Ob signū diuinæ virtutis: vt scilicet per hoc quod omni lingua loquerentur, eos à Deo doctos & missos esse aduerterent. Vnde Paulus: Lingux in signum sunt non fidelibus, sed infidelibus. Ob figuram generalis conuersionis, vt videlicet per hoc significaretur, quod non solum populus Iudeorum, sed etiam iuxta Prophetam: Omnis populus tribus & lingux seruiet ei. Vnde Paulus: Et omnis, inquit, lingua confiteatur, quia Dominus noster Christus in gloria est Dei Patris. Quem vt nos verè confiteri valeamus, oremus illum Spiritum sanctum, quatenus igne suo sancto, renes nostros & cor nostrum vrat, purget, & in bono, confirmet, illuminet & inflāmet: quatenus omnibus terrenis contemptis, ad cœlestia toto desiderio tendamus, & proximos nostros nobiscū trahere contendamus. Per Iesum Christum, Amen.

IN DIE SANCTO PENTECOSTES.

SI quis diligit me, sermonem meum seruabit, &c. Quoniam hodierna Spiritus sancti aduentus solennitas fratres charissimi, nos hodie in vnum congregauit: necessarium duximus, quantulumcunque sermonem facere vobis de euangelica lectione. Distinguitur autem lectio ista capitulis quinq;. Accessurus quippè Dominus ad passionem, primò hortatur eos ad dilectionem. Secundò promittit

1. Cor. 14.
Dan. 7.
Philip. 2.

1. Cor. 14.

1. Cor. 14.

1. Cor. 14.

HOMILIAE

mittit eis spiritum sanctum. Tertiò dat eis pacem. Quartò consolatur eos, ne timeant. Quintò eis ostendit se innocentem propter obedientiam iam passurum. Primum igitur ad dilectionem exẽplo & præcepto Discipulis commendatam hic hortatur, ostendens quid vera dilectio faciat, & ad quid perducatur. Quid faciat ostendit, cum dicit: *Si quis diligit me, sermonem meum seruabit.* Effectus veræ dilectionis, est obseruantia mandatorum Dei. Itaque fratres, si verè Deum diligimus, mandata eius obseruamus. Si verò mandata eius non obseruamus, patet quia eum non verè diligimus. Nemo ex vobis fratres se decipiat. Se enim decipit, qui dicens se diligere Deum, mandata eius non custodit. Vnde idem Ioannes: Si quis, inquit, dicit se diligere Deum, & mandata eius non custodit, mendax est. Nemo de impossibilitate sua se excuset. Dicit enim aliquis: Infirmus & imbecillis naturæ sum, & mandata eius grauiora & ardua. Et quidem Deum diligo, sed arduitatem mandatorum eius portare non valeo. Nequeo enim propriæ voluntati, nequeo carni meæ, nequeo mundo penitus abrenuntiare. Sed qui hæc dicit, dupliciter peccat: tum quia accusat Deum de crudelitate, dicens eum tale mandatum dedisse, quod homo non valeat adimplere: tum quia mentitur se non posse quod ipse potest. Deus enim qui mādātum dedit, scit quid possit vnusquisq;, melius quàm ipse homo. Nemo enim in necessitate non potest quod pro Deo non potest. Pro valetudine corporis bibis aquam, ieiunas, pateris ferrum & ignem, tuam deferis voluntatem: & hæc pro Deo non potes? Pro ambitione mundi, militas indutus ferro: pateris famem & frigora: labores & miseras: obicis te periculis & morti: Et hæc pro Deo non potes? Et qua re hoc? Nisi quia plus mundum diligimus quàm Deum? Si enim plus vel tantum Deum diligeremus, quātum mundum, plus possemus pati pro Deo, ipso suffragante, & conscientia consonante, quàm pro mundo cōtra Deum, conscientia nostra nobis contradicente. Vera siquidem fratres est sententia, quod amanti nihil difficile, & nolenti nihil est leue. Cum ergo Dominus dicit, ardua & angusta est via quæ ducit ad vitam, nolentii intelligendum est. Cum verò

dicit:

*Dilectio
Dei, man-
datorum
Dei ob-
seruatio.*

1. Ioan. 2.

*Qui accu-
sant Deum
de credu-
litate.*

dicit: Iugum meum suauē est, & onus meum leue, volens
 ri subintelligendum est. Sed fratres mei, cū Deus dixe-
 rit: Si quis diligit me, per præsens tempus, quare similiter
 per præsens tempus non dixit, sermones meos seruat, po-
 tius quā seruabit? Quoniam cū aliquis incipit Deum
 diligere, non mox potest eius præcepta ex integro obser-
 uare: sed paulatim crescente dilectione, magis ac magis
 incipit sese in obseruatione mandatorum Dei assuescere:
 vt ita quod primò ei insucto fuerat graue, post ex con-
 suetudine fiat ei suauē. Vnde Psalmista: viam, inquit, mā-
 datorum tuorum cucurri, cū dilata illi cor meū. Ad quid
 verò dilectio Dei perducatur, ostendit cū subdit: *Et pater
 meus diligit eum, & ad eum veniemus, & mansionem apud
 eum faciemus.* Quod enim Deum diligimus, & eius ser-
 monē seruamus, & quasi meritum nostrum. Quod verò
 pater diligit nos, & apud nos mansionem faciet, est quasi
 præmium. Ceterum quid est quod hīc dicitur, quod post-
 quam dilexerimus Deum, & sermonem eius seruaueri-
 mus, pater diligit nos? cū dilectio Dei nostram præue-
 niat dilectionem, teste Ioanne, quia inquit, ille prior dile-
 xit nos. Non est fratres intelligendum, quod postquam
 dilexerimus Deum, ipse tunc incipiat diligere nos, sed po-
 tius ipse qui prior dilexit nos, postquam incipiemus eum
 diligere, & eius sermonem obseruare, magis ac magis
 ostendet se diligere nos, per vāriorem suarum infusio-
 nem gratiarum. Vnde & adiunxit, *& ad eum veniemus.*
 Tunc enim Deus ad nos venire dicitur, quando gratia
 suā abundantiam nobis largitur. Qui veniemus? Pater,
 & ego filius, ipse quoque Spiritus sanctus. Qui enim dile-
 ctionem Dei habet Spiritum sanctum, qui est amor Pa-
 tris & Filij, habet. Sed quoniam ad quosdam per compun-
 ctionem venit, qui non finaliter diligunt, sed tempore
 tentationis frigeſcunt, vel tepescunt, subiungit: *Et mā-
 sionem apud eum faciemus.* Pensemus fratres, pensemus,
 quanta dignitas, quantus honor, quanta dulcedo sit, ha-
 bere manentem in hospitio cordis Trinitatem. Certè per
 veram dilectionem & obseruantiam mandatorum Dei,
 tantum penes nos hospitem suscipimus: per perseuerans
 tem mūditiā, cū perpetuum habitatorem retinemus.

Mat. 7.

Mar. II.

Psal. 108.

I. Ioh. 4.

Quando
 Deus ad
 nos venire
 dicitur.

Nōne

Nónne fratres mei, si Regem temporalem, si aliquē principem, si aliquem amicum nostrū temporalem suscepturi essemus, nónne domum nostram mūdarem, ne aliqua turpitudine oculos intrantis offenderet? Ornarem, et festiuis ornāmētis, & festiua pararem fercula, ut intrās persona in nostro hospitio delectaretur. Multò magis fratres suscepturi hodie per largiorem gratiam. Spiritū sanctum, imò totam Trinitatem, per veræ lachrymas poenitentiae, hospitium cordis nostri mūdemus: per varias virtutes ornemus: per bona studia puramque contemplationem, Deo penes nos conuiuium præparemus: quatenus cōplaceat ei in nobis habitare, & in nobis semper delectari. Delitiae enim, inquit, meae, esse eum filiis hominum. Scilicet quoniam quidam sunt, qui aliquā Dei præcepta, vel ex seruli timore, vel ex naturali pietate, non ex vera Dei dilectione seruare videntur, ostendit neminem mādāta Dei posse adimplere, nisi per veram dilectionem cūm subdit: *Qui non diligit me, sermones meos non seruat.* Itaque fratres, quasi paria sunt, Dei dilectio, & mandatorum eius obseruatio. Sicut enim non verè Deum diligimus, nisi mandata eius obseruemus. Ita nec verè mandata Dei obseruamus, nisi eum diligamus. Quicquid enim est meritorium, ex sola dilectione est meritoriū. Cū autem eadem sit auctoritas Patris, & filij in omnibus: quia tamen filius ex Patre est, semper defertur Patri: Vnde & subdit: *Et sermonem quem audistis, non est meus, sed eius qui misit me Patris.* In quo confunditur quorundam superbia, qui putant se aliquid posse per se boni, vel sapere, vel loqui per se. Qui dicūt: Labia nostra à nobis sunt, quis noster Dominus est? Erubescere insolens vermīs: filius Dei dicit se nec loqui, nec sapere, nec posse aliquid ex se, & tu homuncio præsumis aliquid boni ex te posse sapere vel loqui?

Sequitur pars secunda, in qua promittit discipulis spiritum sanctum, dicens: *Hæc loquutus sum vobis apud vos manens. Paracletus autem, &c.* Quasi diceret, dum corporaliter vobiscum maneo, hæc pauca loquutus sum vobis: cū multa haberem adhuc vobis dicere, si possetis portare. Sed Spiritus sanctus, quæ minus dixi vobis, supplebit.

PROVER. 8.

Dilectio
Dei &
mandato-
rum eius
obseruatio.

psal. 117.

plebit, dāns etiam vobis maiorem intelligendi capacitātē. Vocat autem eum paracletum, id est, cōsolatorem : quoniam Discipulos de recessu mēstos erat cōsolaturus : minus fortēs, cōfortaturus : minus doctos eruditurus : nec solum autem eos, sed etiā quoslibet piē credituros . Eundem etiā vocat Spiritum sanctū, quia inspirat sanctitatē. Quicquid enim sanctitatis, quicquid bonitatis homo habet, spiritu sancto inspiātē habet : *Quem mittet pater in nomine meo.* Alibi dicit. Quem ego mittam vobis à Patre. Ex quo demonstratur quoniam Spiritum sanctum mittit filius : sed quod mittit filius, hoc habet à Patre. Pater etiā per filium eū mittit : *Ipse docebit vos omnia, et suggeret vobis omnia.* Hoc fratres mei impletum est die hodierna in discipulis, eū subito & mirabiliter operāte in eis spiritu sancto, qui antē erant rudes, facti sunt subito sapiētes : qui antē minime nouerāt de scripturis, facti sunt spirituales in scripturis : qui antē vnā solam linguā nouerāt, subito omnes linguas nouerunt. O fratres mei, quā potens, quā admirabilis, quā velox est in operibus suis Spiritus sanctus, qui quod cū labore & studio, & per longitudinē temporis vix fieri solet, hęc quietē, & sine meditatione, & sine mora, in suis operatur. *Et suggeret vobis omnia.* Multotiens fratres aliquid scimus, quod cū oportet nescimus. Sed Spiritus sanctus ministrat suis, non solum scientiā, sed etiam vt ea loco & tempore vti sciant. Sed Dominus alibi dicit : Dum steteritis ante reges & p̄sides, nolite cogitare quomodo aut quid loquamini : dabitur enim vobis in illa hora quid loquamini . Non enim vos estis qui loquimini, sed Spiritus Patris vestri qui loquitur in vobis . Ministravit igitur Spiritus sanctus discipulis, non solum sanctitatē & sapientiam, sed etiam eloquentiā, & eloquendi oportunitatē & audaciam, & miraculorū confirmationē, & resistendi fortitudinem. O vtinam descendere dignetur & in nos qualescunq; p̄dicatores ille sanctus & admirabilis spiritus, & inspirare nobis bonitatem & sapientiā bene viuendi & sapiendi : Et eloquentiam, oportunitatem & audaciam, bene & oportunē, & audacter p̄dicandi : & confirmationem operibus p̄dicationem confirmandi, & fortitudinem persequutoribus mundi resistendi.

Ioan. 15.

Sequitur pars tertia, in qua Dominus dat discipulis suis pacem, dicens: *Pacem relinquo vobis*, in mandato scilicet: *pacem meam do vobis*, in animo, ut scilicet & hic quantum possibile est, pacem habeatis; & ad æternam pacem desiderio festinetis. *Non quomodo*, inquit, *mundus dat*, ego *do vobis*. Porro pax alia prosperitatis, alia bonitatis, alia malitiae: Pax prosperitatis indifferens est: Bene enim ea utenti est bona, malè utenti est mala. Bene usus est Abraham & cæteri Patriarchæ pace temporalis prosperitatis, de quibus dicitur in Psalmo: Beati omnes qui timent Dominum, qui ambulat in viis eius: labores manuum tuarum quia manducabis: beatus es & bene tibi erit: Vxor tua sicut vitis abundans in lateribus domus tuæ. Filij tui sicut novellæ oliuarum in circuitu mensæ tuæ. Econtra mali malè utuntur pace prosperitatis temporalis. Nam unde deberent Deum benedicere, cum obliuiscuntur: superbiunt, efforminantur, & efferuntur. De quibus dicitur in Evangelio. Et quidem in hac die tua quæ ad pacem sunt tibi, &c. Et Dauid: Zelavi, inquit, super iniquos pacem peccatorum vidēs. In labore hominum non sunt, & cum hominibus non flagellabuntur. Et alibi: Quorum filij sicut novella plantationis in iuventute sua. Filix eorum compositæ circumornatæ ut similitudo templi. Promptuaria eorum plena, eructantia ex hoc in illud, &c. Ista autem pax temporalis prosperitatis non multum est nobis optanda vel petenda, fratres mei, quia quibusdam utilior est in hoc mundo aduersitas quam prosperitas. Nam multi saluantur in aduersitate, qui non saluarentur in prosperitate, sicut econtra multi infirmi saluantur in prosperitate, qui non saluarentur in aduersitate. Propterea fratres voluntati diuinæ non submittamus, ut ipse det nobis quod nouit utile magis esse nobis. Pax verò bonitatis est cōsensus plurium in bono. Hæc est pax quæ Christus promittit, & dat nobis. De hac hic dicitur: *pacem meam do vobis*. De hac etiam dicitur. Et factus est in pace locus eius. Hanc pacem habere debemus cum Deo, cum nobis, & cum proximo. Cum Deo, ut in omnibus eius concordemus voluntati, ut scilicet simus vnus spiritus cum eo. Nobiscum, ut cōsentiat & concordet caro spiritui. Cum proximis, ut simus cum omnibus

bus hominibus pacem habentes, quod ex nobis est, omnium bona volentes & quærentes : Et si etiam ipsi nobis sint infesti : iuxta quod David ait . Cum his qui oderunt pacem, eram pacificus : non tamen propter pacem debeamus malis in malo consentire, imò eos corrigere, vel nos ab eis sequestrare. Vnde Dominus: Non veni pacem mittere in terram, sed gladium. Veni enim separare filium à patre. Pax malitiæ, est consensus pluriū in malo, ut quando spiritus cōsentit carni in malo, vel plures sunt concordēs in malo. De hac dicitur, quod Herodes & Pilatus facti sunt amici in morte Christi. Hęc pax est pessima, quoniam mali, quantò sunt magis concordēs, tantò peiores. Hęc est pax quam dat mundus, non Deus.

Psal. 119.

Mat. 10.

Pax malitiæ quid.

Sequitur pars quarta, in qua Dominus discipulos suos de suo recessu præuidens turbandos, (quis enim de recessu tanti & talis magistri non doleret ?) eos præconsolatur, dicens, *Non turbetur cor vestrum, neque formidet*, id est, propter formidinem non turbetur. Propter formidinem recessus mei, non turbetur cor vestrum à sua tranquillitate. Et quare non debeant turbari, ostendit cum subdit: *Audistis quia ego dixi vobis: Vado & venio ad vos*, Vado à vobis ad passionem, & venio ad vos per resurrectionem. Vel vado à vobis patiundo, & ad Patrem ascendendo. Et venio ad vos Spiritum sanctum mittendo, à quo substantialiter seiungi non valeo. Hoc est quod alibi dicit: Non relinquam vos orphanos. Deinde ostendit recessum suum, non solum non eis nociturum, imò etiam eis profuturum dicēs: *Si diligeretis me*, id est, si me perfecte sciretis diligere, gauderetis utique, de hoc, quia vado ad Patrem. Et quare? *Quia Pater maior me est*, non quantum ad diuinitatis, sed quantum ad humanitatis substantiam. Ac si diceret, Ascensio mea ad Patrem, & mihi est sublimatio, & vobis confortatio: quia sublimatio magistri, gaudium & cōfortatio & spes debet esse Discipuli. Hoc, inquit, dixi vobis priusquam fiat, ut cum factum fuerit, credatis, me tanquam Deum ut præterita, ita futura nosse. Hoc etiam hodie fratres mei est argumentum fidei nostræ, quoniam Christus est verus Deus, qui ut præterita, ita futura nouit, & cætera quæ solius Dei sunt.

Sequitur pars quinta, in qua ostendit se innocentem propter obedientiam in instanti passuram, dicens: *lā non inuisa loquar vobiscum*, quoniam in hac nocte tradā me ipsum membris diaboli crucifigendum. *Venit enim per membra sua, princeps huius mundi*, id est, amatorū mundi, *et in me nō habet quicquam*, scilicet iuris. In nobis fratres mei, qui in peccatis concepti sumus, & sine peccatis non viuimus, videtur diabolus aliquid iuris habere. Sed in eo, cuius conceptus & vita maculam nesciuit, nihil proculdubio iuris habuit. Et si ad illū, fratres mei, in quo nihil iuris habuit, venire diabolus ausus fuit, quid putatis faciet nobis miseris, in quibus per peccata videtur habere plurimum iuris? Quid ergo faciemus nisi inquantū possumus, de potestate eius per penitentiam nos eripiamus: & ei, in quo non habet quicquā, vera fide & charitate adheramus. *Sed vt cognoscat*, inquit, *mandus, quia diligo Patrem, et sicut mandatum dedit mihi Pater, sic facio.*

Ac si dicat: Nō quia diabolus in me aliquid iuris habeat, me ei trade: sed vt cognoscant electi de mundo, quia diligo Patrem, & eius mandato in redemptione generis humani obedio. Itaque fratres mei, quoniam Deus sic dilexit nos, vt filium suum vnigenitum pro nobis morti traderet, diligamus Deum: & mandata eius obseruamus: vt ipsum habitantem & manentem in nobis habere mereamur. Habeamus pacem in nobis ad inuicem, non mundi, sed Dei. Spes nostra, cōsolatio nostra, desiderium nostrum, totum sit in Deo, & propter ipsum innocentem & patienter viuamus: eius voluntatem in omnibus quæramus & faciamus, ipso præstante qui in Trinitate perfecta viuit & regnat. Per omnia secula seculorum. Amen.

IN DIE TRINITATIS

2. Cor. 13.

Gratia Domini nostri Iesu Christi, & charitas Dei, & cōmunicatio Sancti spiritus sit semper cum omnibus vobis. Amen. Hodie fratres charissimi, in

Festum Trinitatis.

honore sanctæ & indiuiduę Trinitatis sollemniter celebramus. Conueniens quippè erat, vt post sollemnitatem specialiter de filio, in Natali, Resurrectione, & Ascensione specialiter de Spiritu sancto, in Pentecosten, specialiter de Patre in dominicis singulisque diebus,

com-

communiter hodierna die de tribus, id est, de sancta Trinitate in simul solennizemus: non quod Patrem & filiū, & Spiritum sanctum, (quorum est idem honor & gloria) diuidamus in honorem. *scilicet quod tria sunt sicut tribus* est communis vna substantia: ista singulis est specialis proprietas sua. Vnde scriptum est: In personis proprietas, in essentia vnitatis, & in maiestate adoretur æqualitas. In personis enim proprietas est, quoniam Patris proprium est generare, Filij proprium est nasci: Spiritus sancti propriū est procedere. Distinguitur quippè Pater à Filio, & à Spiritu sancto paternitate: distinguitur quoque filius à Patre & à Spiritu sancto natiuitate. Distinguitur & spiritus sanctus à Patre & filio, sua processione. Sed nemo fratres mei, cum audit Filium Dei nasci de Patre, vel spiritum sanctum procedere De ambobus, putet (sicut in humana generatione vel processione fit) substantiam patris diuisam, vel diminutam in filium, vel amborum in Spiritum sanctū. Propter hoc enim remouendum adiunctum est, quod in essentia trium personarum est vnitatis. Sunt enim vna substantia, vnus Deus, & vnus Dominus. Rursus nemo putet sicut fit in humana natiuitate vel processione: ita & in sancta Trinitate, Filium Patre, vel spiritum sanctum ambobus minorem, vel tēpore, vel gradu, vel potestate. Propter hoc enim remouendū adiunctum est, & in maiestate adoretur æqualitas. Sunt enim Pater, filius, & spiritus sanctus eiusdem trinitatis, eiusdem maiestatis, eiusdem potestatis. De æterno & summo patre semper nascitur coæternus & coæqualis filius: & coæternus & coæqualis spiritus sanctus semper ab his procedit. In sole tria sunt: ignea substantia, splendor, & calor. Ex ignea substantia semper nascitur splendor coæuus. Ex ambobus semper procedit calor eis coæuus. Et cum illa tria sic adinuicem per proprietates suas distinguantur, tamen sunt vnus sol, non tres soles. Comparatio tamen de temporalibus ad Deum nulla est. Sed qualibus exemplis possumus, quod intelligi vel enarrari non potest, balbutimus potius quàm eloquamur. Cum igitur audis patrem, crede, quia pater est. Cum audis filium, crede quia filius est. Cum audis spiritum sanctum, crede quia spiri-

Esaie 53.

tus sanctus est. Quomodo pater generet filium: vel quomodo pater & filius spirent spiritum sanctum, nolimus investigare, si non vis errare. Nam iuxta Prophetam generationem eius, vel illius ~~atque~~ ^{atque} quis enarrabit? Quoniam ~~scitur de sancta Trinitate hodie sollemnizamus, conueniē-~~ ter prelibata lectiuncula, in qua de tribus personis mentio fit, hodie recitatur. Est autem hæc quædam solutio, in qua ab Apostolo tria nobis optantur: *Gratia Domini nostri Iesu Christi, & charitas Dei patris, & communicatio spiritus sancti*. Sed cum hæc tria sint æquæ tribus communia, quare gratia hic specialiter attribuitur Christo, charitas patri, & communicatio spiritui sancto? Porro gratia hic appropriatur Christo: quoniam Christus non solum gratias nobis confert, sed etiam seipsum gratis dedit nobis.

Esaie. 9.

Vnde Esaie: puer, inquit natus est nobis, & filius datus est nobis. Quod enim natus est homo, quod passus, quod mortuus, quod resurrexit, quod ascendit in cælum, pro nobis fuit, & totum gratia est. Hanc gratiam Christi operatur Apostolus semper esse nobiscum: Quæ quidem quatuor modis est cum fidelibus, per effectum, per memoriam, per gratitudinem, per vicissitudinem. Per effectum est nobiscum, si quoddam a Christo generaliter omnes homines redimuntur, in nobis specialiter efficitur. Et quidem fratres mei, Christus (quantum in eo est) omnes homines redemit. Ipse enim sufficiens hostia fuit pro redemptione omnium: Sed quidam male viuendo, gratiæ suæ redemptionis se subtrahunt. Vnde Paulus hortatur,

Quatuor
modis gra-
tia est cum
fidelibus.

21. be H

Ne quis, inquit, desit gratiæ Dei. Non enim ait: Ne quibus desit gratia Dei, sed ne quis desit. Vt ostendat quod cum ipsa ex benignitate Dei omnibus præstò sit, eam tamen meritum humanæ prauitatis repellit. Per memoriam est nobiscum, si quàm vilia, probrosa, quâque aspera, Christus pro nobis sustinuit, semper memoriter cogitamus. Hinc est quod crucifixus, & cæteræ Christi picturæ nobis in Ecclesia proponuntur: ut per eas gratia dominicæ dispensationis, nobis in memoriam reuocetur. Per gratitudinem est nobiscum, si de misericordia, quam nobis operatus est, semper eum benedicamus, & ei gratiarum actionem de toto corde referamus: si nomē sanctum eius
semper

semper in nostro ore resonemus, non more nouem lepro-
 forum à Domino mundatorum, qui ob ingratitudinem
 à Domino reprobantur, per vicissitudinem est nobiscum,
 si ea quæ ipse prior fecit pro nobis, nos pro eo faciamus:
 si quemadmodum ipse mortuus est pro nobis, nos quo-
 que pro eo moriamur. Vnde scriptum est: Ad mensam
 magnam sedisti: scito quia talia te oportet ei præpara-
 re. Et Propheta: Quid retribuam Domino, inquit, pro
 omnibus quæ retribuit mihi? Calicem salutaris accipiam.
 Ac si dicat: eum tot & tanta mihi Dominus contulerit,
 quid dignè potero illi retribuere: Et cum pro me facto
 me totum illi debeam, pro me redempto & sic redem-
 pto, quid ei retribuam? Sed & si millies meipsum valeam
 illi retribuere, quæ retributio, quæ comparatio erit mei
 ad illum? tantilli ad tantum? tam peccatoris ad tam san-
 ctum? In cuius conspectu nec etiam ipsa astra sunt mon-
 da: quanto minus nos quorum vita non est nisi tentatio,
 & qui habitamus domus luteas? Attamen & si non pos-
 sum ei retribuere, vel hoc quod possum faciam, me non
 posse semper referam: & sacrificium illud quod possum,
 ei offeram. Charitas verò hic appropriatur Deo patri,
 quoniam patris est diligere, & filium semper charum ha-
 bere. Deus autem pater non solum filium suum vnigeni-
 tum diligere vel hæredem facere voluit: sed etiam nos
 indignos seruos per sanguinem vnigeniti sui filij in fi-
 lios adoptauit: & contra morem temporalium paren-
 tum, seruos suo filio cohæredes fecit. Vt simus, inquit
 Apostolus, hæredes quidem Dei: cohæredes autem Chri-
 sti. Optat igitur nobis Apostolus, vt nobiscum semper
 sit charitas Dei patris, vel charitas illa, qua Deus diligit
 nos, vel charitas illa, qua nos diligimus Deum. Et chari-
 tas quidem, qua Deus diligit nos, semper est nobiscum
 si dilectionem illam, qua nos vocauit, & fideles suos effe-
 cit per conuersionem, per ampliorem gratiarum colla-
 tionem, & per perseuerantiam, in nobis quod ipse per
 misericordiam suam facere dignetur, consummet & con-
 firmet. Charitas verò, qua nos Deum diligimus fratres
 mei, tunc semper est nobiscum, si (quod vtiā ipse no-
 bis concedat) eum tanquam summum & verum Patrem

Luc. 17.

Eccle. 31.

Psalm. 115.

Charitas

Rom. 8.

*Communi-
catio.*

totis visceribus semper diligimus, si mandata eius inuol-
late custodimus, si eum quantum possumus, ut boni filii in
munditia, misericordia, & sanctitate, cæterisque virtutibus
imitamur. Cõmunicatio quoque hęc appropriatur spiri-
tui sancto: quoniã cū spiritus sanctus sit amor, concordia,
& benignitas, eius est dona gratiarum suarū fidelibus ero-
gando cõmunicare. Optat igitur Apostolus, ut nobiscum
sit semper cõmunicatio spiritus sancti: vel illa, quæ dona
sua nobis cõmunicet, vel illa quæ nos bona nostra aliis cõ-
municare faciat. Vtraque enim ipsius est, & utinam fratres
mei vtrāque communicauonem, ille sanctus & benignus
spiritus operetur in nobis. Primam, ut videlicet communi-
cet nobis suarum largitatem gratiarum veram conferens
nobis fidem, sp̃s & charitatem, sapientiam, iustitiam, for-
titudinem, & temperantiã: cæteraquẽ dona sua tam spiri-
tualia quàm corporalia: quibus decẽter ornat, ipsum spi-
ritum sanctum inhabitatorẽ habere mereamur. Secundã,
ut ipsas gratias nobis collatas nos aliis communicare fa-
ciat, ne scilicet talentũ cõmissum inutiliter abscondamus:
sed potius ad profectum tam nostrum quàm aliorum di-
stribuamus. Itaque fratres mei, oremus toto corde ut sem-
per sit nobiscum gratia Christi, charitas Dei patris, cõmu-
nicatio spiritus sancti, quatenus dona Dei mereamur per-
cipere, & percepta, tam ad nostrum quàm aliorũ profectum
cõmunicare, ne de perceptis talentis tanquã inutiles ser-
ui damnemur: sed potius de acquisito lucro remunerari
mereamur: Largiente Deo & Domino nostro patre & fi-
lio & spiritu sancto, quibus est vnus honor, vna potestas,
vna gloria per infinita seculorum secula, Amen.

IN DIE TRINITATIS.

Ioan. 3.

ERat homo ex Phariseis Nicodemus nomine, princeps
Iudeorũ, hic venit ad Iesum. Lectio ista bipertita est,
fratres charissimi. Prima enim pars cõtingit Nicodemi ad
Dominum accessionem & confessionẽ. Secundã, ei factam
à Domino eruditionem. Primò igitur ostenditur Nicode-
mum ad Dominum accessisse, in quo quinque pariter no-
bis ostenduntur, id est ex quibus, & quis, & quantus, &
quãdo ad Dominũ venit, & quid ei dixit. Ex quibus venit?
Ex Phariseis, ex illa videlicet mala progenie, quã Ioannes
Baptista

*Mat. 3.
Luc. 3.*

Baptista progeniem viperarum vocat. Progenies, inquit, viperarum, quis vos docebit fugere à ventura ira? Ex mala igitur stirpe, tanquam rosa de spina natum est aliquod bonum. Iuxta quod ipse Ioannes dicit: Quoniam potens est Deus suscitare de lapidibus istis filios Abrahæ. Et hoc ideo fratres, vt nemo causetur malitiâ parentum sibi ob stare, sicut nec sanctitatem parentû sibi male viuenti prodesse: Domino dicente per Prophetam: quoniâ filius non portabit iniquitatem patris, &c. Quis venit? Nicodemus, id est, victor populi. Et iste quidē bene victor populi fuit: quoniâ cum populus suus esset incredulus, iste credulus fuit: Cum populus suus esset superbus, iste humilis fuit.

Ibidem.

Ezech. 18.

Quem nos fratres mei, imitantes, conemur vnusquisq; vitium populi sui superare. Si Iudæus es, stude Iudæis innatam incredulitatem superare. Si Gallus es, stude Gallis innatam superbiam superare. Si Romanus es, stude Romanis innatam auaritiâ superare. Si Pictauinus es, stude Pictauinis innatam ingluuiem & garrulitatem superare, & similiter de cæteris. Quantus venit? Princeps Iudæorû & Magister in Israël. Et cum tantus & talis esset, tamen non erubuit humilis, discipulusq; fieri. In quo cōsulantur Principes & Magistri, qui magis volunt ignorare quàm humiliari & erudiri. Quando venit? nocte. Et quare nocte? Si propter necessitatis festinantiam, imitabile est nobis, vt Medicum animarû nostrarû querere non procrastinemus. Si propter oportunitatē, imitabile quoque est nobis: vt opus unitatē temporis, in qua familiarius instruamur, eligamus. Si propter pudorē vel metum Iudæorû, signū est imperfectionis. Sed & hoc etiam imitabile est nobis: vt si adhuc imperfecti, pudorem vel metum superare non valeamus: sanius tamen occultē discere quā ignorare: occultē bene agere, quàm nihil agere studeamus. Quid dixit? Rabbi, scimus quia à Deo venisti magister. Nemo enim potest hæc signa facere quæ tu facis, nisi fuerit Deus cum illo. Tria de Domino cōstitetur: quia à Deo venerit, quod magisterium eius ex Deo sit: & quod per hæc diuina opera adueriti possit. Quæ tria fratres mei, in vno quoq; nostrû, (si boni Pastores & Prædicatores sumus) debent esse. Debet enim Pastor à Deo mitti, vt Aaron. In quo cōsulantur

Osee 8.

HOMILIAE

illi qui se ingerunt, de qualibus Dominus: Regnauerunt, inquit, & non ex me. Debet quoque Pastor, non suā, sed Dei doctrinam docere. Vnde Dominus: Et annuntiabis, inquit, eis ex me. Debet etiā ei opera facere, non quæ seculares faciūt, sed quæ facere possit nemo, nisi fuerit Dominus cum eo. Scimus, quia à Deo venisti Magister. Ac si apertè dicat: Quia à Deo venisti Magister, doce nos quomodo regnum Dei valeamus adipisci.

Sequitur pars secunda, in qua Dominus docet Nicodemum, quomodo valeamus adipisci regnū eorum. Porro tria sunt necessaria, vt ad regnum Dei ascendere valeamus: Baptismus, ascensio, & passio Domini. Per baptismum quippè digni sumus, qui ascendamus. Per ascensionem Domini, nobis cælum aperitur. Per passionem quoque eius, erigitur nobis scala, qua ascendamus. De baptismo igitur instruit Nicodemū, cūm dicit: Nisi quis natus fuerit denuo, nō potest videre regnum Dei. Ac si apertè dicat, per baptismum fit homo aptus, vt regnum Dei adipisci mereatur. In quo innuit duas esse natiuitates, primā carnalem, & secundā spiritualem. Per primā nascitur ex homine homo in peccatis ad mortem. Per secundā verò nascitur ex Deo intus in Spiritu sancto, ad vitā æternam. De prima dicit Dauid: In iniquitatibus conceptus sum, & in peccatis concepit me mater mea. De secundā dicit Ioannes: Quotquot receperunt eum, dedit eis potestatem filios Dei fieri, his qui credunt in nomine eius, qui non ex sanguinibus, neque ex voluntate carnis, neque ex voluntate viri, sed ex Deo nati sunt. At Nicodemus spirituales ignoans natiuitatem, tanquam rudis, ait: Quomodo potest homo nasci cūm sit senex? Nunquid potest in ventrē matris suæ iterato introire, & renasci? Quod dicit Nicodemus de prima natiuitate, verū est etiā de secūda. Quoniam, sicut nec prima, ita nec secūda iterari potest. Explanat igitur quod obscure dixerat Nicodemo, tria demonstrans, ex quibus, scilicet secūda natiuitas fiat: & quomodo à prima differat, & qualem hominē efficiat. Ex quibus fiat ostēdit, cūm dicit: Nisi quis renatus fuerit ex aqua & spiritu sancto, nō potest introire in regnū Dei. Porro in baptismo Domini sunt sacramentū exterius, & res, & purificatio

catid interior. Sacramentū exterius, id est, exterior ablutio, ab exterioribus sordibus, fit ex aqua, quādo scilicet homo tēn ea mergitur, in nomine Patris & filij & spiritus Sancti, amē. Purificatio verò interior à peccatis, fit à Spiritu sancto. Nihil itaq; confert exterior ablutio sine interiori; videlicet, ut quādo adultus fide vel indeuotē ad baptismū accedit. Sed nec interior sine exteriori fieri potest, nisi quādo effusio sanguinis supplet vicem baptismi. Deinde inter primam & secundam natiuitatem differētiā assignat, cūm dicit: *Quod nascitur ex carne, caro est: Et quod nascitur ex spiritu, spiritus est.* Ex homine enim carnali, nascitur per carnalem concupiscentiam homo carnalis. Ex spiritu verò sancto, nascitur per baptismum homo spiritualis. Per primam natiuitatē nascimur filij hominis veteris Adā; per secundam renascimur filij noui hominis Christi. Carnalis etiam natiuitas est tempore prior, Spiritualis posterior. Quoniam nisi fuerit prius natus homo carnaliter ex Adam, non potest spiritualiter nasci ex Christo. Vnde Apostolus: Non enim, inquit, est prius quod est spirituale, imò prius est quod est animale, deinde quod est spirituale. Hinc est quod infans in utero matris nō potest regenerari. Postea demonstrat qualem spiritualis generatio efficiat, cūm subdit: *Spiritus enim ubi vult spirat*, id est, cuius cor vult illustrat. *Et vocem eius audis*, vel per scripturas, quæ in spiritu Dei sunt scriptæ, vel etiam per hominem in spiritu Dei loquentem. *Et nescis vnde veniat, vel quò vadat*, id est, tu carnalis ignoras vnde gratia illa in hominem veniat, vel ad quantum bonum eum ducat. Sic est, inquit, *omnis qui natus est ex spiritu*. Qualis quippè est spiritus, talem efficit illū quem aspirat. Sicut enim spiritus est liber, spirans ubi vult: ita facit hominem quē aspirat, liberum, liberans per gratiam eius arbitrium, ut quando velit, possit facere bonum. Malus quippè, & si habet arbitrium à necessitate liberum, tamē non habet illud per gratiam à peccato liberatum. Sicut quoque spiritus per vocem sese declarat: ita hominem quem illustrat, per bona verba & opera, cæteraque exteriora signa, iustū esse manifestat. Sicut enim nescit homo carnalis vnde spiritus veniat, aut quò vadat: ita nescit quod homo spiritualis

1. Cor. 12.

ex Deo natus sit, & quod ad regnum cœlorum tendat.

Coloss. 3.

Propterea vos fratres, qui spirituales estis, & quorum vita abscondita est cum Christo in Deo, ne miremini carnalibus vos irrideant, si vos contemnant, si vos pro nihilo habeant.

1. Cor. 2.

Quoniam animalis homo, nō percipit ea quæ sunt spiritus Dei. Sola enim terrena sapit & quærit. Cum autē Nicodemus quæreretur quomodo possent hæc fieri, audiuit: *Tu es Magister in Israël, & hæc ignoras?* In quo ostēdit Dominus: Magistrū Ecclesiæ spiritualia ministeria nō debere ignorare.

Ministri

Ecclesiæ

spiritualia

mysteria

non debent

ignorare.

Nunquid enim decet pastorē esse bestiam, & gradiri incurvū more bestiæ: & non potius rectum stare hominem, & sapere quæ sursum sunt, non quæ super terrā: *Amen, amen, inquit, dico tibi, quia quod scimus, loquimur: Et quod vidimus in occulto, testamur apertè, & testimoniū nostrū non accipitis.* Idem fratres, hodie contingit, quoniam cum spirituales Magistri docent ea quæ spiritualiter sciunt, & testantur ea quæ spiritualibus oculis videntur, bestiales homines non credunt testimonio eorum.

Iohan. 2.

Non enim credunt aliqua esse, nisi quæ carnalibus oculis possunt videre: *Si enim, inquit, terrena dixi vobis, & non creditis.* Ut illud: Soluite templum hoc, & in tribus diebus excitabo illud: quomodo si dixero vobis cœlestia credetis?

Est autem argumētum à minoribus. Quoniam qui nō credit terrenis quæ à ratione hominū remota nō sunt, quomodo credet cœlestibus, quæ humanam rationē excedunt? Porro de ascensione sua instruit Dominus Nicodemum cum subdit, *Et nemo ascendit in cœlum, nisi & qui descendit de cœlo, filius hominis qui est in cœlo.* De se tanquam de alio loquitur, ut exemplum præbeat nobis arrogantiae deuitandæ. Ac si dicat, si vis in regnum cœlorum ascendere, adhereas per charitatis unionem filio hominis, qui solus cum membris suis ascendit. Itaque fratres mei, si in regnum cœlorū ascendere volumus, capiti nostro Domino nostro Iesu Christo, fide & charitate adhaereamus, quoniam qui membrū corporis Christi nō est, ad regnū cœlorum ascendere nequaquam potest. Vnde ipse dicit: *Nemo venit ad Patrē nisi per me.* Ipse quippè est ostium, ipse est ostiarius, ipse nobis est dux & subleuator ad regnū cœlorum. Quod autem filius hominis in cœlum ascendat, probat

Iohan. 14.

22

probat ex hoc quod ipse est idem in persona filio Dei, qui de cœlo descendit, sed quod expressius est, Filium hominis dicit in eodem tempore, in quo hæc loquebatur in terra, esse in cœlo. Sed cum sequentia loquutionis exigeret, ut diceretur filium Dei descendisse, & filiū hominis ascendisse: quia tamē non præiudicat veritati dictorum inconsequens iunctura dictionum: hic confuse dicitur idē filius hominis & descendisse & ascendisse, & in terra loqui, & in cœlo esse: ut penitus explodatur hæresis, quæ Christum in duas dividere personas attentavit. Fides enim catholica in Christo geminam quidem naturam, sed vnam solam confitetur personam. Hinc est, quod quamvis inconsequenter, tamen audacter & verè confitemur, & filium hominis mundum creasse, & filium Dei ex Virgine natum & quod maius est mortuum esse. De passione sua eum instruit, quum subdit: *Et sicut Moses exaltauit serpentem in eremo: ita exaltari oportet filium hominis: ut omnis qui credit in eum, nō pereat, sed habeat vitam æternam.* Et pulchrè magistrum legis, per figuram legis de sua instruit passione, innuens tam hoc, quàm alia in lege in figuram sui præcelisse. Ignitis enim serpentibus filios Israël in deserto necantibus, iubente Domino, Moses erexit serpentem æneum in palo, ad quem respicientes, ab ignitis serpentibus liberabantur. Porro Moses præfiguravit populum Iudaicum. Serpens æneus eleuatus in cœlo, in palo, exaltationē Christi in ligno figuravit. Et bene Christus per æneum serpentem figuratur: quoniam sicut æneus serpens, serpentis habet similitudinem & non rem: ita Christus habuit similitudinem carnis peccati, non autem carnem peccati. Et sicut æneus serpens cum serpens videretur, erat imputribilis & durabilis: ita Dominus, cum homo mortalis appareret, tamen secundum diuinitatem æternus erat & immortalis. Sicut autem respicientes ad æneum serpentem non occidebantur ab ignitis serpentibus, sed vivebant: ita quicumque vera fide & dilectione ad Christum crucifixum respiciunt, non occiduntur à serpentinis tentationibus diaboli, sed habent vitam æternam. Est ergo ac si dicatur Nicodemo vel cuihbet fidei. Si vis ab insidiis diaboli liberari, & in cœlum cum filio hominis asce-

HOMILIAE

Luc. 9.

ascendere, ad ipsum crucifixum semper respice. Respice, inquam, fide, respice dilectione, respice imitatione. Iuxta quod ipse alibi monet, qui vult venire post me, abneget semetipsum & tollat crucem suam & sequatur me. Hæc est enim fratres mei via, hæc est scala ascendendi ad regnū cœlorum. Non enim per diuitias, non per honores, non per voluptates itur ad regnum cœlorum: sed per veram fidem, per veram Dei & proximi dilectionem, per rerum temporalium, & etiam proprii corporis abrenunciationem, per humilitatem & patientiam. Per quam viam det nobis se sequi & consequi Dominus noster Iesus Christus, qui cum Patre & Spiritu sancto viuit & regnat Deus per omnia secula seculorum. Amen,

IN FESTO SANCTAE

Trinitatis.

Eccle. 11.

Time Deum & mandata eius observa. Hoc est omnis homo. In hac breui clausula fratres charissimi, forma & eruditio totius humanæ vitæ comprehenditur.

Cum enim Salomon de diuersorum sententiis & opinionibus multa concionatus esset, ad extremū conclusit hanc sententiam veriore & homini magis necessariam. Vos igitur fratres, si non potestis, multas scripturas legere: si non potestis multas sententias retinere: saltem hanc brevissimam sententiolam in mente semper retinete. Hanc adimplere satagite, quoniam hæc faciendo, vitam consequemini sempiternā. Videre igitur debetis quomodo sit timendus Deus: quomodo mandata eius obseruanda: & quomodo hic sit omnis homo. *Time*, inquit, *Deum*. Ac si apertè dicat, noli timere amissionem rerū temporalium: noli timere poenam vel mortem temporalem, sed solum Deum time. Timor enim damni temporalis vitiosus est. Ille enim solus timet amittere temporalia, qui ea nimis amat. Scriptum est enim. Nolite diligere mundum, neque ea quæ in mundo sunt: quia si quis diligit mundum, non est charitas Patris in eo. Itaque fratres, imitemur antiquos Patres, qui res terrenas non concupierunt, & habitas, non dilexerunt, & idè perdere illas non timuerunt, quin potius sine rancore eas dereliquerunt, & lætè eas pauperibus erogauerunt. Imitemur beatum Iob, qui tot & tan-

1. Ioh. 2.

*Iob imi-
saudus.*

tas

eas diuitias sine amore habuit, sine timore possedit, sine
 dolore perdidit. Illum ergo mundanum, vitiosumque
 timorem à nobis expellamus: discamus terrena contem-
 nere, & ea ridendo amittere vel potius erogare. *Timor*
 verò poenæ vel mortis naturalis est: & ideo nisi excesserit, non est vitiosus. Vnde & Dominus, qui nihil nisi bo-
 num habuit, hunc pro nobis volentariè suscepit: timuit
 enim mortem, & propter eam tristis fuit: Qui tamē hor-
 tatur suos ne timeant mortem: Nolite, inquit, timere eos
 qui occidunt corpus, animam autem non possunt occide-
 re. Sed potius illum timete, qui potest animam & corpus
 perdere in gehennam. Quasi diceret, quamuis humanum
 sit timere mortem, tamen vos propter timorem Dei vin-
 catis timorē mortis. Hinc est quod quāuis Apostoli vt ho-
 mines timerent mortem, clamat tamen Paulus: Cupio
 dissolui & esse cum Christo. Et Andræas: O crux deside-
 rata. Quod enim natura in eis reformidabat, hoc volun-
 tas amplectebatur. Nos ergo fratres, & si caro nostra re-
 formidat poenam vel mortem, nos tamen rectè viuentes,
 pati vel mori pro Christo desideremus. Si enim mors ti-
 menda est, propter consequētia timēda est. Mors quippè
 cum sit momentanea, magna poena non est. Sed poenæ quæ
 sequuntur mortem, magnæ & æternæ sunt, & ideo magis
 timendæ. Timeant ergo mortem qui faciunt vnde timere
 debeant. Timeāt mortem adulteriti, meant mortē fures,
 homicidæ, auari, periuri, ceteriq; iniqui. Nos ergo fratres,
 si rectè viuimus, si Deum toto corde diligimus, si mādāta
 eius obseruamus, mortem nō debemus timere, imò eam
 securi expectantes etiam desiderare, vt per eam de exilio
 ad patriam, de tristitia ad gaudium, de miseria ad beatitu-
 dinem transeamus, itaque fratres, solummodo Deum ti-
 meamus. Ipse enim in omnibus & omnia in ipso sunt ti-
 menda. Quoniam nec diabolus, nec homo, nec fera, nec
 aliquid aliud, nisi ipso volente, nobis potest nocere. Vn-
 de Sapiens ait: Qui timet Deū, omnia timēt eum: & qui
 nō timet Deū, timet omnia. Est autem timor Dei triplex:
 Seruilis, initialis, & filialis. Porro seruiliter timet Deum,
 qui conscius peccatorum suorum, non diligit Deum vt
 Patrem, sed timet vt ludicem; more serui iniqui, qui timet
 Domi-

*Timor
mortis na-
turalis.*

Mat. 10.

Philip. 1.

*Mors pro-
pter conse-
quentia ti-
menda.*

*Timor Dei
triplex,
Seruilis,
Initialis,
& filialis.*

Dominum suum nec diligit: Hoc timore diabolus & iniqui homines timent Deum. Iste timor in quantum quidem est initialis, est bonus: in quantum verò est seruilis, est malus. Hunc timorem vera dilectio foras mittit. Quoniam cum aliquis malus conuersus incipit Deum verè diligere, incipit eum non seruiliter timere. Vnde Ioannes:

1. Ioan. 4. Timor enim, inquit, non est in charitate, sed perfecta charitas, foras mittit timorem, quoniam timor poenam habet. Qui autem timet, nō est perfectus in Charitate. Ergo fratres mei, si quis nostrū sibi malè cōsciū est: citò conuertatur, & cōfiteatur, & ploret peccata sua, vt desinat seruiliter Deum timere, & incipiat eum verè diligere. Initialis verò timor est, quando aliquis se cōuertens ad Deum, incipit eum diligere, & tamen quia in cōscientia sua nondum securus est, eius iudiciū timet. De quo timore dicitur: Initium sapientiæ timor Domini: quia quando aliquis Deum incipit timendo diligere, incipit rectè sapere.

*Initialis
timor.*

*Filialis
timor.*

Psal. 13.

*In obseruatione mandatorum
Dei, quatuor obseruanda.*

*2. Cor. 3.
Rom. 9.*

Filialis verò timor est, quando aliquis non ex conscientia praua, sed ex sola dilectione Deum timet more boni filij, vel castæ sponsæ: qui non ex iniqua conscientia, sed ex sola dilectione diligunt: hic Patrem, illa sponsum. De hoc timore loquitur David: Timor Domini sanctus permanet in seculum seculi. Itaque fratres, timeamus ex sola dilectione Deum, qui nos creauit, qui nos tanquam pater filius diligit: seipsum pro nobis pretium tribuit: bona sua temporalia hic & in futuro coelestia dabit. Omnibus amicis nos relinquentibus, ipse nos nō relinquit, sed nos consolatur per prospera: corrigit per aduersa. In obseruatione verò mandatorum Dei, quatuor considerare debemus. Primò, vt non de viribus, sed de solo Deo confidamus. Propter hoc enim Iudæi, qui dicebant: non deest qui impleat, sed deest qui iubeat, legem implere non poterant. Sed nos fratres, nō ex nobis, sed ex Dei auxilio, eius posse facere mandata confidamus. Ipse enim dat velle & perficere. Vnde Apostolus: Non quod sufficētes simus cogitare aliquid quasi ex nobis, sed sufficiētia nostra ex Deo est. Et alibi: Non est volentis velle, neque currentis currere, sed misērentis Dei. Secundò, vt mandata Dei quomodo, quantū, quo ordine faciēda sunt, faciamus. Quomodo?

vt fa-

vt faciamus mandata Deo ex dilectione, non ex timore, nec ex carnali amore. Ex timore enim quidam cauent homicidia, adulteria, & furta perpetrare, nec ideo adimplent illa mandata: Non occides, non moechaberis, nō furtum facies. Quoniam, vt ait Poëta, *Oderūt peccare mali formidine poëne, Oderunt peccare boni virtutis amore.* Faciunt etiam quidā ea quę Deus præcipit ex carnali amore: quoniam diligunt filios, & vxores, & parentes carnaliter non spiritualiter: & ideo mandata Dei non adimplent. Quantum? vt faciamus mandata Dei secundum nostram possibilitatem. Quidā enim cum multa possint dare pauperibus, non ideo putent se adimplere mandata Dei de elemosyna faciēda, quia aliquid præstant. Deus enim pensat non quantum, sed ex quāto. Quo ordine? vt faciamus mandata Dei, eo ordine quo sunt faciēda. Si enim prius diligo me, vel aliquid aliud: & post Deum: Vel si plus diligo extraneos quam parentes, mandatum de dilectione non adimpleo. Tertio, vt eo fine faciamus mandata Dei, quo sunt faciēda. Qui enim propter vanam gloriam dat elemosynam, mandatum de elemosyna danda non obseruat, quæ propter solum Deum faciēda est. De quolibet Dominus ait: Amen dico vobis receperunt mercedem suam. Quarto, vt de obseruantia mandatorum Dei non penes nos gloriemur, sed Deo totum attribuamus. Sicut ipse præcepit, dicens: Cum omnia feceritis, dicite quia inutiles serui sumus, quod debuimus facere, fecimus. Et Apostolus: Qui gloriatur in Domino gloriatur. Postquam autem Salomō præcepit nos Deum timere & mandata eius obseruare, subdit causam, dicens: Quia hoc est omnis homo, id est, ad hoc est factus omnis homo. Et hæc faciēdo est omnis homo. Porro ad hoc est factus omnis homo, quoniam factus est homo à Deo, vt ipsum super omnia timeret & diligeret, & mandata eius obseruaret, & hoc faciēdo, beatam & perpetuam vitam obtineret. Et hoc aperte contra illos est, qui plus timent vel diligunt hominem, vel aliquam aliam rem quam Deum: vel qui plus faciunt mādatum hominis quam Dei. Qui profecto cum timorem, dilectionem & obseruatiam creatori debitā creaturę impēdunt: quid aliud quēm creaturam

Horatius.

Matt. 6.

Luc. 19.

1. Cor. 13.

pro Deo colunt? Illud quippè quod plus colis & diligis, tibi Deus est. Si ergo Deo præponis nummū: nummū tibi Deum constituis. Si meretricē Deo præponis: meretricem Deam tibi constituis. Si Bacchū Deo præponis, hunc tibi Deū constituis. Timēdo etiam Deū, & faciendo eius mandata, est omnis homo. Homo enim qui Deum non timet & mandata eius nō cōseruat, iam non est. Deus quipè solus, cuius essentia æterna & immutabilis est, dicitur propriè esse. Vnde & ipse ait ad Moysen: Sic dices, qui est misit me. Et: Ego sum qui sum. Hoc est nomen meū. Ac si diceret. Omnia temporalia quia nunc sunt, nunc nō sunt, non verè sunt. Itaque fratres mei, quantò plus accedimus per imitationem ad Dei bonitatem, vt scilicet simus sancti, sicut ipse sanctus est: mundi, sicut ipse mundus est: misericordes, sicut ipse misericors est: tantò magis sumus. Quārto verò plus recedimus à Deo, qui est verū esse per dissimilitudinem malitiæ, immunditiæ, crudelitatis, cæterorumq; vitiorū, tantò minus sumus. Non quia possit homo nihil esse: sed quia est melius non esse, quàm esse malè. Melius nihil esse, quàm infelicitè esse. Vnde Dominus de Iuda, Melius ille esset, si natus non fuisset homo ille. Optabunt enim reprobī in inferno mortem, sed mors fugiet ab eis, nec omninò peribunt, vt semper perire possint. Cū ergo pœna æterna duplo sit grauior qualibet pœna temporalī: melius esset reprobis semel penitus perire, quàm semper pereundo durare. Nos ergo fratres charissimi spreto mūdo cum cōcupiscentiis suis, solū Deum cum dilectione timeamus, & cum timor diligamus: eius mandata obseruare studeamus, vt cum eo verè esse, viuere & regnare perpetuò mereamur. Ipso auxiliante qui in Trinitate perfectā viuīt & regnat Deus. Amen.

DOMINICA PRIMA

post Trinitatem.

Charissimi, Deus charitas est, &c. Hæc loquitur fratres charissimi. Ioānes Apostolus & Euāgelista, dilectus à domino, qui & recubuit in cœna super pectus eius. Hic enim quia tenerius cæteris à Domino dilectus est, profundius & excellentius cæteris de dilectore suo & de dilectione eius eloquutus est. Hic itaq; facit in hac loquutione

tionem sex. Primò demonstrat quantam charitatem Deus habuerit erga nos. Secundo ad charitatem monet nos.

Tertio ostendit vera esse quæ de Dei dilectione dixit.

Quartò charitatem commendat. Quintò nos hortatur

ad dilectionem Dei. Sextò probat Deum sine proximo

non posse verè diligi. Volens igitur ostendere quantam

charitatem Deus habuerit erga nos, ait: *Deus charitas est.*

Sanè si Deus non omnes, vel tantū meritos diligeret, ipsa

charitas, id est, dilectio, propriè dici non posset. Nunc au-

tem quia omnes, & etiam immeritos diligit, ipsa charitas

& dilectio per emphasim, id est, per expressionem potest

dici. Ita quippè exuberat Deus visceribus pietatis & dile-

ctionis, quod suæ bonitatis & dilectionis neminem exper-

tem relinquit, facit enim Solem suū oriri super iustos, &

iniustos, & pluit super bonos & malos. Dat iumentis

escam ipsorum, & pullis coruorū inuocantibus eum. Vnde

ad eum verè per Sapientem dicitur: Nihil odisti Domine,

eorū quæ fecisti, ceterum dilectio & largitas diuina ne-

quaquam inordinata est. Quod utiq; esset, si omnes tam

bonos quā in malos æquè diligeret. Sed hoc non est: imò

malis quædā minora bona præbet. Vnde scriptū est: Ho-

mines & iumenta saluabis Domine, scilicet temporaliter.

Bonis verò maxima bona reseruat: quæ scilicet nec oculus

vidit, nec auris audiuit, nec in cor hominis ascendit.

Omines tamen quantū in ipso est, æternaliter saluabit. Vn-

de & hic ostēdit Apostolus quatuor, id est, quantū nos di-

lexerit: & ad quid & quādo: & quomodo. Quantū nos di-

lexerit, ostēdit cū dicit: *In hoc apparuit charitas Dei in no-*

bis, quia misit vnigenitū suū filiū in mundū. Multū fratres

mei, nos Deus dilexit: cū nec aurum, vel argentū: non

Angelum, non aliquam creaturam suam, sed ipsum vni-

genitum suum & amantissimum filium, tradidit pro no-

bis. Ad quid? ostēdit: *ut viuamus per eum.* Non enim ideo

dilexit nos, ut ipse melior esset de nobis, sed ut nos melio-

res essemus de eo. Et hæc est fratres, vera dilectio, quæ nō

quærit commoda sua, sed aliena. Quando nos dilexit?

ostēdit cū subdit: *In hoc est charitas, nō quasi nos dilexe-*

rimus eū: sed quia ipse prior dilexit nos. Tunc ergo dilexit

nos cū nos nō diligebamus eum, imò contemptores &

Mat. 3.

Psal. 146.

Sap. 12.

Psal. 38.

1. Cor. 2.

HOMILIAE

*Perfecta
dilectio ini-
micos dili-
gere.*

inimici eius eramus. Et hæc est fratres mei, vera dilectio & perfecta diligere etiam inimicos. Quomodo nos dilexit, innuit cum subdit: *Et misit filium suum propitiationem*, siue (vt alia translatio habet) litatorem pro peccatis nostris. Bene ergo dilexit nos, qui nõ dilexit in nobis malũ, quod ipsi feceramus, sed potius bonum, quod ipse in nobis fecerat, vel facturus erat. Ita ergo dilexit nos, vt nos faceret de peccatoribus iustos, de seruis liberos, de pollutis sanctos. Et hæc est fratres mei, vera dilectio, diligere in homine bonum, & odisse malum.

*Triplici de
causa pro-
ximus dili-
gendus.*

Sequitur pars secunda, in qua hortatur Apostolus nos ad dilectionem, dicens: *Charissimi, si Deus dilexit nos, & nos debemus inuicem diligere*. Est autem argumentum à minori, quoniam si Deus, qui non tenetur nos diligere, nos dilexit, multò magis nos qui ad inuicem nos diligere tenemur, nos diligere debemus. Tenemur quippè diligere proximum, triplici de causa, quia opus Dei est: & creatorem in creatura diligere tenemur. Et quia Deus præcepit, vt diligeretur, cuius præceptis obedire tenemur. Et quia Deus homines dilexit, cuius exemplum imitari tenemur. Diligamus igitur fratres mei, exemplo creatoris nostri proximos nostros, non vilia, sed etiam cariora nostra eis & pro eis dantes: Diligamus eos non intuitu temporalis retributionis, nec ad vitam temporalem, sed ad æternam. Diligamus quoq; eos priores, non expectantes vt ipsi prius nos diligant: sed potius nos eos præuenientes, de non amantibus amâtes, vel de inimicis amicos faciamus. Diligamus etiam eos & optemus eis bonũ: bonum quod est in eis amantes, malum verò si quod est, in eis odiētes, & ab eis auferentes. Ad hoc autem quod aliquis possit quærere, quare nos hortaris, primò ad dilectionem proximi: cum prius deberēs nos hortari ad dilectionem Dei? Respondet, *quoniam Deum nemo videt ynquam*. Ac si aperitè dicat: quia ergo Deus est inuisibilis, & dilectio eius est inuisibilis propterea vos hortor primò ad dilectionem proximi, in quo solus Deus diligitur: Et in cuius dilectione, dilectio Dei verius comprobatur. Vnde & subdit: *Si diligamus inuicem*, subaudis propter Deum: Deus in nobis manet per dilectionem & charitatem eius, quæ in nobis

perfe-

perfecta est, id est, in vera dilectione proximorum apparet, quia Deus nos diligit verè, & nos cum.

Sequitur pars tertia, in qua ostendit Apostolus sua & aliorum Apostolorum auctoritate vera esse quæ de charitate Dei dixerat, ostendens primo se tales esse, quibus credi oporteat, cum subdit: *In hoc cognovimus quia in Deo manemus & ipse in nobis: quoniam de spiritu suo dedit nobis*, id est, de gratiis Spiritus Sancti, quibus eruditi, sanctificati, & purificati sumus. *Et nos vidimus, fide, filij eius divinitatem, & oculis corporis, humanitatem eius. Et testificamur moribus, predicatione & miraculis, quoniam pater misit filium suum saluatorem mundi. Testificamur etiam quod quisquis confessus corde, ore, & opere. Fuerit quoniam Iesus est filius Dei, Deus in eo inmet, per gratiam, & ipse in Deo, per charitatē. Et nos, scilicet Apostoli, cognovimus experimento, hoc esse verum, & credimus charitati quam habet Deus in nobis, & inde cogimur diligere eum.* Infideles enim ideo non diligunt Deum, quia ignorant se diligi à Deo. Itaque fratres, si volumus, quod Deus in nobis maneat, & nos in eo, cōfiteamur Dominū nostrū Iesum Christum esse verū Deū veri Dei filiū, & saluatorem mundi. Confiteamur hoc, inquam, corde, ore, & opere: (quoniam unū sine aliis non sufficit) maximè ubi est necessariū. Petrus quippè cōfitebatur Dominū corde, sed tamen ore negando corruit. Corde enim, ut ait Paulus, creditur ad iustitiam, ore autem confessio fit ad salutem. Sed & sunt quidam falsi Christiani, qui corde & ore Christum confitentur, sed operibus diffitentur, de quibus Paulus, Confitentur verbis se nosse Deum, factis autem negant. Nos ergo fratres, Christum firma fide credamus: ardenti charitate diligamus, predicatione & opere, & etiam si necessarium fuerit, morte eum cōfiteamur, ut ipse in nobis, & nos in eo, in æternum manere mereamur.

Rom. 10.

Tit. 1.

Deus charitas.

Sequitur pars quarta, in qua commendat charitatem quinque modis. Primò, quod adeò digna sit, quod Deus eius nomine se voluerit appellari. Quod ostendit, cum dicit: *Deus charitas est*. Dicitur autē Deus charitas, & substantialiter & causaliter, & actiue & passivè. Et substantialiter quidem, Deus charitas, id est, dilectio dicitur, quoniam

HOMILIAE

nam eius substantia dilectio est, sicut sapientia, potestas, & huiusmodi. Causaliter verò dilectio dicitur, quoniam dilectionem, pacem, & concordiam, in suis efficit creaturis. Ipse enim efficit quod quatuor elementa, licet contrariarum sint naturarum, in vnâ dilectionis concordia connectantur. Ipse efficit quod quatuor humores in corpore, licet contrarii sint, in vnâ sanitatis concordiam vniuntur. Ipse efficit, quod in Ecclesia multitudinis credentium est cor vnû & anima vna. Ipse quoque efficit, quod diuersæ personæ sint vnanimæ, & vnus moris in domo. Atque etiâ dicitur Deus dilectio, quia benignus & suavis est Dominus vniuersis: quosdam per electionem, vt electos: quosdam per gratiarum collationem, vt præsentialiter iustos: omnes verò per essentiae conseruationem diligens. Passiue verò dilectio dici potest, quoniam amabilis est in se, & dulcis ad amandum. Cuius dulcedinem gustauerat Psalmista, qui dicebat: Gustate & videte quoniam suavis est Dominus. Et alibi: *Quam magna multitudo dulcedinis tuæ Domine, quam abscondisti timentibus te.* Secundo autem commendat charitatē, per hoc quod ea facit nos dignos qui maneamus in Deo, & in quibus Deus maneat. Vnde & subdit, *Qui manet in charitate, in Deo manet, & Deus in eo.* Per charitatem quippè in Deo manemus: quia si Deum diligimus corde & desiderio, in Deo manemus, eius mandata facimus, eius voluntatem nostræ præponimus, totis viribus ad eum festinamus. Per charitatem quoque Deus in nobis manet: quoniam si Deum diligimus verè, ipse habitat in nobis: gratiis suis nos implendo, nos sustentando, nos protegendo, regēdo, & dirigēdo. Tertiò verò cōmendat charitatē, per hoc quod charitas nos similes efficit Deo. Vnde subdit: *In hoc est charitas nobiscū: quia sicut ille est & nos sumus in hoc mundo.* Id est, sicut Christus est misericors, sanctus, & bonus, amator etiam inimicorū. Ita & nos qui sumus in hoc mundo, per dilectionē ei assimilari cupientes, studeamus fieri misericordes, sancti & boni, & etiâ inimicorū amatores. Iuxta quod ipse præcepit nobis: Qui mihi ministrat, me sequatur, subdens etiâ præmiū, cū dicit: Et vbi sum ego, illuc & minister meus erit. Vnde & hic quartò cōmendat cha-

*Psal. 37.
Psal. 30.*

1o. 12.

charitatē, quia facit nos habere fiduciam in aduentu Christi. Verū quippē est quod vulgò dici solet. Securē vadit ad Curiam, qui Præpositum habet parentē. Nos quoque fratres, si Deū verē dilexerimus, si eum tanquam patrē, sanctitate, misericordia, cæterisque virtutibus imitati fuerimus, cum magna securitate & fiducia, ad secundum eius aduentū veniemus. Hac securitate cōfessus Propheta, non timet mortē neque iudiciū, sed potius ut adueniat deprecatur: Educ, inquit, de carcere animam meam, ut confiteatur nomini tuo. Et Paulus: Cupio dissolui, & esse cū Christo. Quinto etiā cōmendat charitatē, per hoc quod timorem excludit, dicens: *Timor non est in charitate*, sed *perfecta charitas foras mittit timorem*. Quem timorem? Cū sint quinque species timoris, scilicet mundanus, humanus, servilis, initialis, & filialis. Perfecta charitas mundanum timorem prorsus excludit: quoniam qui perfectē Deum diligit, damna mundana sū rerū nō timet: sed potius quæ sine amore possidet, absq; dolore relinquere paratus est. Excludit etiā ex maxima parte timorem humanum: quoniam qui Deum perfectē diligit, ad pœnam & mortē temporālē non trepidat, sed potius securus expectat, ut per eam ad desideratam Dei visionem perveniat. Excludit etiā penitus timorem servilem: quoniam qui perfectē Deum diligit, per charitatem purgatus à delictis, non habet in cōscientia unde timeat, sed potius unde gaudet & securus fiat. Unde & hīc subiungitur: *Quoniam timor pœnam habet*. Quid enim serviliter timet pro culpa, cruciatur in conscientia. Excludit etiā timorē initialem. Unde & hīc subditur: *Qui autem timet*, subaudis in conscientia, *nō est perfectus in charitate*, quoniam qui Deum verē diligit & perfectē, non ut incipiens, hinc à timore, hinc ab amorē diuiditur, sed totus à dilectionis securitate possidetur. Filialem verò timorem, perfecta charitas hinc non excludit: quoniā etiā ille qui hīc perfectissimē Deum diligit, timet dum est in lubrica huius seculi via, ne cadat, ne Deum offendant. Timet moie castæ mulieris sponsum suum: timet non eius aduentum, sed eius recessum. Porro in futura beatitudine, ad eō perfectā erit charitas, quod penitus excludet timorē, vel ut omninō nō sit.

Psal. 124

Quinque
species timoris.

vel ut non efficiat hominem timorofum, fed reuerentem. Quod enim legitur, quia timor Domini fanctus, permanet in feculum feculi, vel de bono ad quod duxit, timor, vel de reuerentia intelligendum eft.

Ob tres
caufas do-
minus præ-
cipue dili-
gendus.

Sequitur pars quinta, in qua nos hortatur ad dilectionē Dei, dicens: *Nos ergo diligamus Deum, quoniam ipfe dilexit nos*. Tres funt præcipuæ cauſæ fratres mei, propter quas Dominū diligere debemus. Prima eſt, quia in ſe bonus & amabilis eſt: quā cauſam notauit ſuperius cū ait, Deus charitas eſt. Secūda eſt, qua diligere meruit, quæ cauſa hic notatur, cū dicitur: *Quia ipſe prior dilexit nos*. Tertia eſt, quia diligentibus ſe, premiū æternę beatitudinis, dabit: quam cauſam notauit ſuperius, cū dixit: *Ut fiduciā habeamus in aduentu eius*. Quare tanta amoris incitamentā mentē noſtram fratres chariſſimi, ad diligendum Deum non excitant? Et ſi negligimus eum diligere, eod quod in ſe bonus & amabilis eſt, quare in miſericordia eius dilectionis beneficia nobis quotidie exhibita: quare deſiderabilia æternę beatitudinis (quæ nobis præparauit) præmia nos ad diligendum eum non inflammant?

Sequitur pars ſexta, in qua oſtendit Apoſtolus Deum non poſſe verē diligere ſine proximo, dicens: *Si quis dicit quia diligo Deum, & fratrem ſuum odit, mendax eſt*. Non ait inimicum vel iniquum, quia inimicitiam vel iniquitatem debemus ſemper odio habere, naturæ verò fraternitatem diligere. Et hoc cōtra illos eſt, qui vel propter amicitiam hominis diligunt eius iniquitatem: vel propter iniquitatem hominis, odiunt eius naturam. Deinde probat duplici argumēto Deū non poſſe diligere ſine proximo. Primo argumēto ſumpto à minori, cū dicit: *Qui enim nō diligit fratrem ſuū quem videt: Deum quem nō videt, quomodo poteſt diligere?* Ac ſi diceret, nullo modo. Minus quippe eſt diligere proximū noſtrū quem quotidie videmus, cum quo nutriti ſumus, cui nos ſimilitudo & familiaritas amicat. Maius verò eſt Deum diligere, quem nullo ſenſu cognoscimus, ſed ſola fide credimus. Idē ſubſequēter probat argumēto ſumpto ab auctoritate mandati, cū ſubdit: *Et mandatum habemus à Deo, ut qui diligit Deum, diligat & fratrem ſuum*. Non enim verē poteſt quis diligere Deū,

niſi

nisi faciat eius mandatum. Vnde idem in Euangelio: Si quis inquit, diligit me, sermonem meum seruabit. Itaque fratres mei, si volumus in aduentu summi iudicis habere fiduciam & securitatē: diligamus interim Deum & proximum. Deū propter seipsum & super omnia: proximum propter Deum, & sicut nos: Nec diligamus verbo, neque lingua, sed opere & veritate, Christum in famelicis pascētes, in nudis vestientes, in hospitibus suscipientes, in infirmis visitātes, ut ab ipso mereamur audire: Venite benedicti Patris mei, percipite preparatum vobis regnum a constitutione mundi. Amen.

Ioan. 14.

1. Ioan. 3.

Mat. 25.

DOMINICA I. POST TRINITATEM.

Dixit Iesus discipulis suis parabolam hanc. *Homo quidam erat diues, &c.* Cum in hac parabola fratres charissimi, etiam nomen pauperis ponatur, patet quia nō solum parabola, sed etiam historia est. Et parabola quidem est, quoniam per similitudinem quid faciendum quidve fugiendum sit, demonstratur. Historia verò est, quoniam res gesta esse ex paupere, proprio nomine designato, comprobatur. Sed quare fratres mei, nomen pauperis ponitur, cum nomen diuitis taceatur, nisi quia pauper per electionem à Deo cognoscitur: Diues verò per reprobationem à Deo ignoratur? Hinc Moyse electo dicitur, noui te ex nomine. Et reprobis in futuro à Domino dicitur: Amē dico vobis nescio vos. In quo fratres, confunditur peruersitas nostra, qui nomina diuitum & potentum memoriter tenemus: nomina verò pauperum scire negligimus. Et vnde hoc nisi quia acceptores sumus personarū: & diuites quos Deus ignorat, scimus: pauperes verò quos Deus nouit, ignoramus? Attamen legimus de Beato Clemente, quòd pauperes regionū nominatim habebat scriptos. Porro propositæ parabolæ, sex sunt partes: primò enim ponitur meritum diuitis: secundò meritum pauperis: tertio præmium pauperis: quartò pœna diuitis: quintò, diues orat pro se: sextò pro suis, nec exauditur. Primò igitur ponitur meritum diuitis cum dicitur: *Quidam homo erat diues*, ostenditur autem hic esse verum illud quod Dominus alibi dicit, scilicet quod diues difficilè intrabit in regnum cœlorum. Et quia facilius est camelum per fora-

Luc. 16.

Exod. 33.

Mat. 25.

B. Clemēs.

Luc. 18.

HOMILIAE

men acus transire, quàm diuitem intrare in regnum cœ-
lorū. Diuitiæ quippè male vsæ, solent multa vitia genera-
re, vanam gloriam, voluptatem, superfluitatē, superbiam
& contemptū. Quod vanā gloriam generēt, ostēditur cū
subditur: *qui induebatur purpura & hyssō*. Quod pretiose
enim vestes ad gloriam quærantur, inde patet, quod nū-
lus appetit se pretiosis vestibus indui, nisi vbi scit se à plu-
ribus videri. Si enim in fluxu vestium, peccatum nō esset,
nequaquam Dominus Ioannem Baptistam de alperitate
vestium commendaret, & alios de mollitie reprehēderet,
dicens: Quid existis in desertum videre? Hominem mol-
libus vestitum? Ecce qui mollibus vestiuntur, in domibus
regum sunt. Quod voluptatem & luxuriam diuitiæ ge-
nerant, ostenditur cū subditur: *Es epulabatur quotidie
splendidē*. In duobus reprehenditur, & quia festiuis con-
uiujs delectabatur, & quotidie delectabatur etiam in pre-
tio, in apparatu, & in crapula ciborum, quæ Dominus
prohibuit, dicens: Cauete, ne grauentur corda vestra cra-
pula & ebrietate, & curis huius seculi. Quotidie etiam
hoc fastitabat: & si enim quādoque splendidius & emolo-
lius cœnandum est, vel propter festum, vel propter hos-
pites, vel propter infirmitatem, hoc tamen quotidie face-
re, grande vitium est. Quod verò superfluitatem diuitiæ
generent, ostenditur in vtroque, quia scilicet & superflue
vestiebatur, & superflue epulabatur. Quod superbiam &
contemptum generent, innuitur, ex hoc quod diues in
diuitiis se efferebat, & mendicū ante ianuam suam per-
euntem despiciebat.

Sequitur pars secunda, in qua describitur meritum
pauperis, cū subiungitur: *Et erat quidam mendicus no-
mine Lazarus, qui iacebat ad ianuā eius, vlcerebus plenus,
cupiens saturari de micis quæ cadebant de mensa diuitis, et
nemo illi dabat*. Quatuor ostēduntur Lazari miserie, quia
erat mendicus: quia infirmus, quia nemo in vtroq; ei subsi-
uebat: quia ante ianuam diuitis iacēs, multā tentatio-
nem ex præsensium visione deliciarum, sustinebat. Sicut
enim præsens mendici infirmi, fuit occasio diuiti maio-
ris damnationis: ita præsens deliciarum diuitis, fuit oc-
casio mendico coronæ grandioris. Si enim diues non ha-
beret

Mat. 23.

Luc. 17.

Diuitiæ
superflui-
tatem ge-
nerant.

beret præsentem mendicum, diuitiarum suarum videretur habere excusationem. Et si medicus infirmus à visione deliciarum remotus esset, tantam tentationis pugnam non sustineret. Quantas namque fratres mei, putatis Lazarum sustinuisse tentationes, cum medicus videret quotidie ante oculos suos, diuitem & suos in diuitiis superabundantem? Cum infirmus videret diuitem & suos in sua sanitate exultantes? Cum esuriens videret diuitem & suos, ex nimia saturitate eructantes? cum tot miseriis pressus videret quotidie diuitem & suos, tot prosperitatibus præfluentes? Magnus certe erat iste Lazarus, qui tot calamitatibus premebatur, nec opprimebatur, qui tot patientiæ fuit patientia, quem etsi tot flagella torserunt, tamen patientiam non extorserunt. Exemplo huius discant pauperes & infirmi, in suis aduersitatibus non murmurare: non diuites damnare, sed Deum benedicere, & flagella peccatis suis ascribere. *Et nemo illi dabat. Quia sicut diues immisericors erat, ita & immisericordes ministros habebat.* Iuxta illud Salomonis: Impius Princeps, omnes ministros habet impios. *Sed & caues veniebant, & lingebant ulcera eius.* Vbi homo seruo Dei ministrare contemnebat: bestia, prout poterat, seruiebat.

*Lazarus
erat magnus.*

Prover. 29.

Sequitur pars tertia, in qua pauperis præmium describitur, cum subditur. *Factum est autem ut moreretur medicus, & portaretur ab Angelis in sinu Abrahæ.* Fratres charissimi, quis sicut Dominus Deus noster qui in altis habitat & humilia respicit in cælo & in terra? Suscitans à terra inopem, & de stercore erigens pauperem? Ecce quem homo abhorret, dedignatur, & refugit, pius super omnia Dominus per ministerium suorum sanctorum Angelorum, visitat & suscipit, transferens de sterquilinio margaritam pretiosam, & in beata requie suorum collocans electorum. Est autem sinus Abrahæ, locus in superiori inferno tranquillus, in quo qui in fide Abrahæ moriebantur, cum requiescebant, expectabant Christum qui eis regnum cælorum aperiret.

Psal. 112.

*Sinus
Abrahæ.*

Sequitur pars quarta, in qua describitur poena diuitis cum subditur: *Mortuus est autem & diues, & sepultus est in infernum.* Ecce quem turba ministrorum & amicorum

HOMILIAE.

amicorum circūuouebat & palpabat, rapitur per durum ministerium crudelium dæmonum, & transfertur in infernum, de purpura & bysso in asperitates tenebrarum; de splendidis conuiujs, in famem & sitim perpetuam: & de inter blandas manus lachrymanium amicorum, inter duras manus stridentium dæmoniorum. Et quare? Nō quia legatur aliquid rapuisse vel defraudasse, sed quia sua superflue expēdebat, & pauperi nihil dabat. Si sic fratres dānantur qui nō dant sua, quid patientur qui rapiūt aliena? *Elevans autem oculos suos cum esset in tormentis, vidit Abraham à longè, tam loco quā affectu (quia Deo coniunctus, aliud quā Deus velle non potest) & Lazarū in sinu eius.* Porro cum iusti semper videant reprobos in penis ad augmentum gaudij, & ad glorificationē sui laboris: Reprobi tantum antè videre possunt electos, sed post nō: quia scriptum est: Tollatur impius ne videat gloriā Dei. Sequitur pars quinta, in qua diues orat pro se, nec exauditur, vnde & subditur: *Et ipse clamās, magis affectu quā voce ait: Pater Abraham miserere mei.* Patre vocat, quem filialiter imitari noluit, & qui vivens in delitijs & miseriā ignorabat, nunc in tormentis positus incipit scire quid habeat mali miseriā, & quid boni misericordia. Vos ergo dītes, ne similiter vobis cōtingat, discite per compassionē, inter diuitias, miseriā & misericordiam. Quia nō inueniet in alia vita misericordiam, qui in ista non habuerit eam. Vnde Iacobus: Iudiciū sine misericordia fiet ei, qui nō fecerit misericordiam. *Et mitte inquit, Lazarum, vt intingat extremum digiti sui in aquam, vt refrigeret linguam meam, quia crucior in hac flamma.* Ecce fratres quā terribilis est Deus in cōsilijs super filios hominum. Diues, qui micās de mensa sua cadentes esurienti dare volebat Lazarō, ad hoc iusto iudicio adductus est, vt ardens guttā aque de digito Lazari peteret, & nō acciperet. Qui si vel micās ei per misericordiam dedisset, aliquod refrigerium in penis inueniret. Itaq; fratres, si vultis misericordiā inuenire, misericordiā faciite: vocate pauperes ad conuiuia vestra, vel saltem date mensæ vestræ reliquias: date vel cadentes micās: ne si has fortè dare neglexeritis, refrigeriū in igne non inueniatis. Sed cur diues potius in lingua arsisse mem-

moratur,

*Iacob. 2.
Psal. 65.*

moratur, nisi quia comestationi, & sociæ eius loquacitati seruierat? Et ait illi *Abraham, Fils recordare, quia recepisti bona in vita tua: Et Lazarus similiter mala, nunc verò cōsolatur, tu verò cruciaris.* Nullus fratres charissimi adeo malus est, quin aliquid boni aliquando faciat. Nec aliquis adeo in hac vita sanctus est, quin aliquādo peccatū faciat. Deus autem iustus iudex, nullum bonū relinquere irremuneratum: nec aliquod peccatū inipunitum. Itaque diues si quid boni inter multa mala fecerat, remunerata sunt ei in collatione temporalis prosperitatis quam amabat. Et si quid mali Lazarus inter fidem, spem, constantiam, & patientiam, ceterasque virtutes fecerat, totū ignis tēporalis tribulationis expiauit. Et e contra, mala diuitis punita sunt in æterna pœna: Et bona Lazari remunerata sunt in æterna vita. Hinc discant diuites timere dum eis bene succedit in hac vita; dum florent & abundant: ne fortè propter illam prosperitatem, bona sua in hoc sæculo remunerentur: & peccata sua igni æterno referuentur. Et e contra discant pauperes & afflicti bene sperare, dum pauperie, afflictione, & miseria puniuntur: quia per illā aduersitatē peccata eorum, si patienter ferant, purgantur: & bona eorum æternæ remunerationi reservantur. *Et inter hæc, inter nos & vos magnum chaos firmatum est: ut qui hinc illuc transire volunt, non possunt, neque inde huc transmeare.* Sane si illi qui in tormentis sunt, ad requiem transire velint, non est mirum. Sed quomodo qui in requie sunt, ad eos qui in tormentis sunt, transmeare volunt, & non possunt? Puto quod sancti per consuetam compassionem & pietatem, quas in hoc sæculo habuerunt, vellent miserendo transire ad eos qui in pœnis sunt, nisi essent ita diuinæ coniuncti iustitiæ, ut aliud quàm Deus velle nulla possent ratione. Neque enim in æterna beatitudine, ubi dolor nō est, compassio esse poterit, quæ sine dolore non est.

Sequitur pars sexta, in qua diues pro aliis orat, nec exauditur, cum subditur: *Rogo ergo te pater, ut mittas eum in domum patris mei, habeo enim quinque fratres: ut testetur illis, ne et ipsi veniant in hunc locum tormentorum.* Frustratur de se, orat pro fratribus: & nunc incipit animas aliorum diligere, qui viuens suam non dilexit. Ad cumu-

*Mala diuitis punita,
& Lazari bona remunerata.*

HOMILIAS

lum quippè tormentum relinquitur ei, & cognitio, & memoria & compassio. Plus enim torquetur ex hoc quod cognoscit Lazarum nunc glorificatum super se, quem olim viderat sub se miserum. Plus etiā torquetur ex hoc quod recordatur felicitatis suæ, quam in domo patris sui quondam cum fratribus suis habuerat. Plus quoq; torquetur ex hoc quod compatitur fratribus suis, quos videt per eandē vitam, in eādē vêturos damnationem. *Et ait illi Abraham, habent Moſen & Prophetas, audiāt illos.* Ac si dicat: Lex & Prophetæ docent quomodo æterna damnatio potest euitari. Non pater, inquit, *Abrahā*: Sed si quis ex mortuis ierit ad eos, poenitentiam agēt: quia ipse scripturas cōtempseerat. Tales sunt hodie multi falsi Christiani, qui sacris scripturis non credentes dicunt. Quis est regressus ab inferis, qui nobis testimonium ferat: in quo se esse infideles ostendūt, dum nec præmia iustorū, nec poenas reprobtorum credunt. Sed subditur: *Si Moſen & Prophetas nō audiūt, nec si quis ex mortuis resurrexerit, credent.* Siue au dire hic ponatur pro credere, siue pro obedire, verum esse hodie apparet, quia scripturæ de Christo testimonium ferant. Qui nolunt credere scripturis, nolunt etiam credere Christo, qui à mortuis resurrexit. Qui non obediunt legi vel Prophetis minoris perfectionis: non obediunt perfectiori doctrinæ Christi, qui resurrexit à mortuis. Itaq; fratres discamus diuitias contemnere: modum in vestibus ac cibariis obseruare: pauperibus largiores, & misericordes esse de bonis nobis commissis, pauperes nobis amicos & intercessores facere: vt cū defecerimus, recipiant nos in æterna tabernacula. Ecce multos Lazaros quotidie ante ianuas nostras videmus: se importunè ingerunt: rogant qui rogari debuerunt. In quibus fratres mei, si fortè quædam corrigenda videmus, non ideo eos contemnimus: quia quod est in eis piandum, exultat ignis tribulationum. Si boni sunt, recipiēdi sunt, vt fratres & intercessores nostri. Sin minus, duplicē præbeamus eis eleemosynam. Demus eis & panem corporalem, & panem verbi spirituales, vt duplicem inde recipiamus mercedē. Vt cū venerit pauper pauperum Deus & Dominus noster Iesus Christus, recipiat nos in æterna tabernacula.

Falsi Christiani scripturis non credunt.

post Trinitatem.

Charissimi, nolite mirari, si odit vos mundus, &c. Quadripartita est hæc lectio fratres charissimi. Primò dicit non esse mirandum, si mali exosos habeant bonos. Secundò ostendit eos qui habent charitatem, viuere: & eos qui carent, mori. Tertiò exemplo Christi, nos ad dilectionis perfectionem hortatur. Quartò à falsa dilectione mundi nos dehortatur. Ait itaq; primò: *Nolite mirari si odit vos mundus*, id est, amatores mundi. Duo dicit, & quod mundus odit iustos: & quod inde non est mirandum. Et qua de causa mundus, id est, mali odiant iustos? Triplici. Prima est, quia vita iustorum contraria est vitæ malorum. Quanta enim contrarietas est inter ignem & aqua, inter lucem & tenebras, tanta contrarietas est inter iustitiam & iniustitiam, inter castitatem & luxuriam, inter ceteras virtutes, & vitia eis contraria. Propterea inter cultores istarum, & cultores illorum, pax & concordia esse non potest. Secunda causa est, quia boni odiant vitam malorum, & damnant. Tertia est, quia eos reprehendunt & corrigunt, cupientes eos auferre diabolo, & lucrari Deo. Itaque cum boni malos bono odio odiant, mali eos iniquo odio persequuntur, iuxta illud: perfectio odio oderam illos, inimici facti sunt mihi. Perfectum quippè odium est, quando ita odimus vitium iniqui, quod eius naturam diligimus: quod non odium, sed potius dilectio est. Vnde Psalmista: Posuerunt aduersum me mala pro bonis, & odium pro dilectione mea. Ioannes Baptista arguebat Herodem, dicens: Non licet tibi habere uxorem fratris tui. Sed unde Herodes debuit Ioanni gratias agere, inde cum incarcerationi, & decollauit. Hæc est retributio malorum. Porro quibus de causis mali odio habeant bonos, sapiens complectitur his verbis: Dixerunt impij, apud se non rectè cogitantes: Circonuenciamus iustum, quoniam contrarius est operibus nostris. Promittit se scientiam Dei habere, tanquam nugaces æstimati sumus ab illo, & abstinet se à viis nostris, tanquam ab immunditiis, &cæt. Quare non est mirandum si mali odiant bonos, quia amatores mundi sunt, unde & hic mundus vocantur. Si quis

1. Iac. 3.

*Triplici de
causa mali
odiant
iustos.**Psal. 139.
Perfectum
odium.**Psal. 102.**Marc. 6.**Sap. 2.*

HOMILIAE

1. *Joan. 2.*
Mali seip-
fos non di-
ligunt.

quis autem (teste Ioanne) diligit mundum, non est charitas patris in eo. Quare non est mirandum, si mali odiunt bonos: quoniam etiam seipsos odiunt. Qui enim diligit iniquitatem, odit animam suam. Quomodo diligit aliū, qui seipsum non diligit? Quare non est mirandum, si mali odiunt bonos? Quia sic consueverunt, faciunt non quod boni mereantur, sed quod ipsi solēt. Sic ab initio Cain iniquus iustum Abel fratrem suum persequutus est & occidit: sic iniqui fratres iustum Ioseph: sic iniquus Saul sanctū David: sic impij Hebræi sanctos prophetas: sic iniqui Iudæi Christū: sic infideles fideles. Propterea fratres charissimi mi, nec miremini, si mundi-amatores vos odiunt & persequuntur, Dominus enim suis discipulis inquit: Si me persequuti sunt, vos persequentur, ut impleatur illud Psalmi stx. Quia odio habuerunt me gratis.

Joan. 15.

Sequitur pars secunda, in qua ostendit eos qui charitatem habent, vivere: illos qui non habent, mori: cum subdit: *Nos autem scimus quia translati sumus de morte ad vitam, quoniam diligimus fratres.* Ac si dicat: quandiu fuimus sine Dilectione Dei & proximi, in morte peccatorū eramus. At postquā cœpimus Deum & proximū diligere, cœpimus vivere, vita scilicet virtutum. Sicut enim odiū & contemptus est fons omnium vitiorū: ita e contrario charitas Dei & proximi, est fons omnium virtutum. Per dilectionem quippē connectimur Deo & proximo, ut simus mēbra corporis Christi, quod est Ecclesia. At si dilectione caremus, iam nec membra Christi, nec de integritate eius corporis sumus, nihil fructus facientes, sed mortui & dānationi deputati. Quod Dominus in Euangelio per similitudinem vitis & palmitum ostendit, dicens: Ego sum vitis & vos palmitēs. Sicut palmes ex se non potest facere fructum, nisi manserit in vite: sic nec vos nisi in me manseritis. Si quis in me non māserit, mittetur foras sicut palmes & arefcet, & colligent eum & in ignem mittent, & ardet. Vnde & hīc subditur: *Qui non diligit, manet in morte.* Videat ergo vnusquisque nostrū penes se, si diligit Deū & proximum. Et si diligit, sciat quia in Deo vivit, & mēbrum Christi est. Si autem nō diligit, sciat quia in peccato mortuus est, & membrum Christi non est. Talis ergo per-

Charitas
Dei &
proximi
fons om-
nium vir-
tutum.
Joan. 15.

pœnitentiam festinet resurgere, & per charitatem Christo adhærere, ne forte tanquam palmes præcisus, in ignem æternum mittatur. Et si sic reus est qui non diligit, qualis est ille qui etiam odit? *Omnis, inquit, qui odit fratrem suum, homicida est.* Non ait inimicum, vel iniquum: quoniam inimicitiam vel iniquitatem hominis odisse bonum est: fraternitatem verò naturæ odisse, homicidium est. Proinde fratres, magna discretio hic habenda est, ut scilicet ita odio habeamus hominis vitium, quod non naturam: Et ita diligamus hominis naturam, quod vitium eius odio habeamus. Quod contra illos est, qui vel propter amicitiam hominis, consentiunt eius vitiis, vel propter inimicitiam vitiorum odio habent hominis naturam. *Et scitis quoniam omnis homicida non habet vitam æternam in se manentem, sicut nec palmes aridus, & à vite præcisus.*

*Vitium
hominis.
Natura
hominis.*

Sequitur pars tertia, in qua ad perfectionem charitatis nos hortatur exemplo Christi, dicens: *In hoc cognovimus charitatem Dei, quoniam ipse pro nobis animam suam posuit, & nos debemus pro fratribus nostris animas ponere.* Ac si diceret: Charitas per exhibitionem operis cognoscitur. Sicut ergo Deus, charitatem, quam habebat erga nos per operationem nobis demonstravit, ponendo pro nobis animam suam: ita & nos charitatem quam habemus in proximos, opere ostendamus, ponendo pro eis animas nostras. Est autem argumentum à maiori. Quoniam si Deus qui non tenebatur, tantus & talis, & prior pro nobis talibus, & tantus, animam suam posuit: quanto magis, nos, qui tenemur pro fratribus nostris comparibus animas nostras corporales ponere debemus? Ut scilicet si viderimus fratres nostros à gentilibus captos, in fide titubantes & dubios tenemus eos, animas nostras pro confirmatione fidei ponendo, in fide confirmare, ne forte negando in anima periret. Pro vita verò proximi corporali, vitam nostram ponere non tenemur. Legimus tamen in Dialogo Sanctum Sanctolum pro quodam clero ab infidelibus capto, vitam suam obligasse, ut scilicet manere vel captum, vel seipsum pro eo eis restitueret. Quem cum nocte recedere compulisset, ipse pro eo manere seipsum exhibuit gladiatori. Qui cum sanctum eleuato gladio decollare vellet,

S. Sanctolus.

vellet, dextera eius dirigit. Ad quod miraculū infideles admirantes, veniam ab eo poscunt, & ut prece sua dexteram suo decollatori redderet, exorāt, & quod vellet munus ab eis postularet. At Sanctus exacto per iusiurandum ab eo, ne ultra sanguinē Christianū funderet, ei dexteram restituit, & omnes captiuos Christianos quos tenebant, liberos recepit. Ecce fratres mei, quanta sit virtus charitatis, dum vnus corpus suū pro corpore alterius morti exponit, virtus diuina demonstratur: Et non solum illi duo, sed etiam multi à morte liberantur.

Sequitur pars quarta, in qua dehortatur nos à falsa dilectione, dicens: *Si quis habuerit substantiam huius mūdi, & viderit fratrem suum necessitatem patientem: Et cluserit viscera sua ab eo, quomodo charitas Dei* (quæ etiam animā pro proximis ponit) *manet in eo?* Ac si dicat: *Qui nō dat fratri indigēti mundanā quam habet substantiam, quomodo pro eo daturus est animam suam?* In hoc enim vera dilectio à falsa discernitur: quoniam vera dilectio nō potest claudere viscera pietatis, sed quod potest, operatur. Si multū habet, multum præbet. Si modicū, etiam illud libenter impartitur. Sitienti si habet vinum, porrigit: si non habet, dat vel aquam calidam. Quod si caret lignis quibus eam calefaciat, det vel frigidam aquam. Nec amittet mercedē suam, dicēte Domino: *Si quis dederit in nomine meo calicē aquæ frigidæ, nō perdet mercedē suam. Quod si plus non potest, det saltem consolationē, det vel compassionem, & orationem, & bonam voluntatem, quæ plus nequeunti sufficit.* Scriptum est enim: *Et in terra pax hominibus bonæ voluntatis.* Dilectio verò falsa est, quæ cum possit auxiliū ferre, dissimulat, & nō opere, sed solis verbis & promissis amat. A qua nos dehortatur Apostolus subdens: *Filioli mei, non diligamus verbo, neque lingua, sed opere & veritate*, id est non diligamus verbo solo, ut quidam simulatores faciunt, sed etiam opere. Nec diligamus linguosa & blanda fictione, sed cordis veritate. Nos itaque fratres mei, non fictā, sed verā habeamus dilectionem. Quod utiq; erit, si Deum solum in proximo diligere nouerimus: Si nostræ dilectionis & operis solum Deum causam statuerimus: si non ab homine, sed à solo Deo re-

munc-

Mat. 10.

Mar. 9.

Luc. 3.

murationē expectauerimus : Si nō hominibus, sed soli Deo in omnibus placere quæserimus: Si non in terra, sed in cælo thesaurizare certauerimus. Præstante Deo & Domino nostro, qui in trinitate perfecta uiuit & regnat Deus, per omnia secula seculorum. Amen.

DOMINICA II. POST TRINITATEM.

Dixit Iesus discipulis suis parabolam hanc: Homo quidam fecit cœnam magnā, & vocauit multos. In hac parabola fratres charissimi, septem animaduertēda sunt. Præparatio magnæ cœnæ, multorū inuitatio, Ad cœnam vocatio. Quorūdam excusatio, aliorū introductio, aliorum etiam compulsio: Excusantium æterna cōclusio. Porro præparatio magnæ cœnæ, est æternæ beatitudinis à cōstitutione mundi præordinatio. Hęc autē beatitudo multis vocatur nominibus. Vocatur autem hic cœna magna: alibi regnum cœlorum, alibi patria cœlestis, alibi gaudium æternum, alibi requies, & huiusmodi. Et quare hoc? Quoniam cū beatitudo cœlestis sit tanta & talis, quam nec oculus vidit, nec auris audiuit, nec in cor hominis ascēdit, &c. Sicut humanus animus non potest eā intelligere: ita nec humana verba eam possunt significare. Sicut enim magnitudī rei succumbit intellectus: ita rem (vt est) verba non explicant. Quia tamen necesse erat nobis eam utcunque significari, nec nos homines poteramus, nisi per humana verba & intelligere & fari: nominatur eadem beatitudo nominibus multis, mutatis & impropriis, & temporalem significantibus voluptatem. Multis autem nominibus idē significatur, vt proprietates æternæ beatitudinis, quæ non significatur nomine vno, significetur alio. Si enim vno nomine posset plenariē significari, non necesse esset eam multis nominibus designari. Mutatis: quia omnia ista nomina, beatitudo, cœna, regnum cœlorum, patria cœlestis, & huiusmodi, de temporalibus ad æterna translata sunt, cū comparatio temporalium ad æterna, nulla sit. Impropriis: quia rei veritatem nō exprimunt, sed utcunque per similitudinem innuunt. Temporalem significantibus voluptatem: vt per temporales voluptates, quæ breues sunt & vanæ, significetur illa æterna voluptas, quæ indeficiens erat & vera. Quia erga

Luc. 14.

Esaie 64.
1. Cor. 2.

homo hic maximè delectatur in splendida cœna: idèò regnū cœlorum, in quo non erit necesse manducare, vocatur hic cœna: quoniam ibi sancti post vesperam huius mundi, æterna reficientur satietate. Magna vero dicitur: quia erit sufficiens, & numerositati, & capacitati vniuersorum. Inuitatio verò ad hanc cœnam fit, quando homo ad fidem accedit. Quando enim fratres, ad fidem & ad Sacramenta accedimus, tunc nobis promittitur. Quod si in fide perseverauerimus, illius æternæ beatitudinis participes erimus. Ecce fratres, omnes ad illam æternam cœnam inuitati sumus. Ad illam ergo fide & desiderio tendamus, & operibus nos dignos efficiamus. Ad horam verò cœnæ per seruum vocamur, quando per prædicatorum ordinem monemur, vt venire ad æternam beatitudinem festinemus. Ecce fratres ipse qui loquor, qualiscunque sum, sum seruus qui vos voco ad horam cœnæ. Hora enim cœnæ iam erit in fine mundi, vel etiam in fine vniuscuiusque. Cùm enim de hoc seculo eximus ad illam æternam cœnam (si digni simus) intramus. Clamo etiam fratres, clamo vobis, præparate vobis quàm citò ad æternam, dum potestis: ne fortè tunc incipiat velle cùm non poteritis. Abluite per poenitentiam conscientiam. Induite vos nuptiali veste: Sint lumbi vestri præcincti, & lucernæ ardentes in manibus vestris. Nam soli tales ad cœnā admittentur. Sed ecce fratres, alij vocantur & consentiunt. Alij vocantur & etiam compelluntur. Quidam igitur se excusant, quorum sunt tria genera: Alius dicit: *Villā emi, & necesse habeo exire & videre illam.* Ille fratres mei villam emit, qui superbiam dominationis per superbiam sibi acquirit. Tales sunt hodie, vnde magis dolendum est, multi, qui contempta æterna cœna, honores & dignitates sibi emunt, non solum pro eis hominibus pretium dantes nummorum, sed etiam pro eis animas suas diabolo venundantes. Heu quàm pessima commutatio. Quid dicam super his qui etiam facinus in sancta Ecclesia facere non erubescunt? Qui ordines, qui Ecclesias, qui Ecclesiasticorum officia Sacramentorū vendūt vel emunt? Porro cum quo sunt hi computādi, nisi cum Iuda & Iudæis qui Christum vendiderunt & emerunt, quorum pecunia cum

eis erit in perditionem. Vt Petrus inquit ad Simonē Magum. Hi autem necesse habent exire ab inquisitione & amore spiritualium bonorū, & videre per amorem vilem emptarum dignitatum: extra alti, intus deiectioni, extra clari, intus tenebroli. De his scriptum est, hereditas ad quam se stinatur in principio, benedictione carebit in nouissimo. Alius dixit: *iuga boum emi quinque, & eo probare illa.* Per quinque iuga boum, quæ combinata sunt, significantur quinque sensus corporis, qui similiter in membris combinati sunt. Sicut enim iuga boum colunt & curant terram, ita quinque sensus corporis colunt & curant terrena.

Prouer. 20.

*Quinque
iuga boum
notat quin
que sensus
corporales.*

Iuga boum emit, qui pretio animæ suæ sola temporalia quinque sensibus subiecta, acquirit & emit: quorum oculi, sola pulchritudine corporalium specierum capiuntur. Aures, solis canoribus vanarum melodiarum delectantur. Gustus sapore vinorum, ciborum & salsamentorum inescatur. Nares suauitate odorum luxuriosorum irretiuntur. Tactus luxuriosus contactibus delectatur. Vnde conuenienter subiungitur, & eo probare illa. Per quinq; enim sensus, res exteriores probantur. Oculus enim probat quæ sunt magis pulchra. Auris, magis canora. Naris, magis fragrantia. Gustus, magis sapida. Tactus, magis suauia. Cum autem tam ille quam superior ire ad æternam cœnam contemnat; tamen se excusari rogat, dicens: *Rogo te, habe me excusatum.* Quoniam qui temporales honores & diuitias terrenas ambiunt & quærunt, & pessima commutatione emunt, cum nimis amata derelinquere, vel contemnere nolint, tamen à religiosis se apud Deum excusari & pro se orari rogant. Quasi dicant, ista non possum contemnere, sed rogo te, vt me excuses, & ores pro me. Vox quidem sonat humilitatem, sed mens habet contemptum & superbiam. Alius verò dixit: *Vxorem duxi, & ideo non possum venire.* Nomine vxoris, voluptas & luxuria carnalis hinc intelligitur. Non quia vxorem ducere sit malū, sed quoniam multi ob solam voluptatem eam ducunt. Qui ergo voluptati corporis seruit, ita consuetudinariis vitiis carnis irretitur, vt se ad magnam Dei cœnam ire non posse fateatur. Hæc igitur tria genera excusantium retinētur ne eant ad cœnam Dei, illis tribus vitiis, quæ Ioannes in

Ioh. 2.

Ibidem.

Epistola sua ponit, dicens : Nolite fratres diligere mundum: nec ea quæ in mundo sunt: quoniam quicquid est in mundo, aut est concupiscentia carnis, id est, voluptas: aut concupiscentia oculorum, id est, diuitiarum, aut superbia vitæ, id est, ambitio honorum. Et subiungit: Si quis autem diligit mundum, non est charitas patris in eo. Itaque fratres mei, animum nostrum ab amore seculi auertamus: amorem voluptatis refrenemus: Cupiditatem diuitiarum à nobis excludamus: superbiam & ambitionem euitemus. De introductione aliorum ad cœnam subiungitur, cum dicitur: *Exi citò in plateas & vicos ciuitatis: Et pauperes ac debiles, cæcos ac claudos, introduc' huc.* Per istos fratres mei, qui nec excusant, nec compelluntur intrare, significatur humiles, & de Deo multum, nihil verò de se præsumentes: cum sint in plateis & vicis, id est, in latitudine & strepitu secularis vitæ: tamen sunt pauperes spiritu, debiles se reputantes: sunt & cæci, id est, ignorantiam suam confitētes, sunt & claudi, id est, imperfectionē suam recognoscētes. Isti enim vocantibus ad æternā cœnam, tantò citius consentiunt, quantò terrena plus contēnunt: quantò debilitatem suam magis recognoscunt, tantò terrenam voluptatem minus appetunt. Impossibile enim est aliquem simul diligere Deum & mundum. Quantò enim quis plus diligit Deum, tantò plus contemnit seculū: Et quantò plus diligit seculum, tantò plus contemnit Deū. Itaq; fratres, ne amemus illud quod citò relicturi sumus. Mundana omnia iā relinquemus, vel ab eis relinquemur. Illa diligamus quæ non transeunt, quæ possessores suos beatos faciunt. De compulsionē aliorum subiungitur, cum dicitur: *Exi in vias & sepes, & quoscunque inueneris, compelle intrare.* Per istos significantur remotiores, qui in viis & negotiis huius seculi, à ciuitate Dei longius euagantur. Qui cum sint indurati in amorē mundi, ad cœnam Dei non veniunt, nisi compellantur per aduersitates, per paupertates, per infirmitates, & per afflictiones. Qui cū vident se in hoc seculo non posse inuenire requiem & felicitatem quam quærebant, aduersitatibus compulsi conuertuntur ad Dominum. De qualibus Dominus sub specie adulteræ mulieris, loquitur ad Iudæam, dicens:

dicens : Sepiam viam tuam spinis , & sepiam eam macéria , & non poteris inuenire semitam tuam . Quæres amatores tuos & non inuenies : quæres illos , & non apprehendes , & dices , reuertar ad virum meum : quia melius erat tunc mihi quàm nunc , & David : Cùm occideret , inquit , eos , quærebant eum & reuertebantur . Propterea fratres mei , considerate quoniam quando Dominus sinit homines prosperare in viis suis malis , & prauas voluntates adimplere , iustitia quidem est occulta , sed magnæ iræ Dei signum est . Vnde Dominus per Psalmistam . Et dimissi , inquit , eos secundum desideria cordis eorum . Et per Prophetam : Iam vltra non irascar tibi , zelus meus recessit à te . Contra quod David orans ait : Non tradas me à desiderio meo peccatori , id est , diabolo . Quando verò Deus non permittit peccatores implere malas voluntates suas , sed eos impedit , & aduersitatibus affligit , misericordiæ Dei signum est : Qui idèò hîc ferit , ne in æternum feriat , idèò hîc non parcit , vt in æternum parcat .

De conclusione verò excusantium ab æterna cœna subiungitur : *Amen dico vobis , quod nemo illorum qui vocati sunt , gustabit cœnam meam .* In quo consideranda est fratres charissimi , magna seueritas æterni iudicis . Ipse enim qui modò paterno affectu blanditur , qui nos inuitat promissis , qui nos trahit , nunc per inspirationem interiorem , nunc nos compellit per aduersitatem : qui nunc nos rogat , qui rogari debet : qui nunc nobis mittit legatos & compositores pacis , & quod maius est , fugientes reuocat : contemptores inuitat . Vnde ipse per Prophetam : Aures tuæ audient vocem post tergum morientis . Ipse in iudicio terribilis apparebit : Et illis qui nunc vocantem contemnunt , quamuis tunc clamitent : Domine , Domine , aperi nobis , terribiliter eis dicet : *Amen dico vobis , nescio vos .* Nos ergo fratres , dum tempus habemus , vocationes eius sequamur : non ambitione , non cupiditate , non voluptate , retardemur . Flagella eius & castigationes cum gratiarum actione suscipiamus . Vt ad æternam eius cœnam vel compulsi perueniamus . Ipso nos trahente , qui cum Patre & Spiritu sancto viuit & regnat in secula seculorum . Amen .

*Osca. 2.**Psal. 77.**Psal. 80.**Esa. 54.**Ezech. 16.**Psal. 139.**Esa. 30.*

DOMINICA III. POST TRINITATEM.

1. Pet. 5.

Humiliamini sub potenti manu Dei, ut vos exaltet in tempore visitationis, &c. Quatuor facit Apostolus hac in lectione fratres charissimi. Primò enim nos monet ut humiliemur. Secundo ut omnem solitudinē nostram in Deo ponamus. Tertio ut sobrii & vigilantes simus.

*Humilias
quid.*

*Virtutes
sine humi
litate non
profunt.*

Mat. 11.

Luc. 1.

Iob. 19.

Ierem. 5.

Quarto spondet auxilium Dei nobis affuturum. Primò igitur nos monet ad humilitatē. Est autē humilitas virtus quæ facit hominem ex verisimiliā sui cognitione sibi-
metipsi vilescere. Sicut autem superbia est radix omnium malorum siue vitiorum ita e contrario humilitas est funda-
mentum omnium virtutum. Qui enim virtutes sine humilitate congregat, quasi pulverē in ventū portat. Cæ-
teræ enim virtutes sine humilitate, non solum non pro-
sunt, imò nocent, dum faciunt hominem superbire. Adcò
quippe Deo est grata humilitas; quod plus placet Deo
peccator humilis, quàm iustus superbus. Sicut ipse nobis
demonstrat per exemplum humilis Publicani, & superbi
Pharisæi. Hanc virtutem Dominus noster Iesus Christus
præcipuè professus est, & ad eam exemplo sui nos inui-
tat, dicens: Discite à me, quia mitis sum & humilis cor-
de. Quem sequens beata Dei genetrix, quasi oblita virgi-
nitatis, cæterarumquē virtutum quibus præfulgebat, quia
respexit, inquit, humilitatem ancillæ suæ. Hæc virtus fecit
Moysen Deo familiarem esse. Hæc fecit David secundum
cor Domini esse. Ad hanc igitur nos hortans Apostolus
Petrus cum ait: *Humiliamini sub potēti manu Dei, ut vos
exaltet in tempore visitationis.* Porro quidam sunt sub
manu Dei, nec humiliantur. Quidam verò sub manu Dei
sunt, & humiliantur. Quidam verò etiā ante manū Dei
humiliantur. Intelligimus autem hic per manum Dei,
castigationem & flagellationem. Vnde Iob: Misere mini
mei, saltem vos amici mei; quia manus Domini tetigit
me. Sub manu ergo Dei sunt, nec humiliantur, qui à Deo
flagellantur, nec tamen per humilitatem mentis recogno-
scunt peccata ut emendātur. Talis erat Herodes, talis An-
tiochus, talesque cæteri peruersi, qui à Domino flagellan-
tur, nec tamen humiliantur aut emendantur. De qualibet
bus Dominus per Prophetā, percussit eos, & nō doluerūt:

Et

Et alibi: Curauimus Babylonē, & non est sanata. Ac si dicat: Ea quæ ad curationem eius sufficere debuerunt, fecimus: ipsa tamē curata nō est. Tales grauius cunctis in inferno pupiētur, quia hic nec per flagella emēdati, sed deteriorati sunt. Sub manu verò Dei humiliantur, qui sub flagellis suis peccata sua recognoscētes, humiliantur & corrigūtur. Talis fuit Paulus, qui percussus à Domino humiliatus & emendatus est. Tales fuerunt illi, de quibus legitur: cū occideret eos, quærebant eum & reuertebātur.

Psal. 70.

Ante etiam manum Domini humiliantur, qui nulla afflictione, nullisque flagellis attriti, spōte in prosperitate sua humiliātur, & in melius emendātur. Talis fuit Moyses, talis & Dauid, qui etiam in prosperis humiles extiterunt.

Prima igitur humilitas, quia fit in solo corpore, est inutilis. Secunda quia fit etiam in mente, bona. Tertia quia fit in mente & etiā sponte, optima. Quoniā verò à Deo humiliantur quidam, & detinētur inter flagella, ita vt desperant, subdit Apostolus. *Vt vos exaltet.* Quasi diceret, ita humiliamini sub flagellis Dei, quod spē habeatis, quod ipse vos exaltabit. Et quoniā rursus hic fictē humiliantur, vt in hac vita quidā exaltentur, vt hypocritæ, subdit: *in tempore visitationis*, id est, in secūdo aduentu suo. Qui enim quærunt exaltari hīc, in alia vita digni erunt humiliari.

Sequitur pars secunda, in qua monet nos Apostolus: vt omnē sollicitudinē nostrā in Deum ponamus, his verbis: *Omnem sollicitudinem vestrā in eum proiciētes: quoniam ipsi cura est de vobis.* Ac si dicat, ne putetis sub flagellis, quibus Deus vos affligit, vos à Deo negligi, sed potius tunc in eum sperate: quoniā flagella non negligentes, sed amantis signa sunt. Porro omnē sollicitudinē & spēm nostrā in omnibus in Deū ponere debemus, sed de diuersis diuerso modo. Sollicitudinē enim de salute animæ nostræ ita in Deum ponere debemus, quod & nos de ea non minus inde solliciti simus: scientes quoniam nō dormientibus neque negligētibus, sed sollicitis & laborātibus prouenit regnū Dei. Vnde & subditur: *Sobrii estote & vigilate, etc.* Sollicitudinē verò de his quæ ad corporalem vitā pertinet, ita in Deum ponere debemus, vt & ipsi & si non

2. Thes. 3.

Prouer. 20.

1. Cor. 6.

1. Pet. 3.

1. Cor. 11.

tudinem de his, tamen prouidentiam habeamus. Sollicitudinem enim nos habere de his Dominus prohibet, dicēs: Ne solliciti sitis, dicentes: quid manducabimus, aut quid bibemus, aut quo operiemur. Scit enim pater vester coelestis, quia his omnibus indigetis. Prouidentiam verò de his habere nō prohibemur. Vnde Apostolus. Qui non laborat, nec manducet. Et alibi: Magis autē laboret vnusquisq, vt habeat vnde tribuat necessitatē patienti. Et Salomon: Propter frigus piger arare noluit: mēdicabit ergo in aestate, & non dabitur ei. Cū enim prohibemur cogitare de crastino, crastinum pro futuro remoto intelligendum est. Non est cogitare de crastino, annonā præsenti anno prouidere. Sufficit enim, inquit, dici malitia sua, id est, satis est de præsentibus miseriis & necessitatibus corporis cogitare. Vt quid enim solliciti essemus de futuris miseriis & penuriis, quas fortē nunquam visuri sumus? Sollicitudinem quoque nostrā in periculis & dubiis, & in quibus humanum deficit consiliū, ita in Deum ponere debemus, vt & sollicitudo nostra nobis prouidere nō possit, tamē sollicita oratione Deum sollicitemus, vt ipse nobis consulere dignetur & prouidere, qui non derelinquit sperantes in se. Quoniam ipsi inquit, cura est de vobis, tanquā, bono patrifamiliās de familia sua. Simus ergo boni serui Deo: & ipse erit bonus paterfamiliās nobis. Si fideliter ei ministramus & ipse tam præsentia stipendia quā aeterna prēmia nobis fideliter prouidebit.

Sequitur pars tertia, in qua hortatur nos Apostolus ad sobrietatē & vigilantiam, dicens: *Sobrii estote & vigilate in orationibus, quia aduersarius vester diabolus, tanquā leo rugiēs, circuit, quærens quē deuoret.* Sobrios nos esse præcipit Apostolus, nō solū a comestatione & ebrietate, sed etiā a calice Babylonis, id est, ab ebrietate secularis cupiditatis. Hoc est quod Dominus ait in Euangelio: Videte ne grauentur corda vestra crapula & ebrietate, & curis huius seculi: ne fortē veniat in vos repentina calamitas. Sed quia nō sufficit sobrios esse, nisi etiā nos oratione muniamur, addit: *Et vigilate in orationibus.* Porro in oratione nos præcipit vigilare, non solū vt in ipsa oratione non vagamente, sed potius intenti & vigilantes simus, sed vt etiā non

solùm in diurnis horis, sed etiam in nocturnis, in oratione meminerimus vigilare, iuxta quod præcepit Ieremias: Surge & lauda in principio vigiliarum tuarum. Et David: Septies in die laudẽ dixi tibi. Et media nocte surgebam ad confitendum tibi. Et quare est vigilandum in orationibus?

Quia aduersarius, inquit, vester diabolus, tanquam leo rugiens circuit, quærẽs quem deuoret. Quatuor reddunt diabolus instructorem ad nocendum. Quia nunquam dormit, sed semper vigilat in insidiis: quia est inuisibilis, & ideo magis nocere potest, quia naturali callet ingenio, quia est longæuius, & ideo ex longa experientia versutior. Quia ergo aduersarius noster ira est munitus: ideo maior necessitas nobis incumbit vigilandi. *Tanquam, inquit, leo rugiens.* Quando diabolus apertè sæuit, leo vocatur: quando occultè immittit nobis venenosas tentationes, serpens dicitur: quando per calliditatem nos circumuenit, dicitur vulpes: quando non in principio, sed in fine fallit, dicitur scorpio vel draco, & huiusmodi. Vnde scriptum est: Super Aspidem & Basiliscum ambulabis, & cõculcabis Leonem & Draconem. Sicut autem leo rugiẽdo mittit quandam terrorem, & obstupefactionem animalibus ne fugere possint: ita diabolus adueniens solet mittere hominibus quandam horrorem & stuporem, ne sibi cauere queant. Circuit quoque ad modum leonis ouile fidelium: vt si quem inueniat ab vnione aliorum errantem, occidat. Circuit etiam vnumquemque fidelem, vt si fortè inueniat in eo aliquam partem minus munitam, per eam introeat, & perimat. Proinde fratres mei, maiori violentia vnusquisque se custodiat, ne ab vnione fidelis gregis segregetur. Seruet etiam iuxta Salomonem, omni custodia cor suum: ne fortè per incuriam nostram aliquis introitus in nobis ab aduersario reperiatur. Cui quomodo resistendum sit, ostendit, subdens: *Cui resistite fortes in fide.* Iunge igitur fidem cum sobrietate & oratione, quas præmisit, & habes tria per quæ diabolo potes resistere. Per sobrietatem quippè vigilamus: per orationẽ diabolus expugnatus, & per fidem per charitatem operantem, fraudes & tentationes eius euacuamus. Vnde Paulus: In omnibus sumẽtes scutũ fidei, in quo possitis ignea nequiss

Quare in oratione vigilandum.
Thren. 2.
Psal. 118.

Psal. 90.

Prover. 4.

Ephe. 6.

nequis

nequissimi tela extinguere. Et Dominus in Euangelio: Si habueritis fidem quantū granū sinapis, dicetis mōti huic, transfer te & iacta te in mare, & fiet Deinde exēplo aliorum nos monet diaboli tentationibus resistere, subdens: *Scientēs eandem tentationem ei quę in mundo est vestrę fraternitati fieri.* Ac si dicat: Non vos soli pugnās & tentationes diaboli sustinetis: sed etiā omnes fideles qui in hac vita sunt, tam viri quā mulieres tam senes quā iuniores, contra diabolicas luctantur tētationes. Propterea turpē sit vobis viri, superari à tētationibus diaboli, quas etiā mulieres deuicerunt. Turpē quoque sit vobis barbatī & canuti, superari à tentationibus diaboli, quas etiā pueri & impuberes deuicerunt. Turpē etiam sit vnicuiq; molliorem & effœminatiorem esse, nec resistere tentationibus quibus innumerabiles resistunt.

Sequitur pars quarta, in qua Apostolus spōdet fidelibus pugnantibus Dei auxiliū affuturum subdēs: *Deus autem omnis gratię, qui vocauit nos in æternā gloriā suā in Christo Iesu modicū passos, ipse perficiet, cōfirmabit, solidabitq;.* Dicitur autem Deus omnis gratię, quoniā omnis gratię largitor est, quia incipiētis, proficientis, & perficientis, cōfirmantis, & consolidantis. Et ipse qui vocauit vos per gratiam suam incipientē & perficientem, similiter per suā gratiam perficiet vos in eis quę vobis desunt, & confirmabit vos ne cadatis, & consolidabit in alia vita, ne cadere possitis. Sed interponit, ostēdens ad quid vocauerit nos, quia ad æternā gloriā suam, & per quę vocauerit nos, quia per passiones, quod ostendit, cū ait: *Modicum passos* Modicum autē idē dicit, quia temporales passiones & breues & nullę sunt respectu futurę beatitudinis. Iuxta illud Pauli: Existimo quod non sunt condignę passiones huius temporis, ad futuram gloriā quę reuelabitur in nobis. Et in quo vocauerit nos? quia in Christo Iesu. Sed & hoc ad singula referri potest. Quoniam & in Christo Iesu passi sunt: & in Christo Iesu perficiet, confirmabit, & consolidabit. *Ipsi gloria & imperiū per omnia secula seculorū, amen.* Ipsi quidē est gloria: quoniā sicut potens est hīc dare gratiā: ita est potens in futuro dare nobis gloriā. Ipsi quoque imperiū: quoniam sicut potens est hīc diabolū & suos im-

perio

perio suo refrenare, ita potens erit in futuro imperio suo eos dānare. Nos ergo fratres, cum rogemus, ut det nobis perfectam humilitatem, & spem in se & fiduciam: det & sobrietatem, & fidem, & in oratione vigilantiam, ceterasque virtutes, per quas valeamus diabolum superare, & gloriam consequi sempiternam. quod ipse præstare dignetur, qui est benedictus in secula. Deus. Amen.

DOMINICA TERTIA

post Trinitatem.

Erant appropinquantēs ad Iesum Publicani & peccato- Luc. 19.
res, ut audirent illum. Quatuor capitulis distinguitur
hæc sectio fratres mei. Primò enim continet pœnitentium
ad Christum accessiōem. Secundò Phariseorū inde mur-
murationē. Tertiò quod peccatores debeāt suscipi & etiā
quæri, probationem. Quartò de vno peccatore conuerso,
magis quàm de quibuldā iustis exultationē. Ostendēs igitur
primū peccatores pœnitētes accessisse ad Iesum, ait:
Erant appropinquantēs ad Iesum Publicani & peccatores.
Et quia sinistra intētiōe possent appropinquare, subdit,
ut audirēt verbū Dei. Patet ergo quia nō solū corpore,
sed etiam mēte ad eum appropinquabāt. Appropinqua-
bant enim tanquam infirmi ad Medicum: tanquā rei ad
patronum: tanquā peccatores ad misericordem: tanquam
immūdi ad lauacrū: tanquā oues erronæ ad Pastorem:
tanquā cæci ad illuminatorē. Quales accedere ad Deum
David monet, dicens. Accedite ad eum, & illuminamini. Psal. 33.
Exemplo horum accedite & vos peccatores frequenter ad
audiendum verbum Dei: quia non potest aliquis libenter
Dei verbum audire, quin malum incipiat ei displicere.
Sequitur pars secunda, in qua ostenditur Scribas & Phar-
iseos aduersus Iesum murmurasse, cum subditur. *Et mur-*
murabant aduersus eū, Scribæ & Pharisei. Est autē mur- Murmura-
muratione nec omninò occulta, nec omninò aperta. repre- tio quid.
hensio: media inter obiurgationē & detractionem. Phari-
sæi enim, qui nesciūt bonū in alio amare, sed potius inui-
dere & deprauare, nimietatem conceptæ inuidiæ non po-
terant iam omninò celare: nec audebant omninò propa-
lare, sed murmurabant. Nos verò fratres, inuidiam, detrax-
tionem, & murmurationē detestantes, discamus bona in
alio

alio amare, dubia etiam in meliorem partem inclinare, peccantem coram reprehendere, nec ei clam detrahere vel murmurare. Detractio quippe & murmuratio ex malitia occulta nascuntur, nec volunt prodesse, sed tantum nocere. Non enim ut proficiat, detrahit quis, vel murmurat, sed potius ut infamet & noceat. Aperta autem reprehensio si benigne fiat, & facienti, & cui fit prodest: & si cui fit non prodest, facienti non prodesse non potest. Vnde Philosophus ait: Aperte me increpa, non occulte me mordeas. *Ecce, inquit, hic peccatores recipit, & manducat cum illis.* Mentiuntur, qui enim recipit peccatores, peccator est. Sicut qui recipit fures, fur est. Recipere quippe furem vel peccatorem, est eius furto vel peccato consentire. Porro peccatores recipere hac intentione, ut corrigantur: hoc non est recipere peccatores, sed fratres. Quod nos Apostolus precipit facere, dicens: Si mulier infidelis consentit habitare cum viro fidei, non discedat fidelis: sanctificabitur enim mulier infidelis per virum fidelem. Itaque iuxta Philosophum, illum tecum suscipe, quem tu possis facere meliorem, vel qui te. Propter ad meliorationem alterius ex nobis, praecipit Apostolus: Infirmum, inquit, fratrem assume. Propter ad meliorationem nostri ex aliis, ait Poeta: *Nunc te melioribus offer.* Si quis autem incorrigibilis persistit, non est recipiendus: sed etiam receptus excludendus, ne per vitium unius multi corrumpantur. Vnde Apostolus: Auferte malum ex vobis. Et alibi: Haereticum hominem post primam & secundam correctionem deuite. Et Philosophus: Tales, inquit, iunge socios tibi, ex quorum contubernio non infameris. *Et manducat cum illis.* Manducare quoque exemplo nostri Redemptoris hac intentione cum peccatoribus possumus, ut occasione prandij eos corrigamus. Et dum nos pascunt corporaliter, eos spiritualiter pascamus. Quia ergo Publicani & peccatores ad verbum Dei corripiebantur, ideo eos recipiebat, & cum eis manducabat. Sed Pharisei etiam bona deprauantes, dicunt eum recipere, id est fouere peccatores. In quo ostendunt se non veram habere iustitiam. Qui enim verum iustus est, neminem damnat, peccatores non contemnit, sed potius eis compatitur: bona aliorum non deprauat, imò etiam dubia in melius inter-

1. Cor. 7.

Rom. 15.

1. Thes. 4.

1. Cor. 5.

Tit. 3.

*Quomodo
manducans
de cum pec-
catoribus.*

inter-

interpretatur. At econtrà isti arrogantes iusti, Deum de misericordia reprehendunt, & peccatores aspernantur, & etiã bona in malum interpretantur.

Sequitur pars tertia, in qua Dominus per duplicẽ probat parabolam, peccatores pœnitẽtes non solum debere recipi, sed etiã quærì. Est autem iuxta literam probatio hæc a minori. Si enim homo ouem, vel mulier dragmam perditam, res utiq; temporales, irracionales & perituras, cum tanta sollicitudine quærìt: inuentas humeris reportat, gaudet, & vicinos sibi cõgaudere hortatur: quantò magis homo hominem, fratrem suum, pro peccato perditum, rem utique rationalem & semper victuram, cum maiori sollicitudine debet ad salutem quærere, repertum proprio labore ad Ecclesiam reportare, & de eius correctione gaudere, & alios ad congaudendum monere. In quo fratres mei, nostra (quod sine dolore nequeo dicere) confunditur duritia, qui plus dolemus de damno bouis vel ovis, vel pecuniæ nostræ, quàm de damno vnius vel multarum animarum. Si enim amittitur res temporalis, cum multa sollicitudine eam quærimus, nos & alios fatigamus: non cessamus quousque eam inueniamus. Si verò peccando perit anima fratris, pro qua mortuus est Christus, non curamus: negligimus, imò multotiens irridemus, vel etiã consentimus. Vt quid hæc? nisi quia charitatem proximĩ non habemus: cui ouem vel asinum præponimus. Iuxta verò mysticum sensum, probatio est à maiori. Mysticẽ enim homo vel mulier, Christus Dei sapientia intelligitur. Ovis verò vel dragma, in qua imago Regis inscribebatur, homo ad imaginem Dei factus accipitur. Si ergo Christus Deus & Dominus vniuersorũ, ad eò fugitiuum seruum hominem dilexit, quod pro eo recuperando, nonagintanouem oues in deserto, id est, nouẽ Angelorum ordines in cœlo corporaliter reliquit, hominem inter diuersos mundi errores quæsiuit, eius peccata in cruce portans, cum ad patriam reuexit: & in hoc gauisus est, & ad congaudendum non oui, sed etiã sibi, Angelos inuitauit. Nõne multò magis homo hominẽ, frater fratrem debet diligere, pro eo lucrando, omnia negòtia postponere, eius salutem quærere, eius peccata portare, & ad Deũ eum redu-

reducere, de eius salute plusquā de lucris secularibus gaudere, & alios ad congaudendum monere?

Sequitur pars quarta, in qua Dominus adaptans similitudinē, ait: *Ita gaudiū erit in cælo super vno peccatore poenitentia agente, quā super nonaginta nouē iustis, qui non indigent poenitentia.* Et quidem fratres mei, plus de amissa rei recuperatione, quā de re nunquā amissa gaudere solemus. Maius quippè est rem restaurare, quā cōseruare: & mirabilius est post lapsum surgere, quā nunquam cadendo stare. In quo etiā illud notari potest, quod quidam quantò grauius ceciderunt, tantò feruentiores resurgunt. Et quia illicita se cōmisisse sciunt, etiā licita sibi absciūt: plusquam etiam iussū faciunt: nunquā se satisfacere credunt: perfectè mundum deserunt, ad cœlestia toto desiderio tendunt: illa suspiriis & lachrymis deposcunt: pro eis pati quælibet grauiā facile ducunt. Econtrariò quidam, quia nullum graue crimen se cōmisisse putant, tepidi manent, nullo desiderio, nullis suspiriis, nullis lachrymis, ad cœlestia inardescūt, sed nec frigidi, nec satis calidi viuunt. Maius ergo gaudium est Deo & Angelis eius super seruo rem vnus poenitentis, quā super tepidam iustitiam plurimum iustorum. Quoniam Rex plus illum militem diligit, qui post fugā reuersus, hostes fortiter premit, quā illū qui nec fugit, nec vnquam fortiter egit. Nos ergo fratres charissimi, duritiam & falsam iustitiam Phariseorum cuius temus, compatiētes in peccatores & pauperes & afflictos simus: auersorum conuersionem quæramus, errantes corrigamus, & ad Deū reuocemus. Nihil quippè plus acquirat nobis misericordiam, quā quod si facimus aliis misericordiam. Qui ergo lapsi sunt, ad pristinum statum cum seruo: redeant, vt de conuersione sua luctum diabolo & gaudium Deo & Angelis suis faciāt. Qui verò iusti sunt, nunquam tepescāt, sed semper in charitate & in compassionē proximī inardescant, & secum spolia captiuitatis ad Deum reportare fateant, largiente Domino nostro Iesu Christo, qui cum Patre & Spiritu sancto viuunt & regnant Deus. Per omnia secula seculorum. Amen.

DOMINICA QVARTA

post Trinitatem.

Exi-

Existimo quod non sunt condignæ passionēs huius temporis ad futurā gloriā quæ reuelabitur in nobis, &c. Rom. 8.

Tripartita est hæc lectio fratres mei. Primò ostendit Apostolus passionēs sanctorū non esse condignas magnitudini præmiorū. Secundò dicit ipsos non volentes subdi passionibus, sed tamen in spe patienter portare. Tertiò dicit omnes inter passionēs ingemiscere, & etiā ipsos sanctos, & ideo æternā gloriā magis desiderare. Ait ergo primò, *Existimo quod nō sunt cōdignæ passionēs huius temporis ad superuenturam gloriā, quæ reuelabitur in nobis.* Ac si apertè dicat, per nullas passionēs temporales dignè mereri valeamus magnitudinē gloriæ quæ nobis in futuro tribuetur. Imperator quippè noster, fratres charissimi, largus, imò ipsa largitas est, nec vult paruitati nostrorū laborū præmia sua cōmensurare, sed potius de diuitiarū suarū largitate nos superabundāter accumulare. Labores quippè nostri sunt modici, præmia erunt immēsa. Labores nostri sunt breues & momentanei, præmia erūt sempiterna. Labores nostri sunt terreni, præmia erunt cœlestia. Labores nostri parū in se habent amaritudinis, præmia ineffabilem habebūt in se dulcedinē. Sicut scriptum est: Nec oculus vidit, nec auris audiuit, nec in cor hominis ascēdit quæ præparauit Dominus diligētibus se. Quod verò passionēs huius temporis non sunt condignæ passionēs ad futuram gloriā quæ reuelabitur in nobis, probat cū subdit: *Nam expectatio creaturæ, reuelationē filiorū Dei expectat.* Vocat autem hic fideles creaturā, eò quòd à cæteris creaturis ferè in nullo hic distare videātur. De terra enim sunt & in terra morātur, & de terra viuunt, mutātur & corrumpuntur, moriuntur sicut cæteræ creaturæ: vnde videtur esse idem finis hominis & iumentī. Eosdē verò vocat secundum statum æternæ vitæ (siue futuræ) filios Dei: eò quòd tunc erunt similes Deo immortalitate, puritate, glorificatione, & claritate. Iuxta quod Ioannes ait: Charissimi, sciimus, quia filij Dei sumus, sed nondum apparuit quid erimus. Cū autem apparuerit, similes ei erimus, quia videbimus eum sicuti est. Ait ergo: *Expectatio creaturæ reuelationē filiorū Dei expectat.* Quasi diceret, fideles quī sunt in miseria huius mundi, expectant aliam vitam, vt in

Esa. 64.

1. Cor. 2.

1. Ioan. 3.

HOMILIAE

ea glorificetur in filios Dei, id est cum sint tantilli, tantam rem expectant: ut qui nunc similes sunt bestiarum, sint similes Dei. Quod verò ait inculcando: (expectatio & expectatio) expectantium certitudinem, desideriumque significat. In quo damnatur (quod sine gemitu dicere non possum) illi qui tantum in hac vita spem habent, aliam verò vitam nec esse suspicantur, dicentes: Quis est regressus ab inferis, qui testificetur nobis aliam vitam esse? Sic semper nascuntur homines & moriuntur: transit homo sicut umbra & fumus, non amplius futurus. Propterea, inquit, dum licet, ducamus in bonis dies nostros, gaudeamus, epulemur, luxuriemus, rosas nos coronemus, sericis nos induamus, in mollitie iaceamus, quaecumque desiderat cor nostrum faciamus, quia cras moriemur. Multi certe sunt hodie qui quanvis hoc ore non dicant, tamen operibus se ita credere demonstrant. De quibus verè dicitur, quoniam homo cum in honore esset, non intellexit, comparatus est iumentis insipientibus, & similis factus est illis, imò miserior & deterior illis: quoniam melius esset illis penitus mori cum iumentis, quam in morte semper vivere cum daemoniis.

Sequitur pars secunda, in qua ostenditur fideles subiectos esse miseris non volentes, sed tamen in spe patienter portare, cum subditur: *Vanitati enim subiecta est creatura non volens, sed propter eum qui subiecit eam in spe.* Duplici vanitati fratres mei, homo subiectus est vanitati culparum, & vanitati poenarum. Et mali quidem vanitati culparum volentes famulantur: poenis verò quæ utilitatem conferunt in purgandis peccatis, inuiti & murmurantes subiecti sunt: fideles verò culpis inuiti subiecti sunt, & eis quantum possunt, resistunt. Poenas verò, & si voluntas carnis non vult, tamen voluntas rationis propter earum utilitatem eas sustinet patienter. Quis magister patienter quam Christus? tamen iuxta carnis voluntatem se non velle pati ostendit, cum dicit: Pater si possibile est, transeat à me calix iste. Sic ergo fratres mei, in hac vita iusti subiecti sunt vanitati, vanitati perfectionum, indigentiarum, perturbationum, defectuum, ceterarumque poenarum. Sed hæc omnia patienter ferunt propter Deum, qui subiicit eos huiusmodi vanitatibus in spe retributionis & liberationis. Et diabolus quippe propter

Psal. 48.

Mat. 24.

Mar. 14.

Luc. 22.

super-

superbiam suam subiecit Dominus vanitati culparū, miseriarum, & perturbationum, sed nō in spe. Quare? Quoniam diabolus cū spiritualis & fortioris naturæ esset, & cū per seipsum peccasset, spem liberationis non meruit. Homo verò terrenæ & fragilioris naturæ, & per suggestionem deceptus, spem meruit liberandi. Hinc patet quoniam quādo peccant aliqui fortioris naturæ, & per se magis peccant, & minus excusabiles sunt. Nos ergo fratres, subiectionem culparum & vitiorū fugiamus, subiectionem infirmitatum, indigētiarum, atque persecutionum feramus patienter propter Deum, qui nos in huiusmodi subiecit in spe: quæ quidem spes non confundet. Vnde & sequitur: *Quia & ipsa creatura liberabitur à seruitute corruptionis, in libertate gloriæ filiorum Dei.* Quando (vt ipse alibi dicit) hoc corruptibile induet incorruptionem. Non ait quælibet creatura, sed ipsa creatura, quæ à vanitate quantū potest se excutit, & tota spe & desiderio ad Deum tendit: ea sola liberabitur à seruitute corruptionis, quam superius vocauit vanitatem, & recipietur in libertatem filiorum. Tunc quippè liberabitur à seruitute culpæ, à seruitute pœnæ, patiendi scilicet & moriēdi, à seruitute necessitatis, comedendi scilicet vestiendi atq; dormiendi, & huiusmodi. Tunc enim ait Ioānes: Absterget Deus omnem lachrymam ab oculis sanctorū, & mors nō erit amplius, neq; luctus, neq; clamor, neq; vllus dolor, quoniam priora transferunt. Non esuriens, neque sitiēs amplius, & non cadet super illos Sol, neque vllus æstus.

2. Cor. 13.

Apoc. 21.

Sequitur pars tertia, in qua ostenditur omnes inter miseras huius vitæ gemere, & etiā, & etiā ipsos cū subditur: *Scimus enim quod omnis creatura ingemiscit, & parturit vsq; adhuc.* Omnis quidē homo fratres, tā bonus quā malus, inter tribulationes & miseras huius mūdi, velit nolit, ingemiscit, sed solus bonus parturit. Parturire enim est pro pariendo fructu laborare. Malus ergo in hac vita gemit, sed non parturit: quoniam gemitus eius & labor (quia pro temporalibus est) fructum æternum non habebit. Bonus verò hīc & gemit & parturit: quia gemitus & labor eius infructuosus non est, sed potius fructum æternitatis obtinebit. Quod Dominus in Euangelio

Ioan. 16.

HOMILIAE

per similitudinem ostendit, dicēs: Mulier cūm parit, tristitiam habet: Cūm autē pepererit puerum, iam non meminit pressuræ, quia natus est homo in mūdum. Et vos quidem nunc tristitiā habetis. Iterum autem videbo vos, & gaudebit cor vestrum, & gaudium vestrum nemo tollet à vobis. *Ingemiscit, inquit, & parturit vsque adhuc:* id est, à principio mundi vsq; nunc, & vsq; in finē: ab Abel vsq; ad vltimum iustum. *Et nō solūm, inquit, illa sed etiā nos ipsi primitias spiritus habētes, & ipsi intra nos ingemiscimus, expectātes adoptionē gloriæ filiorū Dei, redemptionem corporis nostri.* Quasi dicat, & nō solūm cæteri fideles minores inter miseras huius mundi gemunt, sed etiā nos ipsi Apostoli, qui prius & abundantius virtutes accepimus spirituales: & ipsi quāuis consolemur, tamen intra nos ingemiscimus, considerantes miseras in quibus nūc positi sumus, & adoptionē gloriæ filiorum Dei, quā expectamus. Addit etiam redemptionē corporis nostri: ostēdens quoniam non solæ animæ glorificabuntur in alia vita, vt quidam heretici suspicati sunt, sed etiā ipsa corpora nostra ab omni corruptione & redimentur, & æterna gloria ditabuntur. Porro ex duobus, quæ hic ponuntur, id est, ex consideratione præsētis miseriæ, & gloriæ futuræ, nascitur cōpunctio in nobis, quæ est ex desiderio patriæ cœlestis.

*Vnde com
punctio in
nobis oria
tur.*

Ex alijs verò duobus, id est, ex consideratione nostrorum peccatorum, & ex cōsideratione æternorum suppliciorū, quæ eis debētur, nascitur in nobis cōpunctio poenitentię. Nos ergo peccatores, turpitudinē nostrorum, & amaritudinem ignis æterni eis debitā, ante oculos nostros semper habeamus: vt ita semper poeniteamus, semper de peccatis nostris gemamus & ploremus. Pensamus etiā simul miseriam vbi nunc sumus, & æternā cœlestium gaudiorum beatitudinē. Vt ita desiderio illius ingemiscamus, ploremus & ad illam toto desiderio festinemus. Nunc in lachrymis seminemus, quod post cum exultatione metamus, vt eis mereamur adnumerari, de quibus ait Psalmista: Euntes ibāt & flebāt, mittētes semina sua, Veniētes autē venient cum exultatione, portātes manipulos suos, largiente Domino nostro Iesu Christo, qui cum patre & spiritu sancto viuut & regnat Deus, per omnia secula seculorum. Amē.

Psal. 125.

D O M I -

DOMINICA IIII. POST TRINIT.

Dixit Iesus discipulis suis: *estote misericordes, sicut & pater vester cœlestis misericors est.* In hac S. Euāgelij lectione fratres charissimi, inīēdit dominus nos instruere vt quantum possumus & scimus, semper misericordiā faciamus. Primò igitur monet nos, vt exēplo cœlestis patris, misericordes simus. Secūdò demōstrat quātum misericordia promereatur. Tertiò ostēdit ignorantem vel vitiosum non debere magisterium præsumere. Primò igitur exhortans nos ad misericordiā, ait: *Estote misericordes, sicut & pater vester cœlestis misericors est.* Alibi quoq; ait: *Sancti estote, quoniam ego sanctus sum.* Ex quibus verbis profectò demonstratur, quia Dominus vult nos imitatores sui esse, vult nos patrissequi: alioquin non reputat nos inter filios suos, sed inter reprobos seruos. Sic facit fratres mei, (vt fertur) Aquila, quæ pullos suos opponit radiis Solis, & pullū quidē, qui more patris radiū Solis immoto lumine, cernit, tanquā propriū diligit. Illum verò qui hoc non facit, tanquā degenerem abiicit. Sic & coruus pullos suos antequā videat eos nigrescere, tanquā sui dissimiles spernit. Postquā eos videt nigros, tāquam sibi similes diligit. Homo etiā filiū, quē videt sibi obsequi & obedire, diligit: filium verò inobediētē odit. Nos ergo fratres mei, vt filij Dei esse mereamur, eum imitemur, ei nos cōformemus. Simus pro modulo nostro sancti, sicut ipse sanctus est. Simus iusti, sicut ipse iustus est. Simus misericordes, sicut ipse misericors est. Ipse autem tantisper misericors est, quod nullā creaturā misericordiæ suæ reliquit expertē. Dat enim iumentis escā ipsorum, & pullis coruorum inuocantibus eum. Dat nō solūm cultoribus & amicis suis, sed etiā con- temptoribus & inimicis: facit enim Solem suū oriri super bonos & malos, & pluit super iustos & iniustos. Nos quoq; fratres, benignitatem eius, inquantum possumus, imitemur. Demus non solūm notis, sed etiā ignotis: non solūm amicis, sed etiā inimicis. Alium iuuenus re, alium verbo, alium consilio, alium correptione, alium admonitione, alium cōsolatione. Omnes bonum exemplum, omnes nostram benignitatem sentiant: vt ita sanctificetur nomen Dei in nobis, & simus imitatione filij patris nostri,

Luc. 6.

Leuit. 19.

Psal. 145.

Mat. 5.

HOMILIAE

qui in coelis est. Secundò ostendit Dominus quantum misericordia promereatur. Ponit autem quatuor species misericordiae, unicuique præmiū suum subiungens. Primam ponit, cū subdit: *Nolite iudicare*, de dubiis, vel de minoribus noxis. De apertis enim malis, & de apertis bonis permissum est nobis iudicare. De quibus dicitur, à fructibus eorum cognoscetis eos. De dubiis verò & minoribus noxis iudicare prohibemur: quia incertum est nobis, quo animo fiāt, quæ & bono & malo fieri possunt: Vt est manducare & bibere: loqui cum muliere, manducare cum malo homine, & huiusmodi, quæ debemus in meliorem partem interpretari. Vt si videamus Sacerdotem loqui cum muliere, dicamus eum illi dare consilium de anima sua & huiusmodi. Minores etiam culpas, vt frangere aliquando ieiunium, aliquādo nimis comedere vel bibere, consortia malorum frequentare, debemus per dispensationem, per infirmitatem, & per charitatem excusare. Sicut enim malignæ mentis est etiam bona deprauare: ita benignæ est etiam mala in meliorem partem inclinare. Huius misericordię præmiū ponit cū subdit, *Et non iudicabimini*, subaudi de temerario iudicio. Qui enim temerè hīc iudicant, de temerario iudicio iudicabuntur à Domino. Secundam speciem misericordię ponit cū subdit: *Nolite condemnare*, etiā apertè malos, sed potius eorū conuersionē expectate & orate. Quoniam qui hodie est malus, fortassis cras, vel post cras, erit bonus. Stultissimus quippè esset, qui cōdemnasset Mariā Magdalenā, cū adhuc stulta esset: Et Paulū cū adhuc persequutor esset: qui postea tantis meritis apud Deum effulserunt. Huius misericordię præmiū ponit, cū subdit: *Et non condemnabimini*, de stulta cōdemnatione. Qui enim nunc temerariè peccatores damnant, de temeraria damnatione à Domino damnabuntur. De istis duabus speciebus misericordię laudatur S. Martinus, cū de eo legitur, Neminem iudicās, neminē damnans,

Mat. 7. Hinc Paulus ait: Tu quis es qui iudicas alienum seruum. Suo Domino stat aut cadit. Et Philosophus. Vide, inquit, si adhuc malus es, & similibus parce. Si autem malus esse desisti, cur aliis locum emēdationis abscindas? In quo fratres, nostra confunditur præsumptio, qui aliorum peccata iudi-

iudicamus. Alio iudicio & nostris parcimus, alios condemnamus, & nos in cordibus nostris iustificamus. Alio iudicio nos, alio proximos nostros iudicantes, cum scriptum sit: Pondus & pondus, mensura & mensura, vtrunq; abominabile est apud Deum. Tertiam speciem misericordie ponit, cum subdit: *Dimittite*. Eleemosyna quippè magna est, dimittere, vel iniurias irroganti, vel conditionem seruo, vel debitum pauperi debitori: huius misericordie premium ponit, cum subdit: *Et dimittetur vobis*. Per hanc enim eleemosynam peccata nobis à Domino dimittuntur. Unde & in oratione Dominica dicimus: Dimitte nobis debita nostra, sicut & nos dimittimus debitoribus nostris. In qua etiam conditione nos constringimus, quod si non dimittamus, nec nobis dimittetur. Imò etiam per parabolam serui dimissi, & dimittere nolentis, peccata quæ dimittere videbantur, redire cōprobantur. Itaque fratres, duriā cordis deponamus. Et si in Deū nobis dimittere volumus, aliis dimittamus. Quartā speciē ponit, cum subdit: *Date eleemosynam*, vel corporale, vt, esurienti cibum; nudo vestimentum, hospiti hospitium. Vel spiritualem, vt correctionem, instructionem, exhortationem, consolationem. Vel realem, vt auxilium in aduersis, consilium in periculis, fulcimentum in causis. Huius misericordie premium ponit, cum subdit: *Et dabitur vobis*. Hic gratia, & in futuro gloria. Quàm verò largè eleemosyna à nobis facta à Deo sit remuneranda, ostendit cum subdit: *Mensuram bonam, et confertam, et coagitatam, et superfluentem dabunt in sinum vestrum*. Porro æternam beatitudinē vocat mensuram, quoniā secundū merita unicuiq; mensurabitur. Hæc erit bona, quæ summum & æternum bonum dabit nobis ad fruendum. Erit conferta, nihil habens vacuitatis vel vanitatis, sicut terrena bona, quæ vacua, vana & imperfecta sunt. Erit coagitata, id est, omnia bona nobis necessaria in se continens, cum terrena nulla indigentiam replere valeant. Erit superfluent, & qualitate, & quantitate, & tempore. Pro vanis enim bonis, verè bonas: pro vacuis, plena: pro insufficientibus, sufficientia: pro paruis, magna: pro caducis, æterna dabūt. Qui? Pauperes, quia erunt causa dandi. Hoc est quod alibi dicitur, facite

HOMILIAE

Lut. 16.

vobis amicos de māmōna iniquitatis, vt cūm defeceritis, recipiāt vos in æterna tabernacula. Quare ergo fratres, sumus duri ista terrena cōferre in pauperes, qui æterni boni promittuntur nobis remuneratores. *Eadē quippē mensura, qua mēsi fueritis, remetietur vobis.* In quo nō cōmensurationem præmiorū ad merita figurat: præsertim cūm alibi dicat: Centuplū iustos accepturos. Sed ita intelligendū est Qui plus dedit, plus accipiet: & qui minus, minus. Iuxta

1. Cor. 9.

illud Pauli: Qui parçē seminat, parçē & metet. Et qui seminat in benedictionibus, de benedictionibus & metet. Tertio per similitudinē ostēdit ignorantē non debere magisteriū assumere, subdens: *Si cæcus cæcū duxerit, nōne ambo in foueā cadunt?* Cæcus cæcū ducit, cūm ignorans ignorantē regere præsumit. Hoc cōtra illos est, qui nondū discipuli, sūt magistri. Qui nesciētes regere animas suas, præsumunt regere alienas. Sed sicut cæcus cæcū ducēs cadit grauius, dum sub alio cadis, quā si solus caderet: ita ignorans ignorantē regēs, cadit grauius quā si nullum regere præsumpsisset, quia propter animas & sub animas, quas secū ad perditionē trahit, cadit, & quod grauius magister ignorans, quā discipulus ignorans puniendus sit, ostendit, cūm subdit: *Non est discipulus super magistrum.* Liptotes est, id est, sicut est minor gradu, ita est minor præmio, si sit bonus: & minor pœna, si sit malus. Et quare hoc? subditur: *Perfectus autē erit, si sit sicut magister eius.* Quoniā sic æmulatur simplex discipulus magistrū, qui putat se fore perfectū, si ei valeat adæquari. Hinc est quod nihil plus nocet plebibus in Ecclēsia, quā magistri peruersitas. Quæ enim vident facere magistrum suū, volunt facere, dicentes: Nunquid ego sum melior Sacerdote meo? non est discipulus super magistrū. Rursus per similitudinē ostendit vitiosum nō debere accipere magistrū, cūm subdit: *Quid autē vides festucā in oculo fratris tui, trabē autē quæ in oculo tuo est, nō consideras?* Quasi diceret, quo modo præsumis reprehendere alios de minori vitio, cūm tu maiori vitio labores? Quomodo audes reprehendere irā fratris, quæ est quasi festuca in oculo mentis: cūm tu odiū quod est quasi trabes in mente tua, non reprehendas. *Hypocrita, eice primum trabē de oculo tuo, & tunc perspicies vt educaſ*

edudas festucā de oculo fratris tui. Quasi diceret, primū teipsum corrige, si alios vis corrigere, primò teipsum mūda, si alios vis mundare. Oportet enim vt manus sit munda, quę alias vult mūdare, ne si fuerit immunda, tacta deo terius coinquinet. Inde Dominus de muliere in adulterio deprehensa, ait: Qui sine peccato est, primus in eam lapidem mittat. Quasi diceret: oportet quidē vt adulteri iudicentur, sed à castis: vt malitiosi damnētur, sed ab innocentibus, vt rei corrigantur, sed à iustis. Itaq; fratres, si quem volumus reprehendere, primò videamus si similes ei sumus: Quod si sumus, pariter ingemiscamus, & non cum nobis obtemperare, sed eum pariter nobiscum emendari moneamus: Quod si non sumus similes, quia tamē olim fuimus, vel esse potuimus, ei condescendamus, & non ex odio, sed ex misericordia arguamus. Raro enim & nō sine magna necessitate sunt obiurgationes adhibendę, & non nisi respectu Dei, & remota ab oculo trabe. Itaque fratres mei: misericordię operibus insistamus: iudicare & dānare alios euitemus. Dimittamus vt nobis dimittatur: demus vt nobis detur, vt inensuram bonam & confertam, & coagitatam, & superfluentem, id est, æternam beatitudinem recipere mereamur. Quod nobis concedat, qui est super omnia benedictus Deus, Amen.

DOMINICA V. POST TRINITATEM.

C*harissimi omnes vnanimis in oratione estote, compa-*
tientes, fraternitatis amatores, misericordes, modesti,
humiles, &c. Quadripartita est hæc lectio fratres mei.

1. Pet. 3.

Primò enim exhortatur nos Apostolus ad sex, quas enūmerat virtutes. Secundò ad meliorem retributionē. Tertiò ostēdit bonis emulatoribus neminē posse nocere. Quartò nos monet Deum in nobis sanctificare. Primò igitur hortatur nos ad sex virtutes dicens: *Omnes vnanimis in oratione estote.* Porro vnanimis aliqui esse non possunt, nisi sint boni & amici. Mali enim vnanimis esse non possunt quum vitiis seruiant contrariis. Quomodo avarus & prodigus essent vnanimis? Quomodo crudelis & negligens essent vnanimis? Quomodo impetuosus & formidolosus essent vnanimis? At boni quia colūt virtutes, quę nūquā econtrarię, sed semper cōcordes, & sese coadunantes

Qui vnanimis esse possunt.

sunt, vnanimes esse possunt, si affectuose sese diligunt. Omnes quidem boni in volendo communia bona, vnus voluntatis sunt. Sed circa alterius bona propria, alter friget aliquando. Quando autem aliqui boni ita sese diligunt, quod alter vult bona alterius sicut sua, illi proculdubio vnanimes sunt. Multitudinis credentium, inquit, erat cor vnum, & anima vna. Et vnum quidem cor eis, quoniam bona æquè volebant. Vna verò anima erat eis, quoniam vnus diligebat alium, sicut animam suam: Hortatur igitur Apostolus nos, vt simus vnanimes, præcipuè in oratione, id est, in optando & petendo bono. Vna enim oratio plurimum fidelium, si sit vnanimis, inefficax esse non potest. Simus ergo fratres mei, in oratione vnanimes, non solum cæteris fidelibus, sed etià vnusquisque sibiipsi. Sicut enim ille qui malè petendo, ab vnanimitate Ecclesiæ discordat, indignus est exaudiri: ita & ille, qui à bono quod postulat in oratione per reprobam vitam discors est. Et quoniam vnanimitas per compassionem maximè dignoscitur, hortatur subsequenter nos Apostolus, vt simus compatientes patientibus, non fictione, vt faciunt adulatores, sed vera mentis affectione, nostrorum fratrum dolores & damna faciendo nostra, vt faciebat Paulus, qui dicebat: Quis infirmatur, & ego non infirmor? Quis scandalizatur, & ego non vrer? Ostendamus per compassionem nos verè esse membra Christi & Ecclesiæ. Vt quemadmodum in humano corpore, dolente vno membro, condolent cætera membra: sic & nos proximorum nostrorum passionibus compatiamur. Nec in eo quod proximos nostros afflictos videmus, eos tanquam inferiores & miseros contemnamus, vt faciunt quidam, qui licet dent multa pauperibus, tamen hoc faciunt potius ex mandato coactione, quàm ex fraternitatis dilectione. Propter hoc adiungit Apostolus: *Fraternitatis amatores*, vt, scilicet super eos non superbe nos extollamus, sed potius in æquum descendentes, eos tanquam fratres nobis cœquemus. Sed & erga illos qui nostri auxilij indigere non videntur, fraternitatis amatores simus, eis nostra communicantes: eis officia charitatis exhibentes, eos tanquam fratres Christo diligentes. Non simus de numero illorum qui soli sibi viuunt, nulli fami-

liaritatem, nulli charitatis officium exhibentes, & quasi homines non essent, cum nullo homine aliqua vincuntur affectione. Hos tepidos homines, vocat Apostolus sine affectione, sine federe, sine misericordia. Hos etiam ipsa bruta animalia damnant, quæ sui generis animalia quadam fraternitate diligere solent. Equus socium suum subsequenter expectat, præcedentem libentius subsequitur, absentem desiderat, & hinnit. Quid ergo debet facere rationalis creatura? Et quoniam quidam, licet compassionem & fraternitatem quibusdam exhibeant, tamen in eos qui se læserunt, immisericordes sunt: addit, *misericordes*, video licet ad dimittendas iniurias nobis illatas. Hac enim conditione astringit nos Dominus, ut si volumus nobis dimitti, dimittamus. Aliter nihil à Deo nobis dimittetur.

Rom. 2.

Vnde Dominus in oratione Dominica sub hac conditione præcipit nos postulare, hoc modo: Dimitte nobis debita nostra, sicut & nos dimittimus debitoribus nostris.

Mat. 6.

Mar. 12.

Deinde subcontinuat dicens: Si non remiseritis peccata fratribus vestris ex cordibus vestris, nec Pater vester celestis dimittet vobis. Si ergo fratres mei, volumus summum iudicem misericordem inuenire, simus & ipsi in eos qui nos læserunt misericordes. Nam iudicium sine misericordia fiet ei, qui non fecit misericordiam. Et quomodo quidam nimis sunt misericordes in subiectos peccantes, addit: *Modesti*: Modestia fratres mei est libera, condimentum, & temperantia cæterarum virtutum, & sine ea, non virtutes, sed vitia sunt. Modestia enim temperat misericordiam, ne cadat, vel in laxitatem, vel in duritiã; temperat etiam sapientiam ne cadat, vel in calliditatem, vel in hebetudinem: temperat fortitudinem ne cadat, vel in audaciam, vel in timiditatem: temperat iustitiam, ne cadat vel incredulitatem, vel in negligentiam: temperat largitatem, ne cadat vel in prodigalitatem, vel in auaritiã.

Modestia.

Amemus ergo fratres mei, modestiam, ut per eam inter contraria vitia, mediã eligamus & teneamus virtutem. Et quomodo cæteris vitiis fugatis, demum nos impugnant superbia, ad extremum nos monet hic ad humilitatem, cum subdit: *Humiles*. Humilitas quippe est cõseruatrice virtutum. Et qui sine humilitate cæteras virtutes cõgregat, quasi pulues

Humilitas
virtutum
conserua-
trix.

HOMILIAE

*Propria
infirmas
recognos-
cenda.*

puluerem in ventū portat. Multis quippè vitia cōculcas-
se & virtutes acquisisse, occasio superbiæ fuit: & quia glo-
riatur se vitia deuicisse, deuincūtur. Quod bene significa-
tur per Eleazarū, qui sub Elephāte quē occidit, occubuit,
quasi cum sub prostrato hoste, proflernitur, qui de victo-
ria vitiorū eleuatur. Proinde fratres mei propriā recogno-
scamus infirmitatē, qui nihil ex nobis boni, sed tantū pecc-
cata possumus. Si quid boni habemus, nō nobis, sed Deo
attribuamus. Nunquam de viribus, nunquam de meritis
nostris, sed de sola Dei misericordia cōfidamus. Dumque
sumus in lubrica huius seculi via semper timeamus, &
quā magni ante nos ceciderunt, recogitemus.

Mat. 5.

Sequitur pars secunda, in qua monet nos Apostolus
ad meliorem retributionem, dicēs: *Non reddentes malum
pro malo, nec maledictum pro maledicto, sed e contrario be-
nedicentes.* Porro quatuor sunt retributiones, reddere ma-
lum pro bono: reddere bonū pro malo: reddere malū pro
malo: & reddere bonum pro bono. Prima est diaboli, &
membrorum suorum. Secūda est Christi & membrorum
suorum: Tertia mediocriter malorum: Quarta mediocri-
ter honorum. Dominus in Euangelio ostendit non suffi-
cere si bonum pro bono reddiderimus, nisi etiam bonum
pro malo reddamus, dicēs: Si diligitis eos qui vos diligūt,
quā mercedem habebitis? Nonne & Athnici hoc fa-
ciunt? Sed diligite inimicos vestros, & benefacite his qui
oderunt vos, & orate pro persecquentibus & calumnian-
tibus vos. Hoc idē dicit hīc Apostolus. Et quod ita facien-
dum sit, probat subdens. *Quia in hoc vocati estis, vt bene-
dictionem hereditate possideatis.* Ac si apertē dicat, nō ma-
ledicatis, sed potius benedicatis: quia ad æternam benedī-
ctionem vocati estis. Non enim de malo semine bona se-
ges, nec de malo merito bona merces colligetur. Quæ
enim (vt ait Paulus) seminauerit homo, hæc & metet. Si
ergo fratres mei, æternam benedictionem consequi volu-
mus, nunquam malè, sed semper benedicamus. Si æterna
bona consequi volumus, nunquam mala, sed semper bo-
na faciamus. Scriptū est enim de reprobo. Dilexit maledī-
ctionem, & venit ei: Et noluit benedictionem, & elōga-
bitur ab eo. Hoc idē probat auctoritate Psalmistæ dicētis:

Psal. 108.

Qui

Qui enim vult vitam diligere, & dies videre bonos, id est, qui diligit, & vult videre vitam æternam, coërceat linguam suam à malo, scilicet cogitando, & labia eius ne loquatur dolum. Declinet autem à malo, subaudis opere, id est, nec cogitet, nec loquatur, nec faciat malum. Et quia hoc non sufficit, addit: & faciat bonum. Et ita viuendo inquirat pacem æternam. Et quia nō potest hic illa summa pax haberi, sequatur eam habendo pacē secum, pacē cum proximo, pacem etiā (quantum in ipso est) cum inimico: & ita poterit consequi pacem sempiternam. Quia oculi, id est respectus misericordiæ, Domini super iustos, & aures eius ad preces eorum audiendas. Vultus autem iræ Domini super facientes mala.

Sequitur pars tertia, in qua ostendit Apostolus bonis æmulatoribus neminem posse nocere. Sunt autem æmulatores boni, qui nunquā malum, sed semper bonū æmulantur: vitas bonorū viuentium curiosius perscrutantur, & mortuorum legunt: & quod melius in eis inueniunt, æmulantur, & imitari conantur. Quod tendentibus ad perfectionē, perutilissimum est. Vnde legimus de sancto Antonio, quod iunētus studiosis vitas æmulabatur vniuersorū. Hinc Apostolus: *Æmulamini*, inquit, *charismata meliora*. Ait ergo de eis Apostolus: *Et quis est qui vobis noceat, si boni æmulatores fueritis?* Ac si diceret nullus.

S. Antonius.

Quia Deus nō vult, imò tales amat & tuetur. Diabolus vel homo nō potest, imò etiā dū putat eis nocere, eis prodest: quia eos persequendo, vexando, etiā occidendo, reddunt gloriosiores, sic diabolus Iob: sic Decius Laurentiū: sic Decianus Vincētium: dum putat extinguere, facit gloriosum. Hinc David de diabolo, ad Dominum loquitur, dicens: *Draco iste quem formasti ad illudendum ei, sanē enim in hoc diabolus illuditur, quod quando intendit electis nocere, sibiipsi nocet, & illis auxiliatur.* Hinc subditur: *Sed etsi quid patimini propter iustitiam beati. Quare?* Quia teste Domino: *Beati qui persecutionem patiuntur propter iustitiam, quoniam ipsorum est regnū cœlorum.* Timorem autē eorum ne timueritis (inquit) *ut non conturbemini.* Timor nimius ita quorundā rationem turbare solet, ut stupidi & perturbati quid facere debeant, non aduer-

Non creatura, sed Deus in creaturis timendus. Quomodo Christum in cordibus nostris sanctificamus.

aduertant. Cæterum nos fratres mei, non creaturam aliquam, sed Deū in creaturis timeamus. Timeamus, inquā, cum dilectione, & diligamus cum amore: qui timor non infert tribulationē, sed potius consiliū & consolationem.

Sequitur pars quarta, in qua Apostolus nos monet Dominū nostrum Iesum Christū sanctificare in cordibus nostris. Porro Christum in cordibus nostris sanctificamus, quando corda nostra in eo sanctificare studeamus. Quod utique fit, si vitam & mores eius imitari satagimus: si doctrinā eius sequimur. Sed sumus mūdi pro modulo nostro, sicut ipse mundus est: misericordes, sicut ipse misericors est: iusti, sicut ipse iustus est: sancti, sicut ipse sanctus est: ut tandem mereamur esse ubi ipse est: quod ipse præstare dignetur, qui cum Patre & Spiritu sancto uiuit & regnat Deus per omnia secula seculorum. Amen.

DOMINICA V. POST TRINITATEM.

LUC. 3.

Cum turbæ irruerent ad Iesum, ut audirent verbū Dei: Ipse stabat secus stagni Genesareth. Quinque capitulis distinguitur hæc lectio fratres mei. Primò enim docemur cum quanta auiditate ad audiendum Dei verbum festinare debeamus. Secundò, per frustrationem piscationis, significatur sæpè accidere frustrationem prædicationis. Tertiò, Domini exemplo instruitur prædicator. Quartò, per capturā piscium, significatur Petrum & socios eius futuros piscatores animarum. Quintò, Petrum stupētem consolatur, & ei promittit officium prædicationis. Docemur igitur primò hic fratres, cum quanta auiditate ad verbum Dei debeamus festinare, cum dicitur: *Cum turbæ irruerent ad Iesum ut audirent verbum Dei.* Quid enim aliud est irruere, nisi cum desiderio currere? Cum magno ergo desiderio, cum magna auiditate, ad audiendū verbū Dei currebant, qui hac de causa ad Iesum irruebāt. Quod ex hoc fratres mei, præcipuè ostenditur, quòd nec indigentia, nec temporis, nec loci necessitate retardabantur, quin eum sequerentur. Ingruit fames, cum iam triduo illum sustinerent, & tamen eum sequuntur. Ingruit nox, & tamen eum sequuntur. Ingruit loci angustia, & tamē eū sequuntur. Ita etiam, ut propter turbam angustiantē nauem conscendere, & mare intrare cōpulsus sit. In quo fratres mei,

(quod

(quod sine gemitu dicere nō possum) confunditur tepor & tarditas nostra, qui ad audiendum verbum Dei vix cōuenimus, cōuenientes vix audimus, audientes vix aliquid inde opere exequimur. Vbi fratres mei, est illa fames, de qua Prophēta, imò Deus per Prophetam dicit: Mittam famem in terra, non famem panis aut vini, sed famem audiendi verbum Dei. Vbi est illa dulcedo diuini verbi, qua gustata exclamat Propheta: Quàm dulcia faucibus meis eloquia tua super mel ori meo?

Amos 8.

Psal. 118.

Sequitur pars secūda, in qua per frustrationem piscationis significatur frustratio prædicationis, cū subditur: Et vidit duas naues stantes secus stagnum. Videt autem Dominus miserādo duas naues, id est circuncisionis & præputij Ecclesias, adhuc bonis piscibus vacuas. Et quare vacuas? Piscatores enim per totam noctem laborantes nihil cœperant, & ideo descendebāt, & lauabāt retia. Hoc quod tunc accidit eis in piscatione, accidit frequenter in prædicatione. Piscatores, id est prædicatores, sæpè prædicando laborant, & tamen neminem verbi dulcedine capiunt, nec minem Deo acquirunt. Quare? quia per noctem laborāt, & non in verbo Iesu. Duo quippè significantur esse impedimenta, ne prædicatione auditores capere possit: vel quia auditores indigni sunt, quibus proficiatur: vel quia prædicator indignus est qui proficiat. Quando auditores indigni sunt, frustra laborat prædicator per noctem: quia absente Sole iustitiæ, nullus potest illuminari ab homine. Nisi enim intus sit qui doceat, in vanum lingua doctoris laborat. Quando verò prædicator indignus est, qui vel sibi vel aliis proficiat, in vanum sæpè laborat, quia nō prædicat in verbo Iesu, id est salutis, sed in verbo ostentationis: quia non prædicat ut profit, sed ut appareat, quia præsumit de sua eloquentia, non de Christi gratia: quia deinde non in verbo, id est, in præcepto Dei prædicat. Deus enim indignos arcet à prædicatione, dicēs: Quare tu enarras iustitias meas, & assumis testamētum meū per os tuū? Propterea fratres mei, quando prædicatione non capit in vobis, flendum est vobis: ne fortè occulto iudicio Dei à gratia repellamini. Flendum est quoque & nobis prædicatoribus, ne fortè indigni simus, qui vel nobis vel vobis profi-

Duo impedimenta ne prædicatione capiat auditores.

Psal. 49.

proficiamus. Et tunc iuxta id quod hic legimus, debemus descendere, id est nos humiliare, & leuare retia, id est prædicationē nostram reuoluēdo, si quid per inanē gloriam, si quid per duriores increpationē, si quid per molliorē, si quid per insipientiam exceßerimus, lachrymis abluere.

Sequitur pars tertia, in qua Domini exemplo eruditur prædicator, cū subditur: *Ascendens autem in vnā nauē, quæ erat Simonis, rogauit eum vt à terra reduceret pusillum. Et sedens docebat de nauicula turbas.* Instruit igitur hic exemplo sui Dominus prædicatorē in quinq;, ostēdens, scilicet quem locum debeat prædicator tenere, quid prædicare, quid rogare, quomodo viuere; vnde docere. Quem locū tenere debeat, ostēditur cū dicitur: *Ascendens.* Prædicator quippè debet ascendere, vt altus sit, sicut gradu, ita scientia & vita. Vnde Prophecia: Super mōtem excelsum ascende tu qui euangelizas Sion. Quid debeat tenere & prædicare, ostēditur cū dicitur: *In vnā nauem quæ erat Simonis.* Dicitur autē nauis in quam ascendit, & vna, & Simonis, id est obedientis: vt scilicet intelligat se præcipuè debere & tenere & prædicare vnitatem & obedientiā: Ecclesiæ vnitatem, & mandatorum obedientiam. Quid debeat rogare ostēditur, cū subditur: *Rogauit etiam vt nauem à terra reduceret pusillum.* Rogare siquidem debet prædicator Simonē, id est Christum qui obediens fuit Patri vsq; ad mortem, vt reducat pusillū Ecclesiam à terra in mare: vt videlicet in statu tali sit, quod nec nimiam habeat quietē & securitatem in terrenis prosperitatibus: nec nimiam inquietudinem & timorem in aduersitatibus. Ne scilicet per nimiam securitatem & quietem torpescat & dissoluatur: vel per nimium timorem & inquietudinem perturbetur & cōquassetur. Quomodo autem debeat viuere ostēditur, cū subditur: *Et sedēs:* sedere enim magistrorum est. Sedens quippè in parte inferiori requiescit, in superiori erigitur. Sic quoque in prædicatorē, inferior pars interioris hominis, id est sensualitas, debet quiescere à sollicitudine temporalium; & superior pars, id est ratio, per contemplationem erigi ad cælum. Vnde debeat prædicare ostēditur, cū dicitur: *Docebat de nauicula turbas.* Prædicator enim siue ad exteriores, siue ad inter-

iores

Es. 40.

Sedere magistrorum est.

riores loquatur, ipse tamen semper de nauicula debet docere. Ipse enim semper debet esse in nauicula, non solum numero, sed etiam merito & doctrina.

Sequitur pars quarta, in qua per capturam piscium, significatur Petrum & socios eius futuros piscatores fore animarum, cum ait ad Simonem Iesus: *Duc in altum, & laxate retia vestra in capturam.* Porro Petro soli (quia futurus erat dux verbi) dicitur: *Duc in altum*, id est, in profundum mundanorum hominum. Tam ipsi quam cæteris (quia communiter futuri erant prædicatores) dicitur: *Laxate retia vestra in capturam.* Sanè si retia rigidè tendantur, pisces resiliunt, nec capiuntur. Laxius verò tensa, pisces illaqueant & retinent. Præcipitur ergo discipulis ut laxet retia prædicationis, ut scilicet peccatores per nimium rigorem & duritiam non repellant, sed potius per relaxationem & veniam eos retineant. Hinc est quod nouitiis & rudibus, primùm vita laxior indulgetur. Cæterùm Petrus expertus se neminem per se posse ad Deum trahere, iam nihil de se, sed de verbo Dei totum præsumit, dicēs: *Præceptor, per totam noctem laborantes nihil cepimus: in verbo autem tuo laxabo rete, Et cum hæc fecissent, concluserunt piscium multitudinem copiosam.* Ecce fratres mei, quid valeat in verbo Dei omnia facere, & de se nihil præsumere. Ipse quippè qui nutu suo traxit pisces ad rete Petri, ipse solus per misericordiam suam trahit & capit peccatores in rete prædicationis. Vnde Dominus: *Nemo potest venire ad me, nisi Pater meus traxerit eum.* *Rumpetur autem rete eorum: & annuerunt sociis qui erant in alia navi, ut venirent & adiutarent eos. Et venerunt & impleuerunt ambas nauiculas, ita ut penè mergerentur.* Porro rete prædicationis rumpitur, cum vnitas Ecclesiæ per hæreses & schismata superflue multitudinis scinditur. Sed nullus piscis cadit, quia de electis nullus perit. Sed non sufficiente Ecclesia Iudæorum, impletur pariter de electis Ecclesia Gentium. Et ambæ ita sunt populis repleta, ut penè inter huius tumultuosi mundi tēpestates mergerentur, nec tamen sunt merse, Domino illas gubernante. Numerositas quippè malorum, quæ in Ecclesia excrescit super numerum, penè secum iustos trahit in perditionem:

nisi Dominus eis extenderet sustentationis manum.

Sequitur pars quinta, in qua Petrum stupentem consolatur Dominus, & ei officium prædicationis pollicetur. Stupens enim Petrus ad miraculum piscium, procidit ad genua Iesu, dicens: *Exi à me Domine, quia homo peccator sum.* Indiscretè loquitur Petrus, dum se peccatorem recognoscit, & veniæ fontem à se excludit. Tale est ac si diceret æger medico: recede à me medice, quia infirmus sum: imò si infirmus es, medicum à te non separe. Si peccator es, medicum peccatorum Deum à te non elonges. Petro adhuc sic infirmo, quidā hodie sunt similes, qui dum se peccatores considerant, viam vitæ arripere trepidant: & tamen iacere in sui corporis ignavia non reformidant: & quasi in perturbatione consilium non habent, dum moriuntur & vitam timent, qui stulti & timidi sunt. Vera quippè humilitas, & si de se diffidit, tamen se omnia posse in Deo confidit. At stuporem Petri Dominus consolans ait: *Nolite timere, consortium scilicet meum: quia te non grauabit, imò subleuabit: non tibi nocebit, imò iuuabit.* *Ex hoc, inquit, iam homines eris capiens.* Ac si dicat, de piscatore fies prædicator: pro naue reges Ecclesiam: pro rete prædicationem: pro piscibus capies homines. Ac Petrus & socij eius tracti miraculo, tracti promissione, tracti interna inspiratione, mox Dominum sequuntur. Nam subditur: *Et subductis ad terram nauibus, secuti sunt eum.* Sequentes Dominum ad prædicationem, abrenuntiant omnibus: quia non rectè officium prædicationis assumitur, nisi amor temporalium relinquatur. Itaque fratres mei, quanuis peccatores, quanuis infirmi simus, non debemus diuinorum grauedinem mandatorum resurgere: sed cum spe diuini auxilij fortiter inchoare: scientes quoniam Deus dat posse & perficere. Qui sicut fecit de opilione Regem: de piscatore prædicatorem: de persecutore pastorem: ita faciet nos de infirmis fortes: de inobedientibus, obediētes: de contemptoribus, sui amatores: ut inde cum benedicamus in æternum. Amen.

DOMINICA VI. POST TRINIT.

Rom. 6.

Quicunq; baptizati sumus in Christo Iesu, in morte ipsius baptizati sumus. In hac lectione fratres mei,

mei, ostendit Apostolus nos Christianos, qui in Christo Iesu baptizati sumus, debere sicut in baptismo promissimus, vitæ munditiæ & nouitatem tenere. Facit itaq; tria. Primò ostendit eos qui baptizati sunt in Christo Iesu in morte ipsius esse baptizatos. Secundo ostendit qua utilitate. Tertiò exponit quæ dixerat obscure. Ait igitur primò: *Quicumque baptizati sumus.* Sed quoniam sunt baptismata Iudæorum, & Gentilium, & Hæreticorū, qui non mundant interius, addit *in Christo Iesu*, id est, in virtute Iesu Christi qui solus habet auctoritatem baptizandi. Vnde & Ioanni per Spiritum sanctum dictum est: Super quem videris Spiritum sanctum descendentem & manentem super eum, hic est qui baptizat. Cæteri enim non auctoritatem, sed solum ministerium habent baptizandi. Hinc est quod baptismus non traditur à bono ministro melius, nec à deteriore deterius: quoniam non ipsi, sed Deus baptizat, ipsi fundant aquam, sed Deus mūdāt. Porro in hoc quod ait, *baptizati sumus in Christo Iesu*, nō intēdit Apostolus demonstrare formam baptismi, quæ in nomine patris, & filij & spiritus sancti à Domino in Euangelio prouulgata est. Licet quidam eam dicant fieri posse in nomine Christi: eò quod in Christo, id est, in vncto, & vngens pater, & vnctio, id est, Spiritus sanctus intelligatur. *In morte*, inquit, *ipsius baptizati sumus*. Porro in morte Christi dicimur baptizari tripliciter, aut in morte, id est, in fide mortis: quoniam sine fide mortis Christi, nihil prodest baptismus. Sicut enim Israëlitis ab ignitis serpētibus nō liberabantur, nisi respiceret ad serpentē æneum in palo erectum: ita nec nos liberamur à peccatis vel à diabolo, nisi fide, & spe, respiciamus ad crucifixum: aut in morte, id est, in efficacia mortis Christi. Totā quippè efficaciam suam baptismus assumpsit à morte Christi: nisi enim Christus moreretur, non ablueretur reatus, originalis peccati, sanguine, & aqua, quæ de latere eius profluxerunt, nec flāmeus gladius ab introitu paradisi tolleretur. Aut certè in morte Christi baptizati sumus, id est, in similitudine mortis Christi, Vnde & subdit: *Consepulti enim sumus cū Christo per baptismū in mortem.* Similitudinem assignat Apostolus inter baptismum nostrum & mortem Christi. Sicut enim Chris-

Ioan. I.

*Tripliciter
in morte
Christi di-
cimur ba-
ptizari.*

HOMILIAE

flus per mortem sepultus est, ut amplius non uiueret vita carnali, & mūdana, sed potius spiritali & cœlesti, ita nos per baptismum morimur & sepelimur peccato, ut de cætero non uiuamus carnali vita & mundana, sed potius spiritali & cœlesti: Quod bene significatur per hoc, quod ille qui baptizatur, prius extenditur ad modū Christi pendens in cruce. Deinde quasi crucifiguntur manus & pedes eius, dum operibus & pompis diaboli se abrenūtiare confitetur. Postea totus peccato moritur & quasi sepelitur, dum ad similitudinem triduanæ sepulturæ, in fonte ter immergitur. Sicut fratres mei, quando baptizamur, quasi cum Christo sepelimur in mortē, id est, ad similitudinem mortis eius. Si tamē fratres mei pactum baptismi tenemus, si peccato mortui sumus, si ad opera & pompas diaboli nō redimus. Nam qui baptizatur à mortuo & iterum tangit illum, quid proficit illi lauatio eius?

Eccle. 34.

Sequitur pars secunda, in qua ostenditur qua utilitate baptizemur, cum subditur: *Vt quemadmodū Christus resurrexit à mortuis in gloriā patris: ita & in nouitate uitæ ambulemus.* Hac enim utilitate in morte Christi baptizamur, ut quemadmodum Christus resurrexit à mortuis, & uiuit in æternum noua uitā & gloriosa cum patre: sic & nos per baptismum resurgamus à morte peccatorum, & de cætero uiuamus ad gloriā Dei, noua & gloriosa uitā virtutū. Quod bene significatur per hoc quod puer postquam à fonte (quasi à sepultura resurgit) noua alba vestitur, & cereo ardēte illustratur. Et quod hoc per baptismū nobis conferatur, probat Apostolus subdēs: *Si enim complantati facti sumus similitudini mortis eius: simul & resurrectionis erimus.* Quasi diceret: Si similes ei sumus in morte, similes ei erimus in resurrectione. Si similes ei sumus in labore, similes ei erimus in glorificatione. Proinde fratres mei, imitemur quantū possumus laborē & passionē Domini, etsi non sit qui nos crucifigat & occidat, saltem nos crucifigamus per ieiunium, laborem & abstinētiā corpus nostrum, cum vitiis & concupiscentiis. Occidamus in nobis vitia & peccata ut resurgere mereamur, & hic in anima ad nouā uitā, & in futuro in anima simul & corpore ad gloriā. Porro pulchrē ait: *complantati similitudini*

tudini mortis eius. Chrīstus quippè in morte & in sepultu-
ra sua, quasi complātatus est ad similitudinē grani, quod
in terra sepultum & mortuum, in melius resurgit: crescit
& renouatur. Sic & Dominus noster Iesus Chrīstus, in
morte & sepultura quasi plantatus est, & vnde perire vi-
sus est, inde magis auctus & renouatus est. Vnde ipse cō-
parans se grano frumenti, ait: Nisi granū frumenti cadēs
in terram mortuū fuerit, ipsum solū manet. Si autē mor-
tuum fuerit, multū fructum affert. Et alibi: Simile est re-
gnum cœlorum grano sinapis, quod cū sit minimū in-
ter omnia grana, abscōsum in terra excreuit in magnā
arborē, ita vt aues cœli requiescāt in ramis eius. Ita fratres
mei, Chrīstus qui prius reputatus est minimus, opprobriū
hominū & abiectio plebis, mortuus & sepultus, quasi
plantatus resurrexit, & creuit nomen eius per vniuersum
mundū, ita quod in virtutibus eius & doctrinis spiritua-
les viri requiescūt. Ita & sancti martyres, qui in hoc mun-
do viles, & quasi purgamentū & peripsēma reputati sunt
in passione & morte quasi plātati in melius renouati sunt,
& excreuit nomē eorū longē lateq; per virtutes & miracu-
la, ita quod & spirituales viri in morib⁹ & virtutibus eorū
per imitationē immorentur. Ita & nos fratres mei, ame-
mus esse viles, pauperes, & abiecti in hoc seculo propter
Deum: vt quasi plantati per baptisīmū & pœnitentiam,
mortificationes & passionēs, resurgamus, renouemur, &
fructificemus, & hic & in futuro: vt homines cœli amato-
res, etiam in nostrarum exemplis virtutum delectentur.

Ioan. 22.

Mat. 13.

Mar. 4.

Luc. 13.

Psal. 21.

Sequitur pars tertia, in qua quæ obscurè dixerat Aposto-
lus, explanat, dicēs: *Scientes quia vetus homo noster, simul
cum Christo crucifixus est: vt destruat corpus peccati: vt
ultra non seruiamus peccato.* Dicitur autem vetus homo
noster, hominis nostri vetustas, id est, concupiscentia &
rebellio carnis. Quæ quidem vetustas vocatur, vel quia à
vetere patre nostro Adam in nobis inueterata est: vel quia
vetustati similis est. Vetustas verò tria facit, corpus incur-
uat, sensus hebetat, ad mortem trahit. Sic & originalis illa
concupiscentia, animam à rectitudine sua incuruat, ratio-
nem, cæterasq; animæ vires hebetat, & ipsam animam ad
mortem trahit. Hæc autem cōcupiscentia debet in nobis

esse exemplo & virtute crucifixi, crucifixi, per baptismum & macerationes carnis. Quomodo? *Vt destruat corpus peccati.* Nō ait simpliciter, vt destruat corpus: quoniam corpus nō est frangendū, sed regendū: vt natura per mediocritatē sustentetur, & vitiū destruat. Pariter ergo peccant, vel qui per nimietatē macerationis corpus destruūt: vel qui per nimiū luxum illud in vitiis nutriūt. Tria enim debemus corpori tanquā iumento, vt seruiat spiritui, pabulum, virgam, & onus. Pabulum sustentationis, virgam correctionis, onus diuini seruitij. Sic ergo fratres mei, pascamus corpus nostrū ne luxuriat: sic illud castigemus, ne deficiat. Propterea ergo ait: Nō quidem vt destruat corpus, sed vt destruat peccati, id est, peccato. Quod exponens subdit: *Vt ultra non seruiamus peccato.* Non autem ait, vt non peccemus: quoniā vt ait Ioannes: Si dixerimus quia peccatum non habemus, nosmetipsos seducimus, & veritas in nobis non est. Quia enim homo cū posset resistere peccato, noluit: inflicū est ei vt cū velit non possit. Vnde Apostolus: Video, inquit, aliam legem in membris meis, resistentem legi mentis meę, & captiuantē me, &c. Propter hoc ergo ait, non, vt nō peccemus, sed vt non seruiamus peccato. Quoniam primi motus concupiscentię, in nostra nō sunt potestate: sed si statim eis resistimus, peccato non seruimus. Qui autem, & si primo mouetur motu concupiscentię, tamen eam statim refrenat, ne vel ad delectationem, vel ad consensum, descendat, securē potest dicere cum Apostolo. Si quod nolo, hoc ago: non pecco ego, sed quod habitat in me peccatum. Nos ergo fratres mei, quando ad concupiscendum mouemur, statim morum illum cohibeamus, pectus nostrum percutiamus. diuinumq; auxiliū inuocemus. Sequitur: *Si enim mortui sumus cū Christo: credimus quia etiā viuemus cū Christo.* Quidam moriuntur in Christo, quidam etiam cum Christo, quidam pro Christo. In Christo moriuntur etiam illi, qui etsi in vita sua fuerunt peccatores, tamen in pœnitentia & in confessione Christi moriuntur. Cum Christo enim moriuntur, qui in vita sua æmulatores Christi, carnem suam crucifixerunt, & mortificauerunt cum vitiis & concupiscentiis. Pro Christo verò moriuntur, qui san-

guinem

Tria debe-
mus cor-
pori.

Rom. 7.

Rom. 7.

Qui mori-
untur cū
Christo.

guinē suū pro Christo fuderūt . Nos ergo fratres mei, & si non possumus mori pro Christo : vt Martyres, moriamur saltem cum Christo vt confessores, corpora nostra peccato mortificantes. Quoniam vt ait Apostolus: Si mortui sumus cum Christo, credimus quia etiam viuemus cū ipso, in hac vita spiritali, & in futuro æterna: *Scientes*, inquit, quia *Christus resurgens ex mortuis, iam non moritur, mors illi ultra nō dominabitur* : Sicut ei dominata est voluntate, tamen non necessitate. *Quod enim mortuus est peccato* (subaudi alieno tollendo) *mortuus est semel. Quod autem viuit, viuit Deo*, id est, ad gloriam Dei patris. Ita & vos fratres qui in Christo baptizati estis, existimate vos mortuos quidem esse peccato, viuos autem Deo, id est ad gloriam Dei quærendam, & ad voluntatem eius faciendam. Itaque fratres mei, si veri Christiani sumus, mortem & vitam Christi æmulemur. Crucifigamus mēbra nostra cum vitiis & concupiscentiis. Crucifigamus cor nostrum, ne vnquam malè, sed semper bene cogitet : linguam nostrā, ne vnquā malè sed semper bona loquatur: Manus nostras, ne vnquam mala, sed semper bona opera faciāt: Pedes nostros, ne vnquam malam viam, sed semper bonam ambulent. Aures nostras, ne vnquā malis verbis, sed semper bonis pateāt: vt ita cum Christo nouo homine renouati, simul cū eo beatè viuere valeamus. Quod ipse præstare dignetur, qui cum patre & spiritu sancto viuit & regnat Deus per omnia secula seculorum, Amen.

DOMINICA VI. POST TRINIT.

D*Ixit Iesus discipulis suis. Amen dico vobis, nisi abundauerit iustitia vestra plusquā Scribarū et Phariseorū, nō intrabitis in regnū coelorū.* Trib⁹ capitulis distinguitur hæc lectio fratres charis. Primò enim ostēdit Dominus iustitiā Scribarū & Phariseorū nō sufficere ad habendum regnū coelorū. Secundò supplet quod lex minus videbatur continere. Tertiò ostendit quomodo sit Deo offerendum, ait ergo: *Amen dico vobis, nisi abundauerit iustitia vestra plusquā Scribarū et Phariseorum, &c.* Porro Scribæ & Pharisei tunc putabant se esse iustos, quando præcepta legis solo opere adimplebant: putantes de solis operibus, non de cogitationibus esse iudicandum . Aestimabant

Mat. 23

quippè homicidium, adulterium, & furtum operis, tantum in lege esse prohibitum. Homicidium verò, adulterium & furtum volūtatis, vel nullū, vel veniale esse peccatum. Sed hæc falsa iustitia ad salutem non sufficiebat. Sicut enim sola bona voluntas, ei qui plus non potest, sufficit ad salutem, iuxta illud: Et in terra pax hominibus bonæ voluntatis. Ita sola mala voluntas, ei qui plus non potest, sufficit ad damnationem. Est ergo sola mala volūtas, tam apud homines quàm apud Deum, damnabilis. Est enim apud homines reus mortis, qui regem prodere voluit: & si prodicionem implere non potuit. Apud Deum quoque adulter vel homicida habetur, qui ea crimina implere voluit, etiam si non potuit. Vnde ipse Dominus ait: qui viderit mulierem ad concupiscendam eam, iam moechatus est in corde suo. Et Poëta: Et si seruetur bene corpus, adultera mens est. Requirit ergo Dominus à suis non solum innocentiam corporis, sed etiam mentis. Vnde idem filius Dei & hominis, ostendit se in Apocalypsi Ioannis, præcinctū ad mamillas zona aurea, Quare? Quia Dominus in Euāgelio non solum opera, sed etiā fluxas cogitationes, quæ à pectore surgunt, restringi iubet. Itaque fratres mei, non solum mala opera, sed etiam malas voluntates euitate, eas desinite, & in iudicio Sacerdotū per confessionem supponite. Iudicate eas, antequam iudicentur ab illo qui scrutatur renes & corda, id est, occultas voluptates & cogitationes: qui veniens illuminabit abscondita tenebrarū, & manifestabit cōsilia cordium. Nā fratres mei, quāto melius est hic ad horam erubescere corā Sacerdōte, quàm erubescere in vniuersali iudicio corā Deo & Angelis & Sanctis eius? Quāto melius est hic ad horam flere & tristari, quàm in æternum plorare & cruciari?

Sequitur pars secunda, in qua Dominus supplet quod lex minus continere videbatur, cū subditur: *Audistis quia dictum est antiquis: Non occides. Ego autem dico vobis, quia omnis qui irascitur fratri suo, reus erit iudicio.* Cū littera legis solum homicidium operis videatur prohibere, Dominus supplet etiam homicidium volūtatē dānabile esse. Hæc tamē fratres charissimi, & ceteræ adiectiones, à Domino sunt in lege, quantū ad litteram, & ad sequaces litteræ

Luc. 2.

Mala voluntas est dānabilis.

Mat. 5.

Apoc. 1.

Apoc. 2.
1. Cor. 4.

literæ additiones vel suppletiones dici possunt. Quārum verò ad spiritualē sensum & ad spiritualiter intelligentes, nō sunt adiectiones, sed potius expositiones. Euāgelium enim nihil aliud est, quā lex spiritualiter intellecta. Itaq; si spiritualiter intelligis hoc mandatū: Non occides, intelligis in hoc mādato prohibitū esse non solū homicidium operis, sed etiā homicidiū voluntatis, & cætera genera homicidij. Sunt enim sex genera homicidij. Primū est homicidium operis, quod in lege apertè prohibetur. Secundum est volūtatis. Vnde Ioānes: Omnis, inquit, qui odit fratrem suum, homicida est. Tertiū, mali exēpli. Vnde Dominus: Qui scandalizauerit, inquit, vnū de pusillis istis, qui in me credunt: expedit ei vt suspendatur mola asinaria in collo eius, & demergatur in profundum maris. Quartū, prauæ doctrinæ. Vnde Dominus: Si cæcus cæcū duxerit, nōne ambo in foucā cadūt? Quintū, subtractionis alimentij corporis. Vnde scriptū est: Qui pereunti succurrere potest, & nō succurrit, occidit. Sextū, subtractionis verbi Dei. Vnde Dominus per Prophetā: Si nō annuntiaueris impio, vt cōuertatur à via sua mala, ipse quidē in iniquitate sua morietur, sanguinē autem eius de manu tua requirā. Oslēdit igitur hīc Dominus nō solū homicidiū operis, sed etiā homicidiū voluntatis reum esse iudicio, cū ait: *Ego autem dico vobis, quia omnis qui irascitur fratri suo, reus erit iudicio.* Sciendū est tamē fratres mei, quòd nō omnis ira culpabilis est; nec omnis ira culpabilis, dānabilis est. Qui enim irascitur nō aduersus naturā, sed contra vitij fratris vt illum corrigat, illa ira laudabilis est, nisi modū excedat. Hac ira motus est Moyses, Phinees, Iosue, Petrus, cæteri q; sancti cōtra peccatores. Vnde dominus istos prædicatores qui nō irascūtur nec obiurgant vitia peccantiū, canes mutos vocat per Prophetiā: Canes, inquit, muti nō valētes latrare. Quādo verò irascitur aliquis nō bono zelo cōtra fratrem, si primus motus mox refrenetur, ira quidē culpabilis est, sed venialis & propassio vocatur. De hac dicitur: Irascimini & nolite peccare. Et Sol nō occidat super iracūdiam vestrā. Tunc fratres mei, super iracundiā nostrā Sol occidit, quū propter eam Sol charitatis in nobis occūbit. Quando verò primus malæ iræ motus nō refrenatur, sed

*Sex genera
homicidij.*

Ioan. 3.

Mat. 18.

Mar. 9.

Mat. 15.

Luc. 6.

Ezech. 3.

*Nō omnis
ira culpa-
bilis.*

Esa. 56.

Psal. 4.

Ephe. 4.

HOMILIAE

vsq; ad cōsensum nocendi extēditur: ira damnabilis est, & digna iudicio, id est, accusatione. Si verò ira interior effertur in fratrē per aliquā indignationis vocē, digna erit cōsilio, id est, sententiā dānationis. Est autē Racha interiectio indignātis apud Hebręos, sicut apud Latinos heu, solā significans indignationē. Quod si illius irę feruor proferat in fratrē vocē certū cōuitium significantē, vt si vocet eum fātūū vel insanū, digna erit gehennę ignis. Porro gradus peccatorū, exigit gradum pœnarū. Sicut enim ira in mēte minus damnabilis est, quā excita per vocē indignationis: & excita per vocem indignationis minus est dānabilis quā per vocem conuitij, ita oportet hic minorem pœnā & iudiciū intelligi quā per consiliū, & minorē per cōsiliū, quā per gehennā. Sicut minus timetur accusatio, quā sentētia: & minus sententiā quā pœnā. Igitur nos fratres mei, omninō euitemus cōuitia fratribus nostris inferre, & etiā indignari, vel irasci contra illos: & discamus discernere naturā à vitio, discamus diligere in omnē hominem naturā nostrā, & vitiū odio habere: discamus semper pacatę esse naturę: & cōtra vitiū irasci, tamen cum modo & mansuetudine. Quoniā mansueta correctio peccatores emendat, intemperans verò, etiā emendādos perturbat. Sed etiam si quādo fratres mei, cōtigerit nos sine ratione irasci vel indignari, vel etiā contumeliā vel iniuriā facere cōtra fratres nostros, nō occidat Sol super iracundiā nostram: sed quā citō fratribus nostris nos humiliemus, veniam & pacem postulemus, aliās, quotidianę orationes, oblationes, & eleemosynę nostrę, Deo acceptabiles non possunt esse. Vnde & subditur: *Si ergo offers munus tuum ad altare, & ibi recordatus fueris, quia frater tuus habet ali quid aduersum te, relinque ibi munus tuū ad altare, et vade prius recōciliari fratri tuo: et tūc veniēs offeres munus tuū.* Est autem hęc pars tertia, in qua ostenditur quomodo debeat fieri oblatio. Hanc enim debes facere de tuo, non de alieno. Qui enim offert sacrificiū de rapina pauperū, quasi qui victimat filiū ante conspectū patris sui. Vnde & hīc dicitur, munus tuū, nō alienū. Debes etiā eā offerre ad altare, vt scilicet totam intentionē dirigas ad altare, id est, ad Deū. Hoc cōtra illos est offerentes, qui nō dirigunt intentionem

Ep̃c. 4.

Quomodo
 oblatio fieri
 videbeat.

tionem suam ad Deum, imò ad oculos hominum. Debes etiam eam facere cum munda conscientia: ut scilicet munda tuā cōscientiam primò Deo offeras. Non enim offerens propter oblata, imò oblata propter offerentem Deo placerent. Vnde Dominus respexit ad Abel & ad munera eius, quasi primò ad eum, postea ad munera eius. Ad Cain verò & ad munera eius non respexit, quasi diceret: Quia Cain Deo displicebat, ideò & munera eius ei displicuerūt. Si ergo cū offers, recordatus fueris, quòd frater tuus habet aliquid aduersum te, id est, si conscientia tua te remordeat te fratrem in aliquo læsisse, vel ira, vel indignatione, vel contumelia, vel iniuria, vel huiusmodi: Et ideo ille habet causam quærelæ aduersum te, relinque ibi munus tuū ante altare, & vade prius reconciliari fratri tuo. Quod si fortè remotior fuerit à te frater, relinque ibi munus tuū, id est, seriem offerendi quasi interrompe, & sponde te fratri inuento, per omnia satisfactorum: & tunc incœptum prosequens, offeres munus tuum. Si verò frater nō habet aliquid aduersum te, sed tu aduersus eum, nō iuberis munus tuum relinquere, & eum postulare, sed tantum odium & rancorem animi tui contra eum habitum deponere, & ita munus offerre. Legimus fratres mei, de S. Ioanne Alexandrino Patriarcha, quod cū quadam die Missam celebraret, & cantando Dominicam orationem venisset ad illam petitionē, in qua rogamus, dimitte nobis debita nostra, sicut & nos dimittimus debitoribus nostris: meminit de querela quadam, quæ erat inter eum & quendam clericum. Tacens igitur mandauit clericum illum, factaq; cum eo reconciliatione, rediens ad proprium, cantauit, dicens: Dimitte nobis debita nostra, sicut nos dimittimus debitoribus nostris. Itaq; fratres mei, si volumus orationes, oblationes, & elemosynas nostras Deo placere, illis quibus debemus, satisfaciamus, & illis qui nobis debent, dimittamus: Cor nostrum ab omni mala voluntate mundemus: mundatū humiliemus, humiliatū cum lachrymis superni desiderij, & ardore pij amoris, Deo offeramus. Quoniam sacrificium Deo, spiritus contribulatus: Cor contritum & humiliatum Deus non despicies. Quod sacrificium nobis facere tribuat, qui est benedictus in secula, Amen.

Mat. 6.

Psal. 50.

DOMINICA VII. POST TRINIT.

Rom. 6.

Humanū dico propter infirmitatē carnis vestrae. In hac lectione fratres chariss. præcipit nobis Apost. relinquere peccata, & sequi iustitiā: & hoc modo: Primò dicit se præcipere humana & leuia. Secūdò præcipit nobis vitia relinquere, & iustitiā facere: tertiò ostendit quid sequatur peccatum. Quartò quid sequatur iustitia. Quintò ostendit mortē eternā pro peccato iuste deberi, vitā verò eternam gratis dari. Ait ergo primò: *Humanū dico, propter infirmitatē carnis vestrae.* Ac si aperte dicat, quoniā adhuc infirmi & carnales estis, nō exhortor vos ad grauiora & perfectiora: sed potius ad leuiora & humana. Non enim præcipio vobis omnia relinquere propter Christū, & dare pauperibus, & nudos sequi Christū. Neq; præcipio vobis, vt occurratis persecutoribus, & fundatis sanguinē pro Christo; aut quod relinquatis cōiugia, & castimoniā profiteamini, & cætera huiusmodi, quæ perfectiorū sunt. Sed tantū hoc nunc vobis præcipio, vt relinquatis peccata & vitia vestra, & opera iustitiæ faciatis, quæ etiā imperfectiorū sunt: Vnde & subditur: *Sicut exhibuistis membra vestra seruire immunditiæ, & iniquitati ad iniquitatem: ita nūc exhibeatis ea seruire iustitiæ in sanctificationem.* Est autē hæc pars secūda. In qua præcipit nobis relinquere peccatū, & sequi iustitiā. Porriò hīc insinuat nobis Apostolus breuiter, quomodo peccator proficiat de malo in peius: & quomodo bonus proficiat de bono in melius. Primò enim assuefacit se peccator immunditiæ mētis & corporis, vt ingluuiei, luxuriæ, cæterisque turpitudinibus. Deinde vt habeat vnde suæ immunditiæ satisfacere queat, assuefacit se operibus iniquitatis. Est enim immunditia in se, iniquitas in proximū. Vt igitur queat sufficere ingluuiei, luxuriæ, ceterisque turpitudinibus inuidet, cōcupiscit, furatur, rapit, fallit, acquirit per fas & per nefas. Et ex his proficit ad iniquitatē. i. in malitiā cōsummat. Ecōtrariò quoq; bonus primò assuefacit se operibus iustitiæ, videlicet vt reddat unicuique, quod suum est; Deo religionē, sibi mundiciā, parentibus honorē, domesticis prouidentiam, maioribus obediētiā, minoribus gubernationē, aequalibus societatem, bonis dilectionē, malis correctionē, oppressis misericordiam, omnibus equitatē. Ex quo-

*Quomodo
reddendum
unicuique
quod suū
est.*

quorū assuefactione proficit in sanitate, id est, in bonitatis perfectionē. Itaq; fratres mei, iuxta mandatū Apostoli, sicut exhibuistis mēbra vestra seruire impuniti & iniquitati: ita exhibete ea seruire iustitiæ & sanctitati. Nō enim dedit Deus vel redemit corpus & mēbra nobis ad seruicium dū peccato, sed ad seruicium sibi. Vnde Apostolus, Corpus, inquit, nō fornicationi, sed Domino. Et iterū: Nescitis, inquit, quia mēbra vestra Christi sunt, & nō estis vestri? empti enim estis pretio magno, glorificate & portate Deū in corpore vestro. Heu fratres mei, quā graue præiudiciū creatori nostro facimus, quādo corpore & mēbris nostris, quæ ipse creauit & redemit ad seruicium sibi in seruitio peccati & diaboli abutimur. Tollens, inquit Apostolus, mēbra Christi, faciēs mēbra meretricis? Absit. Absit ergo à nobis fratres, vt mēbra nostra Deo sanctificata, de cætero in immunditiā diaboli cōtaminemus. Nullatenus enim possunt mēbra nostra simul seruire diabolo & Deo. Vnde & subditur: *Cum enim serui essetis peccati, alieni eratis à iustitiā.* Et quæ fratres mei, quæ seruitus miserior & miserabilior est, quā seruire peccato & diabolo? Et quæ libertas peior, quā liberū esse à iustitiā, quæ est iugū Domini suaue, & onus eius leue? In quo (vnde dolendū est) cōfunduntur quidā habētes velamen malitiæ, libertatem? Qui, quia sunt liberi genere, volunt esse liberi à iugo obedientiæ & iustitiæ, malentes esse subditi criminibus quā senioribus, & dicētes: Disrumpamus vincula eorū, & proiciamus à nobis iugū ipsorū? Sed quid sequitur? Qui habitat in cœlis, irridebit eos, & Dominus subsannabit eos.

1. Cor. 6.

Ibidem.

Seruitus
miserissima
seruire pec-
cato et d. &
bolo.

Psalm.

Sequitur pars tertia, in qua ostēditur quæ peccatū subsequatur, cū subditur: *Quē ergo fructū habuisti tunc, in quibus nunc erubescitis?* Ac si diceret malū: nā finis illorū mors est. Porro immundi, & iniqui desiderij adimpletio, videtur peccatoribus esse quasi quidā fructus suauis: eō quod in eius vsu ad horā delectantur. Sed quod pessimus sit talis fructus, probat Apost. ex cōsequentibus, quoniā ex tali fructu sequitur pudor & mors. Nō enim ex bono & honesto, sed tantū ex turpi & inhonesto, necesse habemus erubescere. Ille ergo pudor perpetratæ turpitudinis testis est. Adcō quippè dānabilis immunditia & iniquitas est, quod
quiam

etiā ab ipso immundo & iniquo condēnatur. In ipsa enim mente iniqui, est mala conscientia, quæ eum accusat. Sed etiam memoria & pudor testes, qui contra eum testificantur. Et etiā ipsa ratio, quæ eū iudicat & damnat. Est etiam & timor qui eum punit & torquet. Vnde scriptū est: Nemo nocens, se iudice absolvitur. Est tamē fratres, quedam animi confusio vtilis peccata sua respicientis: respiciendo, horrentis: horrendo, erubescens: erubescendo, corrigentis. Et si iniquitas ab ipso etiam agente, & etiam in fructu suo ita hīc dānatur, quantū putatis fratres mei, passura est in futuro à summo Iudice damnationem? *Nā finis illorū mors est.* Mors scilicet duplex. Vnde Propheta: Duplici cōtritione contere eos. Prima est mors animæ in peccatis sepultæ. Secunda est mors animæ pariter & corporis in gehenna perpetuo cruciatur. Finis ergo, id est consummatio illorum peccatorū est mors animæ quoniā per illa à vero bono, à vera luce & à vera vita priuatur, brutificata, excæcata, mortificata, vinculis peccatorū obuoluta, ligata, tumulo vitiorū sepulta, arenosæ cōsuetudinis cumulo superaggrauata. Finis quoq; illorū mors gehēnalis est. Quoniā quorū vita mortua & finita est in culpa, eorū mors viuet in pœna. Nam iuxta Psalmistā mors depascet eos, nō consumet. Nam sicut bos nō radicitus comedit herbā, sed ita eam comedit, vt eam quotidie comedere possit: ita reprobi à morte semper cruciabūtur, nec tamen annihilabūtur, vt semper sint & semper moriātur. Vnde Ioannes in Apocalypsi: Optabūt mori, sed mors fugiet ab eis. Cruciabuntur autem quatuor generibus pœnarum, verecundia, timore, pœnitentia, & dolore. Sed verecundia illa erit sine regmine: timor ille sine spe: pœnitentia illa, sine vtilitate: dolor ille sine compassione & sine morte: mors sine fine: finis sine defectu.

Sequitur pars quarta, in qua ostēditur quæ ex iustitia sequantur, cū subditur: *Nunc autem liberati à peccato, per baptismū scilicet & pœnitentiā, Serui autem facti Deo, per iustitiam, id est ipsius iustitiæ, Habetis fructū in sanctificationē: suē verò illorū, vitā æternā.* Ex operibus quippè & vsu iustitiæ proficimus in fructificationem, quia nihil melius, nihil pulchrius in hac vita potest haberi. Quid enim

fra-

Jerem. 17.

Psal. 48.

Apo. 9.

fratres mei, quid melius, quid pulchrius, quā omni turpitudine, omniq; vitio carere, mundū mente & corpore esse, diabolū sub pedibus habere, omnia inūdana vilipendere, modico contentū esse, indigentibus piū & omnibus amabilem esse, ad cœlestē patriā toto desiderio festinare: nec etiam ipsam mortē timere, sed potius eam securē expectare: & quando cæteri timent, in Deo securē & lætū esse? Et si tantisper dulcis est fructus iustitiæ in hac vita, quā dulcis putatis fratres mei, erit eius præmiū in alia vita? *Finē verò*, inquit, *vitā æternā*. Et verē illa vita erit vita, in qua nihil mortale, nihil erit corruptibile. Non corrūpetur amplius anima peccatis: sed potius omnibus virtutibus coruscabit. Non variabitur perurbationibus, sed potius semper læta, semper secunda, semper pacifica, semper cōcors erit. Nō minorabitur defectibus, sed omni sapientia, omni gratia, omni perfectione abūdabit. Non corrumpetur corpus vitiis, sed omni integritate, omni pulchritudine, omni honestate, decorabitur. Non afficietur indigentia, sed omni saturitate & affluētia cumulabitur. Non grauiabitur defectibus, sed sanitate, iuuentute, viribus & agilitate ditabitur.

Sequitur pars quinta, in qua ostenditur mortē æternam pro peccato iustē deberi, cū subditur: *Stipendia enim peccati mors est*, id est diabolicæ malitiæ debitum est mors.

Quia enim peccator ex se noluit bonū, & fecit peccatum, ex se meruit mortem: vnde & mors tanquā merces ei debetur. Non ergo habet damnatus vnde murmuret contra Iudicem: sed potius vnde sæuiat in seipsum, qui spōte deseruit vitam, & elegit mortem. Iuxta illud: Deus non fecit mortē, id est causam mortis: sed homines pedibus & manibus accersierunt sibi mortem. Deinde ostenditur vitam æternam tantūm gratis dari, cū subditur: *Gratia autem Dei vita æterna*. Homo enim nec ex se voluit, nec potuit, nec fecit bonum, sed ex sola Dei gratia, quæ præuenit hominem & subsequitur, dans velle & perficere. Gratia ergo Dei sunt, tam nostræ iustitiæ quā merces. Solam enim gratiā suam coronat in nobis Deus. Non habent ergo iusti vnde sese iactitent, vnde aliquid sibi adscribant, sed soli gratiæ Dei, quæ nos gratis prædestinauit, gratis vocauit, gratis iustificauit, gratis etiā coronabit per Iesum Christū

redem-

Damnatus non habet vnde murmurat.

HOMILIAE

redemptorem nostrum, qui cum eo & spiritu sancto vivit & regnat per omnia secula seculorum. Amen.

DOMINICA VIII. POST TRINIT.

Mat. 8.

Cum turba multa esset cum Iesu, nec haberet quod manducarent, convocatis discipulis suis ait illis, *Misereor super turbam, &c.* Quadripartita est lectio ista, fratres charissimi. Primò, demonstratur inedia eorum qui erant cum Iesu. Secundò, Domini compassio. Tertiò, discipulorum imperfectio. Quarto, quatuor milium hominum de septem panibus repletio, & superabundantiæ sublatio. Demonstratur ergo primò inedia eorum qui cum Iesu erant, cum dicitur: *Cum multa turba esset cum Iesu.* Sed quare fratres mei, Dominus qui panis est salutis, suos sequaces inediā pati voluit? Duplici de causa, ut fidem suam in cordibus suorum roboraret, dum scilicet esurientes miro & inaudito modo satiaret: & ut sequacibus suis exemplum preberet: ut scilicet si quandoque inediam paterentur, non desperarent, sed recordarentur etiam illos, qui Iesum Christum corporaliter sequebantur, inediam fuisse passos, & subito gloriose satiatos, & speraret se quoque ab eo potenter visitandos. Ipsa nimirum inedia frequenter sanctis perutilis est, dum cogit eos contemnere temporalia, & suspirare ad æterna: dum maculas eorum purgat: dum virtutes nutrit: dum eos modico contentos facit. Sicut e contrario quotidiana multos corrumpit abundantia. Vnde Dominus per Prophetam: Hæc, inquit, fuit iniquitas sororis tuæ Sodomæ, saturitas panis & abundantia.

Ezech. 16.

Sequitur pars secunda, in qua compassio Domini demonstratur, cum ipse dixit discipulis suis: *Misereor, inquit, super turbam, quia iam in triduo sustinet me, nec habent quod manducant. Et si dimisero illos ieiunos, deficient in via. Quidam enim ex eis de longè venerunt.* Cum miserationem & compassionem Dominus ostendit in se, in duobus nos instruit, in fide videlicet & moribus. In fide quidem nos instruit, quoniam cum ostendit se habere humanam compassionem, ostendit se verè suscepisse nostræ humanitatis infirmitatē. In moribus verò nos instruit, quoniam nos exemplo sui, super afflictos debere esse pios & misericordes ostendit. Vnde & hanc compassionem, non interius hic celavit, sed potius convocatis discipulis suis, eam ostendit, dicens: *Misereor super turbam.*

Quasi

Quasi diceret, misericordiā quā me videtis super afflictos habere, habere nementote. Super quibus verò præcipuè misereri debeamus, ostendit cū subdit: *quia in triduo sustinent me*. Et cum omnibus fratres mei, misereri & subuenire debeamus, tamē præcipuè eis qui Dominū sequuntur, qui eius mādāta portādo laborāt: vnde Apostolus: *Faciamus bonū ad omnes, maximè autē ad domesticos fidei*.

Gal. 6.

Sed & in hoc quod Dominus non dimittit eos ieiunos in domū suā, ne deficerēt in via, ostēdit se esse piū & fidelem super fideles suos. Iuxta quod Apostol. ait: Fidelis Dominus, qui nō patietur vos tentari super id quod potestis: sed faciet cum tentatione prouentū, vt possitis sustinere. Nos ergo fratres, exemplo Domini, viscera misericordiæ super afflictos semper habeamus, sciētes quoniā quali mensura mēsi fuerimus aliis, remeietur nobis. Si misericordes fuerimus, misericordē iudicē inueniemus. Si immisericordes erimus aliis, & Deus immisericors erit nobis: vnde Iacobus: iudiciū sine misericordia fiet ei, qui nō fecerit misericordiā. Vnde fratres, plāgo quosdā solo nomine Christianos, qui quasi ferrei aut saxeī essent, super afflictos nulla mouētur pietate. Sed & si quādo trāsire eis sit necesse iuxta mendicū, iuxta leprosum, iuxta nudū & miserū, faciē avertūt: eos nec aspicere queūt, quasi humanæ fragilitatis conditionē obliui sunt. Qui tamē si viderint asinū vel porcum suū infirmū, cōdolent, medelā adhibent, plangunt pereuntē. Vt quid hoc fratres, nisi quia charitate Dei & proximi carent, cui præponunt asinum vel porcum suum?

Iacob. 2.

Sequitur pars tertia, in qua ostenditur imperfectio discipulorū, cū Domino respōdentes dicunt: *Vnde quā poterit hos satiare panibus in solitudine?* Imperfectionem enim suā discipuli ostēdunt, dum in præsētia Domini turbā pœne satiare, vel impossibile vel difficiē dicunt. Humanā etiā tentationē se passos demonstrant, dum septē panes turbis suffecturos in Domini præsētia desperāt. Hanc imò maiore, peioremq; tentationē frequēter patimur fratres mei, cum famelico clamāte ad ianuā, causamur nos modicum annonæ habere in horreo, modicum panis in arca: & per auaritiā mentis bonis à Deo nobis data diminuimus vel negamus cū per amplitudinē ea multiplicare debemus.

Deponamus igitur fratres, hanc pusillanimitatem, & de Dei largitate semper praelumamus, qui cum etiam abundanter administret perfidis & sceleratis: quâto magis suis fidelibus dispensatoribus, materiâ bene agendi superabundâter administret. Ad memoriâ reuocemus Sanctorum largitatem, qui super facultatem suam indigentibus erogabant. Et tamen Deo providente, semper abundabant, ita ut contendere viderentur, Deus eis ministrando, & illi distribuendo. Hinc Salomon ait, *Quidâ semper capiunt, & semper indigent. Quidam semper tribuunt, & semper abundant.* Et Psalmista: *Dispersit, dedit pauperibus, iustitia eius manet in seculum seculi.*

Pron. 11.

Mat. 11.

Luc. 10.

Sequitur pars quarta, in qua Dominus pascit de septem panibus & paucis pisciculis quatuor millia hominû, sublati fragmentorû septem sportis. In quo instruit nos tripliciter. in fide, in mysterio, in moribus. In fide, quoniâ dū mirabiliter de septem panibus tot homines satiat, quibus si particulariter panes diuiderentur, vix vnusquisq; micam vnâ consequeretur. Et dum reliquias sic multiplicat, ut septuplo plus fuerit sublatû, quàm fuerit appositû, verâ se probat habere diuinitatē, sicut per humanâ cōpassionem, verâ se demonstrat habere humanitatem. Et ita hac in lectione se verû Deû & verû hominē demonstrat. In mysterio nos instruit: quoniâ per hoc opus ad mysticû sensum nos mittit. Per septē ergo panes sanctarum vniuersitas scripturarum designatur, in quibus septiformis gratiæ satietas cōtinetur. Per pisciculos verò paucos, sanctorum Patrum, qui in respectu malorum pauci & humiles sunt, exempla significântur. Sicut enim pisces panem melius māducari faciunt: ita sanctorû Patrum exempla, sacrâ scripturâ melius intelligi & sequi faciunt. Panes ergo & pisces recumbentibus super terrâ distribuuntur, quoniâ mysteria sanctarum scripturarum, & exempla S. Patrum à solis humilibus capiuntur. Vnde Dominus. *Gratias ago tibi Pater, quia abscondisti hæc à sapientib; & prudentibus, & reuelasti ea paruulis.* Dominus super panes gratias primò agit, post frangit, post tradidit discipulis ut apponant. Spiritualis quoq; magister exemplo Domini super consequutas sanctarum scripturarû escas, Domino gratias agere debet, postea frangere,

gere, id est, exponere: deinde docēdo eas discipulis suis tradere, ut eas auditoribus exponant. Et satiantur ex eis quatuor millia hominū, id est, quatuor partiū orbis multitudines hominū. Et de reliquis septē sporię supersunt: quia super capacitātē auditorū spirituales intellectus abundāt. Et plus ex eis semper relinquitur, quā capiat. In moribus etiā in hoc ipso nos instruit: quia dum famelicis cōparitur, & inter eorum multitudinē quot panes habebat, partitur, exemplo sui nos monei, ut idem faciamus. Præcipit ergo Dominus turbę recubere super terrā, sicut & ipse sæpē cum discipulis faciebat. In quo damnat illorū superfluitatē, qui nisi in pictis thoris, & elaboratis mantilibus nesciunt māducare. Super panes gratias agit: nos instruēs ut vel manducaturi, vel escā datuti, gratias agamus Deo, qui nobis vel refectionē, vel eleemosynę largitur materiā pariter & voluntatē. Iuxta id quod Petrus ait: Si quis ministrat, tāquam ex virtute quā administrat. Deus. Panes *1. Pet. 4.* frāgit Dominus, nos docēs, ut si integros panes dare non possumus, frangamus, & fractos distribuamus. Vnde ipse per Prophetam: Frange esurienti panem tuum Discipulis *Esā. 58.* suis dat panes ut distribuant: nos instruens ut filios & familiares nostros doceamus eleemosynas facere, & per eas dādo, ipsos ad dandū assuefaciamus. Pascit autē turbas de panibus & pisciculis: nec mētio fit vini vel salsamenti, ut moneret nos, simplices cibos & simpliciter paratos querere, & præsentibus contentos esse. Esurientes satiantur: & plus est sublatum quā fuerit appositum, ut ostēdatur gratiā eleemosynarū semper superabundare: dum & hīc Dominus viris eleemosynariis semper ministrat abundē quod tribuant: & in futuro eis retribuet, pro terrenis cœlestia, & pro temporalibus æterna. Vnde Salomō: Fēneratur domino qui miseretur pauperis. B. Nicolaus cōpatiens *Prout. 19.* plebi fame pereuntri, cum propria dedisset, mutuatur à nautis centū modios frumētī, & populū recreat famelicū, & nautę remetientes non minus inuenerunt. Vir quoq; eleemosynarius, nomine Sanctolus, Ecclesiā S. Laurentij restaurans, artificibus quęrentibus cibū, cum eos verbis consolaretur, & nō haberet quid eis apponeret, vadēs anxius huc & illuc, venit ad furnū in quo vicinę mulieres pridie

HOMILIAE

panes coxerāt: inuentū ibi maximū & candidissimū panē, circumtulit ad vicinas mulieres, quæ cū panē illū suū negarēt, panē apposuit operariis. Quibus satiatis, plus de fragmētis sustulit quā apposuerat: quæ iterum secunda die apposuit, & multiplicata sustulit. Et ita per dies decē illo pane satiati sūnt, ac si panis cresceret comedēdo. Depos namus ergo fratres mei, pusillanimitatē & de diuina securi largitate, eleemosynę faciēdę nos assuefaciamus. Et qui multū habet, multū turbuat: qui verò modicū, etiā illud libēter impartiat. Quoniā, vt ait Psalmista: lucūdus homo qui misereatur & cōmodat: Disponit sermones suos in iudicio, quia in æternum non cōmouebitur. Et alibi: Tota die misereatur & cōmodat, & semē illius in benedictione erit. Deus autē misericordiarū det vobis misericordię meritum pariter & præmium. Cui est honor & gloria & imperium, per omnia secula seculorū. Amen.

DOMINICA VIII. POST TRINIT.

Debitores sumus non carni, vt secundū carnē viuamus, &c. Bipertita est hæc lectio fratres charissimi. Primū enim nos monet Apostolus, vt non secundū carnē, sed secundū spiritum viuamus. Secundō ostēdit viuētes secundū spiritum esse Dei filios & hēredes. Monens ergo nos Apostolus, vt nō secundū carnē, sed secundū spiritum viuamus, ait: *Debites sumus*, subaudi spiritui: nō carni. Vt nostis fratres chariss., tunc patrisfamiliās domus bene ordinata est, cū vir est subiectus & obediens Deo, & dominatur & regit totā familiā & vxorē: & vxor cū tota familia ei famulatur & obedit. Vnde Apostolus: Vir, inquit est caput mulieris: Christus autē viri. Cū verò mulier & familia non sunt subditi viro, sed potius vir eius, domus malē ordinata est. Porro hæc inordinatio fuit in hospitio primi parētis, qui obedientiā quā debebat Deo, ei nō reddidit, sed potius mulieri seductę (cui nō obedientiā, sed regimē & correctiōnē debebat) obediens fuit, propter quod in inordinationē sui ipsius cecidit. Quia sensualitas proprię carnis cum sensibus suis, suo capiti, id est, spiritui, perunq; nō obedit, sed potius cōtradicit, & eū ad cōsentendum, nō capiti suo Deo, sed suis serpētinis suggestionibus trahit: vt relicto Deo & cęlo, ad quod creatus est, sola inferiora,

Psal. 117.

Ibidem.

Prou. 36

Ephe. 5.

Caput mulieris vir.

feriora, terrena scilicet, cogitet, appetat, & quærat, & ita viuatur, nō spiritualiter sed carnaliter. Cū itaque fratres mei tāta & talis inordinatio à primo parēte in omnes nos deriuata esset, venit filiū Dei factus homo, vt exēplo & gratia amissam ordinationē in nobis restitueret, præcipiēs vt de cætero mens nostra Deo seruiret, sensualitatē cum sensibus suis sibi cōsentire cōpleret, vt ita viueremus secundū spiritum, & nō secundū carnē. Et hoc est quod ait Apostolus: Debitorum sumus spiritui, nō carni. Et quia quēdā debemus carni, vt correctionē, regimen, & prouidentia: exponit in quo nō sumus debitorum carni, cū subdit: *Vt secundum carnē viuamus.* Quāuis enim fratres mei, in carne viuamus: tamen secundū carnē, id est, secundū voluntatem carnis viuere nō debemus. Ille enim viuit secundū carnē, qui quantūcunque potest voluntati pariter & voluptati carnis satisfacit: qui scilicet fertur effrenis more pecoris in ingluuiē, in luxuriā, in irā, in incredulitatē in superbiā ceteraque vitia, quæ ex carne partim oriuntur, & homines carnales efficiūt & animales. Talis enim nihil spirituale, nihil cœleste, nihil diuinum sapiunt, sed solā carnē & terrā. Vnde Apostolus: Animalis homo nō percipit ea quæ spiritus Dei sunt. Quid autē tales sequantur, ostendit Apostolus, cū subdit: *Si enim secundum carnē vixeritis, moriemini:* Et hīc morte animæ in peccatis, & in futuro, morte animæ pariter & corporis in gehenna. Nōne fratres, etiā hīc malē moritur ille qui amisso honore in quo ad imaginē Dei creatus fuerat, factus est brutus & curuus more pecudis super terrā: Vt de eo meritō dicatur, Homo cū in honore esset nō intellexit: cōparatus est iumentis insipientibus, & similis factus est illis. Nōne etiā hīc malē moritur qui vita & vera luce (quæ Deus est) hīc priuatur, & tenebris interioribus inuoluitur? Nōne in futuro pessimē morietur qui tenebras exteriores, vbi erit fletus & stridor dentiū semper patietur: quē semper cruciabit ignis qui nunquā extinguitur, & vermis qui nunquā moritur? Si autē, inquit, spiritu facta carnis mortificaueritis, viuetis. Posset quidē Apostolus, sicut dixerat, si secundū carnē vixeritis, moriemini: ita cōtrariō dicere: Si autē secundū spiritū vixeritis, viuetis. Sed quoniā quidā sine abstīnē-

*Secundum
carnem vi-
uere quis
dicatur.*

1. Cor. 2.

Psal. 48.

tia & maceratione carnis, se spiritualiter viuere posse in hac vita putant, vigilantier ait: *Si facta carnis spiritu mortifi. aueritis, uiuetis.* Quasi diceret: Si spiritus sancti virtute vel etiam virtute spiritus uestri, à spiritus sancto illuminati, per abstinentiam vitia & peccata in carne uestra mortificaueritis, uiuetis: & hic vita spirituali, & in futuro vita coelesti. Cum enim fratres mei, spiritus & caro adinuicem semper luctentur quāto est debilior caro, tantò fortior est spiritus. Et quāto forior est caro, tantò debilior est spiritus.

2. Cor. 12.

Galat. 2.

Vnde Apostolus: Quando, inquit, infirmor, tunc fortior sum & potens. Et alibi: Viuo, inquit, ego, iā non: uiuit uero in me Christus. Ac si apertè dicat, Viuo quidem, sed nō vita carnaliū uiciorū, qua prius uiuebā, sed vita spirituali.

Sequitur pars secunda, in qua ostendit Apostolus uiuentes secundū spiritū esse filios Dei & hæredes, dicens: *Qui enim spiritu Dei aguntur, hi filij sicut Dei.* Spiritu Dei aguntur, qui nō à carne, vel à spiritu maligno, sed à spiritu sancto ipsi carni præsidente, ad bene cogitandū, loquendum, agendumq; aguntur. Non autē ait reguntur, sed q̄ maius est, aguntur. Non enim solū, ut eques equū, nos regit spiritus: sed etiā latente energia, id est, operatione, interius in nobis operatur. Agit enim in nobis ut agamus. Ipse enim, ut ait Apostolus, operatur in nobis & uelle & perficere.

Philip. 2.

Ioan. 15.

Quod apertè cōtra illos est, qui se per se aliquid agere posse putāt: Cum Dominus dicat in Euangelio: Sine me nihil potestis facere. *Qui enim, inquit, spiritu Dei aguntur, hi sicut filij Dei. Quales uos esse debetis. Nō enim accepistis, in baptismo scilicet & cōfirmatione, spiritū seruitutis iterū in timore: sed accepistis spiritū adoptionis.* Unus & idem fratres mei, est spiritus: qui ex aduersis, quæ cōfert donis, diuersis nominibus uocatur. Vocatur enim spiritus iræ Aegyptiis, quia eis intulit uindictā peccati. Vocatur spiritus seruitutis & timoris Iudeis: quoniā in lege eis timorē incussit, unde ex timore potius quā ex amore ei seruebāt. Vocatur nunc spiritus adoptionis fidelibus: quoniā eis filialē cōfert dilectionē, per quā eos in filios adoptat. Vos ergo fratres, si nō ex cōscientia peccati, nec timore gehennæ, sed ex amore ei seruiatis, spiritū adoptionis utiq; accepistis, in quo clamat *Abba Pater.* Abba Hebræum, pater uero.

verò est Græcū & Latinū, Omnes fideles, Hebræi, Græci & Latini, si Deū filialiter diligimus & imitamur, eū securè patrē vocamus. Ecce fratres mei, quāta est pietas & benignitas Dei, qui cū essemus indigni serui, vt viscera pietatis suæ erga nos demonstraret, & vt nos nō ad se timendum, sed potius ad se diligendū inuitaret, præcepit nobis, v. eū potius Patrē, quā Dominū, vocaremus: & vt nullū patrem in cōparatione eius reputaremus, dicens: Patrem nolite vocare vobis super terrā: vnus est enim pater testis qui in cælis est. Pater enim terrenus vel nos dereliquit, vel nos nō diligit, vel malè diligit: cū pater cælestis vos obliuisci non possit. Vnde Psalmista: Pater meus & mater mea dereliquerunt me: Dominus autē assumpsit me: *ipse spiritus reddit testimoniū spiritui nostro*, id est, cōfirmationē spiritui nostro, quod sumus filij Dei. Hoc autē facit tribus modis, per scripturas vocās nos filios: vt quādo dicit: Venite filij, audite me, timorē Domini doceo vos, per admirabilē operū misericentiā, nos filios Dei manifestans. Ex his fratres mei, argumētis, spiritus sanctus pater noster, in fide & spe, & charitate, firmatum securè eddit, quod filij Dei sumus. Si enim hæc habemus, iā non Deū timemus, sed potius eū tanquā patrem diligimus, bene de eo speramus, ad eū securè cōfugimus. *Quod si filij sumus & hæredes.* Tria constituūt hominem hæredem: Natiuitas, meritū, & volūtas. Nos quoq; fratres mei, hæc tria nos constituūt hæredes æternæ hæreditatis. Primò liquilem libera volūtas Dei ab æterno hæredes prædestinauit, secūdò spiritualis baptismi natiuitas, nos ad cælestem hæreditatem vocauit. Tertiò meritū nostrū, gratia adiutum, nos illius dignos efficit, vnde Apost. Quos inquit, prædestinauit, hos & vocauit: Quos vocauit, hos & iustificauit. Cæterū in hoc differt cælestis hæreditas à temporalis quoniam hæres non nisi post mortem testatoris hic cōsequitur hæreditatem. Deus verò nos ita hæredes constituit, vt etiam cum eo æternam sortiamur hæreditatem, Rursus temporalis hæreditas per multos hæredes distributa minoratur. Cælestis verò hæreditas, nullā nouit patiminutionem. Rursus ex temporalis hæreditate inter cohæredes nascitur inuidia. Nā iuxta Poëtā, omnis potestas

*Pietas Dei
in nos.*

Mat. 23.

Psal. 26.

Psal. 33.

*Tria consti-
tuunt
hominem
hæredem.*

Rom. 8.

impatiens cōsortis erit. Ab illa verò eterna hereditate omnis inuidia relegabitur. Nam vnusquisque sic gaudebit de proximi gloria, sicut de sua. Vnde & ipse vnicus Patris nō solus hāres esse, sed secum voluit cohāredes habere. Nos itaque fratres mei, spreta tēporali & vana hāreditate, al illā cōlestē toto desiderio tendamus hereditatem: æterni sine successionē distributam, sine diminutione: communem, sine inuidia: sufficientem, sine indigentia: iucundam, sine tristitia: beatam, sine omni miseria. Ad quam perducat nos vnus Deus, Pater & Filius & Spiritus sanctus. Cui est honor & gloria per infinita seculorum secula, Amen.

DOMINICA VIII. POST TRINIT.

Mat. 7. **A**ttendite à falsis Prophetis qui veniūt ad vos in vestimentis ouīū, intrinsecus autem sunt lupi rapaces. Dominus & Redemptor noster fratres chariss. prouidens persequutiones discipulis suis euēturās, eas eis prædicere, & cōtra eas, eos præarmare curauit. Prædixit ergo duo genera persequutionū eis euētura. Vnū apertū, de quo alibi dicit: Trademini autē à parentibus & cognatis, & amicis in mortem, & morte afficient ex vobis. Alterum occultū, cōtra quod hic nos munit, & hoc modo: Primò monet nos cauere à falsis Prophetis: Secūdò quibus signis cognoscatur generaliter & per similitudinē ostēdit. Tertiò spiritualiter, quib⁹ discernātur vel nō discernātur, aperit, ait ergo: **Attēdite**, id est, attendentes cauete à falsis Prophetis. Porro illā persequutionē occultā præcipuē monet nos attēdē cauere, quoniā peior est quàm aperta: tū quia plus nocet occidens etiā animas: tum quia difficilius prouidetur: facilius quippè nos supplātat qui sub specie amicitiae & obsequij, fraudem occultat. Propriū enim doli, est se dissimulare. Veneficus sub melle tegit venenū. Proditor sub obsequio fraudē. Hypocrita, sub religione malitiā. Hæreticus sub veritate falsitatē. Cū autē hic per falsos Prophetas quolibet hypocritas, qui aliud occultant, & aliud simulant, possemus intelligere: tamē de hæreticis specialiter dictū est: qui quum exterius simulent religionem, interius celant hereticam rapacitatem, per quam animas simplicium iugulare festinant. Per vestimēta igitur ouīū, ouinā intelligimus simplicitatem, qua hæretici & omnes dolosi suam

Falsi prophete venefici.

palliant iniquitatē: Vt verbo, vestimēto obsequio, cibo, & huiusmodi exterioribus. De verbo taliū ait David: Molli-
 ti sunt sermones eius super oleū, & ipsi sunt iacula. De ve-
 stimēto dicitur hīc: *Attendite à falsis Prophetis, qui veniūt
 ad vos in vestimentis ouīū.* Et Apostolus: Satanas, inquit,
 transfigurat se in Angelū lucis. De obsequio dicit Poēta:

Psal. 54.

2. Cor. 11.

Obsequio vincit meretrix & proditor omnis.

1. Tim. 4.

Manichei.
 Agennen-
 sei.

Mat. 7.

De simulata abstinētia & cōtinentia, dicit Apostolus ad
 Timot. Spiritus manifestē dicit, quod in nouissimis tēpo-
 ribus discedēt quidā à fide, attendentes spiritibus erroris,
 & doctrinis dēmoniorū, in hypocrisi loquentium menda-
 ciū, prohibentiū nubere, abstinere à cibis, quos Deus crea-
 uit ad percipiendū cū gratiarū actione fidelibus, quia om-
 nis creatura Dei bona est. Tales sunt hodie fratres mei, he-
 retici Manichei: qui sua hærēsi patriā Agennensem macu-
 lauerunt, qui mētiuntur se vitam tenere Apostolorū. Di-
 centes se nō mentiri, nec omnino iurare, sub prætēto ab-
 stinentiæ & cōtinentiæ, escas carniū & nuptias dānan-
 tes. Dicunt enim tātum flagitium esse accedere ad vxorē,
 quantū ad matrem vel ad filiā. Damnant etiam vetus te-
 stamentum. De nouo verò quædā recipiunt, quædā non.
 Et quod grauius est, duos prædicant rerū auctores: Deū
 inuisibilem, diabolū visibilem auctorē credentes. Vnde
 & occultē adorant diabolū, quē sui corporis credūt crea-
 torem. Sacramentū verò altaris purum panē esse dicunt,
 Baptismū negant: neminē posse saluari, nisi per suas ma-
 nus prædicant. Resurrectionem etiam corporum negant.
 Hos diabolicos homines fratres mei, vitate: quia sicut Do-
 minus prædixit: Veniunt in vestimentis ouium, cū in-
 trinsecus sint lupi rapaces. Vos ergo ad cauendas eorū ver-

Sequitur pars secūda, in qua Dominus ostēdit generas-
 liter & per similitudinē, quomodo dignoscantur, dicens:
A fructibus eorū cognoscetis eos, id est, ab operib⁹, loqui-
 tur autē hic metaphoricē Dominus: quoniā sicut à sapore
 fructus dignoscitur, cuius humoris sit truncus & radix ar-
 boris: ita ex operibus exterioribus perpenditur cuius vo-
 luntatis sit cor hominis. Quis autē sit fructus malorum,
 Apostolus ad Galatas ostēdit: Manifesta inquit, sunt ope-

Gal. 3.

HOMILIAE

**Opera
carnis.**

**Fructus spi-
ritus.**

**Disfimu-
lator quomo-
do cognos-
cendus.**

ra carnis, quæ sunt fornicatio, immunditia, luxuria, auaritia, idolorum seruitus, veneficia, inimicitie, contentiones, æmulationes, rixæ, dissensiones, hæreses, inuidiæ, homicidia, ebrietates, commensationes, & his similia, quæ prædico vobis, sicut iam prædixi, quoniã qui talia agunt, regnũ Dei non consequentur. Qui verò sint fructus bonorum ostendit, subdès: Fructus aut spiritus est charitas, gaudiũ, pax, patientia, löganimitas, mansuetudo, fides, modestia, continentia, castitas. *Nunquid, inquit, colligunt de spinis uvas, aut tribulis ficus?* id est, nunquid de peccatoribus, malitia, & de vitiis spinosis, possunt exire fructus dulcedinis & benignitatis, & vix feruidæ charitatis, quasi dicat: non. Malus quidem opera virtutis simulare potest, facere omnino non potest, sed si simulauerit, quomodo poterit discerni? Quia simulator, & si quædã, tamen non potest omnia simulare. Et quia quod est simulatũ, nõ est firmũ, sicut nec color mutuatus, & quia simulatio lacessita detegitur. Qui ergo verè dissimulatorem deprehendere vult, inquirat non quid palàm, sed quid clàm faciat, vel dicat: Præterea si attentè & assiduè inspicias opera simulatoris, paulatim tibi vilescet. Virum verò bonũ quantò plus obseruaueris, tantò plus eũ miraberis. Sic non potest mala arbor bonos fructus facere, nec arbor bona fructus malos facere, id est, homo existens malus, nõ potest facere opera Deo placentia, & æternæ retributionis digna. Nec homo existens bonus, potest facere opera mala & æternæ damnationis digna: facit tamen homo malus quãdoque quædam minima bona: quia quandoque naturali ductus pietate pascit esurientem, velut nudũ: hospitatur peregrinũ: quod ei in alleuiationem penæ potest valere, nõ ad vitam æternam. Ipse enim non bene facit, sed de eo bene fit. Et econtrario bonus facit quandoque quædã minima peccata, naturali victus fragilitate: per quæ non æternã poenã meretur, sed temporalẽ. Quid autẽ mala arbor mereatur, ostendit cũ subiungit: *Omnis arbor quæ non facit fructũ bonũ, excidetur et in ignẽ mittetur.* Notate fratres, notate, non enim ait: Omnis arbor quæ facit fructum malũ excidetur, quod vtique cõstans est. Sed ait: Omnis arbor quæ non facit fructum bonum, excidetur. Non enim sufficit hominĩ

homini non facere malū, nisi etiā faciat bonū. Scriptum est enim. Declina à malo, & fac bonū. In hoc enim quod vitas malum, vitas tantū poenam, nec acquiris præmiū. Si dicis mihi, non furtum feci: Loris non vteris, aio: Non hominem occidi, non pascis in cruce coruos. Diues quippe purpuratus legitur in inferno cruciari, non quia rapuerit aliena, sed quia non dedit sua: quid ergo patietur, qui rapuit aliena? Itaque fratres mei, cum vitaueritis mala, facite bona, quia iam securis ad radicem arboris posita est, non solum malæ, sed etiam sterilis.

Sequitur pars tertia, in qua ostendit Dominus spiritua-
liter quibus operibus boni à malis nō discernātur, & qui-
bus discernātur. Quibus operibus nō discernantur, osten-
dit cū subdit: *Nō omnis qui dicit mihi Domine Domine, in-
trabit in regnū cælorū.* Sunt autē tria genera operū: Vnū
quod est propriū bonorū, vt dilectio Dei & proximi, be-
nefacere etiam inimicis, obseruare pacem, concordia, sa-
pientiam, iustitiam, & cæteras virtutes. Aliud est quod est
propriū malorum, vt vitia, & eorum opera. Tertium verò
est commune tam bonorū quàm malorum, vt quedā me-
dia opera, vt orare, ieiunare, indui cilicio, dare eleemosy-
nam, refrenare luxuriam, & huiusmodi. Hæc enim secun-
dū intentionem agentis nomen assumunt. In benè vten-
tibus sunt bona: in malè vtētibus mala. Ostendit ergo Do-
minus q̄ propter ista communia, non habebitur regnum
cælorū cū dicat: *Non omnis qui dicit mihi Domine Do-
mine, intrabit regnū cælorū.* Similiter nec omnis qui iei-
nat, nec omnis qui dat eleemosynam, & huiusmodi. De-
inde ostendit quo opere discernantur boni à malis, sub-
dens: *Sed omnis qui facit voluntatem patris mei qui in cæ-
lis est, ipse intrabit in regnū cælorū.* Voluntatem Dei facit,
qui verè credit, rectè sperat, firmè diligit: voluntatem Dei
facit, qui quod vult Deus, & vt vult, facit. Voluntatē Dei
facit, qui eam, etiā suæ & omnibus aliis præponit, dicēs:
Non mea Domine, sed tua voluntas fiat. Nos ergo fratres
mei, in omnibus queramus & faciamus voluntatem Dei:
diligentes eū toto corde, tota anima, & totis viribus plus
quā nos. Diligamus amicos nostros in Deo, & inimicos
propter Deū: non reddentes malū pro malo, sed bonum
pro

Tris gene-
ra operum.

Mat. 26.

Mar. 14.

HOMILIAE

pro malo: benedictum pro maledicto: sicut Dominus Iesus fecit & praecepit, quod ipse nos adimplere cōcedat, cui est honor & gloria per omnia secula seculorum, Amen.

DOMINICA IX. POST TRINITATEM.

r. cor. 10.

Non sumus concupiscentes malorū, sicut & illi concupierūt, &c. Quadripartita est lectio ista fratres mei. Primò enim nos dissuadet à vitiis exēplo antiquorū: Secundò demonstrat casus antiquorū in figuram & cautelā nostrā scriptos esse. Tertiò nos monet, ne apprehendamus à tentatione. Quartò dicit Deum non permissurum nos tentari ultra nostrū posse. Primò igitur nos dissuadet à quinque vitiis, scilicet à concupiscentia mala, ab idololatria, à fornicatione, à tentatione Dei, & à murmuratione. Porro à concupiscentia mala nos dehortatur, cū dicit: *Non sumus concupiscentes malorū: sicut & illi concupierūt*. Ideò autem adiunxit *malorū*, quoniā est concupiscentia bona: est & concupiscentia mala. Nisi enim concupiscētia bona esset, non dixisset Propheta: Concupiuit anima mea desiderare iustificationes tuas in omni tempore. Et nisi concupiscentia mala esset, non eam Dominus in lege prohibuisset dicens: Non concupisces rem proximi tui. Habet quippè anima à creatione, vt naturaliter sit concupiscibilis, irascibilis, & rationalis. Proinde necesse est vt anima nostra aliquid concupiscat, vel Deū vel mundum. Nō potest autem concupiscere Deum quin contemnat seculū: Nec potest cōcupiscere seculum, quin contemnat Deum. Nos ergo fratres mei, totā nostram concupiscentiam vertamus à mundo in Deum, à malo in bonum. Vt scilicet Deū & omne bonum cōcupiscamus, & mundum cum omni malo fugiamus. A concupiscentia verò malorū nos dehortatur exēplo Israelitarum, cū subdit: *Sicut illi concupierunt*. Illi enim post transitum maris, in deserto manna fastidientes, carnes & delicias Aegyptiacas concupierunt, & desiderio in Aegyptum redierūt. Ideoque plaga magna à Domino percussi sunt. In quo figuratum est, nos quoque, si post baptismum, cœlestisq; panis alimentum, ad abrenuntiationes mundi, & diaboli cōcupiscentias, desiderio redierimus, æterna animaduersione percutiendos. Ab idololatria nos dehortatur cū subdit: *Neque efficiamini idololatrae.*

Psalm. 42.

Exod. 16.

Idolatra. Idololatra est qui cultum debitū creatori exhibet creaturæ. Sūt autē duę species idololatrarū: Alij enim sunt idololatrę opinione, vt illi qui opinione attribuūt Soli vel Lunę, vel alicui creaturæ, diuinitatē. Alij sunt idololatrę moribus, vt illi qui præponunt creaturam creatori: quod enim quisq; plus diligit, hoc sibi Deū constituit. Qui ergo ventris ingluuiē Deo præponit, ventrem sibi Deum constituit. Qui vinum Deo præponit, Bacchū sibi Deum constituit. Qui Venerem suā Deo præponit, Venerē sibi Deū constituit. Quales hodie (quod sine gemitu dicere nō possum) sunt multi, vitiiis & peccatis suis potius quā Deo seruientes. Qui quauis ore dicāt se credere in Deū, tamē operibus & moribus eum abnegant. Vnde Paulus, Confitentur, inquit, se verbis nosse Deū, factis autē negant. Hic etiā ne hoc vel illo modo efficiamur idololatrę, dehortatur nos exēplo Isrāelitarū, subdēs: *Sicut quidā ex ipsis, quē admodum scriptum est: Sedit populus māducare & bibere: subaudis idololatita vitulo sacrificata, & resurrexerūt ludere*, id est psallere vitulo, & ipsum adorare. Vnde & præcipiente Moyse, gladio puniti sunt. In quo præfiguratū est, nos quoq; si vel opinione, vel moribus idololatrę fuerimus, æternaliter puniendos. A fornicatione nos dehortatur, cū subdit: *Nec fornicemur.* Est autē fornicatio, omnis cōcubitus, præter nuptialē maris & fœminę cōmixtionem. Huius sunt multę species, vt simplex fornicatio innupti cū innupta. Męchia, nupti cum innupta. Adulteriū, innupti cū nupta, vel nuptæ cū innupto. Incestus, qui fit cū matre vel sorore, vel cognata. Sodomitica libido, masculorū adinuicē, vel mulierū adinuicē. Innominabile siue abominatio, quæ fit, quādo vir vel mulier coit cum bruto animali. Omnes autē istę fornicationis species criminales & damnabiles sunt: à quibus omnibus nos dehortatur Apostolus exēplo Isrāelitarum, cū subdit: *Sic quidā ipsorum fornicati sunt*, cum Madianitis, quas consilio Balach miserat Balach cum cibariis obuiā eis, ad animas ipsorum decipiendas: & ceciderunt ex ipsis gladio Balach viginti tria milia. In quo figuratum est fratres, nos quoq; si hoc vel illo modo fornicati fuerimus, æternaliter perituros. A tentatione Dei nos dehortatur cū subdit: *Neque tentemus*

*Species
fornicationis.*

Christum.

HOMILIAE

*duobus
modis
Deum
tentat.*

Christum. Ille Deum tentat, qui Dei vel potentiā, vel erga se dilectionē experimēto probat. Nascitur autē talis tentatio vel ex defectu fidei, vel ex gloria vana. Porro duobus modis tētat Deū, cū ad probandā Dei vel potentiā, vel erga se dilectionē, aut spōte se in pericula prācipitat, aut miracula sibi fieri postulat. In aperta pericula per vanā gloriā se prācipitavit quidam Eremita, vt legimus in vitis patrū. Cui cū apparuisset diabolus in specie boni angeli, & ei persuasisset eū ita esse sanctū & Deo charū, quod si etiā se dimitteret in puteū profundissimum, nō laderetur, sed ab angelis custodiretur, prācipitavit se in puteum, & vix seminiū a fratrib⁹ extractus est. Et quod peius est, nullatenus potuit ei persuaderi, q̄ diabolicā passus esset illusionē: & ita miserrimē mortuus est. Hoc etiā modo tentauit diabolus Dominū, cū statuens eū supra pinnaculū tēpli, dixit ei: Si filius Dei es, mitte te deorsum. Cui Dominus, qui pulchrē cum nouerat, dixit, scriptū est: Nō tētabis Dominum Deū tuum. Miracula verò sibi fieri ad probandā Dei potētiam, postulauerunt increduli Iudēi in deserto. Vnde Psal. Et tētauerunt Deum in cordibus suis, vt peterēt escas animabus suis. Et malē locuti sunt de Deo, & dixerunt: Nunquid poterit Deus parare nobis mensam in deserto? Quia percussit petrā, & fluxerunt aquae, & torrentes inundaue-
runt. Nunquid & panē poterit dare? Et nō solū semel, sed etiā pluries tentauerunt Deum in deserto. Propterea a serpētibus ignitis, qui scilicet ardore & siti perimebāt, perierunt. In quo prēfiguratum est, nos quoq; si tentauerimus Deū, in æternum perituros. Nō est autē fratres mei, tētare Deum, si fidelis, ingruente periculo, & humano deficiente cōsilio, se Deo toto in periculo cōmittit: vel si ad laudem Dei & vtilitatē proximī, quādo videt oportere, a Deo fieri miracula poscit. A murmuratione nos dehortatur, cū subdit: *Neque murmuraueritis.* Est autē murmuratio nec omnino aperta, nec omnino occulta reprehensio, media inter detractionē & obiurgationē. Et est propriē inferioris suū superiorem per impatiētiā ferre non volentis, nec tamen eū apertē obiurgare audentis. Est autem hoc vitium maximū, seditiones, discordias & lites generās. Porro probi viri est non murmurare, sed potius, si reprehensi-

*Murmura-
tio.*

bilis

bilis est, vel seorsum argure, vel apertè oburgare. Ab hoc autem vitio nos dehortatur exemplo Israelitarum: quorum quidam contra Moysen & Aaron murmurauerunt de sacerdotio, & etiam contra Deum de labore itineris per desertum: & ideo perierunt ab exterminatore, id est, quidam ab incendio & alij ab hiatu terræ: & alij ab Angelo percutiente exterminati sunt à terra viuentium. In quo figuratum est, nos quoque si contra Deum vel contra superiores nostros murmurauerimus. (vt quidam faciunt) à vita æterna exterminandos.

Sequitur pars secunda, in qua ostendit Apostolus casus antiquorum in figuram præcessisse, & ad cautelā nostram scriptos esse, cū subdit: *Hæc aut in figura contingebat illis.* Temporales quippè pœnæ quibus primi præuicaces puniebantur, significabant æternas pœnas quibus omnes præuicaces in inferno puniendi sunt. Primā enim ingluuiem & obedientiā damnat Deus in primis parētibus pœna mortalitatis, vt demonstrat omnes gulosos & inobediētes æterna morte puniēdos. Primā quoq; filiorū Deī cum filiabus hominū libidinē dānat Deus diluuiō: significās fornicatores omnes aquis niuiū æternaliter perituros. Primos quoq; Sodomitæ igne & sulphure Deus percutit, significās omnes Sodomitæ, æterno ardore & fœtore percutiēdos. Primam quoque ad abrenuntiata respicientem uxorem Lot, lapideo rigore & insensibilitate dānat, significās omnes ad abrenuntiata mundi cōcupiscēcias respicientes, æterno rigore & excacatione seriēdos: & similiter in aliis. *Scripta autē, inquit, sunt hæc ad correctionē nostram.* Ruinæ enim priorum scriptæ sunt ad cautelā posterorum. Stultus quippè est frater mei, qui præcedentem cadere videt, & nō cauet. *In quos, inquit, fines seculorū deuenerunt.* Id est, qui in fine seculorū nati sumus, & ideo si transgredimur, magis puniendi sumus. Priorū enim tā virtutes quā ruinæ, quā doctrinæ in nostrū scriptæ sunt erudimentum. Si ergo priores sine lege peccantes: & magnitudinem peccatorum ignorantes, tam grauiter sunt puniti, quantò grauius nos in tempore gratiæ & scripturis eruditi, si transgredimur, sumus puniendi? *Itaque, inquit, qui se stare existimat, videat ne cadat.* Ac si apertè dicat: *Via huius*

HOMILIAE

huius mundi lubrica est, & multi tam priores, quàm sequentes corruunt. Propterea omnis etiam qui sibi videtur stare, timeat, dum potest cadere.

Sequitur pars tertia, in qua nos monet Apostolus, ne apprehendamus à tentatione, cum dicit: *Tentatio vos nō apprehendat nisi humana.* Nō autē ait, ne tentemini: quia hominē in hac vita tētari est necesse & vtile, sed ait: *Tentatio vos nō apprehendat*, id est non vos superet. Et quia rursus hoc impossibile est, dum in hac vita sumus, adiungit: *Nisi humana.* Ex humana quidem tentatio est quæ provenit ex ignorantia aut ex fragilitate, aut ex necessitate. Ex ignorantia provenit tentatio, quando aliquis ignoranter peccat: ut quando aliquis putat se dicere verū, & dicit falsum. Et quando putat se bene alij consulere, & tamen non consultit bene, & huiusmodi. Ex fragilitate verò provenit tentatio, ut quando post nimiam sitim, nimis bibimus, & huiusmodi. Ex necessitate verò tentatio provenit, quando primis motibus, quos cuitare non possumus, tentamur.

Dingitur autē hoc modo tentatio humana: quia ita tentari est humanū, & pro peccato primi parentis inflictum. Si verò fratres mei, non ex ignorantia, sed ex industria peccamus, aut ex contumacia, aut ex libera voluntate imus post concupiscentias nostras, proculdubio non est tentatio humana, sed potius diabolica, & ideo damnabilis.

Sequitur pars quarta, in qua ostendit Apostolus Deū nō permissurū nos tentari ultra posse nostrū, cum subdit: *Fidelis est Deus, qui nō patietur vos tentari supra id quod potestis.* Dicitur autē Deus fidelis, id est verax in promissis: quoniā semper præstō est fidelibus suis, sicut ipse promissit dicēs: Ecce ego vobiscū sum omnibus diebus vsq; ad consummationē seculi. Et idē nō patietur, inquit, vos tentari supra id quod potestis. Hic apertē illos cōfutat, qui peccata sua excusantes, & Deū accusantes, dicūt: Deus nos dereliquit, & importabili pōdere præceptorū & temptationum nos opprimit, cum nobis naturam dederit imbecilem, & resistere vitiis impotentem. Prō nephas, de infidelitate, de crudelitate, de ignorantia accusatur Deus. De infidelitate, quasi derelinquat nos antequā derelinquatur à nobis. De crudelitate, quasi præcepta importabilia nobis dederit, quæ

face-

facere non valeamus: & tentationes nobis venire permit-
tat, quibus resistere non possumus. De ignorantia, quasi
ignoret quid humana natura facere, aut ferre valeat. Sed
fratres mei, Deus neminem prior deserit, quia fidelis est:
nec importabilia nobis imponit, quia pius est. Nec vires
quas dedit nobis, ignorat: quia omniſciens est. Sed faciet,
inquit, cum tentatione prouentum, id est lucrum, ut possitis
sustinere. Quasi dicat: Cū tentatione faciet nobis duo: &
prouentum proficiendi, & potentiam sustinendi. Itaque
fratres, tentationes diabolicas omnibus viribus à nobis
excludamus: humanas verò quantum possumus, refræne-
mus, perpetratas lachrymis pœnitentiæ & operibus misero-
cordiæ redimamus. Ad æternam patriam ubi nulla ten-
tatio est, toto desiderio festinemus. Ad quā peruenire con-
cedat nobis omnipotens & misericors Deus: Qui viuit &
regnat per omnia secula seculorum. Amen.

DOMINICA IX. POST PENTECOSTEN.

Dixit Iesus discipulis suis: Quidā homo diues habebat
villicū, & hic diffamatus est apud illū, quasi dissipasset
bona ipsius. Nō omnia fratres mei, quæ in hac audiui-
mus parabola iuxta literā, ad exēpli trahere debemus imitatio-
nem. Non enim faciēda est in aliquo fraus Domino tem-
porali, sed potius iura sua ei sunt reddenda, iuxta Aposto-
lum dicentē: Cui honorem, honorem: cui tributum, tribu-
tum: cui vestigal, vestigal. Vnde & Dominus in Euange-
lio, Reddite, inquit, quæ sunt Cæsaris, Cæsari: & quæ sunt
Dei, Deo. Vnde & ipse cū esset Rex regū & Dominus do-
minātium humilitatis, exempliq; causa reddidit Cæsari tri-
butum. Sed à cōtrariis parabola hæc intelligēda est, ut vi-
delicet si ille qui per fraudis calliditatē de rebus sibi à Do-
mino suo cōmissis prouidit, in posterum laudatur: maxi-
mè ille qui per verā sapientiā de rebus sibi à Deo cōmissis
prouidet sibi in aliā vitā, à Deo laudandus est. Illud quoq;
notandū est, qd hic dicitur quia filij huius seculi, prudēti-
ores filijs lucis in generatione sua sunt. Quod dupliciter in-
telligi potest, vel quia prudētiore sunt in secularibus ma-
li quā boni. Quod inde cōtingit, quoniam in eis curio-
siores sunt: vel quia prudētiore sunt mali in malo, quā
boni in bono, Sed quare? Cur sunt prudentiores mali in

Ioan. 14.

Rom. 13.

Mat. 22.

operibus diaboli, quàm nos in operibus Dei? Cur nõ plus potest apud nos amor Dei, dulcedo celestis præmij, iecturas puræ conscientiae, quàm apud malos amor seculi, & lucrum temporale, cū tormento cōscientiae malæ? Expergiscamur ergo fratres mei pigritiā nostrā, & erubescamus si viderimus malos vigilatiores, si prōptiores, si callidiores, ad faciendū opera diaboli quàm nos ad opera Christi. Mylicæ verò in hac parabola quinque proponuntur nobis intelligenda. Primò, quod rerū nostrarū non Domini, sed dispensatores sumus. Secundò, quomodo res Domini malè dissipamus. Tertiò, quomodo Dominus exigit à nobis de rebus suis rationē. Quartò, quantū timor est utilis ad consiliū inuestigandū. Quintò, quomodo de rebus Domini Dei nostri nobis amicos possumus cōparare. Primò igitur fratres charissimi, ostenditur in hac parabola, quod Deus omnipotēs homo factus pro nobis. Diues in omnes qui inuocant eum: habet villicū, omnē hominē scilicet cui bona sua cōmisit. Cōmisit quippè homini tria bonorum genera, exteriora, corporalia, spiritualia: horū bonorū nõ Dominum, sed villicū. i. custodē & dispensatorē cum fecit: vt videlicet secundum voluntatē nõ suā, sed Domini, ea custodiret & dispensaret. Cui etiā dedit legē & mādāta, quomodo & quibus, & quantū, & quādo ea deberet erogare ad Domini sui lucrum & honorē. Sed vt secundo loco in hac parabola demonstratur, homo bona Domini sui dissipat, cū eis iuxta voluntatem Domini sui nõ vitur, nec erogar. Bona exteriora dissipat, cū de eis nõ pauperibus, nõ infirmis diuidit, nõ dominum honorat, nõ ecclesias, nõ domos pauperum fabricat, nõ patriæ proficit: sed vel per avaritiā ea intacta abscondit, vel per superfluitatem luxuriose, vanè, & arrogāter spargit: & vnde Deo seruire deberet, vitius & diabolus seruit. Vnde per Prophetā Dominus: Dedi enim eis, inquit, lanā, & linum, frumentū, vinum, & ordeū, argentū & aurum meū, quæ ipsi fecerunt Baalim. Bona corporalia dissipat, cū corpus suū facit seruire fornicationi nõ Domino: cū lingua, quā dedit & Deus ad benedicendū, abutitur ad maledicendū, mentiendū, periurādum, detrahendum. Cū oculis sibi ad bonum vsum datis à Deo, abutitur ad concupiscendum mulierē, & ad videndum vanitatem. Cū auri-

Bona exteriora quomodo dissipantur.

Ose. 2.

Bona corporalia quomodo dissipantur.

auri.

auribus sibi datis ad audiendum Dei verbum, abutitur ad audiendū mendacia, detractiones, vanitates: Cū natibus abutitur ad odorandū luxuriosos odores, & vnguēta meretricia, non ad odorandū odorē virtutū: Cū manibus abutitur, ad percutiendū de pugno impiē, ad effundendū sanguinē, ad nocendū, non ad bene agendum. Cū pedibus abutitur ad currendū ad malū, nō ad sequendū viam Domini: Cū gustu abutitur, ad comessandū, inebriandū, non ad comedendū & bibendū ad sobrietatē spiritus. Bona verò spiritualia dissipat, cū libero arbitrio abutitur ad eligendū mala, non bona: ad seruicndū mundo nō Deo: carni non spiritui. Cū intelligentia abutitur ad inuestigandum quomodo possit nocere, nō prodesse. Cū memoria abutitur, ad reminiscendū mala, non bona. Cū prouidentia abutitur, ad parandū proximo laqueum, nō auxilium. Omnium istorum fratres mei, dissipatio, abusus, & infamis cōsuetudo, diffamet hominē villicū apud Deū dominum suū. Vnde Dominus vt tertio in parabola demonstratur, vocat villicū, & ait illi: *Quid hoc audio de te? Redde rationē villicationis tue.* Bis ponit rationē Dominus Deus cū homine villico suo. Primum in hoc seculo, postea in iudicio, sed dissimiliter. Nā hic ponit cum homine rationē, ad iudicandum ei timorē & emendationē. In iudicio verò ponit cum eo rationem ad inferendum pro meritis penam. Hic ad exercendum misericordiam, ibi ad exercendum iustitiam. Ponit ergo hic Dominus rationem cum homine villico suo, quem vult corrigere, non perire. Vocat ergo eum & citat ad respondendum, cū ei aliquam infert infirmitatem, interrogatque eum vel interius per diuinam inspirationem, vel exterius per sacerdotem: vel per aliquam correctionem ei dicentem: Frater Dominus vocat te, & exigit à te rationem de omnibus quæ contra eum operatus es. Tibi citò consule, quia iam non poteris villicare. Iam enim per mortem auferetur tibi temporalium dispensatio rerum. His itaque interius inspiratis, vel exterius dictis, commouetur interius villicus homo & timet. Qui timor intus eum hīc illucque concutiens trahit eum ad deliberandum quid facere debeat, vt in parabola quarto significatur, cū subditur: *Ait autem villicus intra se,*

*Quomodo
spiritualia
bona dissipa-
tur.*

DE

Quid faciā, quia Dominus aufert à me vellicationē & fodere non valeo: Quia in alia vita non erit tempus merendi, sed recipiendi: non ferendi, sed metendi: non laborandi, sed quiescendi. Mendicare, inquit, erubescō. In alia enim vita, mendicās semper patietur pudqrē: nec inueniet adiutorē: sicut in alia Euangelij parabola demonstratur, cū fatuæ

Prov. 20.

à prudentibus oleum petunt, nec accipiunt. Vnde & Salomon, propter frigus piger arare noluit: mendicabit ergo æstate & non dabitur ei. Scio quid faciā. Pensate fratres, pensate quā sit vtilis timor. Nunquam enim villicus iste de salute sua cogitasset, nisi cum timor interius concussisset, sed timore cum interius perurgente, deliberat, quærit;

Esa. 26.

& inuenit consilium: iuxta illud Prophetæ: A timore tuo Domine, concepimus, parturiuimus & peperimus spiritū salutis. Concepimus bene cogitando, parturiuimus laborando, peperimus bene faciendo.

Sequitur quintò quomodo de rebus Domini sui possit sibi villicus amicos præparare. Vnde & ait: *Scio quid faciā vt cū amotus fuero à villicatione, recipiant me in domos suas.* Conuocatis igitur singulis debitoribus Domini sui dicebat primo. *Quantū debes Domino meo? Cētum, inquit; choros tritici. Vade accipe cautionē tuam, & sedens scribe octoginta, &c.* Cū omnia quæ habemus fratres mei, non nostra, sed Domini nostri sint; cū accōmodamus res domini nostri accōmodamus. Et qui nobis debet, Domino debet. Villicus ergo de bonis domini sui amicos sibi præparat, cū pauperib⁹ Christi cōpatitur, & alij debita, vel ex parte, vel ex toto relaxat: alij supererogat, aliū orando, aliū corrigendo, aliū instruendo iuuat, aliū verbo, aliū consilio aliū patrocinio, aliū rebus sustentat, cōmunicans aliis carnalia, vt eorū spiritualia metere possit. Quod verò Dominus concludens parabolā, ait: *Facite vobis amicos de monna iniquitatis.* Nō ita est intelligendū, quòd de diuitiis iuiuslè acquisitis elemosynā facere possit: præsertim cū scriptū sit. Qui offert sacrificiū de rapina pauperum, quasi qui immolat filiū in cōspectu patris sui. Sed intelligendū est de diuitiis iniquitatis, id est, retentis iniquè: quia multos iniquos, superbos & vanos efficiunt. Illud verò fratres semper memoriæ commendandū est, qđ Dominus sub-

iunxit.

iunxit. *Cum defeceritis*, per mortē temporālē, scilicet, cū defeceritis de meritis vestris, *recipiant vos in æterna tabernacula*. Non ait, propter eos recipiamini, sed ipsi recipiant vos. Ecce fratres, quanta est dignitas pauperū Christi, qui iudices & ianitores regni cēlorū esse merētur, ut quos vos luerint, recipiāt, vel excludant. Itaq; fratres mei, pauperes Christi veneremur, foueamus & diligamus, & omnibus contemptis, & ipsi pauperes Christi esse studeamus, ut ab ipsis, & cum ipsis mereamur in æterna tabernacula recipi. Per Dominum nostrum Iesum Christum. Amen.

DOMINICA X. POST TRINITATEM.

Fratres, scitis quod cū gētes essetis, ad simulachra muta prout ducebamini euntes, &c. Hęc loquitur fratres charissimi, Apostolus ad Corinth. qui nunc ab eo conuersi gentiles extiterāt, & simulachra muta adorauerāt. Facit ergo tria: Primum ostendit idololatriā & blasphemiam à spiritibus malignis induci. Secundò dicit verā fidei confessionē, à spiritu sancto esse. Tertiò enumerat diuersa dona Dei, quæ omnia asserit ab eodem spiritu sancto dari. Ostendēs igitur primū homines duci à malignis spiritibus, malignis ad idololatriā & blasphemiam ait: *fratres, scitis cū gentes essetis, eratis euntes ad simulachra muta, prout ducebamini, à spiritibus malignis*. Dicuntur autem fratres mei, gentes à ge, quod est terra, siue à gignendo: quia scilicet non purgati per aliquod sacramētum, nec eruditi per legem tales manent quales geniti sunt. Immundi geniti sunt, & immundi manent. Filij iræ nati sunt, & filij iræ manent. Nihil æleste, nihil spirituale, sed solam terram de qua nati sunt sapientes. Qui sine contradictione permittunt se duci à spiritibus malignis ad diuersos errores: ut scilicet relictō vno vero creatore, adorent non solum vnius generis: sed etiam diuersorum generum simulachra: ut imagines hominum, quadrupedum, & serpētium, quæ omnia sunt muta. Quoniam iuxta Psalmistam: Simulachra gentiū argentū, & aurū, opera manū hominū. Os habent & nō loquētur: oculos habēt & nō videbūt: manus habēt & non palpabūt: pedes habēt & nō ambulabūt, nō clamabūt in gutture suo. Similes illis fiāt qui faciūt ea: & oēs qui cōfident in eis. Quod quidē verū est, quoniā qui idola facit,

1. Cor. 12.

Psalm. 135.

aut qui eis deitatē attribuit, ille viiq; similis fit ipsis simulachris: quoniā os habet tanquā homo, nec tamē ratiocinatur: oculos habet tanquā homo, nec tamē vt homo veritatē cōtemplatur: aures habet vt homo, nec tamē vt homo veritatē intelligit. Quorum (quod sine geinitu dicere non possum) sunt hodie similes quidā falsi Christiani, qui quāuis ore fateantur vnū solū creatorem, tamen à spiritibus malignis ita decipiuntur & trahuntur, q̄ moribus & operibus non solū simulachra, sed etiā (q̄ cit maius) suos uia colunt & venerantur. Ille enim à spiritu luxuriæ ducitur, vt Venerē colat. Ille à spiritu ebrietatis ducitur, vt Bacchū colat. Ille à spiritu Mammonæ ducitur, vt pecuniam colat. Qui oēs tantò magis dānandi sunt, quantò contra conscientiam suam creaturam creatori præponunt. Qui & si non ore, tamen opere Christū abnegant. Quod viq; non fit in spiritu Dei, sed potius in spiritu maligno. Vnde & subditur: *Notum autē vobis facio, quod nemo in spiritu Dei loquēs, dicit anathema Iesu.* Idololatria enim, apostasia & blasphemia, cæteraq; vitia, à spiritibus malignis introducta sunt. Dico ergo ego cū Apostolo, illis qui blasphemant, qui peierant, vel deierāt nomē Iesu, q̄ nemo in spiritu Dei loquens, blasphemat, vel peierat, vel periurat nomē Iesu, sed potius in maligno spiritu loquens.

Idololatria.

Sequitur pars secunda, in qua dicit Apostolus verā confessionē à spiritu sancto esse, cū subdit: *Et nemo potest dicere Dominus Iesus, nisi in spiritu sancto.* Hoc loquēs Apo.

Mat. 7. non est contrarius Domino dicenti in Euangelio. Nō omnis qui dicit, Domine Domine, intrabit in regnum cælorum. Quoniā dicere posuit hic pro profiteri. Ille autē verē confitetur, qui q̄ habet in corde, ore, & opere confitetur. Quæ confessio nullatenus haberi potest, nisi à spiritu sancto. Nec enim bene cogitare, nec bene loqui, nec bene operari ex nobis possumus, nisi à spiritu sancto proueniamur,

Phil. 2. quī operatur in nobis & velle & perficere. In quo illi damnantur, quī vel de ingenio, vel de eloquentia, vel de viri-

Psal. 11. bus suis gloriātur dicētes: labia nostra à nobis sunt. Quis hostis dominus est? & manus nostra excelsa, & non Dominus, fecit hæc omnia. Cū Dominus in Euangelio dicat: Sine me nihil potestis facere.

Ioan. 15.

Sequi-

Sequitur pars tertia, in qua Apost. enumerat donorū diuerſitatem, ostendens ea a Spiritu sancto dari. Primū ergo donorū Dei tria genera ponit, scilicet gratias, ministratio- nes, & operationes: ostendēs vnūquodq; istorū in species plures subdiuidi, cū subdit: *Diuisiones gratiarū sunt.* Cū autē omne donū Dei gratia sit, quia gratis datur, tamen antonomasticē hīc gratiæ virtutes appellantur, eò q̄ habē tem gratū faciunt & gratiosum. Quales sunt fides, spes, charitas, sapiētia, iustitia, fortitudo, temperātia, ceteraq; virtutes, quæ homines amantes & amabiles Deo & homi nibus reddūt. Hæ autem tantę in se sanctitatis & honesta- tis sunt, quod nō solū dona spiritus sancti, sed etiā spiritus sanctus nuncupātur ab Esaia dicēte: Et descendet super eū spiritus Domini, spiritus sapiētię & intellectus, spir- tus cō
Esa. II. filij, &c. Et à Ioāne, hī, inquit, sunt septē spiritus Dei missi in oēm terram, id est, septem dona spiritus sancti. Diuersa enim sunt dona, sed vnus est dator. Vnde & hic cū dixisset, diuisiones gratiarū sunt, subdit: *Vnus autem spiritus.* Hæc enim dona ita comitātur spiritū sanctū inseparabili- ter, q̄ nemo potest habere hæc dona, quin habeat spiritū sanctū: nec habere spiritū sanctum, quin habeat hæc dona. Hæc ergo dona fratres mei, omni studio & vigilantia ac- quirere satagamus, per quæ spiritum sanctū mereamur in nobis perpetuum habitatorem retinere. Deinde secundū genus donorū ponit cū subdit: *Et diuisiones ministratio num sunt, vnus autē Dominus.* Plures enim species admi- nistrationū sunt in Ecclesia vni Domino seruientes, vt of- ficiū prædicandi, officium sacerdotij, & huiusmodi. Quæ si cum supradiētis virtutibus habeantur magni meriti & vtilitatis sunt in Ecclesia Dei. Aliās non solum non pro- sunt, imò & nocent: Quod est contra quosdā nostri ordi- nis, qui magis affectant prædicationis vel sacerdotij offi- cium, quā meritum. Magis appetunt ab hominibus ho- norari quā honorabiles esse. De quibus Dominus in
Mat. 13. Euangelio, dicunt & non faciunt. Amant enim primos ac- cubitus in cænis, & primas cathedras in synagogis, & sa- lutationes in foro, & vocari ab hominibus rabbi. Deinde tertium genus donorum supponit, dicens: *Et diuisiones operationum sunt: vnus autē Deus qui operatur omnia in*
omnis

HOMILIAE

omnibus. Plures quippè operationū species dantur à Deo hominibus, vt operationes miraculorū, operationes laborum necessariorum, operationes eleemosynarū, & huiusmodi. Sed cū quæcunq; dantur à Spiritu sancto, dātur à patre, dantur & à filio. Quare Apostolus ita hic distinguit, vt loquens de gratis, diceret vnus spiritus: loquens de ministracionibus, diceret vnus Dominus: & loquens de operationibus, diceret vnus Deus? Vt significaret nobis quia gratiæ non nisi per amorē Dei (qui spiritus sanctus est) obtinentur, & quia ministraciones à domino sunt & ei exhibētur, & quia Deus auctor per nos operationes operatur. Vnde & hic dicens, vnus Deus adiunxit: *Qui operatur omnia in omnibus*, distribuēs videlicet singula in singulis. Ad quid autē Deus dona sua nobis tribuat, ostēdit cū subdit: *Vnicuique aut datur manifestatio spiritus ad vtilitatē*. Vocat autē donū Spiritus sancti, manifestationem spiritus, eò qd per donum Spiritus sancti, ipse spiritus sanctus in nobis esse manifestatur. Huiusmodi verò dona dātur ad vtilitatem tam nostri quā aliorū. Qui verò dona Dei inutiliter recipiunt, & inde nec sibi, nec aliis profunt, damnantur, & talento inutiliter absconso iustē priuātur. Deinde de tribus donorū generibus exempla subdit, dicēs: *Alij enim per spiritū datur sermo sapiētiae*, quæ est de cœlestibus: *alijs sermo sciētiae*, quæ est de terrenis rectē dispensandis, *alijs fides*, in eodē spiritu. Sapiētia quippè, scientia, & fides, si cū charitate habeātur, virtutum gratiæ sunt. Sermones verò sapiētiae, sciētiae, & fidei, & docere ministraciones sunt: *alijs gratia sanitatū*, & infirmis cōferendarū, quæ vtiq; ministratio est. Deinde ponit expēplū de operibus subdēs, *alijs operatio virtutū*, id est, miraculorū: vel bona opera virtutū, *alijs Prophetia*, i. occultorū reuelatio, *alijs discretio spirituum*, vt scilicet sciat discernere quis spiritus sit ex Deo, & quis ex diabolo, *alijs genera linguarum*: vt scilicet loquatur variis linguis, *alijs interpretatio sermonem*, obscurorū. *Hæc aut & similia, omnia operatur vnus atque idem spiritus*. Ac si apertē dicat: non est verū quod opinabamini, quando ad adorādum simulachra muta ducebamini: videlicet quod secundum diuinitatem donorum sit diuersitas deorū, vt scilicet Minerva det sapiētiam, Pœan medicinā, Mercurius eloquens

eloquentiā, Mars virtutē, & huiusmodi. Sed potius vnus atq; idē Spiritus sanctus hęc omnia operatur diuidens singulis, nō omnia tribuēs vni, ne superbiret, nec alieni nulla, ne desperaret, sed potius singula singulis: Vt, scilicet nullus aliū cōtemneret, sed vnusquisq; alio indigēs ei quodque subuenire disceret. *Diuidēs*, inquit, *singula prout vult*. & quibus vult, & quātū vult, nō meritis nostris astrictus, nec aliqua necessitate coactus, sed sola sua libera & gratuita volūtate ductus. Nos ergo fratres mei, quia dona spiritus sancti gratis accepimus: gratis ea nō habētibz cōmunicemus. Qui habet sapiētiā, insipientes erudiāt. Qui habet substantiā temporalē, indigentes sustineat. Qui habet potentiā, imbecilles defendat. Qui habet eloquentiā, pupillis & viduis se aduocatū exhibeat. Qui habet gratiā orādi, pro peccatoribus exoret, quatenus vnusquisq; de commissa sibi gratia, tam sibi quā aliis, profectum acquirēs, æternam mereatur accipere retributionem, Amen.

DOMINICA X. POST TRINIT.

Cum appropinquaret Iesus Hierusalē, videns ciuitatē, fleuit super illā, dicens: Quia si cognouisses & tu. Patriā libatā, fratres chariss. exposituri lēctionē, primū ea quæ ad literā, deinde ea quæ ad mysticū sensum pertinent, videamus. Porro iuxta literā: Dominus in hac lēctione demonstrat quatuor res se habere verā scilicet humanitatē, verā diuinitatē, verā iustitiā, & verā charitatem. Verā humanitatem se habere ostendit, cū tanquam verus homo plorat. Flere enim humanitatis est. Sed quid est fratres mei, quod nunquā Dominus legitur risisse, sed legitur plorasse: nisi quia omnis risus ex vanitate est: & fletus nobis utilis est? de risu quippē Salomon ait: In ore stulti semper risus. Et alibi: Risus dolore miscebitur: & extrema gaudij locus occupat. Et Dominus in Euan. Vx vobis qui ridetis, quia plorabitis. Fletus qui prouenit nō ex damno temporalī, sed ex desiderio cœlestis patriæ, vel ex compunctione peccatorum: vel ex pietate alienæ miserix, nobis fratres, perutilis est. Vnde Salomon: Melius est, inquit, ire ad domū luctus, quā ad domū cōuiuij. Et Dominus: Beati qui lugent, quoniā ipsi cōsolabuntur. Cum ergo appropinquaret Iesus, per cōpassionem, Hierusalem, videns, id est,

Luc. 19.

Prouer. 14.

Luc. 6.

Fletus utilis bonus.

Eccle. 7.

Mat. 5.

præuidens mala euentura ciuitati, fleuit super illā Fleuit autem ob tres causas, vt se veram habere carnem demonstraret, vt se verā habere pietatis cōpāssionem aperiret: vt nobis exēplum similiter flēdi proponeret. Et si ipse, qui nihil in se flendū habet, propter aliena peccata fleuit, quid debemus facere nos peccatores, qui in nobis multa flenda habemus? Et si ipse qui Deus est, sic humanæ miseræ compatitur, quomodo nos homines aliis hominibus, fratres confratribus cōpati & miserere debemus? Itaq; fratres ploremus peccata nostra, ploremus etiā exemplo domini, aliena. Non faciamus, vt quidam faciūt, qui peccantes irident, & de alieno casu subſannant, similes Phariseis qui in peccatores mouētur, non per cōpāssionem, sed per derisum vel indignationem, sed nunquam peccatorū veniam merentur, qui alienis nunquam compatiuntur. Imitemur potius Præabum Philosophū, qui vt legitur in vitis Patruin, cū videret theatralem mulierem, fleuit: & cū quæretur quare fleret, ait: Duæ res me flere cogūt: vna huius peccatricis perditio, & altera quia non tantū cupio placere Deo; quantum hæc populo. Veram diuinitatem se habere demonstrat, dum futura tanquam præsentia videt & narrat. *Quia, inquit, si cognouisses & tu, id est, si mala tibi imminētia cognouisses, tu quoque flēuisses. Et quidem in hac die tua quæ ad pacē tibi, ac si dicat: Nunc quidem habes tempus tuum, & pacem tuam, nunc gaudes & delectaris tempore prosperitātis & pacis tuæ; nunc autem abscondita sunt ab oculis tuis, mala, scilicet tibi vērura. Quæ subiungit, Quia circūdabunt te inimici tui valde, & circūdabunt te vndique: & ad terram prosternent te, & filios tuos qui in te sunt, & non relinquent in te lapidem super lapidem.* Hæc omnia fratres mei, quæ Dominus prædixit, impleta sunt per Romanos Principes, Titum & Vespasianū, quadragesimo anno à passione Domini, & in eadem solennitate, in qua Dominū crucifixerant, subuersa est ciuitas, & de ipsis occisi, tum ferro, tum fame, decies centū milia. Cæteri per nationes captiuati & venditi, triginta vno denario, qui Christū triginta argenteis vendiderant. Hanc autem subuersionē testatur ipse situs ciuitatis, continentis in se nunc Caluarie locū, qui prius extra portam

tam erat. Quare autem hæc mala euenerunt eis, ostendit Dominus, cum subdit: *Eò quòd non cognoueris tēpus visitationis tuæ.* Ideò enim hæc mala eis erant euētura, quia Christū visitatorē suū & redemptorē cognoscere noluerunt. Vnde Propheta, Miluus in cælo cognouit tempus suū, turtur, hirundo, & ciconia tempus aduētus sui: populus autē meus non cognouit iudiciū Dei. Hanc autē exactionē venisse super populū illū ex peccato suorū sacerdotū, Dominus ostēdit, cum subdit: *Et ingressus templū, coepit eiicere vendētes et emētes in illo.* In quo fratres mei, veram se habere demonstrat iustitiā Dominus. Verā enim iustitiā nō haberet, si peccātes nunquā puniret. Itaque Dominus nunc miseretur, nunc punit, vt nos instruat habere pariter pietatem cū iustitia, & iustitiā cum pietate. Vt scilicet imitemur pī in naturā hominum, vt tamen nō parcamus peccatis eorū. Eiecit ergo Dominus vendētes & emētes de templo, dicens: *Scriptū est, quia domus mea domus orationis vocabitur.* Quasi diceret, domus mea statuta est ad orandū, nō ad vendendū, vel emendū, vel aliud seculare negotiū agendū. Hoc apertè cōtra illos est, qui Ecclesiā Dei cellarium faciunt, in ea granaria & dolia ponētes, vel eā faciunt forum, in ea tabernas rerum venalium, vel causas exercentes: vel eā faciunt refectorium, in ea comedentes & bibentes, cum Ecclesiā sit locus spiritualis refectio- nis, nō corporalis. Hoc itaque fratres mei, deuitātes, nihil faciamus vel dicamus in oratorio, nisi quod ad orationem pertinet, vnde & nomen accepit. *Vos autē,* inquit, *scitis illā speluncā latronū.* Sacerdotes qui ob cupiditatem, forum in templo fieri permittebāt, latrones erāt, dum sub prætecto religionis latenter cupiditatem exercebāt. Venditores etiā & emptores, latrones erāt, dum alter alterum in negotiationē latenter circūueniebāt: negotiatio quippē vel vix vel nunquā exercetur sine fraude. Vnde Apostolus prohibet ne quis supergrediatur vel circūueniat in negotio fratrem suum, quoniam Deus vindex est talium. Veram se demonstrat Dominus habere charitatem, dum nec indignis gratiā subtrahit prædicationis. Vnde & subditur, *Et erat quotidie docens in tēplo.* Quos enim obiurgauerat, & extra Ecclesiā pepulerat, p iustitiæ rigorē; hos reuocare ad

Jerem. 5.

Iustitia
Dei pec-
catores
punit.

Esa. 56.

2. Thef. 4.

ad salutē quærit per prædicationē, dās exemplū Doctōribus S. Ecclesiæ, ut quanuis excōmunicent & obiurgāt peccatores, tamen interius semper eos diligant, & omnibus modis eos ad Ecclesiā reuocare festinent. Quod autem semel Dominus historialiter fecit, spiritualiter quotidie facere non desistit. Per electos quippè suos qui spiritualiter oculis prævident futurā maiorū reprobationē, plāgit eos qui nesciunt cur plangantur, qui lætantur cū malè fecerint, & exultant in rebus pessimis. Qui si damnationē suā præviderent, ipsi quoq; flerent, & seipsos cum electis plangerent: qui hīc habēt diem suam, quia hīc in bonis ducūt dies suos. Hīc etiam habent pacem suam, quia prosperantur in via sua mala, sed ventura supplicia abscondūtur ab oculis eorū. Quia dum nolunt mala prævidere, quæ lætitiā perturbent temporalem, quasi clausis oculis ad mortem festinant, quia venient dies, quando animas de corporibus exeuntes, dæmones inimici, circumdabūt vallo, perpetrata scilicet mala opponētes, & vndiq; circumdabunt, & coangustabunt, quia non solū operis, sed etiā locutionis & cogitationis iniquitates ante oculos eorum replica bunt: & ad terram prosternent, cū caro in puluerem redigetur. Filij etiam eorū prosternentur, cū in illa die peribūt omnes cogitationes eorū. Quæ cogitationes etiā per lapides significantur, cū subditur, *Et nō relinquent in te lapidem super lapidē.* Peruersa enim anima cū peruersæ cogitationi peruersiorem adiicit, quasi lapidē super lapidem ponit. Et cū peruersa anima ad damnationē rapitur, talis cogitationū constructio dissipatur, & hoc ideo, quia non cognouerit tempus visitationis suæ. Peruersam enim animā Deus visitat, aliquādo flagello, aliquādo miraculo, semper autē præcepto. Sed quia nec per hoc respiciat, in extremo tradetur inimicis, cum quibus æternaliter cruciabitur. Si autē quælibet anima secularis sic punietur, quāto magis Ecclesiastica persona, quæ non solū se, sed etiā alias malè viuēdo perimit? Et hoc est quod sequitur, quod ingressus Iesus in tēplo cœpit eiicere vendentes & ementes in illo. In templo vendit vel emit, qui Ecclesiasticas administrationes quæ solo Deo debēt dari, pro pretio præbet vel accipit. In templo vendit, qui iustitiā pro mu-

*Vendunt
in templo
qui.
Qui emunt
in templo.*

acre

nere facit. Emit in tēplo, qui ne faciat q̄ debet, dato precio à ludicibus emit. In tēplo vendit, qui bona, quæ pro solo Deo facere debet, pro humana laude vendit. In templo emit, qui ab adulatoribus vt bonus dicatur, muneribus emit. Quibus omnibus dicitur: Fecistis domū meā speluncā latronū. Quoniā dū peruersi locū tenēt religionis, ibi per malitiā occidunt, vbi per orationē viuificare debuerūt. Sed quia cōtra omnē peruersitatē Dominus per scripturas indefinēter instruit, rectē subditur: *Et erat docens quotidie in tēplo.* Itaq, fratres mei, nos qui quotidie peccamus, peccatorū ventura supplicia, ante oculos nostros semper habeamus. Scriptū est enim: In die bonorū non immemor sis malorū. Et alibi: Beatus vir qui semper est pauidus. Cogitemus ergo dæmones in exitu animæ nostræ nos circūdaturōs, & à nobis omnia peccata nostra requisituros. Si enim ad Christū venit diabolus, (ipso dicente) quia venit Princeps mundi huius, & in me nō habet quicquā: si ergo ad eum venit, in quo nihil habuit, quātō magis ad nos veniet, in quibus multa habet. Itaque fratres, dulcedo huius vitæ nobis amarescat: peccata quæ diabolus in nobis cognoscit, fletus pœnitentiæ diluat: ieiunia, elemosynæ, orationes, & cætera bona, perpetrata mala redimāt: vt quātō nunc magis sumus de anima nostra formidolōsi, tantō in exitu animæ nostræ valeamus magis esse securi: largiente Domino nostro Iesu Christo, qui cū Patre & Spiritu S. viuit & regnat Deus, per omnia secula seculorum. Amen.

*Ecclē. iii.
Prov. 28.*

1 Cor. 12.

DOMINICA XI. POST TRINIT.

Notum vobis facio Euangelium quod prædicaui vobis. *1 Cor. 15.* quod & accepistis, in quo & statis, per quod & saluemini. Tripartita est hæc lectio fratres mei. Primò enim prædicationē suam Apostolus cōmendat. Secundò Christi passionē, sepulturā, & resurrectionē affirmat. Tertiò se humiliat. Primū igitur prædicationē suam cōmendans, ait: *Notum vobis facio Euangelium, quod prædicaui vobis.* Ac si apertē dicat, nō sicut error & inconstātia pseudoprædicatorū solet nunc quædā, modò alia vobis prædico: sed illud idem quod vobis prædicaui, nunc etiā vobis notū facio, id est, illud quod vobis prædicaui, præsens voce, moribus, & virtutibus, cū sum absens, notum vobis facio scripto.

*1 Cor. 15.
1 Cor. 15.
1 Cor. 15.*

Adeo quippè erat sollicitus Apostolus in eruditione gentium, quod non solum praesentes voce, moribus & virtutibus confirmabat, sed etiam absentes & nascituros scripto instruebat. In quo mea, mei quique, consimilium praedicatorum confunditur negligentia, qui nec absentes scriptis, nec etiam praesentes verbis informamus, talentum praedicationis nobis commissum occultantes. Qui & si quandoque aliquid boni verbis praedicamus, illud moribus & operibus destruimus. Commendat igitur Apostolus praedicationem suam Corinthiis, quibus scribit, persuadens eis multis modis, ut in ea perseverent. Primum nomine eam commendat, cum eam vocat Evangelium, quod interpretatur bonum nuntium, de fide scilicet & moribus in vitam aeternam. Et quod nuntium fratres mei, potest esse melius, quam illud quod per fidei veritatem, & morum honestatem ducit nos in vitam aeternam? Deinde auctoritate sui Apostolatus, qui a Deo ad praedicandum missus erat, commendat praedicationem suam, cum dicit: quod praedicavi vobis. Susceptione etiam ipsorum Corinthiorum, (qui relictis erroribus veritatem susceperant) commendat eam, cum subdit, *Quam et accepistis*. Quasi diceret: turpe esset vobis cognita veritate apostatate. Virtute eam commendat, cum subdit, *in quo et statis*, viriliter in virtutibus, qui antea per vitia dissuebaris. Utilitate eam commendat, cum subdit: *per quod et saluemini*, qui antea aeternae damnationi deputati eratis. Et quid fratres mei, quid magis audire, quid magis retinere, quid magis diligere debemus, quam nuntium illud, quod a Deo per Apostolos est nobis missum, & quod susceptum non debet mutari, & quod facit nos in virtute stare, & ad aeternam nos ducit saluationem? Itaque fratres semper auribus Evangelium captemus: corde teneamus: operibus exerceamus: verbis praedicemus. Certa quippè est damnatio eorum, qui relicto Evangelio fabulas & vanitates legunt & diligunt. *Qua ratione*, inquit, *praedicaverim vobis, si retinetis, nisi frustra credidistis*. Alia fratres mei, est ratio naturae, alia ratio fidei. Ratio quippè naturae est, quod si mulier concepit, cum viro concubuit. Si Deus est, mori non potest: Si homo est, gradiri super aquas non potest, & huiusmodi. Ratio vero fidei est, quod ille qui est auctor naturae, non subiacet naturae, sed potius contrariatur

Evangelium.

Ratio naturalis.
Ratio fidei.

nes & cursus naturę agere potest, videlicet vt virgo pariat, æternus fiat temporalis: immortalis moriatur, & super aquas ab homine ambuletur, & huiusmodi. De hac igitur ratione intelligit hic Apostolus, cū ait: *qua ratione prædicauerim vobis si retinetis: nisi frustrā credidistis.* Frustrā credidit, qui primò credidit, & postea vel dubitat, vel non credit. Frustrā credidit, qui malè viuendo fidei contradicere: frustrā credidit, qui vel negat vel tacet, quando necessarium est confiteri.

*Frustrā
credere.*

Sequitur pars secunda, in qua Apost. Christi passionē, sepulturā, & resurrectionē cōfirmat. Primò testimonio scripturarū, deinde testimonio Apostolorū & suo. Testimonio autē scripturarū eas cōfirmat, cū dicit: *Ego enim in primis tradidi vobis quod & accepi,* non ab homine: vnde ipse aibi: Ego, inquit, non ab homine accepi illud, neq; dici, sed per reuelationē Iesu Christi, *quoniā Christus mortuus est pro peccatis nostris secundū scripturas; & quia sepultus est, & quia resurrexit secundū scripturas.* Porro passio, sepultura, & resurrectio Christi significatæ sunt in scripturis, nō solū verbis, sed etiā factis. Et verbis quidē significatæ sunt: quoniā de passione eius prædixit Esaias, dicens: Sicut ouis ad occisionē ductus est. Itē illud: Ipse autē vulneratus est propter iniquitates nostras, attritus est propter scelera nostra. De sepultura prædixit idem in persona Patris, Propter scelus, inquit, populi mei percussit eum, & dābit impios pro sepultura, & diuitem pro mortē sua. De resurrectione quoq; eius prædixit Oseas: Viuificabit nos, inquit, post duos dies, & die tertia suscitabit nos. Et Psalmista in persona ipsius Christi: Exurge, inquit, gloria mea; exurge psalterium & cithara, exurge diluculo. Factis quoq; præfiguratæ sunt: proiectio enim lonæ in mare, Christi passionem: susceptio eiusdem in ventre ceti, Christi sepulturam: redditio eius viui in littus, Christi resurrectionem, apertè præfigurauit. Porro fratres mei, Christi passio pro peccatis nostris, sepultura & resurrectio, nō tantū à peccatis nostris nos redemerunt, sed etiam eius amorem nobis ingesserunt, & exemplum nobis præbuerunt: & à peccatis quidē nostris nos redemerunt: quoniā nec originalia nec actualia nobis imputantur, ad poenā, si crucifixi fidem

Esai. 53.

Ibidem.

Osee 2.

Psalm. 136.

& sacramenta tenemus. Nobis quoq; amorē Christi ingerunt, quia in hoc quod Christus mori, sepeliri, & resurgere voluit pro nobis : quantū nos diligeret nobis demonstra-
uit, & nos ad se reclaimandū arctius inuitauit. Si enim tātus & talis Dominus tot & tanta fecit pro nobis seruis, quid nos facere pro eo debemus? Exemplū etiā nobis prębuerūt: quoniā Christus passus est pro nobis sexta feria, sabbato quieuit in sepulchro, octauo die resurrexit: vt nos quoque per sex dies huius seculi pro eo laborare & pati debere demonstraret: & ita ab hoc seculo trāseuntes, in sabbato, id est, in septima ætate, secundū corpus in sepulchris, & secundum animā in Paradiso requiē habituros: & in octauo, id est, in generali resurrectione, in æterna glorificatione resurrekturos. Deinde testimonio Apostolorū Christi confitmat resurrectionē, cū subdit: *Et quia visus est Cepha*, id est Petro, ipso die resurrectionis. Vnde Lucas, *Surrexit dominus verē, & apparuit Simoni. Et post hoc undecim, ianuis clausis, vt Ioannes & Lucas ostendunt. Deinde plura quinquaginta fratribus simul, ex quibus quidā manēt vsque adhuc, quidā autē dormierunt. Deinde visus est Iacobo, deinde Apostolis omnibus.* Has duas apparitiones in textu quatuor Euangeliorū non inuenimus. Vnde aduertimus Dominum pluries apparuisse quā a quatuor Euāgelistis describatur: Tradit autē B. Hieronymus, quod Euāgeliū Nazārenorū describit Iacobū fratrem Domini se deuouisse non cōesturum, vsq; dum videret Dominū resurrexisse. Vnde & ei ipsa die resurrectionis Dominus apparens, ait: *Pone mēsam & comede, quoniā filius hominis a mortuis resurrexit.* Deinde, inquit, visus est Apostolis omnibus in Galilæa, scilicet & in mōte Oliueti in die Ascensionis. Eandem verō resurrectionē suo cōfirmans Apostolus testimonio, subdit: *Novissimē autem visus est & mihi*, scilicet in via, quando ibam Damascum.

Est autē pars tertia, in qua Apostolus se humiliat in quatuor, videlicet in coacta cōuersione: in extenuitate, in indiguitate, in nulla de se pręsumptione. Per coactā cōuersionem se humiliat, cū dicit: *Novissimē tanquā abortiuo et mihi.* Dicitur autem abortiuū quando ante tempus natiuitatis imperfectū de vtero extrahitur, de cuius vita despe-
ratur.

ratur. Talis erat Apostolus, qui tempore creationis cætorū Apostolorū, creatus Apostolus nō est ad prædicationem Christi, sed quasi violenti manu de vtero Synagogæ extractus & conuersus est. De cuius salute desperatū erat, nisi gratia Dei subuenisset. Et quidē fratres mei, spontanea conuersio dignior est quā coacta. Et tamē ex coacta conuersione multi viri perfecti claruerunt. Per extenuitatē se humiliat, cū subdit: *Ego enim sum minimus Apostolorū.* hoc est, vocatione sum extremus: qui scilicet cum cæteris Apostolis nō inter sui familiari cōsortio & colloquio Christi, sed postea eis fūi adiectus. Per indignitatē se humiliat, cū subdit: *Qui non sum dignus vocari Apostolus.* Et quare? *Quia persecutus sum Ecclesiam Dei.* Ecce fratres mei, Paulus vas electionis & doctor Gentium, qui plus omnibus laborauit, nō cōsiderat ad magna merita sua, quę in lucro infinitarū animarū, & in scripture Euangelicę doctrinæ, & in multis laboribus & passionibus acquisierat, sed ad peccatū quod fecerat, & ad aliorū Apostolorū merita semper oculos tenebat, vt ita semper sibi humilis esset, & alios sibi præponeret. Quem nos pro viribus nostris imitantes fratres charissimi. nunquā ad bonum, si quod habemus, in nobis aspiciamus: sed semper peccata nostra & aliorū bona ante oculos nostros ponamus, vt ita semper nos humiliemus, & alios nobis præponamus. In nulla de se præsumptione se humiliat, cū subdit: *Gratia Dei sum id quod sum.* Ac si dicat: ex me fui malus, ex me autē vel ex meritis meis, nec bonus sum, nec esse possum, sed sola Dei gratia, ex qua etiam habeo quod sum, scilicet quod gratia eius in me vacua non fuit. In eo est vacua Dei gratia, qui vel Deo ingratus existit, vel talentū abscondit, vel nō perseuerat: & talis nō fuit Apostolus. Ingratus enim nō fuit, qui dixit: Gratia Dei sum id quod sum. Talentū enim non abscondit, qui viuus & mortuus semper prædicauit. Perseuerauit, qui nec morte, nec vita, à charitate Dei separari potuit. Nos ergo fratres, exēplo Apostoli instructi: nihil nobis ascribamus, nunquā de meritis nostris cōsidamus: quicquid boni habemus, Dei gratiæ attribuamus: Deo auctori semper gratias agamus: talentū nobis cōmissum, ad vtilitatē aliorū erogemus, & semper in bono perseuerare cōtem-

*In quo Dei
gratia
vacua.
1. Cor. 15.*

damus, ut ad æternā beatitudinē peruenire valeamus. Per Dominū nostrū Iesum Christū, qui cū patre & spiritu sancto uiuit & regnat Deus per omnia secula seculorū. Amē.

DOMINICA XI. POST TRINIT.

Eua. 18.

Dixit Dominus ad quosdam qui in se confidebāt, tanquā iusti, et aspernabātur cæteros, parabolā istā dicēs: duo homines, &c. In hac S. Euāgelij lectione fratres chariss. demonstratur quid superbia habeat in se mali: & quid humilitas habeat in se boni: & hoc modo: Primò describitur quorundā superbia: Secundò ponitur cōtra eos parabola: Tertiò demonstratur quid superbia mereatur, & quid humilitas. Describens igitur primò Euāgelista quorundā superbiam, ait: *Dixit dominus ad quosdā qui in se cōfidebant,*

*Quatuor
species su
perbia.*

&c. Sūt autē fratres mei, quatuor species superbię. Prima est cū quis bonū quod habet, nō à Deo, sed à se æstimat se habere: & itā diuinā sibi arrogādo auctoritatē, se idolū & idololatriā simul cōstituit. Talis fuit apostata Angelus, qui diuinitatē sibi uoluit arrogare. Tales fuerūt gētiles Philosophi, & multi etiā falsi Christiani, qui de libero arbit. pręsumētes, putant se ingenio, viribus, & labore suo, ea quę habent cōsequutos fuisse, dicentes: Manus nostra excelsa, & nō Deus fecit hæc omnia. Talis erat Horatius, qui dixit: *Aiquū animū ipse parabo.* Tales erāt & illi de quibus ait Dauid: Labia nostra à nobis sunt, quis noster Dominus est? Et hæc propriè dicitur arrogātia. Porro huic speciei superbię, contraria est humilitas illa, quę se nullū bonū à se habere credit. Secūda est, cū quis bonū quod habere credit, se habere à Deo, sed ex meritis suis. Tales, vnde dolendum est, sunt hodie pleriq;, quibus si cōferantur à Deo diuitiæ, vel honores, vel dignitates, putāt se pro meritis suis hæc à Deo accepisse, & hæc propriè pręsumptio dicitur.

Psal. 11.

2. Cor. 15.

Huic contraria est humilitas illa quę dicit: Gratia Dei sum id quod sum. Tertia est, cū quis iactat se habere bonum quod non habet, quę propriè est hypocritarū, & hæc propriè iactātia dicitur, cui illa species humilitatis cōtraria est, quę nunquā vult dici melior, quā sit. Quarta est, cū quis despectis cæteris, singulariter appetit videri quod habet, & hæc propriè superbia dicitur. Superb⁹ erat Pōpeius, qui habere volebat æqualē. Cæsar yerò arrogans erat, qui volebat

bat pati superiorē: huic cōtraria est illa humilitas, quę etiā bonū quod habet, dissimulat & regit vt vilior cæteris habeatur, sicut legimus de quadā sanctimoniali, quę cū religiosissima esset, se quasi stultā simulabat. Has quatuor species tumoris innuit Euāgelista illos habuisse, contra quos Dominus hic loquebatur. Nā cōfidebant in se, nō in Deo, nō ex Deo, sed ex industria propria se bonū habere putantes: nec erāt iusti, sed tanquā iusti cæteros aspernabantur.

Sequitur pars secūda: in qua ad confundeūdā eorū multiplīcē superbiam, induciur parabola Domini de superbo iusto, & humili peccatore, cū dicitur: *Duo homines ascēderunt in templū vt orarēt: vnus Phariseus, & alter Publicanus.* Ascenderunt, inquit, in templum, quod ad literā in eminētiōri loco sitū erat. Et moraliter, quicūq; rectē vult orare, debet ima vitiorū deserere, & desiderio ad alta conscendere. *Ascenderunt*, inquit, *vt orarent.* Ecce quomodo recta fuerit eorum intētio. Si ergo opus vtriusq; fuerit bonum in genere, & rectū intentione: quare non acceptum fuerit vtrunque? quia opus vnus fermento superbię fuit vitiatū, & opus alterius cōdimento humilitatis fuit commendatum. Tanta est enim fratres, labes superbię, quod quantūcūque fuerit opus bonū, per eam corrumpitur. Hoc est enim illud modicum fermentum, quod totā massam corrumpit. Et ecōtrario tantum est bonum humilitatis, quod quantūcūq; fuerit opus malū, per eam emēdatur. *Phariseus*, inquit, *stās hęc apud se orabat.* Phariseus iste iustus erat nomine: quia iustus opere, iustus etiā intentione, nisi eā vitio superbię corrupisset. Iustus erat nomine: quia Pharisei dicebātur quidā religiosi, qui ob religionis obseruantia à seculari vita se separabāt, vnde & Pharisei, id est, diuisi vocabātur. Iustus erat opere, quia vitia vitabat, rapinā, iniustitiā, adulterium: & bona faciebat, ieiunās & decimas donans. Iustus etiā erat intētionē, quia bona, quę faciebat, propter Deū faciebat, & ei cūcta, nō sibi attribuebat, vnde & ei gratias agebat. Verū cū cætera vitia cauisset, solam superbiam, quę vltima solet iustos expugnare, non bene cauit. Sed quid valet, si ex cæteris partibus hostes excludas, cū per vnā eos recipias?

Hinc Salomon ait: *Omni custodia serua cor tuū, Ezechiel* *Prouer. 4.*

*Superbia
labet.*

Ezech. 10. quoq; scribit sancta animalia oculis vndiq; plena: quia sancti semper & omni ex parte debent vigilare. *Gratias*, inquit, ago tibi Domine, quia non sum sicut ceteri hominum, raptores, iniusti, adulteri. Ecce fratres quam peruerse loquutus est Phariseus iste. Si enim gratias Deo ageret de bonis sibi collatis, bene utique faceret. Ipse autem agit gratias non tam de suo bono, quam de alieno malo. Gratias agit, non tam quia ipse bene egisset: quantum quia alius peccasset. Gratias agit non tam quia ipse esset bonus: quantum quia solus. Peccauit igitur multipliciter, tum quia in bonis suis minus sibi placuit: tum quia alios contempsit: tum quia se eis comparans, ex eorum depressione sibi gloriam quaesiuit, tum quia se laudauit: tum quia aliorum vitia non compatendo, sed potius insultando numerauit: tum quia in generalibus vitiis, in singularem detractionem descendit: & cum deberet multitudinem peccatorum fratris per charitatem oratio ante Deum operire, visus est apud Deum cum incusare, dicens, *velut etiam hic Publicanus*. Quasi diceret, huic Publicano, qui non est similis mihi, non debes parcere. *Et Publicanus à longe stans, non audebat oculos ad coelum leuare*. Ecce ratio fratres, hic Publicanus peccator erat nomine, peccator erat opere, peccator erat conscientia. Nomine, quia Publicani dicuntur, qui implicantur publicis criminibus, vel negotiis, quae vix vel nunquam sine peccato possunt ministrari. Peccator erat opere, quia erat talis qualiter describit Phariseus: videlicet, raptor, iniustus, adulter. Peccator erat conscientia, seipso de se testimonium perhibenti, cum ait: *Deus propitius esto mihi peccatori*. Cum ergo talis & talis esset: tamen quia se despexit & se humiliavit, veniam meruit. Phariseus suas virtutes & aliorum vitia considerando se extulit, & alios contempsit. Ecce contra Publicanus sua vitia & aliorum virtutes considerans seipsum despexit, & alios sibi praetulit: dum se & ab omnibus & à sanctuario separans à lege stetit se omnibus vilior, & sanctuario indignum iudicans. Habuit igitur maximam humilitatem, habuit & comitem eius pudorem & confusionem, unde nec oculos ad coelum attollere ausus est: Habuit igitur & maximam ex praedictis naturam cordis contritionem. Unde & percutiebat pectus suum, seipsum accusans, seipsum iudicans, seipsum puniens. Cum enim cor nostrum sit in pectore, qui

percu-

percutit pectus suum, ostendit quod cor suum cum accusat, iudicat & torquet. Habuit & veram confessionem, cum ait: *Deus propitius esto mihi peccatori*. Sine exultatione se accusat: sine exceptione se humiliat: sine aliqua sui præsumptione de sola gratia veniam sperat.

Sequitur pars tertia, in qua demonstratur quid superbia, quidve humilitas mereatur, cum subditur: *Amen dico vobis, descendit hic iustificatus in domum suam ab illo*. Hanc enim summus Index, qui falli non potest, nec fallere vult, promulgat sententiam super merita gloriosi iusti & humilis peccatoris dicens: *Descendit hic iustificatus in domum suam ab illo*, id est, cōparatione illius. Simile legitur in Prophetia: iustificata est Sodomā à filiis tuis Hierusalē, id est, in cōparatione filiorum tuorum, o Hierusalē, Sodomā est iusta. Ecce fratres, iudicium quod iudicavit qui scrutatur corda & renes Deus, qui non secundum intuitum hominum, iudicat. Quis enim hominum, iustum, & nomine, & opere, & cōscientia, non præferret peccatori & nomine, & opere, & cōscientia? Nemo. Sed terribilis in cōsiliis super filios hominum Deus, peccatorem sese despicientem & humiliantem præposuit iusto se iactanti: & se peccatori præferenti. Timeat ergo fratres charissimi, quantumcunque iustus, & ne desperet quantumcunque peccator. Itaque fratres, cum in Ecclesia convenimus, & ante nos aliquam personam infamem videmus, ne eum dispiciamus, nec nos ex cōparatione eius bonos estimemus: quia Deo operante, potest illi enormitas peccatorum fieri occasio maioris humilitatis & poenitentiae: ita ut exeat magis iustificatus quam nos, qui de nostrorum quasi securi remissione peccatorum, non satis humiles vel poenitentes sumus. Nam proculdubio quāto quis magis humiliatur, tantō magis exaltatur apud Deū. Vnde & generalis sententia subditur. *Nā omnis, inquit, qui seipsum exultat, humiliabitur: et qui se humiliat, exaltabitur*. Seipsum exultat qui se super se aestimat: qui se maiorem quam sit, appetat dici vel videri. Et contra se humiliat, qui infra se, se reprimat: nec maiorem se quam sit aestimat: nec maior appetit videri vel dici. Itaque fratres, quia superbia est ruina etiā iustorum: & humilitas est exaltatio etiā peccatorum: semper nosmetipsos humiliemus: semper ante oculos nostros peccata nostra habeamus:

Exech. 10.

Exaltari
seipsum.
Seipsum humiliare.

semper infirmitatē nostrā cogitemus. Et econtrā semper aliorū bona, præcipuē, quæ nondū cōsequuti sumus, admīremur. Ne cogitemus quibus simas maiores, sed quibus minores. Illos etiā qui nobis minores videntur, nos per humilitatem præcessuros pensemus: Vt ita semper humiles, timidi, & cunctis subiectis viuamus, vt exemplo domini nostri Iesu Christi, magis studeamus ministrare quā ministrari: magis famulari quā dominari: magis obedire quā imperare, vt mereamur cum humilibus habere gratiam & præmium, per Dominū nostrū Christum qui cum Patre & Spiritu sancto viuit & regnat Deus, per omnia secula seculorum. Amen.

DOMINICA XII. POST TRINIT.

2. Cor. 3. **F**iduciam talem habemus per Christū ad Deū, non quod sufficientes simus cogitare aliquid ex nobis quasi ex nobis, sed sufficiētia nostra ex Deo est, &c. Triperita est hæc lectio fratres mei. Primò enim ostendit qualē fiduciā ipse & ceteri Apostoli habeāt in Deū. Secundò cōmendat ministeriū sibi à Deo cōmissum. Tertiò probat magis noui quā vetēis testamēti ministeriū glorificandū. Primū igitur ostēdens qualē fiduciā ipse & ceteri Apostoli habeant in Deū, ait: *Fiduciā talē habemus per Christū ad Deū.* Tria dicit: in quem habeat fiduciā: & per quem: & qualē fiduciā. In quē habeat fiduciā, ostendit cū dicit, *ad Deū.* In Deū se habere fiduciā dicit Apostolus, & vt nos similiter habeamus, exemplo sui docet, quoniam solus Deus & saluare potest, vt verē diligit, & verax est. Reges autē, Principes, parētes & amici seculares, nec se, nec nos saluare possunt. Vnde Psalmista: Nolite cōfidere in Principibus nec in filiis hominū, in quibus nō est salus. Exhibet spiritus eius, & reuertetur in terrā suā, &c. Sed neq; verē diligunt: quoniā omnes amici seculares non diligunt nos propter cōmoda nostra, sed propter sua. Deus verò diligit nos, nō propter cōmoda sua, sed propter nostra. Rursus nec veraces sunt, cū scriptū sit: Omnis homo mendax: Deus autē verax. In Deū ergo solū, nō in temporalia totā fiduciā nostram ponamus fratres mei, quoniam parentes, amici, & omnia temporalia sefellerūt. Deus autē solus nō derelinquit sperantes in se. Vnde scribitur: Quis sperauit in Domino, &

con-

confusus est? Et David: Mihi, inquit, adhxerere Deo bonum est, ponere in Domino Deo meo sp̄s meā. Per quem habeat fiduciā ostendit, cūm dicit, *per Christū*. Per Christū enim solum habemus accessum ad Patrem, qui est reconciliator & mediator Dei & hominū, qui semper interpellat pro nobis, inquantū est homo, & saluat nos æquē cū Patre, inquantum est Deus: Illum ergo fratres mei, totis viscerib⁹ diligamus, quoniā, vt ait Apostolus, nō est aliud nomen in cœlo, nec in terra, in quo oporteat nos saluari. Qualem verò fiduciā habeat in Deū, ostendit cūm dicit: *non quod sufficientes simus aliquid cogitare à nobis*. Ac si dicat, nec de toto, nec de parte (vt quidam solent) in nobis fiduciā habemus, sed totam & de omnibus in Deum. Talem enim in Deum habemus fiduciā, quod nec etiam cogitandi, nec dum loquendi vel faciendi aliquid, fiduciā à nobis habemus, sed à Deo. In quo confundit illos qui præsumunt de libero arbitrio, vel de ingenio, vel de viribus, vel de diuitiis suis: cūm scriptū sit: Non saluatur Rex per multam virtutem: & Gigas non saluabitur in multitudine virtutis suæ. Et alibi: Qui confidit in diuitiis, corruet. Quia verò secundū loquendi vsum dicimus aliquando nos cogitare aliquid à nobis, id est, ex propria ratione, sine adminiculo alterius creaturæ, adiungit Apostolus, *quasi ex nobis*, subaudis auctoribus. Et si enim aliquid à nobis aliquando cogitamus, tamen ex nostra auctoritate aliquid cogitare non valemus, præsertim cūm nec ipsam rationem, nec per eam aliquid cogitare habeamus ex nobis, sed ex Deo, vt ait Paulus, in quo viuimus, monemur & sumus. *Sed sufficientia nostra ex Deo est*, in omnibus scilicet bonis. In nullis enim bonis nec in corporalibus, nec in spiritualibus, nec in cœlestibus, nisi per ipsum valemus abundare. Qui nisi per nos operetur, & labor noster ad temporalia, & studiū ad spiritualia: & meritū ad cœlestia obtinenda, inefficax est. Vnde ipse discipulis suis: Sine me, inquit, nihil potestis facere. Et Apostolus: Neq; volētis, neq; currētis est, sed miserētis Dei. Et alibi: Neq; qui plātat, neq; qui rigat, aliquid est, sed qui incrementū dat Deus.

Sequitur pars secunda, in qua Apostolus sibi à Deo cōmissum ministerium commendat, cūm subdit, *qui idoneos*

Psal. 72.

Act. 4.

Homo
suis viri-
bus non
saluatur.
Psal. 32.

Prover. 12.

Ioh. 15.
Rom. 9.
1. Cor. 3.

Osc. 8.

Quid &
quare scri-
ptura vo-
cetur.

Rom. 8.

Eph. 22.

nos fecit ministros noui testamenti, nō litera, sed spiritu. In tribus ergo nobis cōmendat suū, cēterorumq; Apostolorū ministerium, cū ostendit à quo & quales & cuius ministri facti sunt. A quo? à Deo. In quo damnat eos, qui nō à Deo, sed à se sibi ministeriū assumunt. De quibus Dominus: Ipsi, inquit, regnauerunt, sed non ex me. Quales? idonei. Porro tria faciunt ministrū idoneum, bona vita, bona fama, bona prēdicatio: quorum vnū sine reliquis nō sufficit. Cuius? noui testamēti, id est, Euāgelij. Sanē S. scriptura vocatur testamētū triplici de causa. Quia est quasi cartha testificās fœdus inter Deum & hominē factū, quia testificatur nobis diuinā voluntatē quā facere debeamus, quia est quasi testamētū hereditatis, à Deo promissē nobis. Euāgelium quoq; dicitur testamētum nouū triplici de causa: vel quia est à nouo homine Christo datum: vel quia cōtinet doctrinā nouā, in respectu Mosaicę legis, vel quia obseruatū, hominē interius facit nouū. *Nouū*, inquit *testamēti*, subaudis cōstituti, nō in litera, sed spiritu. In S. scriptura fratres mei, sunt duo: sensus superficialis literę exterior, & intellectus spiritualis interior. Sensus verò superficialis literę exterior multos fecit errare: vt Iudęos & hereticos, nō attēdentes ex quo sensu, vel ex qua causa fuerint verba prolata, sed quid exterius sonare viderētur. Vnde & subdit: *Litera enim occidit, Spiritus autem viuificat.* Hoc est qđ Dominus in Euā. ait: Spiritus est qui viuificat: caro autem nō prodest quicquā. Vocans carnē, sensum literę exteriorem: qui quandoq; nō solūm nō prodest, imò etiam nocet. Omnia enim figuralia veteris testamēti ad literā tantū intellecta, litera occidens sunt. Sed & etiā ipsa moralia, si quis penes ea, causam iustitię suę constituat, litera occidens sunt. Sed & etiam quędam in nouo testamēto ad literam tantū intellecta, vt illud: Qui non habet gladium, vendat tunicam suam, & emat gladium. Litera occidens sunt. Legant ergo & intelligant ministri noui testamēti sacras scripturas, nō ex sensu quē faciūt: sed ex sensu ex quo fiunt: attēdentes quę historialiter, quę mysticē, quę tropologicē, & quę anagogicē dicantur: vt mereantur esse cū Paulo idonei ministri noui testamēti, nō litera, sed spiritu. In quo fratres mei, plango quosdam

nostri ordinis, qui, non dicam, spiritualement intelligētiam, sed nec etiam ipsam literæ crassam legere norunt, cæci & duces cæcorum, qui tot animarum rei sunt, quod per stultitiæ suæ cæcitatem in perditionem trahunt.

Sequitur pars tertia, in qua probat Apostolus magis noui quàm veteris testamenti ministerium esse glorificandū, dicens: *Quod si ministratio mortis, literis in lapidibus deformata fuit in gloria, ita ut non possent filij Israël intendere in faciem Moysi propter gloriā vultus eius quæ euacuatur, quomodo non magis ministratio spiritus erit in gloria?* Ac si dicat: Si ministrationē literæ legis occidētis, scriptæ in lapide ad tempus, glorificatio subsequuta est, ita ut Israëlitiæ faciem Moysi non possent aspicere: quomodo ministrationem spiritus literæ viuificantis, non magis glorificatio subsequetur? ac si dicat: imò subsequetur. Est autem hæc probatio à minori, minus est enim litera: & maius est spiritualis intelligentia. Subsequēter idem dicit, sed aliis verbis: Si enim, inquit, *ministratio damnationis in gloria est, multò magis abundat ministerium iustitiæ in gloria.* Porro legem vocat mortem & damnationem, triplici de causa, quia iuxta literam intellecta, occidit: quia prohibens peccatum magis irritat ad peccandum. Vnde Apostolus: Cōcupiscentiam nesciebam nisi lex diceret: non concupisces, & quia sine misericordia reddebat animam pro anima. Euangelium verò vocat spiritum & iustitiam, quia viuificat & iustificat. Fuit autem lex data Iudæis in lapide scripta: in quo significatum fuit, quod sicut lapis vix suscipit literas, & cū suscipit, suscipit brutas, sed tales non de facili perdit: Ita Iudæi duri & lapidei, legalium ceremoniarum assuefactionem vix susceperunt, susceptas brute tenuerunt, sed talem nec etiam veniente Euangelio, derelinquere voluerūt. Vnde idem Apostolus: sed vsque, inquit, hodie, cū legitur Moyses, velamen est ante oculos eorum. Hoc tamē velum in passione Christi scissum est Apostolis & cæteris spiritualibus viris. Non autem solum ministerium Euangelij præcellit ministerio legis, sed etiam ipsi doctores, & ipsi executores Euangelij præcellunt doctoribus & executoribus legis. Nec illud fratres mei dico, quin quidam doctores & executores legis, quibusdam do

Rom. 8.

1. Cor. 2.

Auribus & executoribus Euāgelij pacificari, vel etiā præcellere potuerint, sicut quidā Diaconi, quibusdam sacerdotibus, sed in genere ministerij & rei ministratæ excellentia demonstratur. Gratias itaque agamus fratribus Domino Deo nostro, qui excellentiā Euāgelicæ doctrinæ, nobis qui in extrema ætate viuimus, dedit: orantes eū vt ipse nobis qualibuscunque doctoribus Euangelium & rectē intelligere, & vtiliter docere cōcedat, vobis quoque auditoribus bene audire & retinere præbeat, tā nobis verò quā vobis, moribus, & operibus, & vita illud adimplere tribuat, quatenus & in præsentī vita iustificari, & in futura glorificari mereamur, per Dominum nostrū Iesum Christū filiū Dei qui in trinitate perfectā viuit & regnat Deus, Amen.

DOMINICA XII. POST TRINITATEM.

Mat. 7.

Egressus Iesus de finibus Tyri venit per Sidonē ad mare Galilee, inter medios fines Decapoleos. In hac sancti Euangelij lectione fratres chariss. iuxta literam quinque nobis proponuntur: Sollicitudo Domini, miseria surdi & muti, rogantium charitas, virtus Domini curantis, & cōtra mandatū diuulgatio miraculi. Primò igitur sollicitudo Domini, quā habet pro salute humani generis demonstratur, cum dicitur: *Egressus Iesus de finibus Tyri, &c.* Magnā quippè sollicitudinē de salute hominū habebat, qui tetras, vrbes & castra, in quibus se nouerat aliquibus profecturum peragrabat. Quem nos imitantes chariss. nō expectemus vt quæramur, sed etiā ipsi quæramus, quibus proficiamus. Secundò verò miseria curandi describitur cū surdus & mutus vocatur. Multum quippè miser erat, quā surdus simul & mutus erat. Qui enim mutus est, nec suā miseriam alij indicare, nec consilium, nec auxilium potest postulare. Qui verò surdus est, consilium salutis suæ audire non potest. Multum ergo, fratres miser & miserabilis erat, qui suæ miseriæ opem nec petere, nec etiam si daretur, potexat audire: inde est quod mutorū & surdorū miseriæ magis miserendū est. Ceteri enim miseri, & si magnā habent miseriam, tamen illam possunt manifestare, & auxiliū postulare: Surdus verò & mutus, quantò est insensibilior, tantò est miserabilior. Propterea cōpatitur ei charitas miserorū hominum, qui adducūt eum ad Iesum, & quod ille

ille nō poterat, pro eo rogant. Poterant quidē cū non adducere, sed tantum pro eo rogare, sed ideo eum adducūt vt manifesta, pręsensq; miseria magis moueat Deū ad miserendū. Inde quoque maiorem suam demonstrant charitatem, cū pro misero non solū rogāt, sed etiam ipsum adducunt & demonstrant. Quod est contra quosdā duos & immisericordes, qui fraterni miserię compati nesciunt, imō quod peius est, deridēt & maledicūt surdo, quia audire nō potest: & offendiculū ponūt cæco, quia videre non potest, cū Moyſes dicat: Non maledices surdo, nec corā cæco pones offendiculum. Nos ergo fratres, omnem duritiā, omnē exuamus inhumanitatē, & discamus habere viscera misericordię super egenos & afflitos, & eis pręposse nostro subuenire, & in aliena miseria, nostrā quam habuimus, aut habere possumus, lugeamus, imitatores Dei & Domini nostri, qui nō solū super iustos, sed etiā super iniustos, misericors est. Vnde & hic non solū ad miseriā muti & surdi, sed etiā ad miserentiū precem pietate commouetur. Vnde & subditur: *Et educens eum de turba seorsum*. Ostenditur autem quarto loco virtus Domini in tribus, in doctrinā, in humilitate, in potentia. In doctrinā cū dicitur: *Et educens eum de turba seorsum*. Hic enim exēplo sui nos docet, vt cū volumus facere misericordiā & eleemosynā, turbā & frequentiam hominū fugiamus: vt eleemosyna nostra sit tantō Deo magis grata, quantō magis ab aspectibus hominum occulta. Vnde Dominus, *Cū facis, inquit, eleemosynam, noli tuba canere ante te sicut hypocritę faciunt, in vicis & in plateis. Te autem faciente eleemosynā, nesciat sinistra tua quid faciat dextera tua; & Pater tuus qui videt in abscondito, reddet tibi*. Et alibi: Abscondite eleemosynā in sinu pauperis, & ipsa orat pro vobis ad Dominū. In humilitate ostēditur virtus Domini, cū subditur: *Misit digitos suos in auriculas eius, & expuens tetigit linguam eius*. Ecce magna humilitas Domini, qui suos sanctos digitos in aures sardi seculētas mittere, & immundam muti linguam cum sua sancta saliuā tangere (cum solo verbo salutem conferre posset) non aspernatur. In quo dat nobis exemplum, vt si ipse qui ipsa munditia & sanctitas est, immunditias & infirmitates homi-

Leuit. 19.

Mat. 6.

Eccle. 29.

Humilitas
Domini.

hominum non abhorruit, unò piè tractauit, præcipuè homo homines, vermis vermes, putredò putredines, nò abhorreat attractare. Rursus in doctrina virtus Domini ostēditur: *cū suspiciens in cœlū ingemuit*. In quo nos instruit fratres mei, vt oraturi: siue misericordiam, vel aliquod aliud bonū facturi semper in cœlū magis mēte quā oculis suspiciamus, iuxta illud Prophetę: *Leuaui oculos meos in mōtes, vnde veniet auxiliū mihi*. Deo cuncta attribuentes, de eo & in eo totū sperantes, de nobis verò & in nobis ingemiscentes, qui ex nobis nihil possumus boni. In potentia demonstratur virtus Domini, cū ad eius imperiū surdo & cæco vsus audiendi donatur & loquēdi, cū dixit: *Effeta, quod est adaperire*. Nam statim apertę sunt aures eius, & solutū est vinctū linguę eius, & loquebatur rectē. In quo demonstrat Dominus se esse illum eundē, qui in principio tantū dixit, & facta sunt vniuersa. Quintò contra mandatū, diuulgatio miraculi demonstratur, cū subditur: *Et præcipit eis, ne cui, quę vidissent, narrarēt, etc.* Sed quare fratres mei, Dominus ea quę fecerat prohibuit enarrari ad exemplum. Exēplum quippè præbuit nobis vā nā gloriā euitandi, vt similiter nos quādo facimus alij misericordiā, ab eo nostri operis exigamus taciturnitatē: ne scilicet illud corrumpat aura popularis, sed sit tantò Deo magis gratum, quātò magis occultū. Quod verò illi eo magis mirabātur & loquebātur dicētes: *Bene omnia fecit, etc.* Ostēdit illā virtutem magis esse mirabilē quę latere quærīt, cū latere nō possit. Gloria enim sui appetitores fugit, & sequitur sui contēptores. Sed nūquid fratres mei, illi qui iussi nō tacuerūt, rei inobedientię æstimandi sunt (Minimè) quia nō ex contēptu, sed ex dilectione hoc fecerunt. Virtus enim, & si celari quærat, non tamē celari debet, & si ille, qui eā operatur, eā occultet, ille cui fit, eam occultare nō debet. Nec Dominus miracula sua ideo præcepit celari, quod vellet ea celare: imò ad salutē pluriū latius propalari, sed prohibuit tantū ad exemplum. Mysticè verò egressus Iesus de finibus Tyri (quę angustia interpretatur) venit per Sidonē, id est, venationem, ad mare Galilęæ inter medios fines Decapoleos, quando propter infidelitatem dereliquit angustias Iudęæ, & per venationem prædi-

Tyrus angustia interpretatur.

prædicationis iter tenens per decalogum legis, transiit ad mare gentilitatis. Sic enim præuisum erat à Domino, vt nō nisi per Iudææ desertionem gentilis populus reciperetur ad fidem. Vnde Propheta: Coangustatum est stratum vt alter decidat, & breue est pallium, vt vtrunq; operire nō possit. Erat autē tunc gentilis populus surdus an intelligendum verbū Dei. Quales hodie sunt multi in Ecclesiā, qui ex vitio peccati & negligentiae suae aurem cordis ad intelligendum Dei verbum habet surdam. Iuxta illud: Nolu itelligere vt bene ageret. Et os habent mutū ad laudandum Deum, iuxta illud: Non est speciosa laus in ore peccatoris. Qui cū dignè pro se rogare nō possint, deuotio fidelium debet eos precibus Deo offerre ad curandum, ad quorum preces Deus sæpè illos curat, ita quod de surdis & mutis eos verbi Dei intelligentes faciat & loquentes.

Esa. 28.

Psal. 115.

Eccl. 15.

Porro surdum & mutū curaturus Dominus de turba scorsum educit, ostendēs quod qui vult de vitiis suis integrè curari, debet declinare vitiosorum turbam, & peccandi occasionem. Scriptum est enim: Cum sancto sanctus eris, & cum peruerso peruerteris. Et alibi: Ecce elongaui fugiēs & mansi in solitudine. Digitos verò suos in aures surdi Dominus mittit, cū in cor surdum dona sancti Spiritus infundit. Vt Propheta: Dominus aperuit mihi aurem, Salua verò linguam muti tangit, cum sapientia, quæ à summo capite, id est, à Deo Patre defluit, hominē mutū facit disertum, facundumq; ad prædicandum Dei verbū. Vnde & de eadem dicitur, quod linguas infantium facit disertas. Effeta (quod est adaperire) dicit, quādo iussu potētissimo cor ad intelligendū, & linguā ad eloquendū Dei verbū iubet aperiri. Vnde & hæc verba in catechismo baptizandorum dicuntur, cū de salua aures eorū & nares tanguntur.

Psal. 17.

Psal. 54.

Esa. 50.

Et statim apertæ sunt aures eius, & solutum est vinculum lingue eius: & loquebatur rectè. Deo enim intus visibiliter operante, qui fuerat surdus & mutus, fit statim verbi Dei intelligens & eloquens. Et recognoscens pristinam surditatē & tacurnitatē suā, suū creatorē intelligit, & benedicit. Nos ergo fratres, si per gratiā Dei iā habemus aures cordis apertas ad intelligendū, & os ad proferendum Dei verbum, diuinā bonitatē magnificemus, & fratres nostros

HOMILIAE

filios adhuc surdos & mutos, domino curandos offeramus: deprecantes eum ut manum misericordiae suae eis imponat: & eos suum sanctum verbum intelligere, proferre & exequi faciat, quatenus simul cum eis divinam maiestatem in eternum contemplantur & laudare mereamur, ipso praestante, qui in trinitate perfecta vivit & regnat Deus, per omnia secula seculorum. Amen.

DOMINICA XIII. POST TRINIT.

Gal. 3.

Psal. 143.
Esa. 64.

Abrahae dictae sunt promissiones, & semini eius, &c. In hac lectione fratres chari disputat Apostolus contra quosdam Iudeos, qui ex operibus legis se habere iustitiam & salutem opinabantur. Quorum etiam hodie (vnde dolendum est) sunt similes quidam falsi Christiani, qui ex hoc, quod quaedam vitia fugiunt, & opera bona faciunt, putant se esse iustos & consecuturos salutem. Utrosque confundit Psalmista cum oratio clamat: Non intres in iudicium cum servo tuo domine, quia non iustificabitur in conspectu tuo omnis vivens. Et Propheta, Omnes, inquit, iustitiae nostrae sunt quasi pannus menstruatus ante te Domine. Itaque fratres mei, si verè Christiani esse volumus, hanc fidem firmiter teneamus, quod ex nullis operibus nostris iustificari vel salvari valeamus, sed ex sola Dei gratia, qui gratis iustificat impium. Non enim quia bona fecimus, iustificamur, sed potius quia gratis à Deo iustificamur, bona agimus, & bona agendo salvamur. Ostendit igitur Apostolus tria. Primum, quod non est nobis salus, nisi ex gratia: Secundum, quod per Iesum Christum est haec gratia. Tertium, quod non ex lege. Ostendens ergo salutem esse ex gratia ait, Abrahae dictae sunt promissiones & semini eius. Ac si aperè dicat, non ex operibus legis, vel aliquibus praecedentibus meritis, sed potius gratis promissiones vel Abrahae factae, & gratis exhibitae. Promissiones enim istae propriè dicuntur quae tantum gratis sunt, praesertim si attendas à quo & quare, & cui promissiones istae factae sint. A quo? à Deo, qui nec aliqua necessitate, nec propriè utilitate, nec in quo debito construngi potest. Necessitate quippe astringi non potest, qui liber penitus, imò ipsa libertas est: nec propria utilitate, qui nullius indigens est: nec debito, qui nulli obnoxius est. Quamquam quis promiserit, tamè ex hoc vinculo promissi non astringitur: quoniam non promisit nisi dignis, quod nullus potest esse, nisi quem Deus dignum gratis voluerit facere: ut ita generaliter

neraliter & q̄ promissit, & quod dignū facit, & quod promissa tribuit totū gratia fecit, quæ aut promissiones dictæ sunt Abrahæ à Deo, in Genesi legitur, scilicet q̄ in semine eius benedicetur omnes gētes, plus spiritualē & æternam, quàm corporalē & temporalē intelligēs benedictionē. Et quod ei daret terrā, scilicet lacte & melle manātem: figurās terrā viuentiū, quæ lacte veræ sapientiæ, & dulcedine cœlestis gratiæ manet in æternū. Cui factæ sunt istæ promissiones? Abrahæ & semine eius, id est illis, qui patres sunt multarū gentiū fide & doctrina & exemplo, & illi qui sunt imitatores fidei, & doctrinæ, & exempli illorū. Si ergo fratres mei, sanctarū promissionū, quæ Abrahæ dictæ sunt participes esse volumus, simus sancti & imitatores Abrahæ, cæterorumq; sanctorum Patrū, simus in fide fortes, Deo in omnibus obediētes, Deū cunctis præponentes, in spiritualibus & cœlestibus eruditi, vita præclari, charitate feruidi, hospitalitate præcipui: exemplo Patres aliorum: vita & moribus lux orbis terrarū. Secundo demonstrat Apostolus quod per solū Iesum Christū gratia facta sit, cū subdit: *Non dicit q̄ seminibus, quasi in multis, sed quasi in vno, in semine tuo quod est Christus*, id est quod Dominus dixit Abrahæ, in semine tuo benedicetur omnes gentes. Singulariter ait, nō pluraliter in seminibus, sed singulariter in semine, significans nō per plures personas de stirpe natas Abrahæ, sed per solum Iesum Christum, diuinam benedictionē ad omnes gentes deriuandā. Nō enim in Patriarchis, in Prophetis, non in sacerdotibus, nō in rebus Israheliticis, sed in solo Christo oēs gētes dixit benedicendas. Iuxta quod prædixit Iacob: Non auferetur sceptrū de Iuda, nec dux de cœmore eius, donec veniat qui mittendus est, & ipse erit expectatio gentium. Ipse enim duos populos Iudæorum scilicet & Gentiū, in se caput & angularem lapidem vniens, de plenitudine gratiarum & benedictionum, quibus sine mensura vinctus est, in omnes deriuauit. Quod significatum est per vnguentum effusum super caput Aaron, quod descendit in barbam, & vsque in oram vestimenti eius. Utinam fratres mei, & in nos vltima membra dignetur Christus de suarum plenitudine gratiarum & benedictionum aliquid distillare: ut quemad-

Gen. 12.

Gen. 49.

HOMILIAE

modum dedit nobis Christianis, nominis sui denominationē: ita & tribuat suae vocationis & benedictionis immensae aliquā nobis derivationē. *Hoc autē dico testamentū confirmatū à Deo.* Quod testamentū? testamentū gratuitarū promissionum, siue promissarū gratiarum: dico cōfirmatum esse à Deo patre in tēpore gratiae, per mortē testatoris Iesu Christi, quod nouum testamentum vocatur. Quod si verē sequimur & tenemus fratres chariss. pignoramur hic gratia iustificationis nouae, & in futuro hāreditabimur aeterna beatitudine. Tertiō demonstrat Apost. quod salus nō est ex lege. Primō est hoc, q̄ cū promissiones futurae salutis factae sunt Abraham, nondum erat data lex, nec post fuit data, nisi post quadringētos & triginta annos. Et hoc est q̄ dicit, *Quae post quadringentos et triginta annos facta est lex nō irritū facit ad euacuandā promissionē.* Ac si diceret: si lex necessaria esset ad consequendā promissam hereditatem, cū ipsa simul promissione debuisset dari, vt determinaret promissionē: quod scilicet, nisi per legē promissā hāreditas nō posset obtineri. Sed hoc nō fuit: quoniam facta promissione, Abraham, Isaac, & Iacob ante legem datā mortui sunt, qui tamen cōsecuti sunt hereditatem. Ex hoc ergo quod post tantum tempus post promissionem data est, cōstat quia lex nō irritat, nec euacuat promissionem, id est, opera legis, nō destruunt gratiam promissionis. Similiter fratres mei, postquam gratis ad fidem vocati sumus, si postea aliqua bona opera facimus, non propterea gratia Dei euacuatur, nec Deus propterea tanquam ex debito praeмиare tenetur, sed qui gratis vocat, gratis iustificat, & gratis praeмиat. Secundō probat per indirectam rationem, quod salus non ex lege est, cū subdit: *Nam si ex lege hāreditas, iam non ex promissione.* Est autem argumentum ab oppositis: nam merita & gratia opposita sunt. Est ergo ac si diceret: Si ex merito legalis obseruatio nis datur hāreditas, iam non ex gratia promissionis. Et statim assumit per destructionem consequentis, subdens: *Abraham autem per repromissionem donauit Deus.* Ex his tacita conclusio subintelligitur: ergo non est ex lege hāreditas. Similiter possumus colligere: si ex meritis & operibus nostris est nobis salus, iam nō ex gratia, sed constans

stans est quia salus datur nobis ex gratia, ergo non datur nobis ex meritis & operibus nostris. Quæstionē quā videbat Apost. posse fieri, facit & soluit, subdicens: *Quid igitur lex? propter transgressionē posita est*, cauēdas & vindicandas. Ac si dicat, non fuit lex posita ad euacuandā gratiam, sed potius ad euacuandū & corrigendum peccatum. Non enim fratres mei, ideo mandata veteris & noui testamenti data sunt, quod ex obseruantia eorū tanquā ex causa daretur salus, sed vt per ea corrigeremur & instrueremur, quomodo consequi salutē valeremus. Multienim ante legem iusti fuerunt & salutē consecuti sunt. Vnde Apost. Lex, inquit, non est posita iustis, sed iniustis, impiis & peccatoribus. Posita, inquit, nō semper, sed donec veniret semē, Dominus scilicet noster Iesus Christus, in quo p̄miserat subaudis Deus benedicendas omnes gentes. Fuit autē lex ordinata, id est, ordinatē statuta medio tempore inter tēpus legis naturalis, & tempus gratiæ. Primò enim fratres mei, conuincenda erat superbia humana per naturalē legem & scriptam: vt videlicet postquam intelligeret homo se de viribus liberi arbitrij, nec per legem naturalem, nec per scriptam posse iustificari vel saluari, ad gratiam confugeret; & de se desperans, totum de gratia Dei præsumeret. Fuit autem lex ordinata per Angelos, id est, per ministeriū Angelorum, per quos loquebatur Dominus ad Moysen. Vel certē Angelos, id est nūcios Dei vocat Moysen & Aaron, ceterosq; doctores legis, & tamen in tantum legis ministri erant non auctores: quia lex erat in manu, id est in potestate & auctoritate mediatoris, Dei & hominum Iesu Christi, qui tanquā omnium Dominus potestatem habuit legem statuendi quando vellet. Per quem solū (quod per legem fieri non poterat) fit gratia, pax, & reconciliatio Dei & hominum. Quod inde patet, quia mediator autem vnius non est: Deus autem vnus est. Ac si apertē dicat, cūm propriē mediator dicatur, qui participando & conueniendo inter duos oppositos, eos adinuicem cōponit, si Christus tantum diuinæ naturæ, vel tantum humanæ esset, mediator Dei & hominum non esset. Sicut enim fratres mei, aliquando videtis in secularibus, quod quādo duæ tribus adinuicem sibi inimicantur, datur vir vnius tribus uxori

Quare præcepta veteris & noui testamenti data.

1. Tim. 1.

Mediator.

alterius tribus: vt illo matrimonio mediāte, fiat duarū tribuū recōciliatio. Ita cū inimicitie essent inter Deū & hominē, placuit altissimo, vt hominē fugitiuū & inimicū suū sibi recōciliaret, cōiungens filiū suū naturę humanę, vt esset simul Deus & homo, vt eo mediāte, Deus homini, & homo Deo recōciliaretur. Cū igitur lex post Dei promissionē & ad tēpus fuit posita, nunquid, inquit Paulus, *lex aduersus promissā Dei? Absit.* Aduersus quidē promissā Dei esset lex, si ex lege & non ex gratia promissionis, iustitia & vita proueniret. Sed hoc nō esse ostēdit Apo. dicēs: *Quod si data esset lex. quę posset viuificare, verē ex lege esset iustitia: subaudi & cōsequēs eius vita.* Sed hoc nō est. Vniuersaliter enim fratres mei, verū est, qđ nec ex libero arbitr. nostro, nec ex obseruātia legis, nec ex aliquibus operibus vel virtutib⁹ nostris, iustificari vel saluari valemus, sed ex sola Dei misericordia, quę gratis iustificat impiū. Nec solū lex Iudæos nō iustificauit, sed etiā peccatū auxit. Vnde & subditur: *Sed cōcluse scriptura omnia sub peccato:* quosdā enim per occasionē ad peccatū magis irritauit. Iuxta illud Poētis cū: *Nitimur in veritū semper, cupimusq; negata.* Sic interditi imminet æger aquis, quosdā quoq; per occasionē de operibus legis gloriari & superbire fecit. Omnes verò sub peccato cōcluse. i. cōcludi ostendit, dum non cōcupiscere prohibuit. Dū enim quātuncunq; iustus aliquādo nō concupiscere nō possit, omnes sub peccato concludi & transgressores esse legis lex demōstrauit. Et quare hoc? *Vt promissio ex fide Iesu Christi daretur credentibus.* Ac si dicat: Ideo permisit Domino omnes cōcludi sub peccato, vt apparet quod ex sola gratia (quę est in fide Iesu Christi) promissio æternæ hæreditatis daretur credētibus. Propterea fratres mei, omnē glorificationē, omnē superbiam mētis nostrę deponamus: & malū quod in nobis est, ex nobis habere cognoscamus. Si quid verò boni habemus, nō ex nobis, sed ex solo Deo, & gratis nos accepisse intelligamus. Et iuxta mandatū Domini, cū omnia nos fecisse putabimus, dicamus quia serui inutiles sumus: inutiles quidē ex nobis, si verò in aliquo viles sumus, ex Deo est, qui per solam misericordiam suam cū essemus filij irę & perditionis, gratis in filios nos vocat: vocatos grātis iustificat,

iustifi-

iustificatos gratis beatificat, si tamē de gratia eius non ingrati fuerimus: si gratiam eius non otiosam, sed operantē habuerimus: si talentum nobis commissum multiplicauerimus: & cum multiplici lucro ad Dominū reportauerimus. Quod ipse nobis prestare dignetur, qui in trinitate perfecta uiuit & regnat Deus, per omnia secula. Amen.

DOMINICA XIII. POST TRINIT.

Dixit Iesus discipulis suis, *Beati oculi qui vidēt, quę vos uidetis.* In hac lectione fratres charissimi tria demonstrantur. Primū ostenditur beatos esse qui vident quę Apostoli viderunt. Secundō exponitur legisperitus quęres & exponens quomodo possit haberi æterna beatitudo. Tertiō ad interrogationē eius, ostēdit Dominus quis vel qualis deus beat esse proximus. At ergo Dominus discipulis suis, *Beati oculi qui vident, quę vos uidetis.* Porro quidam viderūt Christū tantū corporaliter, vt Iudęi persecutores, alij tantū spiritualiter vt posteri Christiani, alij & corporaliter & spiritualiter vt Apostoli & discipuli. Sed Iudæi, qui tantū corporaliter Christū viderūt, non ideo beati, imō peiores effecti sunt. Quia enim virtutes & opera Christi viderūt, & eius prædicationē audierūt, & tamē nō credere, sed detrahēre curauerunt, deteriores facti sunt. Vnde Dominus, Si non venissem, inquit, & locutus eis nō fuisset, peccatū non haberēt, nunc autē excusationē non habent de peccato suo. Nōs verō sequaces, qui tantū spiritualiter & oculis fidei Christū videmus, beati proculdubio sumus, si fidei vitam tenemus. Sed beatiore discipuli, qui Christū & oculis corporis, & oculis cordis simul eū viderunt, audierūt, tractauerūt, eū eo māducauerunt & biberūt. Quid putatis fratres mei, quid dulcedinis, quid amoris, quid firmitatis cōtulerit præsens & corporea conuersatio Christi discipulis? Per exteriores enim virtutes latentē aduertētes deitatem, tātō eū firmitus crediderūt & prædicauerūt, quantō eū expressius viderūt. Vnde Ioann. Quod fuit, inquit, ab initio, quod vidimus, quod audiuius, quod manus nostrę cōtrectauerunt de verbo vitę, vobis annuntiamus. At dices: Nōne Dominus ait Thomę, quia vidisti me Thoma, credidisti: beati autē qui non viderunt & crediderūt: Et super hoc Gregorius, fides inquit, nō habet meritū cui humana

Luc. 10.

Ioan. 19.

1. Ioan. 1.

Ioan. 10.

HOMILIAE

ratio præbet experimentu. Videntur ergo beatiores qui Iesum in carne non viderunt, & tamen crediderunt. Et quidem si fides sine visione tâta esset, quâta illa quæ fuit corroborata visione corporali, utique non minoris meriti esse videretur, sed maioris. Sed vix fraïres potest fieri, ut aliquis qui non viderit Dominum, nisi spiritualiter, tam firmam fidem habeat, quâtum ille qui eum vidit simul corporaliter & spiritualiter: aliter enim degustata, aliter tantum odorata creduntur. *Multi enim Reges & Prophetæ voluerunt videre quæ vos videtis, & non videntur, & audire quæ audistis, & nō audierunt.* Quântum fratres putatis habebant desiderium antiqui sancti, qui in spiritu nouerant Christum venturum, quanta suspiria, quanta admiratione? Horum quippe desideria, suspiria & admirationes, designantur per septem antiphonas, quæ ante natale Domini per septem dies cantantur, insipientes ab o desiderauimus & admiratiuimus aduectio: ut quando per secundum tonum, quasi plangendo cantatur: O sapientia, o Adonai, quasi quâdo venies? quando te videbimus? quando te audiemus?

Sequitur pars secunda, cum subditur: *Et ecce quidam legisperitus surrexit tentans eum, & dicens: magister quid faciendo vitam æternam possidebo?* Huius legisperiti oculi, & si videbant Dominum exterius, tamen non videbant in eo ea quæ discipuli videbant. Non videbant in humanitate diuinitatem: in humilitate, maiestatem: in stultitia, sapientiam. Habebat enim in oculo albuginem, id est, in scientia superbiam: talis à ministerio Dei reprobatur. Humilis quippe scientia videt, superbia non videt. Et superba scientia legisperiti cum inflabat, non autem ædificabat. Ostenditur igitur ex scientia, quâ sine humilitate & charitate habuit, elatus, iactator, & contemptor. Elatus quum dicitur, *surrexit.* Plus enim mente quâ corpore se eleuasse intelligendus est, iactator & contemptor, cum ea quæ nouerat, quærebatur, non ut addisceret vel doceret, sed ut scientiam suam iactaret, & alterius simplicitatem derideret. Quales (unde dolendum est) sunt hodie plerique magistri, qui de scientia sua inflati, legunt & disputant, non ut sibi vel aliis proficiant, sed ut se ostenderent, & simplices confundant. Sed hi profecto licet multas literas nouerint, tamen quia albugi-

Rom. 1.

buginē habēt in oculo, diuinam in humilitate sapientiam non vident. De quibus dicitur: Quia dicentes se esse sapiētes, stulti facti sunt, dum sapientiæ verba non saporem habent. At Dominus qui nouerat eū causa tentādi hoc quæsiuisse, ait: *In lege quid scriptum est quomodo legis?* Occasionē magistrādi Dominus legisperito donat, quod maximē affectare eum sciebat. Cū enim superba scientia, enā non interrogata, multotiens docere præsumat, tunc maximē gaudet cū interrogatur: quia locū magistrandi, & se ostentandi inuenit, quod maximē desiderabat. *Diliges,* inquit, *Dominum Deum tuum.* In hoc mandato demonstratur, quare sit diligendus Deus & quātum. Quare? Ob tres causas. Prima est, quia est bonus in se. Quod innuit in hoc quod ait, *Deum*. Secunda, quia meruit diligī à nobis nos creando, nutriendo, redimendo, quod innuit cū ait, *Dominum*. Tertia, quia seipsum in præmium diligētibus se tribuit. Quod innuit in hoc quod dicitur, *tuum*. Quantiū verò diligendus sit, ostendit, cū ait, *Ex toto corde & ex tota anima, & ex tota mēte, et ex totis viribus tuis.* id est, ex toto quod scis, ex toto q̄ uiuis, ex toto quod potes: ac si dicatur, omnes potētias, vires, virtutes, motus, & actus tuos diriges ad Deū diligendū. Sed quid vult sibi fratres mei, tanta verborū inculcatio? Nōne si dixisset tantū ex toto corde, satis dixisset? Ad maiore fratres expressionē dictum est: & si expressius posset, expressius hoc dixisset, quoniā nunquā satis dicitur, quod nunquam satis agitur. Nūquā enim satis diligī potest Deus à nobis. Nemo enim eum tantū diligit quantiū meruit, & quantiū amari dignus est. *Et proximi,* inquit, *tuum sicut teipsum.* Non enim ait quantiū teipsum (hoc enim à nullo exigitur) sed sicut teipsum. Nosmet enim diligere non debemus nisi in bonū & ad bonū, id est, vt efficiamur boni. Similiter proximū nostrū non debemus diligere nisi in bono, & ad bonū, id est in bono quod iam habet, vel vt habeat: vt scilicet bonum quod nobis ipsi volumus, proximis velimus. Discretē igitur fratres mei, tā nos quā proximōs nostros diligamus. Nam sicut peccat qui nō diligit bonū in proximo, ita peccat qui non odit malū in eo: *Hoc,* inquit, *fac & viues.* Ac si dicat, non sufficit tantum scire, vnde tu gloriāris.

*Quomodo
nos & pro-
ximum di-
ligere de-
bemus.*

HOMILIAE

Sequitur pars tertia, in qua legisperitus, sciens quod pluribus modis dicitur proximus, vel cognatione, vel familiaritate, vel fide, vel mente, vel loco: querit quis in hoc loco proximus intelligatur. *In hoc vnies iustificare seipsum*, id est, se ostentare inquisitorē prudentē & iustum. Et *suspiciens in caelum Iesus*, in quo significabat se magna & spiritalia dicturū, ait: *Homo quidā descendebat à Ierusalem in Iericho, & incidit in latrones, &c.* In hac parabola fratres mei, ostēdit Dominus quis sit proximus noster: Quia omnis quī naturæ particeps est: & qualis debeat esse proximus erga proximū, quia benignus & misericors per charitatē & compassionē. Iuxta mysticum verò sensum, ostendit Dominus se p̄ cæteris proximum esse humani generis, non tantū secundū carnem, sed etiam secundū charitatem, cōpassionem, & redemptionem, quā nobis immeritis exhibuit. Iuxta quod ipse ait: Maiorē hac dilectionē nemo habet, vt animā suā ponat quis pro amicis suis: Ostenditur autē in hac parabola quatuor, ruina generis humani, persecutio diaboli, insufficiētia legis, misericordiā Christi: ruina generis humani ostenditur, cū dicitur: *homo quidā descendebat ab Ierusalē in Iericho, & incidit in latrones.* Homo enim iste humanū genus est, qui in primo homine dum per superbiam ascendere voluit, descendit: Scriptū est enim ante ruinā exaltabitur cor: Descendit igitur à Ierusalē cœlesti ad quā creatus fuerat: *In Iericho*, id est, in defectum huius mūdi. Iericho verò defectus sine luna interpretatur: *Et incidit*, peccando, *in latrones*, id est, in potestatem dæmoniorū, qui latenter insidias suas sub specie serpentis rectiq; consilij occultabant. Et mox aperta persecutio diaboli ostenditur, cū subditur, *qui etiā expoliauerunt eum*, gratuiti scilicet bonis, vt virtutibus & fructibus earum: *Plagis etiā impositis*, subaudis in naturalibus bonis, vt in intellectu, memoria, & huiusmodi. Gratuitis quippē bonis eū penitus priuauerunt. Naturalibus verò bonis nō eum penitus priuauerunt: sed ea in eo deteriorauerūt: *Et abiernit*, non lædere cessando, sed latendo, *seminiuo relicto*. A quo & cui? A Deo, sibi homini. Fuit enim exigente peccato suo, à diuino auxilio destitutus, & suo arbitrio deo relictus. Nō fuit tamen omnino mortuus, sed semiuuus,

Quo-

Ioan. 15.

Psalm. 16.

Quoniā nō potuit diabolus auferre penitus homini scin-
tillā rationis in homine, quæ ei etiā cū peccat, dicit, ma-
lefaxis. Insufficientia verò legis ostenditur, cū dicitur: *Ac-
cidit autē vt Sacerdos quidā descenderet eadem via, & viso
eo, præterijt. Similiter & Leuita cū esset secus locū & vi-
deret eū, pertransiit.* Porro sacerdos & Leuita descendētes
eadē via, sunt sacerdotiū & ministeriū legis, quorū mini-
stri in eandē quoq; miserā inciderunt. Et cū essent secus
eum, & viderent eū, pertransierunt: quia sacerdotes & mi-
nistri legis cognouerūt quidē miserā humani generis: &
secus fuerunt per experiētiā & compassionem, & nō va-
lentes auxiliū ferre, præterierunt. Lex enim peccata mon-
strauit, non abstulit. Misericordia autem Christi ostēditur
eū subditur: *Samaritanus verò iter faciēs, venit secus eum.*
Sapē Samaritanus, qui interpretatur custos, est Christus,
hominū custos. Qui iter faciēs de cœlo in mundū factus
est vicinus homini per humanitatem: *Et videns, miseras
eius, misericordia motus est. Et appropians, per cōpassio-
nem, aligauit vulnera eius, per correctionē & pœnitentiā
infundens oleū & vinū, id est, suauitatē & spem veniæ, &
austeritatē minarum.* Alligat vulnera eius, dum clamat,
Agite pœnitentiā, infundit oleum dum addit, appropin-
quabit enim regnum cœlorū, infundit vinum cū dicit:
Omnis arbor quæ non facit fructum bonum, excidetur, &
in ignē mittetur. Super iumentum suum posuit, cū pec-
cata hominis in corpore suo super lignū portauit. In sta-
bulum tulit, cū in sinu sanctæ Ecclesiæ, vt refoueretur,
posuit. Curam illius agit, cū homini modò prospera, mo-
dò aduersa, prout nouit expedire, immittit: Altera die, id
est, post Ascensionem, protulit duos denarios, dum noti-
tiam veriusque Testamenti dat Magistro Ecclesiæ, dicens
illi: Curam illius habe, corripiendo, erudiendo, confortan-
do, monendo. Et quodcunque supererogaueris, nouas
sententias, monitiones, & exempla addendo: Ego quum
rediero reddere vnicuique secundum merita sua, reddam
tibi. *Quis horum trium videtur fuisse proximus illi qui inci-
dit in latrones? Qui fecit, inquit, misericordiam in illum.* In
quo ostenditur fratres mei, propinquitatē gentis vel car-
nis nullā esse in comparatione illius quæ est charitatis &

Mat. 3.
Luc. 3.

compassionis. Quæ quia in Christo præ cæteris abundavit, præ cæteris est magis proximus noster & magis diligendus. Sed & post eum, quisquis est magis imitator eius magis est proximus noster, & magis diligendus. Vnde & subditur. *Vade & tu fac similiter.* Videlicet ut quemadmodum Christus fecit pro nobis, ita & nos pro eo faciamus, cum super omnia diligentes, nos & nostra pro eo ponentes, omni etiã homini pro eo charitatem & compassionem exhibentes persequentibus nos, iniurias nostras dimittentes, prauos, Deo, verbo & exemplo lucrifacientes, miseros cõsolantes, hospites suscipientes, nudos vestientes, famelicos reficientes, captiuos redimendes, cæterasque cõsimiles pietates Christo in membris suis facientes, vi ab eo extremã & æternam consequamur benedictionem, Amen.

DOMINICA XIII. POST TRINIT.

Gal. 5. **S**piritu ambulate, et desideria carnis non perficietis, &c.
 Quatuor hîc facit Apost. fratres mei. Primò monet nos viuere secundũ carnẽ: secundò demonstrat quãtã guera sit inter carnẽ & spiritum, teriò ostendit quẽ sint desideria carnis & quod dãmum afferant, quartò demonstrat quẽ sint desideria spiritus, & quã uilitatẽ cõferant. Primò ergo nos monens Apostolus viuere secundũ spiritũ, nõ secundum carnẽ, ait: Spiritu ambulate, & desideria carnis nõ perficietis. Ac si apertè dicat, desideria carnis nõ perficietis. Et est locus ab oppositis. Desideria quippè spiritus & desideria carnis opposita sunt, adeò ut nemo possit in hac vita desideria utriusq; simul facere. Desideria enim spiritus sunt, mundum contemnere, ad cœlestia toto nisu anhelare, modico cõtentum esse, amare ieiunia, sobrietatem, vigilantiam, castitatẽ, temperantiã, iustitiã, cæterasq; virtutes. Econtrariò verò desideria carnis sunt, mundũ amare, cœlestia cõtèmere, in terrenis diuitiis abundare, comestari, inebriari, dormire, luxuriari, superfluè viuere, atq; iniuriis, & huiusmodi. Porro nõ ait Apostolus, spiritu ambulate & necessitates carnis nõ perficietis. Benè enim fratres mei, possimus simul & spiritualiter viuere, & necessitates carnis facere: ut modestè comedere, bibere, dormire, modestè possidere, & huiusmodi. Vnde Paulus ad Rom. ait: ne feceritis curam carnis, sed ait vigilanter, ne feceritis curam in

*Desideria
spiritus.*

*Desideria
carnis.*

Rom. 13.

ram in

ram in desideriis carnis, necessitatem concedendo, & superfluitatem prohibendi. Rursus non ait Apost. & desideriis carnis nō mouebimini, præsertim cū motus nostri carnales in potestate nostra non sint. Sed ait: & desideria carnis non perficietis, id est ad effectum non ducetis. Spiritualiter enim viuere, & tamen aliquando moueri desideriis carnis possumus. Sed spiritualiter viuere, & desideria carnis ad effectum ducere simul nō valēmus. Proinde fratres mei, spiritualiter viuere conemur, vt turpia desideria in nobis nascentia, & si nō omnino amouere, tamē cōpescere & refrenare valeamus. Beatus enim, inquit David, qui tenebit, id est, retinebit, & allidet paruulos suos, id est, nascentes carnis suæ motus, ad petrā, id est, ad Christum.

Sequitur pars secunda, in qua ostēditur quāta guerra sit inter spiritū & carnē, cū subditur: *Caro enim concupiscit aduersus spiritū, & spiritus aduersus carnē, vt nō quæcunque vultis, illa faciat.* Caro enim sæpē impedit, ne faciamus voluntatē spiritus. Et spiritus sæpē impedit, ne faciamus voluntatē carnis. Videntur autem hic fratres charissimi, quinq; inquirēda. Primò enim quare caro dicatur cōcupiscere aduersus spiritū, cū caro nihil possit nisi per spiritū. Caro hoc in loco fratres mei, nō vocatur sola caro, sed sensualitas cum carne. Duæ quippē sunt vires siue potētie, spiritus superior & inferior. Superior est ratio, quæ cōtēstia cōtemplatur & quærit. Inferior verò est sensualitas, quæ per quinque officinas corporis tēporalia sola desiderat & quærit. Superior ergo pars spiritus vocatur interior homo, siue spiritus. Inferior verò pars cū carne, vocatur exterior homo siue caro, ideo quia à carne sola habet quod tēporalia desiderat & quærit. Hinc est quod homo, qui viuīt secundū sensualitatē, homo carnalis, imò etiā totus caro dicitur. Sicut ecōtrario ille q̄ viuīt secundū spiritū, homo spiritualis; imò etiā spiritus dicitur. Secūdo quæritur vnde est tantā repugnantia inter spiritū & carnē, id est, inter rationē & sensualitatē, vt altera cōcupiscat contra alterā. Ex culpā prothoplasti. Ante enim culpā creatus sic & ordinatus erat homo à Deo, vt nullā in se sentiret rebellionem; sed spiritus suo creatori subditus & obediēs esset, caro verò siue sensualitas spiritus in omnibus sine cōtradictione

Psal. 130.

Dua potētie spiritus.

pareret. Quia verò spiritus peccādo in obe diēs Deo fuit,
 inde merito suū inferius, id est, carnalitas cū sensibus suis
 ei obedite cōtemplit. Hinc est q̄ Adā post peccatū se nudū
 vidit, id est, se gratia & dominio (quod habebat in mēbris
 suis) spoliatū cognouit. Est ergo hāc repugnātia in homi-
 ne, nō ex natura, sed potius ex peccato pœna inflicta. Ter-
 tio quæritur quare Dominus à seruis suis hāc repugnantia
 nō tollit, quia fratres mei, nouit Dominus, eā seruis suis
 esse vtilē tribus modis. Reddit enim eos humiliores, ne sei-
 licet de se p̄sumant, dū internam rebellionē nō ex se, sed
 ex sola gratia se posse superare vidēt. Reddit eos erga alios
 misericordiores, ex propria enim miseria quomodo aliis
 misereri debeāt addiscūt. Reddit eos victoriosiores, quā-
 tō enim maiore sentiūt & vincūt pugnā, tantō maiore cō-
 sequentur coronā. Quartō quæritur quomodo in hac in-
 terna & tam familiari guerra poterimus victoriam obti-
 nere. Non per nos fratres mei, sed per solā Dei gratiā. Vn-
 de Apost. Infelix, inquit ego homo, quis me liberabit de
 corpore mortis huius? Gratia Dei per Iesum Christum.
 Sed quoniam gratia Dei non præuenit dormitantibus, si
 volumus hanc rebellionem vincere in nobis, instandum
 est vigilanter orationi, & carnis macerationi. Porro fratres
 mei, super motus cordis & carnis nostræ, vigilare conti-
 nuē debemus: malos, si surrexerint, omnino extinguē-
 do: bonos, etiam si p̄cesserint corrigendo, non simus si-
 cut quidā carnales homines, qui nullam in se cognoscunt
 rebellionem: sed omnem motum surgentem recipiunt, &
 nulli tentationi obsistunt. Oremus etiam & contra pra-
 uos motus nostros auxiliū desuper quæramus, dicētes cū
 Psalmista: Domine vre renes nostros, & cor nostrū, viden-
 cet ne illi malē dilectetur, vel illud malē cogiter, igne san-
 cti spiritus expurga. Carnē quoque ieiuniis & orationibus
 atq; laboribus maceremus, & spiritui eā seruire cogamus
 quia duorum rebellium, quorū alter debiliior, tantō alter
 fortior est. Vnde Apostol. Quando, inquit, infirmor, tūc
 fortior sum & potens: subaudis secundū spiritum. Quina-
 tō: si (vt ait Apostolus) non facimus ea quæ volumus, vel
 si facimus ea quæ non volumus, quomodo ad præmium
 vel ad pœnā sunt nobis imputanda. Dux voluntates fra-
 tres

Rom. 7.

Psa. 31.

2 Cor. 13.

Rom. 7.

tres mei, cōtrarię sunt in homine, vna rationis, altera sensualitatis, siue carnis. Sed secundū illā quę superat nolētes iudicamus. Vult enim quilibet malus saluari, voluntate rationis, sed voluntate carnis hoc nō vult, dū per eam volūtati contraria facit. Quia ergo volūtas carnis in eo superat voluntatē mentis, magis nolens quā volēs saluari, debet iudicari. Similiter aliquis bonus vult voluntate carnis cognoscere alterius vxorem, sed secundū voluntatem spiritus hoc nolens, voluntatem carnis refrēnat, hic magis nolens quā volens cognoscere mulierem debet dici. Propter hanc duplicem voluntatem dicit Salomon: Vult & non vult piger. Omnia ergo quę facimus fratres mei, secundū voluntatem quę superat, non secundum eam quę superatur, nobis debent imputari. Propterea fratres, carnis voluntatem in nobis refrānemus, & bonam spiritus voluntatem in nobis nutriamus. *Quod si, inquit, spiritus tu ducimini, nō estis sub lege.* Carnales & peccatores sub lege arctantur: Spirituales verō viri lege non indigent, cum propria ratione regantur. Vnde Apostolus: Lex, inquit, non est posita iustis, sed iniustis & peccatoribus.

Due voluntates in homine contraria.

Prover. 17.

Sequitur pars tertia, in quā Apost. enumerat desideria carnis, dicēs. *Manifesta autē sunt desideria carnis, quę sunt fornicatio, immunditia, impudicitia, luxuria, idolorū seruitus, &c.* Dicitur autē fornicatio omnis coitus præter legitimū. Immunditia verō est omnis coitus cōtra naturā. Impudicitia est omnis impudētia quę fit vel in verbis, vel in moribus, vel in gestibus dissolutis. Luxuria est omnis luxus vel ciborum vel vestiū, vel quarumlibet superfluitatum. Idolorū seruitus, duplex est. Alter eorum qui cultum Deo debitum exhibēt creaturę. Alter eorū qui creaturam præponunt creatori, vt avarus, qui præponit nummum Deo, & luxuriosus meretricem, & gulosus ventrem. Veneficia sunt quę per venena, vel magicas artes exercentur. Inimicitia sunt quando non vitia, sed ipsi homines odio habentur. Contentiones sunt pugnae verborum factę vel de re inutili, vel de vili inutiliter. Emulationes sunt maiorū in prosperitate sua. A quib⁹ nos dehortatur David, dicēs: Noli æmulari in malignantib⁹, neq; zelaueris faciētes iniquitatē, quoniā tanquā focum velociter arescent, &c.

Idolorum seruitus duplex.

Emulatio. Psal 36. Dissensio secta.

Ira. Ira sunt cōmotiones mentis cōtra hominē, non cōtra vitium, vel cōtra vitium immoderatē. Rixę sunt alternę & cōtumeliosę lacerationes ad modum canū, vnde & à ringo ringis, rixę denominatę sunt. Dissentiones sunt, quando aliqui à veritate, vel ab vsu cōmuni pertinaciter dissentiūt.

Inuidia. Sectę sunt, quando aliqui vnitatē fidei, vel charitatis, vel cōmunitatis scindunt. Inuidię sunt, quādo aliqui de bonis aliorū vitur. De qua Poēta dicit: *Iustius inuidia nihil est, quę prout ipsum auctore dānat, excruciat quę suē.*

Homicidia. Homicidia dicuntur pluraliter, quoniā sex sunt species homicidiorū. Et ebrietates sunt frequētes & immoderate potationes. Comestationes sunt frequentēs, immoderateq; epulationes. *Et his similia*, inquit, subaudi vitia, quę prædico vobis, sicut prædixi, vt scilicet caueatis ab his dum habetis tēpus pœnitentię & emēdationis. Nā hęc & similia vitia adeo sunt dānosa, quoniā qui talia agūt, subaudi finaliter, regnū Dei nō consequētur, id est, dānabuntur, nullū est enim mediū. Propterea fratres mei, omni sollicitudine ab huiusmodi caute. Sed & si fortē aliquādo talia fecistis, dū licet, pœnitētę lachrymis vos ablucere mēmētote.

Sequitur pars quarta, in quā enumerat Apōst. desideria spiritus, dicens: *Fructus autē lucis sunt, charitas, gaudiū, pax, patientia, longanimitas, bonitas, fides, mansuetudo, modestia, cōtinentia, castitas.* Sed quare Apostolus loquēs de vitis, ait: *opera carnis*, loquēs verò de virtutibus, ait, *fructus lucis*? Quoniā vitia tanquā opera caduca citò cadunt & transeunt, virtutes verò tanquā fructus multiplicantur, & mentē illumināt, & ad lucē æternā trahūt. Charitatē autē, id est, dilectionē Dei & proximī, ideo cæteri preponit, quoniam ipsa est fons & origo omniū virtutū, hac enim habita, cætera habentur, & qui hanc nō habet, factus est omniū reus. Gaudiū, non seculare, cuius extrēma luctus occupat: sed spirituale, quod est in spe, vel in re spiritualis & æterni boni. Pax nō illa, de quā Dominus: *Non veni*, inquit, pacē mittere in terrā, sed gladiū: sed illā quę pacificatur homo Deo, sibi, & proximo. Patientia quę est æquanimitas aduersa sustinendi. Longanimitas, quę est virtus per quā sine fātigatione longius aduersa sustinemus & prēmia speramus. Fides, quę est perceptio inuisibiliū, ad

salus

salutē pertinentiū cum assensione. Bonitas, quæ est virtus omnē detestans malitiā. Benignitas, quæ est virtus prompta & exposita ad benefaciendū. Mansuetudo, quæ est virtus faciens nos tractabiles & humiles ad obediendū. Modestia, quæ est virtus refrēnans in nobis prauos motus, & omnē intemperantiā. Continentia, quæ est virtus etiam à concessis continens. Castitas, quæ est virtus castrans in nobis omnē libidinē. Et quā vtilitatē cōferunt ista? Libertatem à iugo legis & vitiorū. Vnde & subdit: *aduersus huiusmodi nō est lex*: id est tales nō damnat, neq; premit lex, sicut Iudæos. *Qui autem, inquit, sunt Christi, carnē suam crucifixerunt cum vitiiis & concupiscentiis*, id est, qui supradictas virtutes Christi habent, vitia & carnales concupiscentias in se mortificauerunt, & Deo viuunt. Propterea vitia & carnis petulantiam per ieiunia, vigilas, labores, & orationes, in nobis mortificemus. Charitati, paci, patientiæ, temperantiæ, castitati, cæterisq; virtutibus insistamus, vt mortui mundo, viuamus Deo: & hęc vita spiritali, & in futuro vita cælesti. Per Dominū nostrum Iesum Christum, qui cū Patre & Spiritu sancto viuit & regnat Deus. Per omnia secula seculorum. Amen.

DOMINICA XIII. POST TRINIT.

Cum iret Iesus in Hierusalē, trāsibat per mediā Samariā & Galileā. Et cum ingrederetur quoddā castellū, occurrerūt ei decē viri leprosi. In hac S. Euāgelij lectione, fratres chariss. primò iuxta literā sex sunt consideranda. Domini circa salutē hominū sollicitudo, eiusdem prona misericordia, legis obseruatio, leprosorū fides & obedientia: diuina in Christo potentia: quantum sit bonū gratitudinis, & quantum malum ingratiutinis. Porro sollicitudo Domini circa salutē hominū in hoc apparet, quoniā cū pro salute hominū de cælis descendisset ad terras, dum fuit in terra, semper circa eandē rem fuit sollicitus eundo in labore & siti, & per insidias de loco ad locū circumeundo vrbes & castella, & loca, in quibus præsciebat aliquē ad vitā prædestinatum, se inuenturū: vt ita filios Dei (sicut ipse ait) qui erant dispersi, congregaret in vnū. In quo pastoribus S. Ecclesiæ exemplum dedit: idem faciendi. Hoc sequentes fecerunt Apostoli: hoc & reliqui Patres præponentes quietem suam

Luc. 17.

Iohan. 11.

HOMILIAE

suam per labores, penurias, & infidias, pergebant Deo lucrum facere animarū. Heu quid dicā super pigritiam modernorum Pastorum, qui spernentes salutem animarū, de quiete sua nunquā exeunt, nisi fortē trahat eos lucrū pecuniarum. Quos si fortē pauper decubans in grabbato ad se vocauerit, super anima sua ab eis consiliū quēsiturus, indignantur & cōtemnunt ire, vbi sciunt lucrū pecuniarū deesse: vel si fortē timentes auctoritatē maioriē inuiti eant, causantur tempora & vias, & maledicūt infirmis, pro quibus orare debuerant. Sed isti in numero pastōrū habendī nō sunt, sed mercenariorum. Misericordia autē Christi in hoc apparuit, quoniā vt vidit decē leprosos, cori ū misertus est. Dās nobis exēplum, vt semper erga miserorū afflictionē, viscera misericordiē in nobis habeamus. Vnde ipse alibi dicit, Esote misericordes, sicut & pater vester celestis misericors est. Quod apertē cōtra illos est, qui ac si ferrei essent, aliorū miseria nulla mouētur cōpassione. Sed vt ait Iacob. Iudicium sine misericordia fiet ei, qui non fecerit misericordiam. Legē etiā se obseruare Christus demonstrat, quādo iuxta quod in lege scriptū erat, leprosos mittit ad sacerdotes. Porro fratres, si subtiliter inspiciamus, triplici de causa misit Dominus leprosos ad sacerdotes. Prima est, vt in hoc se nō destruere legē, sed adimplere demonstraret. Secunda, vt sacerdotes honoraret, & eos honorandos esse, & offerendas eis faciendas demonstraret. Vnde cōfutantur illi qui sacerdotes Domini ob viliorē eorum vitam honorare & eis deferre detrectant, nō cōsiderantes quod nō ministrum in se, sed Deum in ministro honoramus: & quod sacerdoti nō propter se, sed Deo, in eo supplicamus & offerimus. Tertiā causa est, vt spiritualement lepram, id est culpam criminalem. Sacerdoti per confessionem significaret esse demonstrandam. Fidem quoq; & spem se habere leprosi restati sunt, quando Iesu miserere nostri, clamauerunt. Nisi enim eum misericordiā talē sibi posse cōferre crederent, eum nunquam super hoc rogarent: & nisi sperarent, sanitatē ab eo non postularent. Obedientiā etiam Domino exhibuerunt, cū ad eius praeceptum mox ad Sacerdotes cucurrerunt. Sed considereinus fratres mei, hīc quanta sit virtus obedientiāe fidelis. Non enim legitur hic quod vs-

Eut. 6.

Iacob. 2.

Quare Christus leprosos misit ad sacerdotes.

Confessio.

que

que ad sacerdotes peruenerint, sed in cœpto & proposito eundi mūdātī sunt, & voluntas prō factō reputata est. Hic fratres cōtēdamus habere virtutē fidei & obedientiæ. Si enim habes fidē & obedientiā, & si non potes quod iubeas, fac quod potes: & pro factō reputabitur. Vt enim ait Samuēl: Melior est obedientia quā victimæ. Legimus autem in vitis patrum, quod cū quidā Abbas vellet obedientiā cuiusdā nouitij tentare, præcepit ei vt in elibanū ardentem profliret. In quē cū ille dicto citius proflisisset, incōbustus exiuit. Maurus quoq; ad iussū S. Benedicti Placidum puerum de aquis extrahens more Petri super aquas ambulauit. Quid plura? Quid boni obedientiæ habeat, malum inobediētiæ prothoplasti demonstrat. Diuinam verò se habere potentiā Dominus demonstrauit, quando leprosos absentes sine alicuius facti vel dicti adminiculo, sola volūtate sanauit. Vt apertē demonstraret se illum esse, de quo Propheta canit: Dominus autem in cœlo, omnia quæcunque voluit, fecit. Quantum autem sit bonum gratitudinis, & quātum sit malum ingrati tudinis, ostenditur, cū subditur: *Unus autē vt vidit quia mundatus est, reuersus est cum magna voce magnificans Deum, Et cecidit in faciem suam ante pedes Iesu gratias agens.* Consideremus autem fratres mei, quod dicitur: Vt vidit quia mūdatus est, & quod cum magna voce magnificans Deum, & quia cecidit in faciem suam ante pedes Iesu gratias agens. Vidit, quia mundatus, id est videns de se tali prius perculpā, talem factum esse per gratiā, reuersus est non solum corde, sed etiā opere, ad suum mundatorem, magnificans diuinā potentiā: magna voce, nō tam clamorosa, quā deuota: cecidit in faciem suā: de meritis suis se cadere cognoscens: & emendationē suam olim auctori adscribens: & de gratuito bono illi gratias agens. Bene autē hic Samaritanus, id est custos erat, quia collatū sibi beneficiū in memoriā custodiebat. Et hoc cōtra illos qui beneficii immemores fuerunt. Quantum verò sit malum ingrati tudinis, ostenditur cū Dominus ait: *Nōne decē mūdātī sunt, & nouē vbi sunt?* Ac si apertē dicat: quia ad agendas gratias non reuersi sunt, idcirco, vt debuerunt, per malum ingrati tudinis deuoluti sunt ad pristinam lepram, imò peiorē quā

3. Reg. 17.

Psalm. 119.

anteriorē. *Non est, inquit, inuentus qui rediret & daret gloriā Deo, nisi hic alienigena.* Ac si dicat, noti & cognati mei, mox tuo semper mihi ingrati existunt. Cūq; multi diuina sint experti beneficia, nō inuenitur qui Deo gratus existat, nisi vnus, amator charitatis & vnitatis. Nam etiam ipsi Iudæi indignè mihi de collatis sibi beneficiis ingrati existunt, sed Gentilis alienigena, qui per legem ad agēdas gratias instructus non est, mihi solus gratus est. *Fides, inquit, tua te saluū fecit.* Quare Dominus in huiusmodi dicere solitus erat, *fides tua te saluū fecit*, quā spes vel charitas tua? Sicut enim illa: ita & hæc ad salutē sunt necessaria. Sed tunc cū essent sepe omnes infideles, primò fides quærebatur, quæ est fundamētum omniū virtutum. Nec tamen intelligēda est hic fides sola, sed fides cum spe & dilectione. *Vade, inquit, in pacē*, id est in pacē mētis profice, vsq; in pacem æternitatis. Iuxta mysticū verò sensum, quæ tuor nobis cōsideranda sunt. Primò quo & per quā viam debeamus ire. Quo? in Hierusalē. Per quā viam? Per mediam Samariā & Galilæā, id est per custodiā mādatorum Dei, ita peregrinare debemus, vt nec ad minus, nec ad nimis declinemus. Ita medioeritatē virtutum teneamus, vt nec ad vltiora, nec ad citeriora vitia appropiemus. Ita teneamus largitatem, quod nec ad prodigalitatem, nec ad auaritiā declinemus: ita iustitiā, quod nec ad credulitatē, nec ad laxitatem appropiemus: & similiter in cæteris. Debemus etiā desiderio trāsmigrare ad cœlestia, & sursum habitare mēre: vt dicamus cum Propheta: Portio mea hæc in terra viuentiū. Et illud: Quid enim mihi est in cœlo, & à te quid volui super terrā? Qui enim hic mente habitāt, ad cœlestē Hierusalē nō pergunt. Secundò insinuat nobis ab istis decē leprosis, quomodo debeamus postulare à domino intus mundari. Illi enim domino occurrerunt, à longē steterunt, vocē suā leuauerunt, & dixerunt, *Iesu præceptor miserere nostri.* Per decem leprosos significatur illi, qui quāuis decalogū legis professi, per aperta crimina notabiles sunt. Quales (quod sine gemitu dicere nō possum) pleriq; nostrū sunt. Si ergo fratres, peccatis leprosi sumus, exēplo horū Domino per gratiā venienti, occurrere debemus per desideriū. Nec esse graues, oportet ad surgendum.

sicut

Psal. 141.

Psal. 72.

sicut quidā sunt, qui vix flagellis & tribulationibus emendari volunt. Siemus etiā à lōgē, vt scilicet proprię leprę cōscij nos humiliemus, iudicātes nos indignos, q̄ vel accedamus cōsortio hominū vel sanctuario Dei, sicut Publicanus fecisse legitur. Leuemus etiā vocē nostrā magis deuotione q̄ clamore: nō alienā vocē, sed de affectione intimi cordis procedentē. Et dicamus fide & deuotione, Iesu pręceptor, cuius scilicet pręcipere est facere, miserere nostri, nos à lepra peccatorū abluēdo. Tertiō insinuat nobis Dominus, quomodo ipse criminosos à peccatis emūdet, cū ait: *Ite, ostēdite vos sacerdotibus*. Cū enim quotidiana & leuia peccata, qualibet leui satisfactione, etiā sine expressa cōfessione nobis dimittantur, leprā, id est, maiora crimina pręcipit nobis Dominus Sacerdotibus ostendere, & iuxta corū mandatū satisfacere. Sed quare cū per se Dominus ea mundare posset, Sacerdotibus cōfiteri pręcepit? Et triplici ratione. Vt scilicet nemo propter peccata desperaret, dum Medicū peccatorū iuxta se inuenire posset. Vt etiā in hoc quisq; mereretur, quod homini æquali scilicet suo se humiliaret: vt etiā alter alterius onera portaret. Sed quid est quod leprosi antequā perueniant ad sacerdotes, mūdantur in via: nisi q̄ peccatores dū penitēdo eunt vel ire volūt cōfiteri sacerdotib⁹, in hoc pposito à peccatis mūdantur? Hinc Dauid, Dixi cōfitebor aduersum me iniustitiā meam Domino, & tu remisisti impietate peccati mei. Quasi diceret, deliberaui apud me peccatū meū cōfiteri, & tu domine remisisti. Tamē nō idcirco spernant peccatores peccata sua sacerdotibus cōfiteri, quoniā ex cōtemptu tenerētur rei. Et si enim in cordis cōtritione peccata dimittantur, nō tamē Ecclesię esse dimissa ostēduntur, Deus quippē, vt auctor, soluit vel ligat. Sacerdos verò vt minister, ligatū vel absolutū esse demonstrat. Hinc est q̄ Lazarū, quē p se in tumulo suscitauerat, discipulis dominus iubet vt absoluant, & abire sinant. Quarto demonstratur nobis quomodo ingratiudinē fugiētes, de emūdatione aut gratiarū collatione gratias Deo agere debeamus Est autē triplex ingratitudo. Prima, illorum, q̄ de collato beneficio gratias Deo nō referunt. Secūda illorū, q̄ ad vomitū redeūt. Tertia eorū, q̄ talentū cōmendatum inuuliter abscondunt. Quibus om

Quare Dominus pręcepit cōfiteri.

Psal. 31.

Triplex ingratitudo.

- nibus nō solū p ingratitudinē gratiæ subtrahūtur, & vitia redeūt, sed etiā peiores efficiūtur, Domino alibi attestāte.
- Mat. 11.** **Luc. 11.** Et fūt, inquit, nouissima hominis illius peiora prioribus. Nos ergo fratres, exēplo decimi leprosi cōsideremus, quales fuerimus ex culpa nostra: & quales sumus ex gratia. Reuertamur corde ad Deū emundatorē nostrū: eius misericordiam magna cordis deuotione laudemus: & cada-mus ante pedes eius, non retro vt Heli in mortē, sed in faciē, id est, in ppiē fragilitatis cognitionē, nobis peccata, & Deo bonū q̄ habem⁹ attribuētes, & inde ei gratias semper referentes. Nec solū fratres, de bonis nobis collatis ei gratias referamus, sed etiā de dānis & flagellis, dicētes cū beato Iob: Si bona suscepimus de manu Domini, mala etiā quare nō suscipiamus? Dominus dedit, Dominus abstulit, sicut Domino placuit ita factū est, sit nomē domini benedictū. Agere. n. in prosperis gratias etiā quorundā maiorū est. Vnde Dauid: Cōfitebitur, inquit, tibi cū benefeceris ei. Agere etiā in aduersis gratias, tantū bonorū est: q̄ ipsa aduersa, magna dona esse intelligūt: p quæ pius pater filios, quos magis diligit, corripit. Inter quos fratres, hic corripī à Deo diligamus, vt cū eis cōsolati mereamur. Amen.

DOMINICA XV. POST TRINITAT.

- Galat. 3.** **S**i spiritu viuimus, spiritu & ambulemus, &c. Tripartita est hæc lectio, fratres chariss. Primò enim nos hortatur Apost. ad spiritualē vitā. Secūdò ostēdit quē vita sit spiritualis. Tertiò præcipit, vt subditi magistris tuis spiritualibus omnia bona sua cōmunicēt. Hortās ergo nos Apostolus primò ad spiritualē vitā, ait: Si spiritu viuimus, spiritu & ambulemus. Quatuor modis, fratres mei, accipitur hoc nomen Spiritus in sacra scriptura. Quandoq; enim ponitur ad significandū spiritum humanū: vt quādo dicitur, quod homo cōstat ex corpore & spiritu. Quādoq; verò ponitur ad significandum partem ipsius spiritus: superiorem scilicet rationem, vt ibi, Spiritus quidē promptus est, caro autem infirma. Quādoq; verò ponitur ad significandum interiorem literæ intellectum: vt ibi, Litera occidit, spiritus autem viuificat. Quandoque etiā ponitur ad significandum spiritum sanctum. Spiritus ergo secundum primam acceptionem, confert nobis, vt etiā uiuamus

*Quatuor
modi: in
scriptura
accipiuntur
spiritus.*

Mat. 26.
Luc. 24.
2. Cor. 5.

uamus corporaliter. Secundum verò secundam & tertiam & quartam acceptionem, confert nobis, vt viuamus spiritualiter. Ait ergo Apostolus: *Si spiritu viuimus, spiritu & ambulemus.* Ac si aperte dicat, si nec spiritualiter, nec etiam corporaliter possumus viuere, nisi ex spiritu, secundum spiritus, non secundum carnis voluntatem operemur. Non sumus ergo fratres mei, similes Adæ, qui abiit in cōsilio impiorum, suggestionibus scilicet vxoris & serpentis consentiendo, sed potius tentationes diaboli repellentes, carnem nostram ieiuniis & macerationibus cogamus consilio spiritus obedire.

Sequitur pars secunda, in qua ostendit Apostolus, quæ vita sit spiritualis: ea scilicet quæ vitia fugit, & virtutes sequitur. Vnde & subdit: *Non efficiamur inanis gloriæ cupidi*, subaudi nec cæterorum vitiorum. Sed ideo hic potius ponit vanam gloriam: quoniã ea præcipuè viros spirituales solet impugnare, qui habet multa bona vnde gloriantur. Est enim vana gloria, quãdo aliquid de bono quod habet vel habere videtur, nõ Deo, sed sibi met gloriam tribuit, vel querit, vel recipit. Ideo autem dixit de bono quod habere videtur, quoniam hypocrita etiam de bono quod simulat humanam gloriam captat. Cæteri, si gloriantur de bono quod habet, (de bono dico spirituali vel corporali) sed de corporali bono gloriantur & superbiunt, tantum seculares & bruti homines. De spirituali verò bono, plerumque ipsis magnis & spiritualibus viris accrescit gloria & elatio. Sed illorum omnium, alij de bono quod habent, sibi met attribuunt gloriam, à se, vel ex meritis suis illud se habere putantes. Alij verò exterius humanam captant gloriam, & si non sit qui eos laudet, ipsi se ipsos laudare nõ erubescunt. Alij autem sunt, qui etsi de bono suo laudem humanam nõ querunt, tamen ab alijs oblatam recipiunt. Qui quanuis ad laudem sibi oblatam erubescant, & se fateantur indignos, tamen intus ad auditam laudem animus gaudet & glorietur. Hæc autem gloria inanis siue vana dicitur: quia à gloria vera æternæ retributionis cassatur. Vnde Dominus de huiusmodi ait: *receperunt mercedem suam*, gloriam scilicet temporalem quam quæsierunt, non æternam. *Inuicem, inquit, prouocantes, inuicem inuidentes.*

Mat. 5.

HOMILIAE

Proprium est gloriosorum hominum, ut alios prouocent ad contentionem & certamen: ut in ipso certamine appareant superiores. Quod si eos superare non valent, inuident, & de bono eorum cruciantur. Nos ergo fratres charissimi, de bono si quod facimus: nec intus in nobis gloriemur: nec exterius ventulum humanę gloriolę captemus, nec oblatum recipimus: sed laudatis verba interrompamus, dicentes: Non laudaueris hominem in vita sua, lauda post mortem. Tunc enim nec laudans adulatur, nec laudatus tentatur. Sed quoniam non sufficit vitia cauere, nisi etiam bona faciamus, addit Apostolus: *Fratres, si preoccupatus fuerit homo in aliquo delicto, vos qui spirituales estis, instruite huiusmodi in spiritu lenitatis.* Hortatur autem hic nos ad cōpassionem, & ad instructionem delinquentium: quod maximi meriti esse testatur Iacobus, dicens: Si quis conuerti secerit peccatorem ab errore vię suę, saluabit animam eius à morte, & operiet multitudinem peccatorum. Porro aliter corripendi sunt fortiores & sapientiores, quando peccant: aliter fragiliores & rudiores: aliter qui peccant ex pręconsideratione: aliter qui ex pręoccupatione: aliter qui in pluribus: aliter qui in vno: aliter qui faciunt quod non deberent: aliter qui non faciunt quod debeant, quod est delictum. Qui enim fortior & sapientior est: vel qui peccat ex pręconsideratione: vel qui peccat in pluribus: vel qui facit cōtra pręceptum manifeste, grauius arguendus est. *At si homo, id est, fragilis, fuerit preoccupatus* subito, nō in pluribus, sed in aliquo delicto: *vos qui spirituales estis, ad quos scilicet pertinet peccantes corrigere: instruite huiusmodi, & hoc in spiritu lenitatis:* non eos scilicet deridendo vel execrando, vel ad desperationem prouocando (ut quidā solent) sed potius ad pœnitentiā exemplo peccatorum conuersorum trahendo, & veniā promittendo. *Considerans, inquit, te ipsum, ne & tu tenteris.* Ac si dicat, cū cōsideras homines, cōsidera quoq; te ipsum, qui homo & fragilis es, & similiter potes tentari, vel iam tentatus es. Et in te addisce, qualis inter ceteros esse debes. Nichil enim fratres charissimi, plus mouet hominē ad pietatē & cōpassionem, quā proprii periculi cōsideratio. Hinc est quod Dominus Petrum principē Apostolorum, primum

Iacob. 5.

permisit cadere, vt videlicet in seipſo diſceret quomodo cæteris miſereri deberet. *Alter*, inquit, *alterius onera portare, & ſic adimplebitis legē Chriſti*. Eſt onus peccatorum, & eſt onus neceſſitatum: eſt & onus moleſtiarum. Onus ergo fratres mei, peccatorum proximi portemus, pro eis orando, eos corripiendo, & ad emendationem vocando. Sic enim fecit Chriſtus: qui non ſolū peccata noſtra tulit, orando, corripiendo, & ad emendationem vocādo, ſed etiā penā pro eis in ſuo corpore portando. Ipſe eſt agnus qui tulit peccata mundi. Onus quoq; neceſſitatum proximi portemus, eius indigentis & afflictionibus cōpatiēdo, conſulendo, & ſubueniendo. Sic enim fecit & docuit Chriſtus, qui indigentis & afflictionibus humanis cōpaſſus eſt, cōſuluit & ſubuenit. Onus etiā moleſtiarum proximi noſtri portemus: indignationes, cōtumelias, & iniurias ab illis nobis illatas æquanimiter patiēdo, & pro eis aſſeſtuoſe orādo. Sic enim fecit & docuit Chriſtus, qui perſequentorū odia, cōtumelias & iniurias paſſus & cōpaſſus eſt: reddens pro odio dilectionem: pro cōtumeliis orationem: pro iniuriis beneficētiā. *Si quis autē*, inquit, *exiſtimat ſe aliquid eſſe (cū nihil ſit) ipſe ſe ſeducit*. Generaliter fratres mei, hoc verum eſt. Quia ſi quis ſe exiſtimat aliquid eſſe, in quo nihil eſt, ipſe vtiq; ſe ſeducit. Si quis æſtimat ſe non egere aliorum auxilio, ipſe ſe ſeducit. Si quis æſtimat ſe ex meritis ſuis aliquid eſſe, vel reſpectu aliorū, ipſe ſe ſeducit: Et huiuſmodi: *Opus ſuum probet vnusquiſque: & ſic gloriam in ſeipſo tantū habebit, et non in altero*. Porro opus probū & probatū eſt, quando & in genere eſt bonū, & in intentione, & à vana gloria vel ſuperbia eſt incorruptū. Multi quippè faciunt opus bonū in genere, ſed diſtortum intentione, vt ille qui facit eleemoſynā propter vanam intentionē. Multi quoq; faciunt opus bonū in genere, & rectū intentione: ſed corruptum à vana gloria vel ſuperbia, vt quando ſcilicet ex latere ſe adiungit vana gloria in faciēdo, vel poſt factum. Quādo autem in ipſa intentione eſt vana gloria, facti ſunt hoſtes in capite: quādo verò ſe adiungit rectæ intentioni noſtræ: iuxta iter ſcandalum poſuerunt nobis, quādo verò ſequitur poſt factū, calcaneo noſtro inſidiati ſunt. Qui ergo opus ſuū probat

Ioh. 1.

Pſal. 139.

HOMILIAE

in genere & in intentione, & in cōseruatione, ille, inquit, gloriam in seipso tantum habebit: Non ait à seipso, quia à Deo tantum gloria vera est. Sed in ipso, id est, in conscientia sua: non extra. Quod exponens subdit, *Et nō in altero*: id est, non ex malorum, vel minus bonorum cōparatione vel ex adulatorū laudatione, vt pleriq; faciunt, sibi gloriā attribuentes: Qui enim ita gloriatur, decipitur. At qui de bono sibi à Deo dato, gloriatur in Deo, apud seipsum bene agit. Vnde Apostolus: Gloria, inquit, nostra, testimonium est conscientiae nostrae. Nunquid maius malum vel minus bonum aliorū est laus nostra? minimè. *Vni quisque enim onus suum portabit.* Non est autem fratres, hoc cōtrarium ei quod superius dictū est. Alii alterius onera portat. Hoc enim dictū est contra illos, qui ex alieno peccato, se vel laudari vel maculari putāt. Vnusquisque enim onus, id est, poenā sustinebit pro peccato suo, non alieno: nisi fortè alienum peccatū per cōsensum vel per incuriam faciat suum. Illud verò dictum est, contra illos qui adedūri sunt, quod nesciunt cōpari proximorū indigentiae vel fragilitati. Nos quoque fratres ita cōpatiamur peccatoribus, quod eorū peccatis per consensum non inuoluamur: & ita refugiamus proximorum peccatis inuolui, quod eis per compassionem approximemus.

Sequitur pars tertia, in qua praecepit Apostolus, vt subditi omnia bona sua communicēt spiritualibus magistris suis, dicens: *Communicet autem is qui catechizatur*, id est, instruitur verbo, *ei qui se catechizat in omnibus*, quod etiam Dominus in Euangelio praecepit. *Quare?* Triplici

Lac. 10. ratione. Primò quia debitū est. Vnde Dominus: Edentes, inquit, & bibentes quae apud illos sunt. Dignus est enim

2. Cor. 9. operarius cibo suo. Et Apostol. Si vobis, inquit, spiritualia seminauimus: magnū est si vestra carnalia metamus. Et

Deut. 25. Dominus in lege: Non alligabis, inquit, os boui triturati. Secundò quia expediens est. Si enim necesse esset spiritua- lem magistrū esse sollicitum pro necessariis corporis, im- pediretur à lectione & oratione, & praedicatione, & à cae- teris spiritualibus studiis, in quibus propter subditos de- bet vigilare. Propterea vt esset expeditus ad spiritualia, praecepit Dominus, vt à subditis acciperet necessaria. Vnde

de

de & in eo superfluitas capillorū & barbę refecatur: ne visum vel auditum, vel ceteros eius sensus impediāt, vt per hoc intelligat a se debere refecari exteriorū curarū superfluitatē. Tertiò, quia vtile est. Vtile est enim secularibus personis, vt per subministratiōē temporalium, se participes faciant meritorū spiritualium virorū. Vnde Dominus: Qui recipit, inquit, Prophetā in nomine Prophetę, mercedem Prophetę accipiet. Non ait mercedem pro Prophetā recepto, sed mercedē Prophetę. Qui enim Prophetā vel prædicatorē suscitat, ne a spirituali opere deficiat: quodāmodo mercedē Prophetę facit suam. Hinc Dominus per significationē inter viles vel fructiferas arbores etiā vlmū ponit, dicens, per Esaiā: Dabo in solitudine Cedrū, & spinā, & mirtum, & lignum oliuę, ponā in deserto abietem, vlmum, & buxū simul. Quāuis enim vlmus sit sterilis, tamen vitem cum fructibus solet sustinere. Per quod significatur, quod inter spirituales viros in Ecclesiā Gentium Dominus seculares personas ponit, qui quāuis nō habeant fructum spiritualium virorū, tamen spirituales viros cum fructibus suis, beneficiis temporalibus sustentāt. Sed quia quidam subditi avari solent se excusare per inopiā, subdit: *Nolite errare, Deus non irridetur*, quasi dicat excusando, vos hominem fallere potestis, non Deum. Et propterea bona quę potestis, facere debetis. Quia qui in hac vita non seminat bona, in alia vita non potest metere bona. Vnde & subdit: *Quę enim seminauerit homo, hæc & metet.* Nam qui seminat in carne, id est, qui carnalia & mala opera facit, de carne metet corruptionē, id est, pœnā. Et qui seminat in spiritu, id est, qui secundū voluntatem spiritus operatur, de spiritu metet vitā aternā. Bonū ergo faciētes nō deficiamus. Tempore enim suo metemus nō deficiētes, quasi dicat, qui nō deficit in satione, nō deficiet in messione. *Faciamus ergo*, inquit, *bonū ad omnes*, supple q̄ possumus, & cuius vnumquemq; egere videmus. Quod autem legitur: benefac iusto, & non dederis impio, non naturę, sed impietati auxiliū denegat faciendū. Sed cum omnibus benefacere debeamus: *maximē tamē ad domesticos fidei.* Cū enim & Iudæis & Paganis bonū facere debeamus, tamē præcipuē Christianis, & inter ipsos Christianos, eis qui

Mat. 10.

Esa. 41.

Luc. 12.

HOMILIAE

magis fraternitate, sanguine, familiaritate, nobis cōiuncti sunt, ordinatā enim debemus habere charitatem. Itaque fratres, viscera benignitatis & pietatis erga omnes habeamus, iuuātes hunc re, hunc verbo, hunc protectione, hūc consilio, hunc correctione, hunc admonitione, omnes verò voluntate & oratione quatenus hīc largē seminantes, in æterna largius metere mereamur: per Dominum nostrum Iesum Christum, qui cum Patre & Spiritu sancto uiuit & regnat Deus, per omnia secula seculorum, Amē.

DOMINICA XV. POST TRINIT.

Mat. 6.

Tres hominum species.

Ioan. 3.

Nemo potest duobus dominis seruire. Sicut ex hac sancti Euāgelij lectione fratres chariss. nobis innuitur, tres sunt hominū species. Alij enim seruiūt Deo: alij mundo: alij vtrique seruire volūt, sed non possunt. Porro Deo seruiūt, qui ei toto corde & principaliter adherēt, & ei obsequuntur, quæ seruitus beata & desiderabilis est & benedicta, nam scriptū est, Deo seruire, regnare est. Mundo verò seruiunt, qui ei principaliter adherent, & cupiditatibus obsequuntur: quæ seruitus infelix est & misera. Nam scriptū est. Qui facit peccatū, seruus est peccati. Et quot vitii peccator famulatur, tot dominis dæmonis subiugatur. Deo autē & mundo seruire volūt simul, qui volunt sequi partim iussū Dei, partim cupiditates seculi. De qualib' Salomon: Væ inquit, homini ingredienti duabus viis. Duabus viis graditur, qui vult gaudere cum seculo, & cū Deo qui vult facere quæ sunt mundi, & quæ sunt Dei. Cū dīco mundum, mundi concupiscentiā intellige. Cōtra quos primò hīc ostēdit Dominus neminē posse duobus dominis seruire. Secūdò sollicitudinē mundanā prohibet. Tertiò quid querere debeamus, ostēdit. Ait ergo: *Nemo potest duobus dominis seruire, cōtrariis. Aut enim alteri odio habebit, id est, diabolum siue mundum, & alterum, id est, Deum, diliget, aut alteri om, id est, diabolum, sustinebit & alterum, id est, Deum, contemnet.* Eleganter loquutus est sustinebit. Nemo enim diabolum diligit, quamuis eius faciat voluntatē: Sed sicut aliquis amās ancillam alicuius tyranni, nō tyrannū diligit, sed propter amorem ancillæ, duram eius patitur seruitutem. Ita homines mundani nō diligunt diabolum, sed propter amorē mūdanz voluptatis: eius

eius sustinent tyrannidē, Non autem ait: *Deum odio habebit*, quia vix conscientia alicuius Deū potest odisse, à quo habet esse vivere & sapere. Sed propter amorē mūdi eum contēnit. Qui autē sint illi duo Domini, exponit, cū subdit: *Nō potestis Deo seruire & Mammonæ*. i. diuitiis. Māmon enim dicitur dæmō, qui suggerit hominibus amorē diuitiarū. Non autem ait: non potestis Deo seruire, & dominari diuitiis, nā hoc fideles possunt. Vos ergo fratres, qui habetis mundanas possessiones, diuitias, vxores, & liberos, notate quæ hīc dicūtur, pēsate in animo vestro quæ hīc dicuntur: Si enim principaliter Deo adheretis, & cum diuitiis, vxoribus, liberis, & honoribus præfertis, malētes omnia perdere quā Deū offendere, Deo seruitis, & rectē viuetis. Sin autē (q̄ absit) amorē diuitiarū, honorū, coniugij, & liberorū, Deo præfertis, eligentes potius offendere quā illa dimittere, nō Deo, sed mūdo seruitis, facti serui miseri & miserabiles. nō solū mundi, sed etiam diaboli. Sequitur pars secunda, in qua prohibet Dominus sollicitudinē temporalīū, dicens: *Nō ergo solliciti sitis animæ vestræ, quid manducetis, aut corpori vestro, quid induamini*. Non autē ait, nō sitis prouidi, nō enim prouidentia tēporalis, sed sollicitudo prohibetur. Porro sollicitudo est quæ amorem & intentionem æternorum in nobis suffocat & extinguit. Vnde alibi in parabola dicit: quod exortē spinæ suffocauerunt verbū Dei. Prouidere verò secundū Deum vnde tribuamus nobis & nostris & etiā pauperibus necessaria; bonū est. Quod verò alibi dicitur: Nolite cogitare de crastino: cogitare ponitur pro futuro remoto, vel pro sollicitū esse: contra illos, qui necessaria in multos annos enaceruant. Quod verò de cibo vel vestimēto solliciti esse non debeamus, probat à maiori subdens: *Nōne anima*. i. vita, *plus est quā esca: & corpus plusquā vestimentū*? Ac si diceret: Deus qui dedit nobis maiora. i. vitā & corpus: dabit quod minus est, id est, victum & vestitum: Rursus probat à minori nos de victu non debere sollicitos esse, cū subdit: *Respicite volatilia cæli, quoniam non serunt, neque metunt, neque cōgregant in horrea: & Pater vester cælestis pascit illa, nōne vos pluris magis estis illis?* id est, maioris preij apud Deum. Ac si diceret: Si Deus dat volatilibus

Luc. 3.

Mat. 6.

HOMILIAE

cibum sine sollicitudine eorū, quantò magis dabit cibum vobis, qui utiq; estis rationabiles, ad imaginem Dei facti. Mysticè verò per volatilia, vani & mali homines huius mundi accipiuntur, qui volitant per curiositatem, eleuantur per superbiam, deponuntur in terrā per cupiditatem: nō de labore suo viuunt, sed de alieno per rapacitatem. Quibus si Dominus sui contemptoribus dat cibum, quantò magis fidelibus suis? Rursus quod de vestitu non debeamus esse solliciti, probat à minori, dicens: *Cōsiderate lilia agri, quomodo crescūt, nō laborāt neq; nent. Dico autē vobis, quod nec Salomō in omni gloria sua coopertus est sicut vnū ex istis.* Ad iterā nulla purpura vel sericū, quo Salomon, vel aliquis gloriosus in mūdo vestitus est, potest floribus cōparari. Quid enim ita cādet vt liliū? Quid ita rubet, vt rosa? Si autē, inquit, *foenū agri quod hodie est, et cras in clibanū mittitur, Deus sic vestit, quātò magis vos modicæ fidei, subaudis vestiet, & hīc veste temporali, & in futuro stola immortalitatis?* Mysticè verò per lilia accipiuntur potentes & gloriosi huius mundi homines qui in crassitudine mūdi nati, crescunt in mūdo per altitudinē honorū, florent per prosperitatē temporalem, nō laborāt, neq; nente quoniā in labore hominū nō sunt, & cū hominibus non flagellabuntur: idē tenuit eos superbia, operti sunt iniquitate sua, &c. Et si Deus superbos & gloriosos homines huius seculi sic vestit, qui utiq; foenū sunt, quia omnis caro scenum, omnis gloria eius, tanquā flos agri. Et cras in clibanum æternæ damnationis mittentur, quantò magis vos cultores suos? Sed valdè pensandum est fratres mei, quid eos qui solliciti sunt de victu, vel de vestitu, dicit esse minimæ fidei. Qui enim magnæ fidei sunt, sciunt proculdubio Deum omnia necessaria prouisurum. Ergo fratres, si timetis necessaria desore vobis, minimæ fidei estis.

Sequitur pars tertia, in qua ostendit Dominus quid petere debeamus, cū subditur: *Primū quærite regnū Dei & iustitiā eius.* Primū enim, id est principaliter regnū Dei, quod quotidie in oratione dominica rogamus vêturum, tanquā præmiū & metā petere debemus. *Et iustitiā eius,* id est virtutes & bona opera quæ sunt viæ eūdi ad regnū Dei. *Et hæc, inquit, omnia, videlicet tēporalia vitæ præsentis necessaria,*

cessaria, *adiūciētur vobis*, scilicet tanquā incidētia: nō enim propter se, sed propter æterna sunt petenda. Sicut enim satellites Regis stipendia militū, nō reputant in laboris remunerationē, ita nec nos fratres, necessaria vitæ tēporalis debemus reputare in remunerationē præmij: quis enim (teste Paulo) militat suis stipendiis vnquā? Si ergo fratres Christo militamus, non de stipendiis, sed de promerendo præmio solliciti simus. Ipse enim rex regē prouidet & hic stipēdia militibus suis, & in futuro reseruat æterna prēmia Dominus noster Iesus Christus, qui cū patre & S. sancto viuit & regnat Deus, per omnia secula seculorum, Amē.

1. Cor. 9.

DOMINICA XVI. POST TRINIT.

Obscuro vos ne deficiatis in tribulationibus meis pro vobis, quæ est gloria vestra, &c. In hac lectione fratres charis, hortatur Apostolus Ephesios, & per eos quoslibet nostrū, ad constantiam & fortitudinem, fidei, spei, & charitatis, & hoc modo. Primò obsecrat eos ne deficiant in tribulationibus. Secundò ostendit se orare pro fortitudine & perfectione eorum. Tertiò gratias agit Deo, qui potens est dare suis melius quā ipsi sciunt postulare. Apostolus igitur propter Euangelium positus in vinculis, timens ne tribulationes illatæ magistro, fierent timor & debilitas discipulorum, quos non poterat verbo, confortat scripto. In quo certè fratres ostenditur mira charitas Apostoli, qui de constantia discipulorum, magis quā de vinculis suis sollicitus erat. Ait ergo: *Obscuro vos, & de vobis, ne, scilicet deficiatis in tribulationibus meis.* i. propter tribulationes meas, quæ vtiq; sunt pro vobis, id est, propter fidem vobis prædicatam, mihi illatæ, *quæ est gloria vestra*, id est, non deficere in tribulationibus, vel meis, vel vestris, est gloria vestra. Fortes enim in certamine milites sunt apud Deum gloriosi. Et econtrario formidolosi & deficientes erunt inglorij. Sicut enim fornax aurum, ita tribulatio probat iustum. Vnde non debetis mirari fratres mei, si Dominus sinit tribulari & flagellari suos in mundo. Aurū enim purū esse nequit, quod caminus non excoquit. Obscuro ergo & ego vos cum Apostolo fratres mei, ne deficiatis in tribulationibus, si quæ mihi vel vobis vel etiā sanctioribus viris cōtingāt: quoniā cœlestis faber

Ephē. 3.

vasa

HOMILIAE

vasa electionis cum multa tribulatione cōsuevit climare.

Sequitur pars secunda, in qua ostendit Apost. se orare pro constantia discipulorū, dicens. *Huius rei gratia*, scilicet ne deficiatis. *flecto* nō genu vnū, sicut faciebant Iudæi ante Iesum, vel sicut hypocritæ, qui corpore non mente humiliantur, sed *genua mea*, id est, supplico mente & corpore, *ad Patrem Dei & Domini nostri Iesu Christi*, ex quo omnis paternitas in cælo & in terra nominatur. Sicut cū Deus sit solus bonus, solus sit Dominus, solus sit rex, tamen voluit participatione bonitatis suæ homines dici & bonos, & dominos atq; reges. Sic cū ipse solus sit pater, voluit tamē homines ex se vocari patres. Porro Deus, pater dicitur, quatuor de causis. Pater generatione, creatione, doctrina vel exēplo, adoptione. Et quidē generatione est pater solius filij. Creatione verō est Pater omniū creaturarū, doctrina vel exēplo, tantū rationaliū: adoptione tantum bonarū. Quicunq; aut dicitur pater in cælo vel in terra: siue hoc, siue illo, siue tertio, siue quarto modo, à Deo Patre habet hoc. In cælo enim, & filius & S. Spiritus dicitur Pater, & omniū rerū creatione, & rationaliū doctrina & exemplo, & bonarū adoptione, sed à Patre hoc habent. Sicut enim nō ex se, sed ex Patre, ita nec sunt Deus, nec pater, nisi ex patre. In terra verō dicuntur homines patres filiorum suorū per generationē. Et minorū per doctrinā & exempli auctoritatē, & etiā alienorū filiorū per adoptionem. Sed siue hoc, siue illud, siue tertium, non ex se, sed ex summo Patre habēt. Itaq; ex deo Patre omnis paternitas, id est, omnis modus dicendi patrem, & est, & nominatur. Qua de causa flectis genua tua ad Patrē? *Vt det vobis*, inquit, *secundū diuitias gloriæ suæ*. Cū Deus habeat oēs diuitias, quæ sunt in cælo, & quæ sunt in terra, tamē diuitiæ gloriæ, dicuntur hic virtutes & earū opera: ideo quia hominem faciunt verē gloriosum, & ad eternā gloriā perducent. Et quid det? *Virtutē corroborari in vobis*, id est, vos corroborari in virtute. Vt scilicet habeatis virtutē fortitudinis & constantiæ in interiorē hominē. Magna enim fortitudo corporis nō est necessaria Christianis, quia magna fortitudo & pinguedo corporis opprimit animam. Cū enim caro & spiritus sibi adinuicē aduersentur, quātō ab-

Deus dicitur pater ob quatuor causas.

terum

terum est fortius, tantò reliquū est debilius. Vnde Apost. Quando ego infirmor, tunc fortior sum & potēs. Exponit quod dixerat, det inquā virtutē. Et quam? *Christū*, qui scilicet est Dei virtus & sapientia, *habitare per filiū in cordibus vestris*, quē qui habet, omnē virtutē & gratiā habet. Det etiā vt sitis *in charitate radicati & fundati*: vt scilicet nec euelli, nec moueri à charitate possitis. Electi & si quādoq; aliquantulū moueantur, nō tamen euelluntur. Dauid qui peccauit, motus fuit, sed nō euulsus, & ideo non aruit. *Vt possitis*, inquit, *cōprehendere cū omnibus sanctis*. Quia soli sancti cōprehendere possunt, quorū est nosse mysterium regni Dei. Et quid? *Quæ sit longitudo, latitudo, sublimitas & profundum*. Quia charitas patiēs est & benigna: quia omnia credit, omnia sperat, omnia sustinet. Ipsa charitas est lōganimis in patientia: ipsa est lata in dilectione amici scilicet & inimici: ipsa est lata in spe æternorū, scilicet præmiorū: ipsa est profunda in fide, & euitatione æternorum suppliciorū. Qui enim charitatē nō habet radicātā, in patientia lacescit, & in dilectione deficit: & in spe æterni præmij languescit, in fide æterni supplicij ambigit. Et quia nō possumus esse firmi in fide & charitate Christi, non nouimus quantā charitatē ipse erga nos habuit addit: *Det etiā vobis scire supereminentē sciētiæ charitatē Christi*. Christus quippē habuit supereminentē charitatē: quia posuit animā suam pro seruis & inimicis, vt eos faceret filios & amicos. Habuit etiā charitatē sciētiæ & scientiam charitatis, id est habuit sapientē dilectionē, & sapientiam diligētē. Quidā enim habent charitatē, sed nō secundū sapientiam. De qualibus Apost. Zelum Dei habent, sed nō secundum scientiam. Alij habent scientiā, sed nō secundum charitatem. De qualibus Apostolus: Scientia inflat, charitas verò ædificat. Nos ergo fratres, studeamus scire eminentē scientiæ charitatem Christi, vt quemadmodum ipse sapienter nos dilexit: ita & nos eum discamus diligere sapienter. *Vt impleamini*, inquit, *in omnem plenitudinem Christi*. Vt videlicet & hic habeamus secundum modum viæ plenitudinem sapientiæ & virtutis: & in futuro plenitudinē æternæ retributionis: vbi nō iam per speculum & in ænigmate, sed plenariē & sciemus & diligemus.

2. Cor. 12.

1. Cor. 13.

Rom. 10.

1. Cor. 8.

Sequi-

HOMILIAE

Sequitur pars tertia, in qua Apost. agit gratias Deo, ostendens ipsum esse potentē facere omnia superabundāter quā petimus aut intelligimus: supereminet enim potētia Dei, & petitionē, & intellectū nostrū. Ecce fratres Apo. supplicans & rogās Deū, primò vocauit eum patrem, ideo, quia patris est velle bonū filiorū. Secundò ostendit eum esse diuitē in donis, cū ait: Secundū diuitias gloriæ suæ. Modo tertio ostendit eum esse potentem in omnibus, in quibus perpetratio petitionis cōsistit. Qui enim vult dare, & abundat donis, & potest dare, proculdubio dabit. Itēq; fratres, Deū piē & cōstanter rogemus: qui cū velit, & abundet, & possit, profectò iusta petita nostra nobis est daturus. *Secundum*, inquit, *virtutē quæ operatur in nobis*, potēs est omnia facere: i. illa virtute qua facit nos de iniustis iustos, de insipientibus sapientes: de impotentibus potentes, *Ipsi in Ecclesia & in Christo Iesu*, id est, in ipsis appareat gloriosus in omnes generationes. i. in æternū. Itaq; fratres, sicut Apost. quosdā Corint. ita nunc & vos obsecramus, ne deficiatis in tribulationibus, vel nostris, vel vestris. Oportet enim lapides qui collocandi sunt in cœlesti ædificio, hic quadrari & poliri. Qui enim hic nō quadratur, vel politur correctionibus & disciplinis, inter lapides summi ædificij nō est ordinandus. Quod benè significatur per hoc qđ ligna & lapides tēpli, exterius poliebātur tantū, nō interius. Non enim auditus fuit in tēplo sonus mallei vel dolabri. Quia videlicet in mundo vapulātur sancti nō in cœlo, fleamus ergo fratres, sicut Apostol. faciebat, genua nostra ante Deū pro cōstantia fidei nostræ. Quod vos quoq; pro vestra salute debetis facere. Vt & nos & vos pariter ad æternā beatitudinem peruēire mereamur. Per Dominū nostrum Iesum Christum, qui cum patre & spiritu sancto viuit & regnat Deus, per omnia secula seculorum. Amen.

DOMINICA XVI. POST TRINITAT.

LUC. 7. **I**bat Iesus in ciuitatē quæ vocatur Naim. Et ibant cū eo discipuli eius, & turba copiosa. Cū autē appropinquaret portæ ciuitatis, ecce defunctus efferebatur filius vnicus matris suæ. In hac sancti Euāgelij, lectione fratres charissimi, ostenditur primò iuxta literā, domini & redēptoris nostri Iesu Christi circa salutem hominū sollicitudo, misericordia,

dia, humilitas, & omnipotētia. Et sollicitudo quidē ostenditur, cū dicitur: *Ibat Iesus in ciuitatem, &c.* Sollicitus quippē erat circa salutem hominū, qui huc & illuc pergebat, vbi occasionē benē agendi hominibus se inuenturum praeuidebat. Pergebat si quidem vbi sciebat esse conuentus hominum, vt eis verbum vitæ annuntiaret. Pergebat vbi sciebat infirmos: vt eos misericorditer curaret. Pergebat vbi sciebat esse pauperes & miseros: vt eis consolationem exhiberet. In quo exemplū itidem operādi suis proposuit, cōfundens duritiā eorum, qui declināt loca vbi sciunt esse pauperes & miseros: ne fortē eorū præsētia & importunitate, eis cōpati, & subuenire cogantur. Nemo autē putet quod fortuito acciderit, quod Domino appropinquante ad portā, defunctus efferretur. Non enim hoc casualiter, sed diuina ordinatione procuratū est. Misericordia Domini ostenditur, cū cōpatitur viduæ, quæ triplici infortunio misera & miserabilis erat. Quia erat vidua: quia filium defunctum efferebat: quia aliū non habebat. Et quia tam miserabilis erat: turba ciuitatis eius miserās, eā comitabatur, cōsolabatur, & funus curabat. In quo discamus & nos fratres mei, mœrentes comitari & cōsolari, & funera curare, quoniā opus humilitatis & misericordiæ est, cōsolari mœstos, & sepelire mortuos. Tobias enim quia sepeliebat mortuos, meruit à Domino misericordiā & illuminationē. Dominus etiā, vt daret nobis exemplū miserendi & cōsolādi afflitos, misericordia motus viduā cōsolatur verbo & facto. Verbo, cū ei dicit, *noli flere*: facto, cū reddit ei filiū reditiuum. Humilitas verò Domini ostēditur, cū loculum mortui quem solo nutu resuscitare poterat, tangere nō veretur. Porrò si subtilius inspicimus, illū tetigit ob tres causas: ob humilitatis exemplum: ob legis intelligentiā: ob figuræ mysteriū. Ob humilitatis exemplū tetigit Dominus loculū: vt si ipse qui vita æterna est, mortuum tangere voluit, nos qui sumus cadauera & sanies, tãgere, lauare, & sepelire nō reformidaremus. In quo cōfundit quosdam inhumanos & duros, qui quasi nō essent morituri, mortuos reformidāt & abhorrēt. Ob legis intelligentiā tetigit loculū, vt demonstraret mortui contactū in lege prohibitum, non carnaliter, sed spiritualiter esse intel-

HOMILIAE

ligendū: præsertim cū ipse, qui ipsa munditia est, & qui inquinari non potest, mortuum tetigit. In contactu enim mortui, spiritualiter prohibeatur cōsensus peccati. Ob mysterium etiā tetigit loculum, vt designaret in resurrectione à peccato operis criminalis, necessariā esse satisfactionem operis, vt pōt dictur. Omnipotētia Domini demonstratur, cū ad solū eius imperium mortuus suscitatur. In quo ostendit se illū eundem esse, qui in principio tantum dixit, & omnia facta sunt. Mira virtus fratres, in verbo Domini, ad cuius vocē mox aperitur infernus: & anima quā detinebat, egreditur: recalescit frigidus, & recedit qui erat mortuus. *Accepit autem omnes timor*, vt scilicet timerent simul & diligerent, quem tam potentē in opere & sermone videbant: *et magnificabūt Deū*. Quos nos quoq; imitantes, Deū in sanctis & miris operibus suis, discamus timere simul & laudare. Mysticē verò per mortuū, mortuus in peccato designatur. Cū autē Dominus multos mortuos suscitauerit, tres tantū ponunt Euangelistæ certi causa mysterij. Significant quippē tres mortui, tria genera peccatorū in peccatis mortuorū, id est mortuū, peccato voluntatis, mortuū peccato operis, & mortuum peccato cōsuetudinis. Suscitauit igitur Dominus primò filiam Archifynagogi in domo priuatim cū paucis verbis. Per quod significatur q̄ quādo peccat aliquis in sola mente, quasi in secreto, facilius & cū minore satisfactione, à Domino suscitatur. Suscitauit & secundò Dominus (vt hīc legimus) filium viduę in porta, tangēs loculū, & plura dicens. In quo significatur quod quādo peccatū exit foras per impletionem operis, eget maiori satisfactione, & operis, & orationis. Tertiò verò suscitauit Lazarū quatrduanum à monumento, flendo, clamādo, lapidem tollendo. In quo innuitur, quod quando aliquis premitur peccato consuetudinis & iam per putridam vitam & infamiam scēter: ad eò est ligatus & pressus cōsuetudinatio peccato, quod vix resuscitatur. Magna tamē misericordia Dei eum respiciente, quandoq; resurgit: sed opus est lachrymis magnis, confessionibus, orationibus & labore magnę satisfactionis. Quartus verò mortuus domino nūtiatur: sed ab eò resuscitatus esse nō legitur. sed ait nuntiāti: Sine mortuos sepelire mortuos

tuos suos. Mortuus sepelitur mortuū: quādo peccator peccatorē adulādo, fouet & demulcet. Hunc Dominus nō resuscitat: quia quando laudatur peccator in desideriis animæ suæ, & iniquus benedicitur. Ita hinc ligatur vinculo consuetudinis, & inde fouetur oleo adulationis, quod nō surgit ad veniā emēdationis. Itaq; fratres mei, adulatores deuitate. Illos qui vos corrigūt, diligite. Cauete ne dormiatis in peccato cōsuetudinis. De peccato operis vel volūtatis celeriter satis facite, ne pręueniamini repentinā morte: quia qua hora nō putatis, filius hominis veniet, ad vocandū & ad iudicandū vos. Propterea fratres, mortē nostrā semper ante oculos nostros habeamus, quā terribilis venturus sit Iudex supernus, semper recogitemus: suspiriis & lachrynis & bonis operibus sordes peccatorū nostrorū tergāmus: quatenus venientē Christū Iudicē securi videre mereamur: ipso pręstante, qui cum patre & spiritu sancto viuit & regnat Deus per omnia secula seculorū. Amen.

Psal. 9.

Luc. 19.

DOMINICA XVII. POST TRINIT.

Ephes. 4.

Obsacro vos ego vinctus in Domino, vt dignē ambuletis vocatione qua vocati estis, &c. In hac lectione fratres charissimi, intēdit cōfirmare Ephesios, & per eos omnes credentes in vnitāte charitatis, & huiusmodi. Primō obsecrat eos perseuerare in fide, ad quā vocati erāt. Secundō monet eos habere virtutes, quæ efficiunt & cōseruant pacem & charitatē. Tertiō monet eos, vt per charitatem sint vnum corpus, & vnus spiritus. Ait ergo: *Obsacro vos ego vinctus in Domino.* Triplici cathena fratres mei, vinctus erat Apostolus: cathena scilicet ferri, cathena corporis, cathena charitatis. Porro cathena ferri erat vinctus propter Christum, quando hæc scribebat. Vnde ipse alibi ait: Ego quidē vinctus sum, sed tamē verbū Dei nō est alligatum. Cathena quoq; corporis se esse alligatū recognoscit, nō solū Apostolus, sed etiā omnis verus Christianus, qui intelligit se in corpore grauari, exulare, & peregrinari a Deo. Vnde idē Apostolus: Cupio, inquit, dissolui, & esse cū Christo. Et Psalmista: Educ, inquit, de carcere animā meā, vt cōfiteatur nomini tuo. Cathena etiā charitatis Dei & proximi, nō solū Apostolus, sed etiā quilibet fidelis debet semper vinciri: aliā fidelis nō est. Porro Apostolus sic peg-

Philip. 1.
Psal. 141.

dilectionem viactus erat cū Deo & proximo, vt positus & in cathena ferri, & in cathena miserę corporalis, plus erat sollicitus de salute animarum & proximorū, quā de duplici miseria, qua circūdatus erat. Vnde & obsecrat eos de eorū vtilitate, sciens utiq; profectū discipulorū, gaudium & coronā esse Magistrī. Vnde idem alibi dicit: Ita; amantiſſimi & desideratiſſimi mei, gaudium meum, & corona mea, sic stare in Domino chariſſimi. De quo nos obsecrat, *Vt dignè, inquit, ambuletis vocatione qua vocati estis.* Est autē duplex vocatio fidelium. Prima est qua vocantur ad fidem: Secunda qua vocantur per fidē ad vitam æternā: dignè ergo ambulat vocatione qua vocatus est, qui & fidē rectè tenet, & per eam dignè ambulat bene operando, in vitam æternā. Sed multi sunt hodie (vnde magis dolendum est) qui ad fidē vocati sunt, & per eam nō dignè ambulant, dū bene operando nō proficiunt, sed magis retro gradi sunt, & cū Deum ore cōfiteantur, factis negant.

Sequitur pars secunda, in qua Apostolus monet nos habere virtutes per quas retinetur & obseruatur charitas & pax, cū subdit: *Cum omni humilitate & māſuetudine & patiētia, supportātes inuicem in charitate.* Ita; humilitas, māſuetudo, patientia, & mutua supportatio, sunt virtutes quę efficiunt & cōseruant charitatem & pacem. Quod patet per vitia illis cōtraria, quę charitatē & pacē destruunt. Hæc autem sunt, superbia, ira, impatientia, & cōtemptus proximorum. Quod superbia pacem dissipet, ostendit Salomō, dicēs: Inter superbos semper iurgia sunt. Vbi enim vnusquisq; per superbiam vult dominari, charitas & pax esse nō potest. Econtrariō verò humilitas pacē nutrit: quia humilis cōtendere nequit, sed semper cedere & subdi querit. Quod ira pacem destruat, ex hoc apparet, quia sicut motus maris vel aëris disturbāt tranquillitatem & serenitatem, & generat tempestatem: ita ira turbat quietē mentis, & parit perturbationem & furorem. Vnde Poëta: *Ira brevis est furor.* Econtrariō verò māſuetudo est pax aëris. Qui autem mansuetus in se & tranquillus est, alios etiam pacificare potest. Quod impatientia turbet pacem, ex hoc apparet: quia qui seipsum pati non potest, alios pati non poterit. Et qui sibi discors est, nemini concors erit. Econtrariō

Philip. 4.

Duplex
vocatio
fidelium.

Superbia
pacem dis-
sipat.
Prou. 13.

Ira pacem
destruit.

Mansue-
tudo.

trariō

trario verò patiens, quum omnium iniurias patitur patienter, cū omnibus pacem habere potest, quātum in ipso est: Iuxta illud Apostoli: Cum omnibus hominibus, quod in vobis est pacē habentes. Quod verò cōtemptus pacem & charitatem, destruat, inde patet, quia qui cōtemnit offendere, nō timet. Et ut sapiēs ait, vbi cōtemptus, ibi frequēs iniuria. Et vbi frequēs iniuria, si frequēs inquietatio, & frequēs perturbatio. Ecōtrario verò supportatio alienorum onerum & infirmitatū, charitatem & pacem nutrit: Obsequium enim parit amicos. Itaq; fratres, superbia de maiorib; te cōtendit. Ita cōtra negantem irascitur: Impatientia iniuriat: Cōtemptus se iniuriā se cōtemnit. Et ecōtrario humilitas nō cōtendit, imò cōtendenti libens subicitur. Modestia etiā nō irascitur, imò iratū mitigat. Patientia nō repercutit, imò inferentem equanimiter sustinet. Supportatio iniuria nō cōtemnit, imò contemptos iuvat. Has ergo fratres virtutes, habere cōtendite, si veram charitatem & pacem inter homines vultis habere.

*Patien-**Rom. 12.*

*Modestia.
Patientia.
Supportatio.*

Sequitur pars tertia, in qua monet Apostol. ut simus per charitatem vnum corpus, & vnus spiritus subdens, Solliciti seruare vnitatē spiritus, id est, charitatem qua operatur Spiritus sanctus in vno: vltimo pacis: ut scilicet coniungamur & vinciamur in vnum per cōfederationem. Vñ, inquit, corpus & vnus spiritus: subaudi sitis, sicut vocati estis in vna spe vocationis vestræ, vnus Dominus, vna fides, vnum baptisma, vnus Deus & pater omnium, qui est super omnia, & per omnia, & in omnibus nobis. Ordo literæ est: Sicut estis vocati in vna spe vocationis vestræ, sicut vobis est vnus Dominus, vna fides, vnū baptisma, & vnus Deus & pater omnium; ita sitis vnū corpus, & vnus spiritus. Sumus quippè fratres mei, vocati per fidē in vna spe eiusdem gratiæ retributionis. Est & nobis vnus Dominus, qui nobis dominatur, & iure creationis, & iure restorationis. Vnde quāuis dicatur in terra multi Domini, tamē vnus est principalis in cœlo & in terra. Cæteri non Domini, sed diminutiue Domini dicuntur. Est etiā nobis vna & eadē fides, id est, idem credimus de Deo: & iidem sunt articuli fidei apud omnes fideles. Est etiam apud omnes fideles idem baptisma; quia in eadem fide & in eodem elemento, & in

Baptisma

eadē forma celebratur apud omnes. Similiter & cætera sacramenta, apud oēs fideles eadē sunt. Vnus est etiā Deus & Pater omnium: scilicet Pater & Filius & spiritus sanctus. Qui cū sit Deus, timendus est & adorandus. Cū sit Pater diligendus est & p̄nitendus. Hic autem est super omnia p̄cipue fideendo, per omnia operando, in omnibus implendo, in omnibus quidē rebus est substantialiter implendo: Sed in omnibus fidelibus est specialiter, per gr̄atiā inhabitando. Sicut ergo fratres in his omnibus sumus vnū: ita simus vnū corpus & vnus spiritus. Dicuntur autē omnes fideles metaphoricē vnū corpus q̄ est Ecclesia. Cuius corporis, Christus dicitur caput, triplici ratione. Sicut enim caput cū sit vnus naturæ cū corpore, tanq̄ ei præeminet, ita Christus cū sit eiisdē naturæ cū Ecclesia, ei præcellit. Et sicut caput (in quo sunt omnes sensus) excubat pro salute omnium membrorū: ita Christus, in quo sunt omnes sapientiæ & sciētiæ thesauri, prouidet toti Ecclesie. Tertiō, sicut ex cerebro capitis descendit medulla & vigor in omnia membra: ita q̄ in membris in quō cessat defluere, arescit, & fit inutile: ita de Christo descendit omnis gratia in omnes fideles: ita quod si in aliquē nō defluit, arescit à bonitate, & fit inutilis. Fideles quoq; dicuntur vnū corpus, triplici ratione. Primō quia Christo capiti & ad inuicē colliguntur neruis charitatis. Secūdo quia more membrorū, sibi inuicē subseruiūt & se coadiuuāt Tertiō, quia vel vno lēgēte, ceteri lēguntur: vel vno dolēte (more membrorū) ceteri cōpatiuntur Vnus quoq; spiritus dicuntur oēs fideles: id est, vnū spirituali dilectione: & etiā quia idē sapiunt, & idē volūt. Itaque fratres mei, sicut sumus vnū in fide & spe, vnū in seruitio Dei, & in cōmunionē eorundē sacramentorū, & vnū æternæ beatitudinis sumus percepturi p̄miiū: ita simus vnū corpus vt scilicet tanquā fidelia membra, Christo capiti, & ceteris mēbris p̄ charitatē cohareamus. Et alter alteri subseruiamus, nos ad inuicē coadiuuādo: Et alter alterius onera & infirmitates portādo. In bonis ad inuicē cōgaudēdo, & in aduersis cōpatiēdo. Vt ita pariter nos monētes, nos supportantes, nos coadiuuātes, nos cōsolantes, nos ad inuicē exhortantes, ad desiderabilem eternitatis beatitudinē pariter peruenire mereamur: per Dominum nostrum Iesum

Chri-

Colos. 2.

Fideles triplici ratione dicuntur vnū corpus.

Christum filium tuum, qui cum Patre & Spiritu sancto
viuit & regnat Deus in æternum. Amen.

DOMINICA XVII. POST TRINITAT.

Luc. 14.

Cum intraret Iesus in domū cuiusdam principis Phari-
sæorū sabbato māducare panē: & ipsi obseruabant eū.

Tria facit in hac lectione fratres charissimi, Dominus &
redemptor noster: primò apud insidiatores suos māduca-
torus intrat. Secundò eos cōsultans hydropicū curat. Terc-
tiò, ubi inuitatus recūbere debeat, demonstrat: in omnibus

magna nobis tradēs documenta. In hoc enim quod apud
principes & suos insidiatores, nō solū declinare & mā-
ducare nō refugit, imò etiā eos corrigit & instruit, magni-
tudinē suæ benignitatis & misericordiæ ostendit, & nobis
exēplo sui quid facere habeamus, innotescit: vt videlicet

inimicis nostris nō odiū pro odio, sed potius pro odio di-
lectionē exhibeamus & eis pdesse studeamus: Et ob hoc
apud principes & prauos homines manducemus, vt ipsis
spiritualē correctionis & doctrinę panē offeramus: Propo-
nit etiā Dominus hic in cōmestratione sua exēplū fragilita-
tis & abstinentiæ, cum in domo principis, & in Sabbato

panē māducet. Tria quippè ponit Euangelista, māducare
panem, & in Sabbato, & in domū principis, nō autem ait
māducare carnes vel pisces, vel delicias, sed solū panem.

Cū omnia hæc & maiora tanquā Dominus omnium, si vel-
let, ad manū haberet: Sed hoc in se ostēdere voluit q̄ alibi
præcepit, dicēs: Ne feceritis curā in desideriis carnis. Er-
rēbescāt ergo gulosi, qui nesciūt māducare nisi delicias & le-
nocinia habeāt. Hoc enim desiderāt, & ob hoc laborāt, ac-
ra, syluas & aquas venādo fatigātes. Adiunxit etiā in Sab-
bato, festo scilicet Iudeorū die. Ad confutandū eos, qui &
si in profestis diebus parcē viuāt, in festis tamen delitiosē

procurāt, nō reputātes festum nisi carnibus & lenociniis
repleātur. Sed stultum est solennitates Dei vel Sanctorum
cōuiuuiis honorare, quod scimus Deo ieiuniis placuisse.

Addidit etiā in domū principis, ad reprehēdendū eos, q̄ &
si domi parcē viuunt, venientes apud principes delitiosis
principū cibariis capiūtur & inescantur. Itaq; fratres Do-
minus pane sustēatur, & in Sabbato, & apud principem.

vt nos modico contentos debere esse, & in festis, & apud

Quare a-
pud prauos
manducan-
dum.

Rom. 13.

principes demonstraret. Atiamen quia inuidia nescit ob beneficia, mitigari, quanuis Dominus Plurimarum amoris & doctrinam offerret, ipsi tamen ei insidiabantur. Vnde & subditur: *Et ipsi obseruabant eum*, id est, cōtra seruabāt, id est, malignè seruabant, vt si curaret agrōs, vel aliquid aliud faceret in Sabbato, eum accusarent. Quod Euangelista innuens subdit: *Et ecce quidam homo hydropicus erat ante eū*. Sic fratres mei, sic semper obseruāt impij pios: iniusti iustos: vt possint inuenire occasionem eos accusandi,

Psal. 36. & eorum opera deprauandi. Vnde scriptum est: *Osseuabit peccator iustum, & stridebit super eum dentibus suis.*

Sequitur pars secunda, in qua Dominus eorum malitiā confutat, & hydropicum curat, cū subditur: *Si licet Sabbato curare? At illi tacuerūt*. Ostēdit autem hic Dominus se verū Deum esse, dum malis eorum cogitationibus respondet, & eos in cordibus suis vrget, & cōcludit: ita vt prę cōfusione taceant. Videbant quippē quia si utrūlibet dicerent, Rhetorica cōplexione capiebantur. Nam si dicerent quod liceret Sabbato curare, diceretur eis à Domino. Ergo nō debetis me repte hēdere, si in Sabbato curo. Si verō dicerēt quod nō liceret, diceretur eis: quare ergo vos curatis animalia vestra in Sabbato. Tacēt ergo more conuictorū, qui cōscientias suas vident deprehensas. Sed Dominus hydropicum curat nō solo verbo (cū hoc posset) sed etiam tangendo, vt ostenderet in Sabbato nō ab omni opere feriandum (malè enim Sabbatū celebrat, qui à bono opere vacat) sed ab opere seruili, quod maximè peccatum intelligitur. *Cuius vestrū*, inquit, *bos aut asinus in puteū cadat & non continuo extrahet eū die Sabbati.* Ostendit autem Dominus eos grauiori hydropici avaritiæ laborare: dum curando animalia sua (secūdum opinionem suam) Sabbatum nō violant: & per avaritiā suā, curant animalium, euarationi hominū pręponunt: & in vtroque legē transgrediuntur, & Deum offendunt. Porro mysticē ipsi erant & hydropicus aquis tumidus, & bos aquis submersus. Per fluxum quippē aquarū, fluxus diuitiarū significatur. Sicut autē hydropicus plus bibit, & plus sitit: ita ipsi cum plus habebant, plus sitiebant. Et sicut bos in superabundantia equarū submersus perit: ita ipsi in abundantia diuitiarum submersi

submersi peribant. Fugiamus ergo fratres vitium Pharisæorum, ne scilicet à bonis operibus in festis vacemus, ne curam iumentorum nostrorum, curæ hominum, quod multi (vnde dolendum est) faciunt, præponamus: ne hypocriti avaritiæ tumeamus vel submergamur.

Sequitur pars tertia, in qua Dominus in reprehensione Pharisæorum quæ primos recubitus in cœnis diligebat, ubi invitatus recubere debebat, ostendit cum dicit: *Cum invitatus fueris ad nuptias, noli recubere in primo loco, etc.* Quæ parabola cum sit ad literam cōservanda, spiritualiter magis obseruanda est. Omnes enim quotquot Christiani sumus, ad nuptias celestis cōiuij invitati sumus. Nullus autem in ecclesia se debet vel cogitatione, vel prælatione alij præferre: ne forte ille alius maior sit apud Deum: & ei præponatur vel sanctitate, vel dignitate. Ecce fratres mei, quā multi reges, multi principes, multi episcopi, & multæ apud seculum aliæ personæ, se nunc præferunt aliis dignitate, opinione, & potestate. Sed certe cum venerit, qui merita singulorum solus discernit, præfert eis aliquā viduam, aliquem pauperem, aliquam in hoc seculo vilem personam. Et tunc non sine quodam rubore, incipiet novissimum locum tenere, postpositi eis, quibus in hoc seculo præpositi fuerunt. Itaque, fratres unusquisque, in ecclesia se vilem reputet, cum ceteris se humiliter reputet, cum ceteris se humiliter præponat, sola humilitate contendat, ut cum venerit qui omnes fideles ad nuptias suas æternas invitavit, dicat: *Amice ascende superius, quia quāto fuisti propter me humilior cæteris, tantō eris mecum sublimior cæteris.* Hanc humilitatem fratres habere possumus, si peccata nostra semper ante oculos nostros ponamus, si aliorum virtutes, maxime quibus carceremur, inspiciamus, si fragilitatem nostram p̄seamus, si aliorum sanctitatem admiremur. Si quippe in cōspectu nostro incipiemus vilescere, & alios nobis præponere. Quā humilitatem nobis inferere dignetur, qui pro nobis humiliavit semetipsum Dominus noster Iesus Christus, qui cum patre & Spiritu sancto vivit & regnat Deus, per omnia secula seculorum. Amē.

DOMINICA XVIII. POST TRINIT.

Gratias ago Deo meo semper pro vobis omnibus, &c. In hac lectione fratres charissimi, ostendit Apostolus quantum gratuletur de profectu Corinthiorum, suorum sci-

1. Cor. 1.

licet discipulorū. Veri enim magistri gaudiū est, profectus discipulorū: & nō immeritō. Nouit enim meritō discipuli se vt suggestorē, ita quoq; esse participē. Vnde idem Apōsto. alibi ait, itaq; amantissimi & desideratissimi mei, gaudium meū & corona mea, sic stete in Domino chariss. Ecōtrario quoq; ruina discipuli fletus est magistri. Vnde idē Apoll. dicit te lugere eos qui corruerūt. Vnde & alibi dicit: Quis infirmatur, & ego nō infirmor? Quis scādali-
zatur, & ego nō vrōr? Itaq; fratres, si ego verus magister sum, nō debeo erga vos durus & frigidus esse, sicut quidā mercenarij & falli magistri, qui non ad spiritualia lucra, sed etiā ad tēporalia docent, sed per verā dilectionem, ani-
marū vestrarū, lucrum quēre, & nō solū mea, sed etiam meipsum pro vobis si opus fuerit, impendere. Vos quoq; si veri discipuli, si veræ oues estis, erga pastorem vestrū nō debetis, vt quidā peruersi discipuli duri & frigidi esse, sed eū tanquā spirituale patrē amare, & ei nō solū vestra, sed etiā vosmetipsos per charitatē cōmunicare, vt inter vos & pastorem vestrum, nō solū spiritualium, sed etiā tempo-
ralium bonorū habeatur cōmunio, vt scilicet magister discipulorū, vel discipuli magistri, profectū vel detrimētum suū putent. Ostendens igitur doctōr gentiū, sed de p̄dfer-
ētū discipulorū gaudere, primō gratias agit Deo de profe-
ctu eorū. Secundō ostendit quē gratiā sint eis collatę. Ter-
tiō demonstrat quod prēmīū inde expectet. Ait ergo: *Gratias ago Deo meo*. Gratias agere est auctōrē gratiarum de
collata gratia benedicere. Quia enim nihil de nostro habemus, vnde Deo retribuere valeamus saltem semper debe-
mus nos debitores eius cōfiteri. Est autē fratres charissimis, hoc valde necessarium. Si enim qui de collata gratia
semper Deo gratus existit, nō solū datā obtinere, sed etiā maiore adipisci mēretur, ita qui de collata beneficio ingra-
tus existit, nō tantū conferendis, sed etiā collato meretur priuari. Hinc est q̄ antiqui Patres pro diuinis beneficiis
cāntica quasi gratiarū actionē cecinisse leguntur: vt canticu-
cum Marię, canticū Moyli, cāticum. Annę! Hinc tradunt
Hebraei Ezechīā regem, quia pro victoriā à Deo sibi data
canticū domino nō cecinit, incurisse infirmitatem. Hinc
etiā est quod nouem leprosi à Domino mundati, quia cū
decimo

Phil. 4.

2. Cor. 11.

Gratias age
re quid.

decimo ad reddendū Deo gratias redire cōtempserūt, per reprobationem nesciuntur, dicēte Domino. Nōne decem mūdati sunt, & nouē ubi sunt? I alēs sunt hodie (vnde magis dolendum est) multi qui de diuinis beneficiis ingrati sunt, & ea quę habent, vel suę rationi, vel suis viribus, vel suo labori, nō Deo attribuūt. Sunt & alij qui & si in prosperis Deo gratias agāt, in aduersis tacēt: de quibus scriptū est: Cōstabit tibi cū benefeceris ei, sed certē cōtempnibilis est vox laudis, quę procedit ex lætina prosperitatis. Nos ergo fratres, de omnibus bonis gratias agimus, nec solū de prosperis, sed etiā de aduersis. Quę (si rectē sapimus) ad correctionē vel probationē à Deo nobis inferuntur, iuxta illud. In die mādauit dominus misericordiā suā, & nocte cānicū eius. Pręcepit enim dominus vt in die prosperitatis, suę misericordię memores & beneficij simus, & vt in nocte aduersitatis, ei gratiarū actionem decātemus. Hinc Iob, Dominus dedit, dominus abstulit, sicut Domino placuit, ita factū est, sit nomē domini benedictū. Philo-

Lac. 17.

Psal. 48.

Psal. 41.

Iob. 1.

Sequitur pars secunda, in qua ostēdit Apostol. de quibus gratias agat, cū subdit: *In gratia*, id est pro gratia, quę data est nobis in Christo Iesu. Dicitur autē gratia, quasi gratis data. Itaque fratres, quia quicquid habemus, quia à Deo nobis gratis datum est, totum gratia est. Sed tamen antonomasticē virtutes & donā S. sancti quę sunt propria bonorum, gratiæ dicuntur. Temporalia verò bona, quia cōmunia sunt & bonis & malis, & si gratis à Deo dentur, tamen gratiæ non solent dici. Gratiarum autem, alia est gratia ad gratiam: alia gratia pro gratia: alia est pro gratia ad gratiam, Gratia ad gratiam tantum est prima gratia, quę omnino gratis datur: non pro aliqua præcedenti gratia tanquā merito, vt fides. Gratia pro gratia est (teste Ioāne) æterna beatitudo, quę pro præcedentibus gratiis tanquā meritis iustis cōfertur, nec pro ea, alia expectatur. Gratia verò mediæ inter primam & extremam gratiam, sunt gratiæ pro gratia ad gratiā, quoniam pro præcedenti gratia tanquā pro merito conferuntur ad alias gratias pro merendis. Ne miremini fratres, si meritā iustorum gratias voco: teste enim Apostolo, nihil habemus quod nō à

Gratie
medię.
Merita iu-
storum qua-
re gratias

HOMILIAE

Deo & gratis acceperimus. Sed quoniā per vnā gratiam
petuenimus ad aliam, merita dicuntur & improprie. Teste
enim Aug. solā gratiā suā coronat in nobis Deus. Hęc autē
gratię dicuntur datę in Christo Iesu. i. in fide Iesu Christi.
Fides enim est prima gratia & fundamentū omnium grā
tiarū. Deinde gratiā exponēs subdit: *Quia in omnibus, ino*
quit, diuites facti estis, in omnibus scilicet gratis ad vitā
æternā promerendā necessariis: quas qui habet, veras di
uitias habet, & verē diues est. Has ergo diuitias fratres,
desiderate & quærite, quæ hominē ad veram ducunt suffi
cientiā, & semper habentes comitātur. Tēporales verō di
uitias si nō habetis cōtemnite: si verō habeatis, pauperib⁹
erogate. Has enim diuitias Domin⁹ in Euā. fallaces appel
lat, quia hominē de ipiunt, cū nec felicē nec sufficientē fa
ciāt & cū homine manere nō possunt, de quibus David.
Dormierūt, inquit, somnum suū, & nihil inuenerunt oēs
viri diuitiarū in manibus suis. Et alibi: Et relinquent alie
nis diuitias suas. Hinc est qđ David cū tēporalibus diuitiis
abundaret, quia spirituales diuitias nō ita abundanter ha
bebat, vt vellet, se pauperē vocat & egenum, dicens: Ego
egenus & pauper sum, Deus adiuua me Itaq; fratres si ve
rē diuites esse vultis, illas spirituales & æternas diuitias
amate, ad illās tōto desiderio festinate. Si verō tēporales
diuitiæ affluūt, nolite cor apponere, sed pauperibus eroga
te. In quib⁹ verō diuites sint, ostendit cū dicit: *in omni*
verbo, scilicet prædicationis veteris & noui testamenti: *Et*
in omni scientia diuina, tam diuinarū rerum quā huma
narū. Quæ vtrique si cum charitate habeatur, virtus est, *si*
cuius testamentū Christi confirmatū est in vobis, Testamen
tum vocat scripturam, quia est testis æternæ hereditatis.
Euangelhū ergo est testamentum, quo Christus moriens,
æternam hereditatē, si eū dilexerimus nobis testatus est;
Testamentum autē hoc erat confirmatum in Corinthiis
quia ipsi in hoc testamento per fidem, spē & charitatē ita
cōfirmati erāt, vt neque mors, neq; vita, neq; gladius pos
set eos separare ab amore Christi testatoris, & ab amore
hereditatis. *Ut nihil,* inquit, *desit vobis in vlla gratia,* sub
audi quæ necessaria sit in via. Vnde patet qđ quidam Co
rinth. iam perfecti erāt modo viæ, Excusamus fratres in
perfectio-

Fides pri
ma gratia.

Psal. 78.

Psal. 43.

Psal. 62.

perfectiōnem & teporē nostrū, quotidie cum suspiriis flagitantes testatorem Christum, ut ipsi in suo testamento & gratia nos cōfirmet, quatenus ab eo nullatenus diuelli valeamus. Sequitur pars tertia, in qua ostendit Apost. quid Corinthij per prædictas gratias, expectent, dicens: *expectātibz reuelationē Domini nostri Iesu Christi*. Expectare, est cū desiderio sperare. Corinthij autem cū desiderio sperabant & præstolabantur reuelationem Iesu Christi. Iniqui verò nō expectant, imò timent aduentū Christi, more mulieris adulterę, quę aduentū sui viri formidat. In vobis fratres hoc qđ dico animaduertere potestis, quia qui sibi nullius est cōsciū, & Deū sincerē diligit, eius aduentum tanquā Patris & amici sui cū desiderio expectat, dolens inter miseras huius seculi, ab eius visione differri: Iuxta illud Pauli: Cupio dissolui & esse cū Christo. Nos ergo fratres nos tales præparemus, quibus sit hęc mundus exiliū, & reuelatio Christi desiderabilis. Dicitur autē aduentus Christi reuelatio, triplici de causa, siue quia seipsum manifestabit in potentia qui primò venit occultus: Iuxta illud, sicut fulgur exit ab oriēte & paret vsque in occidentē, sic erit & aduentus filij hominis. Siue quia occulta cordium reuelabit, iuxta illud: Noli iudicare ante tempus quoad usque veniat Dominus, qui & reuelabit abscondita tenebrarū, & manifestabit consilia cordium. Siue quia tunc reuelabimur qui sunt electi, & qui reprobi. Iuxta illud, filiolij nondū apparuit quid erimus: sed cū apparuerit, tunc similes ei erimus. Quia verò de nostra virtute nō possumus securē expectare aduentū Christi, subiungit: *Qui & cōfirmabit vos vsq; in finē, sine crimine, nō, ait, sine peccato*. Sine enim peccato salte veniali, in hoc mundo viuere nō possumus. Vnde de Ioan. Si dixerimus, inquit, quia peccatū non habemus: nosmetipsos seducimus, & veritas in nobis nō est. Sed ista venialia, quę quotidie fiūt, et in vano verbo, in risu, in tarditate eūdā ad Ecclesiā, vel dandi, elemosynā, quotidianis satisfaciōibus delēiur, ut in cōtusione pectoris, in elemosyna, in oratione, & huiusmodi. Sed ait: *sine crimine. i. in criminali peccato*, quālia peccata separāt hominē a Deo. Et ita confirmati à Deo, erimus securi in die iudicij. Qui vocatur dies, vel à charitate magna & cōtinua, vel à reuelatione

Phil. i.

Triplici de causa aduentus Christi dicitur reuelatio.

Mat. 24.

1. Cor. 4.

1. Ioh. 2.

1. Ioh. 3.

tione gloriæ Christi, vel à reuelatione cordium, & glorificatione iustorum. Qui tamē dies, cū sit dies electis, qui illuminabuntur, erat nox reprobis, qui in tenebris æternis recludentur, vt sint sine vero sole, sine calore boni, sine oportunitate bene agendi. Iuxta illud: Venit nox in qua nemo potest operari. A qua nocte nos conseruet omnipotens Dominus, & det nobis videre æternam & beatam suam claritatem per omnia secula seculorum, Amen.

DOMINICA XVIII. POST TRINIT.

Mat. 22.

Conuenerunt Pharisei in vnum, et interrogauit Iesum vnus ex eis legis doctor sētans eū. Textus huius Euāgelicęlectionis fratres charis. tanto auidius est audiendus, quanto doctrinā continet necessariam nostris animabus. Sunt autē eius partes quatuor. Primū enim conuenientes Pharisei, per vnū illorū Iesum interrogāt. Secundō Iesus respondet eis. Tertiō eos cōfutat. Quartō simplices informat. Conuenerunt igitur Pharisei in vnum. Mali quippē; quamuis nō solū ab aliis, sed etiā inter se diuisi sint, & inde cōiungit, quia cōtrariis vitiis famulātur, tamen in persecutionem bonorū cōueniunt. Sic Hærodes & Pilatus cū inimici essent, in morte Christi cōueniunt. Sic quoq; Pharisei & Saducæi cū diuisi essent & discordes in accusandū Paulū, cōueniunt. Sic quoq; potentes & malitiosi huius seculi, quamuis cōtrariis vitiis feruiāt, tamen sese coadiuvant & cōfæderant cōtra iustos. Quorū coadunatam malitiam fratres mei, studeamus superare per sapientiā, per patientiā & per orationem, dicentes cū Propheta: Præcipita Domine, diuide linguas eorū, videlicet vt quēadmodum in turre Babel præcipitata est malitia per diuisionem linguarū, ita & nunc præcipitur per diuisionē animorū.

Psal. 54.

Conuenerunt ergo Pharisei in vnū contra Dominum, vt quem nō poterāt ratione, superarent multitudine. Et per vnum, illum interrogant, vt si vinceret, oēs victores videretur. Et si vinceretur, solus victus videretur. Interrogauit inquit, eū vnus ex eis legis doctor. Doctor legis contra legis auctorem se erigit. Vnde patet, quoniam scientia sine charitate nocet: iuxta illud Pauli: Scientia inflat, charitas verò ædificat. Huic doctori legis sunt similes hodie multi hæretici, qui per verba charitatis impugnant veritatem;

Similes.

Similes etiā sunt eis qui per diuitias, potentias, & honores à Deo sibi datas, ipsum Deum & Ecclesiā persequuntur. Quia verò interrogatio fit vel causa dicēdi, vt quādo discipulus interrogat magistrū: Vel causa fallēdi, vt quādo magister interrogat simplicē, determinat Euāgelista qua intentionē doctōr legis Christum interrogaret, cūm subdit: *Tentās eū.* Tentabat ergo eum, nō vt probaret, vt Deus tentauit Abrahā: nec vt doceret, vt magister tentat discipulum, sed vt falleret: vt diabolus tentat Christianū, dicēs: *Magister, quod est mandatū magnū in lege?* Sub simplicitatē verborū, ponit laqueos insidiarum. Iuxta illud: Moliti sunt sermones eius super oleū, & ipsi sunt iacula. Interrogat autē nō vt instruat, aut instruat: sed vt suā ostēdet peritiā, & alterius derideat simplicitatē. Tales (vnde dolendum est) sunt hodie plures, qui quærunt & disputant de scripturis, nō vt faciant, sed vt appareāt: & vt Philosophus ait: Voluit scire, vt sciātur. Magister verò veritatis, veritatem tentanti nō tacer, ostendens vt quacūq; intentione veritas interrogetur, si opportunū est, eam aperiamus. Sequitur pars secunda, in qua Dominus respondens Pharisæis, instruit nos de dilectione Dei & proximi, & de ordine diligendi. Et quia per hoc tota lex & Prophetæ adimplentur, de dilectione Dei nos instruit, cūm dicit: *Diliges Dominū Deū tuū ex toto corde tuo, & ex tota anima tua, & ex tota mente tua.* In quo mandato demonstrat quare & quantum sit Deus diligendus. Quare? Ob tres causas: quia bonus est in se, quod innuit in hoc q̄ ait: *Deum*: quia meruit diligī à nobis, nos creando, nutriendo, redimēdo, q̄ innuit in hoc quod ait, *Dominū*, quia seipsum in primum diligētibus se tribuit, quod innuit in hoc q̄ ait: *tuū*. Quantum verò sit diligendus ostendit, cūm ait: *& ex toto corde, ex tota anima, ex tota mēte.* i. ex toto q̄ scis, ex toto q̄ viuīs, ex toto q̄ meminīs. Omnes enim motus nostrī sicut sunt à Deo, ita ad Deū sunt dirigēdi. Sed fratres mei, quid sibi vult hæc inculcatio verborum, ex toto corde, ex tota anima, ex tota mēte tua? Nōne si dixisset ex toto corde satis dixisset? vtiq;. Sed tot inculcata sunt verbā ad maiore expressionē: quia nunquā satis dicitur, quod nunquā satis agitur. Sed quis hoc mandatū potest implere? Nullus

1. Cor. 8.

Psal. 34.

in via. Quare ergo datum est? Ut agnoscat homo se semper in via imperfectum esse, & tendat ad patriam, ubi hoc possit implere. Sed nec in patria tantum poterit amari Deus, quantum est dignus. De dilectione verò proximi nos instruit cum dicit: *Diliges proximum tuum sicut teipsum*. Invenitur autem hic in quo sit diligendus proximus, & qualiter & quare. In quo? in hoc quod est proximus nobis natura vel fide, vel cognatione, vel beneficio, vel loco, vel familiaritate coniunctus. Omne ergo hominem diligere praecipimur, tam notum quam ignotum, tam amicum quam inimicum, tam bonum quam malum. Non quidem inquantum est malus vel inimicus, sed inquantum est proximus nobis natura, vel fide vel virtute: vel si non est, ut sit. Qualiter proximum diligere debes? sicut teipsum. Non autem quantum teipsum, sed sicut teipsum, id est bene te, & bene proximum. Nam qui se male diligit, se odit. Sic ergo proximum diligamus sicut nos, tanta bona ei optemus, quanta nobis. Quare verò proximus diligendus sit, ex hoc nobis inquitur, quod in primo mandato omnes motus animi & corporis nostri, ad Deum diligendum dirigere praecipimur. Unde nobis constat quod etiam ipsos motus amoris, quibus vel nos vel proximos diligimus, ad Deum tanquam ad causam & ad finem dirigere debemus, ut scilicet & nos & proximos, non nisi in Deo, & propter Deum diligamus. De ordine verò diligendi nos instruit, in hoc quod illud mandatum, maximum & primum vocat: & illud, secundum. Mandatum enim de dilectione Dei, est maximum, quantum ad dignitatem: & primum quantum ad ordinem. Deum igitur super omnia diligere debemus: deinde animam nostram, tertio loco animam proximi, quarto corpus nostrum. Patrem verò & matrem inter proximos primum debere diligere, ostendit Dominus, cum de dilectione eorum primum secundumque tabulae mandatum dedit. Post illos, diligenda est uxor, quoniam & si propter uxorem relinquendi sunt pater & mater corpore, non tamen mente. Post uxorem, filii: post filios, fratres, post hos nepotes. Post, magis diligendus est, qui magis est coniunctus nobis carne, familiaritate, beneficio: & ad ultimum, inimici. Hinc est quod mandatum de dilectione dicitur a Prophetis, latum mandatum tuum inquit: quoniam extenditur à dilectione Dei usque ad dilectionem inimici.

*Dilectio
proximi.*

*Omnis bo-
vino diligen-
dus.*

*Ordo in di-
lectione: ser-
vandus.*

Psalmus.

mici. Quod verò per hæc duo mādāta tota lex impleatur, ostendit Dominus, cū ait: *in his duobus mandatis tota lex pendet & Prophetæ.* Qui enim Deū diligit, mandata eius custodit; Qui verò proximū diligit, in nullo vult lædere, sed potius prōdesse. Vnde nec cū occidit, nec eius vxorem mœchatur, nec res eius furatur, nec cetera quæ prohibita sunt, operatur. Si ergo nō potes oēs scripturas scire, saltem de dilectione Dei & proximi mandatū tene. Quoniam ille tenet, & q̄ patet, & q̄ latet in diuinis sermonibus, qui charitatē tenet in moribus. Qui hanc habet, omnia habet: & qui in hac offendit, factus est omniū reus. Hinc Propheta: Omnis, inquit, cōsummationis vidi finē: latū mandatum tuū nimis. Et Apost. Plenitudo legis est dilectio. Dilectionē ergo fratres, super omnia teneamus: quoniā dilectio legem cōseruat, Deū sibi appropriat, proximos sibi amicat, inimicos recōciliat, diabolu superat, mortē ignorat, aduersa æquanimiter portat, prosperē sapiēter temperat, omnia cōmunicat, nunq̄ excidit, aliorū bona sua facit, sola Deū videt & cognoscit. Sequitur pars tertia, in qua Dominus Phariseos cōgregatos cōfutat, interrogādos eos hoc modo: *Quid vobis videtur de Christo, cuius filius est?* Interrogat aut̄ eos, nō vt ipse ab eis erudiretur, q̄ omnia nouerat, sed vt eos erudiret, qui erudiri volebant: sed vt ostendens eorū ignorantia, eorū cōfutaret superbiā, qui scientia legis inflati erant, & vt de æterna Christi natiuitate nos erudiret, & vt garrulitati Phariseorū silentiū imponeret. Horum igitur superbiā confutat, cū eos ostendit ignorare, quomodo Christus dicatur à Propheta Dominus Dauid. Putabāt enim, & adhuc putant Iudæi, Christum purū hominem forē ex semine Dauid, & i seo rectē secundum eos quærīt Dominus quomodo Dauid vocet Christū Dominum suum: cū sit secundum eos antiquior tempore, & pater generatione. Nam si Christus est filius Dauid, quomodo eius est Dominus? Vel si eius Dominus, quomodo eius est filius? Nos aut̄ instruit Dominus de æterna sua generatione per verba Prophetæ, introducētis patrē ad filiū loquentem ita: *Sede à dextris meis.* Nam in sequentibus versibus statim ostenditur Christus esse coæternus patri, qui ei dicit; *Tecum principium in die virtutis tuæ, subaudi-*

Rom. 136

dis

*duas Christi
fili natiui-
tates.*

dis est mihi. Et esse ex conatus, cum subiungitur: Ante La-
ciferum genui te. Itaque fratres mei, quod Iudæi ignorât,
nos intelligimus duas Christi natiuitates, vnâ de Patre an-
te secula, secundû quam est vnus Deus & Dominus cum
Patre. Vnde & Dauid vocat eum Dominum: Et alteram
in tempore de Virgine, de semine scilicet Dauid: vnde &
filius Dauid dictus est. Silentium etiam imponit Pharisæis
vt tam euidenter ignorantia natiuitatis Christi confusi,
nō amplius audeant eum de scientia legis aggredi, quem
videbant nosse omnia secreta legis. Sequitur pars quar-
ta, in qua Dominus discipulos & simplicem turbâ mora-
liter instruit, dicens: *Super cathedrâ Moysi sederunt Scri-
bæ & Pharisei, &c.* Sicut ex hoc & ex aliis sancti Euange-
lij locis, colligimus fratres mei, tres sunt: Pastor, mercenar-
ius, & fur sicut nomine, ita & intentione diuersi. Pastor
enim est, qui ex charitate oues Christi exemplo & verbo
pascit. De quo Dominus, Pastor, inquit, bonus, animam
suam ponit pro ouibus suis. Mercenarius verò est, qui pro
temporalibus oues Christi pascit verbo, & non exemplo.
Vnde Dominus: Mercenarius, inquit, fugit, quia merce-
narius est: & non pertinet ad eum de ouibus. Fur est here-
ticus, qui nec exemplo, nec verbo oues Christi pascit: imò
eos occidit, cū se illas pascere mētiatur. De quo Dominus:
Fur, inquit, nō venit, nisi vt mactet & perdat. Mactat enim
malo verbo, perdit malo exemplo. At igitur Dominus in
hac Euāgelij lectione de mercenariis sub nomine Scribarū
& Phariseorū. Et hoc modo: Primò describit quales sunt,
& quomodo se habeāt. Secundò ostendit quid eis à popu-
lo debeatur. Tertio describit vitia eorum. Quartò prohi-
bet discipulis ne eos imitentur. Quales igitur sint osten-
dit, quom eos vocat Scribas & Phariseos. Scribæ sunt,
quia sciunt legem. Pharisei verò sunt, quia se diuidunt
ab aliis per superbiam & inanem gloriam, habentes sci-
licet scientiam sine charitate, quæ iuxta Apostolum in-
flat, non ædificat. Quomodo se habent? Super cathedram
Moysi sedent. Est autem cathedra dētorū, sicut tribunal
Iudicum, thronus Regū. Per cathedram ergo doctrina le-
gis vel Euangelij intelligitur. Bonus ergo Pastor sedet in
cathedra: quia intra doctrinam legis sese coercet: ne-
cam

Ioan. 10.

Ibidem.

1. Cor. 3.

Cathedra.

eam trāsgreditur. Mercenarius verò sedet super cathedrā,
 quia doctrinā legis malè operādo trāsgreditur & cōculcat.
 Hæreticus verò sedet extra cathedram: quia nec factō, nec
 verbo doctrinā legis tenet. Secūdo quid oues debēat mer-
 cenariis, ostendit cū subdit: *Quæcunq; ergo dixerint vo-
 bis, seruare & facite: secundū verò opera eorū nolite face-
 re.* Ac si apertè dicat: quia doctrinā legis prædicāt, audien-
 di sunt: sed quia eam malè viuēdo trāsgrediuntur, sequen-
 di nō sunt. Bonus ergo pastor, quia & doctrina & vita le-
 gem tenet, audiendus & sequendus est. Vnde Dominus: Vo-
 cē, inquit, eius oues audiunt, & sequūtur. Mercenarius ve-
 rò, quia nō vita, sed sola doctrina legē tenet, est audiendus
 & nō sequendus. Vnde & hic dicitur: *Quæcunq; dixerint
 vobis, seruare & facite: Secundū verò opera eorū nolite fa-
 cere.* Fur verò, quia nec doctrina, nec vita tenet legē, nec
 audiendus, nec sequendus est. Vnde Dominus: Nō audierūt
 inquit eos oñes, quia nō nouerūt vocē alienorū. Nouerat
 quippè Dominus quosdā subditos fore, qui vidētes prauā
 vitam doctorū eos audire contēnerent. Et propter hoc ait
 hic: *Quæcunq; dixerint vobis, seruare & facite.* Et noue-
 rat quosdā fore, qui etiā prauam doctorū vitā sequerētur
 dicētes: Nōne hoc & hoc facit Sacerdos, facit & Episcopus
 meus? Quomodo ego sanctior essem illis? Ideo subiungit
 Dominus: *secundū verò opera eorū nolite facere:* quia in
 doctrina sunt sequendi, non in vita. Tertiò subiūgit sex vi-
 tia mercenariorū, scilicet trāsgressiōē, crudelitātē, remis-
 sionem, vanā gloriā, crapulā, honoris & gloriæ ambitio-
 nem. Porro de trāsgressione legis eos redarguit, quū dicit:
Dicunt enim & nō faciunt. De summo pastore scriptū est,
 Coepit Iesus facere & docere. Neq; enim sufficit doctrina
 sine vita. Si enim dicis & non facis, dicetur tibi. Quare tu
 ipse hoc quod præcipis, nō facis? Quare prædicas nō furā
 dum & furaris? Hinc ait Psalm. Peccatori autē dicit Deus:
 Quare tu enarras iustitias meas, & assumis testamentum
 meū p os tuum? Tu verò odisti disciplinā, & proiecisti ser-
 mones meos retrorsum. Hinc est quod baculus Pontifica-
 lis in seipsum reflectitur: vt scilicet quod alius prædicat, in
 se ostendat. Rursus nec sufficit vita sine doctrina. Vnde
 Propheta clamat: Væ mihi quia tacui. Et alius: Si non an-

*Hæreticus
sedet extra
doctrinā.*

Ioan. 30.

Mat. 1.

*Rom. 1.
Psalm. 49.*

Esa. 6.

- Zeck. 3.** annuntiaueris, inquit, impio vt ab iniquitate sua cōuertatur, ipse quidē in iniquitate sua morietur: quia nō annūtia stī ei; sanguinē autē eius de manu tua requirā. Heu fratres mei, quā sunt hodie rari veri Pastores. Nā nos, q̄ Pastores plebis vocamur, tā in vita quā in doctrina claudicamus. Nā quāta differētia est inter pastorē & ouē, tāta differētia debet esse inter vitā pastoris, & vitā subditi: vt videlicet respectu excellētiæ pastoris, subditi grex dicantur. Debet enim sacerdos esse in populo velut lux in obscuro, velut stella in throno, vt ad claritatē vitæ eius, cæteri viam sequantur. Vnde & Dominus ait: Vos estis lux mundi, vos estis sal terræ: vt scilicet per claritatē vitæ vestræ, populus illustrētur: Et per sapientiā vestrā insulsi & idiotæ erudiantur. Sed q̄ sine gemitu dicere nequeo, nos qui debuimus, esse lux mūdi, facti sumus tenebræ: & est sicut populus sic sacerdos. In doctrina etiā claudicamus: tū quia sumus pigri ad prædicandū, nisi nō attenderimus tēporale emolumentū: tū quia personas accipimus, durius pauperes increpantes, & potentū vitia vel palpantes vel tacentes. Et hoc vnde fratres, nisi quia pauperes cōtemnimus, & potentes formidamus: cadētes hinc à charitate, illinc à iustitiæ rigore? De crudelitate verò Pharisæos arguit, cū subdit: *Allegant enim onera grauiā importabilia, & imponūt in humeros hominū.* Quod grauiā imponūt, austeritatis: q̄ importabilia, crudelitatis & impietatis erat. Hoc faciunt etiam hodie quidam falsi pastores, qui nescientes cōpati infirmis tātibus subditorum, alij imponunt onus, vt per totā vitā suam ieiūnet in pane & aqua. Alij, vt semper in cilicio & cinere super terram recumbet. Alij, vt semper nudo pede exulet. Alij, vt omnia relinquat, & heremum intret. Quæ infirmi importabilia reputātes, quasi de venia desperādo, omne deserunt satisfactionem, & in peccatis permanent. Scriptum est enim, Asellus sequens matrem nimis oneratus diuersit. Non autem attendunt qui hoc faciunt, quod Samaritanus sauciato adhibuit oleum & vinum. Oleum misericordiæ, & vinum correctionis. Vnde & Paulus, Si præoccupatus, inquit, fuerit homo in aliquo delicto, vos qui spirituales estis, instruite huiusmodi in spiritu lenitatis; considerans teipsum ne & tu tenteris. Alter alterius

onera portate, & sic adimplebitis legē Christi; Bonus ergo Pastor accedat ad peccatorem more Samaritani, & misericordia moueatur super eū. Cū infirmatur per cōpassionem, postea infundat oleū, cōsolando & veniam promittendo. Tertiō infundat vinum, modeste corrigēdo. Quarta enim subleuet in iumentū suū, eius onera portando per orationes, sacrificia, & oblationes: Vt imietur illum verū Pastorem qui languores nostros ipse tulit, & peccata nostra ipsa portabit. De nimia remissione Pharisees redarguit, cū subdit: *Digito autē suo nolūt ea mēuere.* Quasi dicat: grauiora mandata, quæ alius imponūt, ipsi nec in minimo aggredi volūt: Et ita cū in aliis seuiant, sibi nimis indulgēt. Cū ecōtrario officium boni Pastoris sit, virtus suis nunquam indulgere, sed se asperius iudicare & tractare: & alius indulgentiorē esse. Multum in hoc fratres mei, quotidie peccamus, qui aliis grauiora onera satisfactionis imponētes, nos remille tractamus: aliorū vitia iudicamus & nostra excusamus. Aliis dura & longa ieiunia imponimus: & nos comestationibus & ebrietatib⁹ vacamus. Aliis castitatē præcipimus, & nos rebus indulgemus. Alios vestiri cilicio, & iacere in sacco & cinere præcipimus, & nos mollibus vestimur, & in mollitia recubamus. Alios omnia relinquere & pauperibus eiogare monemus. Et nos auari in terra thesaurifamus, faciētes duplex iudiciū, aliud proximo, aliud nobis. Et quod in aliis damnamus, in nobis excusamus: cū scriptū sit. *Statera & statera, pōdus & pōdus, utrūq; abominatio est apud Deū.* Vanā gloria eos redarguit, cū subdit: *Omnia sua opera faciūt vt videantur ab hominibus.* Sed sicut alibi dicit Dominus, receperūt mercedem suā, laudem scilicet humanā quam quæsierūt. Faciūt certē & boni pastores aliquando bona in publico corā hominibus, sed inde nō quērūt gloriā suā, sed Dei. & vtilitatē proximi. Iuxta quod Dominus alibi præcipit, *Sic luceant, inquit, opera vestra coram hominibus, vt glorificent patrem vestrum qui in cēlis est.* Deinde in quibus Pharisei quærebant vanam gloriā, exponit cum subdit, *Dilatant enim phylacteria sua, & magnificant sinibrias.* Præceperat siquidem Dominus in lege. Habebis præcepta mea tanquam aliquid semper appensum ante oculos.

*Officiū
boni pa-
storis.*

Prou. 20.

Mat. 5.

Mat. 6.

HOMILIAE

los tuos. Huic literæ Pharisei adhærentes, scribebant decem mandata in pictatiolis, & in fronte sua suspendebāt, vt præ ceteris, legis obseruatores viderentur. Vnde & hæc pictatiola vocat hic phylacteria: à phylasse, quod est obseruare. Præceperat etiam Dominus fieri simbras in angulis vestimentorum: vnde & eas Dominus habuit in vestimentis, de quibus Emoroissa vnam legitur tetigisse. At Iudæi amatores vanæ gloriæ faciebant sibi grandiores simbras, in quibus spinas ligabant: ad quarum punctiōem legis diuinæ recordarentur. His similes plerique nostrū sunt hodie fratres mei, qui vt videātur ab hominibus, religiosius se vestiunt, parcius viuunt, psalmos frequentius murmurāt, prolixius orant, genua crebrius flectunt, in choro primi incipiūt, & extremi finiūt. Sed quotquot tales sunt proculdubio miseri sunt: qui pro vento fauoris, præmiū vendūt virtutis: miseri in hoc seculo, miseres in futuro. De crapula eos reprehendit cū subdit, *Amāt enim primos recubitus in cœnis.* Ac si apertè dicat: idcō volūt videri gloriosi, vt honorētur ab hominib⁹, & inuitatione & priori & ampliori epulatione. Tales sumus & nos fratres mei hodie, vnde dolendū est, qui gaudemus quando principes & potētes nos inuitāt, nos in primo loco collocāt, nobis varia fercula & vina apponūt. Medullā terrę comedimus, comessamur & inebriamur vino, in quo est luxuria, paupere foris fame & siti pereūte. Porro bonus pastor nunq̃ extra domū suā eat manducandū, tantū gratia comedēdi, præter quā gratia aliis proficiendi, vt inuitatores suos, à quibus pascitur corporaliter, pascat spiritualiter. Declinet autē in sede superbiā, in cibo saturitatē, in potu hilitatē, in verbo leuitatē, vt suos ædificet cōuiuas, nō solū verbo, sed etiā grauitatis exēplo. De ambitione eos redarguit, cū subdit: *Et primas æuant cathedras in synagogis.* Heu quantū exereuit hodie hæc ambitio prælationū inter nos: Ambiūte fieri magistri, antequā didicerint esse discipuli: ante præcipere, quā obedire. Alij simulant sanctitatē: Alij principibus seruiunt: Alij congregant pecunias: Alij frequentant curiam: vt quā meritis nō assequuntur, hypōcrisi, pretio, violentia, prece assequantur, cathedrę dignitatem. Sed intelligat se non esse episcopū, qui mauult præesse quā prodesse.

desse. Nemo pręsumat defendere ambitionē suā illo Apostoli dicto: Qui episcopatū desiderat, bonum opus desiderat. Opus enim dicit, nō honorē: opus nō opes: laborem, nō requiē: ministerium, nō dominatū: solitudinem, nō gloriā: aliorū onera portare, nō portari: quęrere non quę sua sunt, sed quę Iesu Christi. Qui ergo ita episcopatū desiderat, bonū opus desiderat. Sed quā rarus est hodie talis fratres charissimi, quin potius ferē omnes ostendunt cū ad dignitatē perueniunt, qua intentione eam ambierunt: malē ascendunt, peius viuunt. Assumunt sibi numerum equorū, ut iam non videantur Episcopi, sed tyranni. Pręmittunt in quadrigis & summariis multam & pretiosam suppellectilem, quasi cāstra transportarent. Incedunt trabatis frenis, & edificiis deauratis. Nō est modus vestibus, non cibariis, non palaciis, nō argenteis scutellis, & cyphis aureis. Elati in cathedra, obliuiscuntur se esse mortales, diuitū personę assumuntur: pauperes abiiciuntur: ordines ecclesię & iustitię venundantur: & quę carē mercati sunt, carius vendere cōcupiscunt. Lectio & contemplatio contemnitur, & lucrosę causę agitantur. De vana gloria iterum eos reprehendit, cū subdit: *Amant saluationes in foro, & vocari ab hominibus Rabbi.* Cū diabolus opera quorūdam nec in principio operis, nec in executione per intentionē vanę glorię vitare potuerit, postea per oblationem fauoris & laudis eos aggreditur, iuxta illud quod Dominus serpenti dixit: Et tu insidiaberis calcaneo eius. Inducit ergo eis adulatōres, à quibus salutantur, beatificantur, & decipiuntur, iuxta illud Esaie: Popule meus, qui te beatū dicunt, ipsi te decipiunt. Quauis enim exterius ru beant, & indignos laude se dicant, tamen interius anima ad laudem lætatur & delectatur, & ita maculatur. Pugnā quippē vanę glorię nemo aduertit, nisi qui ei bellum indicit, & qui eam subtiliter inquit. Quartò prohibet Dominus discipulis, ne Phariseos imitentur, cū subdit: *Vos autē nolite vocari Rabbi.* Aliud est fratres mei vocari, aliud velle vocari Rabbi. Velle vocari Rabbi, semper est ambiciosi & gloriosi: Vocari verò, est tam boni quā mali. Sed bono magistro nō nocet vocari magistrum, imò prodest. Cū enim vir bonus audit se magistrum vocari, hinc in-

1. Tim. 3.
Episcopus
tus quomo
do deside
randus.

Gen. 3.

Esa. 3.

HOMILIAE

intelligit necessitatē sibi indictā: ut quod dicitur nomine, sit
 & re. Hinc studet & laborat verbo & exemplo se verū ma-
 gistrū aliis exhibere. Peruerso verò magistro nocet, si vo-
 ceretur magister. Nam cū audiit se vocari magistrū, magis
 alij credit quā sibi: & inde instigatur nō ad seipsum cor-
 rigendū, sed magis ad superbiedū. *Omnes enim, inquit, fratres estis.* Ac si dicat, licet officio & excellētia sitis aliū
 magistrū, tamē per charitatē & humilitatē subditos vobis
 coequātes, magis fratres quā magistrū velitis vos appel-
 lari. Nec putetis fraternitatē spiritualē, quæ est inter vos,
 esse minorē carnali fraternitate. Nulla quippē est carnalis
 fraternitas in respectu spiritualis. Vnde & subdit. *Et Patres nolite vocare vobis super terrā: vnus est enim, Pater vester qui in caelis est.* Homo enim dicitur pater filij, nō quia cū
 creet, sed quia generationis eius tantū est minister. Deus
 verò ipse est creator corporis & animæ: ipse est auctor ge-
 nerationis tā primæ quā secundæ, ipse nutritor, doctor, &
 saluator. *Nec vocemini magistri: quia magister vester vnus est Christus: q̄ solus oēs docet, & sine quo nullus docetur,*
ipse enim est magister & auctoritate & officio. Ipse docet
exterior & interior. Exterior verbo & exemplo: Interior in-
spirādo. Nisi aut sit intus q̄ doceat, in vanū lingua docto-
ris laborat, homo enim tantū ministerio exteriori magister
dicitur. Qui maior est, inquit, vestrū erit minister vester. Ac
 si apertē dicat: nō erit cōtentio inter vos de magisterio, sed
 de ministerio, nō de prælatione, sed de humilitate. Sicut e-
 nim filius Dei venit in hūc mundū, nō vt ei ministraretur,
 sed vt ipse omnib⁹ ministraret, & animā suā pro omnibus
 poneret: Sic debet aliquis ad officiū pastorale accedere, nō
 vt diceretur: nō vt honoretur: nō vt ei ministraretur, sed potius
 vt ipse ministraret, & animā suā ponat pro subditis anima-
 bus: *Nam qui, inquit, se exaltat, tēporaliter humiliabitur*
perpetualiter. Nos ergo fratres charissimi, sequentes verū
 & summum magistrū, quæramus in hoc seculo, nō ditari
 nō honorari, nō delectari, nō ministrari, sed potius ministra-
 re, docere & prodelle, cū paupertate, cū humilitate, cū pa-
 tientia & labore, quatenus in celsi regni mereamur di-
 tari, honorari & delectari. Per Dominū nostrū Iesum Chri-
 stū, qui cū Patre & Spiritu sancto viuit & regnat Deus, per
 omnia secula seculorum. Amen.

DO-

DOMINICA XIX. POST TRINIT.

Renouamini spiritu mētis vestrae, & induite nouū bo- *Ephē. 4.*
 minē qui secundū Deū creatus est, in sanctitate, & iu-
 stitia veritatis, &c. In hac lectione fratres chariss. nos hor-
 atur Apost. ad nouitatē innocētis vitæ. Et hoc modo. Pri-
 mō monet nos mutari de malo in bonū, secundō ponit
 partes vetustatis, quas fugere debemus: & opera nouitas
 is, quæ facere debemus. Primō igitur monet nos mutari
 de malo in bonū, sū dicit: *Renouamini, &c.* Potrō renoua-
 tio fit quādo vetustas exiit, & nouitas amissa recupera-
 tur. Nos autē fratres, fuimus noui formati in Adā, sed ipso
 peccāte, cū ipso incidimus in vetustatē. Sanē q̄ nouū est, *Quomodo*
 purum, firmū, & forte est. Quod verō vetus est corruptū, *fit renoua-*
tio.
 & firmū, & debile est. Est autē Adā creatus nouus, quia pu-
 rus, quia firmus, quia fortis. Purus sine peccato, firmus ad
 resistendū visio, fortis ad perseuerandū in bono. Sed quia
 sp̄te peccauit, vetustatē incurrit, factus impurus, infir-
 mus: & debilis. Impurus quia corrumpitur visio: infir-
 mus ad resistendū visio. Quia enim cū cultare posset pec-
 catū, noluit, infirmitū est, vt cū velit, nō possit. Debilis etiā
 fuit ad bene agendū, per se enim bene agere nō potest ni-
 si gratia Dei adiutus. Dicitur igitur Adā vetus homo. Ve-
 tustas eius est illa corruptio & infirmitas, quā peccādo in-
 currit, quæ languor naturæ, siue stimulus carnis, siue pro-
 p̄ritas ad peccandū vocatur. Hęc est originale peccatū. Hoc
 etiā peccās peccatū dicitur, quia per eā velimus nolimus, *Rom. 7.*
 peccamus. Propter hāc exclamat Apo. infelix, inquit, ego
 homo, quis me liberabit de corpore mortis huius? Gra-
 tia Dei per Iesum Christum. Christus verō ecōtrario dici-
 tur nouus homo: quia nō ex cōcupiscentia cōceptus est,
 sed ex sp̄itu sancto. Et purus, firmus, & fortis creatus est,
 & permāsit. Et eius innocētia, & sanctitas nouitas appel-
 latur. Oēs igitur sicut nascimur ex corrupta massa Adæ, ita
 nascimur ex corrupto corrupti: ex vetere veteres, sed per
 gratiā noui hominis Christi renouamur, dū in fide & ba-
 ptismo eius originale peccatū nobis dimittitur, & inno-
 cētia nobis cōfetur, & iuxta Apost. de die in diem magis
 ac magis renouamur, cū magis ac magis Christū imi-
 tando, in sanctitate proficimus. Hęc nouitate Apostol. rec. *Gal.*

HOMILIAE

Sensualitas.

nouatus ait, uiuo ego, iam nō ego, uiuit autē in me Christus, in quō autē hęc renouatio, & quomodo, & per quē fiat, & ex quibus cōsistat, subsequenter ostendit Apost. In quo fiat, ostendit cū ait. *In spiritu mētis uestre*, id est, in spiritu & mente uestra. Per spiritū, inferiorem uini animā, id est sensualitatem, & per mentem, superiorē intellectū intelligens. Est autem sensualitas illa vis animæ, quæ per officinas corporis, corporalia cōprehendit. Monet igitur nos Apostol. ut in sensualitate nostra innouemur, ut sensus nostri nō exarētur, ut prius ad vetera, sed potius ad opera noui hominis faciēda. Ut scilicet oculus nō videat tēporalia ad cōcupiscendū, sed potius ad contemnendū & pauperes nō ad spernendū, sed potius ad cōpatiendū. Aures non audiant illicita, sed sacra Domini uerba. Nares nō olerēt meretricales odores, sed potius spiritualiū uirtutū suauitatem. Gestus nō irretiatu lenociniosis saporibus, sed ieiunio, & omni uerbo q̄ procedit de ore Dei. Tactus nō delectetur illicito cōtactu, sed castimonia. Intellectum quoq; præcipit innouari, ut iam non studeat in malitiis, in dolis, in fraudibus, in malis consiliis, & malis artibus, sed potius in spiritualibus studiis, & in sanctis lectionibus. *In sapiētia Dei*, in cōtemplatione coelestium, ut ita imago Dei in nobis deformata reformetur. Quomodo uerō hęc reformatio fiat, ostendit cū ait: *Et induite nouū hominē*, id est, nouitatem noui hominis Christi: ut scilicet quantum possumus, simus innocētes, sicut ipse innocēs est. Simus sancti, sicut ipse sanctus est: simus misericordes, sicut ipse misericors est, & quantum ipse dederit, simus eius imitatores. Per quem autem fiat hęc renouatio, ostendit cū subdit, *qui secundū Deū creatus est*, id est, nouitas eius secundū Deum creata est. Ac si diceret: Hęc nouitas nō potest esse in nobis ex nobis: sed ex eo qui ait: Ecce noua facio omnia. Quā nouitatem mentis propheta petēs à Deo ait: *Cor mundū crea in me Deus, & spiritū rectum innotua in uisceribus meis*. Sed & nos fratres mei, qui nihil ex nobis, nisi peccatū habemus: oremus cū gemitu, oremus quotidie cū lachrymis & suspiriis, oremus inquam cū Propheta, uetustatem peccati aufer à me Domine, & spiritum rectum innoua in uisceribus meis. Ex quibus uerō hęc

Apoc. 21.

Psal. 50.

hæc renouatio cōsistat, ostendit cū ait: *in sanctitate & iustitia veritatis*. In sanctitate in nos, & in iustitia in proximos: & vt tā sanctitas quā iustitia sit veritatis: & veritate, scilicet operis, & veritate finis. Sunt enim (vnde dolendū est) quidā simulatores, qui nec sancti: nec iusti sunt opere, sed simulant. Alij verò, & si opera sanctitatis vel iustitiæ habeāt, tamen in fine degenerāt, cū de eis gloriā secularem expectāt. Sequitur pars secunda, in qua ponit Apost. partes vetustatis, quas nos fugere docet, & partes nouitatis, quas nos sequi iubet, dicēs: *Propter quod abiiciētes omne mendaciū loquimini veritatē, &c.* Tres partes vetustatis sunt: vetustas oris, vetustas cordis, vetustas operis. Tres quoq; e contrario partes nouitatis sunt, nouitas oris, nouitas cordis, & nouitas operis. Vetustatem igitur oris nos pręcipit abiicere, cū ait, *propter quod abiiciētes omne mendaciū*. Est autē mendaciū falsa significatio vocis cū intentione fallendi. Mentiri verò dicitur, quasi cōtra mentē. Iuxta illud. Labia dolosa ex corde, & corde locuti sunt, .i. ex duplicitate cordis. Sunt autē sex species mendaciorū. Primum est, q̄ prodest & nemini nocet, vt quādo aliquis mentitur, pro vita alterius cōseruāda. Secundū est, q̄ nec prodest nec obest, vt quādo iocando quis mentitur. Tertium est, q̄ aliqui prodest, & alicui nocet: vt quādo mentitur vēditor emptori. Quartū est, q̄ alicui nocet & nulli prodest, vt quādo aliquis vult decipere inimicum suum. Quintū est, quod sit sola libidine mentiendi, quod mirū peccatū est. Sextum est mentiri in veritate fidei, quod est hæreticorum. Comprehenduntur autē sub mendacio destractio, adulatio, susurratio, incusatio: Quæ & si quādoque habeant vitæ veritatem, quia tamen malo fine dicuntur, mendacia sunt. Est autē omne mendaciū fugiendū. Vnde & hīc ait: *proiicientes omne mendaciū*. Et Propheta; Perdes, inquit, omnes qui loquuntur mendacium. Nemi- ni igitur licet mentiri. Licet tamē ei verum tacere, vel mō doli prōpositione, malitiam eludere. Episcopus quidā vt refert beatus Aug. nomine & fide firmus, quendam reum apud se abscondit. Qui cū quæreretur, ait: Non licet mihi nec prodere, nec mentiri. Tractus ante regē Gentilem, cū in hoc ipso vsque ad mortem perseveraret, factus est

*Mendacium
quid.
Psal. 17.
Multiplex
mendaciū.*

Psal. 5.

HOMILIAE

mirabilis in veritate & iustitia: liberatur gratia eius etiam
 reus. Ecce fratres quomodo veritas & iustitia etiam apud
 infideles habentur admirabiles. Propositione verò modali
 inquirentem eludere licet: vt cū quærit gladiator, vbi est
 ille? Respondemus. Nescio, subintelligētes, tibi. Tales enim
 locutiones in sacra scriptura inuenimus, vt ibi. *Moueris*
tu & nō viues, subintelligitur enim nisi fleueris. Hęc est du-
 plicitas quæ neminē decipit, sed potius iuuat. Ad nouita-
 tem verò oris nos inuitat Apost. cū subdit; *Loquimini ve-*
ritatē vnusquisq; cū proximo suo. i. cū omni homine. Veri-
 tas enim est vera significatio vocis cū sine debito, & vera
 quidem est significatio, quando quod corde concipitur,
 voce significatur, quomodocunque se habeat res. Inde est
 quod Paulus, quando promisit se iturum ad Corinthios,
 quia vt mente habebat, ira locutus est, verū dixit, quanuis
 non iuerit. Et e contra, si quis dicat cōtra mentē se aliquid
 facturum, & post illud faciat, tamen quia contra id quod
 sentiebat, dixit, mentitus est. Si autē & quod sentit, dicat:
 sed non sine debito, id est, nō propter Deum, mendax est.
 Hinc est quod testis, si verum testificetur propter pecuniā,
 mendax est. Ecce fratres, vnde dolendū est, quam rari sunt
 hodie veraces, quoniam & si sunt aliqui qui dicant, quod
 sentiunt, tamen scire oēs non ad Deum, sed ad tempora-
 lem finem intentionē dirigunt. Quod verò adiunxit Apo-
 stolus, *quoniam sumus inuicem mēbra*, ita intelligendum
 est: Omnes fideles sumus mēbra Christi, & debemus nos
 tanquā membra cōadiuare. Cū ergo frater fratri menti-
 tur, quid aliud quā sinistra mentitur dextere? Et cū si-
 nistra dextere mentitur, quid aliud est quā cōtra se ope-
 ratur? Ira est proculdubio fratres mei, quicūq; mentitur
 alij, primum nocet sibiipsi. Veritatem verò mentis abū-
 cere, & nequitatem induere nos monet, cū subdit: *Ita sci-*
mini et nolite peccare. Quod hic Apost. de ira dicit, de cœ-
 teris passionibus, siue perturbationibus mentis intelligit,
 quę sunt timor & tristitia, cupiditas & gaudiū, ira & odiū.
 Hæ verò passionēs naturales sunt, & à bonis bene vtun-
 tur, & à malis malè. Qui enim timet offendere Deum, be-
 ne timeat. Et qui offenso tristatur, bene tristatur. Et e con-
 tra, qui timet ne nō possit suam malam implere volunta-
 tem,

tem; malè timet. Et qui tristatur, quia non impleuit, malè tristatur. Similiter qui irascitur contra peccatum suum vel alienum, bene irascitur. Hortatur igitur nos Apostol. (sed præpositerè) induere nouitatē mentis, cū ait, *irascimini*, subaudis contra vitia. Hortatur & nos abicere vetustatem mentis cū ait: *Nolite peccare*, subaudis per irā, vel alium mentis motum. Vel certè (vt quidā volūt) primus motus iræ, qui in nostra potestate nō est, permittitur nobis cū dicitur: *irascimini*. Ira verò post illum motū, tanquā graue peccatum prohibetur, cū dicitur, *nolite peccare*. Sol, inquit, *nō occidat super iracundiā vestrā*. Hoc vel ad literā legitur, vt scilicet tā brevis sit ira q̄ vsq; ad occasum solis non perduret. Vnde in vitis patrū legimus de duobus, quorum alterū sol nunquā viderat, irascentē; alterum nunquam viderat comedentem. Vel sol. i. charitas Dei & proximi, nō occidat in cordibus vestris, propter nimiam iracundiā: vt scilicet ita irascamur contra vitium fratris, quòd charitatem eius naturæ debitam non amittamus. Cū enim susperat ira, charitatem mētis perturbat, vt iam nō possit discernere quid deceat. Vnde Poëta: Ira, inquit, brevis furor est. Et Salomon. Ira, inquit, viri iustitiā Dei non operatur. Liptoxēs est. i. operatur iniustitiam. Non enim nouit iustè iudicare: quē ira conturbat. Propterea cū Theodosius imperator ex impetu iræ plusquam decem millia hominum occidi iussisset, reprehensus à beato Ambrosio, dedit legē vt de cætero cū Imperator vel iudex contra aliquem reū esset commotus, non statim eum iudicaret, sed per triginta dies esset reus in custodia, vt mitigatus animus iudicia tunc melius posset iudicare. *Nolite*, inquit, *locum dare diabolo*. Qui dat locum peccato, dat locū diabolo. Sicut qui dat locū virtuti, dat locum spiritui sancto. Vetustatē operis nos præcipit Apost. abicere cū subdit: *Qui furabatur, iam non furetur*. Per furtū intelligens & rapinam, & dolū & scēnus, & omnem exactionē. De quibus idem alibi: Ne quis circūueniat vel supergrediatur in negotio fratrem suū: quoniam vindex est Dominus eorum qui talia agunt: Si enim fratres mei damnatur qui non dat propria: quid fiet de eis qui rapiunt aliena? Nouitatem verò operis nos præcipit assumere, cū subdit: *Magis autem laboret vnusquisque*

2. Thes. 4.

quisque

8. Thes. 3.

quisque manibus suis quod bonū est. i. honestam & utilem operationē, per quod accipit quodlibet genus laboris, vel artis honestæ, vt agriculturā, sutoriam, fabrilē, & cæteras huiusmodi artes, de quibus potest aliquis sibi & aliis honestē prouidere. Quod fratres mei, contra quosdā est, qui otiose & curiose viuētes, ad manus semper respiciūt alienas: Non attendentes se plura inde vitia incurrere, videlicet otiosam desidiam, & inexcusabilem mendicitatē, turpem impudentiā, atq; debitā alienorum peccatorū supportationem. Contra quos Apost. ait: Qui nō laborat, nō manducet, & lex Imperatorum præcipit vt fortes mendicantes seruituti mancipientur. Econtrario fratres mei, quā honestus est modus viuēdi labore manuali, si iustē fiat & recta intentione, & cū multa bona habeat in se. Primò, quia de suo iusto labore uiuit. Secundò, quia debitas oblationes de suo, Deo reddit. Tertiò, quia habet vnde possit peccata redimere. Quartò, quia iuxta q̄ dicitur, hic habet vnde tribuat necessitatem patiēti. Hanc igitur fratres charis. triplicem oris, cordis & operis nouitatē habere studeamus: vt noui hominis Christi noua membra esse mereamur, ipso largiente, qui cum patre & spiritu sancto uiuē & regnat Deus per omnia secula seculorum, Amen.

DOMINICA XIX. POST TRINITAT.

Mat. 9.

Ascendens Iesus in nauiculā, transfretauit, & venit in ciuitatē suā. Iuxta literam fratres charis. ostendit Dominus in hac S. Euangelij lectione, se & veram humanitatem, & verā diuinitatem habere. Et veram quidem humanitatem se habere demonstrat. dum more hominū naue[m] ascendit & transfretat, & patriam terrenam visitat. Posset quidē omnipotens & summus Dominus, vtpote cui vniuersa famulatur elemēta, mare diuississe, vel super aquas: sicut aliquando fecit, siccis pedibus ambulasse, sed assumptæ humanitatis verā in se demonstrare valuit argumēta. Cū enim legimus Christum esurisse, sitiisse, fatigatum fuisse, nauis vehiculo trās fretasse, patriam & parentes habuisse, credimus eum verē nostrā humanitatem & infirmitatem suscepisse. Cæterum quoniam tam de diuinitate quā humanitate eius eramus instruendi, nec super aquas vadit vt Deus, nunc naue transfretat vt homo, nunc de paucis

paucis panibus multa milia pascit vt Deus, nunc esurit & sitit vt homo, nūc alios sanat vt Deus, nunc patitur vt homo. Veram verò se habere diuinitatem hic demonstrat in quatuor: Primò in alterius fidei cognitione. Vnde & hic dicitur: *Videns Iesus fidē illorū.* Possent quidē nō ex fide, sed potius ex tentatione & derisione ei paralyticū curandum offerre, sed Dominum qui scrutatur renes & corda, fallere non potuerunt. Secundò in peccatorū dimissione, vnde & dicit: *Confide fili, dimittūtur tibi peccata tua.* Vbi notandū est fratres mei, quoniā non ait Euangelista: *Videns fidem paralytici,* sed fidem illorū qui eum offerebāt. Si ergo tantū valuit paralytico fides aliena, vt mēte & corpore sanaretur, quantum putatis valet vnicuiq; fides propria? Sed dices, Nunquid homini infideli Christus peccata dimisit? Nequaquā. Sed Dominus propter fidem offerentium, fidē paralytico inspirauit: & ita credenti peccata dimisit. Tertiò se veram diuinitatē ostendit habere, in alienarū cogitationum cognitione. Vnde Scribis intra se dicentibus, hic blasphematur, dixit: vt quid cogitatis mala in cordibus vestris? Quartò in paralytici per solū imperium curatione. Sunt enim fratres mei, hic quatuor: scilicet cognitio alterius fidei, peccatorū dimissio, alienarū cogitationū inspectio, solo nutu facta sanatio, ppria solius Dei. Quæ tamē per ministros, quādo vult vt auctor operatur. Sed quoniā prima tria inuisibiliter operaturus erat, ideo per quartū visibile signū ea cōfirmat. Vnde & dicit, *Vt autem sciatis quod filius Dei habet potestātē in terra dimittēdi peccata,* subaudis & cognoscēdi fides & cogitationes cordiū: Ecce vobis hoc per visibile signū demonstro. Vnde & subdit Euangelista: *Tunc ait paralytico, Surge, tolle lectum tuū, & vade in domū tuā. Et surrexit, et abiit in domū suā.* Iuxta tropologiam, verò erudimur in hac lectione in quatuor, Primò enim in hoc q̄ Dominus nauem ascendens, transfretauit, & venit in ciuitatē suam: erudimur exēplo eius, vt nos quoq; nauiculā ascendamus, & ab huius mundi exilio ad æternā transfretemus. Nauicula quippē significat sanctam Ecclesiā, quæ quāuis in hoc seculo malignis spiritibus infestetur, quamuis tribulationum vndis cōcutiatur, quāuis nunc per prosperitatem eleuetur, nūc per aduer-

HOMILIAE

aduersitatem penè submergatur, tamè Deo regènte, & Spiritu sancto impellente, eos qui in ea sunt per fidei & charitatis unitatem, ad portū salutis æternæ transportat. Sed quod siue gemitu dicere non possum, plures sunt hodie, qui cū in Ecclesia videātur esse numero: extra sunt, merito plures, qui nolunt ad illā patriā transfricare: sed potius in huius mundi naufragio amant manere, & nolent præsentē finiti miseriam, sed tempèr hic durare. Plures etiā qui (quod grauius est) ipsam Ecclesiæ nauiculā qua possent transfricare, heresibus, cōtentionibus, insidiis, & persecutionibus persequuntur & scindunt, & quantū in ipsis est submergunt: sed ipsi ut meruerit submergantur. Nauicula verò cū fidelibus suis ad portum salutis applicatur. Transfremus ergo fratres, spe & desiderio, & tendamus in ciuitatē nostram: nostrā utiq; quoniā ut ait Apost. Iam non sumus hospites & adueniē, sed sumus ciues sanctorū, & domestici Dei: hæredes quidem Dei, coheredes autem Christi. Secundò verò, quia nō solū salutem nostram, sed etiam proximorum querere debemus: instruimur ab eis qui paralyticum in lecto iacentē Domino sanandū offerebant: ut nos quoq; infirmis, siue mente siue corpore, & cōpatiamur: & eos domino sanādos per orationē & desiderium offerāmus. Nō simus de numero illorum, qui quasi saxei vel ferrei essent, super afflictiones & dolores proximorū, nulla cōpassione mouentur, sed potius imitemur illū, de quo loquimur Iesum Christum, qui visceribus misericordiæ semper affluit super infirmos & peccatores: sicut de eo per Prophetā dicitur: Verè lāguores nostros ipse tulit, & peccata nostra ipse portauit. Imitemur etiā imitatorē eius Paulū, qui de se dixit, factus sum infirmis infirmus, ut eos lucrificarem. Et alibi: Quis infirmatur, & ego nō infirmor? Tertiò quoq; in hoc Dominus respexit ad fidem offerentiū paralyticū, instruimur quod si pro nobis & aliis supplicantes à Domino exaudiri volumus, fidem perfectam, i. per charitatem operātem habere studeamus. Impossibile est enim orationē vel aliud aliquid, sine fide placere Deo. Vnde Iacobus: Si quis indiget sapientia, postulet à Deo, qui dat omnibus affluēter, & nō impropèrat. Possulet autē in fide nihil hēsītans. Nam qui hēsitat, similis est flu-

Aphe. 2.

Rom. 8.

II/2. 13.

1. Cor. 9.

2. Cor. 11.

Galat. 4.

Iacob. 1.

est flu-

est fluctui maris, qui à vento circumfertur. Nō estimet autem ille homo se aliquid accepturū a Deo. Si ergo, nec ille qui supplicat, nec ille pro quo supplicatur, est Deo cognitus, quomodo audiuntur? Scimus enim quia peccatores Deus nō audit: Sed si quis est verus Dei cultor, hunc exaudit Deus. Quin potius si ille qui per infidelitatē vel impietatem suā est Deo odiosus, pro reo supplicare præsumat, nō solum Deus nō placatur, sed etiā exacerbatur. Itaq; fratres mei, studeamus per veram fidē nos notos & familiares Deo facere: vt ita locū intercessionis apud eum habere mereamur. Quartò etiā in hoc quod Domin' paralytico, non ob fidem suam, sed ob fidem offerentium peccata dimittit: ostendit quantum locum intercedendi habeant fideles apud ipsum, non solum pro se, sed etiam pro aliis: & quantum ipse sit pronus ad audiendū preces eorū. Vos ergo fratres, qui verē fideles estis, qui locū familiaritatis & intercessionis apud Deū obtinetis, nolite dissimulare vel negare auxilium intercessionis vestræ, reis & peccatoribus: qui etsi vos nō petant, tamen vos pro eis petere nō cōtemnatis, talentū vobis cōmissum non abscondatis: sed orate pro omnibus, orate pro singulis, quoniam Deus preces fidelium suorum spernere nō potest: sed ob preces nostras, nos qui in lecto torquentis conscientie infirmi iacemus, qui paralytici. i. membris dissoluti, & impotentes sumus: qui nec bene velle, nec bene loqui, nec bene operari valeamus, per misericordiam suā ad bene agendum erigat: vt grabbatum. i. carnem infirmitatis nostræ, possimus à vitiō subleuare, & ad cōlestē Dominum supportare: quod ipse præstare dignetur, qui cum Patre & Spiritu sancto viuit & regnat Deus per omnia secula seculorum. Amen.

DOMINICA XX. POST TRINIT.

Videte quomodo cautē ambuletis, &c. In hac lectione fratres charis. hortatur nos Apostolus vt cautē ambulemus viam mundanę peregrinationis, vt ita per eam ad eternā patriam peruenire mereamur. Sunt autē huius lectionis quatuor partes. Primò enim nos monet vt cautē ambulemus. Secundò, vt ab impedimentis temporalibus nos redimamus. Tertiò, vt non mundanę, sed spiritali ebrietati inebriemur. Quartò, vt propter Christum subie-

Ephe. 4.

HOMILIAE

Heb. 13. Si nos inuicem supportemus. Monens igitur nos Apo. vt viā huius mundi sapienter ambulemus, ait: *Videte quomodo cautē ambuletis.* Cautē fratres chariss. ambulat, qui ambulat quò debet, & qua via debet, & quomodo debet. Quo debemus, ambulamus, si ad æternā patriā toto desiderio festinamus, vt ibi videamus Deū deorū in Siō: quos nā iuxta Apo. Nō habemus hic manentē ciuitatē, sed futurā inquirimus. Semper ergo fratres, ad Christū qui nos præcessit, oculos erigamus, & qua via ipse præcessit, eū sequamur. Oculi enim sapiētis in capite eius. Via qua debemus ambulamus, si in fidei via de bono in melius proficiamus. Non enim prodest fides sine operibus habēti tēpus: nec opera sine fide. Habent enim Iudæi & Gentiles bona opera pietatis: sed quia fidē nō habent, per ea ad æternā patriā peruenire non valent. Habent fratres mei, & aliqui falsi Christiani viā fidei, sed quia malē operātur, per viam fidei nō ambulāt, imò reuertūtur. Nos ergo fratres, si per fidē ad Deū peruenire volumus, de bonis operib⁹ ad meliora nos extēdamus. Quomodo verò debemus, ambulemus, si rectē, si planē, si modestē ambulamus. Rectē, si nō declinamus ad dexterā per prosperitatē, nec ad sinistrā per aduersitatē. Planē si evitamus mōtes superbię & præsumptionis, & valles tristitię & desperationis. Modestē, si nec nimis citò, nec nimis lentē eamus. Qui enim nimis in principio festinat, ante tēpus lacescit & deficit. Quod faciunt quidam, qui in principio conuersionis suę tantum onus suscipiunt, quod ante tempus sit necesse eos deficere. Qui verò nimis lentē graditur, pigrescit, & ad metā in tempore non peruenit. Quod faciunt qui vel parum, vel nihil in operando proficiunt. Nos ergo fratres, cū moderatione de minoribus ad maiora nos extendamus, vt nunquā deficiamus: sed vsque ad perfectum proficiamus. Sed quoniam sunt quidam qui sub prætextu eleemosynę se ingerunt sollicitudinibus, & negotiis secularibus, subdit Apostolus: *Non quasi insipientes, sed quasi sapientes.*

Non prodest fides sine operibus.

Est autem hæc pars secunda, in qua Apostol. monet nos expediri & redimi à temporalibus sollicitudinibus, quas quidā insipienter amplectuntur, dicentes se hoc facere vt habeant unde erogent pauperibus. Sed Apost. vult seruos
Dei

Dei esse expeditos. Vnde ipse alibi ait: Nemo militās Deo implicat se secularibus negotiis. Vnde & hīc subiungit: *Redimentes tempus quoniam dies mali sunt.* Tempus rediit, qui vt tranquillē & pacificē transire possit, etiam de suo declinat. Vnde idem Apost. Corinthios reprehendens, quia in iudicio contendebant, ait: Quare non magis iniuriam patimini? Et Dominus in Euāgelio: Si quis, inquit, vult tecum contendere & tunicā tollere, da ei & palam. Et alibi: Si quis quod tuum est, tulerit, ne repetas.

2. Tim. 2.

1 Cor. 6.

Mat. 5.

Luc. 6.

Hoc tamen est consilium non praeceptum. Nam omni homini licet sua repetere, sed nulli cum contentione. Sub iudicio vero sua repetere, licet minus perfectis: magis verò perfectis, non licet. Diuinum ergo consilium est, vt ne aliquando in contentionem decidamus, contententi cedamus: & etiam quod nostrum est fratres mei, dimittamus. *Quoniam, inquit, dies mali sunt,* nō in sui essentia, sed in prauē vtentium malitia: qui eos quos in via huius mūdi cernunt diuinis honoratos persequuntur. Nos ergo fratres, solis necessariis sumis contenti, vt pacificē & expeditē viā latronibus & prædonibus obstitā transeamus. Hinc subditur: *Propterea estoite prudentes, intelligētes quæ sit voluntas Dei.* Vult enim Deus seruos suos contemptores esse mundi, & sic expeditē ad eum festinare. Inde est quod cupientibus ditari, gloriari, & delectari hoc seculo opponit Deus aduersarios & impedimenta: vt cum viderint se non posse prosperari in hoc seculo, ad Deum conuertantur. Vnde Dominus sub specie vxoris fornicantis loquitur ad Iudæā dicens: Sepiam viam tuam spinis, quæres amatores tuos, & non inuenies. Et dices: Reuertar ad virum meum priorem, quia melius erat tunc mihi, quàm nunc.

Osce 2.

Sequitur pars tertia, in qua, vt alacrius viam Dei pergamus, monet nos Apost. inebriari, non ebrietate mundana, sed spirituali, dicens: *Nolite inebriari vino in quo est luxuria, sed impleamini spiritu sancto, &c.* Sunt enim tres ebrietates. Prima est vinosa, secunda mundana, tertia spiritalis. Prima est vini immoderati: secunda immoderate cupiditatis: tertia abundantis charitatis. Prima igitur ebrietas mala est, quia sensus hominis turbat, mentem alienat, ad inhonesta & turpia excitat. Vinum quippē genitalia Noë nudauit, Loth filiabus suis miscuit. Væ vobis, dicit

Tres ebrietates.

HOMILIAE

Propheta, qui fortes estis ad potandū vinū, & ad miscendā ebrietatē. Ebrietas verò secūda est pessima, quia p amorē seculi sensus distubat à seruitio Dei, mentē alienat à sapientia & amore Dei, ad flagitia & facinora trahit. Hic est calix Babylonis, de quo inebriātur omnes peccatores terrarū. Tertia ebrietas est sanctissima, quia per amorē Dei, sensus retrahit ab operib⁹ malis: sensus alienat ab amore mūdiz: desiderio ad cōlestem patriā trahit. Hac sancti inebriātur. Vnde Propheta: Inebriabuntur ab vbertate domus tuę: & torrente voluptatis tuę potabis eos. Et alibi Dominus per Prophetā: Calix meus, inquit, inebrians, quā prāclarus est. Nobis igitur, fratres, in via huius mūdiz, inter aduersitates lassescētib⁹, necessariū est vt inebriemur, nō ebrietate mundana, quā facit Deum & proximū obliuisci, sed spirituali, quā faciat nobis obliuisci mundana, & toto desiderio festinare ad æterna. Impleamini ergo fratres, spiritu sancto, qui nobis in via Dei multas cōsolationes & auxilia prāstabit: quoniā ipso inspirante, etitis loquentes vobismetipsis in Psalmis: Sic faciunt viatores, quia vario sermone laborē vię alleuiāt. In via enim huius exilij, Psalmi debent esse colloquutiones & alleuiationes terrarū. Vnde & in eis cātamus, Cantabiles mihi erāt iustificationes tuę, in loco peregrinationis meę. Simus etiā cātes voce & psallentes in cordibus nostris Domino, in hymnis & canticis spiritualibus, more peregrinorū, qui superata parte laboris cantant. Est autē Hymnus, laus Dei cum cantico. Canticū verò est exultatio mentis habita de æternis, prorumpens in vocem. Spiritualis ergo ebrietas confert fidelibus in aduersis, non solū cōsolationes in psalmis, sed etiam cōgratulationes in hymnis vocalibus, & canticis spiritualibus in corde. Facit etiam agere eos gratias Deo, sicut faciunt nautę post naufragium palinodias.

Sequitur pars quarta, in qua monet nos Apostolus, vtdum sumus in via huius seculi, simus subiecti inuicē in timore Christi, vt scilicet de sola humilitate & obsequio cōtendamus: supportantes inuicē, morē viatorū: fortis debilem, leuis grauem: velox tardū. Vt impleamus illud Apostoli, Alter alterius onera portate, & sic adimplebitis legē Christi, qui lāguores nostros ipse tulit, & dolores nostros ipse portauit. Cuius timore pariter & amore, nos quoque

alio-

Psalm. 13.

Psalm. 22.

Psalm. 135.

Quid hymnus.

Gal. 6.

aliorū infirmitates debemus portare. Et si sic fratres mei, cautē ambulauerimus, si nos ab impedimentis secularibus redimerimus, si per spiritualē ebrietatē obliuiscētes tēporalia, ad æterna cum toto desiderio festinauerimus: si per charitatē alter alterius onera portauerimus, proculdubio ad æternā cū triumpho perueniemus, per Dominū nostrū Iesum Christū, qui cum Patre & Spiritu sancto uiuit & regnat Deus per omnia secula seculorum. Amen.

DOMINICA XX. POST TRINITAT.

Simile factū est regnū cælōrū hominī Regi, qui fecit nuptias suō suo. Rex iste fratres charis. Deus pater est, qui est Rex regū, & Dominus dominantīū: qui habet filiū Regem secū conregnantē: iuxta quod Psalmista ait, Deus iudiciū tuum Regi da, & iustitiā tuam filio Regis. Deus ergo Pater, filio suo nuptias fecit, quia cum nostrā sibi assumere naturā cōstituit. Et hoc nō quia ipse indigeret, sed quia nos indigebamus. Hoc enim fecit ob suā misericordiā, ut nostrā releuaret miseriā. Videte ergo tria causam nuptiarum, dotalitiū, & prandiū. Et causa quidē, est recōciliatio hominis cum Deo. Sicut enim fratres mei, frequēter uidetis, quod quando inimicitie sunt inter duas familias, coniugiū sit causa reconciliationis, inter virū vnīus familię, & mulierem alterius: ita & hīc factum est. Discordia quippe grādis erat inter Deum & hominem. Homo verō, per primam prauaricationē in hoc detrusus exilium, Deum nō cognoscebat, imo per praua opera eum impugnabat. Deus verō excelsus hominem propter inobedientiā odiebat. Quia tamen nō obliuiscitur misereri Deus, placuit ei ut suū fugitiuum recōciliaret sibi. Et vnigenitum suū huius reconciliationis mediatorem fecit, qui sibi nostram coniungens humanitatem, hominem Deo, & Deum hominī, reconciliauit. Dotalitia quoque est largitus filius Dei sponsę suę: conferens ei hic annulum fidei, & carcerarum arram virtutum & gratiarum: & pollicens, quōd si in eius amore perseueraret, daret ei dotem cœlestium prēmiorum. Prandium etiā fecit Deus in nuptiis filij sui in Ecclesia per sacramentorum communionem, apponens panem de cœlo quōd confirmat, & vinum quod legitificat cor hominis. Apponens etiā per exemplorum informationem, tauros, id est, sanctos Patres veteris te-

Mat. 22.

Psal. 71.

flamenti, qui cornu rationis referebāt. Et altitia. i. sanctos patres noui testamenti, qui pinguedine gratiarum alti, & pēna contemplationis ad cēlu subleuātur, quorū videlicet exemplis & verbis pascerentur. Apponitur autē in his nuptiis ad imitandum innocentia Abelis, iustitia Noe, fides Abraham, castitas Ioseph, miritudo Moyſi, māuetudo Dauid, patientia Iob, perfectio Apostolorū, consuetudo Martirum, sobrietas confessorum, mūltitudo virginum. Ad has igitur nuptias (teste Domino) multi sunt vocati, pauci vero electi. Nam multi sunt iuuitati & sēpē vocati, & tamē nō veniunt. Multi quoq; sunt vocati & veniūt, sed tamen exciuntur. Pauci verō sunt respectu aliorū, qui cū sponte & sponsa in aeternum epulentur. Ecce tres distinctiones.

Pono inuati & pluries vocati sunt Iudēi, nā primō inuati sunt per Patriarchas: vocati sunt postea per Prophetas & Apostolos: & tamen venire cōtēpserunt: quin potius abiit alius in uillam. i. in amorem terrenae possessionis, timens amittere locū & gentem. Alius in negotiationē suā, .i. in obseruationem suarū taxationū, praeponens eis mandatis Dei. Contra quos loquitur Psalmista: Quoniam nō cognoui, inquit, negotiationē, vel secundū aliā translationem, literaturā, introibo in potentias Domini. Reliqui vero tenuerunt seruos eius. i. Apostolos & sequaces eorum: & cōtumelias affectos occiderūt: alium lapidantes ut Stephanum, aliū decollantes ut Ioannem Baptistam, & Iacobum Zebedaei, aliū praecipitantes, ut Iacobum Alphaei, & huiusmodi. Deus autē pater iratus, missis exercitibus suis per ministrū. Romanorum, perdidit homicidas illos, & ciuitatē illorum tuerendit. Et etiam per ministerium Angelorum damnauit animas eorum & ciuitatē, id est, corpora eorum: igne perpetuo succēdit. Multi quoque vocati sunt & veniunt, sed tamen quidam eorum exciuntur. Hi sunt fratres mei, gētiles, nos uidelicet qui de exitibus uia- rum i. de diuersis erroribus idololatriae, caeterorumq; uiti- tiorum vocati sumus: & per praedicatores tā boni quā mali conuocati ad nuptias Christi cōuenimus. Vnde Psalmista. Annuntiaui, inquit, & loquutus sum, multiplicari sunt super numerum. Sicut enim in arca super numerum granorum superexcelsit numerus palearū: ita in Ecclesia super numerū electorū superexcelsit numerus reprobo- rum:

Psal. 70.

rui: in Ecclesia numero nō merito, nomine nō numine cō
 xentorum. Nusquam quippē boni soli sunt, nisi in cēlo. Et
 nusquam mali soli sunt nisi in inferno. in mūdo vero vos
 luit Dominus permixtim esse bonos & malos triplici ra-
 tione: Quoniā mali sunt cum bonis ad purgationem, ad
 probationem, ad manifestationem. Ex persecutione enim
 malorū boni purgātur à peccatis Vnde scriptū est, Quod
 caminus auro, hoc confert tribulatio iusto. Ex tētatione
 quoq; malorū, iusti in patientia, ceterisq; virtutibus pro-
 bantur. Vnde scriptum est: Beatus vir qui suffert tentatio-
 nem, quoniā cūm probatus fuerit, accipiet coronā vię. Ex
 comparatione malorū, sanctitas iustorū manifestatur cla-
 rius: Vnde spōtus in Canticis canticorū: Sicut lilium inter
 spinas, sic amica mea inter filias. Propterea fratres mei, pa-
 tienter sustinete malos: quoniā oportet iustos semper ha-
 bere, Cain & vnum Iudā, Abel quippē esse nō potest, quē
 malitia Cain nō exercet. *Intrauit autem, inquit, Rex & vi-
 derit descumbentes:* Hoc fratres mei, quonidie facit Deus,
 Quia dum in ecclesia sedemus, dum corpus & sanguinem
 suum ceteraq; sacramenta participamus, qui, quo animo,
 qua deuotione nos habeamus, discernit & speculatur: Iux-
 ta illud: Speculator astat desuper qui nos diebus omni-
 bus, actusq; nostros prōspicit. *Vidit, inquit, hominē nō ve-
 stitū veste nuptiali* Vestis nuptialis, qua discernūtur digni
 ab indignis, est charitas. Quę dicitur vestis, quia omne fil-
 gus mali excludit, & retinet oēm calorē boni. Dicitur nu-
 ptialis, quia Christus sponsus veniens sibi coniūgere Ec-
 clesiā, hac indutus venit: Hęc est tunica Christi inconsu-
 tilis, nō diuisa per odiū vel inuidiā, nec scissa per hēresim
 vel scisma. Hęc est tunica Ioseph talaris, i. perseverās, quia
 charitas nunquā excidit. Est & polimita propter virtutum
 varietatē, quę in ea continentur. Hęc & eadem est tunica
 sponse, quę adstitit à dextris sponsi, in vestitu deaurato:
 Quia vera charitas fulgore sapientię est ornata, & circun-
 data varietate virtutū. Qui hanc vestem habet: securus in
 nuptiis discūbit Non habenti verò dicit Deus, vel per scri-
 pturas, vel per predicatorēs, vel interiorem rationē. Quo-
 modo hūc intrastricū si libebus, qui ab eis es discolor per
 malitiam, & discolor per odiū, & inuidiam? Quomodo
 talis & talis ad mensam altaris, & ad cetera sacramenta ac-

Iac. 1.

Cant. 2.

Vestis nu-
ptialis.

1. Cor. 13.

Psal. 44.

cedere pręsumis? *At ille obmutuit.* Obmutescit quem propria cōscientia redarguit. Obmutescit qui siletia peccatorū suorū confusione & emendatione. *Et dixit Rex ministris suis, scilicet Angelis, ligatis manibus & pedibus, mittite eū in tenebras exteriores.* Et hoc meritò, quia noluit vitare interiores. *Ibi erit fletus & stridor dentium.* Sicut singula membra, singulis vitiis delectata sunt, ita singulis poenis cruciātur. Pedes quippè qui ad malū currebant, & manus quę scelera patrabat, igneis cathenis vinciūtur. Oculi, qui luce diuina ad malè agendum abutebantur, exterius tenebris excęcātur. Et qui in visione desiderabiliū gaudebāt & delectabantur, æternaliter flebunt. Dentes quoq; qui edacitate gaudebāt, prę nimietate frigoris stridebūt. Lingua etiam, quę detrahare & maledicere gaudebat, sicut de diuite purpurato legis, in eternū sine villo refrigerio ardebit. Gustos quoq; qui in comestationibus & ebrietatibus delectabatur, famem & sitim sicut in Euangelio, & in Apocalypsi legis, æternaliter patietur. Nares quoque qui in luxuriosis odoribus delectabantur, fetore intollerabili in eternum afficientur, in Apocalypsi enim legis de stagno ignis & sulfuris, in quod reprobi iacentur. Aures quoq; quę ad sonū cithararū & luxuriosarū cantilenarum delectabātur stridore poenarum, rugitu dæmoniorū, & vlutatu miserorum vexabūtur, sicut in Prophetis, & in Apocalypsi legitur.

Membra etiā quę luxuriosis & suauibus cōtactibus delectabātur, vermibus & incēdio in eternū puniētur. Vnde in Propheta & in Euangelio legis: Quia vermis eorū nō moritur, & ignis non exstinguitur, & sic corpora impiorum secundum omnes sensus & actus suos torquebuntur. Nichilominus & anima interius secundū passionē suas, cęcitāte & ignorantia, cōscientia mala & penitentia inutili, dolore & pudore, ira & inuidia vexabitur in eternū. Intee hęc & tanta mala (vt tradit Ioan. in Apocalypsi) optabunt miseri mortem, & mors fugiet ab eis. Pauci verò sunt electi, qui in nuptiis Christi in eternū epulabuntur. De quibus Psalmista: Nimis, inquit, honorati sunt amici tuī Deus, nimis confortatus est principatus eorū. Sed cū subiungatur, Dinumerabo eos, & super arenam multiplicabuntur, quomodo sunt pauci? quia electi, quia pretiosi, quia chari. Electi de multitudine malorum, sicut grana de multi-

multi-

Apoc. 20.

Psal. 80.

Mat. 9.

Apoc. 9.

Psal. 138.

multitudine palearum, aurū de multitudine arenarum, margarita de multitudine lapidum: Pretiosi, pretio virtutum, pretio sanctorum operum, pretio æternorū premiorum: Chari, quia amici, quia filij, quia hēresdes Dei, cohēresdes autem Christi. Cohēresdes videlicet Christi gloriæ, Christi honoris, Christi beatitudinis, & Christi gaudij. Nos ergo fratres, laboremus esse de numero paucorū electorum. Induamus charitatem Dei & proximi: vniamur ecclēsti spōso & spōsæ, sicut sacramentorū participationes iræ dilectionis & puritatis vniōne: quatenus ad æternas nuptias securi semper recumbere valeamus, largiente Deo & Domino nostro Iesu Christo, cui est honor & gloria per omnia secula seculorum. Amen.

DOMINICA XX. POST TRINIT.

Confortamini in Domino, & in potentia virtutis eius. In hac lectione fratres chariss. monet & docet nos Apostol. quomodo inimicis nostris resistere valeamus: & hoc modo. Primò monet nos cōfortari in Deo, & armari armatura eius. Secundò ostendit contra quos hostes pugnare debeamus. Tertio ostendit quibus armis possumus eis resistere, & eos impugnare. Primo ergo hortatur cōfortari nos in Deo, cū ait: Cōfortamini in domino. Ac si diceret. Fratres, nolite cōfidere in vobis, nec in aliqua re tēporali: sed in solo Deo. In quo fratres, cōfundit mūdānos homines, qui in suis vel amicorū suorū virib⁹, vel in diuitiis, vel in sapiētia sua cōfidunt, & idēdecipiūtur, & perennē. Vos autē fratres, si veri Christiani estis, in Deo, nō alio, spē habeatis, nō cōfidatis in viribus vestris. Scriptū est enim: Gigas nō saluabitur in multitudine virtutis suæ. Nō cōfidatis in sapientia vestra, quia scriptū est: Perdā sapientiam sapientiū, & prudentiā prudentiū reprobabo. Nō cōfidatis in diuitiis vestris, quia scriptū est: Qui cōfidit in diuitiis suis, corruet. Nō cōfidatis in homine, nā scriptū est: Maledictus homo qui confidit in homine, & ponit carnē brachiū suū. Nō cōfidatis in viribus liberi arbitrij, vos posse mandata Dei adimplere. Scriptū est enim: Iuravi & statui custodire iudicia iustitiæ tuæ. Sed se in hoc præsumpsisse ostendit, cū subdit: Humiliatus sum vsquequaque. Idem quoque ait: Ego dixi in abundantia mea, non mouebor in æternum. Sed auertisti faciem tuam à me, & fa-

Eph. 6.

Prouer. 22.

2. Cor. 1.

Prouer. 27.
Ierem. 17.

Psal. 118.

Esa. 29.

HOMILIAE

ctus sum conturbatus. Petrus quoq; nimis de se præsum-
psit, dicens. Et si oportuerit me mori tecum, non te nega-
bo, sed tamen negauit. Iudas quoque Machabæus dum in
solo Deo confusus est, semper victor extitit, vt autem con-
fudit in Romanis, corrui. Itaque fratres in solo Deo spem
& confortationem nostram habeamus: & cum Propheta
dicamus. Diligam te Domine virtus mea, dominus firma-
mentum meum, & refugium meum, & liberator meus.
Et illud: Mihi autem adherere Deo bonum est, & ponere
in Domino Deo spem meam. Quoniã vt scribitur. Quis
speraui in Domino & confusus est. Spes enim iuxta Apo-
stolum, non confundit. Quare autem in Domino sperare
& confortari debeamus, ostendit Apost. cùm subdit, *in*
potentia virtutis eius. Potentia est in exterioribus, virtus
verò in interioribus. In Deo verò idem est potentia & vir-
tus. Quare ergo ait: *in potentia virtutis eius*? Quoniã mul-
ti habent potentiam sine virtute. Habent potentiam exte-
rius, sed non interius. Exterius dominantur hominibus,
sed interius sibi non possunt dominari. Sunt exterius do-
mini hominum, sed interius sunt serui vitiorum. Vincunt
exterius homines, sed vincuntur interius ab ira, à cupidi-
tate, à superbia, & à cæteris vitiis. Inde est quod dominan-
tur exterius, sed sine ratione iudicant, sed sine iustitia impe-
rant, sed sine discretionem, potestatiuè agunt, sed sine mo-
destia. Ne verò aliquid tale suspicaretur de omnipotentia
Dei, adiunxit, virtutis: quoniã omnipotentia eius virtus
est. Quicquid enim agit, sapienter, iustè, fortiter & mode-
stè agit. Quomodo autem in Deo fortes esse possimus,
ostendit, cùm subdit: *Et induite armaturam Dei*.

Sequitur pars secunda, in qua ostendit Apostolus con-
tra quos hostes pugnare debeamus, cùm subdit, *aduersus*
insidias diaboli. Nō est enim nobis colluctatio aduersus car-
nem & sanguinē, subaudis tantū. Sunt enim nobis tres ini-
mici, contra quos nobis est pugnandū. Caro nostra, mun-
dus, & diabolus. De carne dicit Apostolus: Caro concupi-
scit aduersus spiritum. Est igitur colluctatio nobis, nō ad-
uersus naturam, sed aduersus vitia carnis & sanguinis. Na-
turam enim nostram non destruere, sed nutrire debemus.
siue in persona nostra, siue in proximo. Vnde Apostolus:
Nemo carnem suam odio habuit, sed nutrit & fouet eam

In

Mal. 16.

Mar. 14.

Psal. 17.

Eccle. 2.

Rom. 5.

Gal. 5.

In quo cōfunduntur illi qui naturam, vel in se, per nimiam macerationem, vel in proximo per odiū persequuntur: vel qui cōtrario propier naturam, vel suis vel alienis vitiis nimis indulgēt. Sic enim fratres mei diligenda & nutrienda est natura, vt vitia destruantur: & sic sunt vitia destruēda, vt natura nutriatur. Vitia verò carnis & sanguinis: ieiunādo, laborando, & operando superamus. Secundus hostis est mundus, id est, malitia mundanorum hominū: de quo Dominus: Si mundus vos odit, scitote quia me priorē vobis odio habuit. Et si de hoc mundo essetis, mūdus quod suum erat, diligeret, sed quia de hoc mundo nō estis, propterea odit vos mūdus. Et Ioannes: Nolite inquit diligere mundum, neq; ea quæ in mundo sunt. Quia quicquid est in mundo, aut est cōcupiscentia oculorū, aut cōcupiscentia carnis, aut superbia vitæ. Hunc hostem notat hic Apo. cūm dicit, *aduersus huius mundi rectores*. Per hunc mundum malitiam mundanorum hominū, quæ a dæmoniis regitur intelligens. Contra mundi malitiā pugnandū est per patientiā, per contemptum mundi, & desiderium celestis regni. Tertius verò hostis est malignorū spirituum exercitus, cōtra quē nos monet Apo. Petrus, dicēs: Estote prudentes, & vigilate in orationibus, quia aduersarius vester diabolus, tanquā leo rugiēs circuit, querens quē deuoret, cui resistite fortes in fide, de quo hic Apost. largius profecquitur, dicens: *Aduersus principatus & potestates, aduersus huius mundi rectores tenebrarū harū, contra spiritalia in cœlestibus*. His verbis fratres mei, malitiā malignorum spirituum exaggerat Apost. vt quantō hostes nostri sunt peiores ad nocendū, tāto efficiamur promptiores ad resistendū. Vocat ergo eos principatus, quia nec singuli, nec diuisi, nos persequuntur, sed ad exemplū sanctorum angelorum & archangelorū alij sunt maiores, alij sunt minores Principes, qui cū omnibus suis subiectis, nos vnanimiter persequuntur. Vocat etiā nos potestates, quoniam ex natura suæ originis, magni vigoris & potestatis sunt, nec homo eis resistere posset, nisi Deus malitiā eorū iuste naxet, vnde & legimus quod angelus vna nocte primogenita Aegypti occidit. Sed vt ait idem Apo. Deus fidelis est, nec patietur aliquem tentari ab eis, vltra quam potest. Vocat etiam eos rectores mundi tenebrarum harū, non qui-

Ioan. 15.

1. Ioan. 2.

1. Pet. 4.

HOMILIAE

dem mundanae machinae, quam solus Deus & cōdidit & regit: sed tenebrarū istud mundi, id est, mundanae malitię, cæcitatıs & ignorantię, quam in hominibus & per homines prauos exercet. In quo demonstrat nimia eorū calliditatē, quoniā tum ex spiritali sua origine, tū ex vsu longe experientię, viuaci callent acumine, per quod magicas artes, incātationes, fraudes, & insidias, inueniūt ad decipiēdum. Vocat etiam eos spiritalia nequitę, id est, spiritus nequitiarū. Quia enim spiritus sūt inuisibiles nobis, ideo facilius non decipere possunt, quia melius visibiles quā inuisibiles hostes cauemus. In eo autē, quod ait nequitę, innatā dæmonū notat malignitatē. Nequā enim est, qui naturaliter malitiosus est. Non quia malitia naturalis sit, sed quia vitiū pro natura inoleuit. Diabolus autē exigētibus meritis suis, ita in malitia sua est obstinatus, ut nō nisi malū velit & possit. Sēper enim vult nocere: non quod inde sibi aliquid cōmodi speret, sed quia semper nocere cōsuevit. Cōuersantur autē dæmones in cœlestibus, id est, in aëre: vnde & potestates aërię vocātur. Sed quidā eorū in aquis, alij in nemoribus, alij inter nos cōuersantur: quātō sunt nobis loco magis proximi, tātō magis timēdi.

Sequitur pars tertia, in qua ostendit Apost. quibus armis prędictis hostibus resistere valeamus, & eos expugnare. Propterea, inquit, *assumite armaturā Dei*, quę ideo dicitur Dei, quia nō ab homine, sed à solo Deo nobis confertur. *Vt possitis*, inquit, *resistere in die malo*, id est, malitię prauorū, qui nūc habent diē suū. *Et in omnibus perfecti stare*, id est, vndiq; muniti ad resistendū. Sicut autem spirituales sunt hostes: ita spiritalis esse debet armatura. Maligni quippē spiritus sagittis vitiorū machinantur nostrā vitare & vulnerare naturā, & nos ecōtrario munimine virtutū eā munire debemus. Ipsi enim inuisibiliter impugnant nos, vel per illicitā voluptatē, vel per illicitā cogitationē. Primò enim nos per illicitā voluptatē impugnat: cum voluptate, ingluie & libidine nos cupiūt vulnerare: cōtra quā Apostolus monet habere abstinentiam & cōtinentiam, cū ait: *Estote lumbos vestros præcincti*, in lūbis enim libido dominatur. Vnde Dominus loquens ad Iob de diabolo ait: Virtus eius in lūbis eius, & in Euangelio: *Sint lūbi vestri præcincti*. Cū ergo præcipit nos lumbos

accin-

accingere, iubet nos per abſtinentiã & continentiã luxuriã
refrenare. Sagittat etiã nos maligni ſpiritus tẽtationibus,
vt ita malignis cogitationibus nos vulnerent, contra quas
monet nos Apoſtolus, vt induamur lorica iuſtitie: quæ
cuſtodiat nos, ne malis cogitationibus vulnerẽmur. Porro
cõtra hæc duo vitia præcepit Dominus per Moysen, vt ſa-
cerdos lûbos cãdidis ſormoralibus, & pectus rationali mu-
niretur. Solent enim nos ſagittare in pedibus, id eſt, in af-
fectibus: vt ſcilicet ſolis terrenis nõ cœleſtibus faciant nos
inhære. Contra quos docet nos Apoſtolus ſandaliis cal-
ciari: vt ſcilicet exemplo mortuorũ iuſtorũ muniti, nõ ter-
renis inhæreamus, ſed ad cœleſtia tendamus: cũ dicit, *cal-
ciati pedes in præparatione Euangelij ſpaciũ*. Illi quippẽ ſoli
euãgelizare ſunt præparati, qui prædicto modo ſunt cal-
ciati. Solẽt etiã nos maligni ſpiritus per incredulitatẽ vul-
nerare, vt ſcilicet nos faciant, vel de pœnis reproborũ, vel
de glorificatione iuſtorum dubitare: vt ita nos faciant in
labore iuſtitie laſſeſcere. Contra quod nos docet Apoſto-
lus habere ſcutũ fidei, in quo poſſimus inimici ignea tela
extinguere: fortitudo quippẽ fidei, qua firmiter credimus
Deum remuneratõrẽ bonorum, & vindicem malorum,
extinguit in nobis iacula libidinum & concupiſcentia-
rum. Sed ſolent adhuc firmiter credentes iaculo nimij
timoris & deſperationis vulnerare. Contra quod nos mo-
net Apoſtolus galeã ſpei ſalutis aſſumere, quo caput no-
ſtrum, id eſt, fides Chriſti in nobis, & iuſtitia inuiolata ſer-
uetur. Poſtquã autem Apoſtolus muniuit nos armis pro-
tectionis, munit etiam nos gladio, quo nõ ſolũ nos de-
ſendere, ſed etiam hoſtem impetere valeamus: cũ docet
nos aſſumere gladium ſpiritus, id eſt, ſpiritualẽ: quod eſt
verbũ Dei. Gladius enim quo Deus pater aërias poteſta-
tes expugnavit, Chriſtus eſt, qui cõſtat ex manubrio & ſer-
ro: id eſt ex humanitate, per quã fide teneitur & diuinitate,
quæ quidẽ ex vtraq; parte incidit: quia corpus & animã
poteſt occidere. Hęc eſt ſecuris quę ad radicẽ arboris poſſit
ea eſt: quę non ſolũ inſtructuoſos homines, ſed etiã dẽmo-
nes dãnãt. Nihilominus & verbũ Euangelij gladius dicitur
quem ſi teneamus manu, id eſt operatione: poſſumus
in verbo & in nomine Chriſti dẽmones exorcizãdo deiice-
re & malitiã eorũ mortificare. Sed etiã malos homines ex-

Eph. 6.

commu-

HOMILIAE

communizando occidere, vel ceriè eorum malitià occideres dum per Euangelium facimus eos, peccato mori & Deo vivere. Sic itaq; fratres mei. si talibus armis muniti fuerimus, poterimus nò solù securi vivere, sed etià malinas demonum euacuare, & à faucibus eius capiuos eripere. Quod concedat nobis Deus & Dominus noster, qui in trinitate perfecta vivit & regnat Deus, p oñ secula seculorù, Amè.

DOMINICA XXI. POST TRINIT.

Erat quid in Regulus, cuius filius infirmabatur Capbar nati. Ex hac S. Euāgelij lectione fratres char avertere potestis, quàm sit homini necessaria aduersitas tēporalis: Nisi enim filius istius reguli infirmaretur, ad Christum accedere non cogeretur. Voluit ergo benignus & misericors Dominus hac de causa filium Reguli infirmari, ut sic eum ad se venire cogeret. Scriptum est enim. Cū occideret eos, quærebant eum, & reuertebantur. Sunt autē huius lectionis tres partes. Primò enim Regulus postulat à Domino, sed indiscretè: Secundo corripitur à Domino iustè: Tertiò exauditur benignè. Accedēs itaq; Regulus ad Dominum, propter infirmitatem filij postulat ab eo, sed indiscretè. Et indiscretè quidē postulat: primū in hoc quod prætermittit salutē animæ, solam corporis filio suo petit sanitatem. Si enim discretè peteret, primò animæ suæ, & animæ filij sui salutem postularet. Scriptū est enim. Primū quærite regnum Dei. Sēcundò verò in hoc indiscretè postulat, quod Dominū descendere ad sanandū filium suum rogat, quasi Dominus impotens esset alicui conferre sanitatē, nisi corporaliter præsens esset. In quo apertè demonstrat, quod eū verum Deum esse non credebat. Si enim eum verū Deum esse crederet, eum ubique per diuinitatem præsentem esse sciret. Tertiò etiā in hoc indiscretè postulat, quod postquam à Domino de incredulitate correptus est, tamē adhuc in eodem persistat, dicens: Domine, descende priusquam moriatur filius meus, ac si Dominus mortuum resuscitare non valeret. Propterea à Domino iustè corripitur. Est autem hæc pars secunda, in qua Dominus incredulitatē eius corripit, dicens: Nisi signa & prodigia videritis, non credetis. Hinc est quod alibi ab eo signum postulant fieri Iudei dicentes: Quod signum facis ut videamus & credamus tibi? Porro cum eadem possint esse prodigia & signa: tamē signa

Signa à significatione & prodigia ab admiratione dicuntur. Ea quippè opera fieri Domino postulabant, quæ essent prodigia, præter consuetum naturæ cursum admirabilia. Et signa, id est, eum Deum esse significantia. Erant enim Iudæi duri, & de numero eorum qui difficilè cōuertuntur. Quatuor quippè modi sunt, quibus diuina misericordia ad se trahit peccatores. Alium enim vocat solummodo per interiorem inspirationē, vt Magdalenam & latronem; alium per prædicationē, vt Samaritanam; alium per miraculorum ostensionem, vt Centurionē; alium per aduersitatis necessitatē, vt Paulum. Omnes tamē per interiorem illuminationē ad se trahit, secundum illud: Nemo venit ad me, nisi pater meus traxerit eum. Istū autē regulū ad se vocat per necessitatē pariter & miraculū. Per necessitatē, quia nisi filius eius infirmaretur, ad Christū non veniret. Per miraculū, quia vt ipse ait, nisi regulus signa & prodigia vidisset, nō credidisset. Contingit tamē, quod illi qui fuerūt ad cōuertendū difficiliores, sint in fide firmiores, & quāto difficilius potuerūt remoueri ab infidelitate, tāto difficilius possunt remoueri à fide, vt in Paulo apparet. Sequitur pars tertia, in qua regulus benignè à Domino exauditur, cū ei dicitur, *Vade, quia filius tuus viuit. Sane* duo postulauerat regulus à Domino, & vt descēderet, & vt filiū suū sanaret. In hoc ergo, in quo nō bene postulauerat, nō exaudit eum Dominus. In quo verò bene, & si non plenè postulauit, eū plenius audit. Descēdere quippè in domum eius noluit, ob tres causas, vt videlicet vbique se esse per diuinitatis potentiā demonstraret: vt absentem infirmum mirabiliter sanaret, vt se non esse acceptorē personarū demonstraret. Propter hoc quippè ad filium reguli etiam rogatus ire noluit, qui tamen ad seruū Centurionis sponte se iturum promisit, in quo fratres mei, confundit peruersitatem nostram, qui diuites propter diuitias suas honoramus: & pauperes propter paupertatem suam aspernamus. Qui plus pensamus in omnibus honorē secularem, quàm naturam. Super hoc eodem nos arguit Iacobus dicens: Nolite fratres habere in acceptione personarū fidem gloriæ Iesu Christi. Et enim si quis vir in vestitu candido autrē habens annulū, introierit in conuentum vestrum, dicetis: sede hīc bene. Si autē introierit pauper in sordi-

Ioh. 6.

Iacob. 2.

HOMILIAE

fordido habitu, dicetis: sta illic, aut sede sub scabellū pedū meorum. Sed si hoc peccatum est, quid est quod dicit Paulus: Cui honorem, honorem: cui vectigal, vectigal? Et alibi: Presbyteri boni duplici honore sunt digni. Sed aliud est iustificatio, aliud personarū acceptio. Iustificatio enim est reddere unicuique, quod suum est propter Deū. Vt sicut Apostolus iubet, cui honorē, honorē: cui tributum, tributū: cui vectigal, vectigal. Acceptio ergo personarū est abusus reuerētiæ ex priuata causa, vt quādo quis honorat aliquam personā non propter Deum, sed propter aliquam temporālē causam. Itaque omnes homines, inquantū sunt homines, æqualiter sunt venerandi & amandi. Boni verò magis honorandi sunt quā mali. Sicut verò homines, non sunt propter diuitias & potentias honorandi, sed propter Deum, ita, nec sunt spernendi propter paupertatem suam, sed honorandi propter Deum. Si autē declinauerint apud me vnus diues, & vnus pauper eiusdē bonitatis: debetōne eos æqualiter venerari? vtiq; si fieri potest sine scandalo diuitis. Sed quia diuites facilius scandalizātur quā pauperes, & vt ait sanctus Benedictus, ipse timor potentium sibi exigit honorem: ad euitandum peccatum scandali præferimus diuitē pauperi: cū tamen in mēto non minus pauperem diligamus, & seorsum non minus ei deferamus. Itaque fratres mei, quātum possumus redemptorē nostrum imitemur, personarūq; acceptionem euitemus, pauperes honoremus, & infirmos deuotē visitemus. In quo regulus bene, & si non plenē postulauit, cum Dominus plenos quā postulauerat, audit. Ille enim solā sanitatem filij corporalem postulabat, & Dominus dat etiam ei salutem animæ, id est, fidem. Et nō solū illi, sed etiam ipsi patri, & familiæ toti. Viso enim triplici miraculo, videlicet quia Dominus absente sanauerat, & quia solo verbo, & quia in eundē puncto in quo ibi dixit, & filiū sanauit, credidit ipse & domus eius tota. Credamus & nos in eum firmiter fratres mei, fide per charitatē operāte: eū tota deuotione diligētes, voluntatem eius nostræ præponētes, eius mandata facientes, nos immaculatos custodiētes, proximos nostros in Deo, & inimicos propter Deum diligētes, pauperes per cōpassionem & eleemosynā visitantes, terrena omnia vilipendētes, ad cœlestia toto desiderio festinātes, ipso largiente

Rom 13.

2 Tim. 2.

Acceptio
personarū
quid.

largiente qui cum patre & spiritu sancto viuit & regnat
Deus, per omnia secula seculorum. Amen.

DOMINICA XXII. POST TRINIT.

Confide de vobis in Domino, quia qui cepit in vobis
opus bonum, perficiet vsque in diem Iesu Christi, &c. Philip. 1.
In hac lectione fratres charissimi, tria facit Apostolus: pri-
mò ostendit se confidere in Deo de salute nostra: Secun-
dò ostendit quem affectum habeat erga nos. Tertio orat
nos proficere magis, vt ad præmij æterni fructum perue-
niamus. Ostendens ergo se confidere de salute nostra ait,
Confido de vobis in Domino. Non autem ait, cōfido in vo-
bis: quia maledictus qui confidit in homine, vt in præce-
denti Dominica exposuimus. Demōstrat autē in quo cō-
fidat, & de quo. In quo? in Deo. De quo? de vobis perfici-
endis. In quo dat fratres mei, exemplū nobis, vt nunquā
confidamus in amicis nostris, sed in Deo. De amicis nos-
tris nunquā confidamus in nobis, sed in Deo de nobis, di-
centes cū Psalmista: Mihi autem adherere in Deo bonum Psal. 72.
est, & ponere in Domino Deo spem meā. De quo Paulus,
in Deo cōfidis? *Quia qui cepit bonum opus in vobis, perficiet
vsq; in diē Iesu Christi.* Tria ponit Apostolus, cepit bo-
nū opus in vobis, & perficiet, & in diem Iesu Christi. Per
quæ tria notantur tres gratiæ. Prima est incipiens. Secūda
perficiens. Tertia, saluans & coronans. Per primā gratiam
iustificat Deus gratis impiū, quādo dat ei cordis cōtritio-
nem: per secundā eum perficit in bonum: per tertiā reddit
ei præmiū. Prima dicitur gratia operans. Vnde Apostolus, Philip. 2.
Deus operatur in nobis & velle & perficere. Secūda dici-
tur cooperans: vnde idē: Non ego, inquit, solus, sed gratia
Dei mecum. Tertia dicitur saluans. Vnde idem: Non ex
operibus, inquit, iustitiæ quæ fecimus nos, sed secundum
suam misericordiam saluos nos fecit. Itaque fratres, tam
prima quā secūda, & quā tertia, dicitur gratia, quia gra-
tis data. Sed primā agit Deus in nobis sine nobis: per se-
cundā agit nobiscū: per tertiā remunerat Deus in nobis
quod erat in nobis ex Deo, nō ex nobis. Vnde Gregorius:
Primò, inquit, agit Deus in nobis sine nobis, vt postea
agat nobiscū: & per immensam misericordiā remunerat in
nobis illud ac si solum processisset ex nobis. Multum ergo
stultes errant, qui putant se peccatū suum posse per se de-
serere,

Psal. 29.

ferere, qui putat se aliquid boni posse incipere per se. Contra hos loquitur Iacobus, dicens: Ecce dicitis cras ibimus in villam, & ibi faciemus annum. Et quæ est vita nostra? Vapor ad modicum parens, pro eo vi dicatis: Si voluerit Dominus, faciemus. Nihilominus & illi stulti sunt, qui in bono sibi collato se per se putant stare posse vel proficere. Unde & David: Ego, inquit, dixi in abundantia iræa non mouebor in æternum, quod inde se reprehendens, ait: Auertisti faciem tuam a me, & factus sum contritatus. Ad te Domine clamabo, &c. Similes enim sumus fratres mei, puero paruulo, qui surgere per se non potest, nisi à pædagogo erigatur. Erectus etiã nec stare potest per se, nec proficisci, nisi manu pædagogi sustentetur. Sic quoq; fratres, homo rãrens in peccato, surgere à peccato non potest, nisi à gratia Dei præueniente erigatur. Erectus etiã à peccato, nec stare, nec proficere in bono potest, nisi gratia cooperante sustentetur. Itaq; fratres mei, nostram infirmitatem cognoscamus, & nil posse nos ex nobis, nisi peccatũ, intelligamus, & oremus, dicentes: Tua nos Domine gratia semper & præueniat & sequatur, Et misericordia tua subsequatur me omnibus diebus vitæ meæ. Et ad quid? Ut inhabitem in domo Domini in longitudinem dierum. Et hoc est quod hic dicitur, *In diem Iesu Christi*. Dicitur autem dies iudicii, dies Christi: quia tunc gloriam suam manifestabit: quia tunc occulta cordium reuelabit: quia tunc fideles suos æterna luce glorificabit.

Sequitur pars secunda, in qua ostendens Apost. affectum suum erga illos: probat quia æquum est cum confidere de salute illorum, per duo: Per hæc, quia eos diligit: & quia habere eos socios in defensione & confirmatione Evangelij, de eis enim quos diligimus, & quos in bono statu videmus, de eorum perseverantia & salute in Deo confidimus. Et hoc est quod dicit: *Sicut, inquit, æquum est me sentire pro omnibus vobis, eo quod habeam vos in corde meo, in vinculis meis, & in defensione & confirmatione Evangelij, socios gaudij mei omnibus vos esse*. Ac si dicat: Sic de vobis in Deo confido, sicut est æquum me sentire pro omnibus vobis, id est, me sentiendo de omnibus vobis, confidere omnes vos esse socios gaudij mei, vel æterni, vel etiã nunc spiritualis. Et quare sic de nobis confidis? Eo quod habeam

habeam vos in corde meo per amorē, & hoc etiam in ipsis vinculis. In quo ostendit se ad eō diligere illos, quod nec etiam in aduersis potest eorum obliuisci: aduersitas enim verum amorem extinguere non potest. Eō etiam quod habeam vos in vinculis, per compassionem, & in defensione & confirmatione Euangelij: quia scilicet mecum defenditis Euangelium contra infideles, contra hæreticos, contra sophisticas cauillationes, & mecum etiam confirmatis. Prophetarum auctoritate, rationū veritate, miraculorum attestazione, & boni exempli exhibitione. Aequum vtiq; est fratres charis. vt qui in via socij sunt charitatis, persecutionis, prædicationis, socij etiam sunt in patria æterni gaudij. Hinc sumamus exemplū & nos prædicatores, etiam & vos subditi. Habeamus nos erga vos sicut Paulus erga discipulos suos. Paulus etiā in vinculis in corde suo habebat discipulos per amorem: nos quoque fratres debemus vos habere in corde nostro semper, siue quando oramus, siue quando eleemosynam damus, siue quando sacrificium altaris accedimus. Hinc est quod Dominus præcepit, quod Pontifex legalis haberet in pectore rationale inscriptum, nomina duodecim filiorum Israël, quando sacrificabat. Nos quoq; quando Patri filium sacrificamus, nomina nostra in corde nostro scripta habere debemus, orātes fidem imperfectorum confirmari, fortitudinē sanctorum magis augeri, delicta peccatorū dimitti. Econtrā discipuli Paulū tanquā patrem diligebant, & ei in vinculis assidebant per cōpassionem & subministrationem, & cum quantum poterant, in defensione & cōfirmatione Euangelij iuuabā. Ita & vos fratres, in orationibus & eleemosynis vestris debetis nos habere, nostris infirmitatibus compati, & nostris prosperitatibus congraudere, & nostrā prædicationem verbo & exemplo defendere & confirmare. Ne autem aliquis putaret Apostolū, non per varietatem hæc dixisse, sed per assentationē producit Deum in testem, dicens: *Testis est mihi Deus, quomodo cupiā vos in visceribus Iesu Christi*, id est, in Christo. In visceribus siquidem est vita, & ipsa viscera intima sunt, & in viscera nostra cibum traicimus. Ille ergo in visceribus Christi est, qui in eo viuit: qui ei per charitatem intimus est, & qui per vnionem ei incorporatur, quod maximè significatur per communionem Eucha-

HOMILIAE

ristia. Quando enim corpore Christi comunicamus, non Christus nobis, sed nos Christo incorporamur.

Sequitur pars tertia, in qua orat Apostolus eos proficere usque ad premij perceptionem, dicens. *Et hoc oro, ut charitas vestra magis ac magis abundet.* Charitas enim otiosa & frigida esse non potest: sed more ignis in altum & in augmentum se semper tendit. Sed quoniam quidam habent charitatem, sed non secundum scientiam, cum videlicet hominem diligunt, in quo cum diligere non deberent, adiungit, *in scientia*, scilicet spiritualium beneficiorum & corporalium: quia in utrisque, qui diligit verè proximum, debet eum iuvare. *Ut sitis, inquit, sincere & sine offensa.* Sinceres sunt quorum vitam nulla admixtio vanæ gloriæ vel sinistrae intentionis corrumpit. Sine offensa sunt, qui proximi infirmitatem, nec per peccatum, nec per indiscretum bonum offendunt. Idem ergo est quod ait *sinceres & sine offensa* illic, quod alibi ait: *Providentes*

Rom. 12. bona, non tantum coram Deo, sed etiam coram omnibus hominibus. Et ita fratres viventes, venitis securè in diem iudicii: & tunc eritis repleti fructu iustitiæ per Iesum Christum in laudem & gloriam Dei. Sicut stipendia peccati mors, ita fructus iustitiæ est vita æterna: qua iusti futuro erunt repleti: quia unumquemque sufficiens replebit illud modicum quod habebit: praesertim cum gloria singulorum per amorem sit communis universorum: Et hoc per Iesum Christum auctorem & remuneratorem, in laudem & gloriam Dei, vel qua Deus glorificabit in anima & corpore, & laudabit suos: vocans eos benedictos, & etiam filios: vel qua electi glorificabunt & laudabunt Deum in æternum. Iuxta illud, *Psal. 81.* Beati qui habitant in domo tua Domine, in secula seculorum laudabunt te. Cuius beatitudinis & laudationis faciat nos participes, qui in trinitate perfecta vivit & regnat Deus, per omnia secula seculorum. Amen.

DOMINICA XXII. POST TRINIT.

Mat. 18. **S**imile est regnum coelorum homini Regi, qui voluit rationem ponere cum servis suis. Quis est ille Rex, fratres charissimi, nisi Rex regum, & Dominus dominantium, qui universa creat, possidet, & gubernat? Qui rectè Rex dicitur: quoniam ita cuncta regit, quod nihil inordinatum relinquit. Et si enim mala vel in mundo, vel in inferno fieri permittit, tamen ad finem, vel misericordiae, vel iustitiæ suæ, ea dirigunt.

git. Quod enim legitur, quod in inferno nullus est ordo, de ordine renouationis intelligendū est. Non enim sicut in mundo, ita & in inferno laborū succedit requies: miserie felicitas. nocti dices: dolori refrigerium: sed cōtinuus labor, cōtinua miseria, cōtinua nox, cōtinuus ibi habetur cruciatus. Huius autem summi regis serui, sunt homines: quoniā ad hoc eos creauit vt ei seruirent, & suam facerent voluntatem. Hi autē omnes, illius sunt debitores, quoniā in multis offendimus omnes. Quæ quidem debita nobis dimitti rogamus, cū quotidie in oratione dominica dicimus: dimitte nobis dibita nostra. Ostenduntur igitur in hac lectione nobis quatuor: quomodo Deus pōnit rationem cum seruis suis, & eis cōmunicatur: quomodo promittentibus emendationem facillē miseretur: & quanta sit immisericordiæ nostrę crudelitas, & quanta sit contra nos diuinæ iustitię seueritas. Pōnit igitur Deus rationem cum nobis seruis suis: quando nos diiudicat & discernit. Sunt autem duo iudicia Dei: vnum discretionis meritorum: alterum discretionis præmiorū. Primum quotidie fit in Ecclesia, dum Deus hūc per misericordiam illuminat: illum per iustitiā exæcat: hunc facit de virtute in virtutē ascendere illum permittit de vitio in vitium ruere. Secundum iudicium fiet in extremis: quando mali ibunt in ignē eternum: iusti verō in vitā æternam. De primo dicitur: iudica me Deus, & discerna causam meam. De secūdo autem dicitur, Deus in iudicio reddet vnicuiq; secūdam opera sua: *Et oblatuſ est, inquit, vnus qui debebat ei decē milia talenta.* Decem milia talenta Deo debet, qui de decalogo non impleto satisfactionē Deo debet: quales sumus nos ferē omnes, fratres mei. Nam qui audet dicere, ego legē impleui? Hic talis offertur Deo: vel per angelos, qui singulorum merita Dei dicuntur offerre: vel per clamorem pauperū, quibus non cessauerat iniuriare. *Et cū non haberet, vnde redderet, etc.* Nihil habet peccator vnde reddat, qui nihil compunctionis, vel correctionis in se habet, vnde satisfaciāt. Hunc talem iubet Dominus venundari, & vxorem, & filios, & vniuersa quę habet, & reddi. Quoniā qui de perpetratis peccatis non vult satisfacere, iubet Deus & spiritū eius, & vxorem, id est, carnem (cuius molliēte utebatur) & filios, id est, sensus: qui ex spiritu & carne procreantur:

Duo iudicia Dei.

Mat. 25.

Psal. 41.

HOMILIAE

& omnia membra pro peccatis, æternæ pœnæ tradi, & ita dignam ultionē de eo reddi. Ecce fratres quàm terribiliter Deus minatur illis, qui nō conuertuntur. Sequitur pars secunda, in qua ostenditur quàm facilē Deus pœnitētibz misereatur, cū subdit. *Procidens autē seruus ille, rogabat eū dicens patientiā babe in me, & omnia reddā tibi. Misertus autē dominus serui illius, dimisit eū: & debitum dimisit illi.* Porro peccator intelligens pro peccatis commissis sibi gehennam parari, procidit & rogat Dominū, vt patientiā in eum habeat: & omnia reddit ei, quando peccatum suum recognoscens se humiliat: & spatium pœnitentiæ sibi dari postulat: & plenam promittit satisfactionē. Quod si fuerit vera humilitas, & vera compunctio, Deus dimittit eū: vt in melius viuat, & peccata indulget ei: Iuxta quod ipse per Prophetam ait: Nolo ego mortem peccatoris, sed vt magis conuertatur & viuat. Quis sufficiat pensare fratres mei, viscera diuinæ misericordiæ, qui ad hoc minatur asperius, vt citius parcat. Qui mox vt emēdationem ei promittimus, ipse veniam nobis præstat.

Ezech. 18.

Sequitur pars tertia, in qua nostrę misericordiæ crudelitas demonstratur, cū subditur: *Egressus autem seruus ille, inuenit vnum de conseruis suis, qui debebat ei centū denarios, & tenens suffocabat eum dicens: Redde quod debes, &c.* Porro egressus peccator ab humilitate cōpunctionis, & quasi securus factus, inuenit vnum de cōseruis suis, qui debebat ei centū denarios. Quanta differētia est inter centum denarios, & decem milia talenta, & in quātitate & in numero, tanta est differentia inter peccata quæ fecimus in Deū, & inter peccata quæ fecit proximus in nos. Ferē enim nulla sunt quæ fecit proximus in nos ad comparisonem eorū quæ fecimus in Deū. *Inuenit, inquit, vnum de conseruis suis.* Ponderus est in verbis: quasi cuius deberet magis misereri: quia plus esse misericors debet in miseros, qui ipsam miseriam expertus est. Et contra, dignus est miser redigi in miseriam, qui in miseros nō habet misericordiā. *Et tenens suffocabat eū,* id est, crudeliter & violenter exigebat. Qui enim alium suffocat, vocē ei aufert, ne possit rogare vel misericordiā implorare. Hoc faciunt quidā duri & imo misericordes, qui iniuriosis suis nō solum veniā denegāt, sed etiā à Deo denegari vellent, timentes ne implorēt vel impe-

impetrent Dei misericordiā. Et procidens conseruus ille, rogabat eū, dicens: *Patientiā habe in me, & omnia reddam tibi*. Si omnibus malefactoribus nostris dimittere tenemur, fratres mei, maximè humilitatis, & veniā postulanti- bus & emendationē promittentibus, tenemur dimittere. Vnde qui talibus nō miseretur, misericordiā proculdubio non cōsequetur. Ille autē noluit, & abiit, & misit eū in carcerem. Ille mittit debitorem suū in carcerem: qui iniurio- sum suū desiderio mittit in gehennam. Quales sunt ho die plures (vnde magis dolendū est) qui etsi nō possunt ope- re, saltē quod possunt desiderio & imprecatione, lafores suos dānant. *Videntes autem cōserui eius*, id est, angeli, vel homines religiosi, quæ fiebāt, nuntiauerunt quærimoni Domino suo quæ facta fuerāt. Nihil est enim fratres mei, quod plus exacerbet Angelos, & Sanctos Dei in nos, quā si odium obstinatum habuimus in proximos nostros.

Sequitur pars quarta, in qua ostenditur quanta sit cōtra immisericordes diuinæ iustitiæ seueritas: Cū subditur. *Tunc vocauit eum Dominus suus*. Tunc vocat Dominus peccatorē, cū ab hac vita facit eū transire ad aliā. *Serue nequam*, inquit, *omne debitū dimisi tibi*, per baptismum & poenitentiā, *quoniā rogasti me*, humiliatus per cōpunctio- nem. *Nōne oportuit & te misereri conserui tui, sicut & ego tui misertus sum*? Non enim improperebit Dominus in iudicio reprobis, eos sic peccasse: sed eos misericordiā, per quā peccata sua redimere poterant, non habuisse: & quia nō fuerūt tales erga proximos, qualis Deus extiterat erga ipsos: hæc enim & similia dicturus est Dominus reprobis in iudicio. Ego satiaui vos, quare & vos nō satiaistis me in meis. Ego vestiui vos: quare & vos nō vestistis me in meis: Ego misertus sum vobis: quare & vos non miserti estis mihi in meis? *Et iratus, iussit eū tradi tortoribus, quousq; redderet vniuersum debitum*. Iratus dicitur Deus, fratres charissimi, nō à cōmotione iræ, quæ in Deum nunquam cadit: sed à poenę irrogatione. Ira enim Dei, dicitur irroga- tio poenę transumpto nomine antecedētis ad consequēs. Iussit, inquit eum tradi tortoribus, quoadusque redderet vniuersum debitum. Hoc fiet fratres charissimi, quando Dominus tradet impios eterno supplicio cum diabolo & angelis eius simul cruciādos: quosq; reddant dignā vltio.

nem pro omnibus iniquitatibus quas fecerunt, id est, in æternū. Quorū enim vita mortua est in culpa, eorū mors uiuit in pœna. Sic, inquit, Pater celestis faciet uobis, si non remiseritis fratribus uestris de cordibus uestris. Sed dicetis, nunquid Dominus iustus iudex, peccata in baptismo vel cōfessione dimissa, iterū in inferno exiget, cū scriptū sit nō iudicabit Dominus bis in idipsum? Sed sciendū est fratres charissimi, quod peccata nō plenē dimittuntur nisi in pœnitentia & in emendatione perseuerantibus. Vnde scriptū est: Vade & amplius noli peccare. Pœnitentia quippē est cōmissa mala plangere, & plangenda nō cōmittere. Ergo eis qui in pœnitentia non perseuerauerint, omnia peccata redeunt: vel tantum pro ingratitude & incuria puniuntur, ac si perpetrata redirēt vniuersa. Hoc itaq; fratres mei, cogitemus, hoc timeamus, Proposita est nobis ueniæ cōditio: Si non dimittimus, nō dimittetur nobis: quia ut ait Iacobus, iudiciū sine misericordia fiet ei, qui non fecit misericordiā. Hoc etiā pacto in oratione dominica quotidianos cōstringimus cū oramus: Dimitte nobis debita nostra, sicut & nos dimittimus debitoribus nostris. Legimus de sancto Ioāne patriarcha Alexādrī, quod cū quidā clericus eū offendisset, cantabat quadā die Missam, cumq; cātans orationē Dominicā ad supra dictā petitionem venisset, memor querelæ quā habebat aduersus clericum, cū mandat, & per ueniā eum sibi conciliat: & tūc rediens ad propositū suū, ait. Et dimitte nobis debita nostra, sicut & nos dimittimus debitoribus nostris. Faciamus & nos similiter fratres mei. Dimittamus ut dimittatur nobis. Misericordiā faciamus, ut misericordiam inueniamus. Simus pij & clementes erga offensas proximorum, ut summum iudicem, pium & clementem nobis inuenire mereamur. Dominum nostrū Iesum Christum: qui cum Patre & Spiritu sancto uiuit & regnat in æternum. Amen.

DOMINICA XXIII. POST TRINIT.

Philip. 3. **I**mitatores mei estote, & obseruate eos qui ita ambulant, sicut uidetis formam nostram, &c. Hac in lectione fratres charissimi, quinq; facit Apostolus: primò monet eos quibus scribit, & nos pariter cum eis, ad sui, & sui similiū imitationem: Secundò ad contrariorū euitationem: Tercio ostēdit quò debeamus tēdere, & quid sperare: Quarto mōnet

monet ad perseverantiam. Quintò ad ferendū auxilium his qui pro Euangelio laborant. At ergo: *imitatores mei estote, & observate eos qui ita ambulant sicut videtis formam nostram, &c.* In quo fratres tria notanda sunt, Apostoli confidentia, quid imitatio cōferat; & in quo fieri debeat. Confidentia quippè Apostoli in hoc apparet, quod præcipit ut imitemur eū. In quo demonstrat se imitatione dignū. Et verè fratres, imitatione dignus erat, qui Christi verus imitator erat, sicut idē alibi ait: *imitatores mei estote, sicut & ego Christi.* Talis enim debet esse prædicator, qui Christum expresse imitetur, & quē minores inoffense sequantur. In quo fratres (quod sine gemitu dicere nequeo) præsumptio nostra cōfunditur, qui pastores dici volumus, & tamen veri pastoris imitatores nō sumus. Honorem diligimus, vitam nō tenemus. Vnde quid cōingit, nisi quod nos, & nostri imitatores pariter trahimus ad ruinā? Scriptū est enim: Si cæcus cæcum duxerit, nōne ambo in fossam cadunt? Vos ergo fratres, per imitationem nostri, nolite deviare: sed quod videtis in nobis reprehensibile, deuitate: & quod imitabile, imitari satagite. Habetis enim caput & ducem Iesum Christū, & imitatorē eius Paulū: quos sequentes nequaquam deviiabitis. Est autem imitatio multum efficax, siue in bonū, siue in malum. Est enim imitatio ex admiratione & desiderio exemplaris nascens assimulatio. Primum fratres, admiramur aliquam virtutē in aliquo: exinde, inardescimus desiderio ad eam adipiscendam: & incipimus quo ad possumus, eum imitari. Est autem imitatio tam in bono quàm in malo. Nam multi admirantur diuitias, honores, & glorias secularium, & inde inardescunt ad illa adipiscenda, imitātur malitias seculariū, per quas diuitiæ, honores, & gloriæ seculares adipiscuntur. Contra quos nos hortatur David: Noli, inquit, æmulari in malignantibus, neque zelaueris facientes iniquitatem: quoniam tanquam fœnum velociter arescent, &c. Item illud. Noli æmulari in eo qui prosperatur in via sua, & in homine faciēte iniustitias, &c. Vos ergo fratres, nolite mirari temporales diuitias, honores vel glorias. Si enim non admiramini, non concupietis. Hinc Poëta: Nihil admirari (subaudi temporale) propè res est vna, quæ possit sola facere & seruare beatum: Solas virtutes fratres chas-

1 Cor. 4.

1. Cor. 11.

Eph. 5.

Mat. 18.

Luc. 9.

Psal. 36.

rissimi, & bonos mores, & bona opera sanctorum imitari
 mini. Et iuxta præceptum Philosophicum, aliquando virum
 honestum vobis in exemplum assumite, ad cuius exemplum
 mores vestros regatis. Et si nunc aliquam vsquequaq; ius-
 tum & honestum inuenire non potestis, tamen quod in vno
 quoque laudabile videritis, imitamini, quod reprehensibile,
 deuitate: more pictoris, qui multas exemplares formas ante
 oculos suos habet, & quod in vnaquaque, convenientius cer-
 nit, assumit. Debemus autem fratres mei, imitari in Sanctis,
 non excellentias honorum & dignitatum, sicut fecit lucifer, &
 primus homo, qui per rapinam voluerunt rapere diuinam al-
 titudinem, & sicut Simon magus, qui pecunia voluit emere
 Apostolorum potestatem. Sed potius virtutes, ut humilita-
 tem, patientiam charitatem, ceterasque virtutes, quas Christus no-
 bis in exemplo reliquit, & quas Paulus, ceterique Apostoli in
 Christo imitati sunt. Non enim ait Dominus: Discite à me
 omnia scire, vel mundum creare, sed ait: Discite à me quia
 mitis sum & humilis corde: Et obseruate, inquit, eos qui
 ita ambulant, sicut videtis formam nostram. Forma Apostolica
 est recta fides, & recti mores. Quos ergo videmus tenere
 formam apostolicam, id est, rectam fidem, & rectos mores, eos se-
 quamur. Quos autem videmus deuiare, vel à recta fide, ut
 hereticos: vel à rectis moribus, ut falsos Christianos: eui-
 temus. Sequitur pars secunda, in qua nos docet Aposto-
 lus, quos euitare debeamus, dicens: *Multi enim ambulant,*
subaudiis, non secundum formam nostram, sed malè, quos saepe
dicebam vobis, quando eram vobiscum. Bene autem ait multos,
 quoniam multi sunt, quorum mores euitare debemus. Pauci
 verò sunt imitatione digni. Sed et nunc, inquit, *flens dico.*
 In quo fratres est notandus mirabilis affectus, & charitas
 Apostoli, quam habebat erga omnes, qui non solum fra-
 tres delinquentes, imò etiam inimicos plorabat, imitator ma-
 gistri sui dicentis. Pater dimitte illis, quia nesciunt quid fa-
 ciunt. Hoc nobis fratres in exemplum reliquerunt, quod
 nos male seruantes, inimicis nostris maledicimus, impre-
 camur, & de ruina eorum letamur, cum Iob dicat, si lætatus
 sum super inimico meo, eo quod inuenisset eum malum, quia
 si hoc & hoc mihi contingat. Quod si hoc fecerunt homines,
 qui fuerunt ante legem, vel sub lege, quid nos debemus face-
 re, qui in tempore gratiae sumus? Vincamus ergo fratres, di-
 citiam

nitia cordis nostri, & discamus inimicos nostros diligere, *psalm.*
 eorū dico naturā nō vitiū, iuxta quod David ait, perfectō
 odio oderā illos. Perfectum odiū est nō naturā odisse, sed
 vitium, *Inimicos*, inquit, *crucis Christi*. Porro inimici cru-
 cis Christi sunt, qui crucem Christi scandalum, vt iudæi:
 vel stultitiam, vt Gentiles: opinantur. Inimici etiam crucis
 Christi dici possunt, qui & si credunt Christi crucē, tamen
 eam ferre recusant: Quales, vnde dolēdum est, sumus ho-
 die nos, solo nomine Christiani, qui crucem prædicamus,
 & per crucem saluari volumus, & tamen crucem ferre no-
 lumus, carnem nostram cum vitiis & concupiscentiis non
 crucifigimus, non hīc amara pari, sed dulcia quærimus:
 non trīstari, sed prosperari. Iniurias illatas patienter non
 ferimus, sed potius malum pro malo, maledictū pro ma-
 ledictō reddimus: Cū Magister noster dicat: Qui vult
 venire post me, abneget semetipsum, & tollat crucē suā,
 & sequatur me. Et qui me erubuerit, & sermones meos,
 hunc filius hominis erubescet. *Quorum*, inquit, *finis inter-
 ritus, quorum Deus venter est, & gloria in confusione eorū
 qui terrena sapiunt.* Ordo. Inimicos crucis, qui terre-
 na sapiunt, quorum finis interitus, &c. Qui enim crucem
 Christi, vel non credunt, vel non portant, terrena sapiunt
 non cœlestia, & ideo illorū finis est interitus. Non enim
 credunt resurrectionē, vel futurum iudiciū, sed finem ho-
 minum credunt esse interitum animarū. Inquiunt enim,
 Quis est regressus ab inferis, qui nobis nuntiet aliam esse
 vitam? Moriuntur enim homines, nec resurgunt: sic fuit,
 sic erit semper: alij moriuntur, & alij nascuntur. Fallit nos
 litera, promittens nescio quæ bona futura. Sed certē stul-
 tum est perdere præsentia bona quæ videmus & tenemus,
 propter quædam bona fortē nunquam futura. Dum ergo
 viuimus, comedamus & bibamus, cras enim moriemur.
 Quod, si quidam hoc verbis non dicant, tamen se ita cre-
 dere operibus demonstrant, dum sola terrena quærunt &
 amant, gulæ & ventri satisfaciētes. *Quorum*, inquit Apo-
 stolus: *Deus venter est.* Quod enim quis plus diligit, hoc
 se colere ostēdit. Auarus colit nummū pro Deo, luxurio-
 sus Venerē, gulosus ventrē, & ebriosus vinū, Nōne enim
 ventrē pro Deo colit, qui plus ventri quā Deo obedit?
 qui plus pro ventre quā pro Deo facit? qui frequentius

Mat. 16.

Luc. 6.

Eccl. 1.

Atheor. 1.

Sep 1.

visitat coquinam quā Ecclesiam? Qui plus delectatur in odore carnum quā incensorum & orationum? Nos ergo fratres, hoc grande vitiū fugiamus, non gulæ, sed naturæ satisfaciamus, iuxta illud Philosophi. Sint epulæ, viscite famem. Et gloria, inquit, in cōfusione eorum, supple gloria quā nunc habent, erit in confusione. Gloria quippe quā nunc habent in pinguedine & nitore carnis, & abundantia pulchrorū & suauū, tunc erit in confusione eorum, Quomā iuxta librum sapientiæ dicturi sunt in inferno. Nos insensati vitam illorū æstimabamus insaniam & ecce quomodo reputati sunt inter filios Dei? Errauimus, & Sol iustitiæ non illuxit nobis. Magna fratres, erit confusio reprobis, quando amissa gloria temporali, erunt in gloriā, videntes super se eos honorari, quos habuerunt aliquando in derisum, quādo eorū omnia peccata, & omnes turpes cogitationes patebunt. Ordo etiā notātus est, Qui enim sunt inimici crucis Christi, sapiunt terrena: & ideo putāt finē interitum: & ideo indulgent ventri, & gloriæ carnis, & ex his proueniet damnatio confusionis.

Sequitur pars tertia in qua ostendit Apostolus quod credere, & quid sperare debeamus dicens: *Nostra autem conuersatio in cœlis est*: quasi diceret. Diligant alij terrena, sed nostrā conuersatio spe in cœlis est. Si enim viri Christiani sumus, mēte, ore, & opere, ad cœlū tendimus, & ibi desiderio habitamus: Et quāuis ex necessitate aliquādo tractemus terrena, tamē semper ad cœlestia mente reuertimur, & in eis cōuersamur. Per quē verū & quomodo ad ea perueniuri simus, ostēdit subdēs. *Saluator enim expectamus Dominū nostrū Iesū Christū, qui reformabit corpus humilitatis nostræ, configuratū corpori claritatis suæ.* Utinā fratres, & nos cū Apostolo hoc verū dicere possimus, quod Saluatorē nostrū expectemus. Quid enim aliud est expectare quā cum desiderio sperare? Expectāt ergo cum spiritu Dominū, qui sibi cōscij sunt hic toto corde eum diligere, eiusq; mandata implere. Alij enim eum non expectant venturū, sed timēt. *Qui reformabit*, inquit, deformatū propter peccata, corpus, ad primā, in nō maiore immortalitatem. Quia quod creatum fuit immortale, id est, potens nō mori, fiet à Domino immortale, id est, nō potens mori. Corpus dico, *humilitatis nostræ*, id est, quod modō

est

est vile, & expositū pœnæ & miseræ: Vel causalis potest esse genitiuius, quia enim nunc nos spontè humiliamus, tunc glorificabimur. *Secundū potestatē, qua sibi subiicere potest omnia.* Qui enim in primo aduentu apparuit subiectus & humilis, in secundo aduentu apparebit habere potestatē tantā, quod possit subiicere sibi omnia, id est, cœlestia, terrestria, & inferna. Cœlestia restaurādo, terrestria glorificādo, inferna dānando. Subiectā quippè tunc ostendet sibi vitā & mortē, vitā cōferendo & mortē destruēdo.

Sequitur pars quarta, in qua hortatur Apost. ad perseuerantiam. Et quia exhortationem amici magis suscipimus, quā alterius: ideo primò ostēdit affectū Apostolus quē habet erga filios prædicationis suæ. *Itaque fratres mei charissimi, & desideratissimi, gaudium meū & corona mea, sic state in Domino charissimi.* Fratres charissimos eos vocat, quoniā eos feruentissimè diligebat, nō solum propter naturam, sed propter fraternæ charitatis abundantiam, quē in ipsis erat. Desideratissimos eos vocat, quoniā eorum profectū valdè desiderabat. Gaudiū suum eos vocat, quoniā bonum quod in eis erat, erat ei causa vnde ipse gaudebat. Coronam suam eos vocat, quoniam futuri erant ei causa coronæ. Sunt autē duo posteriora, causæ duorum præcedentium. Ideò enim eos charos habebat, quia erant ei causa gaudij. Ideò eorum profectum desiderabat, quia erant ei futuri causa coronæ. Proficiente quippè discipulo, crescit merces magistro. In Paulo discant pastores Ecclesiæ, quales debent erga subditos esse. Bonum eorum charissimè diligant, eorum profectum valde desiderent de bono eorum valdè gaudeant, profectum eorū coronam suam putent. Propterea in eorum correctionem, instructionē, & exhortationem, tanquā in propriæ coronæ acquisitione semper inuigilent. *Sic state, inquit, in Domino,* sic state, sicut & ego prædicaui vobis, sicut vos suscepistis, sicut & vos incepistis. Stare firmi, sicut stetit Moses corā Pharaone: Et sicut stetit Phinees rigidus inter fornicatores. Stare firmi, vt quadrus qui in quamcunque partem cadat, stabilis stat. Superbia non eleuet vos sursum, desperatio non absorbeat vos deorsum, ventus adulationis non moueat vos à dextris, nec ventus detractionis à sinistris. Retro non moueant vos occultæ temptationes, nec ante apertæ

Nullum lo
mon ubi
dissentio
fidei & cha
ritatis.

persecutiones. Et hoc totū non in vobis, sed in Domino, qui solus lapsos erigit, & erectos confirmat. *Euchodā rogo, inquit, et Sinticē deprecor, id ipsum sapere in Domino.* Hæ duæ personæ, quia vel à cæteris, vel ab inuicē inde, vel charitate dissentiebāt, idcō monentur nominatim ab Apostolo, ut vnū idē in fide, & charitate, & cū cæteris & inter se sentiant. Nullum quippè bonū esse potest, vbi dissentio fidei charitatis est. Sequitur pars quinta, in qua monet vnā personā nominatim, & in ea cæteras, ut auxiliū serāt his qui in Euangelio laborant, dicens: *Rogo etiā te Germane cōpar, adiuua illos qui mecū laborauerūt in Euangelio, cū Clemente, & cæteris coadiutoribus meis.* Sanè cū omnes in necessitatibus suis adiuuādi sint, maximè ministri Christi & in ministerio Christi laborantes, & in cōmuni omniū salute. Sunt enim prædicatores Euangelij ministri Christi. Et etiā Euangelij Christi ministeriū est & prædicatio, cōmunis salus est. Illos ergo fratres mei, qui laborant cum Paulo, & ad similitudinem Pauli in Euangelio: vel prædicādo, vel pro eo patiēdo, maximè iuuare debetis, eos suscipiendo, & eis necessaria ministrādo, defendendo & cōmendando. Si enim redemptor noster in quolibet paupere propter causam suscipi dicitur, maximè in ministris Christi & propter causam, & propter ministerium, & propter sanctitatē suscipitur. *Quorū nomina sunt in libro vite,* per prædestinationē ascripta. Vos ergo fratres, qui nescitis prædicare vel docere, nec orationi, vel cōtemplationi, vel cæteris spiritualibus intēdere, saltem eos qui hoc possunt iuuare, suscipite, & temporalibus beneficiis sustinete. Si nō potestis esse in Ecclesia Dei, vitis, vel oliua, vel ficus, per spiritualē fructificationē, saltē estote in Ecclesia Dei vlmus, per spiritualiū virorū sustentationem. Ut sicut hic eorum coadiutores estis, ita & in futuro æternæ retributionis, cōparticipes esse mereamini. Quod cōcedat nobis vnus & verus Deus Pater, Filius & Spiritus sanctus, cui est honor & gloria in secula seculorum, Amen.

DOMINICA XXIII. POST TRINIT.

Mat. 22.

A Beantes Pharisei, consiliū inierunt, ut caperent Iesum in sermone. Duæ sunt partes huius Euāgelicæ lectionis, fratres chariss. primò enim malitia, versutiq; Phariseorū demonstratur, secundò, quomodo à Domino dis
luta

luta sit, aperitur. Primū igitur malitia Phariseorū describitur, cū dicitur: *Abeūtes Pharisei, consiliū inierūt, &c.* Si omnes veterū historias, & totū mundanæ vitæ cursum cōsideremus, fratres mei, semper inueniemus quod falsitas persequitur veritatē, malitia bonitatē, impietas pietatem. Et Deus cū sit omnipotēs & iustus, quare hoc patitur? Vt mali exigētibus suis meritis fiant deteriores: & sancti sanctiores, iuxta illud Apocalyp. Iustū est vt qui in sordibus est, sordescat adhuc: & iustū est vt qui sanctus est, sanctificetur adhuc. Multæ enim tribulationes iustorū, & de omnibus liberabit eos Dominus. Et ecōtrariō, in insidiis suis capientur iniqui. Et iterū: Foderunt, inquit Propheta, ante faciē meam foueā, & inciderūt in eam. Ecce fratres, quomodo ab initio Cain persecutus est fratrē suū Abel, in eius gloriā & sui confusionē. Esau persecutus est fratrē suū Iacob in eius gloriā & sui confusionē. Saul persecutus est Dauid in eius gloriā & sui confusionē. Idololatræ persecuti sunt Prophetas in eorū gloriā & sui confusionē, Iudæi Christū, in eius gloriā, & sui confusionem. Vnde & hīc legitur, quod *Pharisei abeūtes, consiliū inierūt vt caperent Iesum in sermone.* Vnde abeūtes? vel quò cūctes? A bonitatē ad malitiā, à vero ad falsum, à consilio iustorū ad consiliū impiorū. Et cū beatus sit vir, qui non abiit in consilio impiorū, isti ecōtrā miseri sunt, quoniam abierūt in consiliū impiorū. Ad quid? *Vt caperēt Iesum in sermone.* Quia nec in vita, nec in moribus, nec in operibus eū reprehēdere poterāt, tentāt, si vel in sermone cū capere possent. Sic fratres, adhuc quotidie mali bonis insidiantur. Cū enim pupillus, vel vidua, vel simplex aliquis aduocatū non habens in causa sua, suā simpliciter loquitur veritatē, impij eis insidiātur: vt capiāt eos in sermone, vt possint eos suis rebus spoliare. *Et mittunt, inquit, discipulos suos cū Herodianis.* Quare ipsi non venerunt? Vt per alios malitiā exercentes, ipsi innoxij viderētur. Quare vel solos discipulos suos, vel solos Herodianos nō mittūt? Vtrosq; mittunt, vt si timore mundanæ potestatis diceret contra legē, ab istis accusaretur. Et si timore istorū diceret contra secularē potestatē, ab illis teneretur. *Magister, inquit, scimus, quia verax es, & viā Dei in veritate doces, & nō est tibi cura de aliquo. Non enim respicis personam hominum.*

Apoc. 12.

Apoc. 12.

Psal. 13.

Prov. 12.

Psal. 90.

Psal. 1.

HOMILIAE

Non ex corde, sed ex dolo, sic magisterium Christi laudat, ut ita cum ad loquendum liberè pro lege cōtra secularem potestatem excitent, ut ita teneretur ab ea. Quamuis autem sinistra intentione, tamen sufficienter describunt magisterij perfectionē. In his quippè quatuor perfectio magistri cōtinetur. Primò quod sit verax in vitæ puritate: secundò quod sit verax in legis eruditione, tertio quod non sit ei cura de aliquo, id est, non sit sollicitus in curiositate rerum temporalium: quartò ne sit acceptor personarum. Sed fratres mei, pauci (vnde dolendum est) tenent hodie hanc magisterij perfectionem. Nam quidam, & si in se vitæ puritatem teneant ad exemplum, tamen non habent veritatem doctrinæ ad erudiendum. De quibus Propheta, Ipsi, inquit, sacerdotes ignorauerunt intelligentiam: qui tamen quamuis in se purè viuant, tamen quia cæci in scripturis, cæcos ducere præsumunt, simul cum eis in foueam cadunt. Alij verò sunt, qui & si rectè docent, non tamen rectè viuunt. De quibus Dominus: Dicunt enim & non faciunt. Tales, quod sine gemitu dicere nequeo, sumus nos hodie indigni prædicatores, qui vitia quæ voce damnamus, facere non erubescimus: similes candelæ ardenti, quæ aliis quidem ministrat lucis beneficium, sibi autè detrimentum. Alij autem sunt, qui & si in veritate, & viuere & docere videntur: tamen in hoc peccant, quod in rebus secularibus solliciti sunt magis quàm deberent. Quales (vnde dolendum est) nos hodie sumus, qui orationi, lectioni, contemplationi, prædicationi, cæterisque spiritualibus studiis, vel paruum vel nullam operā damus: & causa, negotiis, sollicitudinibusq; secularibus vacamus: non attendentes quod Dominus hanc sollicitudinē nobis prohibeat dicens: Nolite solliciti esse, dicentes: quid manducemus, &c. Et Apostolus: Victū, inquit, & vestitū habentes, his contenti simus. Alij verò sunt, qui & si nec hoc, nec illo vitio tenentur, tamen acceptores sunt personarū, dum palant, vel molliter, vel nunquam arguūt diuites. Et hoc propter timorem, vel propter fauorem. Vnde canes muti non valentes latrare à Propheta vocantur, & interim nimis purè corrigunt pauperes propter cōtemptum. Vnde Dominus per Prophetā: Cum austeritate, inquit, imperabatis, & cum potentia. Licet, inquiunt, censum dari Cæsari, aut

non

non? Cornuto sophismate intendunt capere Dominum. Tunc enim inter Iudæos super hoc erat cōtētio, aliis dicentibus tributa deberi Romanis, eo quod pro pace & salute omnium militabant. Aliis tributa dari Cæsari prohibentibus: eo quod in lege soli Deo seruire, & ei primitias & decimas dare iubebantur. Si ergo affirmaret tributa deberi Cæsari, doctores de lege eum accusarent: Si verò negaret, Herodianum eum tenerent. Sed Christus cordium inspector, cognita eorum nequitia, ait: *Quid me tentatis hypocritæ*. Est autem hæc pars secunda, in qua Dominus eorum insidias dissolvit. Primò duplicitatem eorum arguendo, cū dicit: *Quid me tentatis hypocritæ?* hypocritas enim eos vocat, quia in verbis ostendebant simplicitatem, & in corde tegebant duplicitatem. Sophisma eorum dissolvit, cū subdit: *Qstēdite, inquit, mihi numisma census: Et cū obtulissent ei denarium: Cuius est, inquit, imago hæc & superscriptio?* Interrogat autē quod sciebat, ut ex ipsa eorum responsione, eis concludat. Dicunt ei, Cæsaris. Reddite ergo quæ sunt Cæsaris, Cæsari: & quæ sunt Dei, Deo. Ita responsum temperat: ut nec contra legem, nec cōtra secularem potestatem dicat. In quo præcipit quod tributa potestatibus reddi debent: sicut decimæ oblationes Deo. Ipse quippè ordinavit potestates & iura regnorum. Vnde & præcepit Samuēli, ut diceret Israëlitis ius regni. Quin ipse etiā cum Petro reddidit tributum Cæsari: cū propter vitandum scandalum: tum propter exemplum, ostendens bene reddere eos qui debent, cū ipse reddidit, qui non debebat. Et Apostolus: Qui potestati resistit, Dei ordinationi resistit. Et alibi: Reddite cui honorem, honorem: cui tributum, tributum: cui vestigal, vestigal. Est enim officium iustitiæ, vpi cuiq; quod suū est, reddere: Deo religionem: sibi mundiciam, parentibus honorem, familiaribus prouidentiam, filiis correctionem, fratribus amorem, dominis subiectionem, subiectis benignitatem, omnibus æquitatem. Cū autem Cæsari sua reddimus propter Deum, in hoc etiam Deo reddimus sua, dum hoc facimus propter eius mandatum. Sicut verò Cæsari reddimus denariū eius imaginem habentem: ita Deo debemus afferre & reddere animam nostram, ad eius imaginem & similitudinem factam. Sunt autem in denario tria, imago & similitudo

Rom. 9.

et 13.

officiū

iustitiæ.

HOMILIAE

Apoc. 22. Regis inscriptio nominis, forma rotunditatis. Anima quæque est ad imaginẽ & similitudinem Dei creata, nomine suo inscripta, ut à bono bona, à Christo Christiana. Iuxta illud: Habentes nomẽ eius & nomen patris eius scriptum in frontibus suis. Rotunda, id est, perfecta creata, videlicet sine fractura vitij: & sine flexura peccati. Vnde Propheta: *Psal. 4.* Signatum est super nos lumen vultus tui Domine. Vultus Dei ratio est, per quam voluntas Dei cognoscitur: lumen, diuina gratia est, quam ratio illustrat. Hæc est signata super nos, quia quantò sumus puriores & sanctiores, tantò magis ratio illustratur, & Deo similiores efficimur. Vnde fratres, toto studio, totisque viribus ad hoc laboremus, ut imago & similitudo Dei in nobis per vitium deformata, per studium virtutum reformetur. Ac ipso in nobis operante, simus sancti: sicut ipse sanctus est. Veraces, sicut ipse verax est: misericordes, sicut ipse misericors est. Ut cum

Psal. 16. Psalmista dicamus, Tibi dixit cor meum, exquisiuit te facies mea, faciem tuam Domine requiram, ut tandem eam nobis facie ad faciem contemplari tu ipse concedas: Qui cum Patre & Spiritu sancto vivis & regnas Deus, per omnia secula seculorum, Amen.

FINIS.

ANTVERPIAE,

Typis Theodori Lyndani.

1575.









